

PAVLI IOV II  
NOVOCO-  
MENSIS  
OPERA

QVOTQVOT EXTANT  
OMNIA.

A mendis accuratè repurgata, vivisque  
imaginibus eleganter & op-  
portunè suis locis  
illustrata.



P. PERNAE TYP.  
BASIL. TYPIS,  
CIO ID LXXVIII.



OP. 1. A  
DIVO AVGVSTO  
SAXONIAE DVCI, PRINCIPI ELECTORI  
ILLVSTRISS. ET POTENTISS.

SACRI ROMANI IMPERII ARCHI-  
MARISCHALCO, &c.

Petrus Perna Typographus  
Basiliensis

HAS PAVLI IOVII HISTO-  
RIAS D. D.





D I V O  
AVGVSTO SAXONIAE DVCI PO  
TENTISS. PRINCIPI ELECTORI, &c.  
DOMINO SVO CLEMENTISS.  
S. D. P.



IRI excellentes, & quotcunque in hoc terrarum Orbe aliquid præclari gesserunt, Princeps Illustrissime, aut etiamnum gerere possunt, à cæteris plebeis hominibus, ortu ipso & nascendi ratione parum differunt. Nascimur enim ex femine & sanguine omnes: versaturq; natura omnium parens, circa hanc subiectam suo operi materiam, & in illius informatione, perinde ferè se habet, ut in producendis cæteris animantibus, quibus singillatim etiam inditum est & divinitus attributū, ut similia sibi progignere queant. Nati iam infantes si plures numero conferantur, & nudi remotis omnibus ornamentis cōsiderentur: quis dicet hunc rustici, alium verò Regis filium esse? Quis hunc summum belli Ducem fore pronuntiabit, aut virum literatissimum: illum verò effœminatum & ocio deditum? Equidem si de liberis recenter natis iudicium ferre volueris, ex ijs quæ in ipsorum corporibus solum sensu ipso percipiuntur, non modò discrimen nullum singulare comperies inter ipsos, sed neque à cæteris quidem animantibus multò magis differreprehendēs: quàm forma illa humanitatis externa, quæ foris intuentium oculis occurrit: quoniam sensu, motu, rerum utilium appetitu, & fuga eorum quæ nocere queant, à multis brutis animantibus superantur. Imò verò etiam tunc, cum ætatis progressu verba formare & loqui incipiunt, verbis ipsis atq; loquela, magnam arguunt esse hinc diversitatem à cæteris animantibus: sed rebus & actionibus latentem rationis vim nondum longo tempore demonstrant. Quoniam persequuntur etiamnum, tanquam bestiolæ quædam, non nisi res appetitui iocundas, sive salubres sint aut non, honestæ aut turpes: à periculosis autem nec propria facultate abstinere possunt, nec à prudentioribus moniti, temperare. Vsq; adeo scilicet alto somno veluti sepulta iacet rationis vis & animæ rationalis functio: sive propter humiditatem instrumenti, cui inest & quo utitur: sive etiam propter labem primorum nostrorum parentum. Hæc si ita se habent, quidnam tandem illud erit, quod primū quidem humanum genus universum ad tantam evehit dignitatem, qua cæteris animantibus imperat, ijsq; pro arbitrio utitur? Deinde, inter homines ipsos tantum efficit discrimen, ut alij alijs etiam dominari, præesse, eos rectè gubernare, aliaq; quamplurima & præclara munera obire queant? Animi cultus profectò, præterea nihil. Nam sicuti ager, quamvis natura sit fertilis, si non colitur,



## P R Æ F A T I O.

nihil præterfentes & carduos producit: ita in homine, rationalis animæ quædam facultas est, quæ natura sua ad multas præclaras actiones edendas vim habet: estq; eadem hæc in alijs hominibus etiam aliquanto quàm in cæteris præstantior: sed nisi excolatur tamen, eos fructus, easq; functiones neutiquam edere potest, quarum edendarum potestatem à natura & Deo ipso accepit. Iam verò animus noster ipsaq; mens et si rerum universalium contemplatione occupetur, & earum consideratione plurimum excolatur: non potest tamen singularibus ullo modo carere: quoniam universalia ea, quæ in mente & intellectu versantur, ex sensu rerum singularium colliguntur & desumuntur. verissima namq; videtur ea sententia, quam in scholis tritam esse audio, nihil in intellectum venire, quin prius in sensu fuerit. Quo fit profectò, ut nulum theorema universale verum sit, nisi cum rerum singularium experientia consentiat, eiq; eadem hæc experientia subscribat. Nam & doctissimi homines in ore illud habere solent, *Vsus facit artem*. Apparet ergo hinc summa artificis illius & conditoris nostri sapientia, qui hominem anima rationali præditum, & proinde aptum contemplationi universalium: quinq; insuper sensuum adminiculo auxit, ut ex ijs quæ singillatim videret, audiret, tangeret, gustaret et olfaceret, universalia theoremata formare posset, omnibus individuis communia. Omnis igitur excolendi animi ratio & via ad virtutem contendendi, ab rerum singularium sensu & experientia ortum suum et primam originem ducit. Sed eadem hæc partim ab *αὐτοψία* dependet, ijsq; innititur, quæ unusquisq; proprio intuitu cernere & experiri solet sensu proprio: cuiusmodi idiotorum plerisque contingit, qui tantum quicq; sapere consueverunt, quantum ex varijs casibus discere potuerunt, in quos incidere: & quò plura cuiq; per ætatem experiri cõtingit, tantò solent esse prudentiores & cautiores. Cæterum etsi præclara sit, difficilis tamen longaq; est hæc via ad laudem atq; virtutem contendendi: nam quia vita hominis brevis est, nemo in tot casus ante obitum incidere poterit, per quos de omnibus ijs instituatur, quæ viro excellenti atq; illustri cognitu sunt necessariae. Itaq; alia est à sapientibus invēta & excogitata ratio experiendi rerum singularium naturas, et ex eorum cõsideratione animum excolendi. Historiæ scilicet rerum quæ ab alijs gestæ expertæq; sint, quibus omnia continentur, quæcunq; ab excellentibus illustribusq; viris longa temporis serie cogitata, experta, felici infeliciq; eventu comprobata fuerunt. Harum lectione & accurata meditatione longè felicius iustituitur animus noster, & informatur ad res gerendas, quàm sola *αὐτοψία*. Nam sicuti in divitijs & opibus comparandis, cernimus eos qui proprio labore quæerunt, longo intervallo ab illis superari, quos fortuna amplis hæreditatibus cumulat: ita in excolendo recteq; informando animo censere oportet, eos longè feliciores, qui suis laboribus, aliorum etiam studia & meditationes cõiungere possunt,



possunt, quàm qui sola *αὐτοψία* imitantur. Etenim ut de cæteris nihil nunc dicamus, qui in rerū magnarum cōsultatione versantur, & de ijs deliberant, si cognitione historiæ communiti instructi q̃; sint, omniū rerū exemplis abundant: eorū causas, progressus eventusq̃; veluti ante oculos positos habent. Quas cum rebus præsentibus, de quibus iam consultandū est, quia aut similitudinē habere oporteat, aut discrimen: quis non videt illinc præsentib. rebus, quæ dubiæ sunt, tantam lucem inferri posse, ut quid ex similibus dissimilibusq̃; causis conijciendum, sperandū, metuendumq̃; sit, faciliè intelligatur? Quid igitur utilius aut iocundius existimari debet, quàm in humanæ vitæ theatro (quod Historia amplissimū suppeditat) sedentē & quiescentem, aliorū periculis cautū & sapientem fieri, exempla intueri omnis generis, quæ ad usum tuum accommodare quavis in re possis magna cum utilitate, maximorum Regum & Principū consultationibus de rebus maximis interesse, earū eventus intueri: ex retroactis futura prospicerere: & deniq; secula tota in tam brevi vitæ curriculo cōiungere: maximorū Imperiorum auspicia, progressus & finē videre: malorū tam publicorum quàm privatorū causas liquidè cognoscere, nec usquam experimēto certo destitui? Nam ut à M. Cicerone scriptū est, nihil earum rerū scire, quæ antequā nascereris factæ sunt, hoc est, semper esse puerum. Cognoscere verò res gestas memoriæ veteris, ordinē tenere antiquitatis, exemplorūq̃; omnium habere notitiam, decorū, laudabile, ac propè divinū est. Quòd si vel antiquæ statuæ partem quandoq; à sapientibus viris magna pecunia emptam esse scimus, ut & domum ea cohonestaret, & posteris, qui talem artem profiterentur, aliquid quod imitandū esset, relinquerent: quanti faciendum esse existimamus tot tamq̃; excellentium virorum, ducū, principum, regum, imperatorū, totiusq̃; adeo antiquitatis vivas illas imagines, quæ nobis in Historijs proponuntur, & ad intuendū, & ad imitandū? Intellexerunt id omnib. seculis sapientissimi & excellentissimi viri. Demetrius Phalereus sapientiss. ille Atheniensium moderator, quiq; sexaginta æreas statuas meruit, cū intelligeret Ptolemæi regis amicos minus illi audere dicere ea, quæ ad illius salutē, institutionem & animi cultū facerent: suadebat subinde regi, ut historias & libros de Republ. legeret, quod ex illis omnia discere posset, quæ illi amici demonstrare nō auderent. Athenienses Thucydidem, etsi propter certas quasdā causas urbe expulissent: cū tamen eius historiam cognovissent, eum ab exilio in urbem revocarunt. Marco Varroni historico, vivo adhuc, imago in bibliotheca publicè ab Asinio Pollione posita est. Cn. Pompeius Magnus Theophanē Mityleneum suarum rerū scriptorem, publicè in concione militū civitate donavit, omnibus, ut Cic. pro Archia testatur, id factum approbantibus. Sed omnium cæterorū loco, unum adhuc exemplum adducamus, Iosephū nempe rerum Iudaicarū scriptorem: quem unicū Deus optimus maximus vel ob hanc cau-



sam videtur ab illorum numero excepisse, adversus quos virgam suam  
 extendere decrevisset. Etsi enim adversus Romanos in eo bello dux es-  
 set, & devicta Iotapata, captivus Vespasiano traderetur, ei tamē propter  
 historię cognitionem, eiusdemq; scribendæ facultatē tam charus fuit,  
 ut eum Imperator vinculis solverit, honoribus auxerit, eius libros pu-  
 blicę bibliothecę tradiderit, eiq; tandem etiam columnam in eadem  
 bibliotheca, homini extero & peregrino posuerit. Possemus huiusmo-  
 di exemplorū multas decades hīc describere: sed ad te potius iam veni-  
 endum est, Princeps Illustris. simul & potentissime, & ostendendæ ra-  
 tiones mei instituti, cū in adornando illustrandoq; hoc Opere histo-  
 rico, tum in excudendo eodē sub tuo Illustris. nomine. Equidem cū  
 me iam olim laboribus istis typographicis emanciparem, duos mihi  
 præcipuē eorū scopos præfixeram. Primus erat, ut Theologicos libros  
 omnis generis ecclesię salutare atq; utiles, quam emendatissimē excu-  
 derem, essemq; tanquam publicus quidā notarius adversus multipli-  
 ces illos errores, qui iam olim in ecclesiam irrepsērunt, & patrū nostro-  
 rum memoria, cū alibi, tum verò in tua præcipuē ditione emendari  
 coeperunt: alter verò ut historias quoq; quantū fieri posset, illustrarem.  
 Cū enim historia, artestante nobis sapientissimo illo Romanæ Reip.  
 consule, sit lux veritatis & testis temporū: tantam semper putavi esse il-  
 lius cū sacra doctrina cognitionē, ut hæc ab illa plurimū illustretur, &  
 sine ipsa vix tutò conservari queat. Quoniam si historia careamus: neq;  
 loca nec tempora cognoscemus, quibus Deus opt. maximus populo  
 suo sese devinxit, foedus cum illo pepigit, Servatorem misit, & alia sin-  
 gillatim fecit, quibus salutis nostræ fideiq; basis continentur. Ac spero  
 equidem me hætenus per multos annos ita ad utrumq; scopum con-  
 tendisse, ut toti literarię reipublicæ laboribus meis profuerim. Nec  
 minori studio atq; diligentia deinceps utriq; studio incumbere cōsti-  
 tueram: sed quo minus id feliciter prosequi possim, impedimēto mihi  
 sunt controversiæ, quæ inter Theologos hac nostra ætate eò usq; pro-  
 gressæ sunt, ut alij aliorū dicta, scriptaq; omnia damnent, interpositaq;  
 virorū principum & rerumpub. autoritate, ne publicè vendātur (proh  
 scelus) etiam prohibent. Itaq; cedendum temporis existimavi, ita qui-  
 dē, ut intermissis ex parte aliquandiu theologicis libris, me interim to-  
 tum penē Historiæ traderem. Quamobrem cū alios multos præclaros  
 historicos his proximis annis in mea Officina excudi, tum verò hunc,  
 quem iam tibi nuncupo, Princeps Illustris. Paulum Iovium, nō excu-  
 di modò, sed cōquisitis undiq; omnibus eius, quę prius deerant, parti-  
 bus auxi, adiectisq; vivis imaginibus magno meo sumptu fabrefactis,  
 magnopere illustravi & exornavi. Causæ verò quę me permoverunt, ut  
 illud ipsum Opus sub tuo potissimū Illustris. nomine in lucē edere  
 voluerim, eadem sunt ferè, quæ me etiā ad faciendos tantos sumptus,  
 idq; opus illustrandū permoverunt. Historię huius maiestas scilicet, &



Potentia<sup>e</sup> tuę magnitudo. Nam cum Historicum qui patrum nostrorū  
 nostraq; memoria, corpore quidem Romę ut plurimū vixit: animo au-  
 tem omnes totius mundi angulos, novosq; orbes peragravit: res nō in  
 Europa tantū gestas & cognitu dignas, sed quotquot in omnib. ferē  
 provincijs mundi accidere memorabiles per id tempus mutationes:  
 ordine, dilucidē, clarē & eleganter explicavit: illi potissimum Principi  
 & patrono cōmendandum esse putavi, cuius potentia<sup>e</sup> magnitudo, fa-  
 milia<sup>e</sup> splendor, illustris sapientia, & rerum gestarum memoria latissi-  
 mē paterent. Nam ut cæterorum tuę familie principum facta dictaq;  
 hic non commemorare constitui: ita nec possum nec debeo fratrem  
 tuum Mauritium, principē æterna memoria dignissimū, omnino prę-  
 terire, qui propter insignem cū in Germania sapius, tum in expeditio-  
 ne Hungarica adversus Turcas declaratā virtutem, non exiguam huius  
 historie partem sibi vendicat, veluti id ex lectione quadragesimi secun-  
 di harum historiarū libri cuilibet patebit, & præcipuē quidem in ob-  
 sidione Pestis oppidi, ex adverso Budę urbis positi, quo loco adversus  
 Turcarum impetū ita pugnavit, ut penē solus Germaniæ decus cōser-  
 varit, & singulari virtute (et si equo deiectus) sese suosq; ab imminenti  
 periculo intrepidē liberavit. Hęc est instituti mei ratio paucis explicata  
 verbis Princeps Illustrissime: neque enim hic proposui aut res à te, tuis  
 maioribus, totaq; illa Saxonū nobilissima familia præclare gestas, aut  
 tuas ipsius singulares animi dotes singillatim decantare: nec si id maxi-  
 mē vellē conari, hoc loco atq; hoc tempore à me præstari posset, quod  
 huiusmodi res non una Epistola, sed multis voluminibus indigeant.  
 Hoc unum colophonis nomine addam: cū te Deus opt. maximus,  
 longē supra communē cæterorum S. Romani Imperij principem for-  
 tem ditasset: tibi quoq; animum dedit iustitię, pietatis & verę religio-  
 nis amantē. Cui rei attestantur sumptus illi maximi, quibus foves, au-  
 ges, semperq; fovisti & auxisti Academijs à maioribus tuis institutas:  
 ex quibus omnium scientiarū, præsertim verò iustitię & sacrae doctri-  
 nae multi insignes excultores & instauratores prodierunt. Honores au-  
 tem & præmia, quibus earundem Academiarum professores semper  
 es prosequutus, tanta sunt: ut illis excellentissimos viros ex longinquis  
 regionib. facile ad te pertraxeris. Ex quorum numero si unū Simonem  
 Simonium conterraneum meum hic nominavero, id certē fecisse vi-  
 dear, quod & viri excellentis. præstantia, & magnificentia liberalita-  
 tisq; tuę summa dignitas meretur. Faxit Deus opt. maximus, ut Celsi-  
 tudo tua, gubernandę Christianę Reipublicę quam diutissimē & feli-  
 cissimē præsit. Basileę, ex Officina nostra, Kal. Martijs.

*Illustriss. tuo nomini*

*Deditissimus & obsequentiss.*

*Petrus Perna typographus Basiliensis.*



# ANDREAS ALCIATVS

PAVLO IOVIO S. D. P.



X literis tuis tertio Cal. Septembris Romæ datis, tuam erga me benevolentiam mirificè confirmatam perspexi, quum rationum tuarum, & suscepti cōsiliij decretum benignè communices. Scribis enim te gravi iniuria permotum, Vrbe (quod nunquam fieri posse putaram) propediem excessurum, ne diutius acceptæ contumeliæ deformis testis in ea aula specteris, in qua per multos annos (uti mihi videtur) cum aureæ mediocritatis bonis planè beatus, tum studiorum tuorū authoritate clarus hætenus fuisti. Mirum profectò videri potest, quòd tibi doctrinæ ac ætatis honore maiora promerito, in petitione Pontificatus patriæ tuæ Paulus Pontifex quendā prætulit. At quem hominem? qui Comi neq; natus, neq; unquam visus sit, & qui (sicut à multis audio) ex arcanis cubiculi fordibus in lucem repentè sit productus. Quis in hoc Pontificem ἀμειβόμενον non iudicet? Non enim hostis bonarum literarum & planè ferreus esse non potest, qui te gravissimarum rerum scriptorem intempestivè contempserit. Hinc est ut arbitrer (contrà ac rebar) eum non putare sua interesse, quid de ipso hinc ad sexcentos annos (ut Cicerōnis verbo utar) historiæ loquantur. Qua in re Carolum Cæsarem Pontifice ab æquitatè iudicij sapientiorè existimare fas est, qui competitorem tuum cum multa invidia antistitem renunciatum, sacerdotij possessione indignum censeat. Ego verò te hac offensiuncula multò beatiorem factum esse puto, quòd tui ordinis personam, hoc est, non insulsi philosophi, desumpsisti, ut te diu servum honestissimo commeatus nomine tandem in libertatem vendicares. Quid enim tibi Dij aut Fortuna, quæ cuncta iure suo sibi vendicat, melius atque præstantius tribuere potuerunt, quàm ut mentem darent, qua opportunè tibi sapere ostenderes? Effregisti namque ergastulum, & fortiter compedes exuisti, ut liber exiliens apud Larium, Musæumq; tuum, literati ocij tranquillitate fruerere. Nunquam profectò vel podagra tentatus senex, tibi rude donandus esse videbare, nisi te herentem ambitiosius quàm philosophum deceret, & diu resistentem eludens Fortuna illinc abstraxisset. Sed dices te indignè deceptum ab inveterati astus sene principe, qui blandis promissis vota tua honestè concepta iniquè fefellerit. Qua in re mihi gratulor, quòd ab eo me decipi non sim passus, quū me, uti scis, magnis propositis præmijs Ticino, Ferraria, atq; Bononia in Urbem accerferet. Tum enim ex iure meo magis cautus fui, quàm tu ex sapientiæ præceptis prudēs philosophus. Cur enim pro inani aut incerta spe purpureos tantos primi suggestus honores relinquerem? opimis præsertim firmatos stipendijs? Cur has tantas contemnerem circumfusæ iuventutis salutationes? & hanc deniq; tot consultoribus ianuam pulsantibus, existimationē magno lucro, & nō obscura cum laude quæsitam, ineptè, stulteq; desererem? Quandoquidem nemo commodè se vixisse testetur, cū in aliena terra degēs, mortem à suis desertus, & miser expectet, ut eius tota suppellex ab alieno inopinatoque hærede rapiatur. Quod verò historiæ tuæ volumen COSMO Principi dicatum Florentiam deferas, ut chalcogragho tradatur, magnopere laudo proboq;. Nam incomparabilis oblectationis munus cunctis propè gentibus sic imparties, ut gloriæ tuæ incunabulis interfuturus videare, si qua tamen evenire potest ante fata meritū ingenui laboris fructum expectanti. In hac causa, quæ multos vitilitigatores habitura sit, video te cautissimè præmunitū, quando ante omnia longè optimum patronū delegeris. Est enim COSMVS inter huius ætatis Principes stabili ingenio sibi constans, sine ullo fūco veræ laudis appetens, & gloriæ maiorum suorū gravis æmulator. Propter quas dotes ego iam pridē honorario, ut iurisconsulti vocant, invitatus ad profitendū Pisano in gymnasio ad eum iturus eram, nisi inclemētis cœli oram timidius fortasse quàm oporteret, reformidassē. Quod verò ad elegantiam dignitatemq; voluminis multū pertinet, Etrusci prælii typos Venetis & Germanicis antepono: sic enim oculos meos delectāt, ut minimè fatigent. Hæc namq; æstate librū Florentiæ excusum, quæ de Vita & rebus gestis insignium virorū edidisti, multa cū voluptate percucurri: scis quā avidus sim librorū helluō, & tum maximè quū novitas excitat palatū. In his libris quod mei iudicij est, solidum dicendi genus, planeq; robustum, & verè tuum agnovi, & id nō sine erudito lepore, quo te prorsus Plutarcho Græco

æqua



æquaverim. Sed te incursurum provideo in quosdam criticos malignè curiosos, qui te castrasse Historias tuas dicāt, ut Vitas per se graciles alieno adipe suffarciores, quod & mihi accidit. Nam ex libris meis Prætermissorum, Dispunctionumq; & Paradoxorū, integras medullas in Parerga me contulisse prædicabant. Quibus uno Martialis versiculo respondebam, nihil ad eos pertinere, *De cute quid faciat ille, vel ille sua.* Superbi enim ac impudentis præscripti res est, quum quis sua re, ut lubet, bono iure uti vetatur. Quod enim flagitium esse potest, si quis ex sua lacinia sagum conficiat? Quantum autem ad Historiam pertinet, de his te amicè admonebo, de quibus coram, te expetente disputavimus, quum fortè Mediolani cum Sfondrato & Valterio eruditis senatoribus apud Bonromeum antistitem cœnassemus. Tum enim multa me dixisse recole de toto elocutionis genere, quo mediam, uti reor, inter antiquos & veteres scriptores laudem assequere. Quando perlectis aliquot Historiæ tuæ libris, reliqua etiam variarum descriptionum ornamenta commendarentur. Id autem à te præcipuè desiderabam, ut ad illud quod Græci *πρόπον* vocant, nō absurdè responderes. Sicuti in ea Oratione animadvertēbam, quæ à Marconio gregario milite, ad legiones iam planè consternatas, & ad seditionem spectantes habebatur, quum Solymano Pannoniæ finibus excedente, Carolus Cæsar Vienna profectus in Italiam rediret. In ea siquidem concione omnes artis nervos numerosque ita expressisti, ut ille Marconius nequaquam ab aratro Volaterrani agri ad signa vocatus, sed ex schola Ciceronis, & Hermogenis ad suggestum raptus esse videatur, quum passim exactæ eloquentiæ schemata interniteant, quæ peroranti turbam parère coegerint. De hoc verò & multis similibus, qui tibi sapis rectè consules. In verborum autem delectu novi mores, nova arma, novaque castrensium præsertim rerum vocabula te satis excusabunt, si cum præfatione, & parè quidem illis utare. Idcirco quosdam infœcundos, & qui vix dum subodorati literas cuncta passim condemnant, facillè contemnes. Hi enim, ut in Adagio est, *Αδωιδὸς ὁ κῆποις*, steriliores evadunt, quando sua non proferant, & aliena odiosè iudicent. hos nanque illos esse puto, quos tu in Academiam Romanam ultrò nomen dantes, urbano sale Eunuchos appellare soles, serotinis utique concurbitis similes, quæ nunquam maturescēte semine, ante medium autumnum siccata & iactata vento, cum sonitu inanes decidunt. Illi porrò qui rerum & locorum noritia gaudent, nec affectatas exornationes admittunt, non reposcent à te rationem, cur lacteam Livij ubertatem non sis assecutus: postquam & te omnino piguerit Sallustij sobrietatem imitari, & satis tibi fuerit pauculos tantum flores ex Q. Curtij pratis, sæpius quàm ex Cor. Taciti senticetis, arguta manu decerpisse. Quandoquidem C. Cæsar ipse, ut video, à purissimo Opere suo, reiectis styli bracteolis, modum contexendæ, aptisque periodis terminandæ orationis, tibi accurato & perspicaci dissimulanter ostenderit. Cæterum nos omnes supra totum Historiæ munus, quod inæstimabile censi potest, hoc uno tibi, si ingrati esse nolumus, plurimū debere fatebimur, quòd ad singularem legentium utilitatem per totum ferè terrarum orbem, Provincijs, Urbibus, Fluvijis, atque Insulis, antiqua nomina, aut corrupta ævo, aut penitus extincta reddideris. Verum de his disertius atque iocundius agemus, quum te in Musæo complectar, ad quod iam me invitas propediem ex Ticino secessurum in Buccinascum meum. Inde enim per Alciatem gentilium meorum pagum, tribus horis vel segnius multa vectus ad te pervenire possum. Tum unà piscabimur, & herclè utriq; nostrum pedibus ægro, commodius erit naviculis, quàm mulabus vehi. Tum molliores iocos feremus, licebitq; mihi tot imagines clarorum virorum collustranti meipsum aliquanto, quàm sim facie formosiores intueri. Nam, ut audio, me inter Erasimum, atque Budæum

æterni nominis viros, medium collocasti: sic ut vivus inter bonos mortuos hono-

ris causa spectet, quod uni M. Varroni in Augusti Bibliotheca

contigit. Vale. Datum Ticini Non. Octobris.

M D XIL.



PAVLI IOVII NOVOCO-  
MENSIS, EPISCOPI NVCE  
RINI IN LIBROS HISTO-

riarum sui temporis

P R A E F A T I O,

AD COSMVM MEDICVM

R. EIPVB. FLORENTINAE

Principem.



AGNOS profecto & longè honestissimos optimorum studiorum fructus, Magnanime Cosme, illi ante alios in hac vita cepisse existimantur, qui omnes ingenij facultates in id maximè opus sanctissimo fine proposito contulerunt, quo & prodesse bonis mortalibus ingenuo labore possent, & sui memoriam praeclaro literarum testimonio posteris commendare niterentur. Quando in hac vita, quam natura incertis brevis ævi angustijs humano generi præscripsit, nihil beatius esse potest, quàm nominis famam immortalibus in dicti animi monumentis, ad non incertam spem sempiternæ laudis extendisse. Hac opinione ab ipsa statim adolescentia imbutus, & post aliquot annos magis ac magis non ignobili ratione confirmatus, impellente Genio, conscribendæ Historiæ negotium suscepi. Quum animus in Philosophiæ & Medicinæ studijs Romæ docendo, agendoq; certiore aliquantò questu quàm gloria versaretur, ad idq; me laudis & famæ cupidum vehementer incitarent nostræ tempestatis res bello gestæ, quæ ab adventu Caroli Octavi Gallie regis in Italiam propter varietatem & magnitudinem tot præliorum & casuum, uberrimam ingenijs materiam præbere videbantur. Sperabam enim hunc laborem meum quadam ingenij liberalitate sponte susceptum, multò utiliorem atq; iocundiorē posteris futurum, quàm si earum artium præcepta novis commentarijs locupletare contendissem. In hoc itaq; nobile decretum pertinaci studio omnes ingenij nervos contendenti, ita boni eventus numen affulsit, ut qui res gestas nostri seculi conscribere (quod vel gravissimis atq; doctissimis viris arduum semper fuit) ausus sim: absoluto tandem Opere id in publicum edere non dubitem, magno hercè incorruptæ veritatis argumento: Quandoquidem pleriq; eorum, qui hæc bello paceq; gesserunt, adhuc vivant, ac idcirco gravi existimationis meæ cum periculo mentientem refellere possint. Sed, ut planè reor, factiosa & tetro livore contaminata ingenia occurrent, quæ vel rectè & fideliter scripta sævo dente commordeant, ubi aliquid paulò diversius ab eo, quod audierint, aut certe rudius & licentiosius dictum (id ad delicatos attinet) offenderint: sic ut nimis atrox & planè miserum scriptori videatur pro summa utilitatis, & iocunda oblectationis beneficio, ubi gratiam speret agrestis invidiæ & diræ malignitatis contumeliam referre. Verum hæc civili animo ita contempserim, ut Marcellini, Spartiani, & Pollionis collatione me consolet, qui contra Gothorum rabiem, & vetustatis iniuriam, nullo subnixi impressoria artis præsidio, quo iam planè literæ ab interitu vindicantur, hætenus vixerunt, & uti arbitror, diu etiam vivent. Tantus enim est honos Historiæ, ut vel ineptè scripta, non insulsos homines magnoperè delectet. Neque adeo sum impudens, ut procaci emulatione ad Casaris atq; Sallustij & Livij decus aspirem. Huius verò seculi scriptoribus, neque me comparari velim, quum plerique eorum nequaquam tantam, uti nos, locorum, rerum, atque hominum

noti-



notitiam, aut opulentio rem vigentis memoriæ thesaurum, quem cælo datum, et figuratis se-  
dium artificijs diligenter adauctum fate mur, ad scribendum attulerint: nec in ea luce domi-  
ciliij totius orbis, Vaticanæq; aula, ubi per triginta septē annos multa opportunaq; didicerim,  
versati sint: ut hîc omittantur optimarum disciplinarum præsidia, quibus non obscure mu-  
niti sumus. Maximorum autem Regum atque Pontificum, insigniumq; bello ducum fami-  
liaritatem ac amicitiam promeriti, ex eorum ore hæc hausimus, quæ amore vel odio nus-  
quam distracti, fidei literarum memoria mandavimus. Ad id quoque explendum munus  
mirificè me adiuvit, principes dominos in provincias ad bella secutum, castra, acies, prælia,  
expugnationes urbium, campos in victoria cadaveribus stratos, admirandaq; obiter utrius-  
que Fortune militaris exempla spectavisse. Cæterum hoc qualecunque est opus, si non  
felici, ingenuo certè labore ad spem promerenda saltem apud posteros honestæ laudis susce-  
ptum, tibi iure optimo dicamus: vel ob id præcipuè, quòd leto quodam auspicio aspirante  
Leone, in maiorum tuorum domo, quæ præcellentium artium celebre domicilium semper  
fuit, inchoatum elucubratumq; est. Nec dubito quin decora progenitorum tuorum vestigia  
secutum, magno mihi præsidio sis futurus, postquam eadem musarum studia, quæ familiam  
tuam ad civitatis principatum, indeq; ex geminato & propè coniuncto summo pontificatu.  
ad celsissimum rerum fastigium extulerunt, religiosè & liberaliter colis, totq; Etruriæ ur-  
bes & Florentiam patriam summa æquitate, sapientia, pietateq; gubernes, ac domesticam  
insignis aule atque familiæ disciplinam, ad incorrupti pudoris decus multò quàm alijs lucu-  
lentiùs atque splendidius tueare. Id verò in te Principe admirabile prorsus ac inusitatum  
conspicimus, quòd in hac numerosa decoraq; prolis felicitate, una prorsus

tua virtute, quam ipsa Etrusci Imperij fortuna,  
maior atque beator evadis,

V A L E.



PAVLVS IOVIVS.





I  
PAVLI IOVII NOVO-  
COMENSIS, EPISCOPI NVCERI-  
NI HISTORIARVM SVI  
TEMPORIS

LIBER I.

10 **Q**VIESCEBAT TERRARVM ORBIS NVLLIS  
bellorum procellis agitatus, ac in primis Italia quassata  
paulò antè intestinis malis, optima pace florebat, quum  
bellum opinione hominum maius ac atrocius in Italia e-  
xarsit: quod postea Europam non modò omnem, verum  
Asiæ atque Aphricę longinquas partes concussis, vbique  
vel euerfis clarissimarum gentium imperijs, paucorum  
annorum curriculo perturbavit. Quin et peruagata quo-  
que est eadem fatalis bellorum lues quicquid terrarum Oceano alluitur, inco-  
gnitosque antea populos nobis aperuit: ad quos neque Romana virtus, neq;  
vllæ prisca literę penetrarant. Ita vt his quinquaginta annis, in quos vniuer-  
20 sa confertur historia, nihil reliquum tot cladibus afflictò terrarum orbi Mars  
& Fortuna fecisse videantur, quum remotissima quæq; prouinciarum ab ortu  
solis ad occasum, per ipsos etiam paulò antè fabulosos Antipodas bello tacta  
suo, vel externo cruore maduerit. Sed prius quàm tantarum rerum initia me-  
morix prodantur, vt omnia ad cognoscendum clara atque illustria in aperto  
sint, opere pretium erit, quę nam gentium opes, quęue reges nostra tempesta-  
te floruerint, ordine recensere. Nam postquam Cæsarum potentia Fato cessit,  
quæ quondam sublatis vndiq; regibus, cuncta vni parere coegerat, quum fero-  
cissimi quiq; populi pristinę libertatis memoria rebellarint, nobilissimum im-  
perium, alio atq; alio Barbarorum impetu conuulsum atq; dilaceratum, in mi-  
30 nora regna & multorū ditionem abisse manifestum est. Fuere exinde res Go-  
thorum maximè illustres, qui vt totius orbis iniurias vlcisci viderentur, egre-  
gijs virtutis atq; amplitudinis Romanę monumentis immani rabie deuasta-  
tis, vni hominū, de victore gentium populo triumpharunt. Athila quoque  
Hunnorum imperator, quum à Riphæis montibus ad Pyrenæos cuncta rapi-  
dissimi torrentis more prostrauisset, insignem rerum ab se gestarum memo-  
riam reliquit. Fuit et longè memorabilis Gallorum expeditio, qua Gottifre-  
dus Bolionius pietate & virtute bellica insignis, supra quadringenta millia vo-  
luntariorum militum Syria terrestri itinere petita, ad condendum Hieroso-  
lymitanum imperium adduxit. Claruere multis inde annis et Scytharū arma,  
40 Tamerlanis maximè ductu, quibus Armenia, Syria atq; Aegyptus aliquando  
cesserunt. Sed nec postea Gothorum Hunnorūue, aut Gallorum, vel Scytharū  
alienis in terris diuturna fuere imperia. Nam sicuti ab initio ea bella vehe-  
mentes & repentinos impetus habuerant, ita non multò post quum nullis cer-  
tis opib. inniterentur, breui temporis spacio consenuerunt. Certatumq; subin-  
de est minore aliquanto sequitia, vsq; ad patrum nostrorū memoriā, quum &  
suis terris redditæ nationes, ac frequentes, atq; ob id inualidi vbique terrarum  
nouī reges, qui sibi armis atq; virtute regna pepererant, ad prolatandos fines



nec ingenti apparatu, nec ullis paulo acerbioribus odijs inter se dimicarent. Sæpeque accidit, sicuti naturæ humanæ variantis vicissitudo semper tulit, ut dum aliquæ nationes post longa bellorum incommoda, parta pace fruerentur, aliæ atque aliæ, quæ paulo ante conquieuisent, externis aut ciuilibus bellis deflagrarent. Sed his annus qui fuit à partu Virginis quadringentesimus nonagesimus quartus supra millesimum, lætissimam pacem, qualem ab Augusto nulla maiorum grætas antè meminerat, vniuersis gentibus dedit. Verùm ea mox, quæ primo aspectu secunda ac florens bona spe tranquillitatis, atque opulentia mortales impleuerat, portento similis, quod vastitatem terris denunciaret, in omnes prouincias maximè atrox, et diuturnum bellum diffudit. Regnabant tum ad Orientem tres maximè reges, amplitudine imperij, & claritate rerum gestarum ferme pares, Baiazetes Turcarum Imperator, Caytbeius Ægypti, Syriæque Sulthanus, & Iacuppus in Persis magni Afsimbei cognomento Vsumcassani filius. Baiazeti quicquid Euphrate & Amanio monte Cilicioque mari, ac Euxino continetur, Græciaque omnis, Thracia et Mœsia cum Illyrici parte, et ad Istrum late omnia per Pontum usque ad Theodosiam Tauricæ Chersonesi emporium parebant. Huius ante alios finitimis formidandæ opes erant: nam ingentes equitum ac peditum copias virtute ac disciplina firmissimas, certis semper bello pacisque stipendijs alebat: quibus et Amurathes auus, et pater Mahometes paulo antè tantum sibi ditionis et gloriæ peperissent. Verum Baiazetes, ut erat ingenio mitis, ac religioni philosophiaque studiis intemperanter deditus, post deuictum pulsumque Alia Gemem fratrem, qui res nouas in Bythinia atque Cilicia molitus fuerat, pacatis circum omnibus finitimis, quiete atque ocio fruebatur. Caytbei autem imperium à Cyrenis finibusque Aphricæ per oram ad Isycum sinum, qui Ciliciam à Syria disiungit, et introrsus hinc ad Euphratem et Desertæ Arabiæ terminos, illinc ad uerso Nilo usque ad arenarum solitudines, et leuam dextraque per Arabicum sinum ad Erythreas angustias extendebatur. Fuit Caytbeius natione Cercassius, et conditione seruus, ceterum bello acer, et virtute magnitudineque animi maximorum regum nemini secundus. Is ut tum in Ægypto seruorum tyrannide oppressa mors erat, Mamaluchorum suffragijs regnum adeptus plurima ac difficillima bella singulari felicitate confecit. Nam et Baiazetis ingentes copias, Chersogle eius genero fortissimo duce capto, ad Tarsum late ceciderat: et Afsimbei Regis, qui è Mesopotamia BIRTHA vrbe in Euphratis ripis occupata, Syriam inuadebat, conatus infregerat. domuerat utramque Arabiam, & seruile bellum oppresserat, quonullum periculosius fuit, quam innumerebiles subserui Æthiopes, coniuratione facta, captis armis ad delendos Mamaluchos in unum ex repentina fuga coiuissent. Porro Iacuppus in maiore Armenia, Media, Perside, Mesopotamia atque Assyria rerum potiebatur vir belli audax, sed Vsumcassano patre, à quo regnum acceperat, virtute atque fortuna inferior, ut qui nulla re memorabili gesta, impudicæ uxoris fraude perierit, scilicet, ut regnum Hismaeli Sophororis filio, qui demum terrarum orbem nominis sui fama compleuit, inuadendum occupandumque relinqueret. Afsimbeius enim pater Magni cognomine dignus, Hyberos & Hyrcanos Caspij maris accolæ Armeniæ finibus imminentes cladibus illatis longè summouerat, & pulso Mahomete Baiazetis patre duobus secundis prælijs Ottomannorum opes attriuerat: sed plenior rei bellicæ gloriam fuisset adeptus, nisi ad Arsengam, dum

tertio



tertio summi certaminis fortunam periclitatur, multitudine tormentorum expugnatus infelici exitu superiores victorias corrupisset. Aphricam ab Ægypti finibus ad Atlanticum Oceanum multi reges obtinebant, omnes infirmis opibus & bello ignobiles: cum his Getuli & Numidæ aliique populi mediterranea Aphricæ colentes, qui vno nomine Arabes hodie nuncupantur, continuè per latrocinia, & repentinas incursiones bella gerunt. Gens etenim nullis certis sedibus assueta mutando loca atque euagando cuncta populatur: ac tum maximè Aphris acre bellum incumbit, quum maturas in agris segetes tutari oportet aduersus Arabum iniurias, qui vt alieni laboris fructus intercipient, ex

1<sup>o</sup> insidijs & summis aliquando viribus messorum oppidanorum præsidio confirmatos adoriuntur. Inter tot reges Mahometes, qui ad Tuneta supra Carthaginem regnabat vbertate agri, diuitijs atque autoritate longè clarissimus habebatur: quanquam & Fessano regi Mauritaniæ Tingitanæ, atque item finitimo regi Marochio ad Atlantem ac Oceanum permagnis equitum copijs valido opulentæ regiones pareant. Sed eminet Tunetanus, quum ab eo sacra petantur. At circa fretum Herculeum Hispania omnis, præter exiguum veteris Lusitaniæ partem, quatum Ioannes rex Portugalliæ potiebatur, cum ipsa etiam Sicilia atque Sardinia, & Balearibus in ditionem Ferdinandi concesserāt. Is è Tarraconensi, vbi tum Ioannes pater imperabat, in vltioris Hispanie

2<sup>o</sup> regnum, quod Elisabellæ vxoris dotale fuerat, transgressus, Lusitanos prouinciam suam inuadentes, aliquot prelijs superatos expulerat. Nouissimè autem quum Maurorum imperium in Bæthica opulentum & florens continuis decem annis ab se oppugnatum, eiecto rege, & tota gente deuicta, funditus evertisset, tantam bellicæ virtutis atque prudentiæ opinionem apud omnes adeptus est, vt nemo illi Christianorum regum vel altitudine ingenij, vel industria, vel rebus gestis conferendus esse videretur. In Gallia autem longè lateq; imperabat Carolus eius nominis octauus: qui tametsi neque manu neque consilio multum valebat, tamen, vt mox dicemus, amplissimis maximi atque opulenti regni viribus innixus, viginti trium annorum adolescens, & pacem in

3<sup>o</sup> Italia euertit, & rem Gallicam, quæ nobis erat obscurior, armis atque ausu plurimum illustrauit. Britanniam verò ab ea parte quæ continentem Gallie prospicit, atque alio nomine Anglia nuncupatur, Henricus septimus bello & pace insignis, ac in primis auri ditissimus obtinebat. Scotis autem qui extrema insulæ ad Caledoniam syluam & Orcadicum Oceanum incolunt, Iacobus Stuardus paternæ cædis scelere, ac ipso postea vitæ exitu infelix, dominabatur. Belgæ, Batauique & Burgundi, Heluetijs et Tulingis proximi, post Carolum Belgarum principem in Mediomatricibus ad Nansim cum exercitu ab Heluetijs cæsum, Philippo Maximiliani Cæsaris filio parebant. Ipse Cæsar totius Germaniæ imperio potiebatur, ita vt eius nomen in honore sit, sed non inania iu-

4<sup>o</sup> bendi iura, veræque opes apud liberas ciuitates censeantur, quæ mutuo fœdere consociatis viribus septuaginta vrbiū in signium numerum implent, atq; vno consensu insuperabiles libertatem defendunt. Cæterum Maximilianus multarum virtutum laude inclytus, se ipso maior haberetur, nisi Fortuna quæ pulcherrimis iuuentæ cœptis adfuerat, postrema eius consilia & nouissimos conatus penitus elusisset. In Pannoniæ regno Matthia Coruino vita functo, qui gloria clarissimis belli pacisque artibus quæsitæ, omnes eius ætatis reges superauit, Vladislaus rex Bohemorum successerat. In Polonia verò Alexan-



der, eodem quo & Vladislaus Casimiro patre genitus imperabat. Fuit hæc o-  
lim Sarmatia, quæ nunc ab Odera flumine, id in Venedigum sinum decur-  
rit, ad Borysthenem vsque & Rosolanorum fines extenditur. Supra Tanaim  
& Boristhenis fontes ad Boream, Moschi Scytharum finitimi, latè omnia te-  
nent, attinguntque Volgam amnem, Rha ab antiquis nuncupatum. Moscho-  
rum tum rex erat Ioannes Basilius sanè Christianæ religionis cultor egregius,  
nisi Græganicos ritus qui minus ab Romano pontifice probantur, pertinaci  
superstitione sequeretur. Is equitatu maximè abundat, et cum Polonis & Scy-  
this continenter bella gerit. Supra Moschos, qui hodie Moschouitæ appellan-  
tur, ab Aquilone ad occasum tendentibus Suetia occurrit, ignota quondam  
Romanis scriptoribus. & huic proxima, nostroque malo clarior Gothia, quæ  
circumfluo & restagnante Oceano munita est. Ultra verò Suetiam Norue-  
uegia longissimo tractu portenta ad Chaledoniæ maris terminos ingentem si-  
num efficit: atque inclusis innumerabilibus insulis, contra vltimum Cimbri-  
cæ Chersonesi promontorium irrumpente demum Oceano recuruatur, &  
Daniæ regna concludit. De natura eius terræ, atque his gentibus, quæ supra  
Noruegios existunt, Ichthyophagis atq; Pygmeis nuper repertis, apud quos  
certa cæli ratione per coniunctas inter se noctes & perpetuos Soles, totus an-  
nus alterna varietate reuoluitur, suo loco memorabimus. In Italia autem ea  
tempestate Veneti & magnitudine opum, & diuturnitate imperij, & rebus  
terramarique feliciter gestis summam authoritatem obtinebant. Vrbs eo-  
rum ampla atque magnifica, mercaturæ & rei naualis studio à paruis initijs  
creuit. Sed ea propter incredibilem situs munitionem, ante alias & beata &  
admirabilis existimatur, quod interfluentis Hadriæ paludibus cincta, nullis-  
que ob id opportuna hostium iniurijs, veteres thesauros domestica in pace cu-  
mulatos periculosis etiam temporibus conseruarit. Nulli etenim à terra ad-  
itus, intercedente quadraginta stadiorum pelago, nulli penitus à mari ingres-  
sus propter cæca atque humilia vada, vsu tantum indigenis nota, aut ingruen-  
tium barbarorum auaritiæ, aut magnis ab alto classibus patuerunt. Veneti ho-  
mines in vniuersum consilio sunt graues, seueri in iudicijs, & in aduersa rerum  
fortuna constantes, in altera nunquam immodici. Omnibus quum idem  
sit conseruandæ libertatis & augendi imperij incredibile studium, in senatu  
liberè & sæpius acerrimè sententias dicunt: nec quenquam temerè ex optima-  
tibus, qui vel insigni virtute, vel spiritu in gerendis rebus cæteris antecellat,  
nimio plus crescere, vel collecta gratia potentem & clarum fieri patiuntur.  
Quibus institutis, dum seruitutis metu, aliena virtute quàm sua, terrestri in  
bello vti longè vtilius & tutius putant, togati omnes per octingentos amplius  
annos rempublicam nullis ferè intestinis seditionibus exagitatam administra-  
runt. Ceterum ipsa nobilitas totius maritimi negotij et naualis discipline mu-  
nera nauiter implet, exutisque togis arma desumit. Paruere eis ab initio, quo  
tempore maximè classibus valebant, Istri, Liburni, Dalmatiæ atque Illyrici  
ora: multæ item nobiles Græciæ vrbes, cum Eubœa Cretaque insulis: Mox  
transgressis in proximam continentem, Patauium, Verona, Taruissium atque  
Vicentia, quæ ab infirmis regulis tenebantur, accesserunt. His quoque  
Rauenna addita est, regia quondam Gothorum, atq; alterum totius Italiæ na-  
uale pulcherrimum. Quo rerum successu euecti, & terrestribus aucti copijs  
non multo post Philippo Vicecomiti pluribus bellis defatigato, Brixiam &  
Bergo-



Bergomum ademere. Cessit et eis Crema, Francisco Sfortia concedente. Exinde Venetorum potentia cunctis in Italia maximo terrori esse coepit. Nam finitimus quisque pro se, ut periculo proximus, suspectas eorum vires habere, quæ paulo ante serpendo atque aliena appetendo in tantam magnitudinem excreuissent: ac plurimum vereri, ne quæ ipsi per socordiam adolescere sinerent, ea sibi mox vel tenui rerum occasione exorta in perniciem verterentur. quando omnes qui humanarum rerum usu periti essent, vim illam inueteratæ reipublicæ non caduci alicuius hominis ingenio atque industria regi, sicuti cætera imperia, quæ à virtute vel ignauia principum fortunam sortiuntur, sed vno atque eodem immortali perpetui Senatus consilio gubernari manifestè perspicerent.

Quamobrem consternati aliquando Italiæ principes vno consensu eorum conatibus obstitere. ac nouissimè quum Ferrariam nobilem atque opulentam urbem pertinacius oppugnarent, authore Xisto pontifice, consociatis viribus libidini atque potentiae eorum obuiam itum. Secundas autem authoritatis atque opulentiae partes in Italia Ferdinandus Aragonius obtinebat. Is Neapolitanum regnum Alfonsi patris virtute partum deuictis proceribus, qui rebellionē facta Andegauensem ducem sequuti, grauissimum bellum excitant, cum magna gloria conseruarat. Ferdinando filius erat Alfonsus ætate integra, manu promptus, atque ingenio ferox, omnium qui tum in Italia exercitus ductarent longe clarissimus. Huius virtute audaciaque usus Ferdinandus, quum ipse Neapoli iam senex prudentiae plenus in exequandis Italiæ rebus omnium vires singulari iudicio metiretur, cum Florentinis & Venetis duobusque pontificibus bella gessit. Quo tempore Aragonia res adeo firmata stabilitaque est, ut quum domi consiliū vigeret, & foris arma flourerent, nullam mutationem vnquam ea hominum ætate habitura videretur. Regnum eius multis insignibus atque opportunis urbibus nobile, atque vndique à supero atque infero mari portuosum, omni genere comæatus, acribus viris, & militaribus equis abundabat. Idque à Tarracinensi saltu, Pontinisque paludibus per Volscorum fines, transuersis Sabinorum ac Marforum iugis per Furconenses & Ferentanos, ad Truentum amnem, Romani pontificis terminos attingit. Cætera ab ipso Sicilia freto, hinc Thyrrheno, atque illinc Hadriatico ambiuntur. Pontificiae verò ditionis erat Picenus ager, Umbria, Flaminia, Æmilia, Latium cum multo maxima Thusciae parte. Verum nobiles ac liberae ciuitates incuria vel imbecillitate veterum pontificum, passim impotentibus tyrannis seruebant: aut propter dira odia, immortalium factionum cruentis seditionibus agitabantur. Inter ceteros moderatè admodum Urbinatibus Guido Feltrius, Camertibus verò Iulius Varanius imperabant. Ioannes Bentiuolus apud Bononienses principem agebat. Foroliuij & Forocornelij Caterina Sfortia dominabatur. Fauentiae Manfredi, Pisauri Sfortiani, & Malatestae Arimini principes erant: sed qui iam vetere potentia et claritudine decidissent. Perusiae Baleonum familia multis fortibus viris, sed admodum sanguinarijs ampla & florens pulsa Odorum factione, ciuibus suis leges dabat. Tiferni Vitelliorum nomen clarum erat atque illustre: sed ea mox domus, quæ multos simul duces insigni gloria tulerat, miserabili eorum interitu funesta atque infelix fuit. Populus autem Romanus in partes discissus, Vrsinae aut Columniae factionis studia sequebatur. Columnijs Sabelli vetustate familiae & frequenti sobole militarium iuuenum potentes: Vrsinis verò Comites cognomento Grapellij claritate atque



opibus ferme pares adhærebant. Nobilissimi procerum tunc erant, quique postea domi ac foris militiæ claruerunt, Virginius & Nicolaus Vrsini: Columnæ verò Prosper atque Fabritius: Iacobus item Comes, Antonellusque Sabelius. Horum opibus Romani pontifices, dum per varias temporum ac bellorum occasiones licuit, semper infensi infestique fuerant: nihilque vnquam antiquius habuerunt, quam alterutram factionem fouere, atque alere eorum controuersias: ut quum attrita mutuis cædibus atque iacturis amborum vires forent, ipsi postea deletis reliquijs, oppidis eorum Vrbi proximis potirentur. Romani etenim siue pristini decoris ac antiquæ libertatis memores, siue ut sunt natura turbidi atque feroces, sacerdotum imperia, quod plerique eorum parum moderate auareque imperit, æquo animo ferre non possunt. Propterea quum iniurijs aut contumelijs exagitati fuerint, quo minus omni maleficio desæuiant, neque vi, neque legibus, neque sacrosancti pontificis autoritate deterrentur. Cepere aliquando, atque interemere Bonifacium Octauum, hominem, quam factiosum, morum tamen ac literarum dignitate venerabilem. quin & Eugenium eximie virtutis pontificem sede atque Vrbe immaniter expulere. alios palam oppugnauere armis, alios coniuratione facta ac obsessis itineribus in maxima vitæ atque amittendæ dignitatis pericula coniecere. Præerat tunc Christianis sacris Alexander Sextus, natione Hispanus, antea Rodericus Borgia nuncupatus: qui præalto ingenio, eoque semper astute liberali, quibusdam Senatoribus per comitiales dies non occulta largitione corruptis, quum potiores eius ordinis, solis innixi virtutibus repulsam tulissent, pontificatum adeptus est. Is ab immani cupiditate maiores opes affectans, ut mox dicemus, Columnios pariter atque Vrsinos varijs afflixit cladibus: pontificatuque varia labe polluto, cuius antea nomen sanctius ac venerabilius fuerat, Italicarum rerum statum magnopere conturbauit. Senensium libertatem, quum plebeijs nouique homines cum optimatibus, & rursus inter se nobiles varia fortuna per aliquot annos contendissent, Pandulfus Petrucius, vir apprimè sagax paulò antè sustulerat, Florentina autem respublica Petri medicis consilio atque auspicijs regebatur. eam biennio antè vita excedens Laurētius pater, in quo summa sapientia, eximia virtus, & singularis humanitas fuit, optimis constitutam legibus, opulentam florentemque reliquerat. Tum primum enim Florentini pace parta, quum domi forisque industrij, & in mercatura maximè diligentes, publicè ac priuatim res suas mirum in modum auxissent, elegantius et sumptuosius quàm cæteræ gentes ædificare, excolere dignissimarum artium artifices: & quod incomparabili gloriæ eis celsit, Græcas atque Latinas literas illustrare cœperunt. Lucensium ciuitas, ut sese à Florentinorum iniurijs, qui libertati eorum semper inuiderunt, tueretur, Maximiliano Cæsari & nonnunquam Mediolanensium principibus tributa pendebat. Genuenses verò qui cuncta quondam maria peruagati, relictis vbique clarissimarum victoriarum monumentis, cæteras gentes omni tempore nauali gloria superarant: quum domi seditiosi atque discordes seuisimis factionum fluctibus mergerentur, in clientelam Sfortianorum concesserant. Vigebant tum in Liguria duæ factiones, Adurnia atque Fregosia, ambæ populares & Gibellini nominis. ipsa enim ciuitas in nobiles et populares familias plebemque tripartito diuiditur. Nobilitas duplici factionum morbo laborabat: nam patritij cum ex professo partim Guelfi essent, partim Gibellini, etiam Adurnium, aut Fregosium nomen pertinaci



naci quadam infania sequebantur: accidebatque sæpius, ut Guelfi Gibellinos, quos maxime odio habere consueuissent, nouarum partium libidine cæci, acerrimis studiis iuuarent. idque propterea fiebat, quod nobiles lege quadam antiquitus lata, supremum in ciuitate magistratum, qui ad solos Gibellinos pertineret, capere non licebat. plebs quoque quæ mirum in modum incertis rumoribus seruit, incredibili mobilitate tumultum excitare, ad arma discurrere, atque eodem nonnunquam die commutatis voluntatibus, modo his, modo illis fauere consueuerat. Quibus de causis effectum est, ut quum discordia atque intestinis confecti malis sese regere non possent, dissociatis animis, attenuatisque opibus facile veram libertatem amiserint. Arcem quæ vrbi imminet, Ludouicus Sfortia præsidio munitam obtinebat. Prætoriani milites Augustini & Ioannis Adurniorum, qui Ludouici clientes erant, iussa faciebant. ac tum omnibus vna atque eadem cura inerat, ut Fregosios quos ante expulerant, vrbe prohiberent, & Senatus populusque omnis Ludouici consilia sequeretur. Porro Ferraria, Mutina, Regium Lepidi, Herculis Atestini: Mantua Francisci Gonzagæ: Vercellæ, Augusta Prætoria, Taurinum, Iporegia, Subalpinaque oppida Philippi Allobrogum Principis, cuius imperium per Graias alpes usque ad Geneuam et Lemanium lacum extenditur, ditionis erant. In Gallia autem Cisalpina, quæ nunc Lombardia à Longobardis, qui ibidem sedes imperiumque tenuerint, recentiore nomine nuncupatur. Mediolanensium princeps erat Ioannes Galeacius, Galeacio Sfortia genitus, qui à coniuratis intemplo diui Stephani in ipso ætatis flore trucidatus est. Cæterum Ludouicus patruus, ad quem summæ rerum omnium respiciebat, imperio potiebatur, vir singulari prudentia, sed profunda ambitione ad exitium Italiæ natus. Is multis ante annis animo agitans, quibus maxime consilijs imperium adsequeretur, Cicchum Simonetam virum grauem, et pro puero tum Ioanne Galeacio, rem Mediolanensem syncera fide administrantem, falsis obiectis criminibus, capitali supplicio affecerat. Mediolani oportunisque alijs in locis veteres ac puero fidos custodes arcibus eiecerat: præfecerat copijs atque vrbibus novos homines: & quos cœptis suis obstare prouidebat, varijs circumuentos artibus oppresserat. Eo modo ad imperij procuracionem euectus, quum Veneti cæterorum Italiæ principum armis in Ferrariensi & Brixiano premerentur, resque eorum in angusto sitæ, ac plurimum diuturno ac ancepiti bello attritæ essent, primus à fœderatis impudentissimè desciiuit, & pace ad Balneolum oppidum firmata exploratæ victoriæ cursum interrupit: scilicet ut Veneti hostes immortalis beneficio sibi obstringerentur, quorum ope atque auxilijs Mediolanense imperium, amoto fratris filio se adepturum confidebat. Ea res Xisto pontifici tantum mœroris attulit, ut intra paucos dies ingenti dolore victus interierit. et Alfonsus, qui sociorum ductabat exercitum, erepti sibi è manibus triumphî cõtumelia accensus, nunquam se eam iniuriam animo depositurum esse iureiurando affirmauerit. Erant plerique eo tempore qui Ludouicum amplissima prudentiæ laude cumularent, quod eam belli flammam, qua per nobilis Italiæ tractus deflagraturus esse videretur, felici diligentia restinxisset: unde sibi vti rerum æquus arbiter ac moderator, summam consilij atque virtutis opinionem apud omnes esset consecutus. Id quoque ad amplificandam eius estimationem pertinebat, quod Ascanius frater ipso impetrante, Cardinalatus honorem fuerat adeptus, qui tunc et summa gratia apud Alexandrū pont. valebat, &



& propter immensas opes atq; animi magnitudinem, eius ordinis facile princeps habebatur. Nec multis antè annis Sedunos Heluetiorum socios in Italiā irrumperentes, supra Verbanum lacum acie profligarat: & Rhetorum imperiū qui Clauennam oppidum inuaserant, armis atque pecunia fregerat: cum aduersus similes barbarorum irruptiones, imperij fines faucesque Alpium mirificis operibus atque arcibus erectis egregiè muniuisset. Quibus de rebus magna illi indies potētia, singularis authoritas, cum ingenti etiā gloria crescebat. Enimuerō tametsi ambitione præceps in diuersum ab æquo & bono rapiebatur, multis tamen optimis artibus abundè instructus flagitiosa consilia mirificè contegebat. Erat in primis, quod maximè popularem gratiam fauoremque conciliat, aditu alloquioque perhumanus & facilis: nunquam eius animus iracundia superabatur: moderatè ac patienter ius dicebat: ingenia quæ vel literis vel exquisitis artibus claruissent, singulari liberalitate prosequeretur. Postremo cum fames pestilentiaque ingruerent, maxima annonæ & salubritatis cura habita, sublatiisque latrocinijs, atque enormibus vrbis ædificijs ad lineam directis, tantum splendoris ac opulentia Cispalinæ Gallia inuexit, vt ab omnibus aureæ pacis, & publicæ securitatis atque elegantia conditor esse diceretur. Id modo summam illi apud honestos ciues cōflabat inuidiam, quod Ioannem Galeacium egregia mitique indole iuuenem, iam tum quatuor & viginti annos natum, sceptrum tenere atq; obire principis munia minimè permittebat, ceu ille propter ingenij ac ætatis imbecillitatem, maximarum rerum curis, tantoque oneri impar foret. Nec iuuenis paternorum amicorum auxilio destitutus, quos antea Ludouicus sustulerat, aut specie honoris, per causam gerendi magistratus ablegarat, reposcere imperij iura, aut quicquam principe dignū eloqui audebat. Siquidem à Ludouico summissi speculatores, qui eius dicta factaque notarent, in aula haudquaquam dissimulanter obuersabantur. Iamq; eò contumeliarū erat peruentum, vt Ludouici quæstores, inspectis sumptuarijs rationibus, quæ etiam pertenuēs erant, nimij luxus eum castigarent, certamque tantum expendendæ pecuniæ summam præscriberent. Ita miserrimus princeps odio impotentis patris subactus, neque vlla amicis aut clientibus beneficia collocabat, neque præ inopia quicquam egenti, mœstæque familiaris largiebatur. At in aula Ludouici, quæ hilaritatis atque opulentia plena erat, vnus sub tectis cuncta luxu & continuo liberalitatis splendore magnifica atque illustra visebantur, quodque magnoperè mœrorem accumulabat, Beatrix Ludouici vxor (erat hæc Herculis Atestini filia) fastu atque luxuria ingenti mulier, plerumq; grauioribus consilijs sese arrogantius, quàm mulierem deceret, immiscere, demandare præturas, & capitalium ciuiliūque rerum iudicibus planè dominari ita consueuerat, vt Ludouicus, qui iam tum blanditijs eius delinitus, vxorius habebatur, importunæ mulieris libidini nonnunquam obtemperare cogeretur: præsertim, quod ei filium, cui postea Maximiliano nomen fuit, paulò antè pepererat. Vnde cum magna ludorū celebritate peperæ atque infanti principalia ornamenta collata essent, manauit in vulgo fama, Ludouicum Papiæ vrbis principatum, vt inde more maiorum puer veluti è proximo gradu ad imperium eueheretur, infanti filio destinasse. Ea res Ioannis Galeaci & præsertim Isabellæ vxoris animos magnoperè exulcerauit: ipsa quod & patrem Alfonso & auum haberet Ferdinandum, et iam Franciscum auitæ indolis puerum in spem sibi debiti imperij primo partu peperisset, maiores,



iores, quam muliebris animus ferret, ad vindicandam contumeliam spiritus gerebat, eoque grauius ac infestius, quod Ludouici opera per sagas, ipso nuptiarum die magicis cantaminibus & veneficijs quibus fecunditatem impedit, se pariter & coniugem petitos esse persuasum habebat: & tum cuncta patri consilia eo ferri manifeste perspiceret, unde ipsi circumuenti omnibus doctis atque artibus e medio tollerentur. Itaque Isabella impotenti dolore acta, ad patrem auumque in hanc sententiam literas conscribit, & spectate fidei clientis suo cum id sapius tentare periculosum foret, Neapolim deferendas tradit. Scio vos qui & claritudinis Aragoniae domus, & regiae dignitatis memores  
10 semper fuistis, nunquam me prolem vestram, atque in sinibus vestris educatam, Ioanni Galeacio fuisse desponsuros, si quem paterno atque auito imperio, quum per aetate licuisset, successurum arbitraremini, eum exacta adolescentia liberisque susceptis ambitiosissimo atque saeuissimo patruo seruiturum putassetis. Ludouicus enim non iam patruus, sed immitis & atrox hostis, nunc primum aperte, quod multis ante annis longa gubernandi consuetudine allectus percipide semper affectauit, Mediolanensis imperij sceptrum solus obtinet, & cuncta cum vxore ad arbitrium moderatur. Illi custodes arcium, copiarum duces, magistratus, atque omnes prouinciae ciuitates parent. Ipse principum legatos audit, belli & pacis fert leges, & denique necis ac vitae, vectigalium atque  
20 ararum supremam habet potestatem. Nos miseri ab ipso circumscripti, & destituti ab omnibus, quum solis rerum inanum titulis decoremur, in obscuro luctuosam ac miserabilem vitam agimus, sollicitique etiam de salute quae imperio atque honoribus amissis reliqua est, nisi mature opem feratis, duriores in dies afflictis rebus exitum opperimur. Eripite obsecro natam, generumque vestrum his aerumnis, & si vos diuina vel humana iura permouent, si qua iustitiae & pietatis, si qua denique in illis vestris regijs animis pristini decoris cura residet, libertati atque imperio restituite. Non desunt nobis studia optimorum ciuium: in Ioanne Galeacio animus viget curarum atque imperij capax, veteres amici qui nunc tyranni seuitiam reformidant, promptam ac fidelem ex  
30 occasione operam nobis taciti pollicentur, atque omnes peregregia erga nos voluntate ciuitates existunt, quibus ille inusitata & praegraui acerbitate pecuniam imperauit. postremo Diij ipsi immortales scelerum vindices nobis non deerunt, si vos qui alienissimis etiam misera atque indigna seruitute oppressis praesidio esse aequum & regium semper existimastis, sanguini vestro & iustissimae causae minime defueritis. Ferdinandus & Alfonsus, qui multum antea illa vera esse multorum literis & fama cognouerant, rei indignitate permoti, legatos ad Ludouicum decernunt, qui Ioannis Galeacii causam agant, sed amice atque lenissime negotium pertractent; quod vim eius hominis in ipso metu suspiciosi atque praecipitis, neque minis, neque vlla denunciatione periculi  
40 exagitandam eo tempore iudicabant. Mittuntur itaque Antonius & Ferdinandus Gennarij viri graues. Ii Mediolani magnifice suscepti, luculentam de Ludouici laudibus in confessu primorum ordinum orationem habuerunt: quae eo pertinebat, ut aeger ambitione animus, postquam nihil aliae artes valuisse, gloriae ac laudis mentione sanaretur. Erat enim Ludouicus aeternitatis appetens & gloriae auidus, sed qui peruersis rationibus inanem pro solida sectaretur, ut plerique principum solent, qui adepto statim rerum fastigio, dum verae virtutis obliuiscuntur, per superbiam atque animi vanitatem



infaniunt. Cæterum exitus orationis fuit, Ferdinandum regem atque Alfon-  
 sum obnixè rogare, vt imperium quod multos annos adolescenti Ioanni Ga-  
 leacio singulari virtute ac vigilantia conseruasset, eidem qui et vir et pater esset  
 effectus, iam tandem restitueret. Id si faceret, vt humana iura postularent, i-  
 psum sicuti antea sapientis, ita mox viri optimi nomen insigni cum laude con-  
 secuturum: Aragonios verò reges qui Sfortianis coniunctissimi semper exti-  
 tissent, eo singulari accepto beneficio immortales gratias habituros. Ad ea Lu-  
 douicus respondit, se ab ineunte ætate in vnam eam curam totis sensibus sem-  
 per excubasse, ne res Mediolanensis aut intestinis insidijs turbari, aut vllis affi-  
 ci detrimentis ex opportunitate pueri principis ab hostibus posset. Id se Dñs <sup>10</sup>  
 beneiuuantibus abundè prestitisse. Veri principis nomē penes Ioannem Ga-  
 leacium fuisse semper, atque in posterum futurum: se interea nihil præter labo-  
 res & difficillimarum rerum curas vsurpasse vnquam, & id cum summa ani-  
 mi sollicitudine, valetudinisque iactura: neque esse commissurum, qui multis  
 æquitatis atque modestiæ exemplis honestissimam apud omnes existimatio-  
 nem esset adeptus, vt aliquo suo paulò iniquiore facto superioris vitæ gloria  
 fœdaretur: proinde se se breuī, postquam fratris filius sua cura ac diligentia in  
 eam spem adoleuisset, administrandi imperij graue & permolestum onus esse  
 depositurum, vt non modò Aragonij reges, qui id obnixè postulare videren-  
 tur, sed cæteri etiam principes, priuatique omnes se nulla ambitione, verum <sup>20</sup>  
 officij necessitate adductum ad id muneris accessisse intelligerent, quando res  
 suæ haud mediocriter aliquorum perfidia labefactatæ, dubijs temporibus pro  
 salute pueri atque imperij maiora præsidia flagitassent. At Gennarij quum cæ-  
 teris diebus per priuata colloquia agendo atque adhortādo apud animum ea  
 libidine duratum nihil profecissent, speciosaque tantum verba factis contra-  
 ria sibi dari manifestè perspicerent, re infecta Neapolim reuertuntur. Ex eo  
 tempore Aragonij haud dissimulātè cum Ludouico inimicitias gerere: com-  
 minari aliquando illi acrioribus verbis: & tandem postquam legationibus ni-  
 hil impetrabant, de inferendo bello agitare cæperunt. Ferdinandus tamen, vt  
 sunt lentiora senum consilia, omnia alia priusquam bellum experiri malebat, <sup>30</sup>  
 Verum Alfonsus in quo ætas & militare studium vigeant, quum & priuatas  
 etiam cum Ludouico similtates ex Balneolana pace conceptas exerceret, rem  
 ad arma deducere properabat. Nec defuere qui dicerent, Alfonsum auidius at-  
 que ardentius sumenda arma decreuisse, quod inani quadam occupandi Me-  
 diolanensis imperij fiducia duceretur. Id enim sibi deberi haud obscuro iure  
 prædicabat, quoniam Philippus Mediolanensium princeps, in quo Vicecomi-  
 tum progenies defecit, Alfonsum regem ipsius auum, vt Venetorum cona-  
 tus, qui tum Mediolano imminēbāt, eius viri virtute frangerentur, primis ac  
 verioribus testamenti tabulis hæredem imperij reliquisset. Igitur Ludouicus  
 qui Ferdinandi experientis & callidi senis consilia, & vim Alfonsi acerrimi du <sup>40</sup>  
 cis, maximasque eius regni opes formidabat, quum sensim arma & classes ad-  
 uersum se Neapoli pararentur, præuertendum sibi ratus, vt sese aduersus om-  
 nem eorum iniuriam muniret, bellicosam atque insensam Italico nomini  
 Gallorum gentem in Italiam euocandam existimauit: quod consilium tam  
 sibi postea ac suis exitiabile, quàm toti Italiæ calamitosum fuit. Vendicabat si-  
 bi Neapolitanum regnum rex Carolus repetito iure ab Andegauēsisbus Pro-  
 uinciæ regulis, quia Ioanna Regina per adoptionem in regnum adsciti fuerat.

Ioanna



Ioanna etenim Ladislao rege fratre extincto, quum Iacobum virum Gallum cui nupserat insolentius secum agentem repudiasset, & paulò post muliebri leuitate palàm insanis amoribus seruiret, à Martino Pontifice Maximo, & Ludouico Andegauense armis petita est, scilicet vt impudicus Reginae animus, qui verecundia ac pudore moueri non poterat, metu belli in ipso amittendi regni periculo sanaretur. Eam ob causam regina timore implicita, Alfonsum citerioris Hispaniae regis fratrem, qui tum in Corsica magno apparatu Bonifacium urbem oppugnabat, cum valida atq; expedita classe Neapolim accersiuir, cuius virtute & Gallorum & Sfortiae tunc longè omnium in Italia fortissimi ducis conatus repressit, ipseque, vt antea per conditiones regina promiserat, ob nauatam egregie operam in filium adoptatus est. Sed Alfonsus paulò post Ioannam Caracciolo eius amatore in vincula coniecto oppugnavit armis, Neapolique expulit: siue quòd malè tectas reginae libidines, saluo regio pudore ferre non poterat: siue quòd iam solus dominari & cuncta regere volebat, vt sunt impotentia atque imperandi auida ingenia Hispanorum: qui cum semel irreperint, ad summam semper potentiam cunctis artibus contendunt. Itaque Ioanna circumuenta omnibus malis Alfonsum tanquam impium & ingratum apud Pontificem accusauit, & rescissa priore adoptione, Ludouicum Andegauensem in Alfonsi locum sibi substituit. Inde grauissima secuta sunt bella, mor-  
20 tuoque Ludouico ad Renatum eius fratrem bellum eodem iure translatum. Durauitque ea contentio vsque ad Ioannem Renati filium, qui ab excessu Alfonsi, cum hoc Ferdinando vehementi impetu, & magnis partium viribus per aliquot annos, sed parum prospero successu, bellum gessit: quorum motuum causas atque euentus Iouianus Pontanus vir ad omne genus eloquentiae natus in historijs explicauit. At Ioannes regno atque Aenaria insula pulsus, quum in Galliam adnauigasset, non multò post febre correptus interijt, superstitite adhuc Renato patre, qui mox & ipse sine liberis atque nepotibus vita excedens, Ludouicum Galliae regem huius Caroli patrem testamento reliquit haeredem. Fuit post hæc non semel regio in consilio de repetenda Neapo-  
30 li magnis procerum studijs actum. Sed Ludouicus qui diu domestico & Belgico simul bello implicitus fuerat, totam eius consilij rationem & damnosam & perdifficilem multis de causis semper existimauit. Mortuo autem Ludouico, qui sublati infensoribus regulis et rebus singulari prudentia constitutis, Carolo filio regnum Galliae omni bellico motu vacuum pacatumque reliquerat, non defuere proceres qui Galliae vires extollendo, quòd nuper Britones citerioris Britannie gentem, quæ in Gallia est, ad Sanctum Albinum Rhedonum oppidum memorabili prælio deuicissent, ad suscipiendum parandumque bellum adolescentem incitarent. Nanque viri militiae dediti, & continuis superiorum temporum exercitati bellis, quum parta pace quietem atq;  
40 otium ferre nescirent, nouum bellum quo ditari & virtutem ostendere possent, exoptabant. Neque gens alacritatis & peramplae fiducia plena, mirumque in modum dedita regibus suis, quibus diuinum quendam animi vigorem inesse persuasum habent, rege duce quicquam sibi arduum aut factu difficile fore existimabant. Persuaserat quoque in vulgus hominum ex antiquis quorundam vatum carminibus celebris fama, Carolo Gallorum regi maximam totius orbis imperium protendi, illumque esse eius nominis octauum, cui Mathematicorum testimonio fatum foret, occidentis simul atq; orientis imperio potiri. Nec deerant qui nobilissimum quondam Gregorij imperium, quo Mahometes



Ottomānus, Byzantio capto & cæso Constantino Græcorum imperatore, nō multis antea annis occupauerat, ad Gallos pertinere iactarent. Turcæ quoque per eos dies subitis incursionibus Dalmatiam atque eam Illiri partem, quæ Pannanios attingit, direptis atque incensis pluribus vicis afflixerant, & iam maius bellum Barbarus hostis aduersus Christianos adauctis copijs, ac ingenti classe comparata, moliri dicebatur: quæ res in Galliam delata multis sermonibus materiam præbebat. Nam qui pacem oderant, publicam omnium incuriam et segnitiam principū incusabant, futurumq; esse dictitabant, vt Christiana respublica, postquam omnes Europæ reges pristinae pietatis atque virtutis obliuiscerentur, aliquod insigne detrimentum acciperet. Nectantam, si ab eo 10 hoste lethale vulnus infligeretur, ad alias gentes, quantam ad Gallos vel infamiam, vel publici decoris iacturam esse peruenturam: quando vni omnium Galli omni tempore rem Christianam aduersus Barbarorum iniurias peculiari studio protexissent. Cæterum quanquam ea transmarini belli desiderio dici viderentur, omnes tamen his de causis quas superius attulimus incitati, ad inuadendam Italiam, quam prouinciarum opulentissimam intelligebant, animos intenderant, quod prius & conflandum et conficiendum Neapolitanū bellum foret, quàm in Græciam aduersus Turcas liberandis eius prouinciæ populis arma transferrentur. Antonellus quoque Salernitanus princeps, & plerique cum eo Neapolitani exules, repetendæ patriæ desiderio, id bellum 20 nullius propè negotij fore prædicabant: pluresque populos apud quos ipsi propter factiones non mediocrem obtinerent authoritatem, si semel in Italia Gallorū signa conspicerentur, continuo ab Aragonijs defecturos esse pollebantur. Is erat animorum habitus regia in aula, quum ad cohortandum atque impellendum regem, Carolus Balbianus Ludouici Sfortiæ legatus superuenit: qui vt erat in eo munere admodum paratus, non prius sibi in consilio, cui procures cum rege ac intimi amicorum intererant, de bello differendum arbitratus est, quàm quos gratia atque authoritate potentes esse cognouerat, pollicendo præmia, atque docendo quam facilis ac expedita victoria foret, ad capef- 30 sendum bellum accendisset. Igitur Balbianus quum secreto ac palam propensissimis animis audiretur, sæpiusq; in Aragonios acerbè inuectus, eos omnium qui vnquam in Italia fuissent superbissimos & crudelissimos tyrannos esse miscendo falsa veris ostendisset, ad extremum in consilium vocatus, talem habuit orationem. Si quid reges qui haud dubiè non hominum consilijs, sed deorum immortalium prouidentia & munere supremum generis humani fastigium consequuntur, non ingrati neq; impij superis debent, te vnum felicissime Carole ante omnes Deo summo maximè debere fatendum est: si quidem cum prætextatus penè puer ad imperium accesseris, tantus tibi fauor sola oris indole conciliatus est, vt tumultuantes paulò antè, & varijs belli motibus excitæ 40 gentes, ipsique procures natura infensi regibus, quos idem prudens atque eximie fortis pater tuus vix armis & multa solertis ingenij arte domuerit, statim vno consensu atque incredibili studio te regem exceperint, quo maximè tempore & rebellandi, & noua agitata consilia ex ipsa morte patris occasio nata videbatur. Quinetiam dum in citeriores Britānos arma moueres, secuti auspicia tua, belloque secundissimè confecto, prouinciam illam Oceani & fluminū opportunitate opulentam veteri Galliæ imperio adiecerint. Eares totius Galliæ populos in tui admirationem adduxit: te externi principes inde suspi- cere



cere coeperunt, & nunc maximè quum vigere in animo tuo nō regios tantum atque viriles, sed humana virtute augustiores spiritus apertè conspiciant, te maiori rerum imperio destinare non dubitant. Iamque si ausu aperire fata volueris, te magni Caroli progenitoris tui nomen & gloriam æquaturū pollicentur. Tibi enim præclara & constans fama hominum sacri belli prouinciam decernit vt Cōstantinopolim, vbi maiores tui aliquādiu regnauerunt, è manib. immanium barbarorum eripias, atque inde demum profectus, sacrosanctum Christi sepulchrū Christiano nomini vindices. Id te nō vana auguria, responsa vatum, & antiqua carmina diuino sacraorum hominū ingenio cōscripta præ-  
10 nunciant: iubentque te explicare vela, vt quò fata vocant in altum ad quærendos immortalis gloriæ titulos feliciore aura proueharis. Nec quenquam è tota Gallia fore putarim qui te maximi ac opulentissimi regni regem, veterani inuictique exercitus imperatorem in hoc eximio studio atque incredibili cupiditate ducum et militum, omnes continuo terras quas armatus adire volueris, secundo victoriæ cursu peruagaturum esse non intelligat. Transiuere aliquando maria maiores tui Galli heroes, atq; vltro in Syria, Ægypto, Africa Barbaras gentes, quæ nec occidentales quidem populos fama cognouerant, armis petiuere, quum certatim omnes celeberrimis Magni Caroli trophæis ad virtutem accenderentur: & proferre Christianæ religionis terminos, satis dignam belli causam, pro qua & superanda maria longissimi tractus, & petende  
20 alieni cæli regiones forent, dubijs etiam atque incertis rebus existimarent. Quod si hæc animum minimè permouent, vtpote quæ ab aliquot seculis vti nimis vetusta excidisse hominum memoria videri possint, te profectò vel nō vltro inflammatum pulcherrimo studio gerendarum rerum, nec vnquam ignobili ocio defluentē, trophæa Bethica vicini regis excitabunt. Is enim Mauro diro hoste Hispania depulso, terram patriam gloriosè liberauit: magna hercè cum laude, sed quæ minimè conferenda videatur, si tota Græcia Turcicum nomen expuleris, quod equidem votis piè conceptis facile cedit. Epirotæ enim, Atoli & Peloponnesi gentes suppliciter opem tuam implorant, vt te a-  
30 thore consilia rependæ libertatis audacter explicent, atque obiter fortia arma aduersus Barbaros conspectis vexillis tuis expediant. Sed liberandū prius nobilissimum Italiæ regnum ab Aragonijs tyrannis esse censemus, vt cum illud hæreditario iure Galliæ regibus attributum, à miserabili seruitute in libertatem vindicaueris, continuo ex Apulia, vnde breuissimus in Epirum & Macedoniam traiectus legionibus transportatis, vi & fama victoris exercitus ac deorum atque hominum immenso fauore terribilis, Byzantium rectà contendas. Implorant abs te auxilium Calabri, Lucani, Brutij, Samnites, Campani, cætereq; eius regni gentes, quæ quondam Andegauenium nomen secutæ, aduerso belli exitu iniquam Fortune conditionem subierunt. Horum omnium  
40 sanguine ac fortunis Aragonij sæuissimi regnatores, per multos annos ita crudelitatem atque auaritiam expleuere, vt nihil iam præter veteres animos, quibus constantissimè semper Gallicas partes coluerunt, victis ac miseris relinquerint. Horret animus recensere, quot proceres, quotque præclaros duces, interposita fide & sacramenti religione in gratiam receptos, quòd antea Gallicarum partium fuissent, violato iure, non modo hospitij, sed ipsius regiæ mensæ crudeliter enecarint. Horum porro cadauera, tremendum visu, siccata & condita odoribus in eo habitu quo viui fuerant, iisdemq; insignibus exornata, ad-



seruariatq; ostentari ferunt, vt eo execrabili tyrannicæ immanitatis atq; perfidiae exemplo, paria timeant qui seruire noluerint. Contra hos summè scelestos homines, & quod à vobis viris fortib. nisi indignanter ferri non potest, per cōtumeliam Gallicæ gentis irrisores, gladium feliciter educes. Dñs enim a hominibus inuisi præpediente scelerum conscientia, nec consilia in negotio, neque arma opportunè vnquam expedient. Tibi quoq; aderit Ludouicus Sfortia prudentis ingenij authoritate atque opibus clarus, ac in primis decoris tui, & Gallici nominis apprimè studiosus. Siquidem vetere suo instituto, nihil vnquam amicitia Gallorum antiquius duxit. Francisci Sfortiæ magnanimi patris vestigia subsecutus, qui Ludouicum patrem tuum, cum ille Gallico tumultu & in multa procerum perfidia penè obrutus summis omnium rerum difficultatibus laboraret, & consilio admodum salubri, & quanta potuit pecunia, et veteranis maximè copijs Galeacio filio duce in Galliā transmissio, opportunissimè iuuat. Is igitur summa fide singulariq; studio festum exercitum, quum Alpes transcenderis, fertilissimæ prouinciæ copijs recreabit: com meatu passim expediet: in Liguria validam classem exornabit: non contemnendas copias, ac duces locorum, Italicarumque artium peritos adiunget: & principes Italiæ qui fermè omnes ipsius authoritatem sequuntur, tibi foedere vel amicitia consociabit. Hoc denique opulento fidelique socio, cuncta facilia ac explorata erunt, ad incomparabilem victoriam, cuius vel præcipuum fructum, non in præsentis tantum gloria & commodo, sed in ipsa spe sempiternæ laudis magnanimi reges posuerunt. Postquam Balbianus dicendi finem fecit, Carolus Gallorum regum more per epistolarum Magistrum respondit, se plurimum deberre Ludouico Sfortiæ, quod eo studio atque ea fide Gallorum amicitiam coleret, vti Franciscus eius pater instituisset. ob idque ea omnia quæ regiam respicerent dignitatem, & ad summam Gallici nominis amplitudinem pertinere viderentur, amicissimè commemorasset. Proinde ferem integram ad maius atque frequētius consilium esse delaturum, vt morem superiorum regum imitaretur, qui vti regni proceres virique prudentes, humanis ac diuinis legibus maturè perspectis, faciundum esse censerent, bella iuste suscipere cōsueuissent. Nec multo post totius Galliæ concilium apud Turonos indicitur, vbi quum Reguli fermè omnes, & sacratī viri sacerdotijs insignes conuenissent, Carolus de suscipiendo bello magnificè disseruit, ab his instructus qui eius adolescentiam regebant, atque obuentura sibi ex bello ingentia cōmoda arbitrabantur. Initio autem orationis quum Neapolitanum bellum per facile in primis acho nesto causæ nomine sibi ac vniuersæ Gallorum genti maximè decorum fore multis rationibus ostendisset, ad extremum dixit, se non modò villas, prædia, & domos eorum qui pro hostibus haberentur, verum totius regni oppida, vrbes ipsas, sacerdotia, & præfecturas pro nauata opera amicis ac ducibus esse diuisurum: se solis recepti regni titulis contentum fore: ac mox postquam ad certio rem atq; ampliorem gerēdarū rerum gloriā diuino monitu vocaretur, aduersus Turcas traiectis in Macedoniā maioribus copijs, ad vltiora præmia milites perducturū. Qua oratione Galli omnes qui verba, habitum oris, effigiem, & cuncta denique religione quadam in regibus suis admirantur, facile permoti, regium decretum dictis sententijs confirmant, mirisque laudibus extollunt, ipsique ante alios qui summa freti authoritare, facile quò volunt dubiorum animos proclinant: n̄ tum erant, quos Balbianus aut



aut largitione aut promissis accenderat, Stephanus Belcarius à pueritia regio cubiculo assuetus, qui nutritij nomen atque inde summam consulendi auctoritatem collegerat, & Guliermus Brissonetus ærarij præfectus, quæstorumq; omnium magister, vir calliditatis atque solertiæ singularis, qui ex humili loco pertinaci quadã industria diuitias quàm amplissimas cõsecutus, ad maximos honores ambitiosè cõtendebat: quæ omnia, si bellũ foret, ingenio atq; pecunijs suis confusus, se faciliè multis de causis adepturum arbitrabatur. Horum maxime impulsu regem vel nihil de Neapolitani regni hæreditate cogitantẽ suscepisse bellum, Philippus Argentonus in historijs Gallica lingua præscribit. Ceterum id probabat ex ordine militari Petrus Rohanius, quem Giensem Marescalchum vocabant. Eo enim nemo ducum regendis exercitibus tota Gallia peritior habebatur: ideoque primas secundum regem imperij partes ceterorum omniũ concessione sibi deberi intelligebat. Hos quoque pleno assensu Petrus Borbonius summe claritatis regulus sequebatur, haud vana spe ductus totius Gallia administrandæ, quod discedente in Italiam rege, cuius sororem in matrimonio haberet, propter affinitatem in Gallia cum imperio haud dubiè esset permanurus. Ceteri erant Gilbertus Mompenserius, Ludouicus Ligninus, Eberardus Obigninus, & duo germani fratres Persius atque Palitia viri egregiè fortes, qui primos honores in exercitu, atque vrbium & regionum præfecturas ex regia liberalitate sibi destinabant. Itaque bellum in proximum annum decernitur, vt eo temporis spacio exornari Gallicus equitatus, pedestres copiae acciri ex Heluetijs atque Germanis, parari classes, & quod summum in negotio momentum habebat, vt finitimi reges conciliari, & fœdere adiungi possent, ne illi diuersas Galliaë prouinciæ partes solitis nudatas præsidijs, atque ob id iniuriæ atque periculo expositas, ab Hispania vel Germania inuaderent. Siquidem cum Maximiliano iustæ grauesque inimicitiaë intercedebant. Nam Carolus paucis antè annis Margaritam Maximilianifiliam, apud se in Gallia ab incunabulis enutritam, quamquam suauissimis moribus atque insigni forma præstantem, repudiarat, vt Anniam Francisci cilterioris Britanniaë reguli filiam, quæ Maximiliano desponsata fuerat, vxorem duceret, quod per eam dotis nomine subactæ nuper, neque adhuc satis pacatæ Britanniaë citerioris imperio potiretur: adeo vt Maximilianus duplici contumelia affectus, propter acerbissimarum offensionum magnitudinem in tam iusto atque inexpressibili dolore nunquam eas iniurias memoria deponiturus esse videretur. Verum Ludouicus Sfortia, qui per eos dies Blancam Ioannis Galeacij sororem Maximiliano in matrimonium collocarat, et cum eo Heluetiorum legati, qui magnam apud vtrunque regem auctoritatem obtinebant, omnem eorum controuersiam composuerunt: quum Carolus remissa in Germaniam puella, & restitutis dotalibus oppidis cum multo verborum honore Maximiliano satisfecisset. Atque in excusationem inhumanioris facti, se non regia libidine aut superbia inductum, sed impulsu temporum ac bellorum necessitate, ad eas nuptias descendisse fateretur, vt prouincia illa tantæ opportunitatis ad arcendas Britannorum classes, pro qua toties cruenta admodum decertassent, redemptis eo coniugio prouincialium animis, pristinaë quieti redderetur. Sfortia quoque Cæsarem monebat, ne cum Gallo, in ea temporum conditione, vanas & nihil profuturas simultates exercere vellet: quando omnibus rebus imparatus, illum iam transcendentem Alpes in Gallia non esset



retenturus. futurumque esse si pertinacius pacem abnueret, ut Gallus in Italia victor auream coronam & sceptrum, Romani imperatoris insignia, quæ post Carolum cognomento Magnum Germani proceres adepti fuissent, ab inermi vel inuito pontifice sibi repetendam arbitraretur. Quibus de causis Cæsar non solum iniurias in præsens dissimulauit, verum etiam fœdus atque amicitiam cum Gallo palam iniuit. Quæ res sicuti omnium opinionem fefellerat, ita mox Aragoniorum consilia magnopere perturbauit, quum illi Transalpinam pacem Italici belli & cladium suarum initium fore prouiderent. Fœdere cum Maximiliano Cæsare Germanisque percusso, Carolus ad Hispanum regem, ut cum eo amicitiam pacemque firmaret, se conuertit: quoniam apparebat Ferdinandum eius animi atque prudentiæ regem, Aragonios consanguineos ac gentiles suos in eo discrimine minimè deserturum esse, nec utique passurum Gallos, qui aliquando etiam Siciliae reb. inhiaissent, potiri Neapolitano regno, unde mox angustiis eius freti facile superatis, facultas inuadendæ insulæ præberetur. Cæterum Ferdinandus, cuius tale semper ingenium fuit, ut præsentia commoda, quæ à certa rerum occasione ostenderentur, omnibus alijs suis rationibus anteponenda esse censeret, neque pacem, neque fœdus detræxit, modo oppida, quæ de Hispanis Galli obtinerent, sibi gratuito redderentur. Tenebant enim Perpennianum ditissimam urbem in ipso Hispaniæ aditu, qua Pyrenæi montes supra Salsulas Narbonense littus attingunt, & cum eo Ruscinonensem agrum, opulentis pluribus castellis florentem, quæ ad Gerundam & veteres Emporias spectant. Ea omnia à Ioanne patre, multis antè annis Ludouico vndecimo oppignorata fuerant, quum ille aliter Celtiberico bello in summa rei pecuniariæ difficultate constitutus, Caroli filij, qui à se patre regeque cum multo maxima nobilitatis parte descuerat, vim atque impetum sustinere non posset. Verum Ioannes Gallorum pecunijs atque auxilijs opportunè adiutus, belloque ex sententia confecto, quum post aliquot annos collecta atque oblata Gallis ea pecuniæ summa oppida redimere vellet, surdas Ludouici aures semper inuenit, qui opportunitate eius regionis longè maxima captus, parum sincera fide, veteris pacti conditionem, quò minus ea restitueret multis iuris cauillationibus inuoluebat. Vnde postea Ioannes & Ferdinandus filius, quòd sæpius legatos ad repetendas res suas frustra misissent, ad arma descenderunt. Sed ea res parum feliciter armis tentata est, ita ut Ferdinandus tum Bæthico defunctus bello, quo tantum sibi nominis in re militari vindicaret, valido aduersus Gallos exercitu comparato, ea mox repetiturus esse videretur. Ergo dum Galli omnes Italici belli cupidine deflagrarent, & Carolus retentorum contra ius oppidorum infamia permotus Perpenniano cæterisque oppidis insigni liberalitate decedendum esse decreuisset, omnis cum Hispano controuersia sublata est: fœdusque solemne iectum, quo Ferdinandus ac Elisabetha vxor nihil se interea, dum à Gallis in Italia bellum aduersus Aragonios gereretur, hostile molituros esse iureiurando promiserunt. Cæterum Perpenniani, aut stolidè, aut certè nimis properè restituti, grauis inuidia perstrinxit Stephanum Petitiū, inter præcipuos consiliarios notæ auaritiæ questorē. Sed et hac pariter arsit Ambrosius Albiensis cucullatus, professione sanctitatis à confessione criminū Ludouicum regē expiare solitus, quòd vtrunq; rex Hispanus singulis lagenis signato auro pro vino repletis callidè corrupisset, ut adolescentis regis animo religionē incuteret, contestando scilicet eū impiè facturū, nisi

manes



manes patris apud Tartara cruciatos eo atroci piaculo exolueret, quoniam morientis Ludouici suprema voluntas excepta pijs alloquijs fuisset, vt Perpē-  
 nianum tanquam malè partum veteri domino redderetur. Per hunc modum Hispaniæ atque Germaniæ regibus in amicitiam receptis, quum nihil sibi ab  
 Henrico Britannæ rege, qui nuper eius beneficio & Gallicis armis memora-  
 bilem de Ricardo rege victoriam, & Britannæ imperium fuerat consecutus,  
 in Gallia timendum arbitraretur, tentandos sibi atque explorandos Italicorū  
 principum animos existimauit. Itaq; mittitur Venetias Philippus Argento-  
 nus, qui historiam Gallica lingua scitè conscripsit, vt Senatum ad ineundam  
 10 societatem, & bellum communi consilio aduersus Aragonios gerendum per-  
 amplis propositis conditionibus inuitet. Ad Alexandrum vero Pontificem,  
 Eberardus Obigninus vir Scotus, è Stuarda regia familia, bello illustris desti-  
 natur: qui ex itinere Ioannem Bentiuolum, Herculem Atestinum, Petrum  
 Medicem, Pandulphumque Petrucium conueniat: aditisque singulis vrbib.  
 quinam hominum animi, quæ vrbium facultates, & quæ demum itinera in  
 Alpibus forent collustrando cuncta oculis diligenter exploret. Veneti qui ex  
 aliorum ruina atque incommodis tantum imperium magna ex parte condi-  
 derant, & ipsas semper maturis temporibus gerendi belli occasiones captan-  
 do, atque aliene fortunæ circumspectando euentus, res suas amplificare didi-  
 20 cerant, responderunt. Si rex Gallus in Italiam transiret, & Aragonios bello  
 persequeretur, se pro veteri amicitia, quæ senatui cum ambobus regibus esset,  
 neutris præbituros auxilia, & ab omni prorsus contentione abfuturos. Quo-  
 niam & sibi terra marique paranda arma aduersus Turcas forent, qui proxi-  
 mē peracerbam Dalmatiæ atque Illirici populis cladem intulissent, & tum ma-  
 ximē terrestribus copijs in Græcia coactis, & classe deducta insulis & vrbibus,  
 quas in Peloponneso atque Ætolia tenerent, Christianis intestino bello im-  
 plicitis imminerēt. Porro Bentiuolus qui eo tempore Ludouici iussa faciebat,  
 & Hercules omnium Ludouici consiliorum particeps, atque vnus ante om-  
 nes Gallici belli concitator, Obignino amicam fidelemq; operam obtulerunt:  
 30 sed id Hercules aliquanto prolixus, quod per Carolum, ad quem iam Ferdinā-  
 dum filium amicitiae obsidem in Galliam miserat, si semel Italia iusto armorū  
 tumultu quateretur, peninsulam Rodiginam de Venetis recepturum se con-  
 fidebat. Florentiæ autem Petrus Medicēs, quum eum Obigninus deprecā-  
 do, ne veteris necessitudinis, quæ Mediceæ familiæ & Florentinæ ciuitati cum  
 Galliæ regibus semper extitisset, obliuisci vellet: atque etiam non obscure bel-  
 lum comminando, in partes traducere conaretur, negauit se vlla denunciatio-  
 ne periculi scedus esse violaturum, quod Laurentius pater, Florentinusque se-  
 natus antiquitus cum Aragonijs regibus percussissent: propterea non debere  
 sibi succensere Galliæ regem, si iusiurandum coleret, fidemque seruaret: qua  
 40 violata non mediocrerum suarum periculum esset aditurus: quando in tan-  
 ta propinquitate Aragonij ad vlciscendam iniuriam, vti superioribus tempo-  
 ribus fecissent, inferre arma, atque omnem Ethruriæ statum perturbare facile  
 possent. Senenses rem Gallicam omni ope se adiuturos esse dixerunt: cæterum  
 non prius ex tuto se posse profiteri Gallicas partes, quàm validam Gallorum  
 manum in Ethruria conspicerent, ne ipsi propterea imparati, opportuni-  
 que iniuriæ, à Florentinis æternis hostibus suis opprimerentur. At Romæ Obigni-  
 nus veteri legato adiunctus in senatu grauiter exposuit, quo iure Carolus repe-



tendum sibi armis Neapolitanum regnum iudicaret: & subinde Pontificem patresque horatus est, ut amicitiam potius quam vim Gallorum experiri vel lent, qui omni tempore Christianæ religionis antistites cum summa veneratione coluissent: adiecitque magni interesse ad augendam summi pontificis dignitatem, exturbari Italia impios & execrabiles tyrannos, qui toties pontificum & sacrosancti eius ordinis tranquillitatem nefarijs armis vexauissent. Erant varia hominum studia. Cardinales proceresque Romani, qui priuatæ libidini & factionibus seruebant, in diuersas partes trahebantur. Ipse Pontifex anticipati suspensus cura, quando in parisijs, & equali metu consilia malè explicentur, in incerto habebat, Gallis ne faueret, an Aragoniorum amicitiam sequeretur. 10 Timebat potentiam propinqui præualidique regis, si hostis foret, qui paucis ante annis castra ad ipsa usque Romana mœnia promouisset. perhorrebat ex aduerso Gallica arma, quæ sine confusione rerum omnium in Italiam euocari non poterant. Quibus de causis vir eruditus artificio simulationis, modò harum modò illarum partium legatos, alia palam, alia secrete mentiando ac pollicendo, ipsa spe ineundæ societatis mirificè distinebat: ita tamen ut multi eum ad Aragonios inclinare manifestè sentirent, et si quid propensius vel apertius in causa Gallorum diceret, aut faceret, id eo simulante fieri arbitrarentur, ut anxij et dubitantib. Aragonijs, amicitiam suam grauioribus impositis conditionibus vendicaret. Interea fama grauior indies, ac ingens simul cura de ad- 20 uentu Gallorum Aragonijs crescebat. Nam Venetos, quos multis legationibus ac precibus ad prohibendos Italia Gallos frustra fatigabant, in vetere suo consilio, ut alienæ fortunæ euentum extra belli discrimen positi ociosè despectarent, permansuros esse didicerant. Nec Cæsar & Ferdinandus Hispanus qui cum Gallis pacem precio pepigissent, quicquam opis vel extremis etiam eorum casibus allaturi videbantur. Quibus de rebus Ferdinandus per eosdem Gennarios, et nouissimè per Camillum Pandonium excellenti dignitate atque ingenio virum, qui ad Carolum in Galliā mittebatur, Ludouicum aggressus est, ut aliqua conditionū equitate proposita molliendo eius animū, ac suæ erga eum futuræ fidei obliues pollicendo, orientis flammæ initia, propter quā omni mox 30 circum exarsura crudeli incendio forent, restingui possent. Postremò quum neq; Gennarij, neq; Pandonius hominē insanis consilijs pertinacius insistentē expugnare vlla ratione potuissent, ipse triremibus, vltro in Liguriam atq; inde Mediolanū ad exorandū placandumq; eū proficisci cogitauit: maturassetq; eò, et fortassis alloquio atq; industria cōmunes clades, quæ Italiæ fato destinabantur, auertisset, nisi amici filiusq; Alfonsus senem septuagenariū tenuissima valetudine, & super hæc grauius affectum curis, Hyberno mari minimè committendum esse censuissent. Nec multo post idem Pandonius, postquam Mediolani cuncta improspere tentata fuerant, cum amplissimis ad componendā cōtrouersiam mandatis ad Carolum in vltiorē Galliam profectus est. Eorū 40 summa erat, Ferdinandum omnesque Aragonios, fœdus quod sibi cum Ludouico eius patre antiquitus ictum fuisset, omni tempore ac difficillimis præsertim illis tempestatibus, quibus totius fermè Galliæ regulorum conspiratione periculose admodum fuisset iactatus, sanctissimè coluisse: neque vllas postea intercessisse iniurias, quibus à vetere amicitia diduci alienarique debuerit. Propterea iniquum sibi admodum videri, quod contra se arma pararentur, quando ipse nullo indigniore factō dictæque amicitiae iura violasset. Quod si augen-



auge di imperij cupiditate inductus, aliquod sibi Neapolitano in regno, quod  
 Aragonijs multis iam pontificum decretis esset adiudicatum, ius esse arbitra-  
 retur, paratum se iure potius quàm armis disceptare, ac protinus reiecturum  
 ad arbitrium pontificis regnum ipsum, vt ab eo tanquam æquissimo maximè  
 que prudenti arbitro, sine vlla perturbatione humani generis, omnis contro-  
 uersia finiretur. Se tum vel aduersum dijudicatæ litis euentum æquo animo  
 laturum esse, paternoque se imperio continuo decessurum, si iure ac legibus  
 iuberetur. Quod si antiquissimum quodque tempus respicere, ac ob id incer-  
 ti Martis fortunam omnino periclitari vellet, Aragonios neq; bellum depre-  
 10 cari, neque magnopere Gallorum arma formidare; qui in Italia toties, & pro  
 ea ipsa illatis iniuste bellis, infelices exitus habuissent. Sed Carolus, qui iam si-  
 bi cuncta quæ armis aggredieretur omnino cessura esse in animum induxe-  
 rat, Pandonium frustra plures dies in aula versatum, atque exponendæ lega-  
 tionis potestatem sibi fieri demisse postulante, inauditum dimisit, omnes-  
 que Neapolitani generis negotiatores intra certam diem decedere Gallie fini-  
 bus iussit. Pandonius tamen, postquam regijs exclusus foribus, neque officio,  
 neque sibi, vt negotij magnitudo flagitare videbatur, satisfacere poterat, a-  
 pud procures cunctosque eius aulae ordines, querendo se contra gentium con-  
 suetudinem non admissum, concionari in coronis hominum cœpit, ostentan-  
 20 do vtilia & decora Gallis de pace mandata, quibus nomen rex suus subscrip-  
 set, ac Deos regie voluntatis testes inuocando, testandoque non suam fore cul-  
 pam, si pace turbata, cum multa cæde hominum diuina atque humana permis-  
 cerentur: ac obiter, vt erat planè disertus, monendo Gallos, ne adeo incautè  
 Ludouico salutem atque existimationem suam credere vellent: Illum esse flu-  
 xa ac temporaria fide, qui proprijs magis commodis, quàm alienæ gloriæ vel  
 amplitudini studere didicisset. Neque eum etiam propter multiplicis affini-  
 tatis necessitudinem Aragonijs, si certiora eorum rebus atque Gallia à vi Gal-  
 lorum pericula imminerent, esse defuturum: ipsumque ac Venetos simul pas-  
 30 suos nunq, vt Gallus deuictis hostib. rerum in Italia potiatur. Venetos enim  
 cum eo, qui vnà animos haud obscure consociarint, tantummodo experiri cu-  
 pere, & procul videre quantum Aragonij duces virtutis atque animi, quātum  
 veteranus eorum exercitus vigoris ac disciplinæ aduersus ingruentium Gal-  
 lorum impetum sint habituri. Caterum quum Mars diu incertus in alteru-  
 tram tandem partem inclinauerit, ipsos statim ex occasione consilia sua plena  
 calliditatis inclinatae Fortunæ applicaturos, vt quum vtrunque mutuis in-  
 commodis defatigatum attritumque conspexerint, ipsi potentes atque inte-  
 gri, ambobus, quas voluerint belli & pacis pro libidine leges imponant. Po-  
 40 stremo annales suos Galli euoluerent, & quot insignes clades omni tempo-  
 re in Italia ipsorum exercitus acceperint, intuerentur: ac demū illud quod o-  
 mnium sermone vsurparetur, verū esse discerent, Gallorū corpora fato quodā  
 Italig, veluti propriæ ac gentilitig sepulture demandari. Interea Alexāder pōti-  
 fex, quū sepe antea, Gallisne, an potius Aragonijs fauendum foret Cardinales  
 consulisset, et tū maxime Ascanius Sfortia pro Gallis, contrā verò pro Ara-  
 gonijs Franciscus Picolhomineus Senatus princeps, patrib. diductis, summis  
 vtrinq; studijs cōtenderent, ad extremū pro Aragonijs stare cōstituit: ratus se  
 priuatis simul ac pub. rebus ea inclinatione consulturū: quoniā Aragoniorum  
 liberalitate mediocres adhuc filiorum suorum fortunas, ad ampliorem sta-



tum perducere, & tueri pontificij nominis, ipsiusque Italiae dignitatem aduersus infensissimam gentem, vtile sibi in primis, ac demum apud omnes honorificum arbitrabatur. Nec multo post Ferdinandus curis & morbo pregrauatus diem obiit, statimque Alfonsus iustis regali pompa defuncto patri persolutis, ad imperium euectus est. Auditae insuper gratulantium principum legationes, quae vndique officij causa Neapolim coibant: Regni procures sacramento adacti: lustratae copiae: ingentes pecuniae mulctatis acerbissime populis toto regno exactae: & cuncta demum quae terrestri maritimoque apparatus conducere videbantur, summa cura & singulari celeritate administrata: Missusque subinde Verginius Vrsinus ad Alexandrum, qui leges condicionesque renouandi foederis coram pertractaret. Idemque Pandonius Camillus, qui dudum e Gallia redierat, ad Baiazerem Turcarum imperatorem destinatus, qui doceret, quales quantique Gallorum apparatus, qui eius gentis animi, quae decreta regis ad inuadendam Macedoniam essent: hortareturque Barbarum regem ad transmittenda auxilia, quando vna ea ratione, & tum, & in posterum Macedoniam ac Epirum omni periculo esset liberaturus. Quod si Calabriae et Apuliae oram, quae proculdubio Graeciae & Constantinopolitani imperij munimenta forent, occupari a validissimo communi hoste pateretur, ipsum sero aduersus victores Gallos, qui continuo in Graeciam essent traiekturi, consilia atque opes suas oppositurum. Postulabat Alfonsus sena milia peditum & equitum, quae ipse dum hostis in Italia foret, liberali stipendio esset aliturus. Erat enim praecipuus Turcarum virtutis admirator, vt qui paucis ante annis Hydruntino bello, & mox ad Velitras iusta in acie eorum disciplinae ac fortitudinis periculum fecisset. At pontifex ob eas causas quas supra memoraui, & cohortantibus maxime Florentinis cum Alfonso his conditionibus foedus percussit, vt ipse Aragonios Florentinosque, illi vero pariter pontificios fines, si bellum ingrueret, certis auxilijs tuerentur. Gothifredo item Borgiae Carinulae principatus dono datus, cui et Alfonsi filia obscura matre genita nupserat: Franciscus vero Candianus magno cum stipendio regiae adscitus militiae. Li pontificis filij erant, qui tum ex paterna fortuna ad insigne opum atque potentia fastigium nitebantur. Alfonsus quoque paucos post dies coronam, caeteraque Neapolitani imperij insignia a Pontifice impetrauit, missusque Neapolim magno comitatu Ioannes Borgia Cardinalis, qui Celebris pompa, & sacris de more peractis diademate regem insigniret, reclamantibus Gallorum legatis, qui pontificia concessione praedudicari sibi in ea ambigui iuris controuersia querebantur. Interim Alexander atque Alfonsus, vt Caroli consilia disturbarent, Gallorumque impetum, qui iam omnes ab insita eorum animis belli cupiditate ad superandas Alpes incitabantur, aliqua ex parte retardarent, idoneos homines in Galliam miserunt, per quos secreto primores regiae aule, singulis premiis pollicendo, ad impediendam aut differendam expeditionem inducebant. Brissonettoque in primis rosei galeri dignitatem affectanti, si operam suam prestaret, syngrapha cum breui epistola in fidem transmissa, eius insignis sacerdotij honor oblatus est. Nec defuere viri militares, qui iam praecipiti aestate id bellum in proximum verum tempus differendum esse dictarent. Nanque partim largitione corrupti, partim occultis acti simulatibus, voluntates facile commutabant. Aliqui etiam studio contradicendi, qui morbus ducum omnium maxime peculiaris est, plaraque vera, aut vero proxima suadendo, amulorum



lorum auctoritatē cōminuere atq; obseurare nitebantur. In his erat Aurantiū princeps Miolanius regulus, & ante alios Philippus Dechordes militaris prudentiæ nomine facile primus, qui accurata oratione omnes eius belli difficultates explicando, grauē in Italia Autumnū his fore differuit, qui subito ē saluberrimis Gallie regionibus Alpes transirent: hyeme autem Apenninum tormentis curulibus inaccessum & penitus insuperabilem, omnesq; Togatæ Gallie, vel Ethruriæ vias, perpetuo luto impeditas & inextricabiles, maioresq; aliquāto quā ipsi putarent Alfonso opes, quum in Italia forent, inuenturos, Florentinis præsertim atq; pōtifice adiunctis: qui animis, ditionisq; finibus coniuncti  
10 summas haberent expediēde pecunię facultates, et maximā Italię partē obtinerent. Nec satis sibi ad securitatem Gallici exercitus exploratas videri Venetorū voluntates, qui se in neutram inclinatuos partem fallaci quadam specie quietis profiterentur, & arma tamen interim tenere, nec publicam fidem vllis certi fœderis legibus obligare vellent. Ludouicum quoque Sfortiam ē commodo suo latebrosis semper inuolutum consilijs, qui tantoperē ad profectiōem maturandam regem accenderet, nihil magis exoptare, quā Aragoniorum opes sibi admodum formidabiles alieno periculo attritas labefactatasq; conspiceret. Cæterum hominem peracutum ac insidiosum, confirmatis rebus suis  
20 circumspecturum bellici motus euentum, & Gallos, si ita casus ferret, iam demissos in vltimam Italiam, non modo deserturum, sed (quod Dii prohiberēt) nouis occultisq; consilijs, et palam armis oppugnaturum. Ea enim esse Itolorū principum ingenia, vt externis nationibus, & ante alias Gallis, quas natura implacabili odio prosequantur, facillimē fidem fallant: Debere esse documento Gallis omnibus tria bella superioris tempestatis cum summo detrimento suscepta, quum Galli vltro inuitati à factiosis Italiæ populis ad Alexandriam, & aliquanto post ad Boscum, & postremo ad Genuā, dolo potius quā virtute superati, Italicæ crudelitatis atque perfidiæ funestam admodum importuno aduentu suo memoriā reliquissent: proinde Gallici imperij decus, ipsiusque regis & totius Gallie nobilitatis salutem, incertæ fidei Itolorum principū  
30 non esse committendam videri. Id verò se ē republica, dignitateque magnanimitatis regis existimare, si in Sfortiam arma conuerterentur, atque eo pulso, Mediolanense imperium, vti iura postularent, Ludouico Aurelianensi attribuerent. Tumenim Venetos, aut vi, aut voluntate in belli societatem concessuros. Mediolanum enim totius Italiæ arcem esse, vnde ipsi comparatis tuto amplioribus copijs, & de Neapolitano regno, & de transmarinis etiam imperijs cogitare atque decernere possent. Allobrogum Salassorumque Regulos, qui Sfortiæ infensi essent, in subalpina regione, commeatus atque omnis generis auxilia cupidissimē præbituros: & satis superque validas eas fore copias, quæ tum in Gallia paratæ coactæque essent, ad conficiendum intra autumnī tempus Mediolanense bellum. Adepta verò victoria, fertilissimis in vrbibus hybernatos milites, atque inde eos omnibus rebus instructos, externoque insuefactos cælo, ad prima veris signa melioribus auspicijs, nullo metu suspectandæ socialis perfidiæ, quò voluerint penetraturos. Hæc apud regem in consilio, & passim in regia domo, et frequētoribus procerum conuiuijs, summa dicendi libertate disflerebantur. Nam Ludouico Aurelianensi, qui postea regnū Gallie & Mediolanense imperium adeptus est, complures ingentibus studijs fauebant, & Sfortiam, vt sunt Galli sermē omnes natura aperti, et de alio facile



suspicaces, propter vulgatam eius prudentiæ opinionem, veluti callidi occul-  
 tiq̃ue ingenij hominem oderant, & regi suspectum reddere conabantur. Nam  
 Pandonij conciones apud omnes habitæ, cunctis propè eum inuisum reddide-  
 rant. Accidit quoque per eos dies ad suspicionem augendam, vt Ioannes Mat-  
 taronius apud Petrum Medicem Caroli legatus, Ludouicum Sfortiã consilia  
 perfidiæ plena agitare significaret. Nanq; Petrus Medices, quum apud se Ste-  
 phanus Tabernius, qui pro Ludouico legationis munere fungebatur, secretio-  
 re in cubiculo de magnis rebus disputaret, Mattaronium turpi quadam, aut  
 certè parum virili astutia sub auleis condiderat, vt illo audiente arcana omnia  
 Sfortiani q̃ue animi recessus, quæ Tabernius ignarus fraudis ingenuè profere-  
 bat, regi Gallo proderentur. Quæ res, sicuti Bernardus Oricellarius, qui tum  
 Florentiæ pub. consilij interfuit, in historijs asseuerat, Ludouico apud Caro-  
 lum incertæ voluntatis vel perfidiæ ignominiam conflauit. Postulabat Ludo-  
 uicus à Medice Florentinisq̃ue, ne Alfonso contra se iuuare vellent, nec cum  
 eo commiscere res suas properarent: coactum se minis atque iniurijs Arago-  
 niorum, aduersus eorum vim externa præsidia comparare, quibus dignitatem  
 atque salutem tueretur. Non esse se adeò insano perditioe consilio, vt Gallo-  
 rum gentem in Italia dominari velit, quæ sibi in primis magnitudine virium  
 atque ambitione latius imperandi esset suspecta, & maioribus suis insensissi-  
 ma semper extitisset. Posse eos qui & vim & auctoritatem ad cogendum ha-  
 berent, monere ac inducere Alfonso, vt à vi paranda minisque desisteret, &  
 Mediolanensium rerum tandem obliuisceretur, quarum negocium Arago-  
 nijs rationibus esset penitus alienum. Debere Alfonso fortunæ suæ ac desi-  
 derijs abundè satisfactum arbitrari, quod Neapolitano regno potiretur. Id si  
 Florentini enixè curarent, & Alfonso salutaribus consilijs obtemperaret, se  
 protinus Gallorum expeditionem interpositis difficultatibus impediturum,  
 foreq; vti sua industria omnis Italia eo metu atq; periculo liberaretur. Quod  
 si obdurarent, nec longè prospicere vellent, dum facultatem conseruandæ sa-  
 lutis haberent, se consulturum rebus suis: omnemq̃ue eam tempestatem quæ  
 ab Alpibus immineret, pro auertenda clade, in alienos agros effusurum. His  
 ferme sermonibus exceptis, Mattaronius regem proceresq̃ue monuerat, vt  
 cautè ac maturè de expeditione acceleranda propter dubiam sociorum fidem  
 deliberarent. Quibus omnibus de rebus, quas superius commemorauimus, ma-  
 gna est in ipso rege ac duce voluntatum facta commutatio. Nam qui bellū  
 tantoperè suadebant, pristinum illum ardorem magna ex parte ita remisérāt,  
 vt terrestres & nauales apparatus tanto omnium studio cœpti, præfectis plu-  
 ra admodum tepidè administrantibus intermitteri viderētur. Eius rei fama Lu-  
 douicum vehementer perculit, quum sibi & Ascanio fratri timere cogeretur,  
 Aragonijs iam tum ad gerendum bellum abundè instructis, nisi Carolus eo  
 autumnno transire alpes, atque eos inuadere maturaret. Igitur in eam adductus  
 sollicitudinem, Galeacium Sanseuerinum ducem generumq̃ue suum in Galliã  
 cum ornatissimo comitatu ad Carolum mittit: qui publicè orando, ac priua-  
 tim largiendo, magna q̃ue equitum auxilia, plures naues, ingentemq̃ue pecu-  
 niam in subsidium decreti belli pollicendo, aduersos de se rumores extingue-  
 ret, regemq̃ue et cæteros proceres confutatis suspicionibus, difficultatibusq̃ue  
 sublatis pristinae spei restitueret; atque eos ad superandas alpes, quanta maxi-  
 ma fieri celeritate posset, hortaretur. Quæ legatio ipsius regis atque omnium  
 crexit



erexit animos: & breui maximum bellicis administrationibus, quæ vel incuria vel vltro negligenter omnibus ferme locis refrixerant momentum attulit. Nec diu in Gallia cunctatum est: nam longarum aliarumque nauium classis Malsiliæ deducta exornataque est: onerarię spectatę magnitudinis ab Armosrico Oceano in mare nostrum accitæ: & prima peditum agmina cum nouo, ac ob id maxime formidabili æneorum tormentorum apparatu ad Coctias alpes præmissa sunt. Dum hæc in Gallia parantur, Iulianus Rouereus Ostiensis Cardinalis: qui postea ad Pontificatum euectus, Italiæ & toti ferme Europæ magnorum motuum causam præbuit: dum insidias pontificis perpetui hostis  
10 sui vereretur, clam celeri nauigio ab Ostia in Galliam profugit. Eius aduentu regem magnoperè lætatum ferunt, quoniam per eum qui potentia atque auctoritate inter Patres plurimam valeret, Alexandri pontificis consilia se vehementer turbaturū arbitrabatur. Siquidem plerique e Patribus, non deerant: qui eū vitio creatum dicerent, & propterea quod sacrosanctum eius dignitatis fastigium sibi pretio quesiuisset, veluti damnatum ambitus lege, omnino gradu pellendum esse iudicarent. Igitur Iulianus, ut erat inquieto vehementique ingenio, apud regem ac procures pontifici atque Alfonso cunctis artibus odium inuidiamque conflare, concitare eis bellum, victoriam terra marique perfacilem fore polliceri, ac demum, qui militiæ vsus in Italia, quæ consilia & facultates sociorum atque hostiū essent, earum tum rerū imperitos & rudes Gallos sigil  
20 latim perdocere contendebat. Ipse verò Ludouicus iam supra quingentos grauis armaturę equites ad signa vocauerat. Genuę sex triremes, quatuorque trium milium amphorarū onerarias naues tormentis armisque instruxerat: coegerat vndique pecuniam ad supplenda Gallorū stipendia, & magnam vim omnis generis commeatus, qui terra marique diuturno etiam bello sufficeret, in opportuna loca contulerat. Romę quoque per eos dies ab Ascanio Cardinale atque Obegnino, Prospero et Fabritio Columnę: et e Sabella gente, Vrsinisque aliquot obscurioris nominis duces: itemque Ioannes Rouerius Iuliani Cardinalis frater cum singulis equitum turmis Regio Sfortianoque stipendio addicti: cæterum iussi non  
30 prius ostentare arma, aut Gallicarum partium nomen profiteri, quam Ostiæ vel Neptuni ad Antium regia classis appropinquaret, ne ipsi interea: sistendiū suum nudaret, à pontifice atque Aragonijs, quorum copię iam instructæ in conspectu erant, opprimerentur. Sed dum Columnę in Vrbe, et in Latio, præsertim, ubi eorum sunt clientelę, secretis admodum stipendijs equites cōducunt & denique omnia in aduentū Gallorū ad mouendum bellum dissimulanter parat: Alexander ad oppugnandā Ostiā Nicolaū Vrsinū Petilianū misit. tenebatur enim Iuliani præsidio, summamque habebat opportunitatem ad suscipiendas Gallorū classes, urbemque ipsam obfesso ac intercluso mari, famē & multarū rerū inopia subigendā. Perstitere aliquādiu in fide præsidiarij, cū Petilianus maiorib.  
40 tormentis arcē continēter opugnaret. Verū mox vrgētī vitę periculo adducti, ea cōditione arcē dediderunt, uti senatui Patribusque publicē custodiēda, donec Iulianus ad officiū rediret, traderetur. Verū non multis interpositis diebus eadē arx, quę multo militū labore parta fuerat, dolis atque ausu duorum militū recepta est, qui ab Ascanio ac Prospero haud dubiē summissi, simulata amicitia custodē arcis in lectulo quiescentē cōprehenderunt, & Columnios milites ex cōdicto ab oppido ad arcē cōuolantes præsidiarijs terrefactis introduxerunt. Vnde postea tātis incommodis rē Rom. atque ipsum pontif. Guerra Monaldus



afflixiſſet. Conatus eſt Alexander, qui eam iniuriam doloreꝛque animo ſuſti-  
 nere non poterat, Oſtiam ſuis quoque artibus recuperare, Aſcanio & Proſpe-  
 ro ſub ſpecie componendarum rerum fide data in Urbem euocatis, atque his  
 continuo in Hadriani molem coniectis. Verum illi paulo poſt carcere ſunt e-  
 miſſi, quum ob violatam fidem auxilia à Dijs a hominibus, & præſertim ab  
 aduentante Carolo per Ludouicum Sfortiam implorarent. Iſdem ferme die-  
 bus Alſonſus vt coram de bello conſultaret, ad Pontificem, qui tum in Tybur-  
 ti ad vicum Varronis ſeceſſerat, cum duabus expeditorum equitum aliſ perue-  
 nit. Affuere concilio Florentinorum legati, Cardinalesque omnes, præter eos  
 qui Aſcanium ſecuti, Gallicis rebus fauebant. Ferunt, Alſonſum quum proſe-  
 fortiter & magnifice, tum pro Italia ſalute prudenter atque diuine peroraſſe,  
 omniumque animos eius oratione ita eſſe permotos, vt Pontifex nulla inter-  
 poſita dubitatione non modo bellum quod ingrueret conſtantiffime ſuſtinen-  
 dum, verum hoſtes audaciorẽ conſilio, illatis vltro armis præoccupandos eſſe  
 decreuerit. Erat apud Alexãdram Paulus Fregoſius Cardinalis Genua ab A-  
 durniſ pulſus. iſ per Hybletum Flifcum clientesque ſuos & nobiles aliquot  
 Fregoſiæ factionis ciues, qui Adurniorum potentia infenſi erant, ſe Genuam  
 eiectis Adurniſ occupaturum pollicebatur, ſi ante Gallicarum nauium adue-  
 tum, ac priuſquam Sfortianæ triremes planè exornari, vel maiora præſidia ter-  
 reſtri itinere ab vltiore Gallia Genuam adduci poſſent, ipſi expedita claſſe  
 in Liguriam aduolarent: fore etenim vt ad primum Aragoniæ claſſis aduentũ  
 cuncti inferioris Liguriæ populi, ipſique Genuenſes metu aut voluntate ſtu-  
 dia commutarent. Nec aliam poſtea Gallos gerendi belli rationem inuẽtu-  
 ros, ſi Genua cæterisque peropportuniſ Liguriæ portibus excluderentur. Itaque  
 Alſonſus Neapolim reuerſus Ferdinandum filium, in quo mirifica indoles mi-  
 litaris virtutis eminebat, terreſtribus copijs, Federicum verò fratrem toti ma-  
 ritimo negotio præfecit. Cæterũ Petilianus, Alſonſus Daualus Piſcariæ Mar-  
 chio, & Ioannes Iacobus Triuultius, qui tum peregregij duces erant, & poſtea  
 omnibus bellis cum ſumma imperatoriæ virtutis laude claruerunt, Ferdinan-  
 do attributi ſunt, vt alacriores in iuvene ſpiritus maturo conſilio temperarẽt.  
 Iſ è Campania per Marſos & Sabinos Apenninum tranſgreſſus, adiunctisq;  
 ſibi in Vmbria pontificijs aliquot turmiſ, per Æmiliam in Fauẽtinum agrum,  
 vt inde Ciſalpinæ Gallia ſines inuaderet, contendit. Porro Federicus è Baia-  
 no ſinu cum triginta quinque triremibus, & quatuordecim onerarijs, multiſ-  
 que minoribus nauigijs proſectus, leniſſimiſ vſus tempeſtatibus, Liburnum,  
 quod olim fuit Labronæ ſtatio, citra Arni oſtium peruenit. Affuere illi Petrus  
 Medices, legati que Florentini, & magna pars ciuitatis ſtudio viſendæ claſſis  
 eò prouecta: certatumque eſt hinc inde liberalitate atque modeſtia. Cæterum  
 repletis omni rerum copia naualibus ſocijs cum ſecundi perflarent venti, claſ-  
 ſis Liburno educta in Lunenſem oram curſum tenuit. Erat in conſpectu Por-  
 tus Veneris oppidum, quo ſi potiretur Aragonius, alios poſtea eius oræ popu-  
 loſ paruo negotio in ditionem eius conſeſſuros apparebat. Id in faucibus Lu-  
 nenſis portus ad læuam poſitum eſt, contra eam inſulam quæ portui obiecta,  
 ab ipſo memorabili Veneris templo, ſummam olim amcenitatis & religionis  
 famam obtinuit. Hinc ſinus ipſe admirabili flexu latiſſimè introrſus aperitur,  
 panditque ſe ad latitudinem quadraginta ſtadiorum, ac demum curuatus in  
 plenum orbem, ad portum Erycis & Coruum Lunæ promontorium extendi-  
 tur,



minores passim portus, & tutas vbique stationes efficiens, multis procurren-  
 tibus in mare apricis collib. quos frequentes riui altioribus delapsi iugis, et ne-  
 morosæ passim valles, amœnissimo quodā naturę ordine distinguunt. Medio  
 in sinu Spedia est, oppidū piscosum ac amabili vino maximè nobile. Ad dex-  
 tram autē non lōgē ab ostio Macrę amnis, Erycis vicus traiectu admodum re-  
 cto Veneris insulam, atq; ipsum portū cōtrā respicit, ab eo qui in Sicilia est E-  
 ryx haud dubiè cognominatus. Igitur Federicus ad tentandā oppidanorum fi-  
 dem, Fregosinū Pauli cardinalis filium, Aloysiumq; Rapollū consiliariū suum  
 singularis industrię hominē in oppidū premittit, qui eos ad deditionē facien-  
 10 dam, & Fregosios, quarū partium nomē ipsi naturali studio colere consueuis-  
 sent, portu atq; oppido recipiendos adhortentur; ac moneant ne inani, et mox  
 nihil pro futura pertinaciā, in summum periculū, quod à validissimā classe sta-  
 tim immineret, sese ac fortunas suas deuocare vellent. Pręerat oppido Balbus,  
 qui è Cisalpina Gallia transuersis Apēnini iugis, eō cum delecta peditū manu,  
 singulari celeritate conuolarat. Cum paulō antē Ludouicus ad famā Aragonię  
 clasis, singulis totius orę oppidis opportuna pręsidia diligēter imposuisset. Is  
 oppidanorū fidei et virtuti militū confusus, respondit, eam esse omniū Ligurū  
 consuetudinē vt nunq̃ in potestātē noui principis voluntate cōcedant, quādiu  
 illi sint incolumes qui rerū Genue potiātur. Quod si externa vi aut aliquo ci-  
 20 uū tumultu accidat, vt pręsentium rerū status perturbetur, ipsos tum absq; de-  
 fectionis infamia victorib. cedere, quorū fortunā ex publico ciuitatis euētū se-  
 querentur: proinde nō debere sibi irasci Federicū, si ipsum oppido portuq; re-  
 cipere recusarent, quum Adurniū Sfortianumq; imperiū Genue, totaq; Ligu-  
 ria vigeret, pro quo ipsi extrema sustinere parati essent, ne primi omniū perfī-  
 dia aut metu defecisse videantur. Dirempto colloquio, Aragonij indignātes,  
 quod oppidum muro debile et facultatib. modicū, tantę classis vim atq; impe-  
 tum morari auderet, confestim arma expediunt, triremiū proras admouēt, co-  
 hortēs euectę maiorib. scaphis sub signis in proximum litus desiliunt, atque op-  
 pidū terra mariq; vno tēpore expugnare adoriuntur. Contrā oppidani misti  
 30 militib. frequentes in muro esse, egregiē omnes propugnare, in classem ē pro-  
 pugnaculis faces ac tela omnis generis iaculari, in subiectos qui scalis ascende-  
 re conabantur ingētia saxa prouoluere: ipsę mulieres singulari audacia in mu-  
 rum arma, tigna, lapides cōportare, solari faucios ac defessos, ac demū cuncta  
 nullo virili officio prętermisso, laborantib. subministrare. ipse Balbus ingenio  
 velox et manu prōptus, huc et illuc pugnando atq; adhortando ferebatur. Tor-  
 menta minora pro ea copia quā nactus erat idoneis in locis, vnde hostiū mili-  
 tes qui descenderāt, et turbę nauales destinato feriri possent, industriē colloca-  
 bat: neq; interim tormēta maiora nauib. emissā cessabant. Aragonijq; admotis  
 triremiū proris certatim in terrā desilire conabātur. Sed oppidani nouo astu,  
 40 auctore Frandaia prędone insigni, à quo demū sene locus littoris cū risu nobis  
 ostētatus est, scopulos saxaq; de industria, ad exiliendū in littore antiquitūs col-  
 locata, multo seuo cōsperserant, ita vt milites saltu incitati desilire properātes,  
 labentib. extemplo vestigijs in mare, interq; eminētes petras cū summa propu-  
 gnantium, voluptate, & multo omnium risu prepedientib. armis laberentur.  
 Pugnatū est continēter horis septē pari vtrinq; virtute. Verū ingruēte nocte,  
 quū Aragonij, qui & iniquo loco, & sine idoneo apparatu pugnauerant, fru-  
 stra omnes aditus pertētassent, nonnulliq; eorum occisi, plures cōsauciati, cę-



teri æstu & labore defatigati essent: & Iulius Vrsinus qui cohortibus præerat,  
 lapide ictus prælio excessisset, se ad naues relictæ oppugnatione receperunt.  
 Ea nocte quæ secuta est, Federicus, sublati anchoris Clauario vico classem ap-  
 pulit; mox inde citata remigatione in Rapallinum sinum profectus est. In eo  
 situm est Rapallum oppidum ædificijs admodum frequens, quod æquali fer-  
 me spatio à Delphini portu & à Segesta Tiguliorum distat. Id in duas regio-  
 nes diuiditur, quarum altera vocatur Guelpha, altera autem Gibellina à vete-  
 re factionum appellatione, quibus sese Ligures omni tempore ad lethalem in-  
 saniam exercuerunt. Aragonij nemine impediante expositi in terram, celeri-  
 terque eiecto præsidio, quod paucorum erat militum, oppidum occupant: id- 10  
 que tumultuario opere ad sustinendum hostium impetum, quod sine muro  
 erat, communire celeriter parant. Nec multo labore milites montanique ho-  
 mines, quos Hyblettus & Fregosinus e proximis castellis euocauerant, muni-  
 tiones circumtulerunt. Erat earum ratio sicuti tum optima, ita nunc maximè  
 ridenda. Furcis enim crassioribus solo defixis, ita vt ad vmbilici mensuram ex-  
 tarent, longissimæ trabes continuato ordine confixæ clauis imponebantur.  
 His se ab omni repentino hostium incurfu tutos ac munitos esse antiquiores  
 existimabant, ac pro his tuendis, cum eas transcendere aduersarij niterentur,  
 acerrimè præliari consueuerant, felici admodum tempestate, qua militum vir-  
 tus nullo tormentorum obiecta periculo ex ipsis virium & dextræ fortis ope- 20  
 ribus veluti ludicro in spectaculo certa cum laude notabatur. At Genuæ cum  
 multo antea de hostium classe cognouissent, terra marique arma parabantur.  
 Iamque Aurelianus Ludouicus, qui primus alpes fuerat transgressus, ab Asta  
 Colonia suæ ditionis Genuam peruenerat: eumque fuerat subsecutus cum se-  
 ptem Heluetiorum cohortibus Antonius Basseius, quem à Magistratu in He-  
 duis gesto, Diuioni Baulium vocabant. Is & Germanicam callebat linguam,  
 & summus artifex tractandis Heluetiorum ingenijs habebatur. Antonius quo-  
 que Maria Sanseuerinus inter Sfortianos duces egregiè strenuus, alam vnā  
 equitum, & cohortes duas veteranas adduxerat. Adhæc onerariæ duodecim,  
 & decem & octo triremes militibus complebantur: eaque tum apud omnes 30  
 erat opinio, Aragoniam classē quæ remigio tantum valeret, posse à maximis  
 atque validissimis Ligurum Gallorumque nauibus facile superari, si aliqui ab  
 Occidente perflarent venti. Nam per eos dies tanta malacia vbique fuerat, vt  
 in ea maria mirabili tranquillitate constata, nulla penitus facultas educendæ  
 classis alicuius auræ beneficio præberetur. Neque ea res Federicum vel Arago-  
 nios trierarchos fallebat, qui ne classis aduersis Austri vel Africi flatibus in in-  
 timum sinum adigeretur, quo in loco effugijs desperatis omnino pereundum  
 foret, exposito statim exercitu, ac prouisa maris commutatione, triremes in al-  
 tum extulerant: vnde hostilis classis motum euentumque suorum, qui ad op-  
 pidum castra habebant, parati in vtriusque fortunæ consilium despectarent. 40  
 Porro Adurnij & ceteri Galli duces, postq̃ Aragonios ad Rapallum considere  
 nunciatū est, inter se reigerendæ munia partiuntur. Aurelianus classē con-  
 scendit, in altumq; eam promouet, vt implendis velis terrestri aura potiatur:  
 reliqui copias educunt, & prout libido cuiq; fuit, Itali ferme omnes terrestri i-  
 tinere, Heluetij lembis actuarijsq; nauigijs Rapallum proficiscuntur. Id abest  
 à Genua xx. passuum milibus, verū iter adeo cōcisum, cōfragosumq; est, adeoq;  
 angusti in arduis rupib. calles existunt, vt equites armatos, nisi summa cū diffi-  
 cultate no-



non admittant. Peruentum est in conspectum Aragoniorum, magna adhuc superante diei parte, quod per noctem & vitandi aestus & fallendi hostis causa iter illud tempestiue confecerant. Erat proxima oppido satis lata planities, ubi quum duces castrametari inciperent, quippe qui ea nocte conquiescere, & in albescente coelo recreatis militibus hostes adoriri decreuerant, nata est paucorum audacia & temeritate occasio committendae pugnae, sicuti plerunque accidit, ut praelia casu potius quam certo ducum decreto conferantur. Sfortiani nanque milites in proximum hostilibus castris tumultum ad tendendum processerant, ut ante alios pro gloria inter prima pugnae pericula decertarent, 10 quod vniuersi agminis frontem ipsaque principia, propter inueteratam bellicae laudis opinionem, tot asperis quaesitam bellis, sibi deberi honoris loco existimabant. Id non tulere Praetoriani, quod sibi nimia sociorum arrogantia probandae virtutis atque operae facultas eriperetur: cum praesertim in oculis Genuensium, ac ipsius Ioannis Adurni ducis sui, apud quos tot opima stipendia ociosa in pace meruissent, pro laude saluteque foret dimicandum. Erant enim quadringenti ferme veterani omnes & gladiatores eximi, qui saepius in acie singularique certamine fortiter pugnando, spectatae virtutis famam ac vberiora stipendia fuerant consecuti. Sumptuosae omnibus vestes, & splendida arma 20 conspiciebantur, utpote qui urbanae militiae assueti, nihil ad ornatum praetermitterebant. Videre erat penulas militares coccineas aureis circumdatas limbis, argenteos passim gladiorum capulos, inaurata scuta, thoraces serico purpuraque contextos: ita ut milites qui hodie modico & vili admodum corio pro veste contenti sunt, despiciendi tanquam egentissimi eorum recordatione videantur. In his erant Antonellus Potentianus, Beuilaqua Insuber, Franciscus Nardous, Auanzinus Cassiana, Thomas Firmanus, Honofrius Calaber, ipseque Salernitanus cognomento Prauus, & complures alij insignis audaciae centuriones, qui ordines superioribus bellis in Italia duxerant. Ii itaque cum tota acie fremerent, eumque locum sub ipsis hostium munitionibus a Sfortianis occupari vehementer indignarentur, raptim omnes vesano gradu, ac vix seruatis ordinibus ut aequiorem supra Sfortianos locum antecaperent, versus castra hostium 30 contenderunt. Nec dubitauere Aragoni, rati eos ad oppugnandas munitiones appropere, quin continuo erumpendum & collato pede reprimendam subeuntium audaciam iudicarent: quoniam & ipsi temeritate persimili intra munitiones repugnare parum decorum putabant: praesertim quum amissum decus ad portum Veneris, egregio aliquo facinore edito refarcire cuperent ad retinendam virtutis opinionem, quam de se apud omnes iactantius praedicando tota ea nauigatione praebuissent. Nec mora, disiectis statim trabium repagulis, patefactoque exitu, infestis signis euolauerunt. Accinxere se praelio Praetoriani, quanquam Aragonios munitionibus egressuros esse minime putarant, 40 concursumque est inopinantibus omnibus, ac diu maxima contentione dimicatum. Vtrique duces quorum nullum eo die fuit imperium, postquam neque arte, neque consilio, sed promiscua temeritate omnibus locis pugnabatur, summittendo auxilia, adhortando quos regere non poterant, ac demum ipsi capeffendo pugnam periculo suorum militum occurrere nitebantur. Ad extremum Aragoni neque Sfortianorum virtutem, neque Praetorianorum impetum tulerunt: loco etenim pulsi, & deiecti eo ponte, qui diuersas oppidi partes interfluente riuo determinat, terga vertere. Fusos fugatosque totus exercitus per-



ruptis eorum munitionibus persecutus est, ingensque ea die pro numero hostium cædes facta. Nam Helvetij qui tardius aduenerant, stratos à Prætorianis & vulneratos barbara crudelitate mactabant. Ab his quoque nobilis captiuus, quem Aloysius Fliscus vnus è ducibus in equi clunes sustulerat, vt in pacatum abduceret, cum maximo ipsius confessoris periculo trucidatus est: quamquam Aloysius sua claritate omnibus notus esset, vt qui Genuæ cunctis interfuerat cõsilijs, & tum magna aduersus Aragonios fratremque Hyblettum auxilia montanorum adduxerat. In eo tumultu Hyblettus ipse prælio effugiens cum ea manu agrestium, quam ex ditionis suæ castellis accitam circa se præsidij causa habebat, asperis inusitatisque tramitibus, per Lauanig amnis, quæ Entella<sup>10</sup> olim fuit, valles montesque profugit. Iulius Vrsinus Fregosinusque vulnere tradatus, & Orlandus pariter Fregosius capiuntur, magnaque Aragoniorum multitudo proiectis armis dedita est. Pauci ex victoribus interfecti, sed in his Auanzinus Cassiana inter fortissimos centuriones annumeratus, & ex Sfortianorum Prætorianorumque numero supra sexaginta grauius vulnerati discessere. Hinc ad prædam discursum, totumque oppidum nullo discrimine amicæ partis ab Heluetijs direptum, nullum Aragonijs ad mare, nisi paruorum admodum lemborum beneficio effugium patuit. Quoniam Federicus ab alto Ligusticas conspicatus naues, quæ secundo vento ferebantur, & iam tormenta procul euibrabant, in pacatiora littora ad Arni hostium & Liburnū retro-<sup>20</sup> cesserat: vnde mox etiam aduerso rerum euentu consternatus Neapolim repetiuit. Fuere tum complures, qui eius amplissime classis tanta impensa tantoque studio comparatæ, vanos conatus & fœdum exitum riderent. Sed contra nõ deerant vsu rerum periti atque prudentes, qui nullis addicti partium studijs omnibus lugendum esse iudicaret, quum ab his rerum inijs supremas ac misera biles ruituræ mox Italię clades ominarentur. Profligatis Aragonijs, exercitumque Genuam reuerso, cum maximo externorum militum discrimine in vrbe tumultuatum, cum Heluetijs Gallisque prædam venditantibus, Rapallini vestes, vasa, suppellectilemque suam passim agnoscentes, implorato ab amicis, affinibusque auxilio, res suas repeterent. Hinc abiurgijs ad arma populari furore discursus<sup>30</sup> est, punctoque temporis diuersis in vrbe locis nonnulli ex Heluetijs et Gallis trucidati: proculdubioque ea die externum militem incitatæ plebis infania deleuisset, nisi Augustinus atque ipse Ioannes cū prætoriam cohortem in publicū egressi, circummissis præconibus, audacioribusque correptis, atque his protinus ad exemplū laqueo suspensis, iratę ac sequentis multitudinis impetū repressissent. Rapalline victorię nūcius, et Ludouicū incredibili affecit lætitia, & Carolū veluti certo iam victorię omine accepto, ad maturandum in Italiam sollicitauit. Iam tota fermè Heluetiorū multitudo per Graias Alpes in Vercellensem agrū descenderat: & Obigninus cū valida eorū manu atque ala sua Britannica, & trecentis fermè Gallis equitibus cataphractis in Flaminiam processerat. Quo paulo<sup>40</sup> antè ad iungendas vires Ioannes Franciscus Sanseuerinus Calatig comes fuerat profectus. Is tum Sfortianis copijs imperabat, in queis grauis armaturę equites sexcenti, et ter mille pedites veterani censebātur. Quibus viribus, in vnum coactis, vt Ferdinandi conatibus obuiam irent, ad Fossam Giliolā in finibus Ferrariensis agri munitissimo loco castra posuerunt. Hisdē fermè diebus Ferdināndus Tiferno, vbi cū Petro Medice apud Vitellios hospites fuerat collocutus, mollioribus Apennini iugis in Fauentinum agrum transcēdit. Erant eius copię eque-

stre



stes ferme omnes, equorum virorumque robore præstantes, & apparatu lon-  
 gè omnium ornatissimæ. quibus vt primum in Æmiliam est deuentum, con-  
 scriptis vbique cohortib. supra sex milia peditum adiunxit ex Bononiensibus,  
 hisque populis qui Anemonis vallem & sinistrum Apennini latus incolunt.  
 Eorum erant præfacti viri fortes, Dionysius Naldus & Vicentius eius frater.  
 Præterea aderant Guido Vrbinatium & Ioannes Sfortia Pisarensum regu-  
 li. Accessere quoque ex pontificijs tres equitum turmæ, Serræ Hispani nobilis  
 ductu. ex Florentinorum quoque copijs quadringenti vtriusque armaturæ  
 equites, quibus Annibal Bentiuolus imperabat. His viribus Ferdinandus in  
 10 Parmensem agrum irrumperere se posse crediderat, adiuuante vel permittente  
 Ioanne Bentiuolo, quem iam Alexander Pontifex à Ludouici Gallorumq;  
 amicitia magna ex parte diuellerat, cum Galeacio eius filio purpurei galeri ho-  
 norem, cæteris item filijs vberiora stipendia promississet. Verum Bentiuolus  
 ob res in Liguria infelicitè motas, & Federici fœdam fugam: itemque Caroli  
 celeriore opinione omnium aduentum, & Obignini Calatiniq; præsen-  
 tes exercitus, quando ex ipsa belli fortuna hominum voluntates facile permu-  
 tantur, omnem initi eius consilij cogitationem abiecit. At Ferdinandus ab Sa-  
 pi amne ubi per aliquot dies castra habuerat, in Fauentinos campos eo consi-  
 lio progressus est, vt cum primum dimicandi facultas præberetur, statim cum  
 20 hoste confingeret, quod & regem transire alpes, & se mox imparem eius virib.  
 si Galli Sfortiani que tota belli mole simul incumberent, futurum esse intelli-  
 gebat. Contra Obigninus et Calatinus, qui illa eadem tempestiuè admodum  
 consilijs prouidebāt, ne inuiti ad summæ rei certamen traherentur, obnixè stu-  
 dere in palustribus semper ac fossa munitis locis castrametari. ostentare tamē  
 copias ad famam opinionemq; hominum retinendam, sed aciem nisi loco ho-  
 stibus iniquo nunquam explicare, ita vt tantum ab leui armatura quotidie pu-  
 gnaretur. Oblata tamen est occasio haud semel prælij committendi non longè  
 a Sanctæ Agathæ oppido, quum vtriq; duces ex itinere in proxima prata pro-  
 cessissent: quæ tametsi pluribus fossis à cultoribus perductis & directis ad li-  
 30 neam salictis aliqua ex parte erant impedita, tamen ad confligendum satis op-  
 portuna videbantur. Intererat fossa mediocris inter vtranq; aciem: hanc vt A-  
 ragonij transirent, Obigninus & Calatinus expectabant, quippe qui illuc eo  
 se consilio venisse meminerant, vt Ferdinandum, si in Æmiliam moraretur, leui-  
 bus prælijs distinerent, nunquam vniuersæ pugnæ aleam subirent: sin in Gal-  
 liam Cisalpinam ire contenderet, ipsi hsdem vestigijs abeuntem persequeren-  
 tur. Petilianus autem, vt ab aduersarijs trāseundi initium fieret, opperiri, & se  
 minimè commissurum dicere, vt in ripis impeditæ fossæ de Neapolitano re-  
 gno dimicaretur. Vir enim natura cautus, & minimè pugnax, qui prouidere  
 potiusne vinceretur quàm alios superare didicerat, quum Italis Heluetios pe-  
 40 dites anteferret, Sfortianos suis pares, Gallos vero equites, quorum virtus ad-  
 huc erat incognita, si non optimos, longè tamen acerrimos putaret, et tormen-  
 ta ænea, qua parte Galli plurimum valere dicebantur, maximè vereretur, nul-  
 lo modo vt vniuerso certamine confingeret adduci poterat. Contra Triupli-  
 tius, & acer & pugnæ auidus, Heluetios ab se Rhenatoque fratre paucis ante  
 annis supra Domossulam iusta acie superatos commemorare. Italos equites  
 Gallis omnibus terrori esse, cum ipse in Gallia regulorum bello iuuenis inter-  
 fuisset, abundè testari: tormenta in acie quod ancipiti cum periculo emittan-



tur, nullo propè vsui fore demonstrare, ac demum si manus conferrent victo-  
 riam polliceri. Quòd si cuncta pericula, quæ ab infinitis penè casibus oriri pos-  
 sent, pensando ac dubitando occursura sibi arbitrantur, vincēdi occasionem  
 per incuriam amitterent, ac paulo post tantis hostium copijs, quæ rege duce  
 ab alpibus imminerent, futuros impares, & mox regnum cum summo igna-  
 uiæ dedecore, quando nulla reliqua spes salutis nisi in turpi fuga futura esset,  
 amissuros. Sed Ferdinandus quanquā Triultij præfaga mente de belli exitu  
 proloquentis autoritate moueretur, Petiliano tamen assensit, ne ipse qui pu-  
 gnandi studio deflagrare videbatur, si aduersam prælij fortunam experiretur,  
 spreto cauti ducis consilio, inexpiabilem funestæ temeritatis infamiam apud <sup>10</sup>  
 Alonsum patrem, ipsumque pontificem subiret. Itaque in munitiora loca ab  
 vtrisque concessum. Sequentibus verò diebus quum Triultius parandæ victo-  
 riæ facultatem, ab his qui innatum timorem prudentiæ nomine contegerent,  
 amissam quereretur, eiusque sententiæ Alfonso Piscarius accessisset, & Peti-  
 lianus à Bartholomeo Liuiano familiari suo (istum alam equitum ducabat)  
 qui postea summos militiæ honores adeptus est, quotidie oppugnaretur, vt  
 cunctari desineret, & rem prælij fortunæ tandem committeret, decertare sta-  
 tuerunt. Sed à conferendo prælio aliena mens hostibus fuit. Nam tametsi per  
 præcones ad pugnam prouocarentur, nunquam tamen castris copias eduxe-  
 runt, sic vt ludificati varijs artibus Aragonios, quum leuis eorum armatura <sup>20</sup>  
 propius munitiones accessisset, emissis subito pluribus tormentis eam inde cla-  
 dis metu recipere sese, & confestim terga dare coegerint. Liuianus tamen tri-  
 duo post, alam vnā Gallorum equitum longius à castris ad sanctæ Agathæ  
 oppidum progressam noctu adortus, cæsis captisque pluribus equitibus, ma-  
 gna ex parte deleuit. Cæterum Ferdinandus postquam hostem inuitum non  
 posse elici ad pugnam videt, ad Fauentiam promouet castra, eaque sub ipsis  
 moenibus latissima fossa, per quam Anemonis partem corriuarat, alijsq; præ-  
 aliorum aggerum magnis operibus communit, vt amicæ vrbs copijs vtatur,  
 tutoque in loco Germanorum auxilia, quæ sibi è Sueuia & Vindelicia addu-  
 cebantur, expectet, atque interim ad motum aduentantis Galli regis, vti pater <sup>30</sup>  
 ac Alexander monuerant, iussa capeffens, melioris fortunæ consilia subsequa-  
 tur. Interea Carolus è Gratianopoli Coctijs Alpibus in Italiam transmisit.  
 Fuere olim Coctig quæ nunc montis Genebræ culmina nuncupantur, vt aliàs  
 diffuse monstrabitur, quum ipsis Alpibus, sicuti & cæteris orbis terrarum cla-  
 rioribus locis, pro recentibus, & semibarbaris nominibus antiquiora vocabu-  
 la passim reddemus. Descendentem Asta Colonia excepit, omnique rerum co-  
 pia abundantibus eius regionis oppidis, milites sese largè & gratuitò recrea-  
 runt. Processerat Astam vsque honoris causa Ludouicus, vxorem Beatricem  
 cum lectissimis Insuorum fœminis adducens, quibus rex iuuenis oblectare-  
 tur. Sed is non multò post ad insoliti cœli commutationem aliquandiu vehe- <sup>40</sup>  
 menti morbo conflictatus est, quum erumpentes pustulæ, vti sæpe pueris acci-  
 dit, artus & faciem defœdassent. Verum mitescēte Autumno, & recepta sub-  
 inde valetudine, Ticinum urbem, quam recentiores Papiam appellarunt, cō-  
 tendit. Ibi regio apparatu, & exquisitis honoribus à Ludouico in arce susce-  
 ptus est. Laborabat tum suprema valetudine Ioannes Galeacius, adeoque in-  
 felix iuuenis lento atque tabifico morbo erat confectus, vt non viribus, quæ  
 iam nullæ erant, sed ipso vno desituri mox spiritus vigore regeretur. Is Ca-  
 rolo,



rolo, qui ad lectulum accesserat, vti ægrum officiî causa humaniore allo-  
 quio solaretur, lachrymans, veluti mox imminentibus fatis concessurus, Fran-  
 ciscum Bonamque liberos magnopere commendauit. Nec multò post Caro-  
 lus accepta à Ludouico pecunia, exercituque ex Mediolani officinis omni ca-  
 strensiarum rerum copia instructo, peditib. secundo amne deuectis, & equitatu  
 terrestri itinere præmisso, Placentiam profectus est. Inde per agrum Parmen-  
 sem ad Apenninum est peruentum, iugisque haud multo labore superatis ad  
 Pontremulum posita castra, quod Macrae amni impositum descenditibus  
 in Aetruriam per Apuanos Ligures primùm occurrit. Erat Pontremuli præ-  
 sidio Badinus Insuber cum trecentis Sfortianis: qui quum fortè ad amabilis  
 vini tabernam ab leui verborum contentione ad aciora iurgia cum Heluetijs  
 deuenissent, & vti ipsi erant expediti cum scutis & gladijs, aliquot Heluetios  
 in angustijs viarum prælongis suis impeditos contis trucidassent, aliquanto  
 post supremam oppido calamitatem pepererunt. Cæterum Carolus motis  
 inde castris secundum Macram amnem, præterque Papirianas fossas, quæ Fos-  
 sæ nouæ oppido nomen dederunt, Sergianum profectus est. Creuit Sergia-  
 num ex ipsis Lunæ antiquæ vrbis ruinis, quum incolæ pestilenti eius litoris  
 aura, quæ maxime ad Macrae ostium vergit, vehementer offensi, ædificia in  
 editiorem locum subduxissent. Id primùm Florentinæ ditionis oppidum  
 erat, eoque Paulus Vrsinus præsidij causa peditum atque equitum manum  
 paulo antè præmiserat. Interea Gilbertus Mompenserius, qui primùm Gal-  
 lorum agmen ducebat, Castellum nouum ex itinere tormentis aggressus ex-  
 pugnavit, præsidijque præfectum Angelum Cencellum, & ad vnum eius mi-  
 lites trucidauit, præmissisque ad mare longo circuitu equitum alis, Franciscū  
 Montedolium cum cohorte Sergianum properantem, improviso equitum  
 incursum, prostratis occisisque omnibus ferme peditibus, interceptit. Quibus de  
 rebus magnus adeo Gallorum metus omnibus est incussus, quod ab his non  
 more Italico humaniter, sed barbara crudelitate cruentè admodum geri bel-  
 lum videbant, vt oppidani atque ipse Paulus muris viribusque diffisi, & Pe-  
 trasantenses, qui Fanum Feroniæ incolunt, quum in portis eorum equestri  
 prælio certaretur, de dedendis protinus oppidis cogitarint. Erat arx supra  
 Sergianum editiore tumulo imposita, loci natura atq; arte permunita, quam  
 incolæ à Castruccio Lucensium tyranno ædificatam fuisse commemorant.  
 Eam quum prolato omni tormentorum apparatu Galli expugnare niterentur,  
 Petrus Medices Florentia profectus ad Carolum in castra peruenit. Is enim fa-  
 ma celeritateque hostium penè obrutus, quum ad eam imminentis maximi e-  
 exercitus molem sustinendam consilio ac viribus se imparem cerneret, volunta-  
 te commutata ad promerendam regis gratiam, se cuncta vti imperatum foret  
 facturum, traditurumq; Aetruriæ vrbes, arcesq; omnes pollicitus est, modò in  
 columi dignitate in fidē & clientelam à Carolo reciperetur. Timebat enim ve-  
 hementer rebus suis: quoniā Laurentius & Ioannes eadem Medicea orti fami-  
 lia apud regem in honore erant. qui paulo antè quum nouis rebus studerent,  
 Petri potentiæ infensi, aduersus eum coniurauerant, detectisq; eorū consilijs,  
 quod Petrus proprio sanguini parcendū esse putauerat, ruri tantū pub. iudicio  
 relegati fuerant. Mox verò descenditibus in Italiam Gallis noua spe inducti,  
 et veteribus innixi consilijs ad Regē profugerant: ac tū maxime apud singulos  
 procures agēdo maledicendoq; bellum, insidias, cunctaq; aspera Petro molie-



bantur. Cæterum Petrus apud Fanum Feroniæ cum Briffoneto Belcarioque  
 rebus compositis obuam profectus regi, comitate militari, & læto admodum  
 vultu in gratiam recipitur. Nec multo post missis qui tesseras repetendæ fidei  
 custodibus ferrent, Sergiani, Fani Feroniæ, Pisarum, & Liburni portus arces,  
 regijs præfectis traduntur. Interea Florentinorum legati viri insignes, in quo-  
 rum numerum Senatus honoris causa Petrum ipsum absentem decreuerat, su-  
 peruenere, qui amica apertaq; omnia transeunti regi futura publico nomine  
 dicerent, & quantis maxime possent officijs regis animum, deterlis ob repu-  
 diatam antea eius amicitiam offensionibus, pacatum reddere niterentur. Sed  
 Petrus mox Florentiam redijt domesticorum literis reuocatus, quibus aduer- 10  
 sos de eo rumores tota vrbe excitatos, ad famam deditarum arcium affereba-  
 tur, proptereaque veteres inimicos in spem nouarum rerum esse erectos: po-  
 pulum fremere, nutare Senatum ex eius facti indignitate permotum: atque ex  
 amicis demum paucos qui audacter inimicorum consilijs obuam irent repe-  
 riri, sollicitè admodum perscribebant. Alienauerat ab se Petrus, tametsi præcla-  
 ro erat ingenio, multorum optimatum animos, quum iuuenili quodam fer-  
 uore equorum, armorumque studijs & matronarum amoribus deditus, ciui-  
 les curas ignobilioribus ministris demandaret, & perraro quum Senatus co-  
 geretur in curiam veniret, nunquam verò collegiorum magistratuumq; offi-  
 cijs interesset: quorum munia à summis et grauissimis ciuibz implebantur, ac 20  
 demum Laurentio patri prorsus dissimilis euassisset. Qui vt erat diuina pru-  
 dentia in regenda vrbe, & promerendis ciuium animis urbana quadam comi-  
 tate ciuiliq; modestia, pari cum cæteris cultu, sine satellite Rempublicam fe-  
 liciter, sola ingenij magnitudine fretus adminastrabat. Igitur Petrus quū prin-  
 cipem locum, qui haud facile aliter quàm aut summa vi, aut summa cum virtu-  
 te atque modestia in libera ciuitate retinetur, neque armis neque gratia susten-  
 taret, ad explorandos ciuium animos, periclitandamque comminutæ iam au-  
 thoritatis atque potentiae fortunam, in forum, atque inde in curiæ aream pro-  
 cessit. Vbi quum infrequentes amicos, circum se verò insensos multorum vul-  
 tus cerneret, ac subinde ad Octouiros, qui cum Vexillifero supremæ potesta- 30  
 tis magistratū gerunt, ascendere vellet, à Valterotto Iacoboque Nerlio regio-  
 num tribunis, curiæ ianua prohibitus est. mox verò concursu omnis generis  
 hominum facto, & nonnullis arma tenentibus, metu doloreque perculsus, in-  
 ter fremitum rebellantis populi, & saxa volantia, domum se proripuit. Nec  
 mora veluti ulturus infesti populi iniuriam, thoracem galeamq; induit, fami-  
 liam armat, & equites quos dudum Paulus Vrsinus post deditum Sergianum  
 dissipato trepidantiq; agmine ad Gallianam portam adduxerat, euocari at-  
 que introduci iubet. Verum quum nunciaretur, Frāscum Valorium, vnum  
 è legatis, quem ipse apud Carolum paulò antè reliquerat, virum acrem ac tur-  
 bulentum in foro esse, sublimemque eum in equo concionari, populum incita 40  
 re, ac demum se armatæ multitudini ad vendicandam libertatem ducem præ-  
 bere, penitus animo concidit, suspicatus à rege Gallo fidem falli, & salutē suam  
 ab eo proditum iri, quod se abeuntem falsis pollicitationibus onerasse videre-  
 tur: Valoriumque qui tanta ob id celeritate præcurrisset, inimicorum maxi-  
 mē gentiliū impulsu ad se oppugnandum pellendumq; fuisse transmissum.  
 Itaque metu amens, & consilij pariter inops, Paulo Vrsino, amicisq; paucis,  
 vt salutis quàm imperij vel fortunarum curam potiore duceret suadētibus,  
 relictis



relictis etiam quibusdam gemmarum oculis, vrbe profugit. Ioannes quoque cardinalis, qui postea desumpto Leonis decimi nomine, summum in re Christiana dignitatis fastigium tenuit, sacerdotis fraterculi cuculla amictus; itemq; Iulianus fratres pari fuga elapsi, diuersis itineribus Bononiam peruenerunt. Interea populus omnis, qui tametsi infestis armis, seuisque vocibus Mediceos persequendo, diuturnæ seruitutis iugum fortiter excussisse videri volebat, aliquanto tamen præde quàm libertatis audior, ad diripiendas Mediceas eedes ex omnibus regionibus aduolauit. effractique statim sunt Martiani horti, nobilissima Petri suppellectile instructi. Domus quoque ipsius Cardinalis ad Antonianum templum, sæuiantis plebis avaritiæ celsit, tanta auiditate, vt valuæ & cardines impotenti rapientium impetu vellerentur. Ipsa domus Medicea grassantis populi iniuriam non sensit, prohibentibus magistratibus, quod eorum summo Petri studio ad regem hospitio excipiendum, auleis, pretiosoque rerum omnium apparatu exornabatur. Nec multo post concursu hominum in curiâ factò, Petrus fratresque à Vexillifero Francisco Scarfa, ipsisque Octo- uiris, qui cum eo in curia perpetuo sedent, quique ex amicorum numero, ipsisque Mediceæ familiæ beneficiarijs lecti fuerant, omnibus statim suffragijs, patriæ & Senatus hostes iudicantur. pilæ puniceæ Mediceæ gentis insigne omnibus vrbis locis abraduntur, atrocique admodum decreto adiecto, vti præ- mium percussoribus eorum foret, bona extemplo atq; auidissimè publicantur. Nec multum inde in illa ipsa domo, magni Cosmi ingenio ac sumptu extructa, qua Nullum in Italia priuatum ædificium elegantius concinniusque ætate nostra conspicitur, quæque publicum totius orbis nobilitatis bonarumque artium hospitium fuit, à publicis institutoribus nobilissimarum opum venaliū hasta palam erecta est. Veniēre itaque magno Fortunæ ludibrio, præter ingens & pretiosum opulentæ domus instrumentum, statuæ antiqui operis, toreumata, gemmæ, varijque lapides admirabili veterum artificum sculptura insignes, vasa Myrrhina, numismataque auro, ære, argento, queis clarorum ducum effigies inerant, longo atque erudito studio, diuturna in pace cumulata. præterea tabulæ & signa nobilium artificum monumenta: & quod inuidiam plurimum augere poterat, illa tam grandī pecunia tot tantisque doctorum virorum peregrinationibus atque laboribus quæsitā, Latinorum & Græcorum voluminum suppellex celeberrimæ Bibliothecæ. Hanc Cosmus instituerat, auxerat Petrus, & Laurentius postremo, tota penè Græcia rarissimis libris spoliata: expletisq; tandem studiosorū desiderijs, magna sui fama claritateq; condiderat. Ita vt plerique mortales eam familiam tanta calamitate indignam, ac iniquè admodū ab ingratis ciuib. exactam esse iudicarent. Quando eius proceres perpetuo quodā magnificentiae splendore, edificando, fouendo ingenia, & pacem opulentiae parētem singulari industria tuendo, patriæ ac ciuib. tantum ornamentū & claritudinis addidissent. Illudq; demum manifestè compertum est, inanem atq; admodū caducam esse popularē gratiam in libera ciuitate dominantib. ciuesq; ipsos dum ex nouarū rerum motib. libertatem respiciūt, nulla æquabilis imperij, nulla pristinae amplitudinis, nulla deniq; beneficiorum priuatè vel publicè acceptorū memoria permoueri. Vsq; adeo autē Mediceū nomē cunctis inuidiosum esse cœpit, vt Laurētius atq; Ioannes, qui apud regē tanq̃ exules fuerant, Petri expulsi gentiles et consanguinei, vt libertatis tuende studium ostenderent, e marmoreis antique domus insignib. pilas deterferint,



substitutaque candida cruce, vti in aliam familiam transeuntibus mos est, Po-  
 pulani abdicato veteri nomine, appellari maluerint. Dum hæc Florentiæ ge-  
 runtur, Carolus ab Luca, vbi liberaliter exceptus adiutusque pecunia fuerat,  
 Pisas cum exercitu peruenit, cuius aduentus opportunè admodum in spem re-  
 cuperandæ libertatis Pisanorum animos erexit. Concesserant Pisani multos  
 ante annos diuturno bello victi in Florentinorum ditionem, quum paulo an-  
 tè cum summa opum amplitudine, tum ingenti rei naualis gloria inter cæte-  
 ros Italiæ populos, magnam authoritatem rebus præsertim in Syria feliciter  
 gestis obtinuissent. Eoq; magnitudinis rem Pisanam aliquando euectam me-  
 morant, vt centum eorum familiæ illustres, totidem rostratas naues priuato <sup>10</sup>  
 sumptu ædificasse, exornatasque ad Ligusticum bellum eduxisse dicantur.  
 Verum quum bellica virtute & mercaturæ studio, partis diuitijs aliquandiu  
 floruisse, eos demum superbia opulentiae comes, & natæ continuo ex nimia  
 felicitate intestinæ seditiones, euersa republica transuersos atque præcipientes  
 egerunt. Factumque est, vt attritis discordia opibus atque intermissa o-  
 biter maritima negotiatione, per diuersa tempora varijs tyrannis seruire didi-  
 cerint. Ioanne autem Galeacio Vicecomite vita functo, qui longè amplissimo  
 in Italia imperio potitus, post Appianum tyrannum, Pisas in ditionem ac-  
 ceperat: cæpere Pisani iam pridem amissam libertatem respectare, atque eam  
 maioribus animis quam viribus aduersus Florentinos tueri, qui tum ob vete- <sup>20</sup>  
 res causas recentibus etiam odijs accumulatas, in ea ruentis imperij Vicecomi-  
 tum exoptata occasione, grauissimum bellum intulerant: quo Aucuthus Bri-  
 tannus dux bello inclytus adeo res eorum afflixit, animosque contriuit, vt om-  
 nibus belli calamitatibus fracti, destituti que à finitimis victorum arbitrio se  
 dediderint. Mansereque sub Florentino imperio annos octuaginta septem:  
 quo tempore adeo seuerè auareque ab his qui quæstui atque pecuniæ maxi-  
 mè student, imperatum est, vt sub Caroli aduentu nihil eis præter nomen ve-  
 teresque spiritus, & antiquæ magnitudinis memoriam superesset. Erat inter  
 Pisanos Simon Orlandius vehementi vir ingenio, publiceque & priuatè Flo-  
 rentinorum hostis acerrimus. Is noctu & in occulto cum his ciuibz coeundo, <sup>30</sup>  
 quos maximè grauioribus iniurijs offensos, ac ob id alienato animo paratos  
 ad defectionem existimabat, sæpius publicas calamitates deplorare, ac osten-  
 dere quamfacile, si viri fortes & maioribus suis similes forent, sese ab intolerā-  
 da seruitute in antiquam libertatem essent vendicaturi. Postremo quod Gal-  
 licæ linguæ erat peritus, se oratorem apud regem & ad perficiendum negotiū  
 ducem futurum alacriter profiteri. Nec diu cunctando deliberandoue ab in-  
 clinatis iam ciuibz, num in ea præsentis regis occasione audendum foret, du-  
 bitatum est. Nanque Orlandius quum à cunctis certatim amplexaretur ac lau-  
 daretur, quod contempto priuato periculo pulcherrimi facti cōsiliū magno  
 animo desumpsisset, ad regem qui tum Mediceis erat in ædibus, cum globo iu-  
 uenum ascendit, proiectusque ad genua supplex & lachrymans enarrauit, in <sup>40</sup>  
 quas calamitates erumnasque miserabiles, è florentissimo quondam liberæ ci-  
 uitatis statu, Florentinorum seuitia decidissent: in quorum mores acerbissimè  
 inuectus, vt vndique eis conflato odio rex iuuenis magis ac magis incitaretur,  
 ea maledicendo protulit, quæ tametsi regis animum, magnitudinem nouita-  
 temque criminum admirantem impulerint, à moderato tamen scriptore, ne  
 incerta indefensa que pro veris fidem recipiant, prætereunda videantur. Cæ-  
 terum



terum perorante Orlandio, ac regem demississimo gestu interrogante, num qui ad liberandam à tyrannis maximam Italiæ partem venisse velle videretur, Pisanum populum tam indigna seruitute oppressum liberum esse vellet? Carolus more Gallorum alacriter, & iam opportunè fauentium procerum murmure exorto, paucis annuens, sublataque manu id se quod æquum esset præstare significauit. Quæ vox excepta ab his qui intererant, statimque foris omnibus præ læticia ingenti clamore, FRANCIAM, quod est antiquum liberæ Galliæ nomen, ac Libertatem vicissim ingeminantibus, per urbem delata, vniuersum populum ad dulce exoptatumque id nomen excitauit. In eo tu  
 10 multu marmoreus leo Florentinorum insigne in profluentem Arnem præcipitatur, Præfecti autem quæstoresque Florentini vrbe profugerunt. Quibus exactis Pisani ex numero optimatum decuriones viros fortes delegerunt, qui darent operam, ne recepta libertas vlla vi, vlliusue hostium consilijs eriperetur. Quod si tanta felicitate atque fortuna ipsam libertatem tueri Pisanis datū foret, quanta eam constantia atque virtute postea per sexdecim annos defenderunt, bellum profectò quod statim secutum est, neque pertinacium ciuium fregisset spiritus, neque finem eorum opibus vnquam imposuisset. Accidit autem memorabili casu, vt eadem hora, qua Florentini Mediceos patria domoq;  
 20 pellebant, ipsi quoque à Pisanis pari asserendæ libertatis desiderio pellerentur. præclara quidem cum laude Galli regis, qui non minus æquitate atque iustitia, quam virtute bellica magnus, duabus nobilissimis Italiæ urbib. inauspicatam propè, & nullo hercle negotio libertatem attulisset.

FINIS PRIMI LIBRI.

## PAVLI IOVII NOVO.

COMENSIS, EPISCOPI NVCE-

30

RINI HISTORIARVM SVI

TEMPORIS,

## LIBER II.

40



At Carolus, Antracio viro forti cum delecta Gallorum manu Pisana in arce constituto, cæterisque deditarum arcium præsidij pari diligentia confirmatis, Pisis profectus ad Signinum pontem sexto ab vrbe Florentia lapide Arno impositum, tertij scastris peruenit: sollicita admodum ciuitate tanti exercitus metu, quod non omnino inanis rumor increbuisse, regem Mediceos in patriam incolumi dignitate moderati principatus esse reductum. Nam Briffonetus atque Belcarius, Philippusque item Bresius Allobrogum reguli frater, regij cōsilij principes, eo atroci facto, quo Petrus patria pulsus ac hostis iudicatus fuerat, regiæ fidei maiestatem vehementer lædi testabantur: dislerebantque eum qui sese atque arces optima fide tradidisset, ob



idque præclara ipsorum sponsione amicus fuisset appellatus, ut patriæ & penatibus redderetur, omnino esse reuocandum. Probabat id rex iuuenis, honesti decoris tenax, nec facile ex aliena iniuria nominis sui contumeliam ferens. Iamque Fortuna novos ludos Florentinis editura videbatur, nisi Petrus qui parum lato vultu cum fratribus à Ioanne Bentiuolo exceptus fuerat, è Bononia sibi timens, nimis celeri desperatione Venetias profugisset. Cæterum Carolus apud Signiam rebus per legatos, qui frequentes aduenerant, magna ex parte compositis, Florētiā armatus ingreditur. Magistratus cuncti suo ordine, sacerdotesque sacris in vestibus sub vmbella aurea intrantem excipiunt. populus lætis acclamationibus summos honores defert. miratur externi cultus tot equitum agmina, Phalangesq; Heluetias, & ad tormenta ænea transfueta curribus maximè stupet. Sed obiter suspensio animo reputat, quo in discrimine versetur, qui tantam ferocium gentium multitudinem intra mœnia domesticosque lares acceperit. Ea dies funere quoque Pici Mirandulæ immatura morte correpti, insignis fuit, qui ob æterna diuini ingenij monumenta, eruditorum hominum consensu, Phœnicis cognomentum adeptus est. Rege suscepto, affectoque omnibus humanis honoribus, Florentini de fœderis conditionibus agere cœperunt. certatumque est aliquandiu, & subinde liberi hominis inter armatos vox audita. Quum enim Galli periniquas condiciones dicere viderentur, ob idque abnuentibus insolenter obstreperent, Petrus Caponius indignatus, libellum cōscripti fœderis palam concepsit, addens clara voce, postquam Galli vi agere, atque impotenter contendere vellent, non defuturos, qui Campani æris sonitu, tubarum cantibus essent responsuri. Sed demum cū rege fœdus ea conditione percussum est, ut Florentini centum & quinquaginta milibus aureorum nummum in bellicos sumptus regem iuuarent. Ipse eas arces quas Petrus tradidisset, intra certum tempus restitueret. libertatem quā tunc receperant, egregio studio tueretur: neque Mediceos gratia foueret, neq; Pisanos iuuaret auxilijs. Sic, ut Carolus aræ maximi templi admotus, solenni sacramento iuraret, se integra fide præstiturum quod ex fœdere promississet. His confectis reb. epistolas sub edicti nomine per omnem Italiam perscripsit, quibus testatus est, se venisse ad liberandos seruitute populos, bellumque in Græciam aduersus Turcarum gentem, ac ipsos communes Christiani nominis hostes transferendum: propterea se nemini nociturum: pacatō futurum iter: & quæ alendo exercitui necessaria forent, præsentī pecunia persolurum. Dum hæc in Ætruria geruntur, Obigninus & Calatinus in Æmilia coepta atque animis aucti, ad Mordanum Forocorneliensium castellum processere. Castellani persuasi à Marino Mercatello Catharinæ Sfortiæ præfecto, qui præsidij causa aliquot armatos introduxerat, portas clauferant, ac muro fossisque confisi Gallos oppido excidium, ni statim reciperentur comminantes, lapidibus ac sagittis summouere cœperant. Ea iniuria accensi Galli elatis animis nequaquam ferentes, quod tantulum oppidum, tanti exercitus impetum sustinere auderet, tormenta promouent, muri partem deiiciunt, et fossam transcendere conantur. Sed ea re parum prosperè tentata, aliud consilium capiunt: quoniam fossæ multitudine aquarum stagnantes, neque superari nisi certo cum periculo, neque extrahi sine multo militum labore poterant. Tormenta itaque contra portam dirigunt, ut tolōnem trabem, cui pons subductilis ad subleuandum cathena suspenditur, tormentorum pilis effringerent. Acciditque



ciditque ut ad unum atque alterum falconis ictum, cathena trabeque perfractis, pons ipse concideret, irrumpentibusque Heluetijs & Gallis, oppidum ex templo caperetur. Tanta porro certatim incumbētium impetus fuit, ut multi à lateribus in fossam decidētes, sed multo plures ipso prementium pondere ruptis pontis asseribus præcipitati in præaltos & limosos fossæ gurgites, cœdē perierint. Nec mora Galli amissorum commilitonum dolore concitati, ut cæteros vno crudeli exemplo à simili pertinacia deterrent, præsidium oppidanosque omnes ad unum, quibus neque latebrę, neque Deorum templa in quę confugerant profuere, inusitata rabie trucidarunt: ita ut neque senibus, neque  
 10 fœminis, neque ipsis, crudele visu, pueris barbara feritate pepercerint. Cuius inhumani facinoris fama peruagata totam Italiam, sicuti maximo terrori omnibus fuit, ita Gallorum genti, quam plerique moribus nostris non omnino dissimilē putabant, incredibile odium cōcitauit. Mordano amisso, Catharina miserabili suorum clade perculsa, Ludouico etiam patruo plurimum impellente, Aragoniorum partes deseruit. Iisdem fermē diebus Ioannes Galeacius diuturna valetudine conflictatus Ticini vita excessit. Eo nuncio accepto, Ludouicus qui regem in Lunensem vsque agrum fuerat comitatus, Mediolanum aduolauit, ubi iustis insigni pompa funeri per solutis optimatum consensu ad imperium euectus est, qui in tāto rerum motu imperij summam infanti minimē  
 20 deferendam esse dicebant, quanquam illud Francisco Ioannis Galeacij filio certo successionis iure deberi videretur. Fuere ea tēpestare complures qui Ioannem Galeacium lentis atque mortiferis potionibus ab eo pernecatum fuisse putarent. quod fortasse nobis pro constanti esset affirmandum, nisi eius ambiguae rei indicia, fallacibus innixa coniecturis incertam admodum opinionis fidem, curiosis etiam medicis reliquissent. Deberi etenim sibi imperium Ludouicus prædicabat, quod ipse natus esset, dum Frāsciscus pater Mediolano virtute parto potiretur. Contra Galeacium, qui ætatis prærogatiua inductus defuncto patri successisset, in humili adhuc parentum fortuna genitum, atque in Firmana Piceni arce susceptum, præpostera successionē principatus, Fortunā,  
 30 in qua neque Dī neque Fata eum nasci voluissent, respicere minimē debuisse. Diplomata quoque aliquanto post a Maximiliano Cæsare, trecentis milibus aureorum nummū impetrata, quibus Ludouico liberisq; eius speciosis admodum titulis, Mediolani, finitimarumque vrbiū imperium, augusta Cæsaris auctoritate adiudicatum est. Ferdinandus aduersis Aethruriæ motibus perculsus, simulque permotus Catharinæ defectione, quod medijs ditionis eius in finibus erat, Obigninumque et Calatinum aduentu nouorum militum firmiores factos appropinquare cognouerat, ad Castrocarium, quod olim in Apennini radicibus Salsubium fuit, retrocessit. Id iter per vias multo luto ac  
 40 frequentibus saxis impeditas, noctemque cum tenebris tum squis etiam imbribus fœdam, maxima cum trepidatione laboreque confectum est. Nec Salsubiani portas aperuere, qui paulo antè singulari studio eum omnibus rebus adiuuerant: vixque Ferdinandus alimenta afflictis inedia militibus impetrauit, quæ agrè etiam, prius accepta pecunia, canistris & funibus è muro demittebantur. Adeo enim mobilis ac infida populorum natura est, ut faciliē quos desertos à Fortuna conspexerint, statim soluto pudore destituant. A Salsubio in Cesennatem agrum digressum, missusque Petilianus ad Cesennatium Senatum, qui daret operam, ut ab his prouiso commeatu, designatisque hospitij,



exercitus intra moenia reciperetur. Exulabat tum Cesenna Guido Guerra, vir factiosus, & bello acer, qui multos in vrbe amicos clientesque habebat. Hunc Obigninus & Calatinus idoneum rati per quem ad introcludendum Ferdinandum Cesennam occuparent, pecunia, armis auxilijsque instruunt: ad tentandos ciuium animos maturare iubent: ad certum itineris spatium Fracassam Sanseuerinum cum ala equitum, qui subsidio foret, subsequi, adesseque precipiunt. Guido qui suos fecerat certiores, & tempus patrandæ rei constituerat, primo aduentu à Bartholomæo Notario Guerriani factionis homine introducit: tota vrbe ad Guidonis vocem tumultus exoritur: factiosi arma corripiunt, quorum sulctus auxilijs Guido in prætorium curiamque aduolat: Petilianum de comœatu cum Decurionibus deliberatē iniecta manu capit, custodiendumque ipsis senatoribus tradit. Erat perturbatus rei nouitate Senatus: nihil publicè in repentino casu consuli prouideriue poterat, quum quisque domum, liberos, fortunasque suas in eo periculo potius respiceret, quàm quale quantumque facinus esset admissum intueretur. Nam dum Petilianum à ciue capi in conspectu Senatus, & Aragonios qui ingressi cum Petiliano erant, capi dispoliarique permitterent, manifestè à Romano Pontifice rebellabant. Iam tota fermè ciuitas Guidonis, Gallorumque signa sequebatur, quum Alfonsus Daualus & Liuianus his rebus cognitis, cum delecta equitum peditumque manu Cesennam per arcem Ioanne Caroccio custode pontes extemplo demittente, ingrediuntur. committitur repente prælium media in vrbe. Ipse Guido ingenti protectus scuto, cum paucis familiaribus fretus viarum angustijs Aragonios sustinet: mox auctus nouis clientium militumque subsidijs, eos longius propellit. Porro Aragonij superuentu Germanorum, qui dudum à Venetia nauibus transuecti in castra peruenerant, pugnam instaurant. Daualus & ipse pedes ante alios insignis, cominus cum Guidone congredditur: acriter utriusque contendunt. Gothifredus & Gaspar Germani cohortium præfecti, impigre prælio succedentes vulnerantur: multi cadunt, utrisque ex omnibus locis auxilia, sed maiora Aragonijs aggregantur. Postremo, quum Fortuna sæpius, modò his modò illis victoriæ spem ostendisset, Guerriani virtute Germanorum 30 pulsi disiectique cum magna cæde in fugam vertuntur. Ipse Guido per tumultum à suis in equum illatus, è manibus hostium vulneratus effugit. Fracassa vero qui tardius iter fecerat, cognito Guidonis casu priusquam portis appropinquaret, in castra reuersus est. Vrbe recepta, & Petiliano custodia educto, Ferdinandus magno metu atque periculo liberatus Cesennam venit. eius aduentu domus aduersæ partis, quæ Guidoni fauerat, ut milites gratuito penuarijs copijs alerent, exercitui prædæ loco conceduntur, & Bartholomæus qui Guidonem introduxerat, latebra extractus supplicio afficitur. Galli Cesenna exclusi de occupando Britonorio consilia inibant: exulesque præsertim qui rependæ patriæ auidi in eorum castra confluxerant, præmijs, atque pollicitationibus inducebant, ut per illos amicitia cum eius factionis hominibus inita, vrbe potirentur. Cæterum Ferdinandus opportunitate vicinæ vrbis permotus, cognitis eorum consilijs, eò cum cohortibus duabus tribusque equitum turmis Liuianum celeriter præmittit: cuius aduentu, eorum consilia qui iam animo defecerant, oppressa, omnesque demum ciues in fide Pontificia confirmati sunt. Britonorio à Brinto vetere oppido nomen inditum putamus, quam id nonnulli à Britonis Aquitaniae populis, qui urbem instaurarint appellatum credant. Erat Theodorani proquinquo oppido Gallorum equitum manus,



manus, quæ per agrum inter Cesennam & Britonorum vagabatur. Huic sepe in insidias Liuianus frustra tetenderat, quod illi nisi magna manu explorato atque interdum, nunquam exhibant: hos, quum dolis nihil proficeret, vir audax tentandæque semper Fortunæ audax, vera vi aggredi constituit. Itaque coactis omnibus copiis, adiunctisque sibi oppidanorum promptissimis, nocturno itinere confecto, prima luce Theodoranum adoritur, debile oppidum, Gallis repentina re consternatis, acriter tamen se defendentibus, celeriter expugnat ac diripit. Galli equites magna ex parte in arcem relictis equis confugere, quos quum biduo continenter oppugnasset, atque ipse dum incautius murum subit, sagitta vulnus accepisset, superueniente Ferdinando, omnes ad unum in potestatem redegit. Verum Ferdinandus, quum Annibal Bentiuolus Florentinorum equitum præfectus, quod commutato Reipublice statu omniumque studiis ad Carolum conuersis, salua fide militaris sacramenti diutius eius in castris esse non poterat, impetrata missione discessisset, et passim a peditibus defereretur, retrò abiens per Umbros Romam contendit. Ex itinere Ioannes quoque Sfortia & Guido Feltrius, cum suo quisque equitatu, hic Vrbium, ille Pisaurum rerum suarum metu concesserunt. Obigninus vero Salubianis iugis Apenninum transgressus, ad Carolum in Aeturiam descendit. Per eos dies Franciscus Piccolomineus cardinalis, qui postea Pontificatus adeptus, ad tractandam pacem a Pontifice legatus ad Carolum in Aeturiam venit. Sed is neque auditus, neque in castra receptus est, quum regi atque proceribus ob recentem adhuc patris Pij Pontificis memoriam esset inuisus, quod ille superiore Neapolitano bello aduersus Andegauenses a Ferdinando Aragonisq; partibus steterat. Carolus paucos Florentiae moratus dies rebus compositis Senas venit. Excepere venientem Senenses, portis ac regionibus festa fronde exornatis, ac liberaliter Gallos milites per domos hospitio susceperunt. At rex primo aduentu cohortem prætoriam, quæ stationem in foro habere, & præsidio decurionibus esse consuevit, denunciata per præconem cæde, ne extemplo arma ponerent, locoque decederent foro vrbeque expulit. Senis per Vrsinius Viterbium exercitus est ductus. Eam urbem ex Foro Cassi ruinis creuisse putauerim: huius enim in proximo non obscura vestigia, in ipsa silice constrata via Cassia visuntur. At pontifex, qui Ferdinando eiusq; exercitu in urbem recepto, & conscriptis tumultuariis cohortibus, Romanoque populo arma capere, & patriam tueri iussu, Gallos vrbe prohibiturus esse videbatur, Caroli successu & celeritate victus, ad eum legatos misit, qui orarent, ne sanctam urbem, sacrorum domicilium, Pontificis optimorumque antistitem sedem, cui aliquando etiam barbarus Atila pepercisset, turbandam violandamque tantæ multitudini externorum militum præbere vellet. Quod si, ut Christianum atque eius cognominis regem deceret, augustæ Urbis religione tangeretur, ingressuque abstinere, Pontificem ei tum officio satisfacturum, commeatusque militibus idoneis in locis præbiturum. Carolus ad ea respondit, se priusquam Gallie fines exiret, voto pro salute felicitateque suscepto, decreuisse Romana templa inuisere: sanctissimas Petri Paulique aras venerari: ipsumq; Pontificem, qui pietatis religionisq; fastigium obtineret, suppliciter adorare. Proinde si Pontifex Aragoniorum hostium suorum copias vrbe emitteret, mediamque personam, uti par esset, ipse augustus & sanctus indueret, commeatusq; expediret, se amicè pacatoque agmine ingressurum Urbem: quod si vim para-



ret, & sibi obfistendum arbitraretur, se sibi viam cōfestim per urbem Romam, ac Tyberinos pontes armis aperturum. Ioannes quoque Andegauensis Episcopus, qui eadem Pontifici coram, populoque referret, cum legatis Romam destinatus est. Erat Alexander, vt sæpe accidit, quum dubijs periculosisq; consilijs agitatur, veluti in supremo rerum casu vehemēter animo consternatus. Formidabat iuuenem regem inimicorum suorum innixum consilijs, qui tantā ferocium gentium multitudinem traheret, quantam multos ante annos Italia suo tantum militi, & lenioribus bellis assueta, nunquam vidisset. Timebat Ascanium, quem paulo antè, data fide cum Prospero custodiæ tradidisset: summoque dolore angebatur, quod Iulianum Rouereum infestum hostem suum<sup>10</sup> apud regem in honore esse, & summa cum autoritate cōsilijs omnibus interesse didicerat: Columnam quoque & Sabellum cardinales cum ceteris eius ordinis Ascanij clientibus, qui se ab initio ad eius nutum autoritatemq; contulerant, de indicendo concilio, vt ipse sacro rerum fastigio deijceretur, agitare intelligebat. Id vnum enim concilij nomen supra ceteros infelices humanarum rerum casus, maximo terrori pontificib. esse consuevit: quod pleriq; in his conuentibus, dum de Republica Christiana referunt, placita religionis interpretantur, & ad castigandam sacerdotum luxuriam censorias leges condunt, ipsi Pontifices Pontificio iure circumuenti, eiurare supremam dignitatem, seq; de mum pōtificatu abdicare coguntur. Hoc metu armati reges pontifices terrēt,<sup>20</sup> ac subigunt, quando omni tempore ex dissidio cardinalium, facilem ad cogenda huiusmodi concilia occasionē inueniant. Idq; propterea fit, quoniam cardinales inter se factiones simultatesq; exerceant, & quadam nouarū rerum libidine ac liuore ducti, Pōtificem, quem ipsi suis studijs atq; suffragijs exrulerint, repente fastidiant, aut odio prosequantur: pauciq; admodum cardinales, inuitis etiam pluribus, indicendi condendiq; concilij vetere Pontificum decreto potestatem habere videri volunt. Igitur Alexander suadentibus amicis, Ferdinandum monet, vt postquam adeo impotenter à Pato pariter atque ab hoste vrgeatur, incolumi exercitu ab Vrbe discedat, & maturè ad firmanda Regni claustra, quæ ad sanctum Germanum Casinatis saltus angustias pertinent, in<sup>30</sup> Campaniam proficiscatur. Nec multo post Ferdinandus, qui ab Alfonso patre etiam fuerat reuocatus, quum prima iam Gallorum agmina Lignino duce Ostiam è Viterbio contendissent, & regia vexilla Mario in iugo apparere inciperent, Latina porta sub signis exercitum eduxit. Decreti subinde è Romanis optimatibus oratores, Hieronymus Portius, Coronatus Planca, Christophorus Bubalus, Ludouicus Matthæus, Marius Mellinus, & Iacobus Sinibaldus, qui regi Gallo urbem ipsam, priuatas domos, & magnā copiam comeatus omnis generis per fora expositam Pontificis populiq; Romani nomine offerrent, venientemq; introducerent. Iam Carolus Sutrium venerat, vbi memorabili iudicio iure consultum Sutrinum, qui præferocem Gallum equitem contume<sup>40</sup> lia lacepsitus occiderat, è vinculis causam dicentem, quanquam irato frementeq; exercitu absoluit, Sutrioq; profectus ad Braccianum castra promouerat. Est id ad Sabatinum Lacum inter viam Calsiam et Aureliam, ad oppidū Anguillariam, quæ Fidenatium vrbs nobilis antiquitus fuit. Ea oppida cum Triuiano atque Galeria Verginij Vrsini ditionis erāt, quibus timens Verginius, ne primus ipse hosti prædæ auido, quod Aragonijs præffet copijs sæuendi materiam præberet, Carolum filiū ad dedenda oppida, et regem in ea arce, quæ in sum-



in summa loci amœnitate subiectū despectat lacum, hospitio excipiendū præ-  
 misit. Triduo post Carolus armatis distinctisq; peditum & equitum ordini-  
 bus, Flumentana porta Urbem inuectus est. Precesserant longa Heluetiorum  
 Germanorumq; agmina iustis passib. ad tympanorum pulsum, dignitate qua-  
 dam militari atq; incredibili ordine sub signis incedentia. Veste omnes varia  
 ac breui & singulos artus exprimente utebantur. Fortissimus quisq; plumeis  
 cristis pileo surgentibus, insignis super cæteros eminebat. Arma eorum erant  
 breues gladij, atq; hastæ fraxineę denum pedum, angusto perfixæ ferro. Quar-  
 ta ferme eorum pars ingentibus securibus, quarum è summo quadrata cusps  
 10 prominebat, erat instructa, has cæsim punctimque feriendo ambabus manib.  
 regebant, Alabardeq; eorum lingua vocabantur. Singula autem peditum mi-  
 lia sclopettariorum centuriam habebāt, qui paruis tormentis plumbeas glan-  
 des in hostem emittunt. Milites in vniuersum, quum densatis ordinibus con-  
 ferti prælium ineant, thoracem, galeam, scutumq; ita despiciunt, vt solis centu-  
 rionibus, atq; qui phalangis principia explere, & in prima agminis fronte pu-  
 gnare consueuerint, galeæ, & ferrea pectoralia conspiciantur. Hos quinq; Va-  
 ficonum milia sequebantur, balistarij ferme omnes, qui scorpionibus arcufer-  
 reis, puncto temporis tendendo sangittandoq; peritè admodum utebantur.  
 Quod genus hominum cultu aspectuq; admodum deforme Heluetiorum cō-  
 20 paratione videbatur, quum illi capitum ornatu & armis splēdidis, ipsaq; pro-  
 ceritate plurimum emerent. Peditum vestigijs equitatus institit, ex omni to-  
 tius Galliæ nobilitate conscriptus. Is sagulis, sericis cristis, torquibusq; aureis  
 perornatus, longo turmarum alarumq; ordine procedebat. Erant cataphracti  
 bis mille & quingenti, & bis totidē leuis armaturæ equites. Illi crassiore stria-  
 taq; hasta, solido mucrone, clauaq; ferrea, vti nostri consueuere, utebantur. E-  
 qui eorum robore, ac magnitudine præstantes, iubis auribusq; defectis, quod  
 ita decere Galli existiment, ferociores apparebāt; verum ex eo minus erant cō-  
 spicui, quod tegumentis recocto è corio cōfectis, vti nostris mos est, magna ex  
 parte carebant. Singuli cataphracti ternos habebant equos, puerum armige-  
 30 rum & ministros duos, quos subsidiarios laterones appellabant. Leuis eques  
 ingenti ligneo arcu Britannorum more, maiores sagittas emittit, thorace, ga-  
 leaq; contentus est. Aliqui eorum tragulas gestant, quibus stratos à cataphra-  
 ctis hostis in prælijs, impressa cuspide humi configere consueuerunt. His om-  
 nib. sagula erant, acu, bracteisq; argenteis picta, in quibus specioso opere ad no-  
 tandam in prælio equitum virtutem vel ignauiam, propria ducum insignia  
 prætextis imaginibus exprimebantur. Quadringenti hippotoxotæ, in quibus  
 centum erant è Scotorum gente, virtute fideq; præstantes regis latera stipa-  
 bant. Sed ante hos ducenti equites Galli, à spectata virtute nobilitateque dele-  
 cti clauas ferreas magnis securibus pares in humeris gestantes, cultu insigni cir-  
 40 caregem pedibus euntem versabantur, porro cum equitante, cataphractorū  
 more eximijs in equis, auro purpuraq; spectabiles prodibāt. Iuxta cum primo  
 in loco comites aderant Ascanius ipse & Iulianus, secundum eos Columna at-  
 que Sabellus Cardinales: præterea Prosper atq; Fabritius, cæteri; Itali duces  
 Gallorum procerum turbæ immixti. Parata erat ad regem hospitio excipien-  
 dum Diui Marci templo coniuncta domus, Pauli secundi Pontificis sumptu  
 ex Amphiteatri lapidib. structa. Ciuium quoque ædes Traiani foro proxime,  
 proceribus patebant, ad quas multa iam nocte luminibus accensis peruentum



est. Erant tot equitum peditumq; agmina, non pompæ modo ad speciem decoremque ostentandam exornata, sed instructa bellico more omnibus armis, tanquam in ipsa vrbe foret dimicandum: ita vt omnium mentes eo spectaculo facile terrerentur. Id quoque metum stupentibus addebat, quod viri, equi, vexilla, arma tot passim funalibus inæquali splendore incertam præbentibus lucem, ampliora ac maiora vero videbantur. Plurimum autem admirationis atque pauoris omnibus intulerunt tormenta curulia supra triginta sex, quæ equorum iugis per æqua pariter atque iniqua loca incredibili celeritate ducebantur: maxima eorum longitudine octonum pedum, pondere vero sexmiliū librarum æris, Cannones appellabantur, quæ æquali tubo humani capitis magnitudine ferream pilam emittebant. Secundum Cannones erant Colubrine sexquialtra longiores, angustiore tamen fistula, pilæque minoris. Sequebantur Falcones adeo certa proportionem maiores ac minores, vt minimis tormentis pilæ Medico malo per similes emitterentur. Ea omnia binis crassis asseribus superinductis fibulis erant inserta, suisque suspensa ansis, ad dirigendos ictus medio in axe librabantur. Minoribus rotæ binæ erant subiectæ, maioribus autem quaternæ: quarum posteriores ad cursum incitandum aut sistendū exemptiles erant. Tanta autem celeritate eorum magistri atque aurigæ huiusmodi cursus circumagebant, vt suppositi equi flagellis ac vocib. concitati expeditorum equitum cursum æquiorib. in locis adæquarent. Deducto rege, designatisq; per priuatas domos hostitijs, Galli triuia, omniumq; regionum aditus, qui ad Marcianas edes pertinebant, tormentis, & certis equitum ac peditum præsidijs conspersere, binæque milia equitum, quæ singulis senis horis per vices stationem agerent, in campo Floræ collocata. Tumultuatum est haud semel tota Vrbe, quum Romana plebs suo pte ingenio turbulenta & procax, insolentium Gallorum minaces, accentuque superbas voces, & feros Germanorum vultus ferre non posset. Ipsiq; externi milites in popinis, & lustris plerunque a multo vino truciores facti, rixas passim cum obujs miscerent: Indeque temulentia calentes, et incauti noctu maximè per infrequentia Urbis loca, a sicarijs atq; lenonibus caderentur. Expugnata est magno Heluetiorum Vasco-  
numq; impetu Bancarum domus, ac in ea quidam e plebe Galli militis percussores trucidati, confosso ibidem Marco Matthæio Patritij ordinis. Inualuitq; subinde fama in tanto strepitu ac dissono clamore celeriter peruagata, Urbem capi, ac diripi opulentas domos a Barbaris. Quo tumultu cœpit arma Romanus populus, vt dignitatē Martiæ gentis, fortunas, vxores ac liberos tueretur. Sed ea die, dñj superi almæ Urbis tutelares, luctuosum id certamē, supremūque rerum omniū periculum auerterūt, quū Prosper, Giensis atq; Ligninus a rege ad ciues militesq; transmissi deterrendo, dirimendoq; cœptum iam multorum concursu & clamorib. tumultū oppressissent. Vrbe Roma dubijs Gallorum armis occupata, Alexāder, qui metu anxius atq; incertus consilij, in Hadriani molem confugerat, oratores de pace ad Carolum misit. Fuereñ senatorij ordinis antistites longè clarissimi, Antonius Pallauicinus, Ioannes Alexandrinus, Bernardinus Caruaial, et Raphael Riarius, qui lōgo verborum circuitu orsi a Carolo Magno, cæterisq; Gallorum regib. qui insigni pietate rem pontificiam aduersus tyrannorū iniurias generose defendissent, monendo adulandoq; pacem impetrarunt: his tñ legibus, quibus eam victis victores dare consueuerunt, sic vt complures, qui Hispani hominis ingeniū nouerant, eam pacem tanquam vi expressam haud multum duraturam dicerent, quod Galli aliquan-



aliquanto arrogantius quàm deceret, pontifici præscripsisse viderentur. Promittebat rex Gallus, se bello & pace amicum sociumque futurum pontifici, veneraturumque eum maiorum more uti verum Christianæ religionis principem, neque unquam his in rebus, quæ religionem placitaque pontificum respicerent, ab eius authoritate discessurum. Contra vero postulabat, ut portus Ciuitatis veteris cum arce apud Centumcellas sibi dederetur, ad classem Gallicam quæ Thyrræni maris oram legebat, excipiendam, & Cæsarem Borgiam filium, qui tunc cardinalis erat, obsidem daret: qui suscepta legatione ad honoris ac amicitiae speciem, quatuor menses castra Gallica sequeretur: traderetque item Gemenem Baiazetis Orhomanni fratrem. Is tum in Vaticano in libera custodia seruabatur, quod eum Galli transmarino in bello sibi magno usus futurum existimarent. Hunc aliqui scriptores Zizimū imperitē vocarunt, quum Gemes de nomine Parthorum inclyti regis appellaretur. Postremo in gratiam suam Gallici nominis honorem, Brissonetum in collegium Cardinalium cooptaret. In hæc omnia Pontifex, nec vlla quidem conditione reiecta facile consensit: ut qui iam in animum induxerat, neminem vlla datæ fidei religione teneri, qui vi metuque subactus iniqua atque indecora pontificiæ maiestati sponderet. Itaque in colloquium amicitia omni verborum atque hilaritatis artificio simulata, in Vaticano deuentum, adorauitque pontificem proiectus rex: omnisque demum turba procerum & ductum, obsignatos aureis crucibus pedes osculata est, obiterque pontifex senatoriæ purpuræ ornamenta Brissoneto de manu tradidit. Postremo Gemes ipse productus est, tabulisque super ea re publicè confectis, Carolo traditus. Is regiam manum ac humerum osculo petiuit, precatusque est graui oratione Pontificem, ut se tanto regi, qui Orientis imperium animo conceperet, enixè commendaret: futurum enim esse, uti neque Pontificem concessæ libertatis, neque regem adsciti comitis, quum in Græciam traiecisset, si consilio suo vteretur, vlllo tempore poeniteret. Erat Gemes aspectu planè regio & graui ingenioque item Arabicis literis vehementer exculso, promptoque ad ferenda fallæ vrbauitatis dicta, ubique demum corporis & magnitudine animi sua stirpe minimè indignus. Is paucis antè annis mortuo in Asia patre Mahomete, quanquam ætatis prerogatiua superabatur, fretus tamen populorum ac militum beneuolentia, Ciliciæque regulorum opibus, armis de imperio cum Baiazete fratre contenderat, victusque in Prusiæ campis, & aliquanto post in Lycaonia ad Iconium amisso exercitu, Rhodum profugerat, ratus non defuturos sibi ad repetendam Asiam Christianos, quos propter antiqua odia recentesque iniurias, & Asiæ incommodis, & Baiazetis periculo magnopere lætatos existimabat. Sed alios quàm putarat Christianorum animos inuenit. A Bussonio nanque Rhodiorum equitum magistro carcere inclusus: & aliquanto post, uti tutius atque humanius seruaretur, in Prouinciā Galliæ finitimam est transmissus. Nec multum inde Innocentius pontifex cum Bussonio transiit, ut à Prouincia Romam adueheretur. Quare impetrata, non multo post ipse Bussionius, quem Rhodus egregiè defensa omni honore dignum effecerat, & hoc quoque merito in collegium Cardinalium receptus est. Fuitque Romæ Gemes magnū vectigal ipsis pontificibus per aliquod tempus, quum Baiazetes alendo fratri quotannis quadraginta milia aureorum nummum pontifici numeraret. Inguentibus autē in Italiā Gallis, Alexāder, inito iam cum Aragoniis foedere, Georgiū Bucciardum natione Ligurē, Turci-



cæ peritum linguæ ad Baiazetem misit, qui doceret quanto apparatu, quantisque classibus rex iuuenis gloriæ & proferendi imperij cupidus, Neapolitanum regnum inuaderet: quantisque demum opibus confecto statim Italico bello in Græciam esset traiecturus: propterea eum enixè petere, vt Gemes sibi traderetur, cuius auspicijs, propter magnas paterno in regno necessitudines, cuncta sibi faciliora eo bello futura consideret. Cæterum pontificem, qui Gallos, gentem admodum superbam imperijque auidam suspectam haberet, atque vrbs Romæ totiusque Italiæ periculo plurimum angeretur, cum Alfonso fœdus percussisse, paratosque esse communi consilio eius gentis impetus terræ marique sustinere: quando neque milite neque classibus egerent, modò ali-  
 cunde pecunia iuuarentur. Vna autem ea ratione Baiazetem, si quota sua parte aurum in stipendia suppeditaret, Græciæ rebus opportunè consulturum: siquidem urbem Romam Neapolitanumque regnum Othomanici imperij fore munimenta, si aliena in terra bellum aleret, neque eo sumptu deterreretur. multo enim commodius atque facilius auro arceri hostes, quam ferro ac viribus in ipso belli discrimine sustineri: quod ex rerum usu plerumque accideret, vt qui pecuniæ parcendo, remota pericula negligere contemnereque solerent: incumben-  
 tibus demum malis, desperato sepe remedio grauiora detrimenta sentire consueuissent. Baiazetes qui cuncta hæc cum à speculatoribus multum etiam Alfonsi literis atque legationibus vera esse didicerat, Georgio gratias egit, quod se externum, & diuersas de dijs atque religione sentientem, Alexander qui sacri imperij fastigium teneret, adeò benignè amiceque de maximis rebus tempestiuè monuisset. Cæterum suasit vt cum Dautio legato suo, qui & pecuniam & secretiora de hisce rebus mandata deferret, in Italiam reuerteretur. In his mandatis erat epistola Græcè conscripta, qua rex Barbarus multa arte pontifici suadebat, vt Gemem fratrem, tãquam alienæ religionis hominem, veneno tollendum curaret: quem vnum, de imperio sollicitus, ob ingentes viri virtutes, si qua sorte custodia euaderet, maximè formidabat. Id si præstaret pontifex ducenta milia aureorū nummūm integra fide se persoluturum promittebat, Christi-  
 que inconsutilem tunicam, sicuti paucis antè  
 annis Longinianæ lanceæ cuspidem transmississet, dono daturum, neque vnquam dum vita maneret, moturum vltro arma aduersus Christianos, secus ac Mahometes pater & Auus Amurathes, qui infestissimi Christiano nomini continenter bella gerendo, nunquam ab inferenda iniuria cessauissent. Sed Georgius atque Dautius Hadriatico feliciter enauigato, cum apud Anconam in litus descenderent, à Ioanne Rouereo Iuliani Cardinalis fratre, is ad Senogalliam suæ ditionis excubabat, capto nauigio, pecunia reliquisque rebus exuti sunt: quod ille ob merita sub Innocentio stipendia, multam à pontifice pecuniam sibi deberi prædicaret. Neque Alexander ea iniuria perturbatus, quam illi omnia hostilia minaretur, & a Venetis opem imploraret, quorum  
 interesset Turcas toto eo mari inuiolatos præstari, quicquam tamen ex ea pecunia, quæ annui tributum summam excedebat, recuperauit: quoniam Rouereus aduentantium Gallorum, quorum partes sequebatur, præsidio fretus securusque in Piceni finibus, sacra pariter atque profana irati pontificis arma cõtemnebat. Dautius ipse pedibus Anconam profugit, atque inde ad Franciscum Gõzagam Mantuæ principem aduerso Pado delatus est, qui Barbarum propter amicitiam quã cum Baiazete multorum munerū mutua liberalitate instituerat,  
 beni-



benignè susceptum, donatumq; pecunia et preciosa veste in Græciam remisit. At Carolus qui Pontificijs solennibus sacris astiterat, extraque Trigeminam portam Diui Pauli templum & ruinas admirabilium operum cupide spectarat, Roma discedens, multis de causis bipartito aggrediendos sibi hostes esse iudicauit, quod id consilium paulo antè in Æturgia Æmiliaq; prosperè fuisset expertus, multumq; numero militum abundaret: vnde facile diduci debilitariq; hostium vires necesse fore prouidebat, si diuersis regionibus alia atque alia arma ac duo prope diuersa bella, pulsas iam atque perterritis inferrentur. Itaque Fabritium Columnam, Antonellumq; Sabellum, adiunctis Roberto Lenuncurto, qui à præfectura Vitriaci oppidi à Gallis Baillius Vitrius vocabatur, Gratianoq; item Guerra, & Ciandeo cum Gallicis turmis, & Vasconum Heluetiorumque cohortibus per Sabinum agrum præmittit, qui per Marfos in Aquilanorum fines irrumpant, atque eam omnem Præcutinorum regionem, quæ Aprutij nomine nuncupatur, & Superum mare Apuliam atque Campaniam per Apenninum lato ambitu contingit, ad deditionem compellant. Venerat paulo antè Cellanum Liuianus missus à Ferdinando cum equitum manu subitarijsque cohortibus tribus, vt oppida circa Fucinum lacum impositis præsidijs tueretur. Sed his viribus impar, nec tentato quidem certamine, his locis celeriter expulsus est. Tallacotium subinde et Albam clariora Marforū oppida, quæ tum Verginij Vrsini ditionis erāt, Fabritius Columna recepit, quod certo atque antiquo iure ad Columnios pertinere dicerentur. Eodem quoque victoriæ cursu, cum hinc Ioannes Rouereus, illinc verò Ioannes Paulus Cannelmus Soranis saltibus occupatis, circumiectos populos ad defectionem sollicitarent, tota ea regio incredibili celeritate ab Aragonijs defecit, reductusq; est in urbem Aquilam Ioannes Galiofius, qui patria exul spe recuperandi principis in ciuitate loci, Columnios procures & castra Gallica sequebatur. Ab alia parte Carolus cum tota mole exercitus, Latina via promotis castris ex itinere Montem Fortinum Iacobi Comitis oppidum in finibus Hernicorum expugnauit, Prosperoq; Columnæ, qui id hæreditatis iure reperebat, in ditionem concessit. Vix dum Romanum agrum Galli exceßerant, cum Pontifex ingentiliberatus metu noua consilia expedire, quæ diu antè vel præsentē etiam rege æstuando, & iustum dolorem multa comprimendo concoxerat: & demum quibus poterat modis Gallo hostilia moliri cepit. Siquidem vti planè vir magni quidem animi, quiq; suæ augustæ dignitatis erat memor, quod Gallus in ea scæda pace sibi adeo insolenter præscripsisset, ferre nō poterat. Ostiense præsertim Centumcellanaq; arcibus ereptis, iniectas proculdubio sibi atque Vrbi compedes existimabat, ratus superbum regem, qui ante victoriam dubijs etiā tum rebus tam sæuos gereret spiritus, si Neapolitano regno potiretur, tum, demum inflatum victoria, cunctis quas vellet belli vel pacis leges impositurum: ipsamq; Romani pontif. autoritatē, quæ hominū opinione potius quā certis virib. constaret, despectui protinus habiturū. Brat apud Carolū Antonius Fōseca Hispanus, vir bello et pace clarus, qui pro Ferdinādo rege legationis munere fungebatur. Is cū Alexandro cōiunctos habebat sensus, & nimie Gallorū felicitati, qui totā Italiā cedentib. cūctis, solo nominis fulgore terribiles, nec districis quidē gladijs percurrissent, plurimū inuidebat: verebaturq; ne opulentū id regnū Hispanicę stirpis occuparent. Quod vel ipsa populorum leuitate et tāta Aragonij exercitus imbecillitate, Alfonso præsertim fatali quodam metu con-



sternato, infirmisimum esse prouidebat. Hunc idoneum ratus Alexander per quem Gallorum impetum moraretur, & spes adderet Aragoniis quominus celeri desperatione succumberent, induxit: communicatisq; consiliis, et verbis super eare conceptis subornauit. Igitur Fonseca apud Velitras in consilio regis & procerum graui oratione habita, questus est, quod Carolus qui aduersus Turcas bellum suscepisse eximia pietate videri vellet, Romano pontifici vim intulisset: cum Centumcellae ipsaque Ostia Gallicis praesidijs tenerentur, Gememque Turcam extortum minis secum abduceret, ipsumque pontificem & Senatores armorum strepitu subegisset, Valentinusq; interim cardinalis captiuo quam obsidi similior castra sequi cogeretur: non idcirco Ferdinandum cum eo foedus Perpenniano recepto percussisse, ac fidem dedisse, nunquam se a Pyrenaeis hostilia moliturum, & dum Galli Italiam peterent omnino quieturum, vt tota passim Italia nobilissimarum ciuitatum status conturbari Gallica libidine pateretur: ac si ueret sacrosanctum pontificem ad iniqua foedera facienda, summi periculi metu armisque, ac ipsis propemodum ad motus bellicis tormentis, cogi. Lucenses primum pecunia fuisse mulctatos: Mediceos inde, qui moderationis atque splendoris fama toto terrarum orbe singularem gratiam cum magna gloria meruissent, patria atque penatibus eiectiones: Florentinos vero, quibus ipse libertatem restituisse videretur, detractis Pisis, multisq; eorum arcibus occupatis, & pecunia pariter mulctatos, & praegravi inuolutos bello: Porro Senenses euerso ciuitatis statu, Gallorumq; praesidio accepto, non tam sibi Gallorum aduentu violatam, quam impotenter ademptam libertatem queri: non procul quoque abfuisse urbem Romam, quin iterum a Gallis funditus euerteretur. Quo tumultu territus pontifex, omnisque ordo imbellium sacerdotum de ineunda fuga cogitarint: Sperauisse Ferdinandum, qui iustitiam omni tempore coluisset, quantum ad Neapolitanam rem pertineret, Gallos prius ex aequo & iure quam bello ac armis disceptaturos fuisse, cum Pontifex eius controuersiae aequissimus iudex atque arbiter haberetur, & Alfonsus iudicio pontificis se statutum spondidisset: idque sincera fide praestitutum pontifex presentibus Gallorum legatis recepisset: Proinde Ferdinandum postquam nullo humani iuris & scriptarum legum respectu, regnum perpetua sexaginta amplius annorum possessione, & pluribus pontificum decretis Aragoniis regibus attributum, armis peteretur, se Alfonsi regis, qui et necessitudine gentis, & sanguinis atq; familiae coniunctione sibi esset deuinctus, iniurias minimè neglecturum. Dicentem adhuc Fonsecam suborto fremitu Galli proceres interpellant, elatisq; animis respondent, neque iura sibi defuisse vnquam, nec futura arma, quibus regna antiquae suae ditionis recuperent, tyrannorumque hostium suorum superbos spiritus contendant: si Ferdinandus se Aragoniis minimè defuturum denunciaret, recentisque foederis obliuisceretur, parum eare Gallos permoueri, cum vellet, vires experiretur: Intellecturum enim protinus, quid rex Gallus lacepsitus iniurijs, animis atque opibus posset: Hispanos vero equites si in aciem prodirent, continuo sensuros quantum cataphracti Galli Mauros iaculatores, quibus ipsi Baethicis bellis insueuissent, constantia atque motu in ipsis congressibus anteirent. Disceptatum subinde est acrioribus verbis, cum vtrinque plures simul de eare vehementissimè loquerentur, adeoque inter se contendendo animis incaluerunt, vt Fonseca alioqui sedati vir animi, ira praefuridus libellum in quo foederis capita vtriusq; regis manu subscri-



subscripta ac obsignata erant, in conspectu regis concerpserit: moxque Ioanni  
 Petitto, Cerbellioni & Carolo Arelliano Hispanis, qui apud Gallum ordines  
 ducebant, denunciarit, eos apud Ferdinandum reos maiestatis futuros, ni tri-  
 duo Gallorum castris excessissent. Post id factum, Valentinus cardinalis mi-  
 nus intentis in eius custodiam Gallis, mutato habitu e Velitris Romam profu-  
 git. Nec multo post & ipse Gemes ad Caietam moritur. Eratque constans fama  
 Alexandrum, ut barbarus princeps inimici regis gloriæ atque spectaculo sub-  
 traheretur, ipseque obiter proposita à Baiazete præmia promereret lethiferum  
 puluerem faccaris, quibus Turca poculis omnibus vteretur, miscuisse. Is erat  
 10 pulvis ad fallendum candore mirabili, nec iniucundo admodum sapore, qui  
 non acriore vi protinus, sicuti præsentanea venena spiritus vitales opprime-  
 ret: sed sensim venis illabendo, exitiabili tarditate grassaretur. Quo postea A-  
 lexander opulentos aliquot senatores, & postremo seipsum incaute mutata  
 lagena sustulisse ferebatur. Sub id tempus Alfonso ut Gallicam classem toto  
 Antiæ littore ac finitimis portibus prohiberet, e Tarracina ad oppugnand-  
 um Neptunium duxit, quod Antonellum Salernitanum, Bernardinum Bes-  
 sennianum, & Claramontium regulos, tribus millibus peditum onerarijs na-  
 uibus impositis e Genua paulo ante soluisse, & ad inuadendam Campaniæ o-  
 ram aduentare cognouerat. Verum oppugnatione oppidi in prosperè tenta-  
 20 ta, cum fœdæ admodum tempestates subortæ essent, repentina imbrium atque  
 ventorum vi oppressis ac penè deletis castris, Neapolim se recepit. Sed & Gal-  
 licæ naues eandem simili propè periculo fortunam tulerunt, quæ sæuiente ma-  
 ri difficili ac laboriosa nauigatione in aduersa Corsicæ littora delatæ, post su-  
 peratas niuosis ac desertis in locis terræ ac maris difficultates, portum Hercu-  
 lis tenuerunt. Cæterum reguli cum multo maxima militum parte, ut erant o-  
 mnes maris tædio nauseaque confecti, pedibus Romam ad Carolum contem-  
 derunt. Interea Ferdinandus in Cassinate agro ad sanctum Germanum occu-  
 patis Menianensis saltus angustijs, suas atque paternas copias aduentantibus  
 Gallis opposuit. Eæ sunt fauces montium inter se coeuntium, quæ descenden-  
 30 tibus e Latio in Campaniam & Leborios campos aspero & conciso aditu iter  
 coarctant. Hec loca per se difficilia, adiectis insuper aggeribus, multo impeditio-  
 ra reddiderat: finitimarumque vallium ingressus quosque ingentibus arborum truncis,  
 multaque passim cæsa materia repente consperserat, ratus his claustris expugna-  
 dis distineri Gallos posse. Sustinendo enim atque cunctando interim maiora pa-  
 rari præsidia, atque expectari hyemem, quæ a diuturna ac insolita serenitate suas  
 nondum niues ac pluias effudisset: tum verò futurum, ut Galli qui impetu ac celeri-  
 tate tantum valerent, cum pabuli inopia, tum multis aliarum rerum incommodis afflicta-  
 rentur. Erant Ferdinando equites cataphracti bis mille et sexcenti, levis arma-  
 turæ autem quingenti, decora quidem ac valida manus, par futura hosti, nisi for-  
 40 tuna quæ iam tum nimio plus florenti Italiæ excidium parabat, et virtuti & pristinae  
 eorum felicitati nimium inuidisset. Sed peditatu Gallis longe erat inferior, cum ne-  
 que exercitatione, neque numero neque armorum genere Italus pedes subitario de-  
 lectu magna ex parte coactus, Heluetijs atque Germanis, qui omnibus Gallie bel-  
 lis interfuissent, foret comparandus. Idque præcipue accidebat inueterata quadam I-  
 talorum ducum consuetudine, qui per amplum equitatum alere, eique vni rei impen-  
 sius studere soliti erant: nec peditum magnificerent, quæ expugnandis tantum vir-  
 tibus idoneum, apertis autem in præliis prorsus inutilem ducebant. Sfortia etenim et



Braccius Carmagnolaq; & Picininus, qui militiam multis antè annis in Italia extinctam cum magna gloria suscitassent, multa bella solo equitum robore cōfecisse dicebantur. Durauitque ea opinio pluribus annis apud imperitos principes, quum prauis mercennariorum ducum cōsilijs decepti, neglecta peditū cura equites passim tota Italia sibi & prouincijs graues instituissent. Siquidem callidi duces, qui crebris potius transfugijs quàm vera virtute insignes erant, cum discordia principum opulentiores euaderent, consultò inter eos alebant bella: neque ea vnquam, si iusto praelio certandum foret, vlla plenior victoria finiebant, adeo vt quæstui potius quàm decori promercalem illam militiā habere viderentur. Vnus tamen ante alios Franciscus Sfortia superiorum in-<sup>10</sup> scitiam occulta illa fraude commistam, multis suis aliorumque periculis deprehendit, cœpitque è peditatu fortissimum quemque bello ac pace pariter præcipuo in honore habere. Vnde paucis annis effectum est, vt ille veteranorum, maximè peditum virtute, summam sibi gloriam & per amplum imperiū perpetua victoriarum felicitate compararit. Cuius consilia atque instituta exactæ virtutis atque prudentiæ plena, si cæteri æmulatione disciplinæ secuti essent, profectò Italiam tot sæuis implicitam malis, quæ quondam cunctis gentibus bellicæ virtutis auspicijs imperauit, neque prædæ, neque ludibrio externis nationibus reliquissent. At Alfonsus postquam se destitutum auxilijs quæ frustra à Turcis pariter & Venetis implorarat, tantiq; exercitus impetu, cui cun-<sup>20</sup> cta omnium opinione celerius toto itinere patuissent, oppressum ac circumuentum videt, abdicare se imperio, Ferdinandoque filio cura rerum atque imperij relicta, in Siciliam ad nauigare constituit. Ingrauescebat enim indies intestinum malum, nec hesternis hostibus magis quàm domesticis laborabatur. Oderant eum plerique regni proceres, Neapolitaniq; in primis, & singulæ fermè totius regni ciuitates: adeoque pauci erant qui linguam moderarentur, vt alienati populi fremitus ad regias aures sæpissimè penetraret. Accidit enim plerunque vt ea odia, quæ diu in tyrannos stante eorum fortuna exitij timore dissimulantur, quum eorum res labare cœperint, acrius atque liberius erumpant. Post detectam enim eam coniurationem, cuius capita fuerant Reguli<sup>30</sup> Sarnensis & Salernitanus, præter insitos mores, & asper & immitis euaserat: fueratque in vindicandis iniurijs vlciscendaque perfidia admodum seuerus et inexorabilis: vtpote qui timeri malebat, quàm humanitatis atque clementiæ nomine laudari. Ingruente autè bello, pecunias adeo inclementer imperarat, vt priuatè ac publicè multæ ciuitates contracto multo ære alieno ab immodicis foceratoribus absumerentur. Ob earum rerum conscientiam ac imminentis excidij metum, ita erat animo perculso atque abiecto, vt vir paulò antè fortissimus, & modò tanti nominis imperator, fatali quodam horrore perturbante, cuncta imperitè ac timidè facere videretur. His diu ac multum agitatus curis, cum omnino secedere decreuisset, Ferdinandum ab exercitu reuocauit.<sup>40</sup> quem primo congressu inductum in intimam nouæ arcis partem, adhibitis amicorum præcipuis, in hunc modum allocutus est. Si Dñi immortales qui hæc terrena haud dubiè respiciunt & regunt, hoc imperium Alfonsi proauitui insigni virtute partum, auiq; Ferdinandi singulari defensum constantia, ac meis denique multis laboribus stabilitum, certa Fatorum lege mihi decreuissent, neque in has vrgentis belli ærumnas incidissemus, neque qui modò terrori atque formidini cæteris eramus, tam sæuis aduersæ Fortune fluctib; iactaremur.

Nam



Nam quæ humana ratione prouideri potuere, omnibus prius non modo Europæ, sed etiam Asiæ regibus non vna legatione nequicquā fatigatis, arma, pecunias, milites, classes per quā maturè parauimus, quæ omnia hæcenus nō hostium virtute, non imprudentia vel ignauia nostrorum ducum aut militum euerſa sunt, verū vna vis Fati, Dñ que ipsi meæ antè partē gloriæ huic sceptro, & capiti deniq; meo nimium infensi, cuncta retrouertendo nobis eripuerunt. Nec abnuerim meam fortasse ob noxam aut grauiorem culpam, eos nunc me sentire infestos atq; aduersos deos, quos sepius dum famā egregijs militiæ factis extenderē, secundos planè atq; propitios fuerim expertus. Sed nec ob id aut ve-

10 nia aut mitiore certè pœna fuerim indignus cū multorū perfidia circumuētus & in hac qua laboramus ærarij difficultate, necesse fuerit a lenitate naturæ pristinisq; moribus nostris deflexisse. Non enim iisdem semper artibus reges magna imperia tueri possunt, quibus ea quæsierint. Ignoscendo, largiendo, indulgendoq; regna læto admodum auspicio feliciter ineuntur. Cæterum cum praua inquietaq; hominum ingenia, audendo, moliendoq; insperatas ex occulto tempestates cient, tum deniq; seueritatem pro clementia, parsimoniā pro munificentia, pro facilitate autem ac lenitate illiberalem duriolemq; naturam, vtilia salutariaq; didiceris. Stat animo fixum vlla in blandia spe melioris fortune, durando, ac pertinacius afflictarum rerum euentū expectando ea numina

20 nolle experiri, quæ cum semel irata fuerint, vsquequaq; humana consilia mille casibus inuoluunt, summa imis repente permiscet, & ante alia mētē quoq; ipsam impotenter eripiunt. Non prouocabo inquā vltèrius iratos Deos, ne scilicet reliquæ spes omnes, quæ tibi ad ferendam gnauiter, superandamq; huiusce belli imminentē procellam abundè supersunt, his meis malè auspicatis consilijs euertantur. Cedam itaq; imperio, patriæ, penatibus atq; ipsa demum Italia, vt quæ mea culpa nobis atq; Italiæ incidisse videntur mala, & deformi exilio, & his ærumnis meis expientur, mitiusq; tecum agere incipiant. Ludouicus & Ascanius auūculi tui, qui dum me vnū petere, & persequi videri volunt, quod immoderatē eorū ambitioni scelestisq; consilijs obſistere ausus fuerim, non so-

30 lum domui nostræ tanta necessitudine Sfortiano sanguini coniunctæ, sed totæ etiam Italiæ funestas faces intulerunt. Igitur mactæ virtute fili, quod Dñ, qui meliora mihi suadent, res saluas atq; hoc imperium incolume tibi faxint, accipe huiusce imperij insignia, aureū diadema ac eburneum sceptrū, quæ sicuti mihi monente numine diutius retineri fas non est, ita huic tantæ indoli & fatali virtuti tuæ meritò debentur. Claresces in dies felici rerum euentu, superbisq; hostibus impones iugum, si que verum militiæ laborem ex me haud indecoro exemplo discere potuisti, alteram ob ea quæ vetræ industriam meam modò elusit atq; destituit Fortunam aliunde quæsieris. Perorante Alfonso, omnibus obortæ sunt lachrymæ, patremq; ipse Ferdinandus & cæteri non aliter ac fato

40 functum luxerunt: interq; singultus translati imperij tabulæ, dictante Iouiano Pōtano cōceptæ, cōfectæq; sunt. Nec multò post Alfonso cū pretiosa suppellectile quatuorq; triremibus, Mazarā Siciliæ vrbe delatus est. Ipse verò Ferdinandus summo cum plausu gratulationeq; omnium rex salutatur. Erat in eo iuue ne mirifica indoles bellicæ virtutis: nemo enim eo vel equitandi vel decurrendi agilitate atq; peritia admirabilior habebatur: nemo eum vite splendore atq; muuditij anteibat: nemo deniq; comitate, munificentia, liberaliumq; artium studijs apud ciues æquè ac milites commendatior aut gratior vnquā fuit. Eum



regio habitu in publicum ab arce prouectum, perequitantemq; de more urbē, ordo procerum, togatorumq; collegia, et ciuium primores inter faustas acclamationes populi cuncta prospera atque felicia ominantis, solenni pompa comitati sunt. Nec multo post ciuibus atque proceribus, quorum animos redemerat atq; deuinxerat, cum humaniter orando, tum pollicendo, si victor foret, se eorum fidei gratiam cumulare relaturum, de more sacramento adactis, & constitutis vrbanis rebus in castra reuersus est. Iam Galli in Arpinatem agrū peruenerant, positisque castris ad montem Sancti Ioannis, quod est oppidum Daualorum, omnē eum tractum effuse populabantur. Erant praesidio impositi oppido trecenti ferme pedites, quos Alfonsus Daualus ex clientibus suis magna ex parte coegerat. Ii cum se satis vel debili muro tutos fore crederent, nec ita vim Gallorum tormentis, quantum postea ipsorum aliorumq; periculo compertum est, inesse putarent, non modo clauferunt portas, sed & praekonē Gallum, ni protinus se dederent, insolentius cēdem atq; incendium denuntiātem penē violarunt. Id factum, quod in Gallia vel summā in loquendo libertatis praekonem, quem Araldum vocant, violare nefas ducunt, superbe gentis animos vehementer accendit. Nec mora tanta vi atque ira militum oppugnatio coepta est, ut paruo temporis momento, ne quicquam se tuentibus praesidiarijs, Galli perforata atq; deiecta muri parte irruperint, neq; quisquam ferme eorū qui acrius restiterant cēdi superfuit, quo spatio ceteri per aduersam portā que ad Lirim ducit, effugerunt: sic ut imbellium salus (quod plerunq; accidit) strenuorum hominū morte constiterit. Ceterum oppidum direptum atq; incensum est. Tum vero tātus ab ea crudelitate circumiectis oppidis terror illatus est, ut omnes reputando animis, qua clade Mordanenses paulo ante, & Montefortinenses affecissent, arbitrarentur, nulla mœnia nullasque copias in terris fore, quæ eorum tormentorum vim, tantique exercitus impetum sine summa pernitie sustinere possent. At Carolus promotis inde castris, ad sancti Germani saltum contendit, ubi Ferdinandus suis munitionibus se tenere, hostemque ferocem & pugnandi auidum cunctando ludificari decreuerat, donec aut pabuli inopia, aut tædio hyemis aliqua hostibus ex iniquo loco dimicandi necessitas imponeretur. Verum hyberni dies perpetua aeris serenitate, vernis æstiuisque per similes, Gallorum spei tam opportunē acciderant, ut quāquam omne ferme pabulum ab Aragonijs paulo ante esset corruptum, ipsi tamen ex remotioribus locis facile pabularentur, ac omnium rerum copia floridæ hyemis beneficio plurimum abundarent. Adeo ut cuncta secunda atque facilia Gallis, aduersa autem atq; aspera Aragonijs fatorum vi ac superum cōsilio præberi viderentur. Sed dum Ferdinandus saltibus occupatis Gallorum impetū frustra-  
tur, Fabritius Columna quiq; cum eo erant Gallorum duces, vrbe Aquila atq; omni eo tractu pulsus Aragonijs ex Apennino in Campaniā descendere, illoq; itineris deflexu a tergo apparere coeperant, quo die ab antecursorib. Gallis tur-  
ma vna tyronum equitum temerē vagantiū intercepta est. Quibus nuncijs ter-  
ritus Ferdinandus, ne ab duobus exercitibus intercluderetur, motis repēte ca-  
stris, Capuam se recepit, obiecturus victori hosti Vulturū amnē, qui ab occa-  
su mœnia præterlabens, neq; facile pōte iungi sublati omnibus nauigijs, neq;  
ob ripas ad modū impeditas profundumq; alueū, vado transiri poterat, quod-  
que vnus tantum pons esset lapideus, quo vrbs ipsa suburbanis ædificijs cōiun-  
gitur, qui facile ex propugnaculis imposito praesidio defendebat. Verū & hæc  
quoque



quoque consilia nouus in vrbe Neapoli tumultus exortus interruptit. Populus enim per se mobilis, & rerum nouarum cupidus, ad fortunæ regiæ commutationem erma ceperat, factoque impetu in Iudæos trapezitas, qui opinione diuturni fœnoris locupletes habebantur, eorum domos temporis momento diripuerat, totaque vrbs ob id factum ad defectionem spectare videbatur. Quo improviso fortunæ turbine perculsus Federicus patruus, ad Ferdinandum scripsit, ut postposita Capua atque exercitus curâ, subsidio perditis penè urbanis rebus venire maturaret: multitudinē enim ad arma consternatā esse, popularique petulantia cuncta confundi: iamque edicta regia ac magistratus sperni: opus enim esse præsentis regis autoritate ad sedandos tumultus, firmandumque nutantis ciuitatis statum. His cognitis rebus Ferdinandus quantū magna animi perturbatione commotus erat, nec ullum his in malis consilium periculo vacuum inueniretur, ipse tamen animo non deficit. Duces orat atque obtestatur, ut Capuam, dum ipse Neapolitanis rebus quietem afferat, ac demū reuertatur, egregiè muniant atque defendant: omneque certamen, ne vniuersi prælii casum subeant, tollerando ac sustinendo, deuicent. Confestimque Neapolim citato cursu contendit. Mirum dictu, quanta rerum eius aduentu mutatio sit consecuta: positae enim armis singulari omnium studio est salutat, sedati que omnibus locis tumultus. Erat enim adeo celso infractoque animo, ac vultu maximè ad promerendam gratiam sereno, ut pro concione obnixè deprecanti, ne nefaria defectione se regem vel potius omnium fratrem, in ipso patriæ gremio, apud omnium ordinum ciues familiariter educatum, crudelissimis barbaris prodere vellent, certatim omnes fortunas ac liberos pro eius salute obtulerint, modo incolumi exercitu Capua teneretur. Quod si Aragoni pulsi, vel timore acti inde excederent, et Neapoli victor Gallus appropinquaret, eum inique impieque facturum, si fidem datam a præoccupatis iusto metu ciuibus reposcendo, nobilissimā patriam efferis nationibus vastandam atque euertendam exponeret. Interea Carolus superato Lyriamne in Calenum, & Campanum agrum ad Vulturnum descendit, confestimque & ipsum oppidum Cales & Theanum Sidicinum ad eum defecere. Capuani quoque tametsi veteri studio Aragonium nomen colebant, de dedenda vrbe agere cœperunt. Quorum animos per se inclinatos ac fluctuantes, non multo post ad defectionem impulit repentina Triuultii profectio. Is enim quod mandata ad res aliqua æquitate componendas a Ferdinando ad Gallum se habere testabatur, Cales ad Carolum se contulerat: ubi cum agendo nihil publicè proficeret, priuatim sibi consuluit, ascitusque est Gallicæ militiæ cum eadem ala equitum, quæ modo Aragonium stipendium merebat. Ea re Virginius & Petilianus vehementer perturbati, quod se exclusos fœdere & planè desertos a Triuultio quererentur, cum suo equitatu Nolam profugerunt. Iam enim milites sine pudore equos & suppellectilem regiam diripere, passimque turmatim dilabi, hostes appropinquare, & ipsi demum Campani aperte Gallicum nomen inuocare cœperant. In ea Aragoni exercitus consternatione ac fuga, Galli antecursores prouecti usque in suburbana recta ultra Vulturnum, magnū tumultum edidere. Id conspicati Gothifredus & Gaspar Germani, repente cohortes porta ac ponte sub signis eduxerunt, ut Gallorum audaciam reprimeret, & Campanos quos pauidos, et in fide nutantes cernebant, alacriter erumpendo in fide atque officio continerent. Sed vix dum inito leui certamine Germani longius progressi, a Campanis ponte ac vrbe excludun-



tur. Tum verò centuriones qui modò ferocè hostem instando pepulerant, supplices ac proiecti in genua orare ac deprecari, ne cohortes fidelissimas benemeritasq; de ciuibus, ac paratas pro vr̄bis salute fortiter occumbere, Gallis ac Heluetijs infensis hostibus suis, trucidandas tradere vellent. Vixq; post multas preces, pudore metum vincente, à Campanis impetratum est, vt deni vr̄bem ingrederentur: neque alijs prius succederent, quàm primò aduersa vr̄bis porta exiissent. Eo modo cum mœsti inordinatq; Germani pariter ac Itali pedites atque equites continenti agmine Neapolim ire pergerent, Ferdinandum apud Auerfam obuium habuerunt. Is quanquam omnia circum se ruere, & copias dissipatas esse cernebat, tamen progredi non dubitauit, delatusq; ad Capuā portam, nequicquam primores vr̄bis appellando ac precando, vt se intro ducerent, vexillum Gallicum in mœnibus conspexit, nemineq; ex veteribus amicis ac clientibus ad colloquium prodeunte, Neapolim reuersus est. Sed & ibi cuncta repentino Fortunæ impetu euersa prostrataq; repperit. præcurerat enim fama Neapolim, Campanos defecisse ad Gallos, Triuultium ad hostes transisse, cæteros autem duces dispersis proditione ac metu omnibus copijs, fuga sibi consuluisse. Quas ob res Neapolitani, cum tumultu iterum exorto, et cunctis ad arma discurrentibus aduentanti exercitui portas clausissent, ac solum propè regem recepturi viderentur, Ferdinandus copijs magno itineris flexu ad Coronatam circumductis, in arcem se recepit. Nec mora, multitudo opificum perditorumq; hominum ad diripiendum regis stabulum, quod arci propè erat coniunctum delata est. Sed eius fœdi facinoris adeò ingratum graueq; regijs oculis spectaculum fuit, vt Ferdinandus cum nobilem eius loci apparatus diripi, generososq; equos ab infimæ fortis hominibus trahi cerneret, penè solus, & periculi & maiestatis oblitus in prædatores eruperit. Factumq; est augusto eius conspectu, vt alijs metu pudoreq; confusi, projectis in terram armis, veniam orarent, alijs relicta præda diffugerent. Verum paulò post receptis in arcem Germanis, custodiaq; Alfonso Daualo demandata, in Aenariam insulam cum viginti triremibus adnauigauit. Vbi illa eadē fortuna, quæ regno auitisq; laribus excedentē infensa persequēbatur, etiam tū veluti supremo in casu, reliquæ eius dignitati impotenter illusi, tunc Iustus, Isclæ arcis custos, eodem qui nuper omnes fermè Aragoniorum clientes inuaserat, perfidiæ morbo agitated, descendenti in terram fores occlusisset. Ferunt eum insperata Iusti perfidia consternatum, & coniectis in cælum oculis querentem, quòd sibi immerenti à Dijs spes omnis salutis eriperetur, de maturanda in Siciliam fuga cogitasse: verum monentibus ita Fatis, portæ arcis cum paucis successisse, tantumq; valuisse orando, ac sua Aragoniæq; domus in eum beneficia commemorando, vt Iustus ea conditione, vt rex solus ingrederetur, eum receperit. Tum verò Ferdinandū ea confidentia eoq; vultu ac vigore animi, districto gladio in custodē impetū fecisse, vt Iusti satellites, qui armati in statione aderant, ipso cōminantis ac imperātis regis aspectu perterriti, regijs dubiæ rei euentū expectantibus, extēplo portā aperuerint. Quo casu manifestè apparuit regū oculis in omni fortuna quādam supra humanā inesse vim: proditorib; autē degeneres esse animos, præsertim cū in ipsa perfidia deprehenduntur. Postero die Carolus vr̄be receptus est, tātòque studio Neapolitani in noui regis ac externæ gentis spectaculum effusi, vias exornando, victoriq; certatim atq; ambitiosè gratulando, omnes humanos honores detulerūt, vt tum primum



primum veluti è sæua ac diuturna seruitute, externi regis beneficio ad libertatem reuocati viderentur. Sequenti die noua arx magno apparatu oppugnari cœpta, & ab area simul quæ urbem spectat, & ab hortis regijs: nec sine pernitie quidem Gallorum oppugnantium, quoniam è summis arcis propugnaculis, qui in opere circa munitiones ac vineas agebant, destinatis tormentorum ictibus petebantur. Sed in arce multo maior metus, longeque maximum erat periculum, quum pilæ ferreæ per fenestras adactæ, interiora arcis ædificia deformarent, multosque disiectu lapidum fractorumq; parietum ruina passim opprimerent: neque vllus periculo vacuus locus tota arce custodibus interdum vel noctu relinqueretur. Nam Galli constitutis semel certo in libramento maioribus tormentis, atque his ad libellam directis, etiam per tenebras in ea quæ ante destinassent loca, pilas certissima ratione conijciebant. Acciditque memorabili casu, vt multa vis tormentarij pulueris, & multitudo ingens vasorum fistilium sulphure ac resina oppletorum, quæ ad obruendos subeuntes Gallos erant parata, protinus incenderetur, cum fortè excussa tormenti ictu modica fauilla, cadi eo puluere pleni flammam corripuissent. Extemplo enim ingenti crepitu edito, et tota penitus eius conclauis testitudine vi vaporis reuulsa atque disiecta, ea vis incendiij fuit, vt multorum qui in proximo erant, sæuum atque deforme spectaculum puncto temporis ediderit. multi nanque flamma, fumo, ruinaque exanimati sunt: sed multo plures semiambugi, lacerique artibus ignis violentia scedè abreptis euasere, qui miserabili eiulatu dolorem exprimendo, ac frustra implorando opem, amentes tota arce discurrebant: quibus neque opportuna remedia, alijs alio periculo occupatis, neq; loca ad quietem satis tuta præberi poterant. Ea res initium desciscendi Germanis præbuit. nanque his conflictati incommodis palam querebantur, & ante alios Gaspar autoritate insignis, quod fortibus viris quibus aperto in prælio egregiè mori non liceret, tam scedè paulatim esset pereundum, dum ea, et nihil demum profutura constantia, regiam illam verius quam arcem tueri aduersus vndique victorem exercitum conarentur. Satisfactum abundè esse vel datæ fidei, vel acceptis stipendijs, cum alijs ferè omnibus ad Gallos deficientibus, ipsi vni omnium ad extremum pro regis salute, vel iniqua etiam in pugna mortem oppetere minimè recusarint. Infani profecto esse consilij pro rege a Dijs pariter ac hominibus profligato atque deserto, perire malle, quam victoris clementiam ac liberalitatem experiri, quando & paratas vires haberet ad pertinaciam ipsorum vel vltimo supplicio vindicandam, & facultates eidem superessent in tam optima victoria ad gratiam, si se arcemque maturè dederent, vberioribus præmijs referendam. Omnis enim laboris præsertimque militiæ finem esse diuitias, propter quas, patriam, vxores ac liberos reliquissent: proinde ipsos omnium fore stultissimos, si illas a Ferdinando expectarent, qui reliqua vitæ ac dignitatis suæ præsidia in ipsis tantum remis ac velis posuisset: abijcerent eas spes ac salutem fortunisque; nullo dedecoris metu consularent: ea enim omnia abundè sperari à victoribus, qui ad alia quoque bella immortalium Deorum consilio vocarentur. Dum hos maximè sermones in stationibus ferunt, totisque animis ad Gallum inclinant, Alfonsus Daualus, animaduersa Germanorum consternatione: quod neque eorum ingenia moderari, neque periculo obuiam ire tutò se posse perspiceret, in triremem se intulit, quæ ad arcem proram applicarat. Nec mora Germani ad diripiendam regiam gazam conuolant, oculorum clau-



fra refringunt, qui omnis veterum regum opulentiae atq; apparatus referti e-  
 rant. Tum vero ditati omnes potius quam expleti, cum in tanta nobilis praede  
 copia, quae pretium decies centum milium aureorum nummum excessit, neq;  
 sacci, neque manticae militares asportantibus sufficerent. Quin & tanto faci-  
 nori ipsum quoque perfidiae scelus addiderunt. Actum namq; est cum Carolo  
 per Germanos qui in partibus Gallorum militabant, Busecco interprete, vt  
 tradita arce certis conditionibus Gallicae militiae adscriberentur. Sunt qui as-  
 serant, Ferdinadum prius quam arce excederet, de Gasparis & commilitonum  
 fide dubitasse, obiecisseq; gazae regiae partem Germanis diripiendam, vti eo spa-  
 tio sese e manibus illorum eriperet. Ceterum constat, discedente Daualo, tum 10  
 primum pretiosorem suppellectilem in praedam fuisse conuersam: quam ob-  
 rem non multis inde annis Maxilianus Caesar Gasparem ipsum in Germania  
 eius patrati sceleris conuictum securi percusserit, absoluto Gotifredo, qui mili-  
 tum omnium iudicio, ne tantum facinus admitteretur egregie restitisset. Arce  
 noua in potestate redacta, Galli ad oppugnandam alteram arcem quae ab ouo no-  
 men ducit, omnem tormentorum apparatus conuerterunt. Ea est rupi imposita,  
 quam L. Lucullus quondam a continenti ac Pausilippo monte, vt Euripum im-  
 mitteret, multo seruatorum labore abscidit. contra eam altera est rupes aliquan-  
 to excelsior, quae a continenti in mare porrigitur, in cuius summitate terrenum  
 erat propugnaculum, antiquitus pro specula ab Aragonijs regibus aedifica- 20  
 tum, quod Piccifalconium appellatur. Ex eo loco in subiectam Oui arcem erat  
 despectus modico intercedente maris tractu. Quod vbi a Gallis est animadu-  
 sum, singulari celeritate in summum rupis verticem maiora tormenta contule-  
 runt, tantaque vi oppugnare coeperunt, vt cum a superiore loco pilae conie-  
 rentur, nemo in muro consistere auderet. Quibus adductus difficultatibus A-  
 tonellus Picciolus custos, tametsi Aragonio nomini fidus habebatur, cum ni-  
 hil durius sibi sustinendum arbitraretur, arcem dedit. Vicentina quoque tur-  
 ris, quae in Megari Syrenum insula propere portum in magnam altitudinem ex-  
 structa, nocturnum praebet ignem ad cursum nauigantibus dirigendum, par-  
 uo negotio oppugnantibus Gallis cecidit. Pari etiam Fato Aragonius equita- 30  
 tus qui Nola concesserat, missa eò Ligninij ala sub praefecto Arsio, equis ar-  
 misque turpiter exutus est, reclamantibus Nolanis, qui iam ante elato Gallico  
 vexillo, & deditone per legatos facta, Aragonijs militib. vti deditiis prolixè  
 cauendo, incolumitatem polliciti fuerant. Ceterum omni equitum turba pro-  
 tinus dimissa, Verginius & Petilianus ad Carolum Neapolim perducuntur,  
 custodiaeque traduntur: periniquo equidem iure & summa cum iniuria, vt Ar-  
 gentonus ingenuè perscribit. Eandem ferè fortunam tulerunt reliquae copiae,  
 quae e Pelignis & Praecutinis in Apuliam descenderant. Fuere in his ad tria mi-  
 lia peditum Canthabrorum Italarumq;, et grauis armaturae equites ferè quin-  
 genti, quibus praerant Caesar Aragonius, Liuianus, & Andreas Mattheus A- 40  
 quaiua: tenebantque cursum in Apuliam eo consilio, vt Brundisij, Hydrun-  
 te, aut Tarenti consisterent, sollicitatisq; inde Venetis ac Siciliensibus Hispa-  
 nis, accitisq; e Macedonia Turcarum auxilijs, nouas inirent amicitias, et ad re-  
 nouandum bellum maiora praesidia compararent. Sed Fabritius & caeteri eius  
 validi agminis duces, nunquam abeuntium vestigijs abscedendo persequen-  
 doque cum expeditis equitibus, eos vni tantum saluti consulere coegerunt.  
 Quamobre e copiae cum infesta vbiq; itinera, & infessos ab infensis populis am-  
 nes re-



nes reperirent, breui dissipatę fugatęq; sunt, sic vt nulla certa eorū manus, quę  
 alicubi consistere auderet, aut renouare bellum posset, esse nunciaretur, præter  
 eam quę Cęsarem secuta, in Brundusinam arcē se receperat, ea enim arx vna o-  
 mnium totius regni postea in Aragoniorū fide permansit. Vt verò in mariti-  
 mis Calabrorū Salentinorumq; vrbibus Gallica arma conspecta sunt, tātus re-  
 pentē Turcis omnib. qui circa Epiri & Macedonię oram in presidijis erant, ter-  
 ror illatus, vt plures oppida desererent, & Gręci in spem recuperandę liberta-  
 tis erigerentur, actum apertę arma, equos, com meatusq; expedirent, deq; reci-  
 piendis Gallis, & Turcis vno edicto trucidandis consilia inirent. & ante alios  
 10 montani Epirotę, qui Chimęram in Acroceraunijs incolunt, quod ante dum-  
 rupib. consiliis suis libertatem obstinatę tuerentur, a Mahomete & Baiazete nō  
 vnā cladem accepissent. Factumq; est demum ad eam Gallorum famā, vt to-  
 ta Ætolia et Pelopōneso Gręci omnes intempestiuo libertatis desiderio, dum  
 frustra Gallos expectant, in concilijs et concionib. a Baiazete descuerint. Qui-  
 bus cognitis rebus Bizantię extēplo clasis refecta deductaq; est, remiges mari-  
 timis Asię Europeq; gentibus imperati, & copię omnes, quę in Danubijs ripis,  
 et mediterraneis Illyrici Mesiaq; hybernabant, ad tuendā Epiri et Macedonię  
 oram traductę. Interea Carolus tātis rebus summa celeritate sine suorū vulne-  
 re confectis, intentus conuiuijs equestribusq; spectaculis Neapolī, ornatissimę  
 20 eius verbis delitijs fruebatur. Nō deerāt enim totius regni procures, ipsas quon-  
 dā Andegauensiu secuti partes, qui nouo regi eiusq; ducibus nullo benignę ho-  
 spitalitatis vel adulationis officio prætermisso victoriā effusę gratulabantur. I-  
 pși quoq; Galli atq; Germani in summa rerū omnium copiosę vrbis affluētia,  
 vini præsertim nobilitate allekti, magnam partē militaris ferocię exuerāt, mul-  
 torumq; molliuerant animos corporaq; illustres scēmīng, luxu, comitate, eru-  
 ditisq; munditijs, cum certatim gentis more, etiam ludicra hastatorum certa-  
 mina spectandi studio frequētarent. Ea q; tum erat verni cęli clemētia et pera-  
 mcena temperies, vt non modō rex iuuenis & procures, qui reputādo, quam-  
 facile victores euassissent, ob idq; Italię opes ludibrio habendo in ealicientia so-  
 30 lutiori vitę indulgerent, verū et ipsa quoq; agrestis militum turba regionū hor-  
 rorum, & beatilitoris amœnitate caperetur. Iamq; & rex ipse et duces spetio-  
 forum paulō antē consiliorū obliti, omnes penitus transmarini belli cogitatio-  
 nes ita abiecerant, vt manifestę appareret, Gallos idcirco eius suscipiendę expe-  
 ditionis famam præbuisse, vt maioribus viribus niterētur, si cōsilijs suis causam  
 religionis adiungerēt. et hercle nō inanis fama ferebatur, nihil aliud eos vel ab  
 initio, quā de subigēda Italia atq; Sicilia cogitasse. Quas ob res, veluti in sum-  
 mo omnium discrimine metu consternati Europe principes, sollicitis animis  
 reputare ceperunt, quoniam Gallorū consilia armaq; iam ab secundo vbiq; re-  
 rum successu socijs pariter atq; hostibus formidāda verterētur: quando nihil vī  
 40 quam in Italia virium esset, quibus publicam salutē tueri possent, si rex exter-  
 nus iuuenili cupiditate, aut ducum suorum impulsu, totius Italię regnum, &  
 Romani imperij sedem, ac titulos affectaret. Ante alios pontifex Alexander  
 inermis & trepidus Caroli victoriā plurimum angebatur: quippe qui post Cę-  
 saris filij fugam iam planē descuerat: neq; postea vti Alfonso Ferdinandoque  
 Aragonijs nuper dedisset, tum victori Carolo idenixē postulāti Neapolitanū  
 regnum pontificia authoritate adiudicare voluerat. Ludouicus quoq; Sfortia  
 suis demum omnib. deceptus consilijs serō sapere, & ea quę impenderent mala



ægro animo providere cœperat, cum Gallorum copias robore, fide, discipli-  
 naque firmissimas, vera tum primum æstimatione metiretur, & præsentis ma-  
 xime regis nomen, vimque eius cum summa felicitate coniunctam, in tanta I-  
 talicarum opum imbecillitate magnoperè formidaret, quando imparatis om-  
 nibus necessaria sumenda arma viderentur, atque etiam planè cerneret Gallū,  
 modò latè imperaret, nemini datam fidem servaturum. quoniam Tarentum  
 urbem, vti se dono daturum Sfortianæ genti ab initio icti fœderis promiserat,  
 post adeptam victoriam concedere recusasset. Eadem etiam cura Venetos sol-  
 licitabat, qui se eius belli spectatores fore polliciti, vtriusque regis vires in di-  
 spari gerendi belli ratione fermè æquales fore crediderant, bellumq; propter- 10  
 ea diuturnum parari, quòd non vna, nisi admodum memorabili pugna, præ-  
 fertim propinqua iam hyeme, posset definiri: in animumque subinde induxe-  
 rant, se tum in tempore, et magna quidem cum mercede bellum moturos, cum  
 Aragonijs rebus multiplici incommodo affectis atque contusis, Gallorum ar-  
 ma suum impetum quo maximè valerent amisissent. quòd necesse erat accide-  
 re, si Galli cunctatione hostium atque hyemis difficultatibus impediti in op-  
 pugnationibus singularum urbium senescendo, Calabris & Brutijs hæerent.  
 Maximilianus quoque Cæsar publico priuatoque odio Gallis infensus, non  
 modò gloriæ & magnitudini florentis victorisq; iuuenis inuidebat, verume-  
 tiam magnopere verebatur, ne augustum Romani Cæsaris nomen, quòd sibi 20  
 Gallus multorum assentatione deberi existimabat, & fama partæ victoriæ, &  
 præsentis exercitus viribus vsurparet. His etiam Gallorum secundis successib.  
 Ferdinandus Hispanus, vti erat ab multo rerum usu innataq; prudentia in om-  
 ni consilio exactè circumspectus & cautus, vehementer permouebatur, cum  
 in ea admirabili insignis victoriæ celeritate, Siciliam suæ dictionis & nudatā  
 præsidio, impotenti atque auidæ noui imperij Gallicæ gentis audaciæ exposi-  
 tam videret. Igitur, quos modò nominaui Europæ principes, vnīs exceptis Flo-  
 rentinis (Ii enim Pisas per Carolum se breui recepturos putabant) solenne fœ-  
 dus circiter Kalendas Aprilis inter se percusserunt, his legibus, vt vno consen-  
 su communique impensa, tantas copias terra marique pararent, quantas pro 30  
 tuenda salute publica fatis esse arbitrarentur. Quòd si quispiam ex socijs alicui  
 bellum inferendum putaret, id ille suis viribus & priuatis auspicijs gereret, &  
 Carolo regi suus locus expressa conditione relinqueretur, modò æquissimi  
 fœderis beneficio vti vellet. Per eos dies Ferdinandus ex Hispania Triuen-  
 tium regulum cum valida classe, seu adhuc mari in Siciliam transire iussit.  
 In ea fuere circiter quinque milia peditum, & delecti equites sexcenti, quibus  
 præerat Consalius Ferdinandus, vir Bæthico bello clarus, qui postea Magni  
 Ducis cognomen, & sua virtute, et militum secundo fauore promeruit. Vene-  
 ti supra quadraginta rostratas naues exornarunt, præfecto eis Antonio Grima-  
 no viro lectissimo, magnamque vim leuis armaturæ equitum, quibus terre- 40  
 stris exercitus suppleretur, ex Epiro, Macedonia & Peloponneso mercede cō-  
 duxerunt. Eodem quoq; tempore Ludouici Sfortiæ pecunia cohortes in Sue-  
 uia scribebantur, & Maximilianus literis significabat se in Italiam, cum factò  
 opus foret, extemplo transiturum esse, adducturumque inuictam Germanorū  
 manum, cuius virtute paucis antè annis Gallorum legiones Morinis in cam-  
 pis latè prostrauisset. Baiazetes quoque qui iam certius de fratris morte cogno-  
 uerat, cadauerque illius per legatos ex Italia Prusiam Bithyniæ, vbi Othoman-  
 norum



norum gentis sepulchra cernuntur referendum curauerat, non modò omnē bel-  
 li apparatus intermisit, sed & magna terra mariq; auxilia aduersus Gallos Ve-  
 netis obtulit, cum iam in ea noui fœderis fama & Gallorū solutus metu, & re-  
 liquo etiam timore, quem ex inimici fratris virtute conceperat, omnino libe-  
 ratus esse videretur. At Carolus improuisa principū conspiratione percussus,  
 vehementer de parata iam victoria dubitare, queri se proditū iri, fremereq; ira  
 tñ potius quàm dolore agitari, & plurimū militum suorum virtute confidere.  
 Nam etsi illi nondum ex professo hostes magnā causæ æquitatē, lenitatemque  
 nouo fœderi, quod pro tuenda tantū salute ac libertate percussissent, pretextu  
 10 se viderentur, ea tñ omnia contra se parari manifestè prouidebat. Quamobrē  
 optimum factu ratus, si pontificem imparatū, nec adhuc ostilia molientem, su-  
 bito aduentu à cœptis consilijs deterreret, Romā contendere, atq; inde in Gal-  
 liam Cisalpinā penetrare constituit. Itaque ex omnibus copijs, quicquid floris  
 ac roboris erat, sibi deligit. Fuere expediti equites vtriusq; armaturæ quater-  
 mille, præter laterones ac pueros armigeros quos secum trahunt, Heluetiorū  
 verò ac Germanorum, itemq; Vasconum peditū circiter octo milia: præterea  
 tormentorum iustus numerus, eorū præsertim quæ expeditis curribus veheren-  
 tur. Reliquas verò copias per opportuna totius regni loca dispersit, ut  
 vnaqueq; regio certis suis præsidijs ac ducibus firmaretur. Caietę & totius Cā-  
 20 pania tuendæ cura Belcario demandata est. Hunc vrbe Nola donauerat æra-  
 rioq; præfecerat. Bailius autem Vitrius, & Gratianus Guerra ad Aquilam ac  
 que Sulmonem, Marsi et Pelignis impositi. Persius cum fratre Alegria Luca-  
 niam tueri iussus. Asbarre regulo, Salentini. Obignino autem Brutij obuene-  
 runt. Hunc magistrum equitum crearat, qui honos militiæ summus existima-  
 tur. Iulianus Porro Lotharingus in custodia Gargani montis cōstitit. Manfre-  
 donia autem Gabriel Monfalconius, & Tarenti Georgius Suillius præfectu-  
 ras iniere. Neapoli verò, omnibusq; pariter copijs Gilbertus Mompenserius  
 cum imperio præfectus est, ad quem rerum omnium cum vrbana tum bel-  
 lica summa respiceret. His rebus maturè constitutis, Latina via Romā pro-  
 30 fectus est, præmisso Andrea Lugdunēsi Antistite, qui pontificē hortaretur, ne  
 ipsius regis aduentu terreretur, aut quicq; hostile ab eo, qui & pietate filius, &  
 pontificij nominis cultor egregius esset, sibi timendum putaret. Regem enim  
 adeo æqui iudicij pacatq; animi esse, ut cum ad colloquiū veniret, in pristinā  
 cum ipso gratiam, nec exclusis cæteris principibus, qui sine causa de eius fide ac  
 moderatione dubitassent, continuo esset rediturus. Cæterum pontifex planè  
 metu obrutus, cum neq; sibi inermi cum armato rege de pace, ac fœdere disce-  
 ptandum existimaret, neq; se colloquendo quicquam, quod ad rerum quietē  
 pertineret, profecturum arbitraretur, et vehementer dubitaret, ne fides sua so-  
 cijs ex contagione colloquij suspecta redderetur, ex vrbe Orbitum profugit,  
 40 moxque Perusiam, ut inde per Vmbros ad mare, ac demum, si Gallus insequeretur,  
 Venetias protinus enauigaret. Sequebantur abeuntem plerique cardina-  
 les, turbaque ingens eius generis hominum, qui honoris & quæstus gratia  
 pontificiæ aulae operam impendunt. His præsidio erant, præter ipsos prætoria-  
 nos, aliquot equitum alæ, quas Veneti & Ludouicus opportunè transmiserant.  
 Carolus sua spe deceptus, pacato agmine vrbē Calendis Iunijs intrauit,  
 & Transyberina in regione castrametatus est. Sed triduo post tribus di-  
 uersis agminibus ab Vrbe discessum, totusque is tractus, qui Cassiam viam



& Aureliam interiacet, transeuntium iniuriæ expositus, pabuli & commeatus omnis generis detrimenta sensit. Sed Tuscanellensium calamitas insignis fuit. Cum enim rixa fortè exorta, Gallus lapide ictus cecidisset, commilitones irati non ipsum quidem percussorem, sed oppidanos omnes adorti, duce Bastardo Borbonio magnam eorum partem crudelissimè trucidarunt, atque oppidum diripuerunt. Il quoque populi qui utriusque viæ imminet, totusque Senensis ager Pisas vsq; varia incommoda passim accepere. Porro Carolus cum Senas venisset, ita perturbatum ciuitatis statum inuenit, ut ciues in quatuor diuisi factiones, infano liuore mutuò inducti, à rege præfectum peterent, qui Gallico fretus præsidio inter ordines factionum æquo iure libertatis nomen tueretur. <sup>10</sup>

Ambiebat ad id Ligninius propinquus regis, ita ut cohortem Gallorum facile impetraret, quæ duce Gualterio Tinctauilla vrbi præesset. Sed festinante in Galliam rege, non multò post depulsis foro atque vrbe Gallis, ciuitas ad veterem Pandulfi Petrucij dominatum redijt. Pisani eo tempore cum Florentinis bello cõtendebant, cum libertatem quam Gallorum beneficio recuperasse videbantur, acerrimè tuerentur. Florentini etenim post exactos Mediceos, Caroliq; discessum in vnam eam intenti curam, ut Pisas reciperent, magnum numerum equitum & peditum ex veteribus copijs conduxerant, eisque Herculem Bentiuolum, Franciscum Siccum, & Ranuccium Martianum militiæ claros, & fide maximè insignes præfecerant: quorum virtute complura castella, <sup>20</sup>

quæ audito libertatis nomine ad Pisanos defecerant, breui recepta sunt, & in primis Bientina: ea paludi adiacet: & Pontis Ecræ oppidum, quæ tenui Pisanorum præsidio tenebantur. Nec multò post ductis ad Calcinariam copijs, nocti diem densa caligine nubilum, ita ut omnis è speculis prospectus Pisanis eriperetur, tribus ex improviso prelijs ad murum factis, occisoque Ioanne Saluio præfecto, oppidum expugnant & incenderant. Calcinaria autem capta, Legolum, Palaia, Montefusculum, & Pontefaccum, aliquotque alia ignobiliora oppida ad antiquam Florentinorum fidem redierant. Ex aduerso autem Pisani per eos dies subsidio venit Lucius Maluetius vir fortis, & maximè pugna: adduxitque grauis & leuis armaturæ delectos equites & pedites veteranos spe <sup>30</sup>

ctatæ virtutis ferè trecentos. Ab Genua quoque submittente Ioanne Adurnio magna vis minorum tormentorum, balistarum, armorum, telorumque omnium mari Pisas delata. Nam haud obscure Pisani cum pecunia tum armis ac milite à Ludouico Sfortia iuuabantur, qui multis de causis, uti postea dicemus Pisanos incolumes liberosque præstare, porro Florentinos, quod Gallis fauerent longo bello implicitos distineri, atque atteri magnoperè cupiebat. His freti auxilijs Pisani, hostium duces, qui magno apparatu Butium oppugnabant, muriq; partem maioribus tormentis deiecerant, cum detrimento inde discedere, ac incensis exterioribus edificijs Bientinam se recipere coegerant. Sed nec multis inde diebus par incommodum ipsi Lucio à Florentinis ducibus repen <sup>40</sup>

sum, cum è Cascina promotis castris, Liberafactam oppidum in Lucensium finibus, quod à paucis Pisanis haud acriter obsidebatur, oppugnatum cum iusto apparatu contendisset. Magno nanq; itineris flexu, Florentinorum copiarum Liberafactam ductæ quarum aduentu præsidarijs & Barigo præsertim Bargæ, qui fortiter septem dies longè accerrimam oppugnationem sustinuerat, animi adaucti: contra verò Pisanis adeò imminuti, ut Lucius appropinquantium multitudine perterritus, defosso statim maiore tormēto, ne eo hostis potiretur



tiretur Pisas profugerit. Postero die Florentini equites eo successu elati, excur-  
rendo populandoque per vallem Sercij amnis, qui olim Auxeris fuit, ingen-  
tem pecoris atque hominum prædam egerunt, euectique vsque ad calidas a-  
quas, quæ Mammosæ dicuntur, adeo magnum suburbanis vicis terrorem in-  
tulerunt, vt Pisanus populus (sicut in summo accidit periculo) sonitu campani  
æris è sacra turre ad arma sit vocatus, & Lucio militares copias educente con-  
festim eruperit. Commissumq; est atrox prælium in angustijs Capellesij pon-  
tis apud Fractam emissarium, quod ex Auxeria amne ad conuehendam materiã  
Laurentius Medices laborioso perutiliq; opere Pisas vsque perduxerat. Pu-  
gnatum est ab initio magna vi, sed Florentini improvisi hostis impetum non  
tulerunt, versiq; cum cede in fugam trepidanti agmine Liberafactam se recepe-  
runt. In ea obtinendi pontis contentione, Herculi fortiter pugnantem equus suf-  
fusus est. Siccus ipse a pluribus simul circumuentus, multisq; clauarum icti-  
bus contusus, ægré se è manibus hostium eripuit. Reuersus Bononiensis centu-  
rio insignis captus, et cum eo cataphracti vigintisex, magnusq; numerus aliorum  
equitum ac peditum capti vel exuti armis fuere. Lucius ouanti similis in urbem  
reuersus, vt hostibus perterritis aliam quoq; cladem pararet, Bernardinũ Clo-  
stram & Animagram Ligurem viros apprimè pugnaces, qui Vicopisano in  
oppido erant, de successu eius diei certiores facit, monetq; vt quas habeant co-  
pias equitum ac peditum intempesta nocte educant, & ad occupandum Ser-  
cij pontem apud sanctũ Giuliciũ, quæ hostes sint transitori progrediatur: se  
Lucensi via ad intercludendos eos expeditas educturum copias, futurumque  
esse, si maturarent, vt ea celeritate reliquæ hostium copię delerentur. Clostra  
& Anima nigra imperata faciunt: & quanquam aliquanto tardius quàm puta-  
rant per tenebras iter confecissent, satis tamen in tempore transeuntibus iam  
hostibus superuenerunt, quos inopinantes & maiore q̃ esset copiarum specie de-  
ceptos, emissis scloppis atque balistis, ingentiq; simul, vt in victoria solet, cla-  
more sublato perturbarunt. Equites tamen agrestium beneficio vadis in am-  
ne repertis euasere, pedites magna ex parte cæsi captique sunt. Hercules ve-  
ro citato agmine reliquias bis fusi exercitus, priusquam Lucius Lucam præter-  
ueheretur, Montecarlum reduxit. Atque inde Arno amne ad Montecucu-  
lum superato, in vetera castra ad Eræpontem reuersus est. Victores verò spo-  
lijs onusti dum redirent, apud Liberafactam, tormentum, quod paulo ante de  
foderant repertum atque erutum in urbem reduxerunt. & Lucius biduo post  
Cascinam, vt ex propinquo in omnes hostium motus intectus bellum gereret,  
copias suas adduxit. Fiebatq; propinquitate hostium, vt è quotidianis prælio-  
lis occasio præberetur, quum vtriusque partis castella agrumq; omnem repen-  
tinis excursionibus permutua detrimenta deuastarent. Per eos dies, dum Lu-  
cius Cascinæ mœnibus teneretur, Florentini duces Ranuccium Martianum  
cum valida parte exercitus Rassignanum misere, quod est oppidum supra Li-  
burnum, Volaterranis vadis propinquum, ratise aut Lucium interclusu-  
ros, si ad ferendam obsessis opem Cascina sibi egrediendum atque eo conten-  
dendum arbitraretur, aut si oppidi præsidijq; salutem omnino negligeret, op-  
pidum nullo negotio in potestatem esse redacturos. Sed Lucius de eorum con-  
silio coniectura iudicans, aliquanto minorem eius oppidi quàm exercitus ia-  
cturam fore existimauit, Cascinaque se continuit, atq; ita Rassignanum quas-  
sato iam multis tormentorum ictibus muro, dedenteque se præsidij præfecto,



receptum est. Sub id ferme tempus legati Pisanorum, qui Neapolí ciuitatis suæ salutem libertatemque Carolo obnixè commendauerant, ipso concedente, sexcētos pedites Gallos oneraria naui Pisas adduxerunt: quorum aduentus, sicuti Pisanis fuit gratissimus, ita Florentinorum animos vehementissimè pupugit, quum se decipi Gallica fide manifestè perspicerent. Meminerant enim se Gallorum amicitiam in spem recuperandæ eius vrbis, nō modò cæterorum omnium Europæ principum societati ac foederi prætulisse, verum etiam, quod pudendum omnino videri poterat, multa pecunia coemisse, à quibus tamen neque arcem toties promissam recepissent: & contra Pisani hostes, grauis contumeliæ ac iniuriæ nomine Gallicis auxilijs iuuarentur. Tribus nanque antea<sup>10</sup> mensibus à Brissonetto, qui tum Maclouienſis cardinalis vocabatur, Neapolí magnis pecuniæ pollicitationibus impetrarant, vt idoneos homines mitteret, per quos Pisani docerentur, eam denum esse Caroli voluntatē, vt in ditio- nem Florentinorum redirent, omniumque iniuriarum impunitatem, & lene moderatumque imperium in posterum à veteribus dominis expectarent, sequestro & sponſore præsertim rege, cuius dignitatis esset præstare quæ promitteret, & vires haberet ad vindicandam iniuriam, si Florentini à pactione fide lubrica discessissent. Sed Galli acceptis Florentiæ muneribus, quū Pisas venissent, & ad ferocem populum frustra concionarentur, ludibrio habiti fuerant. Itaque Pisani Gallicis confirmati auxilijs, summo omnium studio alacritatē<sup>20</sup> que: Ferreto maximè Gallorum duce, vt erat vir impiger, nauare operam cupiente, ad oppugnandam Liberactam proficiscuntur: Clostra & Animani-gra duces fuere, pluribusque simul prolatis tormentis oppidum singulari militum ardore oppugnari cœptum. Defendebat se de muro turreque Barigus Barga longè fortissimè: verum ea turris quæ multis incommodis subeuntes atque oppugnantem afficiebat, non multis inde horis terribili violentia ingentis tormenti, quod à Pisanis Bubalus appellabatur, proscissa labefactaque est. ea magnam muri partem cadendo secum traxit, præbuitque terrorem defensoribus, qui mox sese dedendo, Pisanis victoribus arcem atque oppidum reliquerunt. Neque Hercules qui ad Eræpontem castra habebat, subsidio laborantib.<sup>30</sup> adcurrendum esse iudicauit: quoniam magnopere timebat, ne Lucius eductis Cascina copijs, & capto ad Vicopisanum itinere, à tergo protinus insequeretur. atque ita pari arte vtrisque bellum gerentibus, sicuti paulò antè Rassignanum receptum fuit, Liberacta simili quoque astu & celeritate hostium amissa est. Post id factum sanctæ Luciæ vicus, Larium, & amissum paulo antè Lecolum, Palaiaque & minora aliquot castella, quæ ad colles vergunt, à Pisanis in potestatem redacta sunt. Per eos quoque dies Lucius circiter ducentos vtriusque armaturæ equites, et cohortem vnam hostium ad Fornacellas vltra Cascinæ amnem, qui Fossa dicitur, ex improviso adortus prosperè confligit, versisque in fugam hostibus, adeò acriter cædendo capiendoque illis institit, vt vsque<sup>40</sup> ad Eræpontem sit prouectus: tantaque fuit patienti porta ingredientium trepidatio, vt nisi paucitati suorum militum Lucius diffusus substitisset, oppidum ipsum, in quo duces cæteræque copiae, & complura tormenta erant, simul cum hostibus irrumpendo facile capi potuisse videretur: magnamque eo die Lucius apud Pisanos egregie virtutis laudem promeruit, quod eo prælio & periti ducis, & strenui militis officium impleuisset. Biduo post Lucius fortuna vtendum ratus, quæ quum benigna semel arriserit, audentes secundo passu subsequitur,



quitur, nocte intempesta copias Cascina eduxit, profectusque Pontefaccum, prius penè quàm ab hoste sentiretur, ad motis scalis in oppidum transcendit. Quo tumultu Ludouicus Martianus Ranucij frater equitum præfectus, & Ioannes cognomento Vetula, clari nominis centurio, & cum his centum equites pluresque pedites capiuntur, oppidumque diripitur. Erat specula editissimo in monte in arcis modum ædificata, quæ Verrucula vocabatur, ex ea despectus erat in omnes campos: Pisanique intenti assidue speculando, omnes motus egressusque hostium ex oppidis notabant, et quam in partem verterentur, linteis vexillis & fumo, interdumque ignibus & tormentorum sclopiis significabant: magnasque ea res Florentinis gerendi belli difficultates sæpius attulerat. Propterea & in castris à ducibus, & Florentiæ in senatu decretum est, ut omnino quibus maxime artibus opus foret, Verrucula hostibus eriperetur. Itaque ad terrendum cohibendumque Lucium, ne Verruculanis custodibus auxilio proficisceretur, Franciscus Siccus ad Buttum validam equitum ac peditum manum adduxit, ipse Hercules ad Eræpontem permanfit: Montanus verò & Christophorus Epirota, viri fortes, cum peditatu montem subire iussi. At Lucius qui de consilio profectioeque hostium cognouerat, milites cohortatur, ut æquo animo vnius noctis laborem ferant: quid fieri velit, monet, & flumen Arnum de secunda vigilia vado transgreditur, in albescenteque cælo Buttum ad hostem peruenit tarditatem sæpe militum castigans verbis, & seipsum incusans, quod noctis breuitate deceptus, manifesta iam in luce rei bene gerendæ occasionem amisisse videretur. Sed ut in bellicis rebus accidit, in quibus fortunam omni prudentia maiorem sæpe experimur, secus ac ipse putauerat, sibi secunda omnia, hosti verò maxime aduersa contigerunt. Siccus enim cum paulo antè per speculatores Lucium suos arma capere, paratosque esse ad profectioem iussisse cognouisset, instratis frenatisque equis totam noctem insomnem duxerat, ne ab inquieto acerrimoque hoste imparatus opprimeretur. Oriente autem iam Sole, nihil de insidijs amplius dubitando, milites corpora simul & equos curare permiserat, sic ut tum primum Lucij antecursores apparere inciperent, quum Sicciani semisomnes, discincti inermesque ad primum vigilum clamorem turbati oppressique sint. Burla equitum præfectus vir strenuus, dum inuadentium impetum pro statione impigre sustinet, obtruncatur. Ceteri Siccico ægrè euadente, paucis interfectis capiuntur, magnusque equorum numerus pediti ex præda celsit: sic ut omnes ferme dum læti ac ludibundi redirent, equites facti viderentur, quod thoraces & galeas relictas ab hostibus induissent. Eius rei gestæ nuncijs territi Montanus & Epirota, ne quicquam tentatis confragosis Verruculæ callibus ad Herculem in castra rediere. Sed dum Florentini duces acceptas clades nouis consilijs ultum ire properarent, prima Gallorum agmina quæ turrin S. Romani exitinere expugnant, oppidumque Montopolim diripuerant, aduentare cœperunt. Quorum aduentus, Florentinos, quoniam suas copias transeuntibus Gallis misceri multis de causis nolebant, Eræponte & cæteris quæ obtinebant Castellis, decedere coegit: præbuitque miseris oppidanis materiam iterum rebellandi, quum Pisani relictæ ab hostibus loca circumductis passim copijs occupare niterentur. Porro Carolus magna omnium alacritate à Pisanis susceptus est: ac veluti author eorum libertatis ab omnibus ordinibus salutatus. Cæterum, ut erat incertus consilij, quum orantes proiectique ad pedes, ut ciuitatem liberam & incolumem vellet, suppliciter postu-



larent, ambiguo quodam responso spes eorum nec impleuit, nec elusit, quod se & promissis omnino statutum, nec se vllis Florentinorum precibus discessurū ab æquitate polliceretur. Sed adeo mirifica erant omnium ducum Gallorūque militum studia erga Pisanos, vt quanquam ingrata auribus verba retulerant, neque tristes essent, neque vllis ambiguae regiae voluntatis indicijs frangerentur. Dum Pisis Carolus moratur, multorum literis fit certior, Ludouicū Aurelianum, quē apud Astam ad incerta belli cum valida copiarū parte reliquerat, Nouariam occupasse, nouoque eo rerum motu in summum amittendi imperij discrimen Ludouicum Sfortiam coniecisse. Quo nuncio incredibili læticia affectus est, quod non modò euadendi, verum & occupandę Gallię Cī 10 salpinæ occasionē sibi dari a Dijs immortalibus arbitraretur. Scripserat enim multum antea audito noui fœderis nomine ad Aurelianum, vt circa Astam quātas maximē copias posset, celeriter pararet, quæ sibi per hostiles agros, contraque oppositas acies erupturo opem ferrent. Iamque tres alæ Gallorum equitum, & aliquot Heluetiorum cohortes duce Henrico, cui à lauto conuictu Germanicē Agnauelebano cognomē fuit, ab Alpibus descenderant. Sed Aurelianus per se strenuus, auidus imperij, nouisque præsertim copijs fretus, vltro sibi moliendum bellum, & fortiter audendū existimauit, ne Fortunę ad magna atque felicia aditum præbenti, deesse videretur. Cum Opicino enim Catia, Manfredoque Torniello, qui Nouarię potentes clarique erant, occultē transegit, vt 20 urbem sibi traderent, eaque sibi ipsi patrato negotio, quæ vellent præmia decernerent: se enim eius beneficij memoriam nunquam esse depositurum. Siquidem Opicinum atq; Manfredum ante alios eius ciuitatis, à Ludouico Sfortia iniurijs detrimentisque indignē affectos fuisse didicerat: rebaturq; eos, qui iam animo defecissent, oblatę occasioni minimē defuturos. Innocentium namque Catiam Opicini propinquum, Ludouicus Sfortia aliquot ante annis fato functum, obiectis quibusdam criminibus, è sepulchro in ius vocari damnariq; iusserat, vt bona illius veluti cōiuncta iudicio per leges fisco addicerentur. quod sicuti inauditum & execrabile visum est, ita illi singularem inuidiam concitauit. Dum verò in Nouariensi latifundium ad eximiam fertilitatem magno stu- 30 dio conderet, quod de nomine suę gentis Sfortiadam appellauit, vicina prædia impotenter ab inuitis dominis coemendo, ipsis Sfortiadæ finibus incluse- rat, corruatisque priuatorum ciuium aquis, vt sua plenius irrigaret, alienos agros solito humore destitutos, penitus infelices reddiderat. Quæ duæ res grauib; incommodis complurium, & præsertim Torniellorum possessiones affixerant. Igitur quum illi qui acceptæ iniuriæ vindictam coquunt, facile ad omne perfidiæ vel audaciæ facinus impellantur, data fide, susceptoque negotio, & die constituta, quæ diui Barnabæ erat solennis, Aurelianum cum expedito equitatu è Vercellis conuolantem vrbe receperunt. Venit etiam cum eo Ludouicus Salassorum regulus, qui eius consilij particeps factus montanorum ma- 40 num occultē coegerat, atque ita introductis armatorum circiter octo milibus Nouaria Gallorum ditioni cessit. At Ludouicus eius nunciij atrocitate perculsus, extemplo ad Hieronymi Leonis legati Veneti domum ab arce cum paucis familiarium descendit, orauitq; demissè admodum ac trepidè, vt imperium, fortunas, salutemq; suam senatui vehemētissimè cōmendaret, quando in ea fortune iniquitate neq; opē aliunde implorare, neq; præsentia subsidia afflictis reb. expectare posset. In cuius rei celeritate non modò Gallię Cīsalpinæ, sed totius

Italiæ



Italiae salutem ac dignitatem esse positam, quando cuncta vel inopinato casu,  
 vel communi omnium imprudentia, summi discriminis aleam subissent. So-  
 los esse Venetos, qui sicuti consilio atque opibus ceteros anteirent, ita ad iu-  
 uandum opportuna atque expedita remedia haberent, si non modo socijs in  
 praesens, sed & rebus suis in posterum, absque vlla cunctatione prouidendum  
 esse arbitrantur. Ferunt Ludouicum dum peroraret, & capta legati dextra se  
 perpetuo Venetorum clientem futurum iuraret, nobilissima Smaragdo illius  
 digitum induisse, ut ardentius atque propensius pro salute sua senatui perscri-  
 beret, deque eius rei casu, & periculi magnitudine plenissime doceretur. Tri-  
 duo post Nouariae arcem a Galeacio Ludouici fratre magno sumptu aedifica-  
 tam, Gallis dedit Ioannes Calchus vir imbellis & timidus, qui beneficio po-  
 tius quam virtute eam a Ludouico quaestus gratia custodiendam acceperat.  
 Tum vero Veneri, qui neque socijs, neque sibi deesse, vel aequum vel tutum  
 ducebant, referente Barbadico principe de bello pro communi salute aduersus  
 Gallos gerendo mature decernunt. Melchiorem Triuisanum & Lucam Pifa-  
 num eximia virtutis optimates, ad exercitum legatos creant. Franciscum vero  
 Gonzagam Mantuae principem aetate florentem, belli decorisque auidum o-  
 mnibus copijs perficiunt, minoresque duces & copias ad constitutam diem in-  
 ripis Olli amnis adesse iubent: mittiturque ad Ludouicum Bernardus Conta-  
 reus cum sexcentis Graecis equitibus, qui Galeacium Sanseuerinum Ludoui-  
 ci ducem adsequeretur. Is enim in Nouariensem agrum profectus, supra septin-  
 gentos cataphractos sagittariorumque equitum plures turmas, & aliquot su-  
 bitarias cohortes coegerat: quibus Galli interim ab excursionibus, inuaden-  
 disque alijs castellis terrentur, dum Germanorum pedestres copiae aduenta-  
 rent: quae superato Adula monte per Voltuernam vallem, & Larium lacum,  
 omni adhibita celeritate mittebantur. Interea Carolus prouiso comiteatu, &  
 iumentis sex dierum quiete recreatis Pisis profectus, Lucam contendit, liberta-  
 te de qua adeo cupide anxieque agebatur, Pisanis nec concessa, nec erepta, quoniam  
 infamiae, & maioris etiam periculi metu, neque fidem Florentinis fallendam ar-  
 bitraretur, quibus accepta pecunia foedere paulo ante se coniunxisset: neque Pi-  
 sanos, quos ipse in libertatem vindicasse videri volebat, Florentinis veluti ira-  
 tis tyrannis excrucianos tradere, vel aequum, vel regium putaret. Erant apud  
 Carolum Iulianus Paulusque Fregosius cardinales, & Hibletus Fliscus, qui uti  
 exules solent, dubijs asperisque etiam in rebus, cuncta facilia atque expedita ad vi-  
 ctoriam pollicebantur, si in Liguriam cum mediocribus copijs mitterentur.  
 Differebant enim praesto sibi ad futuros montanos homines Fregosiae factio-  
 nis, per quos omnem inferioris Liguriae oram in potestatem essent redacturi.  
 Promotisque inde ad Genuam castris facile fore, ut forti opera amicae factionis,  
 cui cuncta ordine communicassent, Adurni vrbe atque imperio pellerentur,  
 priusquam a Ludouico Sfortia, qui adeo opportunè graui bello domi esset im-  
 plicitus, auxilia submitti possent. Philippus quoque Bresius Allobrogum prin-  
 cipis frater, qui apud Carolum gratia atque auctoritate plurimum valebat, ut  
 qui maxime eorum consilium probaret, sese iturum, ac ducem eo bello futurum  
 profitebatur. Itaque re ad consilium delata, comprobataque, Bresio duae equitum  
 alae, Gallorumque peditum cohortes quatuor, et tormenta septem attribuuntur,  
 Cum eo etiam Vgo Ambosius vir nobilis militique peritus una proficiscitur:  
 ad Miolanum quoque Gallicae classis praefectum cum literis regijs plures simul



nunciij mittuntur, qui moneant ut ab ora quam legeret, discedere nolit, terrestrium copiarum ducibus pareat: paratusque ac intentus remigio & velis, quod opus esse videatur, protinus enauiget. Camillo item & Paulo, Vitellochioque Vitellijs fratribus, qui iam cum cataphractis ducentis, & totidem levis armaturæ equitibus sese accepto stipendio Gallis addixerant, imperatum, ut in Liguriam proficisci maturarent, & Bressium quanta maximè possent celeritate consequerentur. Ipsi cardinales passim ex Lucensium castellis, Apuanisque Liguribus pedites cogunt, & per Apennini valles notis tramitibus in Liguriam proficiscuntur. Carolus interea his rebus explicitis ad Apenninum magnis itineribus se extendebat, ut eo celeriter superato, ad Aurelianum prius penetraret, quàm hostium copiarum, quas undique cogi, Padumque traduci audiebat, ad Apennini angustias ducerentur. Vix prima Gallorum agmina subire cœperant, quum Pontremolenses, haud ignari quid sibi ab iratis Germanis timendum foret, oppido fermè omnes effugerunt. Nec multò post nequicquam prohibente Carolo, vel deprecantibus, ducibus, totum penitus id oppidum quod edificijs atque opibus pro loci opportunitate clarum erat, iniectis vno tempore facibus, barbaro furore incensum atque deletum est. Tormenta demùm inde confragosis Apennini iugis ad Burgum castellum, quod à valle Tarri amnis nomen ducit, magno quidem cum labore, sed maiore aliquanto militum studio traducta: Quando ea singulis attributa cohortibus, non solitis equis, qui in abrupto flexuosoque passim itinere minimè iungi coaptarique poterant, sed manibus atque humeris militum traherentur, equitesque singuli pilam ferream quinquaginta pondus, in anteriore ephippij parte collocatam, alacriter deferrent. A Burgo latiore demum via, quæ ad Foronouum ducit descendere cœperunt, premissusque cum valida peditum atque equitum manus Giensis primi agminis dux, et cum eo Antonius Basscius Heluetiorum prefectus, ac ipse Triuultius, ut apud Foronouum locum castris antecaperent. Triuultio enim tanquam itineris duce Carolus utebatur, atque eius viri consilio summam adhibebat fidem, cum propter singularem militiæ locorumque peritiam, tum ob veterem similitudinem, quam cum Ludouico Sfortia semper infestus exercebat. Vnde illi postea per amplæ opes atque in gens belli gloria, cum excidio totius Italiæ creuerunt. Habebat tum castra Mantuanus, cui se Calatinus cum copijs Sfortianis adiunxerat, ad Glareolam vicum in vltiore Tarri amnis ripa, loco admodum opportuno, ut Parmensibus qui in tergo erant, si ad defectionem spectarent, immineret, præsidioque esset proximis castellis: ac si Carolus eam ire pergeret, prima descendendum agmina iniquiore hosti loco, totis simul copijs adoriretur. Interim dum Galli Foronouo appropinquarent, Gonzaga de eorum aduentu per exploratores certior factus, levis armaturæ equites, duce maximè Nicolao Annonio Dalmata, viro impigro, præmittit, qui ad hostes aduolent, & dum ipse cum robore grauis armaturæ equitum, peditumque expeditis cohortibus subsequitur, tumultuaria pugna distineat. Illi imperata impigrè faciunt, adorti que hostes subita incursione ex omnibus lateribus eos perturbant, multisque cæsis ac captis, raptoque vexillo vno, priusquam cataphracti peditumque auxilia superuenirent, omnes retrò pavidos auerterunt. Idque propterea acciderat, quod Galli nondum Græcorum militiæ usum nouerant. Græcos enim insultantes simul ac multa arte refugientes, quum Galli ardore quodam pugnandi concitatus persequi vellent, ordinesque dissoluerent, illi subito redibant in prælium, pluresque simul expediti,



singulos dispersos, graues armis incauteq; prouectos adoriebantur, facileq; incuruo & pregrauo gladio more Turcarū, aut ferrea claua feriendo sternebant. Gonzaga quod satis longo difficiliq; itinere fessos equites, quo minus abeuntem in castra vsque persequeretur, reuocandos esse iudicabat, eo successu contentus lætis omnibus, & plerisque præfixa lanceis Gallorum capita gestantibus, ad exercitum reuertitur. Erat inter captiuos Antius Heluetiæ cohortis præfectus, notus antea Calatino. Is primi agminis peditum, & equitum callidè mentitus, numerum adaugebat ad deterrendos nostros, ne audacius progressi incumberent, ita vt regem pariter cum media acie, & subinde Tramu-  
 10 lium cum postrema non procul esse nunciaret. quo mendacio salutem Gienti allatam constat, qui paucitati militum suorum diffusus, perturbatusque certamine in editiorem locum se receperat, vt ibi communis quoquo modo castris, vel tardè subsequenter regem expectaret. Sed quum peritis ducibus delendi primi agminis occasio, ad summam demum de rege victoriam oblata videretur, Mantuanus nihil tentandum esse, expectandasq; omnino reliquas copias censuit, vt toto simul instructo exercitu tutius atque nobilius conspectorege hoste certaretur. Numero siquidem Italiciæ copię superabant, apparebatque eas in congressu superiores euasuras, nisi à maiorum disciplina foedè discedentibus Fortuna defuisset. Itaque Carolus integrum sequētis diei spatium  
 20 nactus, atque opportunè affecutus primum agmen, ad Foronouum confedit. Intererat inter bina castra flumen Tarrus, qui ex Apennino sæui torrentis more per abruptas valles, saxoso inæqualique alueo delapsus, patentibus demum campis in Padum euoluitur. Veneti à læua in latiore amnis margine, non longè ab Oppiano vico depressioribus locis tendebant: Gallus in dextro latere profluentis vadum, in læuo Medefanum oppidum habebat, potitusque superioribus collibus hostium castra facile despectabat, quę maximi exercitus speciem tot vndique erectis tentorijs, mirantium Gallorum oculis reddebant. Carolus vbise exercitumque suum eò perductum videt, vnde sibi nulla spes euadendi, nisi duce Victoria relinqueretur, ad tentandos legatorum animos,  
 30 si aliquot dierum indutias impetrare posset, caduceatorem transmisit. Nanq; Hercules Atestinus insitæ legatorum ingenijs cunctationi fauens, paulo ante, vt animos cum regi tum Gallis ducibus inopinato hostium apparatu perculos confirmaret, pro certo exploratoque perscripserat, neq; legatos, neq; Gonzagam ducem generum suum vllam habere à senatu committendæ vniuersæ pugnæ potestatem. Igitur caduceator ad legatos ac duces introductus, regem suum vehementer mirari dixit, quod Veneri, quos nunquam iniuria lacelsisset, ad prohibendum quo minus in Galliam proficiscatur instructis copijs aduenissent, se pro equo iure gētium id tantum petere, vt per inducias exercitum com meatu, nec gratuito quidem, passim iuuent, & pacato itinere in Galliam  
 40 pertendere sinant. Id si fecerint, se Veneto senatui eiusque ducibus singularem gratiam habiturum. Quod si id præstare nolint, amicitiamque recusent, & contra vi contendant, Gallos milites vera virtute non modo sibi aperturos viam, sed & regi suo iter ipsum prohibentium cadaueribus constraturos. Ea legati, tametsi arrogantius quàm Italorum aures perferre possent exposita erāt, æquis tamen animis exceperunt. Quoniam Araldos vel dicto violare nefas est, qui Gallico more superbè admodum & summa quadam dicendi libertate mandata deferre, & bella hostibus denunciare impune solent. Cæterum ad ea



breuibus est responsum: Si Carolus occupandæ Italiæ consilia abſiceret, Ostia atque Nouaria præſidia deduceret, & ſine maleficio proficiſceretur, liberam illi fore abeundi facultatem: ſi ea facere negligeret, Venetos quoque ſociorum iniurias minimè neglecturos, ac vti ex fœdere deberent, publicum totius Italiæ hoſtem bello perſecuturos. Araldus ad Carolum reuerſus, vtpote qui ſpeculando cuncta prope oculis colluſtrarat, multa de ſitu munitioneque caſtrorum, et de numero, cultuque & alacritate Italogum militum anxio timentiq; ſimilis enarrauit. Ita vt rex ipſe, & plerique duces, veluti ſuprema in cura, & de ſalute omnium dubitare viderentur. Diſputando enim, aliqui Piſas redeundum eſſe, & ſedem bello adiunctis Florentinis in Ætruria deligendam: alij nulla dedecoris<sup>10</sup> cura habita expedito agmine per tranſuerſas Apennini valles, ad Aſtam properè contendendum: cæteri nullam Aureliani rationem habendam, paciſcendumque cum hoſtibus, qui omnibus rebus ſuperiores eſſent, modò regis exercitusque ſaluti prolixè caueretur, cenſebant. Pauci denique erant qui regis vitam ac libertatem in periculum iniquæ pugne temerè deuocandam arbitrarètur, quum nemo eſſet, qui non de Regis potius, quàm de ſua ſalute ſollicitus, imminentis prælii euentum omni alia re duriorẽ fore exiſtimaret: Ita vt neque exitum conſilij, neque certam in eo diſcrimine ſeruandi exercitus rationẽ inuenire viderentur. Tum Verò Triuultium, in quem vnum maximè ducum oculi coniecti erant, in hunc modum magna omnium expectatione locutum<sup>20</sup> ferunt. Qui de dubijs rei bellicæ caſibus præſenti iam periculo conſultant, vnam, quæ reliqua eſt & ſalutis et victoriæ rationẽ, ab ipſa animi magnitudine ducere debent. Nam quum viſ in negotio plurimum vrget, & forti pariter conſilio factoque maximè eſt opus, demittere ſe animo, vel pauore occupari cum turpe, tum euẽtu ipſo plerumque funeſtum eſt: ſed id multo magis indecorum atque importunum videtur, quum ipſa pericula anxie nimis expendendo, reputandoque et atrociora et maiora vero nobis effingimus. Dubitauere et quidem vehementer, inuiſte Carole, de tua exercitusque ſalute nonnulli, qui ante me dixerunt viri graues: & quod maximè eorum dictis fidem obligat, peracres & ſtrenui bellatores, ſcilicet commemorando quæ penuria rerum famẽ<sup>30</sup> que viris pariter ac iumentis immineant: quæ locorum aſperitates, quæ anguſtiæ & iter demorentur, et virtutis uſum fortibus viris eripiant: ac demum quales, quantæque hoſtium copiæ, & numero paucis & tanti itineris labore deſeſſis, aditus ipſos ad euadendum percluſerint: ſic vt omnia alia experiri præſtet, quam deſperata victoria, vi contendendo ſummæ rei diſcrimen ſubire: quaſi, vti aliquibus placet, per montana Ligurum, vt in pacatam Italiæ partem ad Alpes euadamus, impedimentis, maioribusque tormentis hoſti relictis, cladeſtina fœdaque fuga, generoſiſſimo, ac ſemper victori regi turpiſſimum ac maxime luctuoſum iter ſit arripiendum, vel terga hoſti danda, & Piſæ iterum repetendæ, vt mox circumfulſis terra marique hoſtibus, fame domiti, deditique<sup>40</sup> demum eunctis ludibrio ſimus. Neq; id quoque probauerim, vt turpi pactio-  
ne tutum in Galliam iter ab armatis hoſtibus ſit impetrandum. Perquam enim aliam fidem pacata omnia præſtabunt, niſi per eam qua modò tam impudenter recentia fœdera violarunt? Sed hoc credamus perfidiſis hominibus: nam & ij aliquando datam fidem ſeruare ſolent, vt opportunius & maiore quidem cum lucro poſtea decipiant, nonne hac infelici ſponſione,



tot viri fortes, qui Neapolitanum regnum egregiè defendunt, omni auxiliorum spe destituti, deferentur simul & sæuissimis hostibus prodentur: cursusque ipse ad ampliorem victoriam institutus, si Nouaria vrbe præsidia deducantur, penitus erit interruptus. Ego certè id vnum & tutum & decorum consilium esse video, quod asperum & maximè periculosum cæteris videtur. Scilicet vt abiectis omnibus pacis aut fugæ cogitationibus, iter nobis quamprimum gladijs aperiamus. Neque proinde quod hæc successu ipso facilia nobis fore pollicear, nec de victoriâ desperem, plus prouidere animo quàm cæteri, & de toto instantis negotij euentu præsentire arrogantius videri velim. Hoc enim non ingenio meo, sed militiæ vsui, & Italicarum rerum experientiæ concedi potest, quum ab hinc multos annos omnibus Italiæ bellis interfuerim: quibus cum principum, tum ducum ac militum consilia, sensus, artes, disciplinamque ipsam abunde nouisse haud difficile fuit: quæ omnia sic me demum non obscuris meis sæpe periculis erudierunt, vt neque audacem, neque omnino trepidum fecerint. Ante omnia quæ animos periculi magnitudine commotos vehementer perterrent, illud minimè crediderim, Venetos collatis signis vtrò nobiscum esse dimicatuuros. Nam præterquam quod nullam conflagendi potestatem legatis vel ducibus à Senatu eorum datam aliquorum literis cognouistis, quis putabit gentem ad trahenda bella, & ad cunctandum natam, tardis  
20 cautioribusque semper innixam consilijs, pro aliena causa, absque vlla necessitate, aleam vniuersi certaminis esse subituram? Auxere enim Veneti rem suam sedendo spectandoque, quum prælia temeritati ducum ac militum, & mille fortunæ casibus subiecta esse, factò sæpius infelici periculo didicerint. Stultum enim est in republica quæ perennibus consilijs atque inexhaustis opibus viget, speciosos ab ancipiti cruentaque acie triumphos appetere, quum maturam certamque vniuersi belli victoriâ non temerè expectent, qui bellicis sumptibus minimè deterrentur. Neque Ludouicum Sfortiam, hominem per se timidum, suspicacem & valde cautum, id planè ex Arcano consilio contendere arbitror, vt auspicijs Venetorum Gallicę copię deleantur. Quis enim  
30 alius (quod dii auertant) eius victoriæ exitus fuerit, quàm vt victori Veneto Mediolanense imperium prædæ cedat, quod impotentibus armis inuadendo lacerandoque singulari cupiditate semper affectarint? Sed putemus Ludouicum nihil hodie pro sano cautoque facturum, Venetosque item nouo quodâ repentinoque consilio totius Italiæ imperium dubij Martis arbitrio commissuros, non ob id, e depol, magnanime Carole, de victoriâ fuerit dubitandum. Decedant fortibus animis inanes metus, quum ea omnia quæ sibi dimicaturæ optimus quisque imperator exoptat, spem non dubiam rei bene gerendæ nobis polliceantur. Causa in primis longè optima, fidus ac veteranus miles, tormenta plurima, locus æquissimus, & nullius demum rei præterquam com  
40 munis salutis & gloriæ respectus. Itatorum hodie militum virtutem neque eleuo neque extollo: Ineptè siquidem aut impudenter fecerim, si de hac re iudicij mei sententiam interponā, sic, vt integro pudore meo hoc vnū confiteri testari que non dubitem, nobis scilicet cum tyrone & collectio exercitu rem futurā: multo enim maxima pars eorum equitum, quos cristis armisq; fulgentes conspicimus, nunquam nisi in pompa, dum lustrantur exercitus, ipsisque in ludicris pugnis atque spectaculis arma induit, aut clangorem tubarum audiuit,



quòd in Italia multis ab hinc annis nec bellatum sit, nec iusta cruentaque acie dimicatum. Pedites ipsi non modò vim Germanicæ phalangis non ferent, sed nec aspectum quidem tanto ordine incumbentium armis animisque impares sustinebunt. Relinquitur ut artes & dolos alicuius inueteratæ prudentiæ ducis magnoperè timeamus. Quas enim insidias tendet, quòue ordine per iniqua torrentis vada producet, ut nos densato agmine ire pergentes inuadat adolescens imperator, qui nulla vnquam præter hæc sua, nominis hercle titulo potius, quam certæ virtutis merito militaria castra conspexit. Itaque, rex inuictè ut iam instituimus, peruadendum esse censeo, tu rectè feceris, si milites, ut de pugnae euentu non dubitent, hostesque despiciant, fueris adhortatus, ad læuā iuxta colles impedimēta paululum semota ab armatis ordinibus vel diripienda hosti, prædæ potius quam pugnae auido, non temerè obiecerim. In dextra secundum amnem tormenta aduersus hostes collocentur. Ego primi agminis ac itineris cum Gienſe nostro collega ducem agam, periculoque propior dabo operam nauiter, ut huius te suscepti consilij minimè poeniteat: reliqua belli munia veteres maximè duces inter se partientur, atque in vtrunque simul itineris & prælij casum parato expeditoque exercitu ad victoriam contendent. neque enim eos vel pristina virtus, vel Fortuna tua destituet, qui perpetuis nobilitati victorijs strenuè pugnare vel pro vna tantū gloria didicerunt. Postq̃ Triuultius vultu fiduciæ pleno perorauit, nemo ferè visus est, quanquam non dubius quorūdam animis insideret metus, qui nō alacriter in eius sententiam iret, iuraretq̃; se nisi victorem è prælio minimè discessurum. Tum verò Carolus dispositis equitum præsidij, qui Græcos omnibus propè horis cum multo clamore varios tumultus ad castra excitantes ex omni parte reprimerent, integrā ferè noctem peruigil ducēs, in albescente cœlo sacris interfuit, ientauitque, & ut idem facerent milites, ad iterque simul ac prælium capeſſendum corpora atque animos præpararent, edixit: nec multum inde validis potius quam decoris protectus armis equum cōscendit, neque nobili colore vel celsa statura conspicuum, quum esset absolute ob idque damnatæ nigredinis vnicolor, dextroque oculo captus: sed qui quadrato habitu indomitum præferret robur, humanoq̃; prope sensu, sessoris iudicio conceptæ de se spei decus agnosceret. Neque enim vel a cono celsididis, vel à regali cultu nosci volebat, utpote qui sibi ad latus septē iuuenes fide virtuteque præstantes paribus ornatos insignibus antea delegisset. Prodeuntē milites ita alacri voce gestuque salutarunt, ut fari incipientem interpellarent, obsecrantes, ut de victoria quæ iam esset in manibus minimè dubitaret. Apparuit enim tum seipso celsior atque viuidior, quum esset admodū pusillus, & propter veterem morbum imbecillis, ad incessum cruribus nequaquam planè firmus & validus. Sed dum fronte atque oculis aducoque præsertim, & prominente naso, pugnacis ac intrepidi militis speciem præbebat. Conſeſſere medium regem binæ alæ nobilium equitum, quibus Scotorum prætoria cohors sese admiscuit. Matthæus porro Borbonius cognomento Bastardus, cui rex maximè fidebat, & Robinetus Framella vir egregiè fortis Ludouici Aureliani cataphractorum ductor, alas suas confertim applicantes, hic in læuo, ille in dextro latere constiterunt. Sequebatur interuallo duorum stadiorum tertium, idque postremum agmen, cui Fusius pernobilis in Aquitania regulus, atque ipse Tramulius magnis postea rebus gestis dux clarus, præerant. Apud hos insignium equitum robur fuit. Sed in primo agmine Germanicæ



nica phalanges præcipuæ spei virtutisque, & tormenta maiora spectabantur. Antecedebant Giensis atq; Triuultius cum expedita manu equitum, vt sequētib; iter monstrarent. Hos ad teli iactum Heluetij Germanique quadrato agmine sequebantur, quibus Gilbertus Cleuensis, & Antonius Basseius duces, Germanicæ periti linguæ, triplex stipendium regio nomine promiserant, si fidei fortiq; manu inuictum incolumemq; regem præstarent. His ad læuam coniuncti erant balistarij Vascones, & trecenti ferè ex prætorianis sagittarij, qui infelici consilio amotis equis in pedes desilierant, vt firmiore vestigio tendendis arcubus niterentur. Tormenta verò iuxta phalangem pari passu perdu-  
cta, contra flumen quod intererat hostilesq; acies collocata erant. Lixæ atque  
10 omnis incondita calorum turba cum impedimentis secundum sinistros colles iter intendebant. At Mantuanus qui Gallos, si ad læuam Medesanum versus deflecterent, quâ illis iter erat in Agrum Derthonensem, tergis abeuntium insistere, & totis copijs persequi decreuerat: vbi eos ab Foronouo densis ordinibus descendere conspexit, sibi nequaquam amplius morandum ratus, aciem veterum militum vsus consilio in hunc modum instruxit. Erant vniuersæ copię in nouem diuisæ ordines, quæ duorum amplius milium & quadringentorum equitum cataphractorum, leuis autem armaturæ paulo minus duorum milium, & peditum circiter duodecim milium summam efficiebant. In primo  
20 agmine fuere Petrus Dodus Venetus cum Græcis equitibus sexcentis, & Alexius Beccacutus cum totidem ferme equitibus sagittarijs, qui non arcubus ligneis, vt Galli solent, sed balistis arcuferreis utebantur. Quibus iniunctum fuit, vt colles à tergo circumirent, & in latus sinistrum primi agminis verterentur, vt ire pergentes Gallos, à cæpto iam itinere tumultuario pugnæ genere distinerent. In secundo Calatinus fuit cum Sfortianis copijs, ea ratione, vt quum primum à Triuultio & Giensi cum leui armatura contractum certamen foret, ipse confestim occupatos turbatosq; ad dextram adoriretur. Ea acies sexcentis cataphractis, & Germanorum mercede conductorum Italarumq; peditum tribus milibus constabat. Dux ipse ascitis sibi Rodulpho patruo, Ranuc-  
30 cioq; Farnesio, cum delectis circiter quingentis cataphractis, & totidem sagittarijs, quatuorq; peditum milibus, inuadendi medijs agminis, vbi rex erat, munus desumpsit. Forte bracio autem Montonio cum quarta acie inuadendi postremos hostes fors obuinit. Ternæ quoque obiter subsidiariæ acies opportuno hercle ordine, sed fœdo admodum euentu constitutæ sunt: Ita vt Antonius Feltrius Vrbinas imperatori, quum signum daretur, mature opem ferret. Annibal verò Bentiuolus, & Galeacius Pallauicinus, vbi opus foret, Calatinum consequerentur: Aloisius demum Aduocatus & Franciscus Gambara Brixiani, Socinusq; Benzonus Cremenfis Montonijs vestigijs insisterent. Hæc deo constituta fuerant, vt quum vnaquæque Gallorum acies suo implicata  
40 periculo proxime laboranti subsidio esse non posset, omnes simul vno tempore ab omnibus propè lateribus cederentur. Octaua nonaq; paulo remotius ad incerta prælii in subsidijs collocatæ. Talianus verò pius & Carolus Meliteus cum reliquis copijs castrorum præsidio relictæ. Porro tormentorum magistris imperatum, vt ea locis quantum ratione militari prouideri poterat opportunis, longo ordine secundum profluentis Tarri ediores ripas, in hostes verterentur. Instructa acie Mantuanus ad legatos



reuerſus eſt, qui tamen ſi graui admodum ſuſpenſi cura prælio decertare ab eorum Reipublicæ rationibus alienum eſſe iudicabant, ea tamen erat adeo egregie inſtructi ornatique exercitus ad pugnandum alacritas, vt ipſos iam cautiſſimis conſilij poeniteret, & ſumma ſimul lætitia, & certa ſpe victoriæ penitus implerentur. Neque erat quiſquam vel ætatis vel militaris dignitatis honore inſignis, qui tum cunſtanter aut ſuſpenſe de ineunda pugna conſultare, vel palam de victoriâ dubitare auderet. Nam plerique tyrones inani quodam pugnandi ſtudio, ac virium fiducia elati, ſi quem in eo ſummæ rei diſcrimine cautiſſime conſideratiſſimeque loquentem vidiffent, palam inceſſebant probris, & ſegnem acti midum compellabant. Acciditque vt ipſe Rodolphus, quum locum pugnatu-<sup>10</sup> ris iniquum fore, & propterea prius exæquandum eſſe cenſeret, à Mario Caluiſiano petulanter irrideretur. Is erat inter Mantuani familiares gratia decore iuuentæ parta conſpicuus. Illoto enim ore dictitabat, eos qui tantopere curiſuæ pertimerent caute facturos, ſi quamprimū abirent, & ſe Parme vrbiſ mœnibus egregie tuerentur. Vtinam inquit Rodolphus qui verbis audaces & feroculi ſunt, me vadentem in conſertos hoſtes ſtrenue ſequantur. Non enim pictarum & inanum haſtarum (vt in ipſis ſit ludis,) ictus excipient, ſed validos mucrones experientur. Dii que faxint vt ſagulos hoſce admodum ſpecioſos alieno potius quàm noſtro ſanguine deſœdemus. Erat enim Rodolphus externæ militiæ verus atque præcipuus æſtimator: quoniam ab ineunte ætate inter pue-<sup>20</sup> ros armigeros Caroli Belgarum principis, hiſque tribus admodum funeſtis interfuerat prælijs, quibus ille poſtremo deuictus & formidabiles antea copias, & regnum ipſum cum vita pariter amiſit. Interea quum iam Gallus appropinquaret, & frequenti tormentorum crepitu milites ad pugnam excitarentur, Mantuanus conuerſus ad legatos. Si vobis, inquit, è Republica videtur, vt fortiter obuiam eamus Gallorum audaciæ, qui ſibi totius Italiæ imperium barbara vanitate deſpondent, minimè prolixè conſultandum eſt: ſed quum viſ & tubæ hoſtiū nos vocēt, è veſtigio de pugna cogitandum. Nam ſi hoſtē è manibus cunctando miſerimus, nequaquam parem eiſ opprimendi occaſionem poſtea reperiemus, fruſtraque expeditum, vaſtanti cuncta, & ſubſidio ſuis ire<sup>30</sup> properantem per aſperos tramites perſequemur. Ego quidem, ſi iuſſeritis, Veneto ſenatuī probabo operam meam, cunctiſque corporis ac animi viribus contendam, vt Italo militi antiquum ſuum decus ab externis gentibus minimè ereptum eſſe protinus oſtendatur, vobiſque Venetiſ Italiæ dignitatis veriſ certis que vindicibus clariſſimus de ſuperbo hoſte triumphus noſtra virtute comparetur. Ad ea Triuiſanus annuente collega, Maſte inquit ingenti virtute imperator, poſtquam adeo inſigne ſtudio erga Venetum nomen eximia animi magnitudine teſtaris, & te ad ſempiternæ laudis fructum ſeruandæ Italiæ decus accendit, ſigna canere iube, & quod Veneto ſenatuī ſocijſque fœderatiſ bonum fauſtumque fiet, inſtructas acies in hoſtem verte, fortiterque vincendo e-<sup>40</sup> nitere, vt familia tua perpetuo veteris gloriæ fulgore inſignis, multo maxime decoris nouæ victoriæ tituliſ illuſtretur. Nec mora tympana tubæque & tormenta ex propinquo hoſtem emitti cœpta, vno ſimul tempore concrepueunt, diſtinctæque acies ſuo (vt diximus) ordine tribus in locis per amnis alueum ad hoſtes contenderunt. Verum adeo temerè ac infeliciter procurſum eſt, vt qui tanta alacritate ferebantur, ſumma locorum iniquitate prius turbati ſemiuiſſi que ſint, quàm ad hoſtes peruenire potuerint. Erat enim Tarri alueus enor-  
mis,



mis, tortuosus, internatisque frequentibus salictis valde impeditus, ipsæ  
 margines vtriusque ripæ, vbi torrentis aquæ vis allidebat, descensu pari-  
 ter ascensuque difficiles: aquæ etiam ab hesterno pleno imbri cauis dela-  
 psæ locis, in lacunas maximè limosas & cæcas voragines abierant: postre-  
 mo vada ipsa vagantis amnis passim lapidosa atque incerta: quibus rebus,  
 vti necesse erat, transeuntium cursus atque impetus magnoperè tardaba-  
 tur. His conflictati incommodis, quanquam magna eorum pars ægrè se  
 explicaret, nec præeuntes consequeretur, strenuè tamen hostes inuadunt  
 hastis, gladijs concurrunt, ac triplici loco prælium atrox, varium, & mo-  
 10 dò ipsis, modò illis funestum miscunt. Constitérant Galli loco admodum  
 tuto, qui ab ea parte quâ aditus dabatur, salebrosus erat, & frequentibus ar-  
 boribus impeditus: ita vt ab accliu parte Itali subirent, & dispersi cum con-  
 fertissima hostium acie, maiore vi quàm arte, & iniqua demum fortuna di-  
 micarent. Galli contrà densare aciem, nihil temerè loco dimoueri, in  
 medium proruentes excipere, exceptos circumstare, breuioribusque gla-  
 dijs pertentando quàm maximè penetraret in corpus ferrum posset, confodere  
 atque prosternere. Interim Græci equites, qui primum agmen inuaserant,  
 quum à cataphractis nequicquam circumfusi vndique pellerentur, & Anno-  
 nius, atque Busichius eorum præfecti viri acres, vulnerati prælio excessissent,  
 20 conuersis repentè equis ad diripienda impedimenta conuolarunt: quæ moni-  
 tu Triuultij de industria hostibus obiecta fuerant, vt illis præda occupatis, re-  
 gi transitus expeditior atque faciliior redderetur. Ibi lixæ, calones, & fœminæ,  
 mulionesque inter iumenta cadentesque sarcinas fœdè iactati, ac dum repu-  
 gnant, vel rapientes impediunt promiscuè cæsi, impedimenta que ferè omnia  
 capta direpta que sunt. Is tumultus, quòd dissonis tot gentium clamoribus cum  
 cæta capta perstrepebant, è proximo peditum cohortes etiam exciuit, quæ præ-  
 dæ pariter auidæ, ordines nullo pudore deserebant. Tum verò inter socios  
 cruentum admodum & miserabile certamen exortum, quum regiam gazam  
 alij in diuersa traherent, alij à validioribus oppressi, in ipsis prædæ complexib.  
 30 cæderentur. Eares omnium consensu Gallis salutem peperit. Nam prima  
 Gallorum acies, Græcis ad prædam inclinantibus, ex transuerso eorum quos  
 Calatinus induxerat, impetum fortiter excepit, secundæque laboranti opem tu-  
 lit, & secunda pariter aucta viribus atque animis pulso cum ingenti cæde Man-  
 tuano, tertiæ quam Montonius perturbabat, subsidio fuit. Ibi demum quum  
 duæ simul acies, prima Giensis, & secunda regis vtrinque Italum militem acer-  
 rimè premerent, Rodolphus atque Ranucius in medio circumuenti interfi-  
 ciuntur, totaque penè ala familiarium Mantuani, in qua plerique nobiles erant,  
 conciditur. Cadit & ante oculos ducis ipse Caluisianus, & centuriâ singula-  
 rium peditum ad custodiâ corporis delecta pariter cæsa protritaque est. Ipse  
 40 Mantuanus, qui admiranda virtute per medios equites ad tormenta peruene-  
 rat, magistrisq; eorum, & equis, quibus trahuntur, interfectis, cohortè Vasco-  
 num tormentis præsidio constitutam, & prætorianos simul sagittarios procel-  
 la equitum obruerat, è medijs hostibus equo grauitè vulnerato vix se eripuit,  
 quum eum ingenti serica pyramide, quæ illi pro cono in galea fuit, ante alios  
 conspicuum, & tota acie volitantem omnes certatim peterent. Eandem quo-  
 que fortunam tulerunt Itali pedites, qui in parte Calatini fuerant. Nam



quum primi eorū ordines praelongas hastas læuo sustentatas brachio (vt tum mos erat) ab solo excuterent, sequentes vero scutati hostilia lato ferro iacularentur, et ceteri post scutatos balistarij sagittas emitterent, nō modò sine timore aliquo, sed etiam cum risu ab Heluetijs excepti sunt, qui in vnum densatæ phalangis corpus egregiè conglobati, id ineptum armorum genus atque eum pugnandi morem faciliè contemnebant. Extemplo nanque vbi appropinquatum est, extraordinarij delecti iuuenes fermè trecēti, qui propter laudem summo quæsitam periculo, vitæ prodigi perditique vocantur, ab vtroque phalangis latere profilierunt, ac ingentibus gladijs quos ambabus manibus regebāt, enormes hastas præcidere cœperunt. Quorum audacia territi penè omnes, 10 priusquam phalangis impresionem expectarēt, terga verterunt. Eoq; in loco Germanorū mercede conductorū cohors vna, quæ Gallica tormenta audacter inuaserat pertinaciusq; restiterat, peracri Heluetiorū impetu trucidata. Imber quoq; admodum repentinus multa cōmistus grādine, cum fulgore & tonitru cœlo effusus, adeò opportuno tēpore fusos iam & in fugam inclinatos afflixit, vt Dñi ipsi pro Gallis bellum gerere viderentur. Tanta enim aquarū mole flumen Tarrus, qui modò arenti similis defluebat, torrentibus ac riuis vndique in eius alueum præcipitatis auctus est, vt neq; euadere, qui iam in fuga salutis spem collocarant tutò possent, neque integri ordines, qui pulsus subsidio pergere cupiebant, amnem viros, equos, armaque sæuo impetu rapientem transi- 20 re auderent. Nec interim tormenta vtrinque cessabant, quāquam ancipiti vel inani periculo in permistos sæpius emitterentur. In tanta rerū iniquitate Mantuanus se ipsum non deserit, tametsi incredibili dolore erat perturbatus, quod tot viros fortes suum sequutos nomen, ipsumque Rodolphum patrum deperata ope circumuentos conspexisset. Erat ad læuam riuus vtrinq; modico aggere castigatus, qui ad frumentarias molas defluebat. In eum præcipiti fuga pedites atq; equites fœda colluctatione deferebantur. Quare animaduersa, Mantuanus mutato equo ibi cōstitit, increpando fugam ac sistendo signa, validam manum ex diuersis turmis in vnum coegit, qui tametsi varijs praelij fugæque ac ipsius demum pluuiæ incommodis vehementer erant fatigati, impigrè tamē 30 men prelium redintegrarunt, effuseq; insecutos Gallos cum cæde repulerunt. Ibi Miolensis regulus atq; ipse Borbonius ab Alexio Beccacuto in ceruice vulneratus, nō procul à rege capiuntur, et nonnulli illustres Galli equites cadunt. Magno autem vsui fuit Petiliani aduentus, quo minus qui primò pugnam inierant delerentur. Is enim iam pridem ad Nolam captus, quum in Galliam duceretur, occupatis in eo praelij discrimine custodib; è medio tumultu ad Venetos perfugerat, victosque Gallos & in fugam coniectos nunciando cohortandoque, ne certam victoriam è manibus emitterent, pauidis & dilabentibus animos restituerat, ita vt obuios quosque in prælium nominis autoritate conuerteret. Cæterum Gallos à primo & secundo agmine, pulsum fustumque Ita- 40 lum persequentes, idem inflatus amnis, ne summa victoria potirentur, retardauit: sicuti paulò antè, ne postremæ Venetorum acies primis succederent atque opem perturbatis ferrent, obstiterat. Verum præclare constat Giensem vel cōtra ipso Triuultio & Francisco Sicco Florentinorum duce vehementer obstantibus, ne occasionem delendi hostis deperire sinerent, terga dantes persequi, aut omnino progredi noluisse, quod à conspectu regij agminis nequaquā temere discedendum putaret, incerto adhuc praelij euentu, regeque præsertim à varijs



à varijs, quanquam planè dissipatis hostium turmis, ex omni parte circumuen-  
 to. Nec multo post coeuntes circa regem plerique duces, receptui cecinerunt,  
 vt coniunctis agminibus & densata rursus acie, motum hostium expectarent,  
 quum noui atque integri armatorum hostium ordines parati ad excipiendam  
 pugnam in vltiore amnis ripa spectarentur: & fessis equis fessi ipsi milites re-  
 quiescere, quàm palantes persequi mallent, contenti scilicet ea victoriâ quæ re-  
 putatione periculi se ipsa maior apparuit: quod non modo inuito hoste, sed eo  
 pulso prostratoque iter ipsum, vti instituerant, sibi armis atque virtute parauis-  
 sent. Mantuanus quoque subsidijs frustra expectatis, quod reliquæ acies socio-  
 10 rum clade, ac inflati amnis difficultate conterritæ, pugnam detrectarant, ab vl-  
 timo abeuntium agmine se explicuit: atque amne equiorib. vadis superato, ad  
 legatos in castra se recepit. Hæc est illa memorabilis Tarrensis pugna, qua ma-  
 iore aliquâto temeritate quàm ignauia, antiquâ Italicæ militiæ decus amisimus: cœ-  
 pimusque cum inexpiabili ignominia nostra exteris nationibus, quibus mo-  
 dò terrori eramus, contemptui esse: sic, vt eas in quas seruiente demum Italia  
 calamitates incidimus, in hunc ipsum adeo lugubrem inauspicatæ pugnae euen-  
 tum referamus: & meritò tantarum (quæ mox secutæ sunt) cladum auctores  
 diris imprecationibus prosequamur. Quanquam certo planè Deorum im-  
 mortalium iudicio factum esse videamus, vt qui primi ex crabili scelestoque con-  
 20 silio, patriam terram in has miseras præcipitarunt, ipsi antè alios, & insigni  
 quidem exemplo, dignas exitiabili insania sua pœnas persoluerint. Periere eo  
 prælio ex Venetis atque Sfortianis supra quatuor hominum milia, in quæis fue-  
 re, præter Rodulphum atque Ranuccium, Ioannes Picininus Nicolai claris-  
 simi ducis nepos, Galeacius Corregius, Robertus Strozza, Alexanderque Be-  
 raldus turmarum præfecti: itemque Vincentius Corsus, qui peditum sagmen  
 ductabat, & Malfactus & Gabanellus, qui in prætoria cohorte, cum aliâs tum  
 eo prælio maximè eximiæ fortitudinis laudem adepti, euadenti Mantuano  
 ingentibus romphæis sternendo hostes viam aperuerant. In partibus verò  
 Gallorum, præter inconditam lixarum multitudinem, quæ stragem multò ma-  
 30 iorem sædioremque reddidit, viri fortes circiter mille. Desiderati sunt etiam  
 in his Iulianus et Dasonius alarum legati, Vardeusque Hippotoxotarum dux,  
 & ipse prætorianæ turmae præfectus, atque item nobiles oppidorum suorum  
 nominibus appellati, Torsuensis, Semplensis, & Ampracensis. Sed insignem  
 omnino iacturam graui cum dolore rex sensit, quum sagittarios corporis custo-  
 des fermè omnes, quos remotis equis in pedes descendisse diximus, interfectos  
 esse cognouisset. Nec ipse leue admodum vitæ discrimen subijisse fertur, quum  
 perrumpente aciem Mantuano, perturbatoque toto agmine, penè desertus ob-  
 uertendo frõtem, & gladium stringendo, propulsantis equi inuicti robore se-  
 procul dubio seruatum fuisse fateretur. Cæterum Carolus, signis receptui ca-  
 40 nentibus, insignes aliquot ex suis ob eximiâ spectatamque virtutem, eque-  
 stri dignitate donauit. Quod statim fiebat, & maximè honoris loco habebatur,  
 quum rex ipse gladio districto viri fortis humerum leniter percussisset. In his  
 fuit Camillus Vitellius, qui fratribus in Liguriam tendentibus, Carolum se-  
 quebatur. Galli secundum Tarrum in proximo colle pernoctarunt ex utrius-  
 que impedimentis atque tentorijs, & ad summam propè commeatus inopiâ  
 redacti. Qui tamen non dubia potiti victoriâ effuse lætabantur, paucitati ta-  
 men suæ magnopere timebant, vel maximè propter sauciorum ægrorumque



numerum: quibus conseruandis auerendisque propter asperitatem itineris, maxima difficultas præponebatur. Videbant enim aduersarios multitudine expeditorum equitum plurimum valere, quorum indefessa opera ac celeritate præcludere commeatus, itinera obsidere, & nouissimos persequendo carpendoque varijs incommodis, graue præsertim Heluetiorum agmen afficere possent. Sed hoc metu curaque ducibus occupatis, & maximè fessis, Germani Heluetijque, quum rex eis donatiui nomine mille aureos nummos liberali manu diuissilet, ea nocte custodiæ castrorum munus cum multo tympanorū strepitu susceperunt. At in Venetis castris varij erant animorum habitus: nanque alij mœrore, alij gaudio in singulis propè contubernijs agitabātur, prout quisque socium vel propinquum amiserat, vel opima præda fuerat potitus. Cessere omnia ignobilium militum, & præsertim Græcorum auaritiæ regij apparatus, vasa aurea atque argentea, pretiosa vestis, regale tabernaculum, aulaa omnis generis, & gemmata sacrorum instrumenta, ipsæque demum Neapolitanorum regum opes, quæ in Galliam ad exornandum triumphum asportabantur. Cæterum duces præfectique omnes, postquam cum legatis in vnum coire, variè pro cuiusque ingenio differebant: alij enim, & ij quidem multo plures, qui timore oppressi videbantur, mutanda esse castra censebant, seruandumque exercitum, in cuius incolumitate saluæ & incolumes Italiae res forent. Alij qui in prælio versati erant, & maiores quàm antea spiritus sibi desumpserant, iauadendum iterum hostem, atque eum debilitatum vulneribus, ac timore consternatum omnino delendum iudicabant: quod ipsi non virtute Gallorum, sed locorum iniquitate superati viderentur. Tum verò Mantuanus, si inquit hodie pari consensu, vel cuncti audaces, vel cuncti timidi fuissetis, neque de loco deferendo, neque de inuadendis hostibus ageretur: nam vel lætiores cum rege captiuo in hostium castris cœnaremus, vel certe integri viribus atque animis, hoc ipso tutissimo vallo teneremur. Sed quum extrema consilia dissidentibus ingenijs semper officiant, media autem in vniuersum iuuent, neque pauidos, refugere patiar, neque item permittam, vt viri fortes iterum pugnae fortunam periclitentur. Quid enim aliud erit, hac non satis adhuc castigata temeritate, iniquo atque infelici loco hostem adoriri, quàm feras exagitare, atque ipsas vltimo saluis discrimine efferatas irritare? Vltima siquidem necessitas iracundiam vertit, atque eos plerumque, qui penitus de vita desperent, ex timidis longè fortissimos facit. Quod verò castra procul ab hoste reducenda videantur, absit medijs fidijs à virorum consilio, vt quam hodie aliquorum ignauia & fuga ignominiam accepimus, eam foedè castra retrahendo, veluti supremo dedecore cumulemus. Quid enim aliud subita mutatio castrorum, quàm graue vulnus acceptum, timorem summum, desperationem victoriæ, & denique turpissimam fugam propinquis hostibus significabit? Manendum igitur his in castris, adhibendaque fortiter opera, vt quod acceptum est incommodum, cautiore meo consilio, & feliciore vestra virtute sarciat. Primum omnium faucios Parmam deuehi, curarique iubebimus: Integris copijs, vt aliqua defessis requies detur, cura castrorum erit demandata. Ipse vigilias circumibo, cunctos aditus certis firmabo præsijs, idque omnino contendam, vt nos quàm maximè tuti ab impetu hostium reddamur. Crastina verò dies, motus animosque hostium clarius nobis ostendet, tutioremque viam consilijs nostris explicabit. Legati huic sententiæ facile assenserunt: Nam tametsi Mantuanus stre-



strenui potius equitis quam prudentis ducis officium impleuisse videbatur, tantum tamen aberat, ut eum à funesto pugnae exitu temeritatis nomine reprehenderent, ut etiam hac noua probatae virtutis inuictique animi gloria clariorem factum admirarentur. Nam per se vel per amplis aliis gestis honoribus maxime clari senes, ea tanquam summe decora bellicae laudis accessione latabantur, eiusque victoriae magno Gonzagae ausu propemodum partae, per nobilem de tanto rege penè capto triumphum aliquorum imperitia, aut ignauia sibi ereptum esse iudicabant. Postera die Carolus per Argentonum, quem Venetijs ab initio legationis munere functum fuisse diximus, trium dierum inducias postulauit. Is cum Roberteto scriba regio transgressus amnem, cum legatis & ducibus collocutus, multa de noui foederis iniquitate, de successu praelii, virorumque illustrium caede, ac demum de euentu totius belli ita commemorauit, ut de pace, si per legatos liceret, uti pridie instituerat, acturus esse videretur. Verum id colloquii genus eò pertinebat, ut interposita pacis mentione, Carolo se ad iter expeditum paranti, iustae morae spatium praerberetur. Sed is eorum sermonis exitus fuit, Venetos aequissimae pacis condiciones Carolo regi oblaturus, si Ostia atque Nouaria, uti antè denunciatum fuisset, praesidia deduceret, à populationibus ac incendijs abstineret, & in Galliam proficisceretur. Quod si aliena occupando, Italiae imperium animo voluaret, & propterea antiquae spei insistendum, commorandumque in Italia sibi esse censeret, ipsos cunctis opibus annixuros, ut omne Gallicum nomen Italiae finibus pelleretur. Itaque eius diei tantum inducie ad sepelienda cadauera concessae. Quod ubi praconis voce utrisque in castris significatum fuit, Itali Gallis permitti ad quaerendos socios sese castris effudere. Reperti sunt supra ducenti, & in his Gallici aliquot, quos agrestes, tergora etiam equis detrahentes, nudos & multo luto cruoreque in miserabilem modum defoedatos reliquerant. Inuentum quoque Rodulphi corpus pluribus honestis confossum vulneribus, quod Mantuanus in patriam cum multo funeris honore transmisit. Senatus autem Venetus, uti à legatis nominatim acceperat, ijs qui fortiter pugnassent, vel egregie pugnando cecidissent, insigni liberalitate praemia persoluit. Cunctis enim, & ante alios Fortebraccio, qui grauiter vulneratus vltimus praelio excesserat, aucta stipendia, honoresque additi. Caesarum liberis, qui militiae studerent, praefecturae turmarum datae, filiabus autem dotes, & vxoribus annuae pecuniae in alimenta constitutae. Notati quoque sunt ignominia plerique dissimulanter potius quam seuerè: inter quos Antonius Feltrius Urbinas, quum ab alijs accusaretur, quod subsidio pereuntibus ire, vel transire amnem recusasset, missionem postulauit, veluti iniquè calumniantibus subiratus: ne si mox Senatus iudicium expectaret, maiorem existimationis iacturam facere videretur. Sequenti noctu Carolus de secunda vigilia multis ad fallendos hostes ignibus excitatis, nullo tubae aut tympanorum signo, sed per occultam tesseram profectioe denunciata, castris expeditum agmen eduxit, & Aemilia via rectum iter ad Trebiam intendit, tanto vsus silentio, ut prius aliquot milia passuum sit emensus, quam ab hostibus, repentina eius profectio sentiretur. Luce facta cognitoque hostium itinere, Mantuanus Graecorum alas praemisit, quae abeuntes persequerentur. Calatinus quoque & Fracassius eius frater cum expedito equitatu, ut nouissimos adorirentur, subsecuti sunt. Qui tamen quum Gallicis fugae simile iter habentibus, maxime nocere possent, non modo nullam vim



Intulerunt: sed vti postea certiore fama vulgatum est, regem ex itinere, ad Derthonam salutarunt, atque omnibus rebus & commeatu affatim iuuerunt. Id priuato eorum studio factum esse plerique arbitrabantur, quod Sanseuerina familia Ludouicum Caroli patrem maximè coluisset, & ipsi paulò antè cum Obignino aduersus Aragonios in Togata Gallia militassent. Alij porro eos Ludouici Sfortiæ iussis opportunè paruissè censebant, qui non minus socios Venetos, si pleniorè victoria potirentur, quàm hostes Gallos vel integros viribus sibi metuendos esse iudicabat. Ferunt Gallos in discessu duo grauiora tormenta defodisse, quod effractis rotis conuehi non possent, quin & cremasse aurata equorum tegumenta, multamque suppellectilem: & demum, quod vix 16 credibile est, quosdam sue gentis mortiferis vulneribus debilitatos, ne miserius apud hostes perirent crudeli misericordia iugulasse. Cæterum Carolus iustis confectis itineribus, præter Placentiam atque Derthonam, nemini infestus, neque ipse ab alijs lacessitus, quum passim commeatus amicè expositus transfrenti præberetur, septimis castris Astam peruenit. Veneti verò Placentiæ moenia præteruecti, Clastidium concessere, atque inde Pado ad Caseolum vicum ponte constrato, per Laumellinum agrum ad oppugnandam Nouariam contenderunt.

## SECUNDI LIBRI FINIS.

30

PAVLI IOVII NOVO:  
COMENSIS, EPISCOPI NVCE-  
RINI, HISTORIARVM SVI  
TEMPORIS,

30

## LIBER III.



VB idem quoque tempus Tarrensis pugnae, nouum bellum conuersis principum studijs renatum, in Liguria vehemènti factiosæ gentis contentione terra marique gerebatur. Nam Philippus Bressius, & cum eo Iulianus & Paulus cardinales omnibus inferioris oræ oppidis recepti, montanorumque clientum aduentu iustis aucti copijs, Genuam vsque processerant, positisque ad 40 Terralbam castris, qui est locus supra Feritorem amnè, Fregosiæ factionis ciuium motus expectabant. Interim quotidianis equestribus prælijs certabatur: nam ex vrbe Bernardinus Adurnius, corporis atque animi viribus bellator insignis, & Scaramucia Viccomes, cum delectis turmis ea porta quæ ad Bisamnem ducit, ita erumpebant, vt singulis propè horis cum Gallis equitibus certaretur. Erant Gallo peditum omnis generis circiter septem milia, octingenti equites, tormenta septem, sed ea ad campestres vsus



sus potius quam ad muros quatiendos idonea. Quibus de rebus fiebat, ut sub-  
 ire tentareque moenia nequaquam auderent: praesertim quum iam valida pe-  
 ditum atque equitum manus, praeter ipsam praetoriam cohortem, e Gallia  
 Cisalpina in urbem peruenisset. Tota igitur victoriae ratio posita erat in au-  
 xilijs, quae e diuersis regionibus expectabantur. Baptista nanque Fregosius  
 in Astensi agro aliquot peditum cohortes & equitum turmas coegerat, quas  
 partim ab Aureliano, qui tum Nouariae obsidebatur, acceperat, partim ipse  
 amicorum Cardinaliumque pecunia conduxerat, eo consilio, ut quum in  
 Pociferam vallem descenderet, ab altera quoque parte quae occidentem So-  
 10 lem spectat, vrbs vndique clausa graui obsidione premeretur. Vitellij quo-  
 que iam e Lucensi agro montes asperos & Petracrosiae iuga superasse dice-  
 bantur. Classis item in Rapallino sinu erat, intenta ad Bresij ducis impe-  
 rium, in qua ingens erat copia tormentorum: quibus freti accedentibus vn-  
 dique auxilijs, maiore demum fiducia urbem oppugnarent. Quibus cogni-  
 tis rebus, qui in vrbe erant Fregosiae factionis, noua inituri consilia, & pa-  
 lam aduersus Adurnios ex tuto arma sumpturi videbantur. Praerat Ligu-  
 sticae classi Franciscus Spinula, ab oris fuscidine Mauri cognomen adeptus,  
 vir domi nobilis, & in re nauali peritiae singularis. Constabat ea paucis o-  
 nerarijs, sed bellico apparatu optimè instructis, & triremibus decem, in  
 20 quibus tres erant Aragoniae à Ferdinando missae, quibus praerat Syracusius  
 trierarchus. Galli autem octo triremes habebant, & tres galeones milita-  
 riter exornatos, quod nauigij genus quandam minoris onerariae, vel erectae  
 lataeque triremis similitudinem refert, velisque utitur, & nonnunquam re-  
 mis: praesertim quum ad captandum ventum, portu vel sinibus in altum e-  
 ducitur. Galli quoque Rapallo potiebantur: nam cuncta (vtri iam diximus)  
 eius orae oppida singulari Fregosiae factionis studio eos benignè receperant.  
 Ibi quoque tutissima in statione, & Bresij imperium, & captae demum Ge-  
 nuæ nuncium expectabant. At Spinula qui maritimo negotio intentus,  
 quibus nam modis hostes inuaderet, vigilanter agitabat, per exploratores  
 30 comperit, hostium classem haud magno discrimine posse deleri, si Galli vno  
 tempore terra marique inuaderentur. Quod paruam admodum manum quae  
 classi atque oppido praesidio foret, Galli reliquerant, quum ipsis Genuam ob-  
 sidentibus nihil tale vnquam ausuros hostes putarent. Nec mora Adurnios  
 fratres eius consilij participes facit, suadet ut magno ausu vnus noctis opera  
 bellum conficere velint: cuncta prospera pollicetur, si ad fallendum vtrunque  
 hostem & summo silentio, & singulari celeritate vterentur. Re comprobata,  
 Ioannes Adurnius & Aloysius Fliscus, quos idem locus superioris victoriae  
 felicitate insignis plurimum excitabat, sexcentos veteranos, & subitarias co-  
 hortis duas classi imponunt, soluuntque e Genuæ portu de prima vigilia: &  
 40 Rapallum littoralis auræ beneficio peruehuntur, ea enim noctu maximè ad  
 cursum in quam volueris partem dirigendum, certo velorum flexu semper  
 excipitur: Tantaque felicitate ad nauigatum est, ut nulla eius profectionis fa-  
 ma, tot speculis totque etiam exploratoribus ea littora obseruantibus, in ca-  
 stra peruenerit. Iam caelum inalbescebat, quum Adurnius & Fliscus milites  
 in terram exponunt actuarijs vti nauigijs, magnarumque praesertim nauium  
 scaphis, & Rapallum oppugnare adoriuntur. Fit magna & in classe & in op-



pido, ut in re admodum repentina, concursatio, clamore sublato praelium in  
 aditu oppidi committitur. ægrè impetum Galli sustinent: acriter tamen repu-  
 gnant. Spinula cohortandis remigibus intentus, maxima vi aduersis proris  
 in hostium classem inuehitur. Iuuat nauticus clamor oppidum à terra oppu-  
 gnantes: contra illi alacritate pugnandi nauales socios accendunt. Dimica-  
 tur vtrinque summa contentione. Cæterum terrestres copiae stratis hostibus  
 oppidum irrumpunt, & nauales socij Gallorum triremibus potiuntur. Mio-  
 lanus classis præfectus, & Stephanus Vincius quæstoria dignitate insignis  
 protinus se dedunt, cæteri ad vnum paucis interfectis capiuntur. Videre e-  
 rat in hostium nauigijs, ex Neapolitana præda regalis apparatus, cubiculorum  
 abacorumque ornamenta, aulæ picti operis, intertextas auro lectorum stragu-  
 las, & plurimam vestem sericam nobilissimis Scythicarum Martarum pelli-  
 bus suffultam. Itemque armorum tormentorumque ingentem copiam, quæ  
 omnia singulari ducum æquitate militibus cesserunt. Ea ubi per milites fu-  
 ga elapsos Gallicis in castris ad Genuam nunciata sunt, Bressius & cardinales  
 nihil sibi amplius expectandum rati, collectis repente nec cōclamaris quidem  
 vasis, discessere, superatisque Pinnimontis culminibus in Pociferam vallem  
 descendere: ea tamen constantia atque ordine, quum properarent iter fecerunt,  
 ut agrestes plurimos, qui temerè prædantium more è proximis vicis montibus  
 decurrerant, conuersa acie, atque impetu facto passim interfecerint: in-  
 deque incolumes per transuersos montes in Astensem agrum se receperint. Fe-  
 runt Augustinum Adurnium qui Genuæ præerat, magnè eo die potiunde no-  
 bilis victoriæ occasionem segniter amisisse, quod patefactis repente portis in ab-  
 cunctes Gallos omnem militum ac urbanæ plebis turbam erumpere minimè  
 permisisset. Cuius rei consilium fortasse improbandum videri posset, nisi vir  
 cautus, & incertum Fortunæ euentum reformidans, absente fratre, ipsoque  
 præsertim cum militum robore, inconditam paganorum multitudinem vete-  
 ranis hostibus obijcere dubitasset. At Vitellij qui iam non longè à Rapallo  
 supra Segestam peruenerant, de Tarrensi pugna, & de prælii naualis euentu,  
 deque Bressij & Cardinalium fuga vno simul tempore certius cognoscunt.  
 Quibus nuncijs perculsi retro agmen vertere constituunt, ut in Lucensem a-  
 grum reuertantur. Sed dum in vnum de itinere consultant, superuenit agre-  
 stium Ligurum ingens multitudo: itinera obsidentur: expediti Ligures è su-  
 perioribus cautibus saxa sagittasque ingerunt: nonnunquam ex propinquo  
 protecti scutis hastilia iaculantur. Equitibus iniquissimis in locis difficilis re-  
 ceptus datur. Paulus nihil animo perturbatus, Vitellocium fratrem in fron-  
 te constituit: ipse in tergo ad cogendum agmen, ubi plus discriminis erat, cō-  
 sistit, confertos densatosque iter facere iubet: cominus agmen laceßere auden-  
 tes facile summouet aut interficit. Montani nihilominus instare, circumfun-  
 di, sublati clamoribus vndique premere, iter maximè demorari, aliquos sagit-  
 tis, plures vero lapidibus vulnerare. Tandem ad Brachimontis angustias per-  
 ueniunt. Pugnatur ibi acriter, Vitelliani tamen multis vtrinque acceptis vul-  
 neribus fortiter euadunt. Is dies equis ac viris longè grauissimus fuit: quoniam  
 tanta erat agrestium multitudo, quum alij post alios ex proximis pagis ad præ-  
 sentis prædæ famam euocati, in viam sese effunderent, ut neque viris neque  
 iumentis vlla requies daretur. Peruenit tamen equitatus incolumis in quan-  
 dam planiciem non longè à Borgeti vici finibus, in qua tum primum equi, quos  
 ferme



fermè omnes loris trahebant, magno esse vsui posse videbantur. Hac re animaduersa Paulus milites admonet, ut fugam simulent, Ligures in æquum locum eliciant, & mox cōuersis equis incautè persequentes & dispersos adorianur. Sed ad recipiendas vires ut tantisper consistent, & in orbem conglobati lentè admodum pugnent, opportunè præcipit. erant enim duorum fermè dierum inedia, siti, vigilijs, caloribus, & continuo demum pugnae abruptique itineris labore vehementissimè fatigati. Nec multò post veluti soluto consilio, ut in vltima rerum desperatione fieri solet, salutem sibi fuga quarere simulant. Id conspicati Ligures qui paulo antè neque ex propinquo dimicare, neque intra sagittæ iactum metu balistariorum progredi audebant, hac veluti fuga & timore hostium audaciores facti, continenti cursu per eam planiciem eos persequuntur. Tum verò Paulus: Hos inquit latrones quo depoposcimus lato loco tenemus, urgete acriter equos, ac in eos quammaximè crudeliter agite, ut tandem præclarè vlti iniurias, hac importuna insidiosæ gentis multitudine liberemur. Igitur dato signo cataphracti abiectis ocreis ac humeralibus, ut expeditius pugnarent in equos insiliunt. Levis equitatus tensis balistis, ac infestis hastis conuertitur: omnes vno tempore montanos temerè procurrentes inuadunt: eos faciliè dissipant, & cum magna cæde prosternunt: cæteri per asperos montes se fugæ celeriter mandant. Post id factum Paulus pacatiora itinera reperit, & per Lucensem agrum Pisas se recepit. Eodem tempore, & quod maximè admirandum videtur, ipso etiam die, Nonis Iulij, quum pridie quoque ad Tarrum esset dimicatum, & Gallica classis ad Rapallum capta, & Ferdinandus vrbe Neapoli incredibili ciuium studio receptus est. Post Caroli siquidem discessum, Neapolitani suo pte ingenio nouitate regum, & rerum conmmutatione gaudentes, quum Gallos iam planè fastidirent, ad Aragonios rursus animos inclinarent. Nam uti quisque equum insignem domi habebat, Galli eum tanquam ex Aragonijs stabulis abductum imperiosè repetebant, hospitabanturque vltro apud priuatos ciues, quum semel hospitiorum magistri domorum foribus Galli hospitis nomen præscripsissent: Quibus admodum graues ac molesti erant: quoniam gens iracunda, sæpeque insolens, & in parando victu cum ex suo, tum ex alieno admodum prodiga, apud Neapolitanos frugi homines, ac amœnitatis & munditiarum maximè studiosos cuncta perturbabant atque foedabant. Plerique etiam assueti aulae regiae orbarum rege principe ciuitatem, atque omni pristino decore spoliata aegre ferebant. quod postquam Carolus, qui cunctos & præsertim opifices pecunia in omnes sumptus largissimè profusa locupletes effecerat, Neapoli discessisset, durioribus præfectis perpetuo seruituri viderentur. Quibus de rebus per veteres clientes suos & quosdam nobiles Aragonij nominis studiosos Ferdinandus certior factus, ab Aenaria insula cum rostratis nauibus Messanam adnauigauit, cohortantibus Alexandro Pontifice, & Ascanio auunculo Cardinale: qui cum tanta indole in spem recuperandi regni erectum, vehementi studio magnisque opibus egregiè subleuabant: monebantque tum maximè, ut eò traicere maturaret, postquam Consalius tanti apud Hispanos nominis imperator, ad eum in regnum ac patriam redicendum, ab Hispania cum regijs auxilijs in Siciliam peruenisset. Ferdinandus regio more sub vmbella serica singulari Mamertinorum benignitate susceptus,



cum ipso statim Consaluo, quibus nam rationibus gerendum bellum foret, consultauit: accepitque pecuniam ab Alfonso patre, qui è Mazara videndi filij Federicique fratris studio, Messanam se contulerat. Is erat lugubri indutus veste, capilloque in sacerdotis morem circumtonso, oculis deiectis, atque animo ad diuinarum rerum contemplationem penitus abstracto: sic ut humanis omnibus curis, ipsisque pariter voluptatibus, quibus antea luxuriose studuerat, renunciasse videretur. Nec multo post Ferdinandus atque Consaluus septingentis circiter equitibus, & peditum Hispanorum, & Siculorum quinque milibus in naues impositis, è Messana superato freto Rhegium trañciunt: statim expositis copijs tormentisque prolatis, urbem oppugnare adoriuntur. Rhagini, qui ab exiguo Gallorum præsidio, quo minus saluti fortunisque suis cauerent, vel studium suum in tempore erga regem nudarent, minimè deterrebantur, refugientibus in arcem Gallis, portas aperuerunt. Arx quoque triduo post magna vi oppugnata, ac demum fabri cuiusdam lignarij prodicione, dum acriter certaretur, capta: Galli que ferme omnes à muro præcipitati, quòd de deditione, dum coeptas perficerent munitiones, simulanter egissent: ludificati que diu crebris colloquijs regem, aliquot demum milites incautè ante arcem obuersatos, tormentis repente emissis interfecissent. Rhegio recepto Ferdinandus Federicum patrum cum tribus rostratis nauibus in Apuliam misit, ut cum Grimano Venetæ classis præfecto, Cæsareque Aragonio, & Camillo Pandonio (is enim à Baiazete redierat) aduersus Gallos bellum administraret. Grimanus viginti quatuor triremibus, & quinque onerarijs, in quibus plures erant Græci equites è Corcyra nuper aduecti, è Brundusino portu eductis, ad oppugnandam Monopolim contenderat. Ea vrbs ex veteris Aegnatix ruinis creuit: tenebaturque tum satis valido Gallorum præsidio: nec Monopolitani à Gallorum consilijs dissentiebant, quum in factiosa ciuitate alij, qui ab Aragonijs deficiendi authores fuerant, fortiter resistere vellent: alij porro contra, ne hiscere quidem auderent, ne prius à Gallis inimicisque domesticis, quàm ab externo hoste, qui vniuersis vim inferebat, opprimerentur. Igitur Grimanus, ubi eos neque spe optimarum conditionum, neque vllò periculi metu permoueri videt, terra marique urbem aggreditur, admotis triremium proris, in quibus ingentia tormenta erant collocata, magna vi murum quatit. Summa moenia deiectis pinnis, magna que propugnatorum strage edita, defensoribus nudantur, ab inferiore tamen muri parte Galli resistunt. Petrus Bembus nobilis trierarchus serpentinx ictu interficitur, plerique alij cadunt. Tum verò Grimanus ira accensus, postquam inquit Monopolitani Gallorum serui potius quàm liberi esse volunt, obstinatis pereant animis, vosque milites suis fortunis opulentos reddant: statimque urbem prædæ militibus concedi, si eam egregiè caperent per præconem tota acie pronunciari iussit. Nec mora milites certis veluti præmijs excitati, summa alacritate murum subeunt, pars scalis, pars hastis connixi, subleuati que aliorum humeris in urbem transcendunt. multi ex Gallis Monopolitanisque cæduntur, cæteri proiectis armis se dedunt. Vrbs diripitur, vixque templa, in quæ foeminae puerique confugerant, summo Grimani labore à militum libidine atque avaritia defenduntur. At Pandonius apud Brundisium dispari fortuna cum Asparra bellum gerebat. nam quum plura oppida eius agri Gallis ademisset, & in prospero rerum cursu versaretur,

excur-



excursionem ad Misagnam vicum facta, à vilissimo aratore vir nobilissimus est  
 interfectus. Sed Asparra triduo post idem prope vitæ periculum adiit. nam  
 Pandonio eodem & hoste simul & æmulo sublato, quod illum Iapygiæ A-  
 puliæ præsidem designatum audierat, dum alacrius & incutius per ea lo-  
 ca vagaretur, ab equitatu Aragonio interceptus est. Nec multo post Cæ-  
 sar Aragonius copias quas habebat collectitias in Tarentinum agrum ad-  
 duxit, & Grimanus & Federicus superato Iapygio promontorio in Ta-  
 rentinum sinum cum vniuersa classe deflexerunt, spe eius vrbis per prodii-  
 tionem potiundæ. Verum quum appropinquando ac sese terra marique  
 10 his qui res novas molituri dicebantur ostentando, Tarentinorum volun-  
 tatis frustra periculum fecissent, essentque à Gallis, & ab arce, & à portu  
 vehementer tormentis oppugnati, conuersis velis Leucopetram alterum ex-  
 tremæ Italiæ promontorium superarunt: & subsidio Neapolitanis rebus (id  
 maxime postulante Ferdinando) profecti sunt. Per eos quoque dies Caietani à Gallis defecerunt. Verum ea res adeo funestum habuit euentum, ut  
 cæteros, quo minus id temerè auderent, deterruisse miserabili exitu videren-  
 tur. Sub id enim tempus quo Carolus Neapoli profectus est, Galli ad ex-  
 ornandas triremes pecuniam Caietanis imperarant: & ijs maxime nomina-  
 tim, quos Aragonijs rebus vetere quodam eius factionis studio fauere intel-  
 20 ligebant. Ea res omnium propè ciuium animos vehementer commouit,  
 qui non modo Gallos nouis oneribus minime prægrauaturos ciuitatē, sed a-  
 liquid etiam de antiquis vectigalibus liberaliter remissuros arbitrabantur:  
 vti omnium ferme populorum mos est, qui quum præsentia semper fasti-  
 diant, & noua temerè exoptent, intempestiuæ cupiditatis poenas sæpius per-  
 solunt. Igitur Caietani inopiam accusare, testari ciuitatem publicè ac pri-  
 uatim veteribus tributis nouisque sumptibus exhaustam, ac demum orare  
 Gallos, ne quam opinionem de Gallici imperij lenitate omnes concepis-  
 sent, eam acerbissimo iniuriæ genere fallerent penitus, vel omnino macu-  
 larent. At Galli quos Belcarius quæstorum magister ad pecuniam exigen-  
 30 dam miserat, quum aperte imperium detrectantes cogendi potius quam ad-  
 hortandi viderentur, de capiendis his qui maxime recusarent, custodiæque  
 tradendis, consilium inierunt. Sed dum Galli vim parant, Caietani à foemi-  
 na quadam, quæ per fenestram sermones exceperat, de ea re celeriter admo-  
 nentur. Quibus cognitis, & ex vultu Gallorum facile deprehensis, arma ca-  
 piunt: Aragonium nomen inclamant: concursuque totius populi ad tem-  
 plum maximum facto, quod tum fortè supplicationes solenni pompa cir-  
 cumuallato Dei Christi corpore ducebantur, Gallos in arcem compellunt.  
 Eadem die oratores ad Rodericum Monterisij oppidi regulum, Alfonsi Da-  
 uali fratrem, quem Aenariæ insulæ atque oppido Isclæ, Ferdinandus præ-  
 40 sidio reliquerat, naue speculatoria mittuntur ad petenda auxilia, quibus se  
 ab iniuria Gallorum tueantur. Monterisius collaudatis Caietanis, biduo post  
 trecentos ferme Cantabros, duce Maorio viro peracri, & in re militari  
 terra marique admodum exercitato, duabus carauellis imposuit, quod est  
 nauigij genus ad omnem tempestatis vel longinquæ nauigationis contu-  
 meliam perferendam maxime idoneum: & secundo perflante vento Cai-  
 etam transmisit. Ex aduerso Mompenserijs atque Belcarius Neapo-  
 li Caietanorum defectione nunciata, ut eos à quibus initium rebellandi



natum erat, quamprimum opprimerent, classem quinque onerariarum & quatuor triremium pararunt: in qua Gratianus Guerra cum octingentis militibus fuit: Ioannemque Columnam cardinalem Prosperi fratrem, qui in Fundano erat agro, monuerunt, ut quantas maximè illis in locis copias posset, ex templo cogeret, atque eas ad constitutam diem dum ipsi à mari urbem oppugnarent, terrestri itinere Caietam adduceret. Nec multò post Gratianus idoneum nactus ventum Caietam peruenit, & Rocabertinum natione Hispanum cum trecentis peditibus equitum more thoracatis & galeatis non longè à portu in terram exposuit, iussitque ut in arcem, quæ in edito monte sita difficili per angustoque ascensu & saxeis gradibus aditur, protinus euaderent. Interim cardinalis Columna, qui cum magna manu militum, & paganorum ad portam accesserat, hortari Caietanos cœpit, ut arma ponere, redire ad officium ac suæ demum salutis, & omnium fortunis consulere vellent, se eam apud Gallos obtinere auctoritatem, tantis præsertim in eorum auxilium copiis adductis, ut eius inconsultæ rebellionis veniam facile possit impetrare. Caietani qui sicuti temerè defecerant, ita & insana obstinatione constantes videri volebant, responderunt, se nequaquam Gallorum minas timere, paratosque esse operibus ostendere, quibus animis superbam gentem oderint, quæ adeo auare imperare cœpisset: quòque studio Aragoniorum nomen colerent, quorum lene imperium veræ libertati persimile sexaginta amplius annos expectati essent. Itaque dirempto colloquio, & significatione vndique facta, cardinalis muro succedit. Gratianus ex alto plenis velis portum inuehitur, & ab arce armati per decliua in urbem descendunt: committitur summis in ædificiis cædes: superioraque urbis ab his quos Rocabertinus deducebat, & plana simul circa portum à classiarijs puncto temporis occupantur. Passim ferox dictis populus, factis autem imbellis, & subito timore consternatus crudelissimè trucidatur. magna pars civium, qui erumpere aduersus Columnios decreuerant, apertis portis, & proiectis in terram armis, benigne eos excipiente cardinale, incolumis euasit. Maorius pariter cum Cantabris suis diu in platea cum hoste præliatus, in contiguam muro & portui domum se recepit: multisque suorum amissis, & pluribus vulneratis, è summa muri parte in subiectas carauellas saltu se deiecit, & admiranda usus animi fortitudine, expansis subito velis valido fretus aquilone per mediam Gallorum classem erupit. neque triemes, quanquam incitato maximè remigio sequerentur fugientem consequi potuerunt, ad multum tamen spatium continenti cursu ab utrisque pugnatum est, quum Galli à proris in puppes, & Cantaber ab ipsis puppibus in aduersas persequentium triremium proras magnorum tormentorum pilas emitteret. Cæterum cardinalis urbem celeriter ingressus, quanquam Galli nihil eius viri dignitate permoti, in ipsius complexum fugientes trucidarent, nonnullis etiam in templis apud aras iugulatis, plures tamen conseruauit, honestasque aliquot fœminas, quarum pudori sollicitè studebat, è manibus Gallorum eripuit: conclusasque in amplissimam domum, appositæque custodia tutatus est. Verum tota urbe cuncta crudelitatis, auaritiæ atque libidinis à Barbaris exempla edita sunt. multæ nanque virgines violatæ, & vni ante alias è nobili Laudatorum familia, dum inuadenti Gallo viriliter resisteret, manus præcisæ: duæque aliæ in vltima constantia iugulatæ. Viri omnis ordinis ætatisque quadringenti



genti fermè occisi: tēpla omnia cunctis veteribus donarijs expoliata: quæ tanta fuere, vt neque pretiosa, neque plura vrbs ipsa Neapolis habere diceretur. Ea enim multis ante seculis incolarum ac nauigantium pietate accumulata fuerant, dum Caieta, ante iactam molem apud Neapolim, ab ipsa tutissimi portus commoditate, veluti totius oræ emporium magna hominum frequentia & opibus maximè floreret. Ea omnia biduo post adueniens Belcarius, vt in recensenda præda quæstorio munere fungeretur, vix relictis sanctorum ossibus atque reliquijs quæ oculis includebantur, in Galliam asportauit: Ita vt eius iussu postea apud Insulam oppidum prope Ararim aurea argenteaque donaria, 10 nefando auaritiæ genere in scyphos & pateras conflarentur. Hæc erant, præter vasa altaribus dicata, statuæ paruæ, simulachra periculorum, ac nauium imagines, omniumque humanorum membrorum effigies, sicuti ea religiosi mortales, voto pro salute suscepto, Dijs benemerentibus exoluerant. Narrare solent Caietani, eos qui manus sacris donarijs polluisent, in extremas misérias Deorum ira fuisse præcipitados. Nauis quoque oneraria Caietanis onusta spolijs, quæ confecto bello in Galliam iter habebat, apud Circeos naufragio perijt, fractaque penitus, atque eiecta in litus circumiectos populos ditauit. Dum hæc ad Caietam, & ad Monopolim atque Brundisium in Apulia geruntur, Ferdinandus atque Consalius Rhegio in potestatem redacto, & ad famam 20 noui belli excita Brutiorum iuuentute ad sanctæ Agathæ oppidum castra promouerunt, statimque paucis ibi Gallis in deditionem acceptis, oppido potiti sunt. Horum sicuti exemplum finitimi, & desiderio regis & Gallorum rædio abducti, portas aperuere. Processum inde est ad Semenariam, Gallorumque turma quæ exploratum incautius exierat, ex itinere ab Hispanis equitibus est intercepta. Nec Semenarienses, quin extemplo recipiendus rex foret, dubitarunt. Erat in castris Marinus Corcalis Terrenouæ regulus, quem ab initio belli constanter Aragoniam fidem secutum Galli ditione expulerant: cum Ferdi- 30 nandus de se optimè meritum reducere maximè cupiebat, vt in conficiendo bello eius fortis ac fidei opera, opportunisque opibus vteretur, & sibi præsertim tutum ad classem aditum pararet: quod ad mare iter habenti, castella eius certis locorum angustijs imposita, necesse erat superare, ad quæ occupanda paulò antè Alonsum Daualum misisset. Villamarinus enim classis prefectus in portum Herculis, qui hodie Tropea dicitur, peruenerat, atque ibi terrestris conatus euentum, & quid Ferdinandus, et Consalius fieri iuberent, fidei in oppido, & tuta maximè in statione opperiebatur. Decreuerant siquidem, superiore Brutiorum regione recepta præsidijque firmata, nauibus exercitum imponere, & primo quoque tempore Neapolim proficisci: quoniam rebellasse Caietanos, & in agro Romano, Alexandri VI. pontificis Ascanijque pecunia, copias parari ad præcludendas Sancti Germani 40 saltus angustias audiebant: sperabantque Neapolitanos egregia erga se voluntate res nouas primo statim aduentu opportunè molituros. His cognitis rebus Obigninus qui Brutijs præerat, Persium Alegriæ fratrem, finibus Lucanorum euocauit, ac ex omnib. oppidis eius agri præsidia deduxit, coactisque Terrenouæ copijs, priusquàm hostes de Persui aduentu cognoscerent, ad Semenariam profectus est, eo consilio, vt cum Ferdinando quamprimùm confligeret: vel si ille Semenariæ mœnibus teneretur, neque aperto campo se committere vel dimi-



care auderet, veluti victor expressa hostibus ignavia reuerteretur. quod ad populos in officio continendos plurimum conducere iudicabat: præsertim quum ex Campania Apuliaque & Pelignis conuentura sibi auxilia intra paucos dies existimaret. At Ferdinandus qui nondum de Persiui aduentu cognouerat, & de Obignini copijs quæ pertenuēs erant, à speculatoribus certior erat factus, quin oppido copias educeret, & aduentanti hosti obuiam iret, minimè dubitauit. Quoniam quicquid nouę existimationis & gratiæ, audendo, & fortunam egregia virtute experiendo paulo antè collegisset, vna scēde obsidionis conclusionis infamia conceptiq; timoris dedecore, si oppido se contineret amissurus esse videbatur. Consaluuus, cuius animo ea vis exactæ prudentiæ inerat, quapo-  
19 stea cæteros ferè omnes nostræ ætatis duces superauit, monere iuuenem recuperandi regni pariter & parandæ laudis audum cœpit, atque obtestari, ne prius oppido exiret, quàm certius de hostium consilio ac viribus cognosceret. Ea satis decora esse consilia quæ dubijs rebus securitatem promitterent, illa vero longè turpissima atque miserrima, quæ ab ipsa temeritate, dum inanem animi vigorem ostentamus, omnes summæ rei conceptęque demum victoriæ rationes conturbare consueuissent. Ergo inquit Ferdinandus, pari qua regnum amissimus ignavia, nobis illud erit recuperandum: nec quam sedendo abstinendoque a prælijs in Æmilia & in Campania aduersam sensimus fortunam, eam nunc in tam prosperis cœptis agendo audendoque experiemur? Quali  
29 initia bellorum maximum in reliquos successus momentum non habebant, & quæ audacter cœperis, nisi ea perficere fortiter pergas, scēdum ac infelicem exitum minimè sortiantur? Aderit audentibus Fortuna Consalue, quæ hæcenus pro Gallis stetit, quum iam cœptis arrideat nostris, nec quos vltro ad victoriam vocat, vnquam deseret, nisi ipsam ignobili cunctatione defera-  
mus. Videamus aliquando Gallorum ora, quos sola & ea quidem inanis fama terribiles fecit: & strenuè nostras atque alienas vires collato pede experiamur. Peditatu & equitatu, hominumque studijs, et ipso denique Fortunæ fauore superiores sumus, neque de vestra virtute erit dubitandum. Quis enim vestrum fuerit, qui si singulari certamine erit depugnandum, suum sibi Gallum  
39 vel Germanum hostem lætus non deposcat, & egregie protinus non obtruncet? Ego certè quem primum in acie armis insignem conspexero, primus ante alios intentam hastam audacter inuadam, felicique ausu vobis præbebo exemplū, vt eodem ardore irruentes celerem de temulento hoste victoriam paribus animis referatis. Erant in consilio plerique viri illustres, qui postea ad summam reibellicæ laudem peruenerunt, Andreas Altauilla è pernobili Capuana familia, Vgo Cardonius, Theodorus Triuultius, præterea ex Hispanis Emanuel Benauidius, Petrus Paceus, Alberadus, & Pennalosa: qui quum prælio decertare magnopere cuperent, Consaluum orabant, vt militum virtuti diffidere nollet, strenuamque se operam nauaturos pollicendo, Ferdinandum vt signa  
49 portis efferri iuberet, hortabantur. Semenaria edito loco posita est, pertinentque perpetui colles ab oppido ad modicam vallem, quæ humili vado flumen emittit: ab ea patentes campi initium habent, in quos Galli à Terranoua processerant. Ferdinandus per colles agmen duxit: & confectis tribus passuum milibus ad amnem peruenit, collocatisque ad læuam peditibus citiore in ripa, & toto equitatu in dextram ad alæ similitudinem exporrecto, vt hostes amnē transirent, expectabat. Ex aduerso Obigninus atque Persiuus, Heluetios in v-  
in ters



nam densatos phalangē, hostium peditibus opponunt. Brutiorum cohortes in tergo tanquam subsidiarias collocant: partiunturque inter se equites. erant ſi cataphracti paulo minus quadringenti: & more Gallico levis armaturæ bis totidem: quadratoque agmine transgressi amnem in hostes feruntur. Id conspicati equites Hispani concitatis equis alacriter procurrerunt: & quum armis viribusque impares cataphractorum confertam aciem loco pellere nequirent, clamore edito flectere equos, & ad suos per gyrum Hispanico quodam pugne genere redire cœperunt. Ea res & peditibus Aragoniis animos fregit, quum suos ab hoste pulsos refugere putarent, & Gallos pariter ad incumbendum incitavit: ita ut Obigninus a dextra & Persius a læua ex subsidiis cum ala sua in pedestrem aciem acriter inuecti, eam totam penè prius quam Helueti a fronte hastas inclinarent, perturbarint, & compluribus eorum stratis penitus dissiparint. Ferdinandus frustra suos, ut in pugnam redirent cohortatus, cum familiaribus cataphractis strenui equitis more, in hostes incurrit, in aduersoque insignis Galli pectore lanceam perfregit: & protinus, quum hostium multitudine obrueretur, in fugam se coniecit. Fugientem cristis auratisque armis conspicuum multi sunt persecuti: sed nemine eius cursum adæquante, lapsu equi in arctas concisæ viæ angustias præcipitatur. Nec multum inde Galli aberant, quum desuper equo resupinato, stapedis ac lunatis ephippii cornibus implicito, summoque in vitæ periculo laboranti, Ioannes Andreæ Altauillæ frater auxilio superuenit, & memorabili charitate equum obtulit, quo ipse perniciosissimo ad salutem utebatur. In eum Ferdinandus, uti erat desultoriæ artis peritia mirè agilis, quanquam grauibus contactus armis esset, statim insiliens, e manibus Gallorum euolauit. Ipse autem Altauilla in pedes destitutus, paulo post ab hostibus est interfectus. Obigninus magna parte peditum cæsa non longè ab eo loco consedit, ita ut victoria uti nesciuisset diceretur, quod nec tot illustres viros, in quibus etiam erat Ludouicus Aragonius Cardinalis, fuisset persecutus, nec ad Semenariam victorem exercitum protinus adduxisset. Quo spatio & illi cum rege varijs itineribus, incolumes ad classem peruenierunt: et Consalius oppidum ingressus impedimenta, & preciosiorem omnem apparatus asportauit, Rheimumque nequicquam postea persequentibus Gallis se recepit. Eo prælio re infelicitè gesta, secus atque alijs accidit, Consalius eximiæ prudentiæ laudem tulit, quod suis alienisque viribus rectè admodum æstimatis, nihil temerè audendum esse iudicasset. Apparuit namque Hispanos equites cum Gallis cataphractis minimè esse conferendos, utebantur enim eo tempore plerique eorum pro galea linteis tegumentis, scutisque planis e cocto corio, & a summo in imum tuncatis: item gladio breui, hastasque subtili fraxinea, lato præfixa ferro, quæ ad medium comprehensa, erigendo sese ab ephippiis, hemicyclisq; ferreis quos pedibus induunt, hi stapede vulgò appellantur, veluti ex alto ictus inferebant.

40 inermi quidem lethales, sed armato penitus contemnendos. Ipsi quoque pedites Siculi et Hispani Brutique, pro hastis denum pedum, & his quidem crassioribus atque fraxineis, quibus Helueti utuntur, exiles & breues equestribus similes, quas gianettas dicunt, gestabant: vel hastilibus latæ cuspidis & scuto rotundo, cuius nullus apud Germanos vel Gallos est usus, instruebantur. Quæ omnia demum Italus & Hispanus miles, factò sæpius infelici periculo, penitus abiecit: & quæ ab Heluetis atque Germanis mutuatus est, aliqua solerter addendo, in meliorem atque habiliorem formam coaptauit. At Ferdinandus rā-



to accepto incommodo, quanquam, à summa spe ad extremam rerum desperationem puncto temporis erat redactus, nihil tamen sese animo demittere: eodem propè ac si vicisset, spiritus gerere, queri tantum se sua opinione deceptum, ac nihil de Fortuna dubitare, quæ iam pluribus ostentis, maturum in regnum patriamque reditum omnino despondisset. Inerat enim eius animo fiducia quædam fato potius quàm ullis humanis innixa rationibus: adeo ut cuncta quæ amicorum animis obuersabantur, pericula despiceret, ac si non modo ciues, sed & Deos quoque ipsos terra marique præsentis numine ad futuros arbitraretur. Nec spes, quanquam temerè concepta, rem extremæ difficultatis atque dementiæ aggredi ausum fefellit. Superato nanque freto, et collectis Mef-<sup>10</sup> sanæ circiter septuaginta nauibus, in quas perpauci præter ipsos nautas milites erant, secundissimis vsus ventis Neapolim peruectus est, penè priusquam certior fama de prælio ad Semenariam facto in urbem perueniret. Tum vero Galli pariter ac ciuium omnis multitudo ad portus molem effundi, editiora loca ad spectandum occupare: alij ad ingentis classis speciem metu terri, alij gaudio exultare, uti quisque Andegauenses vel Aragonias partes nouo aut vetere studio sectabatur. Appropinquabant enim leni perflante Euro excelsæ naues tumentibus velis, veluti congressuræ cum Gallica classe: quæ nauium genere apparatuque & milite classiario superior, Aragonias facile profligare potuisset, nisi Galli numero nauium deterriti, quum eas om-<sup>20</sup> nes militibus plenas, & ad pugnam instructas crederent, portu sese continuissent. Ferdinandus præter ostium Sebeti amnis ad id litus, vbi Diuæ Magdalenæ templum, & veterum regum magnifici operis equilia visuntur, classem deflexit: ut amicis coniuratisque ad nouandas res animos adderet, sic ut in terram protinus, quum opus foret, ad ferendum auxilium descensurus esse videretur. Plerique eum enim frequentibus literis euocarant: pollicitique fuerant se constanter, quum in conspectum vrbis veniret, arma capturos, atque occupata repente porta aduenientem in urbem esse recepturos. In ijs fuere Andreas Genarius, Albericus Caraffa, Ioannes Cicinellus, & Cola Brancacius, quorum consilij participes erant Sangrii, Pignatelli que iuuenes, ipseque Actius Synce-<sup>30</sup> rus non minus fide, quàm carminum gloria insignis. Verum quum Galli ad primum statim classis conspectum impigrè arma cepissent, & sub signis tota vrbe discurrerent, nemo omnium fuit, qui sit ausus quicquam aduersus Gal- lum aperte moliri, vel omnino vocem emittere, qua populus ad arma vocaretur. Accidit enim plerunque, ut homines ea consilia, quæ alacri motu summoque animi vigore ante discrimen inierint, ea demum in præsentis periculo, quum facto maximè opus est, timidissimè reformident. Ferdinandus quum diu ab vrbe tumultum aliquem motumque ciuium nequicquam expectasset: & ab Alegria, qui ad Magdalenam validam equitum & peditum manum adduxerat, non modo terra prohiberetur, sed è littore tormentis op-<sup>40</sup> pugnaretur: ad Nysitham insulam contra Pausilypum classem reduxit: tota tamen nocte è nauibus pariter & è littore, missilibus atque tormentis certatum est. In vrbe vero Mompenserius & Salernitanus, dispositis vbique præsidijs, et ciuibus limine se tenere, facesque & lumina è fenestris proponere iussis, omnes regiones obequitarunt. Interim Mercurianus insignis audaciæ centurio, è classe in urbem ad Aragonios occultè peruenit. Qui timidos socordiæ castigando, confirmando dubios, & valida in classe auxilia esse prædicando, ea nocte



noctem magnum opificum numerum ad arma concitauit: & ante alios Raynaldus & Caymus Grandilli fratres in partes pertrahuntur: qui vti erant manu prompti & seditiosi, apud sicarios ac lenones fori incolas, maximam auctoritatem obtinebant. Mompenserius qui aliquam nocturni tumultus procellam timebat, totam noctem in armis egit: quoniam per Andegauenses fiebat certior parari arma ab Aragoniis, conciliabula passim iniri, & denique multorum nobilium aduersæ præsertim factionis, domos armatis compleri, intentosque omnium animos esse, ac nouarum rerum motum expectare. Quibus adductus rumoribus, quos maximè suspectos habebat, comprehendere cogitauit. Verum aduersante Salernitano ac deprecante, ne temerè tumultus, quem maximè vitandum censebat, si vim magnis domibus adhiberet, protinus excitaretur, ab his consilijs abstinuit. Non multò post tamen missus est ad Marculianum quærendum comprehendendumque Titus Beretarius prætor cum circitore armataque familia, quod nihil eos, qui in vrbe primarij erant pro ignobili facinorosoque homine ausuros esse putabat. Sed secus accidit: nam vbi prætor, in albescente cælo, cum turba officialium apparitorumque in forum prælatis magistratus insignibus comparuit, extemplo omnes, quum se quisque conscientia scelerum, & nouæ coniurationis suspitione ad supplicium peti existimaret, arma cæperunt. neque defuere, qui vexillum Aragonium, quod quidam sub toga conditum repente extulerat, hastæque præfixerat continuo sequerentur, omnesque Ferdinandi nomen ingeminarent. Ioannes quoque Spinellus ante alios Aragonie gentis insigne in stragula lanea acu perpicuum, perticæ induit, & è fenestra transeuntibus spectandum magna omnium alacritate proposuit. Prætor in eo armorum strepitu in fugam conijcitur: Galli obuiam facti trucidantur: vocatur ad arma populus sonitu campaniæ æris è Laurentiana sacra turre, in quam Mercurianus ascenderat: maximusque momento temporis exoritur tumultus, armata plebs ad prætorianam domum concurrat: carceres effringuntur: suppellex omnis prætoria, librique publicarum rationum in quos maleficorum damnatorumque nomina erant descripta ad abolendam criminum memoriam discerpuntur. Domus quoque publica, vbi vectigal exigitur, ingenti copia omnis generis mercimonij referta, eodem auidæ plebis impetu direpta est. Caietani quidam aliquot nacti Gallos, qui in templum confugerant, crudeliter interfecerunt, adeo vt exempta morientibus corda immani quadam rabie præ ira ac dolore acceptæ calamitatis dentibus admouerent. Dum hæc in foro geruntur, Grandilli frates ad Carmelitana portam aduolantes eam occupant: & Alegriam qui ad Magdalenam ea littora tuebatur, vrbe excludunt, confestimque è summa Carmelitani cœnobij turre circumducto linteo vexillo, regi vt redeat, & celeriter littori adigant naues, significant. Abscefferat enim ille paulò ante desperato introitu mceroris plenus: quod detectam esse coniurationem, & amicos beneuolosque suos à Gallis oppressos arbitrabatur. Peruenit quoque ad classem expedito peruectus lembo quidam è plebe nomine Monachus, qui Ferdinando optatissimè de tumultu exorto, & ciuitatis incredibili erga eum studio nuncium attulit, statimque ipse conuersis triremibus in littus exiit, & in urbem receptus est, tanto omnium favore, vt dum certatim nobiles plebeis immisti spectandi gratulaudique gratia coirent, eum equo insidentem confertissima multitudo, im-



pulsu atque humeris in Gennarij domum intulerit. Interea Mompenferius ab arcis area, vbi Galli ad signa conuenerant, qua in forum & ad Vlmi plateam itur, instructos, armatorum ordines introduxit. Idem fecit Alegria, qui à Carmelitana repulsus porta relictisque tormentis, & petitus è muro lapidibus, magno circuitu vt urbem intraret ad arcis portam peruenerat. Sed Alegria cum suis agminibus Catalana regione in mediam fermè urbem perrexit. Commissum est magnis clamoribus atrox prælium, populo à lacriter Gallorum impetum excipiente: cui se ducem præbuerat Ioannes Montanus, qui primus ex omni nobilitate sublimis in equo & voce manuque conspicuus, Gallos acerrimè persequabatur. Dauali quoque fratres<sup>10</sup> Piscarius & Monterifius, hic aduersus Alegriam, ille contra Mompenferium cum delectis centurionibus, veteranisque aliquot militibus, vbi plurimum periculi imminere videbatur, adcurrerant. Alegriani quòd Catalana via erat angustior, non modò cominus à Neapolitanorum multitudine, verum è tectis fenestrisque domorum vulnerabantur. Mompenferius autem patientem ingressus regionem, æquiore conditione ingruentis populi impetum sustinebat, quum etiam curules paruos falcones duos adduxisset, qui in confertam hostium turbam sæpius mittebantur. Protulerant Neapolitani vinaria dolia lapidibus semiplena, quæ cylindri more in aduersos Gallos cum magno fragore & strepitu, ad terrefaciendos equos, furcis & lanceis<sup>20</sup> prouoluebant. Carris quoque in viam perductis, & his in hostes impulsis, pugnares tegebant, sclopettis sagittisque, & tum maxime lapidibus insultantes Gallos repellèbant: tantumque loci plaustris ac dolijs passim propulsis occupabant, quantum à reiecta cedenteque Gallorum acie relinquebatur. Ad extremum Galli quum iam aduersperasset, summa Aragoniorum virtute in arcis aream sunt compulsi, neque vltèrius cedentium vestigijs insistere licuit, quoniam ab arce tormenta ad exitum regionis collocata, protinus mittebantur. Ea quæ secuta est nocte, Piscarius munitiones subitarias Gallis opposuit. Sequenti verò die multa materia, & vimineis turriculis quas caueones vocant, harena repletis, aditus quosque<sup>30</sup> qui ab arcis area in urbem pertinebant, continenti totius populi labore præsepsit, fossasque idoneis locis ad concidendos aditus perduxit: ita vt iam Galli vndique clausi ac circumuallati viderentur, perforatique subinde parietes quibus ædificia separabantur, vt discurrendi per contiguas domos militibus facultas foret, & tormenta in occulto collocari ac emitti in hostes possent. Galli magnum loci ambitum quo se tenerent complexi sunt, sic vt noua arce, & ea quæ ab ouo nomen habet, & Pizafalconis castello, turæque Vicentina & sanctæ Trinitatis templo, itemque sanctæ Crucis cœnobio, regisque hortis continerentur, & aperto in loco positis vbiq; tentorijs tenderent. Erat in arcibus omnis generis commeatus copia ingens: sed<sup>40</sup> quæ tantæ multitudini minimè sufficere posse videretur: excedebant enim sex milium omnis conditionis hominum summam: nec tantus equorum numerus desperato pabulo commodè ali poterat. Quibus de causis sæpius equos ignobiles mittebant: & quum Neapolitani certatim ad prædam capiendam munitionibus euolarent, eos destinatis tormentorum ictibus, veluti per lusum interficiebant: neque cæteri vnquam temerè pereuntium exemplo, quo minus ad rapiendos equos prosilirent deterreri poterant: adeoque



que eduliorum recentium penuria creuit, ut Galli generosos equos totidem præpinguibus iuuentis permutarent. Tridui spatio perfectis munitionibus, Ferdinandus tormenta, quæ nauibus aduexerat, in minori portus mole, & in naualibus, totoque passim littore collocauit, ut Gallicam classem, quæ intra maiorem molem se tenebat, oppugnaret. Nec multo post nautis eo apparatu atque periculo territis, tota classis ipso portu celeriter expulsa est, intulitque se in id maris spatium, quod inter Oui arcem & Vicentinam turrin interiacet. Turris tamen quæ portui est imposita, & nocturnum nauigantibus præbet lumen, Gallorum præsidio tenebatur, multaque inde Aragoniis eius custodes detrimenta sagittis minoribusque tormentis inferebant. Eam Piscarius oppugnare adortus, difficili periculo-  
 10 soque certamine occupauit: Quoniam è classe circumiectisque Gallorum castellis, frequens emissa tormentis pilarum procella, oppugnantes ad aperto in loco plurimum infestabat. Galli tamen celeriter turrin, ne ea hostis tanquam propugnaculo ad oppugnandam classem vteretur, maioribus adactis tormentis diruerunt, in cuius ruderibus noctu Piscarius munitiones erexit, quarum beneficio milites & in mole tuto consisterent, & è munitionum fenestris naues in anchoris (vbi diximus) apud Oui arcem com-  
 20 morantes, directis eò colubrinis perfringerent, atque demergerent. Nec multo post Galli, quum ipsorum classis è molibus, & ijs præsertim munitionibus, quæ ad Phariæ turris ruinas erectæ erant tormentis peterentur, molem occupare, ac eam à continenti abscindere, interrupta muri parte decreuerunt. Erant enim (vbi diximus) in arce multa hominum milia: & in ijs præter ipsos duces, Mompenserium, Alegriam atque Belcarium, plerique alarum legati, signiferi, & veterani equites animi vigore & rei militaris scientia præstantes: qui singulari promptitudine nullis deterriti periculis, apud munitiones omnibus propè horis cum hostibus prælio contendebant, atque eas transgredi, & in urbem erumpere conabantur. Igitur omnibus rebus ac maximè animis ad id præparatis, scaphas triremium magnarumque nauium,  
 30 tormentis minoribus, sclopettariisque & balistariis Vasconibus complent, & superare molis brachium, ac in sinum portus deflectere iubent: aliam verò validam armatorum manum, & ante alios aliquot fortes cataphractos, qui dimissis equis grauibz coniecti armis, pedibus pugnare minimè recusabant, ab arce quum nihil minus, & præsertim eo tempore hostes timerent, repente emittunt, proposito signo, ut omnes vno tempore operam nauarent. Et illi à mari circumductis in portum actuariis nauigiis, & non ab arce perruptis hostium munitionibus fossaque subitario ponte constrata, Aragonios ingenti repentinoque impetu, & magnis clamoribus adoriuntur. Milites, Neapolitanusque simul populus ad tumultum excitati impigre arma capiunt, & se-  
 40 se omnibus vrbis regionibus ad molem effundunt: certatur summa contentione; pelluntur Aragonii, & celeriter Galli in molem euolant, vbi Germanorum cohors in statione erat. Hæc quum à fronte acriter ab armatis Gallis vrgeretur, & à tergo, & à lateribus ab ijs qui in scapharum classe erant, tormentis atque missilibz peteretur, milites sensim sese recipere, & per interiores molis gradus se demittere coacti sunt, sic ut è superiore loco Galli alabardis ac lanceis vulnera inferrent, & turbatos, locique iniquitate plurimum impeditos per scalas præcipitarent. Res erat in summo posita discrimine,



neciam planè in repentino ac tumultuosissimo prælii genere, oculis aut animo perspicere poterat, quonam modo quibusque consilijs, aut viribus periculo obuiam iretur. Nam Galli molem, portum, & munitiones ipsas, tormentaque deiecto præsidio, & pluribus præsertim è Neapolitanis crebra tormentorum emissione fœdè misereque per littus portusque spatium interfectis, occupant, & iam fabrilibus vectibus ac huiusmodi ferramentis molem, ne in eam à terra aditus foret, abrumpere coeperant, quum Piscarius laborantibus suis auxilio superuenit. Eius aduentu fuga sistitur, Germani animos recipiunt, populus spe completur, ac in pugnam redit. nec mora, eo cum ingenti scuto districtoque gladio intrepide ante alios prouolante, & 10 Hederlino impigro Germanorum centurione in aduersos hostes signiferum conuertente, prælii Fortuna commutatur. Eò quoque rex ipse cum fortissimis familiarium decurrit, ab vtrisque aduentus eius à multo cedentis acclamantisque turbæ fremitu conspicitur. Aragonij Gallos loco propellunt, connituntur vi facta per eosdem gradus: multisque trucidatis in summam molem celeriter euadunt: Quanquam multi ab omni parte tormentorum pilis sternerentur: nemoque omnium esset adeò forti constantique animo, quin terribili earum vndique incidentium violentia non maximè terreretur. Sed qui in scaphis erant, ne suos hostibus in summa molis area permistos interficerent, continuo ab emittendis tormentis abstinuerunt. In eare- 20 rum commutatione spes atque animus Gallis repente concidit: nam qui modò alacriter atque audacter occupandæ molis negotium susceperant, tantamque rem fortissimè peregerant, quum ingruentes Aragonios neque corporibus neque animis sustinerent, trepidanter de fuga consulere coeperunt. Itaque alij pugnae cadunt: ingenti saltu alij in subiectas scaphas se coniiciunt: alij ab hostibus in exterius mare præcipitantur, è quibus plures armorum pondere deprauati, vel à socijs natandi imperitis demersi pereunt: pauci ad triremes enatant. Eo prælio desiderati sunt è Gallis aliquot viri fortes: sed multo plures è Neapolitanis, qui ab initio tumultus, improviso periculo temerè ad littus ac in ipsum portum deuolarant. Marcellus quo- 30 que Columna nobilis atque impiger adolescens in facie sclopetto grauiter est vulneratus. Is dies longè omnium periculosissimus fuit: nam in ea adeo repentina Gallorum eruptione, tantaque ancipitis pugnae difficultate, Ferdinandus cum vitæ tum vrbs amittendæ incredibile discrimen adiuit, quum in eo tumultu ab aduersæ factionis hominibus, Gallicum nomen inclamaretur. Sed eius facinoris initium statim oppressum est: primusque omnium qui eam vocem sustulerat, Leonardus Blancus, in furca ad alios deterrendos laqueo strangulatus est. Galli post id factum, quum eruptionem sæpius improspere tentassent, & prolatis vndique munitionibus indies arctius atque validius conclusi esse viderentur, & iam plane ipsorum etiam confes- 40 sione circumuallati essent, ad emittenda mortaria se contulerunt. Ea sunt patuli atque ingentis oris tormenta, quæ siliceam pilam tripedalis ambitus in sublime iaciunt. Eorum pilæ quum ab alto cadunt, domorum tecta cum magna contignationum strage, ad infimas vsque testudines perforant, apertis autem in locis, & solo præsertim strato illis, ipso casus impetu perfringuntur, frustulisque in diuersa dissilientibus, obuios mortales miserabilibus plagis deformant atque interimunt. Nec interea ab tormen-



ris muralibus, quæ editioribus ac opportunis trium arcium locis erant col-  
 locata, vlllo diei noctisue tempore cessabatur. Quibus non modò milites  
 stationarij, sed vrbana plebs & scemina in tectorum subdialibus, domesti-  
 cis officijs occupatæ, à Gallis veluti per iocum ac voluptatem petebantur.  
 Monterisius Piscarij frater, dum incautius in aggere versaretur, maioris sclo-  
 petti ictu altero genu debilitatus est. Ex aduerso, Aragonij pluribus tor-  
 mentis, quæ ipsi præter naualem apparatus ex collectitio cupro Neapoli  
 confecissent, vel mutuo à Pontifice & à Liguribus accepissent, quotidie ma-  
 gna Gallis detrimenta inferebant. Nam & pontem nouæ arcis qui duce-  
 10 bat in Cittadellam, ingenti murorum ruina edita diruerant, interfecerant  
 plerosque ex occulto certis falconum ictibus: & propugnacula demum i-  
 psa pinnarum corona penitus enudarant: ita vt nemo editis in locis conspi-  
 ceretur. Excogitati quoque erant plutei ex crassis asseribus: culcitris atque  
 centonibus protecti, quibus tormenta occultabantur, ijque ductiles erant,  
 vt quum emittenda forent tormenta, attolli & deduci celeriter possent,  
 priusquam à Gallis ad fumi flammarumque indicia sedulo collimantibus  
 tormenta ab arce in vinearum fenestras conijcerentur. Galli nanque ante  
 pluteorum vsum, interfectis aliquot tormentorum magistris ferreas pilas  
 in ora tormentorum ad ea perfringenda, destinatis ictibus adegerant.  
 20 Per eos dies quum Aetiops seruus, qui tum apud Gallos erat, se incensu-  
 rum Gallicam classem & aditum Aragonijs in sanctæ Crucis templum se  
 statuta nocte præbiturum polliceretur, Piscarius tantæ indolis atque vir-  
 tutis dux, in ipso ætatis flore, eius nefarij hominis singulari perfidia crude-  
 liter est interfectus. Nanque ille peregregius proditor, perfidia plane ser-  
 uili & plusquam Punica, quum doli ac insidiarum ordinem Gallis detulisset,  
 & ab his opimo præmio ditaretur, Piscarium intempesta nocte ad col-  
 loquium euocauit, euadentemque militari scala in summam hortorum ma-  
 ceriem, & in caput exporrectum, sagitta lunata repente emissa iugulauit.  
 Corruentem familiares qui aderant, quum frustra erigere conati essent, i-  
 30 psam iam exanimem scuto impositum extulerunt. Tantus verò mox lu-  
 ctus eius viri morte per urbem multorum planctu ac lachrymis enuntiata,  
 ciues æque ac milites occupauit, vt ea nocte spes omnis partæ iam propè  
 victoriæ amissa esse, ac denique ipsa Neapolis ab hostibus capta videretur,  
 Galli quoque eius perpetrati facinoris certiores facti, ne vllam rei bene ge-  
 rendæ occasionem prætermitterent, Alegria duce in consternatos metu ac  
 dolore Aragonios eruperunt: multisque interfectis, & cæteris in fugam  
 coniectis tormenta & militum tentoria occuparunt. In tanto repentinò-  
 que tumultu ac fœda omnium fuga, populus impigrè arma cepit. Rex  
 quoque cohortantibus maxime Prospero Columna, Vgoneque Cardonio,  
 40 dolorem scilicet ipso metu vincente, cum custodibus corporis ad feren-  
 dam opem superuenit. Ibi pugna admodum cruenta magnis vtrinque  
 clamoribus collato pede, ac dubio sæpe euentu commissa est. Ale-  
 gria enim, vt partum virtute locum tueretur, acriter repugnare, modò  
 vrgentibus cedere, modò collectis viribus redintegratoque impetu incum-  
 bentes propellere: ipse in prima fronte versari, strenuamque adhortando  
 ac pugnando operam nauare. Ad extremum Gallorum impetus egregie ac



fortiter est repressus, quum Aragonij pudore simul ac dolore incitati, quod & locum ubi tendebant, & publicum apparatus priuatamq; suppellectilem amisissent, in prælium reuerterentur, Germaniq; densatis cuneis hostium aciem perrumperent. Gallis intra veteres eorum munitiones compulsi, tormenta omnia & tabernacula, resque militum magna ex parte recuperatae sunt. Ea die Alfonso Toraldus vir nobilis ac strenuus, tormento è Vicentina turre emisso, dum in pugnam deferretur, interfectus est. Mortuo Piscario, quum Ferdinandus ob atrocem casum hominis sibi omnibus fidei ac amoris officijs coniunctissimi, incomparabili dolore premeretur, pluresque dies colloquio hominum, & publico abstineret, Prosper administrandi bel-<sup>10</sup> li curam suscepit. Transierat is relictis Gallis multum antè ad Ferdinandum hortatu Pontificis, & Ascanij maximè cardinalis, cuius consilia ab initio fuerat secutus: spoponderatque Fabritium Columnam patruelem suum similiter cum his quas haberet copijs in partes protinus esse transiturum. Sed Fabritius ne alieno arbitrio de his rebus, quæ fidei ac decoris curam existimationemque respicerent, consilium capere videretur, apud Gallos aliquandiu militare perseueravit, continuitque in fide Gallorum aliquot Campaniæ oppida, & Hieronymum Tuttauillam Aragoniorum ducem in Venefranis campis tumultuario prælio fudit. Cæterum Fabritius, Ascanij Ferdinandique, & totius demum Columniæ familiæ precibus fatigatus, Aragonijs partibus adhegit: ut-<sup>20</sup> que arctissimo amicitiae vinculo regi iungeretur, Victoria eius filia tum prima Ferdinando Piscarij filio adhuc infanti, desponsata est: quam postea altitudine virilis ingenij, & literarum elegantia cæteras nostræ ætatis scēminas supergressam, plerique sunt admirati, quum pariter vir eius Ferdinandus ante alios rerū strenuè gestarum gloria maximè floreret. Certabatur quotidie ad Citadellæ muros: conati que sunt Aragonij sæpius transcendere hostium munitiones, sed ea res semper multis illatis acceptisque vulneribus improspere tentata. Narcissus demum Æthruscus mirabilium operum machinator, & agendorum maximè cuniculorum artificio insignis, ingenium suum prosternendis Cittadellæ muris Ferdinando obtulit. Nec multo post sinuosos cuniculos subter ima fun-<sup>30</sup> damenta, occulto multorum agrestium labore per noctem excauauit, plurimò que sulphureo puluere repleuit. Quibus perfectis operibus, quum Aragonij quotidiana consuetudine ad munitiones successissent, & Gallos ad locum defendendum suo impetu procurrētes in summum murum eliciuissent, Narcissus opportunè cuniculis ignem intulit, extemploque horribili fragore edito, totus ab radice murus cum miserabili superstantium Gallorum clade reuulsus atque diffractus in interiorem partem procubuit. Tum verò Aragonij per ruinas signa intulerunt, & Gallos tantæ atque inopinatæ cladis miraculo perculsos, instando cædendoque in fugam verterunt: statimque omnibus in opere versantibus munitiones proferri cceptæ: ac tantum spatij intra hostium septa occupa-<sup>40</sup> tum est, quantum temporario aggere, priusquam Galli à timore se reciperēt, tormenta que dirigerent, complecti potuerunt. In his administrandis, Dimasius Recassentius minore tormento ictus est, plerisque alijs ex militum ac Neapolitanorū turba vulneratis atq; interfectis: Ita tamē, ut nemo ab instituto opere discederet, vel ipso vitæ discrimine permoueretur. Ad primas verò noctis tenebras cōcursu vndiq; facto, multiplicatisq; operis, munitiones erectæ perfectæque sunt: nam sicuti Galli in ipsa noctis obscuritate ictus minimè certos inferebant, ita



ita in opere Aragonij ardentiore studio, & minore cum periculo versabantur. Dum Galli ad Neapolim circumuallantur, Mantuanus & Galeacius Sanseuerinus Nouariam graui obsidione premebant. Primo enim aduentu, Derthona atque Alexandria urbibus certo peditum equitumque praesidio firmatis, aliquot castella circa urbem, quae a Gallis tenebantur, in potestatem redegerant, & in his Casaloganum, Bugarum, & Vercellensi via quinto ab urbe lapide Arcomarianum, sic ab arcu victoriae Caij Marij nuncupatum, qui patentibus illis in Campis, Cimbrorum ingentes copias memorabili praelio superauit. Galeacius quoque Sanseuerinus, cui Con-

10 tarenum cum Graecorum alis ab initio se coniunxisse memorauimus, equestribus praelijs prosperè saepius factis, Gallorum eruptiones represserat: receperat suburbanos vicos, & oppidum, quod vulgò Lumen omnium dicitur, expugnat. Eo enim loco oriundus fuit Petrus Lombardus, qui quum rudī illo seculo sacros libros grauib. commentarijs illustrasset, sententiarum Magister, & Lumen omnium est appellatus. Quibus de causis Galli duobus magnis circumfessi exercitibus, quanquam saepe erumperent, & pecus vndique raperent, comaeatuque nonnunquam ab amicis noctu ad urbem conuecto iuuarentur, multarum tamen rerum inopia laborabant. Immaturas enim segetes incumbētib. Sfortianis raptim succidere coacti

20 fuerant, & frumentum, si quod ex priuatis horreis vetus habebant, id lapideis in pilis contundebatur. Quoniam Ogonia, Terdubioque & Mora suburbanis amniculis aliò auersis deriuatisque, frumentariae molae aquarum impeccu destitutae, aut à militibus perfractae, penitus inutiles reddebantur. Idque solum in nobilium mensarum vsu veniebat, quod trusatilibus molis quotidiano labore terebatur. Multitudo autem militum ac ciuium, ipsaque iumenta propter pabuli ordeique inopiam tritico cacabis excocto vescabantur. Sed ante alias difficultates summa vini penuria, sublata praefertim omni spe propinquae vindemiae, animos Heluetiorum Gallorumque perfregerat. Ipse Aurelianus, quanquam quartanae morbo implicitus,

30 singulari animi virtute singulos consolando, & celeriter ventura auxilia pollicendo, rerum propè omnium difficultatibus occurrebat. Erant in urbe praeter Nouariensium cohortes publicè conscriptas, equites vtriusque armaturae supra mille, Heluetiorum circiter quinque milia, duce Antio viro fortissimo, cui à lauto conuictu Anauolebano cognomen fuit: ceteri erant Subalpini pedites & Galli sagittarij, quos Ludouicus Salassus adduxerat. Dum Carolus modo in Astensi agro, modo Taurini in maximis aestatis caloribus statiuā haberet, amoreque Annae Soleriae nobilis matronae captus esse diceretur, vsque adeò molliter animum aetate ad voluptates facile pronum remiserat, vt à totius belli cogitatione planè discederet: & re-

40 gij concilij procures, vel tædio diurni belli, vel repetendae patriae desiderio ducti, de suis obsidione liberandis repidissimè loquerentur. Nec deerant qui Aureliani gloriae atque amplitudini nequaquam occultè obrectantes, turpiter inuiderent. Quibus ille tot aduersis rebus permotus, ad regem scripsit vno argumento & pluribus exemplis, vt ab vno saltem tabellario, stationes atque custodiae fallerentur: vt tum prosperè accidit: namque altero intercepto, alter incolumis ad regem peruenit. His literis suam & tot fortissimorum militum salutem demisse atque



suppliciter commendabat, pertinere ad publicam Gallorum existimationem,  
 & ad ipsius præsertim regis dignitatem, cuius maximè commodo atque iudi-  
 cio Nouariam cepisset, defendi ac liberari præsidium, in quod, si aliquorum  
 malignitate vel incuria & flagitiosis consilijs defereretur, Itali acceptæ cladis  
 memores, crudeliter essent sæuituri. Nouarienses enim, qui summæ fidei es-  
 sent, & milites, qui summa constantiæ laude aspera omnia paterentur, propter  
 commeatus inopiam iam propè ad rerum omnium desperationem peruenis-  
 se, neque iam vllare magis eorum corpora atque animos sustineri, q̃ certa spe  
 ipsius regis aduentus, si exercitū à Vercellis admoueret, & hostes perterritos,  
 quos modo ad Tarrum latè profligasset, ex composito aggredieretur, se conti- 10  
 nuo erupturum cum octo milibus pugnacissimorum hominum, egregioque  
 facinore edito victoriam esse geminaturum. Carolus ad ea, salutem sibi cordi  
 esse respondit, vel eius sibi arcta affinitate coniuncti, vel de se optimè merito-  
 rum militum: neque passurum vnquam, vt detrimentum aut vlla ab hostibus  
 contumelia acciperetur: Acciuisse nuper se ex Heluetijs pedites, & è Gallia e-  
 quites cataphractos in supplementum exercitus: Sperare ea auxilia perquam  
 maturè conuentura. Quæ ubi applicuissent, ex templo castra promoturum,  
 daturumque operam nauiter, vt Itali fœda fuga obsidionem relinquerent: vel  
 si consistere atque opperiri ipsius aduentum vellent, infelicer Gallorum vir-  
 tutem iterum experientur. His literis pro concione recitatis, Aurelianus mili- 20  
 tum pariter ac ciuium animos mirificè confirmauit: eosque ad institutas in  
 portis ac moenibus munitiones celeriter perficiendas accendit. Ipse impor-  
 tunæ valetudinis nullam excusationem accipiebat, quin vigilias inspiceret, cir-  
 cuiret urbem, operibus vacaret, singulaque militiæ munera die noctuque in-  
 credibili tolerantia, vbique multus exequeretur. Sæpè quum milites videret  
 recentium carniū desiderio teneri, eosque incommodè salitis vesci, præ-  
 sertim quod in medijs æstatis feruoribus vino penitus carerent, minus genero-  
 sos equos occidebat, ita vt disiectos per centurias æqua diuisione militibus lar-  
 giretur. Nouo quoque inuento, vt eis de stipendio cauere videretur, quum  
 summa pecuniæ inopia laboraret, æreos denarios pro argenteis cudebat, & da 30  
 ta fide totidem argenteos perfecto bello se redditurum pollicebatur. Per eos  
 dies à Senatu Veneto Mantuanus cum multo verborum honore, quod ad  
 Tarrum pro dignitate totius Italiæ strenuè dimicasset, Imperator est appella-  
 tus. Nec multo post Georgius Hemus, Petrusque Marcellus imperij milita-  
 ris insignia, argenteum sceptrum, & vexillum auratum in castra detulerunt.  
 Secundus verò honos in exercitu Petiliano datus, sic vt tum Veneti duob. de-  
 cretis, & grati animi & singularis prudentiæ laudem apud omnes tulisse vider-  
 rētur. Exarsit inde seditio militaris inter Italos atq; Germanos ob ignobile scor-  
 tum, quo dieres in summum penè discrimen adducta est, quum irarum causæ  
 mutuis cædibus creuissent, & ab vtraque gente in auxilium suorum armata 40  
 acies adcurrere properarent. In eo tumultu Mantuanus validam equitum ac  
 peditum manum, vias quæ ad urbem ferrent insidere iussit, vt si fortè Galli in  
 ea tam diri tumultus occasione erumperent, paratis oppositisque præsijs in  
 urbem repellerētur. Ipse porro in medios Germanos intrepidè procurrit; eosq;  
 fratres & cōsanguineos appellando, ac deprecando, ne tātum facinus in socios  
 admitterent, facile prælium iam multorū cede atq; vulneribus cruentū diremit.  
 Erat



Erat enim Mantuanus Germana matre genitus, plurimamque ex ea sanguinis affinitate apud eius gentis milites auctoritatem obtinebat, quam & ipse miris artibus adaugere erat solitus: ornabat enim sæpe eorum centuriones atque signiferos varijs muneribus: immiscebatque sese gregarijs militibus incredibili comitate: sed incorrupto semper ducis ac principis honore: adeo ut nemo tam ferus esset ac turbidus, qui ea humanitate, sed maxime insigni liberalitate, qua vir ille maximos etiam reges superauit, minime flecteretur. Græcos quoque equites, qui Dodum ipsorum præfectum, quod auarè ac insolenter secum ageret, interficere, & ad hostes transfugere cogitarant, placando largiendoque in fi-  
 10 decontinuit, ipsque, exauctorato Dodo, ut Contarenum Græce peritū linguæ, & honestum in primis strenuumque hominem Senatus præficeret, impetrauit. Quibus beneficijs adeo sibi Græcorum animos deuinxit, ut in posterum fidelique semper eorum opera maxime usus, amplissimum sequentibus bellis victoriæ decus compararit. Iam plures dies in vastandis agris obsidendisque itineribus consumpti erant, & æstas iam præcipitarat, quum certis rumoribus ac nuncijs affertur, ex Gallia nouum aduentare equitatum, & magnam Heluetiorum multitudinem Graias alpes transcendere: iamque Vercellas à Fusio regulo atque Triuultio aliquot turmis atque cohortibus eò adductis, occupatas esse: urbemque eam bello sedem fore, in quam rex propediem esset  
 20 concessurus, ut inde coactis in vnum copijs, ex propinquo obsessæ Nouariæ oppem ferrematuraret. Quibus animaduersis periculis, Mantuanus & legatos coram, & Senatum ac Ludouicum Sfortiam per literas docuit, quanto cum discrimine summæ rerum sibi res futura esset, si cum diuersis hostibus ancipiti prælio dimicare cogerentur. Proinde delectibus vbique habitis maioribus copijs exercitus firmare maturarent, nec vllis parcerent impendijs, quando iam propè ad finem laborum esset peruentum. Quum enim auctæ vires nouis auxilijs forent, se protinus adiunctis Sfortianis propius urbem moturum castra, ac tum ex tuto maiora tormenta prolaturum, ne aduentante rege, si obuiam iretur, ea protinus subita tot obsessorum hominum eruptione  
 30 raperentur. Sperare se interea vel hostes vltima famis necessitate subactos, deditionem esse facturos: vel si rex ad soluendam obsidionem adproperaret, eum summo cum detrimento, vel singulari cum infamia Vercellas esse rediturum. Nec multo post quum ab omnibus eius sententia probaretur, ex Germania Georgius Perraplanius vir domi nobilis, & multis militiae gestis clarus, cum delectis cohortibus in castra peruenit. Venere quoque Ludouici pecunia conducti Germani equites quingenti, duce Brunsuico regulo, & ex ea gente tria milia peditum. tota autem Italia vtriusque armaturæ equitatus & pedestres passim copiae conscribebantur: ita ut vno ferme tempore Gallorum auxilia Vercellas applicarent, & in castra ad Nouariam vndique  
 40 in supplumentum copiae mitterentur. Interim oppidum Brionia, quæ præsidio Gallorum defendebatur, cum arce expugnata est, interceptique sæpe comatus, quorum vectores in præaltis furcis, ut obsessis spectaculo forent, suspendebantur. Vastatus quoque subita incursione ager Vercellensis, et abacta ingens pecoris copia. Quoniam Allobrogum principis vxor, tum vidua, Gallis secus ac se facturam ab initio promississet, aperte fauebat, Vercellisque Gallicas copias receperat. Venit etiam in castra Ludouicus Sfortia, & cum eo Beatrix vxor, in cuius gratiam Mantuanus vniuersum exercitum instructum, ac



omnibus insignibus exornatum, in pompæ morem circumduxit atque recens  
 fuit. Ferunt qui longè omnium pulcherrimo summo ordine incedentis exerci-  
 tus spectaculo interfuere, nūquam postea vel ampliores vel ornatiores copias  
 vnīs in castris in Italia fuisse conspectas. Erant enim paulo minus quinquagin-  
 ta milia delectorum hominum, exceptis etiam militū ministris. Ipse quoq; Lu-  
 douicus tametsi in toga melior habebatur, quod statura erat gestandis armis i-  
 donea atque decora, armatus prodijt, Galeaciumque ducem suum, quod versi-  
 colore sagulo Gallorum more indutus erat, acerbissime castigauit, veluti ille  
 proprium fastidire habitum, ac hostilem proferre atque imitari velle videretur.  
 Laborabant obsessi in dies magis ac magis rerum omnium inopia: & iam  
 plerisque continuo fabæ ac fursuracei panis vsu tabescentibus, ac morbis subin-  
 de per corpora hominū vulgaris, regia auxilia desperabant: quum infestas vias,  
 occupata oppida, exercitus adauctos, tormenta Mediolano aduecta esse con-  
 spicerent. Quibus de causis nocturnos ignes in turribus excitare, ac tormento-  
 rum sclopis certo ordine ac numero editis, omnibusque demum fumo ac ve-  
 xillis, significationibus factis, suprema rerum suarum pericula regijs exprime-  
 re, ac maturam opem implorare cœperunt. Quo pudore adducti Gallorum  
 duces, validam peditum atque equitum manum cum sarcinarijs iumentis, &  
 multo com meatu Nouariam intempesta nocte introducere statuerunt. Sed  
 Mantuanus per exploratores de eorum aduentu certior factus, in omnes par-  
 tes præsidia disposuit: cunctaque itinera celeriter occupauit. Progressusque i-  
 pse ante alios quum semiarmatus somnum caperet, & plures equos diē noctū-  
 que per vices ephippiatos & frenatos contineret, præter Arcum Marianū me-  
 dia in via constitit, quō protinus Græcorum alæ & Germanorum cohortes de-  
 cem accitę fuerant, eo consilio, vt suis, ad quos hostes verterentur, quum opus  
 foret, subsidio protinus aduolaret. Galli præter oppidum Lumen omnium, &  
 Monticellum pagum itinere capto, in eas turmas quas Colleoni Bergomates  
 ductabant, inciderunt, statimque, vt eorum mos est qui in furto deprehendun-  
 tur, viribus atque animo conciderunt. Nec mora, quum ignota in regione den-  
 sisq; in tenebris errabundi diffugere conarētur, coeuntibus vndiq; Venetis ac  
 Sfortianis, tota ea manus dissipata captaq; est. Post id factū Mātuanus, vt acius  
 hostes vrgeret, cœnobium diui Nazarij, quod mœnibus erat propinquum, oc-  
 cupauit, Caroloque Meliteo custodię præposito, fossa atque aggere locum e-  
 gregie communiuit, vnde sine periculo collocatis pluribus tormentis, multa  
 detrimenta obsessis ex ipsa præsertim sacra turre, templique fastigio sæpius in-  
 ferebātur. Ab eo loco, quum forte Mantuanus ad inspectandam munitionem  
 quam ad extremum suburbanorum tectorum caput Aurelianus erexerat, cum  
 aliquot centurionibus processisset, visa est occasio eius munitionis occupa-  
 dę, statimque ipso cohortante, Gorlinus Rauennas cohortis præfectus, vir im-  
 piger in eam transcendit. Gallisque intra portam compulsi totam eam muni-  
 tionem, quod ex materia cespiteque constabat, protinus incendit. De prima  
 vero vigilia, quum minus Gallorum tormenta in tenebris timerentur, subur-  
 bana ædificia & alteram munitionem, quæ ante Agapitanam portam constru-  
 cta erat expugnare adortus, Iacomatio Veneto & Petro Dalmata fortem na-  
 uantibus operam, pari felicitate in potestatem redegit. Sed dum Dalmata por-  
 tarum fores concremare conaretur, ob idque incautius propugnaculum subie-  
 ret, tormento traiectus interiit. Ibi etiam Antonius Faber & Ioannes Feltrius  
 strenui



strenui centuriones, sagittis confauciati sunt. Sequenti quoque die, quum eum suburbanorum edificiolorum tractum ad cohibendas Gallorum eruptiones muniendum, præsidioque firmandum omnes censerent, & ibi Petilianus multus in opere versaretur, minoris tormenti plumbea glande, nequicquam regentibus eum armis, in rene dextro grauiter est vulneratus, sic ut cum maximo omnium dolore extremum vitæ periculum adire videretur. Aurelianus eo successu hostium erumpendi ab ea parte facultate sublata, ne simili quoque audacia à reliquis portis suburbia occuparentur, ea omnia sæuo consilio diruit & incendit. Interim duobus ingentibus tormentis idoneo in loco constitutis, maioribusque mortarijs sæpius emisis, & muri pariter & interna vrbs ædificia diruebantur: dabatque operam assidue Mantuanus oppugnando acriter, atque omni ex parte urbem præsidijs circa proxima templa collocatis circuendo, ne alicunde commeatus importaretur, portarumque egressibus concisis atque aggere obseptis, ut omnis undique exitus hosti præcluderetur. His cognitis rebus, Galli qui Vercellis erant, copias eduxerunt, & trans Sesithen amnem quarto ab vrbe lapide apertis in campis castra posuerunt: quum sperarent hostes timore eorum aduentus adduci posse, ac eos properè copias atque tormenta longius ab vrbe remoturos, in vniuersiq; futuri certaminis casum animis ac viribus intectos, solitam custodiarum ac stationum diligentiam esse remissuros, donec

20 Carolus cum tota mole exercitus aduentaret. Sed Mantuanus munitis castris singulari animi magnitudine atque constantia, eodem loco consistere minime dubitauit, quanquam à multis, qui magnam militaris prudentiæ opinionem adepti videbantur, ut sese reciperet tormentaq; retraheret, sollicitè monebatur: quoniam supra viginti milia Heluetiorum ex nouis delectibus, & validum equitatum Aurantio duce ad Carolum peruenisse didicerant. Ipse enim in consilio palam apud gregarios etiam milites respondebat, ea sibi maxime salutaria consilia videri, quæ impauidi animi & bellici decoris plena spectarentur: spem enim & metum bello natura æqualiter esse diuisa, sed eum semper euadere victorem, qui prima alieni pauoris signa deprehenderet, & inclinatis protinus instaret: neque enim vlla satis valida, semel conuersis ac respectantibus,

30 vel amnium, vel montium esse munimenta: proinde eius foedi consilij obliuiscerentur, & se duce de matura cumulatæque victoria minime desperarent. Ceterum Sfortiani eam urbem à Venetis expugnari & diripi nolle videbantur, ne capta funditus deleretur: vniuersæque item pugnae euentum magnoperè formidabant, ne si victi forent, cæteras protinus vrbes amitterent: vel si victoria potirentur, Veneti rerum omnium arbitri fierent, & in ea victoria pro vetere libidine totius Italiæ Imperiū vsurparēt. Per eos dies Nicolaus Annonius & Ioannes Comes ad castra usq; hostium prouecti, equestri prælio prosperè dimicarunt, cognitumq; est à captiuis, Regem adhuc Taurini considerare: sed prope

40 diem cum reliquis copijs in castra proficisci, & prælio decertare statuisse. Sed non multo post Argentonus ad Mantuanum præconem misit, monuitque, si Veneti de pace loquerentur, futurum esse, ut neque regem neque procures ab honestis conditionibus alienos inuenirent. Quamobrem quum in castris pacis nomen gratissimis omnium auribus exciperetur, sequenti die missus est Vercellas Albertinus Boschetus perspicaci vir ingenio per causam visendi filij apud Triuultium aduersa valetudine laborantis, qui apud hostium duces, accuratè voluntates eorum explorando, certas de pace conditiones proponeret.



Is postero die retulit, Gallos haud grauatè in colloquium deuenturos : duxitque in castra Araldum regium cum quo de die ac loco futuri colloquij, comitumque numero statueretur. Nec multò post Mantuanus fide data atque accepta, in campum patentem ad insidias minimè suspectum, fermè medium inter vtraque castra est euocatus. Eò conuènere Aurantius princeps, Gienfis, Argentonus, & Pienes regij cubiculi præfectus: ad hos quoque Triuultius, Camillusque Vitellius & plerique nobiles equites armati galeatique, veluti prælio foret contendendum. Ex altera parte Mantuanus cum Contarino illustribusque alijs alarum præfectis prodijt, paucisque de causa sermonibus initis, quòd nec Aurantium Latinam planè callebat linguam, nec Triuultius interpretis munere feliciter eo tempore fungeretur, de inducijs transactum est, vt ex decem dies manerent, quo temporis spatio commodè de pacis conditionibus ageretur. Ipsique interim Veneti ac Sfortiani ab oppugnatione penitus abstinerent, pariterque Aurelianus munitiones, quas intra murum diligenter extruebat, statim intermitteret, atque alimenta dietim obsessis præberentur. Ea vti acta erant Aloisius Aduocatus, & Phœbus Gonzaga castrorum præfecti, cum præcone Gallo urbem ingressi, Aureliano minoribusque ducibus renunciarunt. Quibus ea omnia læto animo comprobantibus, Italica potestas est facta, vt quotidie munitiones inspicerent, ne quid eis adhuc imperfectis per noctem occulti nouique operis adderetur. Biduo post Ludouicus à Mediolano in castra se contulit, militumque ad regem, Franciscum Bernardinum Vicecomitem, & Hieronymum Stangam, qui summa ad componendam pacem mandata deferrebant. Verum in colloquio, vbi omnes fere proceres erant, Brisoneus cardinalis durior est inuentus : vtpote qui cunctas iniurijs eo bello acceptas feruido quodam ingenio recenseret, & conditiones summæ iniquitatis proponere videretur. Quamobrem rebus tum infectis, paulò post Argentonus, Gienfis, atque Pienes, vt coràm cum Ludouico Venetisque legatis disceptarent, in castra venerunt. Ab ijs impetratum est, vt Aureliano eundi ad regem potestas foret, ea conditione, vt si pax ad exitum perduci minimè posset, cum eodem quem educeret comitatu ad reliquam eius belli fortunam subeundam in urbem reuerteretur. Postulabat Gallus ante alia, vt Veneti Ferdinandum contra se Neapolitano bello, classe vel copijs terrestribus iuuare nollent: Sed Senatus, quem legati per literas consulebant, perplexè admodum rescribebat, Venetos quandiu Carolus à sociorum rebus abstineret, regium eius nomē culturos semper, atque amicitie iura syn cera fide seruatuuros: negabantque legati pertinere ad eam, quam Galli cum Ludouico tractarent pacem, vt alicui nouo foederi Senatus Venetus alligaretur, qui ei quod nuper cum Cæsare Maximiliano, & Ferdinando Hispaniarum rege, pontificeque Alexandro, & Ludouico Sfortia ictum esset, se statutum inconcussa fide promississet. Pprò Ludouicus, quanquam & regis & procerum summam esse voluntatem, vt res non iniqua conditione componerentur, haud obscure intelligebat, atque ob id eos de grauibus ipsorum postulatis disputando renuendoque aliquid remissuros esse prouidebat, tamen tanta erat animi sollicitudine, vt nunquam postea adeò secunda sibi hominum ingenia fore putaret, vt eo periculosi belli discrimine solutus & incolumis eriperetur: adeoque anxie & cupidè pacem petebat, vt Ferdinandi Aragonij causam minimè respiceret & se eius



& se eius auunculum esse, dum priuatim sibi consulit, penitus obliuisceretur.  
 Itaque per idoneos homines, re sæpius accuratè atque subtiliter pertractata,  
 Galli ad sextum Idus octobris his conditionibus pacem cum Ludouico pe-  
 pigerunt, vt cuncta præsidia vrbe Nouaria ac omnibus locis, quæ Ludouici  
 ditionis fuissent, continuo deducerentur, ducentaque milia aureorum num-  
 mùm, quæ Rex à Ludouico fratreque eius Ascanio cardinale, ab initio belli  
 mutua sumpsisset, duabus pensionibus redderentur. Ludouicus verò Genuen-  
 sem arcē Herculi Atestino ipsius socero, cui Carolus maximè fidebat, regio no-  
 mine custodiendam traderet. Gallis item Genuæ quantam vellent classem pa-  
 10 rareliceret: & quas naues apud Rapallum Adurnij, Liguresque cepissent, re-  
 stituendas curaret, Ferdinandumque Aragonium ante omnia eo bello contra  
 Gallos, copijs, classibus, pecuniâue minime iuuaret. Postremò quinquaginta  
 milia aureorum nummùm impense nomine Ludouico Aureliano persolue-  
 ret, & captiui vtrinque redderentur. Nec multò post Ludouicus Salassus &  
 Anauolebanus Heluetius vrbe præsidium eduxerunt. Fuere equites omnis ge-  
 neris duo mille octingenti & quadraginta sex: pedites verò ter mille & sexcen-  
 ti triginta quatuor, præter eum numerum quem antea per inducias ad regem  
 profectus secum Aurelianus adduxerat. Eorum equi magna ex parte strigosi  
 extremaque inedia & macie consumpti erant: ipsa autem virorum corpora fa-  
 20 me enecta, & tristi pallore miserabilem in modum adeò deformata viseban-  
 tur, vt priusquam Vercellas peruenire possent, plures in itinere passim interi-  
 rent. In hunc modum rebus compositis, Mantuanus quum à legatis faciliè im-  
 petraasset, vt sibi Carolum adire, atque ei coram priuato nomine pacem gratu-  
 lari liceret, Vercellas cum ornatissimo comitatu se contulit, exceptusque est  
 à Rege Gallisque proceribus singulari humatate: certatumq; est vtrinq; mune-  
 ribus, nec Mantuanus regiæ cessit liberalitati: nam quum duos eximiae pro-  
 ceritatis equos, quorum alter mille aureis venierat, dono accepisset, aliud i-  
 pse nobilissimum equorum par regi dedit, quorum alter spadiceo erat colo-  
 re, natus in Calabris, qui incredibili ad sessoris nutum agilitate, & in gyros  
 30 circumflexus, & cursu ac saltibus incitatus, stupentibus Gallis regem magno-  
 pere delectauit. nemo enim totius Europæ regum ea tempestate, Mantuano,  
 omnis generis militares equos vel plures vel nobiliores alebat, quòd magno  
 sumptu ad propagandam sobolem, ex omni vel transmarina prouincia con-  
 quisitis equabus admissarijs, domi greges miro felicique prouentu instituisset.  
 At Ludouicus Carolo in Galliam profecto, legatis vti maximè debebat ingen-  
 tes gratias egit, quòd imperium in tam repentino belli turbine iam propè amis-  
 sum, non minus ipsorum virtute quàm publico Veneti Senatus præsidio con-  
 firmatus, maturè atque feliciter recepta Nouaria conseruasset. Nec multò post  
 Mantuanus copijs vltra Ticinum Abduamque traductis, atque in hyberna di-  
 40 missis, secundo Pado Venetias enauigauit, vbi Augustino Barbadico cum v-  
 niuerso Senatu in Buccintoria naue longè ornatissima obuiam prodeunte,  
 tanta ciuium alacritate atque frequentia susceptus est, vt ea innumerabiliũ cym-  
 barum multitudo, iusti ac speciosi triumpho, vel insignem pompam superasse  
 videretur. Dum hæc ad Nouariam geruntur, Florentini multò acrius quàm  
 antea cum Pisanis bellum gerebant. Enimuerò quum se Gallica fide, regijsque  
 promissis planè deceptos conspicerent, quòd discedente rege neque urbem ne-  
 que arcem tradidisset, omne studium ad parandas ampliores copias contuler-



runt: conductusque est liberali stipendio Guido Baldus Urbini princeps, & plerique minores duces cum delecto equitatu, pluribusque peditum cohortibus: quibus in vnum locum adductis, & paratis maioribus tormentis, ad oppugnandum Pontefaccum contenderunt. Erant in oppido circiter sexcenti viri fortes, & in his Galli pedites ferme centum, qui magna vi resistendo: & ab interiore muri parte munitiones summa celeritate ac industria extruendo, sese perquam egregie tuebantur, expectabantque auxilia à Pisanis; qui statim cognito suorum periculo, omnes copias vrbe eduxerant, magnamque agrestium armatorum multitudinem ex proximis Arni Serchijque vallibus euocarant: & apud Cascinam cum Vitellijs fratribus, qui tum permittente Carolo Pisano-<sup>10</sup> rum stipendia merebant, vires in vnum conferre, & subsidio suis proficisci decreuerant. Sed dum hæc pararentur, Pontefaccenses biduo continenter oppugnati, quum & strata mœnia, & fossæ vndique fascibus virgultorum ac ruinis completæ, & loca interioris munitionis plurimum infesta hostium tormentis forent, desperatis auxilijs deditiorem fecerunt, ea conditione, vt incolumes abire permitterentur. Sed nec fides integrè seruata est. Nam Franciscus Montedolius, quem primum in Lucensi agro vulnera sustulisse, & cohortem sæuientibus in eam crudeliter Gallis amisisse memorauimus, ira præferuidus ad vlciscendam iniuriam, omnes ad vnum Gallos, nequicquam prohibentibus ducibus, trucidauit. Capto Pontefacco Guidobaldus eodem circumlato belli<sup>20</sup> terrore, Maluetio & Vitellijs nequaquam campo se committentibus, per eam regionem liberè vagatus est, Lariumque & Pecciolum, & quædam minora in collibus castella in potestatem redegit, murisque ea oppida penitus nudauit, vt incolæ sublata mœnium fiducia, in posterum si quis ex ipsa rerum mutatione casus incideret, certius in fide continerentur. Nec multò post Toianum & Lecolum recepta: quassataque est Lecoli turris, & quum aliquandiu pertinaciter defensa, victoris arbitrio dederetur, Zaninus Samperrius custos, & qui cum erant Pisani milites, quod obstinatis animis se defendissent, Ioannes Ricasoli legati Florentini sæuitia, ab ipsis<sup>30</sup> muri pinnis suspendente laqueo præcipitati sunt. Sequenti die ad Palaiam exercitus est deductus, ad motisque muralibus tormentis, ea die & quam acerrimè oppugnata, Pisanis nequaquam opem ferentibus, quod viribus impares egredi Cascina, & offerre se pugnae casibus volebant. Quamobrem Palaienses, præsidarios qui apud se erant milites, obnixè deprecari, ne pertinacius resistendo Florentinorum animos ad sui tectorumque excidium irritarent, septimo die se dediderunt. His rebus gestis, duces legati que Florentini Vicopisanum magno apparatu oppugnandum esse censuerunt. Id oppidum collibus adiacet, alluiturque Arno amne, qui eo in loco maxime tortuosus peninsulam efficit: ab ea autem parte quæ Bientinam spectat, campi ante alios eius regionis ad equestres pugnas maxime idonei<sup>40</sup> patefcunt: ad interiorem verò oppidi angulum quadrata exurgit turris, ab eaque lapideus murus initium capit, qui oppidum vndique circumdat, & frequentibus munitus propugnaculis in iustam magnitudinem attollitur. His in locis Lucius atq; Vitellij, qui cum delecta parte copiarum ad oppidum defendendum adcurrerant, magnam vim omnis generis tormentorū, & ante alia ingentem colubrinam summa in turre collocarunt; cuius pilæ ferreae sexaginta pondo, ad duorum miliarium spatium certis propè ictibus mittebantur. Quibus rebus ad defensionem egregie præparatis, quum Florentini in conspectu



ctu oppidi castra posuissent, prolatisque tormentis murum quatere cœpissent,  
 tanta pilarum vis ex oppido emissâ est, vt tabernaculorum & equorum atque  
 hominum fœda ac miserabilis strages ederetur: ita vt multi viri fortes omnibus  
 horis passim occiderentur, quum nec vineas nec iustas munitiones quibus sese  
 ac tormenta de more protègerent, erigere vel proferre tuto possent. tantus e-  
 nim omnes ab tormentis metus inceserat, vt milites ante sua quisque tentoria,  
 ad excauandas fossas, atque aggeres priuatim extruendos omne studium con-  
 ferrent. Pisani quoque noctu sæpius erumpebant, & eos qui in excubijs & sta-  
 tione erant, audacter inuadebant: excitatis verò tumultibus, quum necessario  
 10 ed arma conclamaretur, & ignes vndique totis castris ad præbendum lumen  
 circumferrentur, qui in turribus erant tanquam ad propositum signū tormen-  
 ta protinus emittebant. Interdiu autem subiectis in pratis ab equitibus concur-  
 rebatur iniqua Florentinorum conditione, quum Pisanis vel pulsus vel ceden-  
 tibus insistere tormentorum metu nequaquam auderent, & illis sub oppidum  
 tutissimus receptus præberetur. Tantis affecti incommodis Florentini, expu-  
 gnatione oppidi desperata, nacti obscuram noctem, vt fuga tegeretur, silentio  
 extinctisque ignibus ad Albaretum supra Arnem amnem castra reduxerunt,  
 adeoque trepidè ac festinanter agmen his locis e ductum est, vt nec more mili-  
 tari tabernacula incenderent, nec ipsi duces funalia præferrent, & magnum nu-  
 20 merum hastarum ligonumque, & plures carros relinquerent. Nec multo post  
 Florentinis perspectis eius belli difficultatibus, cum Carolo, dum ille apud  
 Taurinum in æstiuis esset, fœdus renouarunt, promiseruntque, se, quandiu à  
 Gallis in Italiâ bellum gereretur, copijs, & certa præsertim mensura pecunia  
 regias partes esse iuuaturos: Rex verò per nuncios literasque curaret, vt om-  
 nes, quas tum Galli tenerent Æthuriæ arces, Florentino populo certis legibus  
 redderentur: iuberetque Vitellios, qui apud Pisanos militabant, vt in Floren-  
 tinorum castra protinus transirent, eorumque auspicijs aduersus Pisanos bel-  
 lum strenuè atque fideliter administrarent. Nec Vitellij quin regijs episto-  
 lis esset parendum quicquam dubitarunt: statimque ex Cascina Pontade-  
 30 ram, vbi tum Florentinorum erat exercitus, profecti sunt, datis ad Pisanos  
 literis, quibus in excusationem repentini discessus, se eius sacramenti militaris,  
 quod Carolo regi antea dixissent, religione teneri, ipsorumque fidem veterib.  
 regijs stipendijs obligatam esse perscribebant. Salentius quoque Liburni præfe-  
 ctus, accepta à Florentinis donatiui nomine ingenti pecunia, arcem restituit.  
 Quæ res Pisanorum animos, & eam spem præsertim, quam de regis erga se vo-  
 luntate antea conceperant, magnopere debilitauit, quanquam Antracius, qui  
 Pisanæ arci præerat, nunquam se eam, iubente etiam rege, Florentinis redditu-  
 rum esse iureiurando polliceretur, Erat enim Antracius ex clientibus Ludouici  
 Ligninij, qui Brissonetto cardinali admodum erat infensus, quod eum Flo-  
 40 rentini ante alios procures delegissent, pecuniâque donassent, vt patrono summe  
 authoritatis vterentur, quo fauente Pisanam arcem reciperent. Ob id Ligninus  
 Antracio scripserat, vt suo potius commodo quàm alienæ avaritiæ consulere: at  
 ea spe Florentinos omnino frustraretur. Quin etiam per se Antracius Florenti-  
 nos oderat, quod Gallos ad Pontefaccum factâ deditiōe trucidassent. Pisanis-  
 que mirifice studere videbatur propter Delantiam Pisanam nobilem puel-  
 lam, quam impotentiamorè deperibat: ipsosque Pisanos, si partam libertatem  
 tuerentur, perpetuos Gallorum clientes futuros existimaret. Quibus de causis,



quum Lillensis nobilis Gallus, qui Briffonetto affinitate erat coniunctus, cum  
 regijs epistolis in Florentinorum castra peruenisset, & de recipienda arce per  
 internuncios Gallos ageretur, Antracius per speciosos verborum circuitus re-  
 spondebat, se quum telleram, quam in sinnum regiae voluntatis accepisset, sibi  
 remissam conspiceret, neque suo officio neque suae existimationi esse defuturum.  
 Ita ut quum nihil abnuere videretur, Florentinorum animos in spe potiundae  
 arcis egregia simulatione contineret. At Pisani quum ad eam noui foederis fa-  
 mam a Carolo se planè desertos intelligerent, & non modò libertatem quam re-  
 ge authore receptam fatebantur, sed & salutem suam detractis Vitelliorum au-  
 xilijs, atque his acerbissimo hosti adiunctis, penè proditam viderent, ad Ludo- 10  
 uicum Sfortiam Venetosque legatos confugerunt, misso ad Nouariam in ca-  
 stra Syluestro Pogio, viro inter patritios spiritu atque eloquentia maximè in-  
 signi: qui admissus in prætorium talem habuit orationem. Nisi ad eos, qui  
 se libertatis publicæ vindices, non ipso tantum specioso nomine, sed clarissimis  
 etiam factis profitentur, pro tuenda libertate confugeremus, nobis profectò ad  
 causam summæ æquitatis explicandam, commouendosq; animos vestros, lon-  
 giore accuratioresq; oratione opus esset. Nemo enim quæ fortuna Pisani populi  
 fuerit per septuaginta amplius annos, quibus Florentinis seruiuit, prorsus igno-  
 rat, quum demum, qui paulo antè vbertate agri, maris opportunitate, nauali  
 gloria, ædificiorum pulchritudine, ciuium virtute, opibus ac institutis, florēt 20  
 quondam vrbi Romæ exequari posse videbamur: ad extremum deserti a socijs,  
 & a sæuissimis hostibus subacti, a tanto rerum fastigio in eas luctuosæ seruitu-  
 tis miseras cecidissemus. Nobis hercle, non vnus hominis, cuius avaritia, cru-  
 delitas atque libido, aliquando vel Deorum respectu, vel metu hominum, vel  
 ipsa satietate finiuntur, dominatus erat ferendus: sed ab infinita propè mul-  
 titudine, quæ tyrannorum mores prorsus induerit, perpetua successione, om-  
 nis generis iniuriæ & calamitates patiendæ erant: & quod miseras accumulat,  
 compresso animi dolore sustinendæ: sic ut nemo Pisanorum, aut priuatim aut  
 publicè lætitiā, pacem, requiem, vllò vnquam tempore sibi expectandam ar-  
 bitraretur. Quum Florentini vno consensu per manus tradito, malignè conspi- 30  
 rantes, antiquitati & decori vrbis, ciuium fortunis, alienæq; demum industriæ  
 plurimum inuiderent: nosq; paulatim omni honore ac omnibus pristinæ fe-  
 licitatis instrumentis spoliarent: maritima negotiatione ante omnia fuit inter-  
 dictum, mox ademptus ager, præscriptæ leges, vectigalia noua excogitata, arces  
 ceruicibus impositæ, & cuncta demum veteris dignitatis iura, commoda, or-  
 namenta, impotenti rabie penitus ablata. His tantis ærumnis & cladibus de-  
 formata ciuitate, factum est, ut nobilissimi quique Pisanorum, qui neq; seruire,  
 neque patriæ interitum oculis intueri poterant, paulatim in alias terras, natali  
 solo, paternis domibus, maiorumque sepulchris sponte relictis, emigrarint. a-  
 deoque ciuitatis facies paucis annis immutata est, ut nemo Italus vel externus, 40  
 si fortè Pisas repeteret, reperiretur, qui antiquæ amplitudinis ac opulentiae re-  
 cordatione, miserijs nostris non illacrymaret: & similem quoque cladem ipsis  
 Florentinis, qui adeo inclementer atque crudeliter imperarent, imprecaretur.  
 Itaque nobis in luctu ac mœrore vitam traducentibus, Gallorum aduentus oc-  
 casionem præbuit repetendæ libertatis: Dñsque bene iuuantibus fortiter iugū  
 excussimus, ac publicè sacramento adacti, fortunas, corpora, atque animos pro  
 libertate deuouimus. Neq; hætenus tot eorum minæ, tot insidiæ, totq; hoc in-  
 terne-



ternecino bello armorum conatus nobis obfuerunt: melioribus enim auspicijs libertas defenditur, quàm eripitur. Viri hercle fortes, emori potius liberi, quàm serui cum ignominia viuere didicerunt. Nam si per se indignum est, & miserum alienæ libidini seruire, etiam illud longè grauissimum Pisanis videtur eorum ferre iugum, qui neque vetustate originis, neque bellica virtute, neque vlla in re sibi omnino conferendi esse uideantur. Quid enim magis intolerandum est, quàm vt Florentini libertatem illis inuideant, qui ante Florentiã conditam liberi florentesque fuerunt? Idque in alio ferendum velint, quod ipsi penitus reformidant & excutiunt. Ipsi inquam Mediceos, qui nunquam nisi summa cum moderatione atque modestia publicis rebus præfuerint, quique patriam egregijs omnium virtutũ monumentis exornarint & illustrarint, ferre non potuerunt: nos illos, qui ad vrbis nostræ luctum, miseriam, vastitatem nati esse videntur, æquissimis animis feremus? Hinc quoque eorum impudentiam insanamque cupiditatem agnoscere potestis, quum sceleratis consilijs, & vti sperandum est, funestis, nullo totius Italię, vel salutis, vel dignitatis respectu, ipsi Itali contra Italos cum barbaro rege ad subigendam vastandamq; Italianam fœdus percusserunt, & tot principum fœderatorum autoritate atque potentia insolenter contempta, pecuniam ei ingentē numerarunt: auxilia, com meatus & transitum reddituris barbaris obtulerunt: scilicet vt vos his in castris  
20 oppressos, fugatos, et vrbibus vestris expulsos videant: aut certè hunc vestrum, paratam victoriã, de exactis Gallis, liberatãq; Italia triumphũ retardent ac interpellent. Quibus de causis equissimũ videtur, vos præcipuè Venetos qui per octingentos annos augustum libertatis nomen religiosè coluistis, & fortissimè defendistis, eorũ fortunę misereri, qui à vobis opem implorant, vt libertatem, quam vi sibi ereptam, Deorum beneficio recuperarunt, liceat retinere. Te quoq; Ludouice Sfortia, qui & iure hospitij quum exulares, & sanguinis affinitate quæ maiores tuos respicit, & veteris patrocini Vicecomitũ, in quorum clientela semper fuimus, haud obscura necessitudine Pisane ciuitati cõiunctissimus existimaris, vehemèter obsecramus, vt nos liberos & incolumes esse velis.  
30 Quod faciliè præstabitur, si auxilia nõ modò de libertate, sed de vita retinenda dimicantib. opportunè submiseris. Quæ etiam optimo iure tibi essent propere transmittenda, si nos neq; clientes tui essemus, neq; vllum libertas nostra vel amissa vel retenta, ad vniuersi belli fortunã inclinandam momentũ haberet. Nõ modò enim aduersus cõmunis totius Italię fœderis hostes, publiceque salutis oppugnatores necessaria ac iustissima arma ferrètur, sed in eos etiam, qui ab omni hominũ annaliumq; memoria infesti maiorib. tuis fuerũt, quique Gallos & Germanos, infestissimas Italico nomini nationes, in Italiã euocarunt, vt Vicecomites domo regnoq; expellerent: et florētissimã Italię partẽ, externis ferisq; gentibus inuadendam possidendamq; præberet. Si vestra igitur interest, vt n̄ qui quũ  
40 primũ nos expugnarint & oppresserint, ad vos extemplo oppugnãdos perdendosq;, opes, consilia, arma sint conuersuri, proprio bello distineantur, nostroq; periculo reprimantur, opem ferre maturetis oportet: nam si salutem clientium vestrorũ neglexeritis, audacia profectò hostium in immensum successu crescet, nec faciliè postea, quũ adaucta mala ingruerint, cõmunibus periculis occurretis. Porro si vestro beneficio erimus conseruati, non modò quas dederitis leges læti accipiemus, sed in ditionem potestatemque vestram vltro concedemus. omnis enim reliqua vitæ conditio, modò Florentinis minimè seruiamus, sum-



ma nobis erit libertas. eorum siquidem iugum nemo vnquam viuus subibit: nā  
 si à vobis deferemur, egregiè moriendo saltem aliquem à virtute constantiaque  
 animi perennis gloriæ fructum feremus, & memorabili interitu Pisanos mi-  
 nimè seruire voluisse testabimur. Ludouicus Venetique legati, qui antea in-  
 tercepto Florentinorum nuncio cum publicis literis, eorum consilia planè co-  
 gnouerant, Pisanos bono animo esse iusserunt, pollicitiq; sunt eorum libertatis  
 ac salutis se præcipuā habituros curam, et propediè cum auxilijs Fracassum San-  
 feuerinum esse transmissuros, iniuncturosque Adurnijs fratribus, vt in paran-  
 dis atque administrandis his rebus, quæ bello vsui forent, amicè ac liberaliter  
 Pisanis adessent, atque eos terra marique, quantis maxime possent opibus iuua  
 rematurarent. Nec multo post Gerardus Boncontes Pisanus, qui Taurini a-  
 pud Carolum legatus fuerat, ab Genua trecentos pedites & tormentarij pul-  
 ueris sagittarumque & armorum omnis generis magnam copiam, duabus bi-  
 remibus Pisas aduexit, confirmauitque ciuium animos, quum Nouariam iam  
 propè fame subactam esse, nec Gallos obsessis opem ferre, duobus magnis op-  
 positis exercitibus, ausuros prædicaret, affirmando breui futurum, vt Florenti-  
 nos initi cum Gallo fœderis omnino pœniteret. Quando cæteri Italiæ princi-  
 pes, pulsis Gallis, in eos tanquam publicæ libertatis proditores, arma protinus  
 essent conuersuri. Itaque Pisani sublati animis in tam propinqua spe auxilio-  
 rum, ad munienda suburbana ædificia, quæ tum erant extra Martianam por-  
 tam, omne studium contulerunt: paucorumque dierum spatio perpetuam mu-  
 nitionem, ab extrema suburbij porta ad Arnum amnem, procul ab arce quin-  
 gentos passus Antracio minimè prohibente perduxerunt, vt omnis adeundæ  
 arcis facultas Florētinis eriperetur. Siquidem Arnus à Spinea porta, vbi pons  
 est lapideus arcis coniunctus, vrbem egreditur: arcemque ad laeuam manum  
 præterluit. Ædificia verò suburbana quæ diximus, à Martiana porta in longitu-  
 dinem curuata adeo porriguntur, vt ab eorum capite extremo, vbi altera in-  
 gens porta antiqui operis visitur, perductis ad Arnum munitionibus, arx ipsa  
 vndique cingeretur. Sed vix dum perfectis Pisanorum operibus, Florentini  
 duces copias omnes trifariam diuisas in conspectum vrbis adduxerunt, eo po-  
 tius consilio, vt quid nam propositi de tradenda arce Antracius haberet, acce-  
 dendo certius explorarent, & Pisanos ab eruptione deterrent, quàm vt sub-  
 urbium oppugnare adorirentur, quod sine iusto tormentorum apparatu capi  
 minimè posse videbatur. Verum quum Antracius neque vexillum album pro-  
 poneret, quo tutus ad arcem accessus indicaretur, neque vlla propensi pacatiq;  
 animi signa daret, Pisani minimè contineri potuerunt, quin extrema suburbij  
 porta confestim erumperent, & pauci cum magna hostium multitudine con-  
 grederentur. Quoniam loco maxime fidebant, qui tutum intra portam receptū  
 cedentibus ipsis ostendebat: tormenta que etiam in munitione iuxta portam  
 collocarant, quæ in prouentes hostes, quum opus foret, se protinus emissuros  
 sperabant. Non tulere petulantiam insultantium Pisanorum Florentini, ex-  
 temploque ante alios Ranuccius Martianus, qui agminis frontem obtinebat,  
 plures simul turmas cataphractorum equitum conglobauit, factoque vehemē-  
 ti impetu, Pisanos pellendo sternendoque ad portam vsq; præcípites egit, tan-  
 ta celeritate persecutus, vt pile tormentorum, quum ea, vt in repentino casu se-  
 pe accidit, à Pisanis trepidè librarentur, supra capita hominum prouolarent,  
 aut certè paucos vulnerarent. Ipsi quoque pedites conspicati hostium fugam,  
 vndi-



vndique procurrerunt, vnoque ferme tempore & Montanus ab eo suburbij la-  
 tere, quod meridiem spectat, hortorum septa maceriasque & nouas munitio-  
 nes perrupit, & per edificia in ipsum suburbium peruasit: & Cyriaci cohortes,  
 id quod diximus ad Arnū pertinere, munitiois brachium superarunt: &  
 Montedolius equitibus immistus portam, nequicquam ad fores obluctanti-  
 bus Pisanis, inuectus est. Tum vero Lucius, in tam repentino grauique amit-  
 tendæ vrbis periculo suis non deest: cum conferta equitum ala per medium  
 suburbanæ viæ spatium in hostes procurrit, adhortatorque insignis et bellator  
 egregius prælium renouat, sustinetque fortiter hostium impetum: & à Martiana  
 10 porta Pisanorum validam manum in auxilium euocatam festinare iubet. Pu-  
 gnabatur in ipsis viæ angustijs acerrimè, sed Pisani ab hostium vndique vr-  
 gentium multitudine maximè prem ebantur, quum ab omni propè latere cir-  
 cumuenti, quid magis cauendum, aut pro salute tentandum foret, in tanta re-  
 rum perturbatione nescirent. Sed dum Lucius & cæteri viri fortes incumben-  
 tium impetum sustinere conantur, Paulus Vitellius cum suo equitatu ab vltè-  
 riore ripa reperto vado Arnū transgressus, paulò infra munitiōē in ipsum sub-  
 urbium improuisus aduolauit. Cuius aduentus quum id præter omnium opi-  
 nionem accidisset, quod nemo annem eo in loco trāsiri posse crediderat, adeo  
 Pisanorum animos perculit, vt quum se vrbe auxilijsque interclusos esse conspi-  
 20 cerent, conuersi in fugam & cursu ac timore plurimum incitati ad portam ma-  
 ximo impetu deferrentur. Perturbatis ac fugientibus Martiani Vitelliani-  
 que equites insistere: & quum toto viæ spatio Pisani multis illatis acceptisque vul-  
 neribus exacti intra vrbis portam compellerentur, nonnulli ex Vitelliani per-  
 missi hostibus ingressi sunt. Ne vero omnes simul irrumperent, & vrbs capere-  
 tur, Galli ab arce tormenta emittentes, et sagittas saxaque maximè in subiectam  
 turbam sine vlllo discrimine iaculantes, Florentinos auerterunt. Ipsi quoque Pi-  
 sani sicuti temerè eruperant, ita singulari constantia irruentes represserunt: &  
 valuas totius multitudinis impressione propulsas celeriter occluserunt. Periēre  
 in limine plerique viri audaces, ipseque Lucius ante alios vulneratus: cui etiam  
 30 Paulus Paranius Martianæ alæ præfectus gladium ab longiore capulo corre-  
 ptum magna vi & summa cum laude dum cominus pugnaret, è manu extorsit.  
 Paulo quoque Vitellio dextrum crus, quod sine ocrea processerat, lancea traie-  
 ctum, et Vitellotius lapide ictus. Pisanorū autem ex numero, Petrus Gamba-  
 curta, cuius maiores quondā vrbis imperium tenuerāt, et Marianus Orlandius  
 eques illustris exclusi captique sunt. Florentini occupatis suburbanis, omni bellico  
 hostium apparatu, & in primis Passauolante ingenti æneo potiuntur: magnā  
 quoque copiam, cum vini in cellis & lacubus, vti vindemiæ tempus offerebat, tū  
 etiam frumenti quod erat in subterraneis scrobib. reconditum, inueniunt, & in  
 40 ipsis suburbanis edificijs castrametantur, erectis continuo contra portam mu-  
 nitionibus, vt hostes ab eruptione cohiberent. At Pisani, cum animis vix dum  
 receptis reputando quale periculum, & sua temeritate, & hostiū felici audacia  
 subijssent, attoniti, & pauentes cogitarent, se deorū immortalium cura nō modò  
 seruatos, sed ea demū die primū natos se esse fatebātur. Proque summo beneficio  
 gratis animis accipiebāt, quod Antracius fidē, quanq̃ ambiguus tantū promissis  
 datam, in eo periculoso discrimine minimè sefellisset: et tormētis emissis hostiū  
 impetū opportunis. tēpore retardasset. Ea nocte nemo ciuium fuit, qui corpus  
 vel recētis prælij labore defatigatū, quieti somnoque dederit. Decuriones quoque



Lucium inuiferunt, vrbis ciuiumque omnium seruatorem appellantes, quod non modò incredibili virtute omnibus periculis fortiter occurrisset, verum ob id, quod paulò antè diuino consilio suburbium minimè defendendum, ac omnino deferendum esse censuerat: & cum primi equites Pisani ipsius iniussu temerè extrema porta erumperent, reclamando ac deterrendo retinere conatus fuerat. Postera die Fracalsius ad Serchij amnis hostium nauigio delatus, Pisas peruenit: cuius aduentus, vel ob id omnibus gratissimus fuit: quoniam cum Lucio, cui sororem in matrimonium collocarat, eosdem sensus in gerendis rebus, nulla interposita æmulationis dubitatione, habiturus esse videbatur. Applicuit etiam ab Genua scriba Venetus, pecuniamque attulit ad conducendam veteranorum cohortem. Triduo post Antracius in gratiam, vt postea creditum est, Delanciae virginis, se arcem Pisano populo traditurum pollicitus est, ea lege, vt si Carolus intra centesimum diem in Ethruriam nō rediret, arx penitus ab radice dirueretur. Interea Pisani ad alendum præsidium Gallicum singulo quoque mense bina milia aureorum nummum, & quum primum arx euerenda traderetur, donatiui nomine quatuordecim milia sibi numarent. Ea omnia vti Gallus postulabat, obsidibus datis, & cōfectis de more publicis tabulis, decuriones pro ciuibz præstituros receperunt. Rebus eo modo cōpositis, Antracius tormenta duo inusitatae magnitudinis rudi veterum seculo fabrefacta, quorum alterum ab insculpta aue Columbina, alterum verò ab terribili ictus violentia, Desperata vocabatur, Pisanis vendidit. Ea totius populi concursu, funibus subiectisque succulis ab arce ad eam muri partem sunt conuecta, quæ inter Barbaianum propugnaculum, & Pagianam portam, intercedente Arno, suburbana Martiana prospectabat. Ibi perforato muro ampliores passim fenestæ sunt patefactæ, per quas ingentes saxei globi in omnes castrorum hostilium partes, cum maximo omnium terrore atque periculo emittebantur. Erat quoque summus murus per interualla pinnarum minoribus tormentis adeò egregiè instructus, vt nullis propè temporis momentis ab infestandis hostibus cessaretur. Pisana etiam iuuentus per se acris, & vindictæ decorisque auida, certatim cum Lucianis militibus sæpius erumpebat. Fuitque inter multas eruptiones, ea maximè insignis, qua Fracalsius à Porta Maritima sub occasum Solis, e ductis omnibus copijs improvisò hostes inuasit: nam eodem tempore ex constituto, Galli à Martiana porta in gratiam Pisanorum repentino egressu, magnisque clamoribus editis erupere, & qui ad Barbaianum erant trans Arnū, tantam vim pilarum, displosis illis ingentibus tormentis, & minoribus colubrinis, in suburbana tecta adegerunt, vt equi, virique fortes pariter & ignaui, cum nullus locus periculo vacuus relinqui videretur, attoniti ac terrefacti secunda trepidatione vndique diffugerent, & totis castris cuncta pauore ac tumultu complerentur. Ea die castrorum munimenta ægrè sunt defensa, & plerique milites & insignes equi tormentis discerpti. Postero die Arnus imbris auctus intumuit vsque adeò, vt summis aggerum labris exæquaretur. Quare animaduersa, Pisani magnam multitudinem agrestium ad Laianum vicum conduxerunt, vt cursum incitati amnis auerterent, præcisisque aggeribus, vbi maximè castigabatur, in depressa hostium castra profluentem effunderent. Sed Florentini duces cognito hostium consilio: missis ad Laianum sagittariorum turmis quatuor, & cohortibus duabus presenti periculo celeriter occurrerunt: & ne quid simile in posterum hostis moliretur, perpetuas equitum



stationes qui ripas custodirent, toto eo fluminis tractu disposuerunt. Interea Lillensis Gallus, qui allatis mandatis regijs, Antracium, ut arcem dederet, precibus nequicquam fatigabat, febre correptus, Florentinis in castris moritur. Eodemque tempore certissimi nuncij de pace ad Nonariam facta, & Pisas et in castra perferuntur. Quibus de rebus, quum Pisani omnibus conceptæ lætitiæ atque hilaritatis significationibus, se omni propè periculo in posterum liberatos ostendissent, Florentini abiectis præsentibus consilijs, à Sansouino in superiorem Arni vallem copias reduxerunt. Triduo post Arnus iterum autumnalibus pluuijs adeo creuit, ut vnusquam tentandi vadi spes vlla relinqueretur.

10 Propterea Lucius nullas veritus insidias statim ad Capronā, quæ est rupes viæ imminens, à qua altissimi montes initium ducunt, cum curulibus tormentis contendit, & è citeriore amnis ripa, castra hostium posita inter Septimum & sanctum Cascianum infestare cœpit. Pisani quoque milites, qui Cascinæ in præsidio erant, sæpius erumpebant, & commeatus, & ipsos præsertim pabulatores intercipient: tantaque erat his in locis pabuli difficultas, ut ex vitium arundinumque folijs magna pars equorum aleretur, & vulgus militum moliti tritici penuria laboraret. Quibus affecti incōmodis duces Florentini, quod et hyems suberat, & inclinante autumno fœdæ admodum tempestates inciderant, Pontefaccum, & Pontaderam in hiberna concesserunt. Per eos dies quū Galli arcis

20 custodes pabulum quod in maritimis vicis erat insolenter diriperent, & id contra Fracassiani Pisanorum concessione obnixè armis tuerentur, aliquot vtrinque in ipsa rixa interfecti sunt, exciuitque rumor cruentæ contentionis ab vrbe vtriusque partis auxilia, ac nisi Pisani, in eo tumultu ad arma vocati, Gallis opportunè fauissent, luctuosum omnino facinus editum fuisset. Sequenti die Fracassius Pisanis iratus, quod aduersum se pro Gallis stetissent, ut erat ingenio maximè repentino, abducta parte præsidij Pisis excessit, & in Galliam Cisalpinam profectus est. Non multis verò post diebus Antracius, cuius animus æger incredibili Delantiæ virginis amore deflagrabat, decurionibus Pisanis, matronarumque nobilissimis in arce epulum dedit: & choreas ad tibicinum con-

30 centus ipse ante alios duxit, omnibusque humanitatis officijs testatus est, quum primum ex fœderis præscriptione annus foret exactus, continuo arcem Pisano populo se dediturum: neque sponsioni fides abfuit, quanquam à Florentinis mirificè sollicitaretur, per quos ingens auri pondus, si Pisanos excluderet, ipsi Antracio, et nominatim singulis centurionibus offerebatur. Calendis namque Ianuarijs aduocata populi concione, atque indictis supplicationibus arcem dedit, transmissis Petrasanctam obsidibus, ut in eius oppidi arce, quo ad promissa pecunia foret numerata, custodirentur. Mox verbis conceptis decuriones in verba Caroli Gallorum regis sacramento adegit: tantusque præ lætitiâ eodem temporis puncto emissorum tormentorum strepitus, ut Florentinis in

40 castris in spacio octuaginta amplius stadiorum sit auditus. Qui seditionem inter Pisanos & Gallos subortam rati, ne occasione deessent, copias expeditas vsq; ad secundum lapidem properanti agmine frustra produxere. Pisani eodem die Antracium ac omnes vno nomine Gallos ciuitate donarunt, quibus etiam domos prædiaque Florentinorum, iam initio recuperatæ libertatis publicata decreto publico adiudicarunt. Nummus subinde in honorè Caroli regis cum liliorum nota percussus, & arx ipsa concursu totius populi incredibili celeritate solo æquata est. Nec multò post Galli qui Sergiani arces custodiebant, An-



tracij exemplum secuti eas Genuensibus magno auri pondere accepto, venderunt. Is quoque Rosius Bastardus Lignini è Lucemburgenſi familia propinquus, qui Petrasanctæ præerat, Lucensibus triginta milia aureorum nummum numerantibus, oppidum arcemque tradidit. Qui postea auaritiæ ac proditi-  
 nis infamia notati, pulsi que Galliæ finibus perpetuò exularunt. Cæterum præ-  
 sentem Pisanorum lætitiā ingens cura conquiendæ pecuniæ magnoperè  
 minuebat: persoluendum enim erat pretium coemptæ arcis, æneorumque tor-  
 mentorum quod publicè & priuatim exhaustis grauissimum erat, quum qua-  
 draginta milia aureorum nummum summam omnino superaret. Sed tanta  
 erat omnium alacritas pro defendenda libertate, vt vltro nobiles matronæ or-  
 namenta sua, annulos, monilia, fibulasque zonarum conferrent: quæ omnia  
 Lucensibus pecuniosis mercatoribus in mutuam pecuniam pignori mitteban-  
 tur. Sed has etiam ærarij difficultates opportunè atque mirificè subleua-  
 uit Lusitana nauis, quæ ad ingentem vim nocturnæ tempestatis, submersis ma-  
 gna ex parte nautis, supra ostium Auxeris amnis, cum pretiosis mercimonijs in  
 littus eiecta est. Tantum enim pecuniæ Pisani vix toto vertente anno in belli-  
 cos sumptus impenderant, vt nihil iam veteris argenti suppellectilis vsquam  
 reperiretur, & vectigalium redditus multo quàm antea deteriores facti essent,  
 præuertentibus eos publicanorum vsuris, qui publicam egestatem ab initio  
 præſenti pecunia subleuarant: adeò vt iam quosdam ciues, si bellum foret diu-  
 turnum, recuperatæ libertatis pœniteret. Igitur quum se impares opulentis ho-  
 stibus faterentur, atque opem, ne incepto abſisteretur, vndique implorādā  
 omnes censerent, oratores maximè industrij & eloquentes ad principes Italiæ  
 delecti sunt. Ière ad Ludouicum Sfortiam Marianus Peccioli: ad Alexandrū  
 pontificem Augustinus Dunitius: ad ipsos verò Venetos Bernardinus Agnel-  
 lus: & in Galliam ad Carolum Petrus Griphus, vt frequentius Florentinorum  
 legationibus occurreretur, qui in aula regia largiendo atque agendo procerum  
 animos Pisanis infestos reddere contendebant. Nec multo post Sfortia tuen-  
 dis Pisanis intentus, Ludouicum Mirandulam cum ala equitum, & trecentos  
 Germanos pedites Pisas misit. Eodem quoque tempore Veneti, id Sfortia e-  
 nixè flagitante, Paulum Monfronum virum fortem, & Socinum Benzoni-  
 cum vtriusque armaturæ equitibus ducentis, Iacobumque Tarsiam veteranæ  
 cohortis præfectum, & cum his Franciscum Iudecam quæstorem cum pecunia  
 misere. Ludouicus enim quanquam aduersus Florentinos, quod vni omnium  
 in amicitia & societate Gallorum communium hostium remansissent, Pisanor-  
 um libertatem tueri videretur, occulto tamen exitiali que consilio Pisanorum im-  
 perium affectabat: nec obscuro quidem iure, quod id reguli Vicecomites, i-  
 plius progenitores quodam tenuissent. Sperabat enim eam ciuitatem antiquis  
 ac recentibus beneficijs sibi obstrictam, attritis paulatim diuturnitate belli Flo-  
 rentinorum opibus, aliquando in ipsius potestatem vltro concessuram: & quū  
 se imparem ducendo bello cerneret, Venetos Pisano bello alligare, & aliena  
 impensa ad id quod inani spe conceperat, gradum sibi facere contendebat: ra-  
 tus Venetos nunquam adeò impudentes vel insanos fore, vt eam urbem vltra  
 Apenninum sitam, & spectantem ad Tyrrhenum mare, quod ab eorum nego-  
 tiatione penitus esset diuersum, adijcere imperio cum summa hominum inui-  
 dia cogitarent. Sed ipse rerum exitus, qui simulata omnium consilia patefacere  
 solet, Venetos validiore aliquanto quàm Ludouicus, sed occultiore ambitio-  
 nis



nis infania laborasse declarauit. At Florētini maiore quā antea cura atq; ap-  
 paratu bello intenti, sēuis adhuc hyemistēpestatibus, arcem apud vada Vo-  
 laterrana terra marique obsessam, ac tormentis demum quassatam ceperunt:  
 Pisanisque mari opem ferre conantibus, eorum biremis altera onusta armis &  
 com meatibus, in proximo Liburni littore naufragium fecit: altera cum myo-  
 paronibus aduerso rapta vento, Lunensem portum tenuit. Quo successu Flo-  
 rentinorum classis ad Arni ostium prouecta, aliquot Ligurum et Tusco-  
 rum nauigia, quæ frumentum Pisanis importabant, interceptit. Cæterum Fran-  
 ciscus Siccus (is enim a Carolo post Tarrensem pugnam ad Florentinos redie-  
 10 rat) receptis Vadis ad Buttrum oppugnandum cum magna parte copiarum est  
 profectus: subuectisque tormentis circumiectos colles occupauit, ne ullus ad  
 oppidum aditus pateret, si Pisani suorum periculo adducti auxilio properare  
 conarentur. Neque Siccum opinio, quam de eorum aduentu conceperat, om-  
 nino fefellit: accedentibus nāque expeditis Pisanorum copijs ad ipsas collium  
 munitiones, atque his egregie repulsis, oppidum simul atque ipsi milites dedi-  
 tionem fecerunt. Per eos quoque dies sancti Michaelis vicus qui ad Verrucule  
 montem pertinet, expugnatus est, quum frustra ad opem ferendam ab arce Pi-  
 sani decurrissent: cohortes quoque ad expugnandam Verruculam per ardua  
 montis ductæ, commissumque est prælium vehementi vtrunque impetu: ve-  
 20 rum ad extremum Florentini iniquitate loci & telorum ac lapidum maximè  
 procella retardati atque deiecti, re infecta ad sanctum Michaelē rediere. Se-  
 quenti die Siccus ad expugnandum Calcium cōtendit. quod vbi Pisis est nun-  
 ciatum, inito consilio vt laborantibus opem ferrent, complures eximie agilita-  
 tis ac fortitudinis milites ex Cascinæ Vicopisanique præsidjs detractos, in ar-  
 cem Verrucule euadere iusserunt, vt quum ex edito equitatum per campos ap-  
 propinquare conspicerent, hostes in oppugnatione oppidi occupatos ab di-  
 uersa parte adorirentur. Sed Lucius qui copias militares, magnamq; agrestium  
 multitudinem ad terrendos hostes in conspectū Calciensium adduxerat, præ-  
 occupatos antea colles a Siccianis subire non potuit, alacriter tamen Verrucu-  
 30 lani descenderunt, illatique magno impetu in primam stationem castra ab ea  
 parte irruerunt, interfectisque circiter quadraginta militibus, multis captis, &  
 supra centum vulneratis, incolumes per asperos montis calles in arcem redie-  
 runt. Quibus rebus animaduersis præsidij præfectus, quod muri assidua tor-  
 mentorum vi, solo propè æquati erant, deditionem fecit. Amisso Calcio, Pisa-  
 ni molendi tritici difficultate laborare cœperunt, quoniam omnes eius tractus  
 frumentariæ molæ Serchio amni impostæ, in potestatē hostium deuenere. Bi-  
 duo post quum in consilio ducum omnium sententiæ conuenissent, ducere ad  
 Verruculam atque eam expugnare decretum est: erat enim Pisanis omnibus,  
 qui repentinis decursionibus itinera infestabant, in eam arcem tutissimus rece-  
 40 ptus: eaq; pro specula (vti superiore libro docuimus) utebantur. Itaque circiter  
 duo milia peditum, & quadringenti leuis armaturæ equites cum tormentis mi-  
 noribus in summum cacumen, vbi arx erat, mittuntur. Cæteras copias, cata-  
 phractosq; præsertim Siccus sub Butto oppido in exterioribus ædificijs conti-  
 nuit, vt suis Verruculam oppugnantib. præsidio esset: & quæ vsui forēt ex pro-  
 pinquo subministraret. At Lucius cognita hostiū profectio, similem Verru-  
 culanorum & Calciensium oppugnationis exitum veritus, vt suorum periculo  
 occurreret, & Calci in conspectu in ipsius nuper amissi dedecus audaci aliquo  
 k



facinore refarciret, nocturna expeditione cum delectis equitib. ex Sfortianoru Venetorumq; auxilijs, ac ipsa Pisana iuuentute, Buttum aduolauit. Cæsisque repentino aduentu, qui excubias agebant, priusquam hostes arma caperent, in media castra penetrauit. In ea omniū subita consternatione, ex numero resistētium circiter triginta sunt interfecti, capti verò plures, & equi partim sarcinarij, partim militares paulo minus trecenti, ceteros proximæ conualles nemoraque texerunt. Siccus ipse ad oppidi portam cursu se proripiens, quum ea præ timore validis vectibus esset obfirmata, funibus in murū ab oppidanis est sublatus. Qui verò Verruculam oppugnabant, cognita suorum clade, digressi summo cacumine ad montē cui ab asperitate Doloroso nomē est, propē Buttū se recepere, atque inde diuisis inter se copijs, duces Bientinam, Pontaderamq; reuersi sunt. Ex aduerso Pisani Paulum Manfronū cum Venetis copijs apud Vicopisanum, Ludouicum verò Mirandulam Germanosq; vltra Arnū Cæscinæ collocarunt. Rannucio Martiano ex Pontadera cum Sfortianis res erat: à Sicco autē cum Manfronianis Bientina bellum gerebatur, neq; vlla præteribat dies, quæ aliquo præclaro belli facinore nō esset insignis: virtute enim, insidijs, audacia, nouisq; artibus quotidie certabatur. Is namq; regionis erat situs, admirabili nature varietate in patentes cāpos, et vestitos arboribus colles terre nosq; tumulos, cauas valles, emissaria, paludesq; distinctus, vt ducēs sicuti eorum ingenia ferebant, siue vera vi, siue astu ac dolis certandum foret, ad res gerendas cohortari atq; incitari viderētur. Ab Bientina cāpi pabulo vberes ad Vicopisanum vsq; pertinet, qui palude, collibus atq; Arnō amne clauduntur. In hos Siccus, vti erat in omni militiæ munere peracutus et sagax, Manfronū facile elici, & ex insidijs opprimi posse iudicauit: quod sciret hominem naturā maxime pugnacē, & propterea, vti plerunq; accidit, apertū & incautū, pugnae studio iniquū in locum facile progressurum. Itaq; circumpositis insidijs, edoctisq; militibus quid fieri vellet, quū signum proponeretur, leuē emisit armaturam, quæ in conspectum oppidi se daret, pabulatoresq; consecretando, maiore quā antea licentia vagaretur. At Manfronus, qui ex oppido cuncta despectabat, vbi pabulatores ac milites, qui eis præsidio simul exierant, maiore hostium numero vrgeri videt, Ioannem Rhauēnatem, Ioannetumq; Pallaiam cum expeditis turmis celeriter emittit: moxq; ipse cum graui armatura equestri, subsidiarijsq; peditibus subsequitur. Idē facit Siccus accitis ē proximō cataphractis, preliumq; auctis vndiq; viribus, tanta animorū alacritatē committitur, vt magnorū exercituum species spectantiū oculis præberetur. Nemo enim eques adeo segnis erat, qui hastam in aduersa acie nō perfringeret, & gladijs eductis, collatisq; equorum pectoribus, cum hoste misceretur. In eo peracri concursu quum multi equites prostrati, & equi plures conuulnerati essent, Florentini Sicci monitu gradū referre, & timbris simulatione terga vertere cœperūt: nec Manfronus ingenio suo deest, suos cohortatur vt acriter instent, neq; perterritis restituendæ aciei spatiū relinquant. Ipseq; vehemētī impetu in terga abeuntium cum delectis equitibus inuehitur: & pugnando, magnū cāporum spatium prætergressus, ad occultatos hostes peruēit. Tū verò ex insidijs nouę vndiq; turmę cohortesq; cōsurgunt: Venetę copie circumueniūtur, ipse Manfronus fortiter rem gerit, densari quāmaximē turmas iubet, & signa ad oppidū retrouertit. pugnatur aliquandiu in orbem summa constantia, sed incidentib. vndique hostium cuneis Manfroniani funduntur, & dissipati passim à pluribus



ribus opprimuntur. In ea fuga Venetæ alæ vexillifer cadit: Pallaia equitum præfectus capitur: ipse Manfronus atque Rhauennas vulnerantur: pedites equitesque plurimi in fugam se dedunt. Sed dum parta victoria Siccus incredibili læticia afficitur, hostesque persequitur, tormenti minoris glande traiectus concidit, magno quidem illudentis fortunæ casu, quando ea pila in spatio trium amplius stadiorum ex oppidi turre in incertum emissâ, ipsum vnum victorem ducem, miraculo quodam sustulisse videretur: ita vt ea victoria, quanquam insignis, Florentinis haud multum grata fuerit, quæ prudentis simul ac strenui ducis morte constitisset. Sub idem fermè tempus quo Carolus Italia excelsit, atque hæc in Æturia gesta sunt, Gilbertus Monpensierius Neapoli obsessus, Gallorum ducibus, qui eadem æstate Ferdinandum in Brutijs acie superarant, significauit se rerum omnium difficultatibus adductum, nisi auxilia terra aut mari Neapolim mitterentur, diutius obsidionem non esse toleraturum. Quibus de causis, Galli euocatis ad se Andegauensium partium regulis, coactisque militibus, prouincias inter se ita compararunt, vt diuiso exercitu, alter aduersus Consaluum, qui ex prælio Rhegium se receperat, & accitis è Sicilia auxilijs bellum renouabat, Brutios tueretur: alter iustis itineribus Neapolim subsidio obsessis ire maturaret. Obegnino Brutij obuenerè, Persius adiuncto sibi Bernardino Sanseuerino Beslenniani principe, qui alam vnâ equitum & quatuor cohortes ex clientibus suis in Brutijs conscripserat, per Lucaniam Ebulum peruenit, quod est oppidum Picentinorum non longè à Sylariamne præalto in monte positum, & profunda vndiq; valle circumseptum. Ferdinandus eò duces copiasque præmiserat ad prohibendos transitu Gallos, quibus iter erat ad Salernum urbem. Ipse Neapoli remanserat, vt colloquijs Gallorum interesset, qui iam de paciscendis inducijs arcæque dedenda desperatis auxilijs acturi videbantur. Præerat regio exercitui Thomas Caraffa Mataloni princeps, externæ militiæ prorsus ignarus, sed cum eo plerique viri militares aderant, & in his ante alios Venantius Cameracium regulus, Lucasque Sabellus: Quibus cognito Gallorum itinere, viribusque eorum diligenter exploratis consilium erat, hostes rectâ Salernum petentes, modicis itineribus subsequi, auertere com meatus, nec prius acie confingere, quam eos iniquior locus exciperet, opprimendosque præberet: vel quod maximè vsui fore videretur, continuo ad oppidum cui Lacui paruulo nomen est, conuolare: incolisque demigrare iussis, concrematoque oppido, ne com meatu ac tectis hostis vteretur, Salernum præcurrere. Quo perfectò negotio necesse foret Gallos, qui nec cocta cibaria, nec maiora tormenta conueherent, retrò in Lucaniam regredi, desperata præsertim expugnatione Salerni, quod magnis hostium copijs teneretur. Verùm cæteri duces militesque contempta hostium paucitate tanto pugnandi studio ardebant, vt incitati stolidâ alacritate succlamarent, nequaquam pertinere ad regij nominis tantique exercitus dignitatem, si ea victoria quam propè certam exploratamque tenerent, non vera vi aperta que virtute, sed per circuitus ignauis artibus peteretur. Eam quoque multorum temeritatem præproperi ducis imperium augebat, qui nihil in castra præter spectatam fidem, & celebris familiæ nomen attulerat. Is enim castigatis qui cauta, & minus decora consilia sequerentur: Neque inquit: Galli hodie antiqui illi Heroes sunt, quos ab admiranda vi corporis fabulosis carminibus Gallia celebrauit, neq; nos omnino fœminæ sumus in virilem hunc



modum armate atq; exornate, vt dubitemus hos barbaros temulento agmine incedentes ad primum statim cōspectum adoriri atq; proterere. Ac simul hæc dixit, pronunciari iussit, vt omnes arma pararent, equosque frænarent: de tertiq; vigilia omnis exercitus Ebulo sub signis eductus est. Persius & Bessennianus sub aurorâ Sylarim amnem ponte traiecerant, & ad Salernū iter habebant. conspectis autē hostibus, vt æquiore loco aciem instruerent, per tria amplius stadia retrouerterunt agmen: & ingenti sylue quę patentibus campis adiacet, læuum latus applicarunt, ne hostium multitudine tantulę copię circumueniri possent. Erant enim vix mille Heluetij, quibus coniuncti à tergo Brutij pedites octingenti, quadratum phalangis corpus efficiebant. Equites vtriusq; 10 armaturę, Galli, Italiq; circiter mille densati in vnum agmen, lateri peditum adhæsere. At Matalonius omnes copias, veterum morem secutus, qui nostris sæpius funestus fuit, in quinq; acies diuisit, quę pari fronte ad similitudinem directorum cornuū à medio agmine extendebantur, in quo ipse Lucasq; Sabelius constiterunt, septiā læua mille Cantabris, à dextra vero tribus milibus peditum Italoꝝ. In extremis autem cornib. cum suo quisq; equitatu: hinc Venantius Camers: illinc Hieronymus Tutauilla Sarnensis regulus curabant, eo consilio, vt quū primum Matalonius peditatu pedites Heluetios, equitatu verò equites Gallos à fronte adoriretur, Venantius se cū turmis suis Cantabrorumq; cohortibus inter hostes & syluā facto impetu protinus insinuaret, & eodem si- 20 mul tempore læuū cornu à Tutauilla in latus ac terga hostiū duceretur, nō absurda quidē ratione, si militū animi ac acierum motus, quos mille casibus Fortuna subiicit, quum manus cōseruntur, ipsis ducū consilijs atq; imperijs plenissimè responderent, vt tum fortē accidit. Nam præter id quod Aragonia acies eo loco imprudenter erat collocata, vbi aduersi orientis Solis radij militū oculos magnoperè perstringebant, ob id etiam temerē instructa videbatur: quoniam ordinib. modico interuallo disiunctis, neq; satis roboris inerata consistendū, neq; singulis tantū spatiij relinquebatur, vt si circumagere conuertereq; aciem oporteret, fieri nō posset, quin mutuò se implicarēt, ac perturbarent: sed quod magno fuit detrimento, & militiæ videtur execrandū, miles ipso tyrociniō ala 30 cer, quū nec dicto parere, nec bene pugnare didicisset, neutrum disciplinę munus impleuit. Namq; vt primum à longē emissa fuere tormenta, aliquot nobiles splendidiq; equites, vt cæteris spectatæ virtutis decus præriperent, iniussu extra ordinē inclinatis hastis, alij post alios, certatim equos in aduersos hostes concitarunt. Quorum impetum, quum densata incōculsi agminis fronte Gallicus equitatus excepisset, nonnulliq; aduersis hostium hastis induti repulsiq; ex equis cecidissent, reliqui omnes extemplo retrouertentes equos vehementi ac tumultuario quodam recurſu in Cantabros inciderunt, totamque eorum aciem perturbatam à dextro latere in Venantianam alam propulerūt, ita vt fluctuantibus prementibusq; Cantabris, equitum ordines non modò impulsī, vtrū 40 rum etiam prostrati soluerentur. Eodem quoque temporis momento Aragonij pedites incitati cursu, Heluetios pari temeritate sunt adorti: nam quum alij scutati intortis hastilibus gladios stringerent, alij aut aurita venabula, aut rhomphæas adunco ancipitiq; ferro lato præfixas ferrent, ad ipsum corpus phalangis longiores lanceas ericij modo prætendentis, peruenire minimè potuerunt. Tantaque consecuta est animorum commutatio, vt qui modò singulari ferocia summaque alacritate præcurrerant, retrò statim, facto virium periculo,



periculo, suorum maximè intercurrente equitatu pauidi verterentur. Persius tantè rei miraculo stupefactus, ne Fortunæ contra spem obnixè fauenti deesset, gradum intulit, & supra acervos hominum equorumque cadentium audacter progressus, quod vix credibile est, semihoræ spatio, penè sine suorum vulnere hostium copias profligavit. peditatus Italicus fermè totus ab Heluetijs est concisus, ac simul deleta cohors vna insignis audaciæ, quam ex sicarijs Neapoli conscripserant, periireque dum cæteri terga verterent, egregiè repugnando strenui centuriones, Henricus nobilis Corsus, Aloisius Squarcia, & Vincen-  
 10 tius Capecius. Cantabros armis expeditos atque agiles, densissimæ sylvæ, ar-  
 matis haud facilè penetrabiles protexerunt. Matalonius verò cæteri que duces multis equitibus amissis, Ebulum fœda fuga petiuere. Sed dum egrè intra por-  
 tam reciperentur, & Galli equites tergis inhærent, Venantius constanti vir-  
 animo, hostium impetū à nouissimo agmine fortiter sustinens, egregièq; dimi-  
 cans, capitur. Ceteri porro equites numero fermè trecēti, capto circuitu per ini-  
 qualia loca ad auersam oppidi portam peruolarunt. Verum tanta erat in oppido  
 omnium consternatio, vt nemo esset qui portam aperiri permetteret, vel ten-  
 dentium ad muros pro salute supplices manus, periculo permoueretur. Sed  
 Galli sicuti imperitia ignauiæque hostium victores euaserant, ita pleniore vti  
 victoria, fatali sua socordia nesciuerunt. delendorum enim equitum occasionē  
 20 Persius amisit, quum fortè nihil explorato circum exteriores fossas oppidi si-  
 tu, instructam suorum aciem ad id tantum, quod ante oppidum erat, patentis  
 aræ spatium produxisset, mirabundus & expectans, vt portæ ab his, qui tam  
 fœdè fugerant, victoribus aperirentur. Verum Galli non multo post, quum  
 expugnando oppido tormenta deessent, & Bassennianus Serpentine pila, que  
 propugnaculo fortè emissa gladij capulum deterferat, thoracemque colliserat,  
 propè exanimatus cecidisset, ad spolianda cadauera redierunt. quibus abeun-  
 tibus equitatus supremo timore atque periculo liberatus est, & intra portam  
 receptus. Eo quoque post aliquot horas Cantabri sylvarum beneficio seruati,  
 & qui varijs fugæ casibus cladem euaserant, cateruatim peruenere. Quod si Per-  
 30 sius ad Ebulum castra posuisset, plerique affirmant oppidanos, quod Ande-  
 gauensis erant factionis, sequenti die ad apertis Gallo portis, copias omnes A-  
 ragonias fuisse tradituros. Ea quæ secuta est nocte, Tutauilla cum parte copia-  
 rum ad firmandum præsidio Sarnum est profectus: quò etiam Prosper è Nea-  
 poli ad eius cladis nuncium applicuit. Galli præda onusti, omnibusq; oppidis  
 studio aut metu liberaliter recepti, ab Salerno ad Sarnum amnem, vbi oppidū  
 est eius nominis, biduo post peruenere, ac ponte quem Prosper Tutauillaque  
 resciderant, super veteres publicas refecto, nequaquam tentata oppidi oppug-  
 natione Neapolim contendere. Interea Ferdinandus, tota Neapoli ob amissos  
 ciues metu simul ac dolore consternata, incredibili animi sollicitudine torque-  
 40 batur. Nam supra cladem fusi cælique turpiter exercitus, etiam ingenti suspen-  
 sus cura magnopere timebat, ne eius acceptæ cladis fama victorisque simul  
 exercitus aduentus, ab obsessis aliqua Andegauensium fraude sentiretur. Nam  
 Galli, quum iam plerosque eorum concussione vitij affectos grauis autūnus  
 valitudine tentasset, nec iam reliqui extremam rerum inopiam perferre pos-  
 sent, nequaquam spernendas de dedendis arcibus conditiones obtulerant, de-  
 speratis præsertim maritimis auxilijs, quòd littora Tyrrheni maris Aragonia  
 classe clausa atque obsessa tenebantur. Quibus de causis agendo per crebra col-  
 k 3



loquia cum regijs nuncijs, ad vltimam disceptationem transigendæ pactionis erat peruentum. Ob id Ferdinandus in omnem adeo vrgentis metus dissimulationem compositus, quod maturè facto opus erat Mompenserio earum rerum penitus ignaro denunciauit, si intra præsentis diei spacium, in eas quas obtulisset conditiones de dedendis arcibus ex æquo pacisceretur, se cuncta quæ obsignatis tabulis promitteret, regia fide præstiturum. Porro si ad extrahendum tempus impudenter eludendo fallacibus colloquijs vteretur, nullam Gallos postea impetrandæ veniæ facultatem habituros: Se propterea inuitis etiam amicis, ipsisque præsertim foederatis principibus, præbuisse aures admodum benignas eorum postulatis, vt sine sanguine, vlloque vtriusque partis incommodo pax ipsa pararetur, quod natura ab omni crudelitate penitus abhorreret, qua se postea abiecta omni humanitate necessario vsurum sciret, si bellum non certa ac tolerabili conditione mutuæ pactionis, sed insana animorum obstinatione ac pertinacibus armis finiretur. Ad ea Mompenserijs respondit, se eo animo de arcium deditioe semper egisse, vt si æqua vel certè non indecora conditione fieri posset, nequaquam pacem abnueret. Idcirco se cum ducibus egressurum, si rex obsidibus caueret, nec ab æquabili compositione discederet, totumque id ineundæ pacis negotium expeditis sermonibus esse confecturum. Itaque statuitur colloquio locus in Aragonia trireme, mittiturque pro obside in arcem Dimasius Triuentij classis præfecti frater. Nec mora, Mompenserijs, Alegria, Belcarius, Gratianus Guerra, ipseque Salernitanus cum Gallo quæstore, nobilioribusque nauarchis, ad prætoriam triremem accedunt: eo quoque simul Triuentius, Prosper Columna, Albericus Caraffa, Andreasque Gennarius peruehuntur. Fit magna, vti debebat, de summa re in vtramque partem disceptatio, ita vt colloquium mutuis altercationibus plurimum extenderetur. Erant ob id suspensi omnium animi expectatione tantæ rei: ipseque ante alios Ferdinandus maximis incertæ mentis fluctibus agitabatur, vt qui nec rem maximæ spei festinatione sua impedire ac conturbare vellet, nec vllam moram animus inquieto omnino pateretur, quum Gallica castra non procul abesse putaret, eorumque fremitum auribus prope percipere videretur, vt anxijis suspensisque frequenter accidit, quibus vanæ atque inanes remotissimarum rerum imagines deceptis sensibus offeruntur. Igitur moræ impatiens, Franciscum Capuanum astuto ingenio iuuenem scaphæ impositum ad eos mittit, vt regio nomine Prosperum ac cæteros coarguat, quod se inanibus verbis ac ambagibus distineri, ac longius abduci paterentur: simulque imperet, nisi Galli intra horæ spacium de deditioe pepigerint, tabulisque subscripserint, vt eos confestim abire iubeant, iisque omni spe, vel colloquijs, vel pacis in posterum sublata, perpetuo cuncta hostilia, & quàm maxime sæua denuntient. Quibus auditis Galli fortunæ suæ prorsus ignari, quum quisque de propria salute sollicitus, calamitosum diuturnæ obsidionis exitum demisso animo formidaret, cunctique si incolumes inde euaderent, renouato bello, neque plenam iterum victoriam, neque ipsas demum arces sibi defuturas existimarent, in has conditiones de dedendis arcibus pepigerunt. Vti intra certum diem, nisi tanta terra marique Gallorum auxilia superuenirent, vt eorum metu adductus Ferdinandus exercitus, relictis patetibus campis intra oppida se recipere cogeretur, arces omnino dederent: ipsique per id tempus quotidianis cibarijs impenso pretio iuuarentur. Interea que datis decem obsidibus quos Ferdinandus deligeret, terra ac mari manerent induciæ ne vllum



vllum omnino telum vtrinq̃e mitteretur. Inducis opportunitissimo tempore  
 constitutis, Ferdinandus, vti erat altera tanti negotij cura liberatus, quibusnam  
 modo belli artibus aduentanti Persuasio obfistendum foret, summa sollicitudi-  
 ne consultabat. Variæ si quidem pro ingenio ducum sententiæ dicebantur,  
 nec deerant ex intimis amicorum Albericus Caraffa, Marinusque Brancatius  
 qui quum bis victis perterritisque militibus magnoperè diffiderent, copias in-  
 tra urbem recipiendas, congressumque victoris exercitus omnino deuitadum  
 disserebant: quando munitiones, quæ arcem perpetua coniunctione ab urbe  
 penitus excluderent, nullo cum periculo, & solis propè tormentis defendi pos-  
 se videretur: quibus defensis necesse foret tantam Gallorum multitudinē pau-  
 cis diebus absumpto omni vetere pariter ac aduectitio com metu, inedia peni-  
 tus interire, quod militū numero propemodum duplicato, qui aduenissent, nō  
 modò presentē inopiam aliqua ex parte subleuare, sed nec se ipsos quidem alere  
 possent, etiam si contra prodigē gentis morē cibaria parcissimè metirentur. In-  
 sanæ demū esse pertinaciæ, ac temeritatis potius q̃ veræ virtutis, copias apertū  
 in locum educere, & toties victoris exercitus vni periclitari, quando salus om-  
 nium atq; imperiū periniqua sorte vnius prælii aleæ committi videretur, si mi-  
 lites magna ex parte aut vulneratos, aut recenti metu trepidantes, victoribus  
 Gallis, quorum arma, cristæ, sagulaque Aragonio sanguine redundarent, pecu-  
 dum more mactandos obijceret. His maximè verbis, quæ timidorum auribus  
 magnoperè placebant, adeo præsentium animi sunt permoti, vt qui nullis etiā  
 manifestis vitæ periculis pro tuenda regis salute dignitateq; terreri didicerant,  
 Alberici, Mariniq; sententiæ assensuri viderentur, nisi eos Prosper Columna  
 qui magnitudinē animi ac dicendi libertate ante alios erat insignis, contra disse-  
 rendo acerbissimis verbis castigasset. Qui copias, inquit, in urbem non modò  
 turpi, sed admodū pernicioso consilio reducendas censent, ij mihi potius de fu-  
 ga nauibus capeffenda, q̃ de munitionibus fortiter defendendis cogitare vidē-  
 tur. Quid enim nobis intra urbē metu compulsis, reliquæ spei supererit, si ho-  
 stes tam valida recentiq; manu militum adaucti, ob idque sublati iure indu-  
 cijs, ex omnibus munitionū locis eruperint? Puerorū puto ac fœminarū plan-  
 ctus, in ipso urbis supremo discrimine, trepidantiū in tergo auditus, vires ad-  
 det, vel animos excitabit: consistentq; fortiter, alacriterq; pugnabunt, qui salu-  
 tem suam in aliena virtute vel ignauia positā esse conspicient, quū diuersis in lo-  
 cis, varia fortuna dimicari ad euentū summe rei, suspensis animis cogitabunt.  
 An vobis mente atq; memoria excidit quanto cum labore, quantoq; cum peri-  
 culo repētinas hostiū eruptiones sustinuerimus? vt nūc omnino insani simus,  
 si qui Gallis equitibus pedestri in pugna vix equabamur, nunc demū Heluetie  
 phalangis vim sustinere ex improviso posse cōfidimus. Ego certè quanq̃ sciam  
 multo facilius esse cōtra disserebando alienis obrectare consilijs, q̃ veram in sum-  
 ma negotij difficultate salutis atq; victoriæ rationē inuenire, nullam tñ reliquā  
 ad auertendos hostes viā superesse cōstanter affirmauerim, præter eam, quæ no-  
 bis in hac rerū omnium angustia securitatē pollicetur, nō modò salua, verū etiā  
 amplificata regij nominis existimatione, qua vna re vel infirmos exercitus feli-  
 citer regi, & plena spe ad victoriā facile perducī videmus. Castra etenim ad Ec-  
 ciam loco aperto atq; munito locāda, concidendosq; omnes aditus, quā iter ad  
 arcem facturus sit hostis, ea ratione censeo, vt nec hostes temerè cōtemnere, nec  
 eos demissè nimis ac perditè timere videamur. Exercitus natq; noster decoro



in speciem egressu eo tutior atque nobilior erit, quod vallatis castris locoq; natura permunito, & prohibere ex tuto hostem, si temere progredi pergat, & ostentare vires poterit sine vlllo coactæ dimicationis periculo: ij quoque qui in arcibus sunt omnino conquiescent, nec inducias, vt datis obsidibus caueant, vnquam violabunt. Quod si consilium nō dictu modo fœdum, sed ipso etiam exitu luctuosum sequemur, & copias in vrbe continendo, stratum atque expeditum iter ad arcem Persiuo relinquamus, nō modò de tuenda Neapoli, sed de summa belli victoria omnino nobis erit desperandum: quando receptis semel intra arces tot hostibus, ijsque omni induciarum religione solutis, nec robustissimus quidem exercitus repugnabit. At si quosque aditus locorumque angustias vel iusto opere, vel congerie lapidum, decisisque & obiectis arboribus, vt ipsa loci fert natura, strenuè atque celeriter muniamus, hæc quæ plerisque ardua videntur, opinione omnium faciliora euadent, conatusque hostium maiore aliquanto cum voluptate quàm periculo nostrorum militum penitus eludentur. Ergo si urbem incolumem, Ferdinande, saluum imperium, ciues pariter ac milites tuos seruatos, victoresque, quàm hæc omnia veluti vno fulminis ictu concussa atque prostrata videre malueris, protinus ad Ecciam educ signa, regijque animi vigorem, quum maximè factu opus est, alacritatis atque fiducie plenus ostende. Aliena namque virtus vel falso etiam fulgore hostibus sæpe timorem præbet, animusque vel aduerso successu consternatus plerumque ad alieni metus imaginem vel falso conceptam erigitur. Sed hæc tibi extemplo peragenda sunt: nam in præcipiti bellicarum rerum occasione, grauiar repentinaque pericula multæ deliberationis consilium non admittunt. Ferdinandus ea permotus oratione, veluti discusso ancipiti metu, animum erexit, quâquam eum ingentis spei plenum binæ clades vehementer contudisse viderentur: statuitque, vt protinus ad Ecciam periti locorum atque militiæ mitterentur, qui inspicerent cuncta oculis, diligenterque lustrarent, si concidi ac muniri aditus possent: se nihil moraturum quin eò copias omnes educeret, & Prosperi consilia sequeretur. Nec multo post Ioannes Montanus fide virtuteque animi illustis, qui pedestribus copijs præerat, desumpto sibi eo munere Ecciam profectus, renunciauit, ea quæ Prosper docuisset, optimo prouiso fuisse consilio: operamque suam ad ea perficienda maximè constanter obtulit, ita vt conductis operis prolixè polliceretur, se celeriter munitiones esse perducturum, quæ nisi summa cum pernicio accedentium hostium non modò superari, sed nec oppugnari quidem posse omnium iudicio videantur. Itaque magnus numerus agrestium ad faciendum tuendumq; opus, finitimis totius Campaniæ imperatur. Urbana omnis multitudo, ac milites qui ex prælio Neapolim fugarepetebant, educitur: tormentaq; in primis Ecciam conuehuntur. Is est locus admodum editus non procul ab occidentali porta, qui ad arcem Pizafalconis extenditur, desinitque in præaltam caudem præciso vndique deiectu mari imminentem, quæ Gallis ad arcem tendentibus necesse erat penetrare. Paulo infra Ecciam, cœnobium est Capellæ nomine nuncupatum. Id ad mare pertinet, impositumque est viæ inferiori, quæ maris fluctibus alluitur. In eo cœnobio tormenta locis idoneis sunt collocata: hisque vrbani cohortes duæ presidio additæ: vt ab omni simul parte accedendi facultas Gallis eriperetur. Montanus etiã Crypte viam, quæ perforato antiquitus monte Pausilipo, Puteolos rectâ perducit, aggestitia materia præcludere conatus est. Sed Persius prima luce motis castris,



stris, per dorsum Pausilippi agmen erigere cœpit: cuius aduētū Aragonij ab opere reuocati, instructis ordinib. vti rex iusserat, suis locis parati ad pugnam constitunt. Collucebāt proximi colles ingenti armatorū agrestium multitudine, quorū inconditis clamorib. cuncta resonabāt. Regis vero copię paulo infra arduo atq; opportuno loco tenebātur, adeo vt procul in magnis tympanorum, tubarumq; concētibus, tormentorumq; strepitu, longē maximi exercitus species subeuntib. Gallis redderetur. Persius sua opinione deceptus paululū substitit: quippe qui regē ad famam tantę victorię perterritū, atq; adductū anticipi periculo, nō modo extra urbē habiturū castra, sed fuga sibi omnino consulturū crediderat. Mox vbi suos nihil ab arcibus moliri, neq; vllum omnino letitig signum displosis de more tormentis edere conspexit, ratus eos aut deditos esse, aut omnino (vti erat) inducijs alligatos fidei religione detineri, ad dexteram in litus deflexit, & iuxta Reginę hortos castrametatus est. Tum verō Galli eminus ē castris, & ē Capelle cœnobio tormentis oppugnari cœpti. Imminebantque eis ē superiore loco instructę acies, leuiaque certamina extra ordinem ab expeditis peditibus edebantur. Sic tamen vt se potius pugnae auidos inclamando atque arma quatiendo procul ostentarent, quā vt ad conferendas ex propinquo manus decurrere auderent. Nanq; eos Ferdinandus descendere prohibebat, quū munitus castris egregiē se teneret, ne parta propē victoriā in discrimen improuise pugne temeritatē militum adduceretur. Interim Persius proximo in litore piscatorium nactus lembus, de aduentu suo, & de prelio ad Ebulum prosperē factō, nuncium ad arcem transmittit. Mompenserius ceteriq; duces his cognitis tantam vniuersę victorię occasionē nimis celeri rerum desperatione amissam, nequicquā deplorant: & Fortunam quę puncto temporis cuncta præuerterit, inanibus querelis execrantur: instructoque myoparone idoneos homines remittunt, qui de inducijs Persium doceant, quas sibi inopia rerum subactis vltima nēcēssitas expresserit. Sibi enim quādiu Ferdinandus aperto in loco castrametaretur nō licere quicquā hostile moliri, quod id esset expressē & iureiurando, & obsidibus cautum. Quod si Persius pulsiss<sup>30</sup> hostibus, patefactoque aditu ad arcem perumperet, se tum instructa acie protinus erupturos: sin loco viribusq; inferior id facere nequiret, & propterea regrederetur, se ad constitutam diem dedituros arces, & copias quas haberent, incolumes, expectata æquiore rerū Fortuna, donec Carolus noua auxilia transmitteret, seruatuos. Itaque Persius locorum difficultate deterritus, quum ne ad arcem neq; ad urbis portas propter angustias penetrare, neq; oppugnare castra, nisi summa cum clade suorum militum posset, ea quę imminebat noctē discedere constituit, præsertim quū eum his in locis diutius permanere commeatus inopia minimē pateretur: neq; triremes Aragoniæ quę Baiano sinu educatę, ex alto ea litora tormentis infestabant, Gallos apertis in locis tendere permitterēt. De secunda igitur vigilia silenti agmine profisciscuntur: pars eodē Pausilippi dorso iter facit, pars Cryptā quā Aragonij obseperāt, disiectis paruo labore repagulis ingreditur. Tum verō cerea funalia religione hominū suspensa in Marię virginis tēplo quod Cryptę adiacet, ad præbendū lumen, lixarum ac militū concursu rapiuntur, quādo id iter perpetuis tenebris incultū, ac innotatis turbę, validoq; equorū terrā pulsantiū percussu, Gallis et Heluetijs horrendum foret: qui cū inauditā antea viā humano opere perfectā fuisse nō crederēt, veluti inferorum ingenio, magicisque artibus perfossa montis viscera mirabā-



tur. Sequenti die Persius pluribus carris cum magna vi omnis generis com-  
 meatus ad Cryptam relictis, quibus obsessorum inopiam se abunde subleuatu-  
 rum sperauerat, Pomelianum peruenit. Id oppidum cum omnibus rebus tum  
 maxime consilio infirmum, Galli, quod ab Aragoniæ factionis hominibus  
 portæ claudebantur, nullo negotio expugnant: omnesque ad vnum, vt nec  
 foeminis nec pueris parceretur, interficiunt: eoque immanitatis barbara sæui-  
 tia peruenit, vt quum abditas res quærerent, latebras omnes sedulo scrutaren-  
 tur: quosdam qui in furnos metu mortis se coniecerant, iniectis ignibus con-  
 cremarint: alios in latrinis latitantes hastis atque lapidibus demersos foedis-  
 simo mortis casu perneçarint. Direpto atque incenso Pomiliano, Persius No-  
 lana via iter intendit, nouissimum Gallorum agmen carpentibus regijs equiti-  
 bus, nanque Ferdinandus motis extemplo castris, abeuntes hysdem vestigijs  
 fuerat insecutus: verum adeo cunctanter & cautè, vt tergis inhærendo non  
 procul abesset, & nulla dimicandi necessitas imponi posse videretur. Ad id  
 tamen quod omnibus artibus deuicabat summæ rei certamen quorundam e-  
 quitum petulantia penè perductus est. Nam quum in patentes Palmæ cam-  
 pos qui ad Nolam vergunt, vbi quondam Marcellus atque Annibal conflixe-  
 re, esset peruentum, Gallorum extremum agmen vt ientaret, fortè confedita  
 pud villam regio ædificio insignem, quam Alfonsus maior venandi studio al-  
 lectus opportuna ad id genus voluptatis regione condiderat. Quibus potan-  
 tibus Aragonij equites leuis armaturæ superuenerunt: certatumque est tumultua-  
 rio prælio, sed celeriter leuis armatura à Gallis equitibus cataphractis repulsa  
 est: qui vti primum conglobati equos incitarunt, regij non modo verterunt  
 terga, sed præcipiti fuga in mediam peditum suorum aciem, quæ non procul  
 aberat, inciderunt, totamque foeda trepidatione iniecta perturbarunt. Monta-  
 no qui peditatum regebat obsistenti ac ordines conseruare conanti, aduersa fu-  
 gientis militis cuspidè crus trañcitur. Raynaldus Feramusca atque Cerbellio  
 leuis armaturæ præfecti, immisti hostibus densissimi pulueris beneficio seruân-  
 tur: isque tumultus & consternati metu exercitus fuga ad regem momento  
 peruenit: adeo vt rex ipse, & Prosper Columna oppositis equitum turmis ef-  
 fusè fugientes multum increpando, & plerisque ora gladijs sodiendo vix siste-  
 rent. Constat ea die tantum exercitum parua manu deleri potuisse, nisi ea eleua-  
 ti pulueris nubes Gallis prospectum penitus ademisset. Nanque paucitatis fug-  
 conscij, alienæque trepidationis prorsus ignari, quum se ab suis in multo spatio  
 disiunctos, & trahi in insidias & circumueniri facile posse iudicarent, retrò ad  
 suos plenis passibus redierunt. Ferdinandus quanquam plerosque suorum  
 vulnerasset, ægrè retentis & restitutis ordinibus, Cerbellionem atque Raynal-  
 dum temeritatis castigauit: & nonnullos qui proiectis foedè armis Neapolim  
 vsque res perditas nunciantes perfugerant, ignominia notauit. Postera die  
 Persium per Sarnenses montes euadentem, concidentemque in tergo itine-  
 ra, vt sequentium cursum retardaret, ad Sanseuerinum oppidum vsque perse-  
 cutus est. Inde Galli expugnatis in Samnio aliquot ignobilibus castellis, in A-  
 puliam in hyberna concesserunt. Ferdinandus verò aliquot dies ad Auelinum  
 moratus, multis de causis eos persequi destitit: & quod hyems suberat, & ad  
 recipiendas arces exactis iam inducijs Neapolim vocabatur, eò cum familiari-  
 bus equitibus est reuersus. Cæterum Mompenserius priusquam induciæ præ-  
 fixo ad certum diem exitu finirentur, arcemque dederet, contra iusiurandum  
 ex arce



ex arce Noua cum lectissimis suorum equitum, noctu conscensis nauibus Sa-  
 lernū profugit, ipsius maxime Salernitani consilium secutus: qui cū se nunquā  
 alicuius Aragonij principis fidei salutem suam commissurum iurasset, Gallos  
 omnes omnibus arcis locis concionabundus ad renouandum bellum horta-  
 batur: quando si victorum arbitrio se dederent, non modo hostium fraude,  
 qui nullum iusiurandum nullanq; pietatem colerent, scēde perituri essent: sed  
 cæterorum quoque omnium Gallorum, qui in præsijs toto regno essent di-  
 sperfi, salutem prodituri viderētur. Superesse bis victorem exercitum, egregia  
 vbiq; Andegauenſium studia vigere, Caietam Tarentumque validissimas  
 10 regni vrbes præsijs teneri: expectari classes quæ in Gallia atque Liguria pa-  
 rarentur: non esse cur regem inani multitudinis studio in spem obtinendi re-  
 gni sublatum, cæterum profligatum, exitum armis exhaustumque pecunia,  
 Neapoli ac regno interim expelli posse diffiderent. Si enim neque animos di-  
 mittant, neque arma turpiter abijciant, cuncta ipsos, quō semel vires ac animi  
 verterentur, prosperē tentaturos. At turpe non modo sed erumnosum omni-  
 bus fore, si Mompenſerius & personæ quam gereret, & supremi officij milita-  
 ris, quod ab Carolo sibi esset demandatum, penitus obliuisceretur. Debere eū  
 sicuti præproperē inducias paciscendo, victoriam aliorum virtute partam in-  
 terpellari, in expiabilis eius errati detrimentum fortioribus consilijs resarcire.  
 20 Nec tum ipsi duci præclara audenti milites defuturos, qui publicū Gallia de-  
 cus respicerent, ipsamque omnium salutem ac libertatem obnixē tuerentur. Se-  
 quidem qui id consilij præberet, omnes Lucaniae opes permultis & recentis et  
 veteris belli casibus Gallico nomini obligatas confestim additurum, & ad ex-  
 tremum constanter in fide persistendo, si Dñ tantis ac vtrique prudenter ini-  
 tis susceptisque consilijs infestifōrent, Carolo Regi vel acerbissima morte sa-  
 tisfacturum. Erat enim Salernitanus Aragonijs omnibus maxime infensus:  
 nec vllum omnino grātis, aut veniæ locum vllō vnquam tempore apud eos si-  
 bi futurum arbitrabatur, propter insignes iniurias quibus seniore Ferdinandū  
 dum affecerat, quū & antea deprauatis concitatisq; omnibus ferē totius regni  
 30 proceribus, aduersus eum coniurasset: ac tum demum quum in Gallia exula-  
 ret, Alfonso regi tantū bellum vndique concitasset. Mompenſerio Salernita-  
 noq; in Lucaniam ad instaurandum bellum profectis, cæteri duces Galli arces  
 dediderūt: obsidibusq; receptis cum reliquis copijs Caietam nauigarunt. Nec  
 multo post Alfonso febre ſcua correptus, quam ex atris humorib. conceperat,  
 Messaniæ interiit: tanta quū moreretur celestis vitæ cura, adeoq; insigni in Deū  
 pietate, vt qui regia licentia per omnē ætatem cunctis voluptatib. effusē ser-  
 uierat, despectis humanis rebus, longē omniū sanctissimē ex hac luce migrasse  
 diceretur, quanquā post Ferdinandi filij reditū, arcesq; receptas, rursus eum re-  
 petendi regni cupido inuaserit: quum animus haud satis constantibus decretis  
 40 ad priuatam vitā fortiter ferendā confirmatus, sese in his arridētis Fortunæ suc-  
 celsibus erexisset. Obtulerat enim Ferdinando præter veteris gazæ reliquias,  
 industriam suam, si ea ad conficiendum bellum vsui futura videretur. Cæte-  
 rum se ab omni humanarum rerum cura penitus abdicatum, arce Capuana  
 contentum fore, quæ amœnissimum regalis Podij secessum extremo in vrbis  
 angulo absconditum despectaret, atque ibi vitæ reliquum procul a conspe-  
 ctu multitudinis tranquilla in pace finiturum. Sed Ferdinandus vti regum fe-  
 re omnium mos est, qui regnandi causa, neq; pietate, neq; verecundia permo-



uentur, quum eadem imperij libidine teneretur, infanientis patris desiderium celeriter elusit, deprecando ne initia infirmæ adhuc victoriæ intempestiuo aduentu suo perturbaret & euerteret; quo erga eum alieno essent animo non modo ipsi Andegauenses, sed omnes propè Aragonij, qui veteris eius imperij memoriam reformidarent, & studia in Gallos, si tum aduenirent, subita animorū consternatione conuersuri viderentur. Ob id Alfonsus suo pudore planè castigatus, omnem recuperandæ regiæ dignitatis spem penitus abruptit: contulitque se in contubernium sacerdotum, vbi sacris intentus literis religiosissimi officium vsque ad vitæ exitum plenissimè vel simulauit, vel impleuit.

PAVLI IOVII NO  
VOCOMENSIS, EPISCOPI NV-  
CERINI HISTORIARVM  
SVI TEMPORIS.  
LIBER IIII.

**N**TEREA Carolus qui iam superatis Alpibus in Galliam vltiorem peruenerat, postquam de Persui victoria certius cognouit, eos qui bis collatis signis adeo feliciter dimicassent, auxilijs terra marique transmissis iuuare constituit. Itaque in maximam spem belli prospere conficiendi haud dubiè erectus, naues onerarias insignis magnitudinis parari atque exornari Massiliæ iubet: mittunturque Genuam ad alias pecunia conducendas Orphæus præfectus nauium Gallicarum, & Primodeius quæstor: qui tametsi ab his rebus administrandis per Ludouicum Sfortiam haud obscuris artibus retardabantur, classem tamen coactis vndique nauibus celeriter compararunt: copijsque impositis, nautas Caietam cursum dirigere iusserunt. In ea classe Bufechus & Anzoltus erant cum aliquot delectis Germanorum Heluetiorumque cohortibus, præterea circiter mille Vascones sagittarij, & nonnulli equites Galli illustres cum Aloisio Arsio duce impigro: itemque ex Neapolitanis Andegauensis factionis Aloisius Gesualdius Compfanus princeps, et Traianus Papacauda magni vir consilij, gnarusque militiæ, qui Carolum secuti, pace demum apud Vercellas constituta, cum proceresque omnes ad transmittenda auxilia continuis cohortationib. accenderant. Interim Ferdinandus a Ludouico Sfortia de aduentu classis certior fiebat. nam qui ex fœdere, quin portus, classes, cunctaque regijs procuratoribus paterent, prohibere non poterat, assidue monebat Aragonios, vt quanta maxime possent cura ac celeritate classem augerent ac educerent: quando interclusis maritimis auxilijs, non multo post veluti desperata victoria, & Mompenserio & cæteris Gallis omnibus regno esset cedendum. Quod si eam hostium classem Caietam libero mari incolumen deferri paterentur, ipsos victoriam quæ iam certa explorataque esset, non in dubium modo, sed in funestum rerum omnium discrimen esse deuocatu-  
supra



supra cæteras rerum difficultates in educenda atque expedienda classe Arago-  
 nens, incuria, ut Gallicæ naues quæ auerti vel opprimi facile poterant, prius Ca-  
 ietanum in portum ex alto se intulerint, quàm Triuentius ex Pontia insula, v-  
 bi stationem habuerat, eas adipisci potuerit: vna tamèn, magnitudine insigni  
 nomine Magdalena, milite comœatuque onusta, quæ cæterarum cursum æ-  
 quare non potuit, intercepta est. Per eos quoque dies conductus Gallico sti-  
 pendio Virginus Ursinus, & cum eo plerique viri illustres ex eadem familia,  
 qui eius tanquam factionis militiæque principis nomen atque auctoritatem  
 sequebantur. Is enim quum captiuus in Galliam à Carolo duceretur, ea fortè  
 10 die qua ad Tarrum est dimicatum, æger pedibus ad Foronouum in Apenni-  
 no substitit, incertū, data fide, an custodum incuria, regis scilicet Gallorum,  
 que omnium animis atque oculis in eius imminentis pugnae discrimen inten-  
 ris. Exinde non nihil in Gallia Cisalpina moratus est, ut belli inclinationem po-  
 tius quàm exitum expectaret, explorataque principum erga se voluntate, no-  
 uæ fortunæ consilia sequeretur. Transiit non multo post in agrum Romanū,  
 & veteres milites cœgit pecunia Petri Medicis maximè adiutus, quem se uti  
 primum exercitus sub signis foret, Florentiam reducturum pollicebatur. Inde  
 profectus in Umbriam, Valdum Nucerini agri oppidum in gratiam Balconū  
 Perusie principum, qui id armis repetebant, oppugnauit, sed scædo admodum  
 20 exitu: nam defendentibus non modo mœnia Fulginatium cohortibus, verum  
 etiam audacter erumpentibus, aliquot milites & ferreum ingens tormentum  
 amisit: filijque eius Carolus atque Iordanes, itemque Liuius, contuulnera-  
 ti fuere. Nec irritò incepto abscedentem, ac signa in Etruriam vertentem, Ba-  
 leoni secuti sunt, uti se facturos promiserant: quando eum qui in oppugnatio-  
 ne oppidi plures dies frustra hæsisset, tantæ molis bellum parum prosperè ten-  
 taturum apparebat. Virginus Umbria digressus, superato Clani amne, ad Ra-  
 polanas aquas in finibus Clusinarum confedit, magnumque Florentinis amit-  
 tendæ libertatis timorem præbuit. plerique enim suspensa metu ciuitate occul-  
 tas cōiurationes à veteribus Mediceorum amicis, clientibusque initas esse su-  
 30 spectabant, verebanturque ne eæ copiae, quæ tum exiguae erant, occulto Ludo-  
 uici Venetorumque consilio maximi exercitus initium fierent: quādo illi iam  
 ex professo, & tueri Pisanos vellent, & Gallorum socios pro hostibus habere,  
 belloque persequi decreuissent. Quibus de causis Florentini, ne aliqua vis inte-  
 stine fraudis erumperet, suspectos ciues in proxima oppida præscriptis finibus  
 ablegarunt: aduentantique Virginio Herculem Bentiuolum, & Rannucium  
 Martianum apud Cortonam opposuerunt, quos ex agro Pisano cum expedi-  
 tis copiis euocarant. Ob id Virginus per niuosa loca copias circumducens, ad  
 alēdum militem aliquot ignobiles villas expugnauit, quum nec sibi satis viriū  
 esset, uti vim magno conatu moliretur, aperteque perumperet, neque Petro  
 40 Medici consilia procederent, qui amicorum erga se studia opinione debiliora  
 fuerat expertus. Interim Camillus Vitellius cum Gimello Gallo equite è Gal-  
 lia missus, ad Virginium cum mādatis regijs peruenit, attulitque in stipendium  
 duodecim milia aureorum nummū, congressusque cum Virginio & filiis,  
 præfectisque eius magnis pollicitationibus nutantem, perpulit, ut Gallorum  
 partes sequeretur. Veneti nanq; & Ludouicus Sfortia, itemq; Alexander Pon-  
 tificex per idoneos homines Virginium Ferdinando conciliare conati fuerant: ac-  
 tum maximè hominē obtestabantur, ne cōtra totius Italiae consensum atq; iu-



diciū publicis hostibus adherere vellet: Fore etenim à Ferdinando, qui iā hōne-  
 stissimas obtulisset conditiones, in antiquam amissorum oppidorum posses-  
 sionem, pristinamque militiæ dignitatem restitueretur, si uti erat humaniter  
 inuitatus, vetera erga Aragonios beneficia nouis virtutis ac fidei meritis cumu-  
 laret. Enimvero Ferdinandus Tallacotium in Marfis, & alia oppida Virginij  
 ditionis, Fabritio Columnæ attribuerat, quæ ab eo sub Caroli aduentum fue-  
 rant capta. Ipseque Fabritius Magister equitum erat creatus, quem honorem  
 militiæ longè amplissimum sub Ferdinando seniore, Alfonsoque Virginus  
 antea gesserat. Ea vna re animus eius nequaquam superiorem vel parem digni-  
 tate ferre solitus, vehemēter offende-batur. Porro si in partes Gallorum transi-  
 ret, ducis quidem nomen penes Mompenserium fore, ceterum in castris Gal-  
 los sibi vni obtemperaturos existimabat, quod neminem esse, qui se melius A-  
 ragoniæ militiæ rationes, regni, opum, locorumque omnium notitiam teneret,  
 arbitraretur: neque vtile sibi vel decorum putabat, si Ferdinando sese viresque  
 adderet, apud quem aduersæ factionis principes Prosper atque Fabritius vete-  
 res ipsius hostes primum honoris & gratiæ locum occupassent. Liuianus tamē  
 sæpius est eum deprecatus, ne sese totque clientes suos, ac vniuersam Vrsinam  
 familiam in summum discrimen adduceret. Quoniam aduersus summas opes  
 tantorum regum, qui Ferdinādo ex fœdere fauerent, eam belli expeditionem,  
 dijs atq; hominibus infestis, suscepturus esse videretur. Sed Virginium vel in-  
 nata elato eius animo contra æquum & bonum contumacia, vel occulta vis fa-  
 ti, quæ sæpenumero prudentes ad insaniam vertit, contactu Gallicæ pecuniæ  
 corruptum, aliò rapiebant. Itaque Petrum Medicem quem pecunijs nuper ex-  
 hauserat, magnificis solatus verbis, dimittit: abeuntem orat, ut neque de sua er-  
 ga ipsum voluntate, neque de Fortuna desperare velit. Fore etenim ut Neapo-  
 litanæ victoriæ, quam ipse concepisset, fructum maturè sentiret, quando ipse  
 non prius quàm Mediceam familiam armis Florentiam reduxisset, corpore  
 vel animo esset conquieturus. Eo dimisso Carolum filium pro obside in Gal-  
 liam transmisit, & per Tudertinum Sabinumque agrum Aquilam profectus  
 est. Eius aduentu timore adductus Cantelmus Populi Comes, cum Aragonio;  
 præsidio vrbe excessit: simulque Interamna in Præcutinis partes Gallorum se-  
 quuta est. Monteleonem quoque oppidum à Vitellianis ex itinere captum, &  
 cum multa cæde oppidanorum crudeliter direptum: paucisque diebus Lan-  
 cianum celeberrimum Apuliæ emporium, quod antiquitus Anxanum Fren-  
 tanorum fuit, magno Aragoniorum cum terrore peruenit. Erant enim sub si-  
 gnis Virginij equites cataphracti circiter quingenti, & totidem levis armatu-  
 ræ: singulas alas ductabant Iordanes filius, Paulus & Franciottus Vrsini: præ-  
 terea Liuianus, & Antonius Comes: itemque Baleoni eximia virtutis iuue-  
 nes Simonettus, Carolus & Hadrianus à proceritate corporis cognomento  
 Morgantes: Vitellij quoque Camillus & Paulus (nam Vitellocius Tiferni re-  
 manserat, ut in Galliam pro obside proficisceretur) quadringentos vtriusque  
 armaturæ equites militariter potius quàm splendide instructos adduxerant.  
 His quoque Baylius Vitrius qui Aprutinam præfecturam obtinebat, cum  
 ala Gallorum ex itinere se adiunxerat. Ab Gratiano autem Guerra, Ioanneque  
 Rouereo, & Sigismundo Cantelmo in Marfis & Pelignis bellum impigrè ge-  
 rebatur. Belcarius Caietæ proximisq; Campaniæ oppidis copias, quæ e Gallia  
 nauibus aduenerant, singulari cura recreabat, armis vestique ac rebus reliquis  
 omnibus



omnibus adornabat, Ipse Momperferius & Persius, Salernitanusque & Ben-  
 fennianus copijs nouo delectu auctis, ex Lucania in Hirpinos ita opportunè  
 transierant, vt Ferdinandus qui Apenninum transgressus ad Fogiam urbem  
 in Apulia confederat, vndique magnis hostium exercitibus circumuentus esse  
 videretur. Quibus de causis in summas eius belli difficultates adductus, quod  
 extrema pecuniæ inopia premebatur, ad Venetos confugit, orando, vt sicuti  
 totius Italiæ egregijs operibus editis conseruatores omnium iudicio nuper ex-  
 titissent, ita imperij Neapolitani atq; ipsius Aragoniæ domus salutis ac digni-  
 tatis curam fusciperent: se in testimonium egregiæ voluntatis, ad gratiam eius  
 10 accepti immortalis beneficii integra fide, cum potis foret, referendam, concessu-  
 rum in eorum potestatem quas vellent Apulię vrbes pignoris nomine, donec  
 eæ, restituta pecunia quam mutuam dedissent, recuperatæ forent: futurumq;  
 esse, vt si ipsis maturè opem ferentibus Aragoniæ res stabunt, ac eiectò externo  
 hoste firmarentur, ipse, Aragonijq; posteri omnes Venetos tanquam præci-  
 puos patronos ac tutelares dominos studiosissimè colerent. Veneti qui tū ma-  
 gnis opibus florebant, ac imperij fines extra principum inuidiam proferre cu-  
 piebant, adhortantibus maximè Ludouico Alexandroq; pontifice, defenden-  
 di aduersus Gallorum vim Ferdinadi, conseruandiq; eius regni negotium su-  
 sciperunt, ea conditione, vt sibi maritimæ vrbes Tranium, Monopolis, Poly-  
 20 gnanum, Mola, Hydruntum, atq; Brundisium in Apulia traderentur, essentq;  
 Venetæ ditionis, donec Ferdinandus impensam eo bello pecuniâ Senatui Ve-  
 neto persoluisset. Nec multo post Mantuanus recenti rerū gestarum gloria cla-  
 rus, quum neminē eo fortius Gallos debellare posse homines crederent, eumq;  
 præcipue Ferdinandus flagitaret, Imperator deligitur, additurq; legatus Pau-  
 lus Capellius excellenti virtute patritius. Itaque circiter Idus Februarias, euoca-  
 tis ad se Mantuam ex hybernis delectis militibus, hisq; nauibus impositis secū-  
 do Pado Rhauennam deuchitur: atq; inde per Vmbriam itinere factò paucis  
 diebus Romā est profectus, putans Alexādrum pontificē in ipsius gratiam, vt  
 ille promiserat, Sigismundum fratrē purpurei galeri dignitate protinus orna-  
 30 turum, quod in ea periculosa admodum belli difficultate, & à Senatu Veneto,  
 & à Ludouico Sfortia, magnoperè in eius honoris petitione fuerat commenda-  
 tus. Verum quum ab Alexandro, qui iam aliquot neq; animi virtute, neq;  
 natalibus insignes, Sigismundo præterito, in eum ordinem legerat, falsis pol-  
 licitationibus impleretur, auersatus hominis ingenium Roma excelsit, trans-  
 gressusque sancti Germani saltus angustias, & Venafro ex itinere recepto, Ca-  
 puam, atq; inde Beneuentum exercitu incolumi peruenit, vbi tum erat Federi-  
 cus regis patruus, qui urbē pontificiæ ditionis aduersus Gallos ex omnib. Sam-  
 ni oppidis imminentes, præsidio imposito tuebatur. Eius aduentus labantem  
 Aragoniorū rerum fortunā mirificè subleuauit: adduxerat enim vtriusq; arma  
 40 turæ equites eximiè ornatos, circiter mille & quingentos, in quibus erant septin-  
 genti, partim Greci, partim Epirotę duce Contareno. Sed in ijs minores præfe-  
 cti plures erant probatæ virtutis, & ante alios Dominicus Bosigia, & Mercu-  
 rius, viri in eo genere militiæ omnium postea eius nationis longè clarissimi.  
 Mille quoque veterani pedites, quibus ob spectatam virtutem pace ac bello  
 stipendio soluebantur, Crasso duce, secundum Adriatici oram nauibus in A-  
 puliam delati, ad eum peruenerant. Dum Mantuanus è Latino agro in  
 Campaniam transiret, Galli de eius aduentu multorum literis certiores facti,



diuerſa gerendi belli conſilia inibant. Virginius ad eum intercludendum ex Apulia in Campaniam proficiſci oportere cenſebat, coniunctiſq; viribus cum hiſ, qui mari adueniſſent ducibus, et tormentis ex arce claſſeque detractis, dum Ferdinandus in Samnio moraretur, ad oppugnandā Neapolim properē contendendum eſſe diſſerebat. Quod conſilium cum ab ipſo Belcario, tum à cæteris qui Caietæ erant, maximē probabatur. Mompenerius verò atque Perſius præſentis potius commodi, quā yniverſi belli exitus rationē ſequuti, ex Hirpinis perſcribebant, non videri ſibi cur alibi potius quā in Apulia bellum geri deberet. Imminere adulti Veris tempus, quo portorium pecoris, iſ, qui in Apulia viribus pollerent, exigendum foret, vti ex mutua pactione cum hoſti-<sup>10</sup> bus conueniſſent: ex eo vectigali ſupra centum milia aureorū nummūm pendī: propterea nihil ſtultius fore, quā ſi ipſorum beneficio, Ferdinandus pecuniarum inops, tantum opimi portorii emolumento ditaretur. Quod ſi in Apulia vndique Gallorum arma coirent, milites qui iam debita ſibi ſtipendia flagitare cœpiſſent, in tam propinqua ſpe noui prouentus, non modo conquieturos eſſe, ſed in ea alacritate omnem penitus exiſtimationē, quæ vana potius regij nominis imagine, q̃ veris viribus conſtaret, hoſtium copiis erepturos: proinde ſibi videri magno vſui fore, ſi Vitellij fratres cū aliis ſuis ad Caietana præſidia ex itinere excipienda mitterentur, vt ad ſe per Hirpinos iter facturis tutiſſimus aduerſus hoſtium inſidias tranſitus præberetur. Virginius qui nec abſentes docere poterat, monſtrando qualis occaſio ad ſummæ victoriæ proſectum eo in Apuliā tranſitu penitus amitteretur, & Gallos homines ab eo conſilio literis dimoueri nō facile poſſe intelligebat, Vtinam, inquit, Fortuna, quæ recta monentes ſæpius eludit, opini onem meam fallat: ducemque noſtrum præpoſteris vtentem cōſilijs, ſecunda ac fauens omnino ſubſequatur. Nec multo poſt Vitellij trans Apenninum in Campaniam mittuntur, vt pedestribus copiis ac tormentis præſidio eſſent. Quibus exceptis iunctiſq; in vnum copiis, ad Mompenerium contenderunt. Cognitis hoſtium conſilijs Ferdinandus e Samnio, ſicuti diximus, in Apuliam tranſgreſſus, Fogiæ, quæ vrbs ex Harporum ruinis creuit, confederat, vrbesq; mediterraneas, opportunaq; oppida præſidijs mu-<sup>30</sup> nieraſ, cum ora maritima fermē omnis Venetæ claſſis præſidio, Aragonia in fide teneretur. Ex aduerſo Virginius ad ſancti Seueri oppidum agri Sipontini caſtra promouerat, omniumq; vtriuſq; partis animi in eam curam erant intenti, vt coactis ac oſtentatis viribus, aduerſarios ad pugnam prouocarent, ac patientibus vagando campis, hoſti detrectanti certamen amiſſe poſſeſſionis Apuliæ conſeſſionem exprimerent. Quoniam qui eam rem obtinuſſent, ex præſcripta pactione exigendi vectigalis iura habituri viderentur. Inclinauerat enim iam ſe annus ex ſeua hyeme, ac vernum tempus appetebat, vt armēta, quæ niuoſis Prgcutinorum Pelignorumq; mōtibus deducta, in herbidis et apricis Apuliæ campis hyemem abſumpſerant, à paſtoribus reducerentur, qui non<sup>40</sup> procul à Gargano monte quum tranſibant, portorium regiſ publicanis perſoluere conſueuerāt. Per eos dies, cum Ferdinandus ad tentandas Virginijs vires leuem armaturam qua maximē valebat, ſæpius emitteret, Franciſcus Ruſticus Romanus ſagittariorum equitum præfectus, & Theodorus Bocalus Gregorum dux non procul à ſancti Seueri oppido cum Virginijs equitatu proſperè conſlixerunt: occiſoque Antiquario inſigni architecto, & Morgante conſauciato, pluribuſq; alijs interfectis, et captis, ceteros perterritos intra oppidi portam com-



tam compulerunt. Quo successu Rex inuitatus, sequenti die omnes copias in  
 conspectum oppidi instructis ordinibus adduxit, ut prius quam Mompense-  
 rius Vitellique cum Germanis in Apuliam descenderent, cum Virginio ma-  
 nus confereret, si temeritate hostium aut casu aliquo pugnandi facultas præbe-  
 retur. Quod si Virginius ad pugnam elici non posset, campos circumueundo a-  
 deptæ possessionis portorii nomen apud pastores adsequeretur. Sed quum  
 Virginius cauto innixus consilio munitis locis ac Vinetis, quæ oppido iunge-  
 bantur, se cōtineret, Ferdinandus alterum propositum tenuit: circumuectusq;  
 oppidum alas in pompæ morem explicando ac ignauiam hostibus exprobran-  
 10 do, ita ut ex propinquo militum voces exaudirentur, Fugiam victori similis est  
 reuersus. Triduo post Mompensierius apud Casalem arborem, quod est oppi-  
 dum Hirpinorum in radicibus Apennini positum, cum pedestribus copiis, quæ  
 ab Caieta ad se peruenerant, castra coniunxit, depositisq; ibi maioribus tormen-  
 tis, quoniam ad exigendum pecoris vectigal celeritate potius quam vera vi o-  
 pus esse putabat, expedito cum exercitu in Apuliam descendit. Eius quoque ab  
 sancto Seuero obuiam progressi Virginius Bayliusq; Vitrius, apud Syluan-  
 planam Troiani agri cum omni equitatu coniunguntur. Fit magna gratulatio  
 tantis in vnum coactis auxilijs. Bussecus Germanus & Anzoltus Heluetius co-  
 hortēs suas producunt: explicatisq; vexillis ac instructis ordinibus eas osten-  
 20 tant: ingressiq; in sermonem de Tarrensi pugna, cōtemptim de Italis, de se ve-  
 ro ac Gallis magnifice proloquuntur: omnibusque de obtinenda non modo  
 pecunia ex ipsa possessione vectigalis, sed de summæ rei victoria spes confirma-  
 tur. Erant enim in castris cataphracti mille & centum, leuis autem armaturæ e-  
 quites circiter mille et quadringenti, peditum Germanorum ac Heluetiorum  
 sex milia, Brutiorum & Lucanorum quos Besennianus, & Salernitanus addu-  
 xerant, adiunctis Vasconibus, cohortes decem: quibus cum minimè congres-  
 surus esse videbatur Ferdinandus, priusquam Mantuanus cum auxilijs super-  
 ueniret, quum & numero & virtute militum inferior haberetur. Erat eius exer-  
 citus trifariam diuisus: Fabritius Columna Troiæ præsidio erat impositus:  
 30 Prosper Columna Luceriam tuebatur: ipse, ut diximus, Fogiæ castra habebat.  
 Gallis propter Luceriam ac Troiam iter erat cōtendentibus Manfredoniam,  
 quæ Sipontus olim fuit, ut publicanos locumque exigendi portorii præoccu-  
 parent. Iis in itinere obujs fiunt septingenti Germani pedites duce Hederlino,  
 qui Troia egressi, ut se cum cæteris Germanis Prosperoque coniungerent, Lu-  
 ceriam petebant. Eos Fabritius monendo deterrendoque, ne se in tanta hostiū  
 propinquitate ad apertis præsertim locis sine equitatu committerent, multum  
 fuerat obtestatus. Sed Hederlinus suorum virtuti confisus, omne periculum  
 stolidæ temeritate contempserat. Itaque patentibus in campis à Vitellianis,  
 qui antecursores erant, circumueniuntur. Germani disciplinæ memores, pe-  
 40 ctora obuertunt, ac in orbem depugnant, cominusque præ longis hastis, emi-  
 nus vero sclopettis rem gerunt. Contra Vitelliani quum ordines frustra incur-  
 rendo perumpere conati essent, multique equi pilarum procella sauciarētur,  
 balistis ac sclopettis uti cœperunt, sic ut quaternæ turmæ sibī ipsi in gyrum suc-  
 cedentes, orbem incedentium hostium sagittando perpetuo ordine circui-  
 rent, multique passim quum nulla sagitta confertis frustra incideret, confige-  
 rentur. In tanta prælii iniquitate Germani pertinacia ac rabie quadam incitati,  
 quod neque alicunde subsidium expectabant, neque se in tanto emensi itineris



spatio, si conseruatis ordinibus serēciperent, sagittarū vim tolerare posse iudicabant, aperto orbe circiter ducentos emiserunt, factoque impetu in equites, eos pluribus interfectis disiecerunt. Periere eo concursu Cemperusius nobilis Gallus, Aletij in Salentinis regulus, item Petrus Poctius turmæ sagittariorum præfectus, & Busus insignis eques veteranus. Sed quum Germanis nullus disciplinae ac virtutis locus relinqueretur, absumpto præsertim omni puluere sulphureo, quod & repugnantes extra ordinem multitudine equitum opprimebantur, & densato agmine incedentes, à circumfusus sagittarijs debebantur, desperata salute ad Chilonem amnem peruenerunt. Ibi, quod solutis ordinibus propter impeditas ripas descendere erat necesse, Hederlinus, quem multis miserabiliter confixum sagittis exanimē, equoque impositum summa pietate deferrebant, a suis deseritur: cæteri incredibili peruicacia repugnando ad vnum omnes interficiuntur. Eius celebris facti laus penes Camillum Vitellium fuit, cui quum equus fuisset interfectus, & pharetras equitū exinanitas esse animaduertisset, cataphractos descendere ex equis iussit, & ijs pedes in fluminis alueū, vbi suprema Germanorum obstinatione pugnabatur, singulari promptitudine se coniecit. Ea die sclopettarios equites, quos Camillus suo pte militari ingenio nuper instituerat, tum primum in aciem & felici quidem periculo productos fuisse constat. Deletis iam magna ex parte Germanis, Liuianus cum ala subsidio Vitellij aduolauit: alijq; deinceps, ac alij duces: ipseque demum Mompenferius atque Virginius superuenerunt. Iacebant passim, vti incedentes sanguis viresque defecerant, toto eo itineris tractu ingentia corpora Germanorum: ipseque amnis, quanquam exiguas vndas traheret, obice cadauerum retentus, alueum cruentis aquis restagnantem transeuntibus ostendebat. Eius cladis fama vno simul tempore Luceriam, Troiam, Fogiamque delata, Aragoniorum animos magnoperè perturbauit, auxitque Gallis ducibus audaciam, quam nuper cunctarum virium, opportuna coniunctione conceperant. Nec mora eo successu alacres rectà Fogiam pergunt, vti regem insultando ac prouocando ad certamen extraherent: si fortè iuuentæ vigore præferuidus ad periclitandas vires, potiore decoris quam salutis cura duceretur. Sed Ferdinandus suorum ducum monitis obtemperare solitus, dispositis vndique tormentis, copias ita eduxit: vt à mœnibus portisque minime discederet: et Gregorum tantum leuis armatura, quæ ei erat mirifica, audacter emitteretur. Namque ijs ferme diebus supra mille egregij equites Venetorum pecunia conducti, è Macedonia Fogiam peruenerant. Horum alacri ac specioso admodum egressu confirmatus, defensisque præsidio tormentorum, quæ in mœnibus erant, aliquandiu in acie stetit: atque tamora tandiu hostes futuræ pugnae expectatione frustratus est, vt iam ipsum minime prælio defugisse appareret, & Galli ingruentibus tenebris, magno cum incommodo castra ponere cogerentur. Postero die Galli promotis castris, instructaque & parata ad dimicandum acie, Fogiæ mœnia præteruecti, ad Deiparae virginis Coronatæ Fanum, quod in medijs nemoribus est positum, concesserunt. Tuncque primum pristini erroris sui incommodum Mompenferius sensit, quod tormentis maioribus ad Casalem arborem relictis, præpropere atque inani festinatione in Apuliam transcendisset. Nam omnium opinione constabat, regem turpissimè fugere, relictis impedimentis necesse fuisse, aut eum, si dignitatis iacturam quam salutis potiore duxisset, expugnata nullo negotio Fogia opprimi potuisse. Sed is animo erat ad victoriam adeo confirmato,



mato, ut quo Gallos magis despicere videretur, falconum aucupio intentus Fo-  
 gia exiret, & per eos campos ipso propè in conspectu hostium, incredibili fidu-  
 cia vagaretur: ita ut quum semel omnibus de eius salute sollicitis, errabundus  
 in multam noctem redisset, à Prospero singulisque militum ordinibus, qui ar-  
 mati obuiam prodierant, tantæ temeritatis libera vocereprehenderetur. Inde  
 Galli ad armenta cogenda traducendaque, Liuianum cum leui armatura præ-  
 misere. Interim verò Mantuanus à Samnio frequentibus nuncijs accersitus,  
 Asculum Apulorum profectus est: ibique præsidio relicto, ad Ferdinandum  
 in subiectis Fogiæ campis peruenit, à quo incredibili lætitia, singularique to-  
 tius exercitus alacritate susceptus est. Enimvero nō modò auxilia summæ spei,  
 sed & famam pugnacissimi ducis attulerat: ad cuius nomen sæpius Galli duces  
 excitabantur, qui ab eo belli initio Italos aliquanto consilij quam manu melio-  
 res esse persuasum habebant: videbaturque is nullam occasionem prætermis-  
 surus, quin ex æquo manus confereret, quum iam Gallicæ militiæ morem non  
 modo tenere, sed contrarijs adiuuentis artibus propè contemnere diceretur.  
 Coactis in vnum ducibus, qui in proximis erant præsidijs, & de tota belli ad-  
 ministratione aliquot initis consilij, statuerunt prælio superfedere, tueri  
 circumiecta oppida, & iter per Apenninum in Campaniam atque Neapolim  
 aperire: quoniam in Samnij vallibus pleraque oppida vexilla Gallorum ere-  
 xerant. Fiebatque eorum latrocinij & locorum opportunitate, ut commeatus  
 in Apuliam agrè conueheretur. Poteratque ideo trahi bellum nullo metu amit-  
 tendæ existimationis, quod vndique auxilia à Venetis, Alexandroque Ponti-  
 ficæ maturè conuentura nunciarentur. Mantuanus nauandæ operæ cupidus,  
 eam provinciam ultro sibi desumpsit: progressusque cum Francisco Vrsino  
 Grauinæ regulo, regionis admodum perito, & Aragoniæ domui in primis fi-  
 deli, celeriter Montemuridem, Rochettam & Carbonariam in fidem recepit.  
 Vallata quoque oppidum in edito colle positum, magna vi atque ira militum  
 expugnata, trucidatisque ad vnū ferme omnibus oppidanis, direpta, quod Val-  
 latenses agresti feritate in fide Gallorum perseverantes, primo statim aduentu  
 ad colloquium progressos, Alexium Beccacutum, Aloisiumque Albertum dele-  
 ctorum cohortis præfectum, & Crassum cæturionem, missilibus vulnerassent,  
 Suardinoque etiam ex armigeris familiaribus nobili decoroque adolescenti, ad-  
 uersum os lapidis ictu deformassent. Vallatensium calamitate permoti populi  
 omnes, qui Vicobisazam, Carifras, Guardiam, sancti Angeli castrū, Urbemque  
 Cidoniam incolunt, præmissis oratoribus, ad Aragoniam fidem redierunt. I-  
 dem paulo post fecere Pandinenses, & Montacutani: totumque id iter vna at-  
 que ea admodum celeri expeditione patefactum est. Galli interea ad sanctum  
 Seuerum innumerabilem pecoris multitudinem coegerunt. Verum quum pe-  
 cuniam ex vectigali se exacturos sperarent, Ferdinandus vniuersum equita-  
 tum noctu Fogia emisit: accersitaque leui armatura Mantuani, & tumultua-  
 rio prælio pluribus simul locis inito, magnam pecoris partem auertit & abri-  
 puit, eo euentu, ut Galli gregibus in vtriusque partis militum prædam con-  
 uerfis, & captis dispersisque pastoribus, fugatisque demum Publicanis, omnem  
 penitus præoccupandæ pecuniæ facultatem amiserint. Erant, quod vix dictu  
 credibile est, supra sexcenta milia minoris pecoris, maioris verò circiter du-  
 centa milia. Fuit eius editi facinoris spectaculum valde deforme & misera-  
 bile, quum eo tumultu innocentissimorum populorum opes inexpectata ca-



lamitate conciderint. Videre enim erat milites inter se latronum more de  
 præda decertare, armenta ipsa aspectu armatorum & concursu rapietium me-  
 tu consternata vndique diffugere: pastores vinctos trahi, tumultuosoque con-  
 tentionis genere cuncta permisceri: & quod propè ridiculum erat, milites de-  
 speratione maioris lucri, oues raptim detundere, alios iugulatas excoriare, vt  
 lana ac pellibus potirentur. Aragonij partem pecoris Troiam abegerunt: Gal-  
 li vero multò maximam ad Garganium, atque inde in Aprutij fines, vt domi-  
 nis, qui Andegauensis factionis essent, redderetur, deduxerunt. Verum & ea  
 pars pecoris paulo post ab Aragonijs est direpta, quum fortè Gratianus & ple-  
 rique alij Andegauenses reguli, qui præsidio armentis satis incautè per Peli-  
 gnos ferebatur, in Cancellum Populi Comitem, Traianumq; Sabellum in-  
 cidissent, à quibus apud Pallenam agri Sulmonensis tumultuaria pugna supe-  
 ratifunt. Mompenferius eo depulsus consilio, quod neque sibi neq; hosti veci-  
 galis pecunia cesserat, ad Casalem arborem iter intendit, vt sumptis sibi maio-  
 ribus tormētis pristinam bellirationem in repetenda Neapoli sequeretur. Ex  
 itinere Colleonesium oppidum post factam deditionem Germanorū & Gal-  
 lorum crudelitate, trucidatis ferè omnibus oppidanis, & sceminis ad libidinem  
 abductis, deletum est. Petracallum quoq; haud ignobile castellum, eandem se-  
 uī impetus fortunam tulit: atq; inde Casalem arborem per Apennini valles est  
 peruentum. Ferdinandus interea apud Luceriam cum Mantuauo castra con-  
 iunxit: prouisoq; comiteatu medium iter tenuit, vt hostium vestigia sequeretur:  
 nam duo omnino erāt itinera, quibus Galli diuerso consilio, aut Pelignos,  
 aut Neapolim per Sannitium fines petaturi videbantur. Sed hī spe potiundi Be-  
 neuenti ad læuam deflexere. Verum quum eam urbem, et regio præsidio, et re-  
 centibus Ioannis Sfortiæ Pisarensum reguli auxilijs firmatam nequicquam  
 tentassent, retrò Murconē abscessere. Regius verò exercitus ad Poctum castel-  
 lum cōsedit: quò etiam Ioannes Gonzaga Mantuani frater, alam equitum suo  
 ære conductam regi in auxilium adduxit. Sequenti die Circellum oppidum à  
 Gallis infelicitè est oppugnatum: nam Camillus Vitellius, quum lenta admo-  
 dum ac segnis pugna à Vasconibus intiretur, & militibus ignauiam increpitās,  
 multis secum ex equis desilire iussis, audacius muro successisset, lapidis ictu col-  
 lisa vehementer galea occubuit: vir profectò corporis ac ingenij eximij doti-  
 bus inter paucos ætatis nostræ duces numerandus, si supremos egregiæ virtu-  
 tis conatus, nequaquam tunc pro externi regis amplitudine, sed pro seruituræ  
 mox Italiæ libertate deuouisset. Camillo prostrato, cohortes occupatæ metu,  
 & ducum imperio reuocatæ, retrò pedem retulere: nam tum fortè Mantua-  
 nus cum vniuerso leuis armaturæ equitatu castra improuiso adortus, interce-  
 ptis vndique comiteatus subuectoribus, & ex numero vagantium militum  
 multis captis & interfectis, magnam vndique trepidationem intulerat. Quo  
 spatio temporis, oppidani qui eggerimè aquabantur, liberè egressi, ex subiecto  
 amne proximisq; fontibus aquam sumpserunt, et nuncios de sua constantia ad  
 regem protinus emisserunt. Eodem die Ferdinandus in ipso hostium conspe-  
 ctu, Frangeto tormenta adinoui, vt Galli amittendi eius oppidi, quod Ande-  
 gauensis nominis maxime erat studiosum, periculo adducti, à Circelli oppu-  
 gnatione discedere cogerentur. Erant ei oppido paulo antè præsidio imposi-  
 ti circiter quadringenti Vascones, qui quum murus haud multis tormen-  
 torum ictibus esset quassatus atque disruptus, & propterea vehementer  
 de sua



de sua salute dubitarent, admissio ad colloquium Cerbellione, sese ac oppidum præter omnium opinionem extemplo dediderunt. Cerbellio namq; vti supra docuimus, sub Carolo meruerat, eorumque noticia ac familiaritate adductus, facile persuaserat, ne supremos oppugnationis imperus expectarent: ne dum serò oppidum præsidio ac mœnibus infirmisimum tueri aduersus tanti exercitus vim stultè contenderent, ad vnum omnes pro aliena salute trucidarentur. Quare repentina Vasconum deditione mox effectum est, vt Galli duces, qui reductis à Circello tormentis, Frangetanis auxilio ire maturabant, vtrunque & Circelli capiendi, et Frangeti periculo liberandi occasionem amiserint. Nam  
10 dum appropinquarent, non modo oppidum ab regijs occupatum senserunt, verum discussa radijs solaribus matutina crassiore nebula, quæ prospectum adimebat, tecta oppidi incendio fumantia ex propinquo conspexerunt. Quoniam Ferdinandus de hostium aduentu certior factus, quum prælio decertare necesse fore existimaret, nec milites prædabundi commessabundiq; villo militari signo proposito educi possent, tectis faces iniecerat. Mompenserius contra oppidum molli in tumulto constitit: & quanquam, vti consilio repente depulsis sæpè accidit, militibus eam quam modò pugnae audi ferocesque attulerant animorum alacritatem, resedisse cerneret, pugnae tamen signum multo tympanorum tubarumq; concentu edidit. Intererat modica vallis inter Frangetum et castra, in quam primò Gallis erat descendendum, mox verò haud multum lato aditu per collis dorsum in planiciem ad oppidum pertinentem, vbi regiae copiae confederant, erat euadendum. Is aditus vtrinque deiectus habebat inæquales & abruptos, nec tantum spatij viæ militaris in medio relinquebatur, vt exercitus expansa acie subire posset. Verum Mompenserius atq; Virginus, quo minus ad hostem ex templo contenderent, nulla eius loci iniquitate deterrebantur, quum Germanorum Heluetiorumq; virtuti plurimum consideret, & multis de causis reliquas spes omnes ad vnam eius prælii fortunam omnino periclitandam recidisse conspicerent. Contra autè Persius, Paulus Ursinus & Liuianus, insanix vel vltimæ desperationis consilium esse differebant: milites  
30 æstu ac itineris labore fatigatos iniquissimo accessu recentibus hostibus, qui loco opere munito se continerent, ac oppido potirentur, obiectare: non defuturam mox occasionem ex æquo configendi, nisi tum Germanorū ac Heluetiorum alacritate penitus abuterentur, qui campestribus in locis, si signa conferrent, hostilem aciem cæsis nuper ad Luceriam fortissimis Germanorum cohortibus vehementer attenuatam, nullo negotio prostraturi viderentur. Tum verò Ferdinandus & Mantuanus vultu quidem alacres, sed intimis sensibus maxime suspensi, milites ad signa vocare, acies idoneis locis instruere, non modo duces atque præfectos obsecrare ac obtestari, verum singulos quoq; milites nominatim appellando cohortari, vt pro salute omnium, pro libertate, dignitateque Italiae, pro præmijs, quæ singulis ex amplissimi regni opibus promissa essent, forti animo consistere, & strenuè manus conferere vellent. Sed ea erat insita Aragoniorum animis de externo hoste virtutis & crudelitatis opinio, vt plerique præda onusti ardentibus ac semiuistis in tectis se conderent, aut turpi fuga dilaberentur: necesseque esset regem ipsum sua manu alios laqueo suspendere, alios intentato gladio vulnerare, ac interficere. Interim Prosper atque Fabritius qui antea in postremo agmine curarant, e veteri disciplina, fossam in fronte eius planicie transuersam tumultuario opere perduxerunt:



quæ tamen si latitudine erat mediocris, nec moratura hostium impetum videba-  
 tur, ob id tamē magno usus fuit, quod terrenū vallum in aduersum fossæ labrū  
 de more eiectum speculantibus Gallis amplioris munitionis speciē procul o-  
 stendebat. Iam leuis Gallorum armatura, & ex aduerso Gregorum turmæ pu-  
 gnam clamorib. cientes in subiectam vallem deuolarāt: ipseq; Virginius quan-  
 quam etate ac obeso corpore valde grauis, vndique tamen armis protectus ac  
 paludatus, ad cohortādos milites processerat, quum Heluetij merita stipendia  
 et donatium certaturis dari solitum deposcere cœperūt, qua inopinata ac pla-  
 nē flagitiosa cunctatione, paratorū ad pugnam ducum & militū impetus est re-  
 tardatus. Iis porro crevere animi, qui dudum aduersus summos duces ineunde  
 pugne consiliū improbarant. Itaque quum semel auarē et turpiter consternatę  
 legionis animi, vel multis pecuniæ pollicitationib. ægrē pacarentur, ingentis  
 victorię occasio a Gallis amissa videri potuit. Ferunt Heluetios perse speciē am-  
 plioris hostium munitionis deterritos, etiam Persiui obliquis artibus, apud  
 quos ille autoritate plurimum valebat, ad detrectandum certamen fuisse in-  
 ductos: Quod ille supra verum decus ad Semenariam atque Ebulum insigni  
 virtute partum, nouam ac inanem gloriam ex Mompenserij æmuli sui infeli-  
 citate turpiter quæsiuisse diceretur. Virginius ne quicquam Heluetiorum, qui  
 adeo impudenter summi imperij iussa contemnerent, ingenia detestatus, quū  
 e manibus eripi sibi victoriā quereretur, vti verus vates calamitosi exitus, fa-  
 tales lachrymas tenere non potuit. Sequenti die Galli victis similes, Murconē  
 atque inde Andretam signa verterunt, vt in fines Hirpinorum & Lucanorum  
 proficiscerentur. Ibiq; amicarum ciuitatū studijs & fertilissimę regionis copijs  
 freti, reliquum æstatis extraherent, donec ampliora præsidia pararentur. An-  
 degauenses autē reguli Besennianus, Salernitanus, & Compsanus, siue despe-  
 ratis rebus, siue, vt ipsi dicebant, ad accersendum ē Brutijs Obigninum, nouos-  
 que exercitus comparandos in suæ ditionis regiones discesserunt. Abeuntibus  
 Gallis, Fabritius Colūna, vti erat alacri pugnaciq; ingenio, Insistamus, inquit,  
 abeuntium tergis, more militiæ maximē tuto decoroq; vt qui vltro abeunt, vi-  
 pelli fugariq; videantur. Nec mora, rege, Mantuanoque approbantibus, tan-  
 ta vis equitum nouissimū agmen persequuta est, vt quum Gallicus equitatus  
 vndiq; insulantes ac vrgentes egerrimē sustineret, Heluetij, & Germani sclop-  
 petarij a media acie reducti in terga agmen claudere ac lacessentes summo-  
 uere cogerentur. Ferdinandus interea æquioribus locis exercitum ita ductabat, vt  
 nec a vestigijs, nec a conspectu hostium abscederet, præmissaq; leui armatura  
 eos omnibus partibus sectaretur: sæpeq; fiebat, vti ex eodem flumine aquaren-  
 tur, leuib.que continuē commissis certaminibus, Galli cataphracti galeati  
 intentiq; in pugnā in summis Solis feruoribus magno cum incommodo disti-  
 nerentur. Tercio die Ferdinandus in conspectu hostium Gesualdiū Compsani  
 reguli oppidum expugnauit, arcemq; recepit: quum fortē miraculo quodam  
 vni e custodibus ē summa arce Gallicū vexillum vibranti, falconis pila brachiū  
 cum vexillo fuisset abreptū. Eodem die Galli haud multū ab tergo lacessiti, A-  
 tellam Hirpinorū oppidum concesserunt: primoq; aduentu oppidi arce, quā  
 Gurellus Caracciolus auaritia infamis, vt præsidij stipendiū interuerteret, cu-  
 stodiendam acceperat, absq; vlllo certamine potiti sunt. Eos Ferdinandus An-  
 dreta, Paternoq; ex itinere receptis, biduo post cum toto exercitu atque appa-  
 ratu tormētorum est consecutus. Gallis in Atellam compulsis, varia ab ducib.

ad ge-



adgerendum bellum consilia agitabantur. Virginius eius tum belli euentus  
 sæpius diuina mente præsentire solitus, nisi maturè inde mouerent castra, Atel  
 lam ipsis, quæ Capua quondam Pœnis extitisset, haud dubiè futuram testaba-  
 tur. Quando ea vini rerumque omnium copia, qua adeo licenter ac auidè mili-  
 tes vescerentur, omnem corporum ac animorum vigorem, prius extinctura  
 videretur, quàm è Gallia terra aut mari auxilia superuenirent: ex aduerso regē  
 hostem, qui mox tota mole exercitus vndique oppidum esset circumfessurus:  
 Hispanos & Consaluum magnum ducem è Brutijs, nouaque ab Pontifice au-  
 xilia propediem expectare, nec obsidionem tolerantibus in tam longinqua spē  
 10 auxiliorum com meatum exigui oppidi, quanquam multus esse videretur, diu  
 suffecturum: milites enim, externoque præsertim, quia ex alieno penù large  
 prodigeque conuiuarentur, serò vel præscripta demum victus ratione, futurā  
 penuriam præcauere consueuissent: nec vllum ab ijs, qui mercenarij essent, ac in-  
 ter se moribus linguaque differrent, erga duces in perferendis obsidionis incō-  
 modis obsequium sperari, quum modo in acie ad classici signum adeo insolē-  
 ter atque obstinatè dicto audientes esse noluerint: Venusiam vnīs castris con-  
 tendi posse, vbi ad trahendum bellum com meatum affatim & pulueris sulphu-  
 rei pilarumque et tormentorum apparatus essent inuenturi: in tergo quoque  
 20 esse pleraque oppida arte ac natura locorum permunita, eximiae tum fidei tum  
 fertilitatis Andegauensium regulorum: ac patere expeditum iter com mean-  
 tibus in Lucanos & Brutios: nec diu moraturos regulos, quin coactis & iun-  
 ctis cum Obignino validis copijs ad se reuerterentur. Si id consilij extemplo  
 caperent, integra adhuc spe, nec iniqua fortuna gesturos bellum: at si cunctarē-  
 tur, & sententijs dissiderent, ipsos non multo post sese ac legiones regi, cum ex  
 merito implacabili atque acerbissimo hosti, tum ex natura familiæ crudeli ac se-  
 uo subiugum mittendas: & quod Dñ auerterent, sub fide maclandas præbitu-  
 ros. At Mompenserius probare quidem consilium prouidentiae militaris ple-  
 num, sed militem stipendia merita flagitantem, consternatū adhuc alienatumq;  
 ab ducibus circumducere, quotidianisq; minutis prælijs obiectare, multo pe-  
 30 riculosius videri: Germanos robur esse totius exercitus, gentem ex leuibus sæpē  
 offensionibus turbida consilia agitare solitam: æquiore eos animo stipendio-  
 rum dilationem perlaturos, si in oppido omni cibariorum genere affluenti gra-  
 tuito alerētur. Quod si in itinere ab innumerabili hostium equitatu, aliquo ad-  
 ficerentur incommodo, & in congressibus cum consanguineis suis, qui apud  
 Regem militarent, colloquerētur, facile futurum esse, vti belli tædio, & regijs  
 pollicitationibus repentina defectione ad hostem transirent: quarum rerum  
 occasio munito oppido setenentibus omnino tolleretur. Neque se dubitare,  
 quin prius quàm omnē absumerent com meatum, certi nuntij de aduentu clas-  
 sis atque auxiliorum in castra perferrentur. Alienum nanque esse à iudicio for-  
 40 tissimorum virorum, si putarent Carolum regem cunctosq; Gallie principes,  
 omnem penitus rerum humanarum memoriam amisisse: adeo vt subita men-  
 tis commotione, vel inaudita segnitie atq; socordia oppressos, ciuium, fratrum,  
 consanguineorum, amicorum, commilitonumq; suorum salutem neglectam  
 ac perditam velint. An non audistis inquit, quanto ardore, quantoque ap-  
 paratu Galli duces ab Narbona in Hispaniae fines irruperint: Salsularumque  
 munitissimo in Pyrenæis propugnaculo vi capto, Catelanorum nobilitate  
 trucidata, quantum bellum hostium nostrorum fœderatis intulerint: Maiore



profecto cura iticolumitatem nostram respicient, qui ut in Italia hostibus Ara-  
 gonij Hispaniorum auxilia detraherent, finitimam nationem animis viribus-  
 que potentem, ultro armis lacessere minime dubitarunt. Virginius postquam ex  
 Gallorum omnium sententia Atellae commorandum esse vidit, ut ipse cum I-  
 talico equitatu in Brutios mitteretur, suadere conatus est, quod si qui Atellae  
 remanerent, ipsius discessu ampliore copia commeatus potituri essent. Ande-  
 gauenses quoque inquit, reguli, me cohortante, & bellum iustis viribus admi-  
 nistrante, alacrius copias cogent, atque euocato ex ultimis Brutiorum finibus  
 Obignino, ad Atellam obsidione liberandam maiore studio reuertentur. Sed  
 Galli communi sorte fortunam, quaecumque ab Dijs pararetur, subeundam esse  
 se scele amarunt. Quoniam suspiciosi homines Virginium durioribus, quae im-  
 minerent belli difficultatibus sese ac suos explicare potius cupere, quam salu-  
 bri consilio futuris malis remedia parare existimabant. Interim Ferdinandus  
 iuxta oppidum Callitras, editum montem, qui a septentrione Atellam & sub-  
 iectos despectat campos, munitis castris occupauit. Atella quidem in aequa pla-  
 nicie posita est: sed cum mille ferme passus ab oppido recesseris, perpetui mon-  
 tes in altitudinem sex stadiorum molliter assurgunt, non omnino ardui, verum  
 agricolarum industria impediti atque difficiles, quum passim in ipso ascensu  
 aequiora loca per gradus aratris proscindantur: caetera vero quum frequenti-  
 bus vitetis tum frugiferis arboribus pulcherrimo artis atque naturae ordine i-  
 ta vestiantur, ut ab tribus ferme lateribus oppidum in orbem cingant, et in me-  
 dium relicto camporum spatio, ingentis theatri speciem spectantium oculis re-  
 praesentent. A laeva vrbs Melficta conspicitur: a dextra ubi Compsana est via,  
 densissimae occurrunt sylvae: ab occasu aestiuo amnis decurrit paruus qui me-  
 diam planiciem irrigat, latoque circuitu Atellam praeterlapsus, coarctatusque  
 angustiore alueo frumentarias agit molas, atque inde effusus in Ausidum am-  
 nem euoluitur. Abortu Ripacandida oppidum Venusinae viae impositum  
 est, quae ex parte libere Galli frumentari pabularique poterant, quod Ripacan-  
 dida eorum presidio tenebatur, omnesque finitimi populi Andegauensium reb.  
 maxime studebant: ab alijs vero partibus propter leuis armaturae equitum  
 multitudinem, nisi magnis cum presidijs summoque periculo exire ac longius  
 euagari non licebat. Graeci enim insidiosi expeditique homines e summis col-  
 libus sese sensim demittebant: & quo minus ab hoste conspicerentur, equos lo-  
 ris pertrahebant, arboribusque & vinetis condebantur: quum vero Galli pa-  
 bulatores oppido exhibant, improuisi ex omnibus locis euolabant: atque om-  
 ni re superiores, cum Gallis dispersis atque perterritis in ea planicie praeliaba-  
 tur: eoque audaciae successu quotidiani certaminis erant euecti, ut non modo  
 Gallorum equitum arcus, Italorumque balistas contemnerent, sed cataphracto-  
 rum integras turmas oblongis ac inflexis protecti clypeis, adoriri, & cominus  
 equos admittere auderent. Fiebat enim equorum pernecitate equitandique pe-  
 ritia, ut saepe Galli cataphracti, quum insolentius appropinquantes reprimere  
 magna vi contenderent, ab inermibus circumuerti celeriter opprimerentur.  
 Tormenta quoque maiora editioribus locis opportunè collocata, & ad con-  
 spectum exeuntium agminum emissa, nihil tutum in ea planicie relinquebant.  
 Dum hec initio obsidionis sunt, Consalius cum centum cataphractis, quin-  
 gētis vero Hispanis scutatis equitibus, & duobus milibus Hispanorum peditum  
 in castra peruenit. Is superiore hyeme in Magna Graecia pluribus oppidis atque  
 vrbibus



urbibus Gallos expulerat, Scyllaceum, Sybarim, Crotonem, Semenariam, Neocastrum, Terranouamque vi aut voluntate receperat. Inde initio statim Veris Cosentiam progressus, Gallis acie pulsus, eam urbem cepit: domitisque agrestibus, qui Cratis amnis valles incolunt, ad Laynum oppidum, Andegauesium partium copias, interfecto Americo Sanseuerino earum duce, repente adortus opprimerat: omissoque Obignino & reliquis regulis, ab Ferdinando Alexandroque Pontifice euocatus, Atellam iustis itineribus contenderat, iudicans in Brutis hostium reliquias facile posse debellari, si hostes ubi maiore belli mole regem vrgerent, perquam maturè vincerentur. Igitur primo aduentu locorum situm stationesque hostium speculatus, non longè à frumentarijs molis confedit: ac mox ut erat in prouidendis perficiendisque rebus ingenij maximè præstantis & celeritatis eximiae, professus est, se non prius milites cibum capere permissurum, quam præsidium quod ad molas erat expugnarent. Nec mora, Hispanis bipartito ad munitiones signa ferentibus, strenueque irrumpentibus, præsidium Gallorum deijcitur: multisque cum in ipso certamine tum in fuga trucidatis, machinarum molares lapides, rotæque lignæ perfringuntur. Eares Gallorum animos magnoperè conterruit, quod ab nouo hoste primo statim eius aduentu in oculis ipsorum pene prius confecta fuerat, quam ab oppido prouideri succurriq; potuerit. Triduo post equitatum quem Alexander Pontifex mittebat, Petrus Gonzaga et Nicolaus Gambara alarum duces in castra perduxerunt. Superuenit quoque Philippus Roscius Venetæ militiæ equitum præfectus: qui in transitu Sorani saltus à Gratiano Guerra impedimentis & magna parte equitum exutus fuerat: nouæque ab Neapoli Italorum cohortes quotidie mittebantur. Regij, aduentu auxiliorum spe ac viribus aucti, maiore studio atque fiducia Gallorum pabulationes, frumentationesque obseruabant, ac euectos procul ab oppido, quum proximis euastatis agris longius necessariò procederent, ex omnibus locis adoriebatur, magnisque incommodis afficiebant. Nam sæpe pulso fusoque præsidio, & multis sarcinarijs iumentis cum toto calorum grege simul interceptis, non quotidianam modo, sed singularum propè horarum exercitatione in castra reuertebantur. Quibus detrimentis Galli duces, quantum ratione prouideri poterat, pabulatoribus magna addendo præsidia, explorando loca, & idonea tempora quum hostes corpora curarent, captando, diligenter occurrebant. Sed ijs innixi consilijs, quum iam necessariorum rerum inopiam sentirent, & Gallorum Germanorumque corpora in magna recentium obsoniorum viniq; penuria, immoderatis æstibus conficerentur, tertiam equitum partem Venusina via emittere statuerunt. Itaque Nonis Sextilibus, delecto ad fallendos hostes meridiano tempore, quo maximè, ut in sæuis Apuliæ feruoribus accidit, iumenta atque homines ab omni militiæ munere quiescebant, Pauli duo, Ursinus atque Vitellius sub signis agmen educunt. Conspiciuntur Galli undiq; è summis iugis, & totis castris ad arma conclamatur. Alexius qui in statione erat, frenatosque equos sub tuguriolis umbraculis atque tentorijs continebat, cum leui armatura Italica primus procurrit. Contarenius Græcis conscendere equos iussis, extemplo subsequitur. Ipse Mantuanus statim arma induit, & cum reliqua expedito equitum multitudine ad hostes contendit: conseritur ingenti tumultu magnisque clamoribus prælium. Pauli densato agmine incedunt, circumuentiq; ab omni parte neminem acie excedere permittendo, fortiter depugnant, i-



ta ut tantæ multitudinis impetus egregiè à cataphractis sustineretur. Sed dum Græci à fronte, à tergo, latereque omni acrius ac insolentius laceſſunt, atque agmen totum demorantur, fortè Perusinus eques cataphractus, natura ferox & quietis impatiens, appellatis proximis equitibus tribus, ut insultantium arrogantiam vna supprimerent, intenta hasta in medios hostes incurrit, Græcumque equitem eo impetu transfigit. Idem ceteri feliciter audent, totumque proximum hostium globum propellunt. Sed illi ex fuga, maiore demum audacia in hostes reuertuntur. At dum Perusinus cæteri que ægrè se explicant, & recurrentes à suis recipiuntur, laxatur agmen, mirumque dictu, Græci equites in medios cataphractos se celeriter insinuant: momentoque temporis cuneata acie totum eorum agmen aperiunt, atque perturbant. Tum verò in maxima nube eleuati pulueris atrox prælium committitur, cohortante atque urgente acriter Mantuano, Gallorum vexilla sternuntur, & supra trecenti vtriusque armaturæ equites interficiuntur aut capiuntur. Vrsinus autem atque Vitellius cum consertissima delectorum turma se ab circumfusiis Græcis eripiunt: beneficioque Liuiani & Iordanis Virginij filij, qui subsidio cum duabus cataphractorum turmis adcurrerant, impetumque persequentium retardarant, seruantur: reliqui verò omnes in oppidum ex fuga pauidi compelluntur. Ea die Græcorum Italorumque leuis equitatus maximam virtutis opinionem apud omnes vindicauit, qui tot cataphractis oppositus, nullo peditum aut grauis armaturæ subsidio, tantum facinus singulari felicitate peregisset. Non multo post Ripam candidam pedestres copiæ cum tormentis ductæ: repulsæque primo in certamine Consalui cohortes. Erant ij ex vltima Hispania Callaici Oceano proximi, quibus eo tempore in vniuersum scuta erant ingentia breuesque tragule: alijs parui umbones ferrei cum hastilibus prælongis, ab hoc inepto armorum genere cunctis ridiculi, sed qui audacia & corporis agilitate minimè contemnendi viderentur. Callaicis à muro fœdè repulsis Crassus cum veteranis Italis successit, & secundum eos Cantabri, ac reliquæ demum Italorum Germanorumque cohortes: paucisq; horis oppidum pari propè virtute ac pertinacia defensum atque expugnatum est. Ripa candida hostibus adempta, Ferdinandus è superioribus locis in aduersam planiciem transtulit castra, & ad intercludendum iter Venusina via confedit: duasque res hostibus maximè aduersas, ea castrorum mutatione est consecutus: nam occupato & planè obstructo aditu, qui antea commeantibus liber erat, & recipiendi commeatus ab Andegauensibus populis, & Venusiam euadendi, spes omnis hostibus crepta videbatur: promotisque in oppidi conspectum castris, hostes grauiore indies obsidione premebantur. Iamque ad eas rerum difficultates Galli peruenerant, ut quum molis paulo antè vi hostium perfractis farina deficeret, singuli panes singulis regalibus denarijs venirent: & gregarij milites fabis coctoque tritico vescerentur. Aliud quoque incommodum iam penè subactis accesserat, quod nisi summo cum periculo magnisque adductis præſidijs aquabantur: quum ex eodem amniculo vtriusque exercitus iumenta potarent: fierique non posset quin ad accessum tantæ multitudinis mulionum & militum, incredibili contentione omnibus horis in ipso flumine certaretur. Galli in parte fluminis propinquiore dolia vinaria lapidibus plena medio in vado collocarant, adiectoque aggere profluentem exceperant, ut pleniore alueo & tutiore loco aquarentur. Ibi quarta vexilla Heluetiorum & Germanorum perpetua in statione excubabant: aquato-



aquatoribusque quum hostis vrgeret, ex propinquo celeriter auxilium ferebant. Fortè inclinante in vesperam Sole pugna solito tumultuosior ad aquam, crescentibus vtrinque auxilijs erat accensa: eoque res summo contentionis ardore processerat, vt neutra pars sese inde explicare atque recipere sine magno incommodo singularique infamia posse videretur, quod regijs qui audacter flumen transierant difficilis in æquioribus locis receptus dabatur, & Galli, si locū pulsi reliquissent, summo cum dedecore cuncta exercitus iumenta paulo post sibi interitura existimarent. Aderat spectator pugnae Ferdinandus, qui quum Germanos pro numero admodum fortiter rem gerere animaduertēret, Annibalque Pandonius Camilli filius ante oculos esset interfectus, & Octavianus Columna insignis adolescens ex equo deturbatus, in summo vitæ periculo versaretur, quin subsidio suis ire contenderet, minimè dubitauit: delatusque in pugnam cum lectissimis familiarium equitum, Germanorum ordines perripit, duabusque primis cohortibus cataphractorum repentino turbine dissipatis, reliquos in fugam coniecit: qui quum ad oppidum se reciperent, Ioanne Spitiello nobili iuvene obliquum iter regijs monstrante à tergo circumueniuntur, ac passim vndique irruente, & consecretante equitatu trucidantur. Tanta verò terror eo tumultu hostibus illatus est, vt Galli qui in oppidi porta stationem agebant, nulla Germanorum in fuga pereuntium misericordia adducti, præ timore obseratis valuis complures excluderent, & eos ante portam crudeliter interfici paterentur. Periere eo prælio amplius trecenti Heluetij, Germanique, & ferme totidem capti, vexilla duo relata, aliquotque aurei ac plures argentei torques, & operosa ex argento emblemata, quibus plumeas cristas in pileis induebant, occisis captiuisque detracta. Repertus quoque est Germanus signifer amputata dextra manu, & læua fædo vulnere discissa vexillum mordicus retinens, ita vt in vestigio inuictæ virtutis expirasse videretur. Post id factum Germani manipulatim ad regem transire cœperunt: quos protinus intercessionem eorum, qui apud se militabant, in supplementum cohortium duplicatis stipendijs adscribebat. Meleager quoque Foroliuiensis equitum præfectus multis antea à Gallis affectus contumelijs, ad Mantuanum transiuit: adeoque tum aduersis prælijs, tum crebris transfugijs, vti in suprema rerum desperatione contingit, Gallorum copiae erant extenuatae, vt iam Galli atque Heluetij in coronis passim, & absentis Caroli regis, & præsentium ducum nomen maledictis aperte lacerarent; quod hi malignis prauisque dissensionibus, tot fortissimos milites toties victores, e summa spe victoriae, in eas calamitates morte ipsa duriores adduxissent. Ille verò nefaria segnitie atque infami negligentia, tot milia benemeritorum de se militum, contra fidem datam omni ope destituta, in vltimis Italiae finibus ab insensissimo rege trucidanda reliquisset. Has militum querimonias acerbioresque sermones Persius excipiens, vtpote qui res maxime afflictas ad inuidiam aliorum ducum vertere cupiebat, Bono, inquit, animo estote mei commilitones: nam postquam Fortuna suo more mutabilis & nusquam fida consilijs nostris illudens, nos omnes huc compulit, dabo operam, vt me sequestro, conditiones ab hostibus, nec Gallico nomine, nec superioribus victorijs nostris indignas referatis. Quod si illi crudelius sanguinem nostrum exhaurire quam moderata potiri victoria maluerint, efficiam profectò, vt vos qui mecum hos ipsos sæpius sine vestro vulnere cæcidistis, si à Dijs omnino deseremur, implacabili hosti victoriam longè omnium luocuosissimam



relinquantis. Quibus dictis, pauca ad duces in Pretorio prolocutus maximo mi-  
 litum assensu ad amnem contendit: & preconem transmissis, regem ad colloquiū  
 euocauit. nam & pridie questor Gallus apud regios milites captiuus, quum fi-  
 de data ad cogendam pecuniam qua redimeretur vltro citroque commearer,  
 de compositione loqui cœperat. Itaque concursu multorum facto, & rege ala-  
 criter prodeunte, Persius ab vltiore fluminis ripa, in hunc modum loquu-  
 tus est. Acquū videtur, inquit, Ferdinande, vt ego ante omnes Gallos, qui dua-  
 bus illatis cladibus, res tuas afflixi, hodie gratissimum tibi de optima spe  
 futuræ pacis nunciū feram, vt hoc meo insigni erga te officio, veteres iniuriæ  
 penitus expiantur. Trium dierum inducias postulo, vt commodè deliberan-  
 do de compositione agi possit. Conditiones verò tales erunt, vt nos aliquanto  
 maiore virtute cepisse hoc regnum, quàm reliquisse videamur: & tu toties a-  
 cie victus, egregium victoris titulum feras. Qui verò speratam victoriam nul-  
 la dubij euentus æquitate præfiniunt, summa & immoderata cupientes, sæpe  
 aduersam, non semper æqui Martis vim experiuntur. Proinde si amici socij-  
 qui ferocius loquentes, animum à pace alienum ostenderint, imprudenter fe-  
 ceris, quia alieno arbitrio in ipsa summæ rei tue causa periculosum consilium  
 sumes. Potior enim est moderata sine vulnere victoria, quàm eadem si decertes  
 & vincas summè optima cruentaque. Consilium meum propterea ne spreue-  
 ris, quod non voluntate atque iudicio, sed vltima expressum necessitate vide-  
 tur. Nam publicus hostis salubria tutaque consilia aduersarijs aliquando tulit.  
 Sed de pace bellæque quæcunque mens tua fuerit, quod dederis alacriter acci-  
 piemus: nam inuictos Gallorum animos, & ad vtrāque fortunam egregiè pa-  
 ratos inuenies. Ferdinandus ad ea respondit: diuina fieri iustitia, vt qui primi  
 bellum inique & arroganter intulerint, supplices pacem petant: sed porro  
 quod totius iniuriæ obliuisci malit, quàm non omnino clementiæ ac humani-  
 tatis meminisse, planè pacatum pronumque animum ad complectendam pa-  
 cem ostensurum: quanquam ea naturæ suæ lenitas neque utilis neque decora  
 quibusdam videri posset, vel ob id, quod ipse non ignarus militiæ, & profliga-  
 tas Gallorū vires, & spes omnes penitus accisas præclare conspiciat, ita vt bel-  
 lum funesto hostium exitu propediem se finitum speret. Cæterum generosi  
 propositi summam esse, vt eos qui etiam crudelius victoriam exercuerint, in-  
 columes velit: modò conditiones accipiant, quas ex sententia ducum suorum,  
 qui essent viri summæ equitatis, paulo post daturus esset. Dirempto colloquio  
 sequenti die Liuianus, Bertanus Manglos, Petrus Cræsius, Busius, Bussecus, &  
 Anzoltus, cum summis de pace mandatis ad regem mittuntur: breuique disce-  
 ptatione res his legibus vigesimo septimo obsidionis die componuntur. Monti  
 penitus atque Virginius nisi iusta obsessis auxilia intra trigèsimum diem ali-  
 cundæ submittantur, cum omnibus copijs in Gallias se profecturos promit-  
 tunt. Tormenta ænea, equosque omnes regia nota inscriptos relinquent. omnes  
 regni arces restituent, præter Tarentinam, Venusinam, & Caietanam, quibus  
 discedens Carolus custodes præfecisset, tesserasque acceptæ fidei in Galliam de-  
 tulisset. Captiui vtrinque sine pretio redderentur, ac Obignino Gratianoque &  
 omnibus regulis Andegauensibus, qui in partibus Gallorum essent, eius fœde-  
 ris beneficio vti liceret. Rex interim commæatus ac naues quibus transportarē-  
 tur, expediret, vt intra statutum tempus in Galliam enauigare possent. Vt hæc  
 porro firma rataque sint, singularum nationum obsides dantur. Pro Gallis Per-  
 sius,



sius, Bayliusque Vitrius, & Aloisius Arsius: pro Italiis Pauli duo, Vrsi-  
 nus atque Vitellius: pro Germanis Brocardus: pro Heluetijs autem Hescuia,  
 primarum cohortium praefecti. Traianus vero Papacauda Neapolitanus, &  
 Leonius Tyburs Virginij medicus, ut rerum exitum Carolo regi certius de-  
 monstrarent, & inita ad Atellam pactionis tabulas deferant, in Galliam abire per-  
 mittuntur. Ex aduerso autem, Ioannes Borgia Cardinalis pro pontifice, Con-  
 saluus pro Ferdinando Hispaniarum rege, Paulus Capellius pro Veneto Se-  
 natu, Franciscus autem Casatus pro Ludouico Sfortia, regem cuncta quae ille  
 promississet Gallis integra fide praestaturum receperunt. Rebus in hunc modum  
 10 compositis, Persius equum illum ab incredibili praestantia supra ceteros o-  
 mines maxime celebratum, Ferdinando restituit, cuius lapsu regem in pugna  
 ad Semenariam penè oppressum & captum a Gallis fuisse memorauimus. Po-  
 stero die Ferdinandus mouit castra, & ex itinere Arrianum recepit: Sanseueri-  
 num interfectis defensoribus expugnauit. Inde Salernum profectus urbem &  
 arcem septimo die in deditionem accepit. Interea Gallorum copiae Castellum  
 quod ad mare dicitur, iuxta veteres Stabias peruenere: pars eorum in Baianum  
 sinum delata est. Quibus in locis, quod tum ad mare grauis erat autumnus, &  
 Gallorum Heluetiorumque corpora aestibus ac siti maxime obnoxia, quum vi-  
 20 no & vuis, omnisque generis pomis dissoluto quodam vitae genere immode-  
 ratius indulgeret, tanta vis morbi eos inuasit, ut infinitis prope funeribus ea lit-  
 tora complerentur. Mompenserus ante alios, quum seruari & abduci inuitan-  
 te Mantuano, cuius sororem in matrimonium habebat, recusasset, ne exercitum  
 turpiter deseruisse videretur, Puteolis interijt, Similiter Vitrius Baylius, &  
 Anzoltus ventris profluvio perierunt. Fuere ex Gallis qui vina veneno infe-  
 cta ab Aragonijs sibi vendita dicerent: quorum etiam opera naualem appara-  
 tum, interpositis quotidianis difficultatibus, ut nemo in Galliam rediret retar-  
 datum esse querebantur. Sed eius sceleris suspicionem celeriter extinxit insignium  
 virorum interitus: quum iisdem ferme diebus exercitus Aragonius pestilenti  
 prope valetudine tentatus, Contarenus & Crassus & Bartholomeus Geor-  
 30 glium Venetae classis praefectum amisisset, & ipse Mantuanus, & Paulus Ca-  
 pellius, & plerique alij viri fortes, saeuis impliciti morbis summum vitae pericu-  
 lum adijissent. Reliqui Galli, atque Heluetij nauibus impositi, quum quibusdam  
 folles tubique spiritales ad exhauriendam sentinam, & quibusdam armamenta  
 deficerent, iactati etiam aduersis tempestatibus, partim naufragium fecere, par-  
 tim Genuae omnibusque prouinciæ portibus, quod nauigationis tædia ferre  
 non poterant, contabefactis corporibus interierunt. Germani vero magna ex  
 parte consanguineorum suorum beneficio non modo seruati sunt, sed regijs sti-  
 pendijs addicti. Reliqua tornationum inutilis multitudo nauibus minime re-  
 40 cepta miserabili errore, rerum omnium egena, per omnem Italiam cōuersa ac  
 illudentis fortunæ spectaculum praebuit. Vrsinorum quoque copiae, quum paca-  
 rum eis iter, ut in Romanum agrum redirent, regio diplomate Ferdinandus pre-  
 stitisset, in Pelignis Alexandri pontificis iussu, ab Guidone Vrbinate regu-  
 lo, armis & equis exuta sunt, captique Liuianus & Iordanes. Sed Liuianus fide  
 data, quum liberius custodiretur, per fenestram noctu euasit. Iordanes vero Nea-  
 polim missus est, ubi Virginij pater contra iusiurandum, quum se in Galliam  
 profecturum speraret, in Ovi arce seruabatur. Enimvero Pontifex Alexander  
 quo nemo principum ea tempestate atrocior fuit, Ferdinandum datam fidem



seruare cupientem, monendo ac sæua denuntiando induxerat, ut Virginium custodiæ traderet, quod ille aduersum Aragonios prioris sacramenti militaris religionem violasset, atque insanabili peruiacia perpetuum bellum moliturus esse videretur. Borgia quoque Cardinalis Paulum Vitellium iussu Pontificis sibi tradi postulauit. Sed Mantuanus, cuius fidei Vitellius salutem suam antea commendarat, omnes vrgentis pontificis minas contempsit, ne summæ virtutis virum ad supplicium cruento generi hominum traderet: atque ita nequicquam insidiante pontifice, incolumis Mantua est perductus. Agitabat enim vir ille immoderatus, & personæ quam gereret penitus oblitus, quibusnam modis ingentes opes filijs pararet, quod nisi multo cum scelere, multorumque infantium regulorum nece fieri non poterat: propterea vtriusque factionis insignes viros, qui viribus authoritateque pollebant, ne consilijs suis allicunde obuiâ iretur, uti postea perfecit, pellere ac interficere statuebat. Interea dum Federicus Caietam parat oppugnare, Ferdinandus multis militum laboribus confectus, in villa apud Veseum montem, dysenteria laborare cœpit. Erat habitu corporis ad perferendam omnem aduersæ rei contumeliam valde firmo, sed cum intemperantius nouæ nuptæ, quæ Ferdinandi aui filia erat, complexibus indulisset, & iam fermè pestilens esset autumnus, vim morbi sustinere non potuit. Neminem regum maioribus omnis generis hominum, aut certe verioribus lachrimis tumulatum ferunt, quod ille tanta animi corporisque virtute præditus, in medio ætatis flore, ipsoque partē victoriæ ac recepti regni limine, cum maximè primum laboris fructum capere deberet, iniqua fatorum lege fuisset extinctus. Celebrato funere Federicus patruus rex salutatur, aliquantō Andegauenlibus gratior quàm Aragonijs, quum ex præclara regis iuuenis liberalitate, in quem certatim omnes studia oraque conuērterāt, incredibilia sperarent: contra vero Federicū lenem potius, equū et moderatū regem, quàm gratum et liberalem fore arbitrarētur: quod ex priuata vita tale prorsus ingenij specimē ostēdisset, ut in summo etiā imperij fastigio neque inimicis valde insensus, neque amicis et clientibus valde indulgēs atque beneficus futurus esse crederetur. Eorum enim mos est, qui obsequijs et certis bello et pace facinorib. editis principum gratiā querunt, ut eos & iustos et tēperatos esse nolint: propensum vero erga nominis sui studiosos, et veterum factionū memorem citoque exorabilem, parati ad omne vitæ discrimen singulari beneuolentiā prosequantur. Mortuo Ferdinando Besennianus & Compsanus, qui paucis ante diebus ad Aragoniam fidem redierant, Salernitanum lenitatem naturæ noui regis inductum, impetrata venia in partes pertraxerunt. Sed is cum solenni die festo multa omnium alacritate Federicus regali diademate ornaretur, euocatus ad celebrandam pompam Neapolim venire recusauit: & uti erat suspiciosus, & Gallicis studijs inueteratus, bellum renouare cœpit. Qua hominis amentia permotus Federicus, in Lucaniam exercitum duxit: expugnatoque Diano celebri oppido, omnibus eum ditionis locis expulit. Ad extremum cum, ut in Galliam abire permitteretur, impetrasset, ad fallendas insidias, quas sibi regio tetendisse putabat, Senogalliam auis itineribus profugit: quo se Ioannes Roucreus Sorapulsus receperat, atque ibi aliquanto post, qui tantum bellum Aragonijs ad exitum Italiæ concitarat, & calamitosus & exul interiit. Exinde Caieta terra marique obsessa verius quàm oppugnata, nam Melchior Triuisianus, qui pace ad Nouariam facta Grimano in clāsis præfectura successerat, adiunctis



iunctis Aragoniorum triremibus late maria tuebatur, ne Gallicæ naues, uti ante prosperè tentarant, Caietanis commeatus importarent. Federicus autem à terra bellum impigre gerebat. & quanquam ea vrbs monte ac summa arce munita, difficilem ac periculofam habebat oppugnationem, et Obertus Rossetus præsidij præfectus virtutis & contumaciæ singularis egregiè se defenderet, tamen nullis incommodis deterrebatur, quominus eam urbem in potestatem redigeret. Sed quum durior indies & grauior obsidio obsessis pariter ac obsidentibus esset, & plerique viri fortes, & in his Rainaldus Fera musca, tormentis icti perissent, Eberardus Obigninus obsidioni finem imposuit. Is enim Atelani foederis beneficio usus, cum è Brutijs oppidorum facta deditione, ut in Galliam abiret, Neapolim venisset, uti erat summæ apud Gallos authoritatis, Oberto persuasit, ut fortunæ ex professo Gallis infestæ reluctari desineret, ne vana & mox nocitura pertinacia, sese reliquosque milites summis vitæ periculis implicaret. Obertus non minus extremis rerum difficultatibus, quam eius longè clarissimi viri exemplo, monitisque compulsus Caietam reliquit, & Gratianus Guerra ex Aprutio sub id tempus, quique Tarenti & Venusiæ in præsidij erant, ad extremum tædio rerum belloque domiti, regni finibus excesserunt. Hunc exitum habuit terribilis paulò ante Gallorum aduentus: qui sicuti ab initio disiectis, inermibus atque imperitis hominibus, maximum negotium fecit, ita successu belli, quum deprehensæ artes, & collatæ in vnum sunt vires talis apparuit, ut eam gentem nostris tantum dissensionibus ualidos impetus habuisse constet, vel ob id quod non multo post Italia pristini atque infani pertæsa erroris, dum sera propè cōcordia consentit, quod libertati omnium imminebat discrimen, reparata militia, positisque odijs, haud longo labore depulerit. Sed eo grauior Gallorum aduentus omnibus est visus, quoniam post turbatam quietem, etiam inauditum prioribus seculis morbum nobis importauit, ei hercle persimilem, qui Tiberio imperante sub Mentagræ nomine vehementer Romæ grassatus est. Is veluti occultiore vi syderum cœlo demissus, dira ac admirabili contagione sexum omnem ac ætatem inuadebat. Veneris maximè contactibus & multo accubitu vulgabatur: à pudendis idcirco primum virus erumpebat, sæua serpigine cuncta passim abrodens: inde cætera membra, atque ipsa præsertim ora vlceribus ac pustulis foedabantur. Irrequieti porro cruciatus singulis artibus intolerabiles, exteriora pariter ac interiora corporis vastabant: neque tædio miserabilis vitæ confectis & frustra mortem inuocantibus, quisquam mortalium ab arte medica felix remedium tulit. Alii qui tamen ex argento viuo axungia permisto, triduana inunctione conualuerunt, sed ut enormia morbi vestigia relinquerentur. Alij laborioso exercitationis genere, & parca exquisitaque victus ratione, quum sæuas manus medicorum alieno periculo remedia quærentium effugerent, certiora subsidia repererunt. Fuere qui crederent id malum ab nouo orbe ad occidentem reperto, initium duxisse, & ab Iudæis sub id tempus tota Hispania pulsis, in Italiam cæterasque regiones vario eorum errore delatum, sub id tempus quo Carolus passim victor Italiam percurrit. Sed ubi & quando cœperit, diligentiores vestigabunt, & verius nomen imponent: consensu certè multarum gentium Gallici cognomen tulit, ita ut ea natio inquieta & vehemens, quæ infestis armis felicitati Italiæ sæpius inuidit, & hoc quoque pestilenti vulnere inflicto, semperiternam nobis odijsui memoriam reliquisse videatur. Gallorum



copijs ad Neapolim varijs casibus terra marique deletis, quanquam Italia omnis grauissimo ingentis belli periculo leuata videbatur, nequaquam tamen bellum esse desierat. Nanque pontifex Alexander veteribus suis innixus consilijs, Vrsinorum opes euertere, ipsiusque Virginij maxime oppida occupare maturabat: & Florentini Pisas cum Veneto tum Sfortiano milite summaque ciuium pertinacia defensas, incredibili omnium ordinum studio, totisque collatis in ærarium ciuitatis opibus repetebant. Carolus quoque regni pariter atque exercitus amissi dolore permotus, renouandi belli consilia agitare nunciabatur. Is enim Fusium Aquitanum regulum cum valido equitatu, Vasconumque cohortibus, & tribus Heluetiorum milibus Heynauolebano duce clarissimo, ad Pyrenæos premiserat: qui quum Perpenniano plurimum imminerent, & aliquandiu ad fallenda Hispanorum præsidia Tolosatium fines circuissent, improuisi diuersis itineribus ad oppugnandas Salsas conuolarunt. Salsæ hodie vocantur, quæ antiquitus Salsulæ fuerunt, ad stagnum salsæ aquæ verius quam dulcis Narbonensi viæ impositæ, vbi extrema Pyrenæorum iuga Balearici maris fluctibus alluuntur. Propugnaculum id potius diceres aduersus Gallos quam oppidum: nam pauci admodum, præter eos qui meritorias tabernas exercent, locum grauitate aeris infamem incolunt. Eo valida manus Hispanorum equitum & peditum processerat, quotidianisque excursionibus finitimos Gallorum pagos prædabantur. Salsis tum præerat Bernardus Francesius vir eximie virtutis atque constantiæ. Is Henricum Albadelistæ regulum, copiarum quæ Perpentiani erant, ducem de aduentu Gallorum certiores facere: monere, vt aduersus eorum vim atque celeritatem præsidia parata haberet. Salsas cum muro tum munitione infirmas esse, tamen se militum virtuti confisum, quin tridui oppugnationem sustinere queat minime dubitare. At Henricus qui angustias aditus inter stagnum & imas montium radices ad Salsas pertinentes, vel parua manu tueri, & Gallos transitu prohibere poterat, Fusium transire permisit, sperans circiter quatuordecim cohortes, quæ proximis in oppidis conscriptæ fuerant, ad se biduo peruenturas: foreque vt vno tempore a læua per montes ductis pedestribus copijs, a dextra vero per militarem viam, quæ inter stagnum extremamque maris marginem, Narbonam ducit, immisso equitatu, a tergo obsessurum hostes: interceptoque comœatu eos pene sine vulnere deleturum. Verum pedites citerioris Hispaniæ edicto regio in speciem tantum conscripti, quum se non modo ad bellum, sed ad ipsum ineundæ pugnæ discrimen duci conspicerent, vna edita voce se progressuros negarunt, nisi stipendium amplissimis paulo antè verbis promissum, præsentî pecunia solueretur. Quæ scæda inopinataque tot cohortium consternatione, Henricus tota spe perficiendi suscepti consilij deiectus, necessario sese continuit. Perscripsitque regi, vt pacandis cohortibus pecuniam in stipendium, vel paucorum dierum submittere maturaret. Ferdinãdus enim ad Gerondam cum Elisabetha vxore confederat, euentum Gallici motus expectans: vt potest qui maxime cautus & pecuniæ tenax, speciem ingentis coacti exercitus ad deterrendos hostes præbere, quam bellum gerere mallet, quum id sine ingenti pecunia administrari non posse intelligeret: & Gallos cum hyemis tum locorum difficultate & tanti apparatus adductos, extemplo retrocessuros arbitraretur. Itaque Fusius bidui spacium nactus, a stagno ad prærupti montis radices perpetuam munitionem perduxit: iterque maritimum per angustæ eius viæ, præsidio



præsidio imposito celeriter occupauit: & castris vndique permunitis prolato  
 tormentorum apparatu, oppidum oppugnare adortus est. Murus erat peran-  
 tiqus & debilis, & qua parte vetustate erat collapsus, ea terreni aggeres multa  
 materia confecti, & in mediocrem altitudinem educti oppidum vallabant.  
 Sed ea vis erat ingenium colubinarum, vt non modo aggerem, sed coniun-  
 ctas etiam muro domos, et mirum dictu, nonnunquam aduersæ partis oppidi  
 murum, pilæ ferreæ, cum multa obuiorum hominum stragē penetrarent. In  
 ea rerum acerbitate, Hispani, tametsi neque multis, vel idoneis tormentis ute-  
 rentur, neque perfracti aggeres muriue sine certa cæde reparari possent, neque  
 10 vllum ab Henrico subsidium expectarent, vti tamen inuictis animis aliquan-  
 diu restiterunt. Cæterum tertio die, quum vulneribus laboreque & continuis  
 vigilijs confecti essent, peruadente in oppidum per ruinas hoste, ad vnum ser-  
 me omnes memorabili sæuitia trucidati sunt. Periere circiter ducenti nobiles  
 ex vltiori Hispania equites: & in ijs illustres eorum ducēs, Petrus Solerius à  
 Corduba, & Didacus Azauedius Archiepiscopi Toletani frater. Bernardus  
 ipse multis acceptis vulneribus viuus in potestatem hostium deuenit. At Hen-  
 ricus captis iam Salsis nequicquam promotō equitatu, in cōspectum hostium  
 deuenit, proximæque Catalanorum cohortes pudore excitæ castra compleue-  
 runt. Verum Fusus quanquam multo tubarum cantu ad pugnam ab Hispanis  
 20 prouocaretur, suis munitionibus quas tormentis in hostem versis instruxerat,  
 se tenebat: missisque præconibus se prælio congressurum profitebatur, si ad se  
 oppugnandum propius munitiones accessissent: quando non eo consilio Hi-  
 spaniæ fines intrasset, vt ad nutum hostium dimicaret, sed vt Salsas in conspe-  
 ctu Hispanorum, qui nihil dedecoris admissuri viderentur, oppugnaret & ca-  
 peret. Iis feliciter expugnatis, satis abunde expiatis videri iniurias, quas ipsi  
 paulo antè Galliæ populis omni præsidio nudatis intulissent. Quod si dolore  
 interfectorum affinium, & commilitonum permouerentur, eorumq; cædem  
 vlcisci vellent, debere ipsos innatam virtutem aliquo nobili edito facinore pe-  
 riclitari: neque id ab hoste petere, quod ne insulsissimæ quidem gentes, vel ab  
 30 imperitis hostibus postularent. Hybernæ tum pluuiæ campos molliuerant,  
 fœdoque cœno cuncta tenente itinera, propter difficillimas subuectiones,  
 Galli pariter atque Hispani comitatus angustijs premebantur. Quibus dere-  
 bus, quum Henricus neque hostem elicere, neque bellum durissimo anni tem-  
 pore pecuniæque inopia consternatis cohortibus, prosperè se gesturum proui-  
 deret, cum hoste quatuor mensium inducias pepigit, Fusio nequaquam detre-  
 ctante, quum Hispanorum audaciam, Salsis expugnatis, cæsoque præsidio, sa-  
 tis abunde repressam esse arbitraretur. Interea quum Carolus Ambosiæ hyc-  
 maret, ac eius victoriæ nuncio maximè lætaretur, regia aula exulibus & lega-  
 tis, omnisque generis hominibus belli & nouarum rerum cupidis plena erat.  
 40 Florentini ante alios regiā fidem implorabant: Venetorumque & Ludoui-  
 ci Sfortiæ communium hostium opibus Pisanos aduersum se defendi, & bel-  
 lum summa eorum iniquitate geri querebantur. Iulianus quoque Rouereus,  
 Paulusque Frégosius Cardinales, & Hiblettus Fliscus, cum ducibus Gallis ve-  
 teribusq; amicis suis inuadendæ Ligurię consilia agitabant. Carolus item Vrsi-  
 nus Virginij patris, fratrisq; Iordanis, & Pauli Vrsini salutē, cum regi tum pur-  
 puratis assidue cōmendabat: quod omnis pactiōnis datēq; fidei violata religio-  
 ne, in cathenis Neapoli seruarentur, ipsēq; pontifex Alexander cunctis Vrsing



familiæ oppidis immineret. Vitellocius etiam, quanquam Paulum fratrem be-  
 neficio Mantuanæ e manibus infesti pontificis, & vitæ periculo ereptum sciret,  
 de eius tamen libertate sollicitus, Carolum obnixè deprecabatur, ne Tifer-  
 nates omnesque Vitelliae domus fortunas, se absente, altero præsertim fra-  
 tre capto, altero in partibus Gallorum interfecto, ab nemine defensas, sæui pō-  
 tificis cæterorumque inimicorum iniurijs diutius expositas esse vellet: foree-  
 tenim, si clientium salutem non omnino negligeret, ut Gallici nominis hostes  
 non diu ea victoria lætarentur, quam multi potius perfidia fallacissimisque ar-  
 tibus, quam vera virtute sibi peperissent. Nec Traianus Papacauda, quem ab  
 Atella in Galliam missum fuisse docuimus, tot exulum opem implorantium<sup>10</sup>  
 querelis deerat, quin et regem et procures multiplici oratione ad renouandum  
 bellum hortaretur: superesse plures regulos, et in primis Salernitanum ipsum,  
 qui Gallica in fide non modo perseveraret, sed bellum vimque omnem Ara-  
 gonij exercitus egregie sustineret, felici certè constantia, nisi à Gallis pro qui-  
 bus vitam ac fortunas deuouisset, omnino desereretur: extinctum esse Ferdi-  
 nandum, cui generosi planeque regij, & militares spiritus inerant: ac in regno  
 successisse Federicum, qui insitam animo eius timiditatem inani prudentiæ no-  
 mine contegere ab ineunte ætate consueisset. Sed ante alios Aurelianus Cisa-  
 lpinus imperij audax, & Triuultius Ludouico Sfortiæ maximè infensus non  
 modo regem, sed & ingentes duces & procures, omnibus quibus poterant ar-<sup>20</sup>  
 tibus ad repetendam Italiam concitabant. His iustis clientium suorum que-  
 relis adductus Carolus, Florentinorum legatos, qui apud se erant, cohortes sa-  
 gittariorum Vasconum conscribere, & naues Malsitiæ conducere permittit.  
 Carolum Vrsinum & Vitellocium consolatur, eis vetera stipendia persoluit,  
 multaque pecunia ambos replet, ut in Italiam ad tuendas res suas profiscan-  
 tur. Triuultium cum alis duabus equitum Alpes transgredi, et in Astensi agro  
 hyemare iubet, ut primo quoque tempore, maioribus e Gallia transmissis co-  
 pijs Liguriæ bellum inferretur. Quibus cognitis rebus Ludouicus, Veneti-  
 q; & Alexander pontifex, ut Gallorum & Florentinorum consilijs obuiam ire-  
 tur, Maximilianum Cæsarem in Italiam euocare statuerunt. Erat magna eius<sup>30</sup>  
 viri bellicæ virtutis fama, & publico priuatoque odio Gallorum hostis esse vi-  
 debatur. Florentini quoque Cæsaris nomen horrebant, quod infensum sibi at-  
 que terribile superioribus seculis extitisset: & is tum iure suo Augustæ maies-  
 tatis Pisas suæ ditionis esse prædicaret, pecuniamque ingentem tributum nomi-  
 ne repeteret, quam Florentini veteres Cæsarium stipendiarij à multis annis pen-  
 dere neglexissent. Sperabant enim ipso Cæsaris aduentu, Florentinos veluti im-  
 pares ei bello, quod tantis auspicijs gereretur, à Pisanorum oppugnantorum  
 consilio Gallorumq; societate discessuros: ne si pertinacius Pisanos bello per-  
 sequi perseverarent, aliquo fortè aduerso prælio contusis viribus, vicinas vr-  
 bes amitterent: & quod summæ rerum graue momentum secum trahere posse<sup>40</sup>  
 videbatur, nouus non planè confirmata republica ciuitatis status periculum  
 adiret, Mediceæ præsertim factionis vigentibus studijs. In hæc quanquam fœ-  
 derati omnes consentirent, quisque tamen dissimulanter priuatis commodis  
 studebat. Ludouicus enim ex aliqua tādē turbatarum rerum compositione,  
 ijs de causis quas supra memorauimus, Pisas in ditionem sibi concessuras, &  
 Gallico metu se liberatum iri existimabat. Contra veneti, quod magnis opi-  
 bus & specioso quidem prætextu Pisanorum libertatem tuerentur, & ciuium  
 propen-



propensione & defatigatione hostium eam urbem imperio se adiecturos confidebant. Ipse vero Cæsar & tenuitate Germanici regni, & profutiori sua liberalitate pecuniarum maximè inops, si Italiæ fines ingrederetur adeundis liberis urbibus, appellandisque regulis, præter ipsa stipendia magnum auri pondus se coacturum sperabat: rebaturque sibi oblatam iri Augusti imperij coronam, quamox ex ipso rerum prosperè gestarum successu, ad urbem Romam euocatus a pontifice more maiorum ornaretur. Itaque Ludouicus cum vxore insignique comitatu per Larium lacum et Voltureniam vallem Burmium extremum Italiæ oppidum ad Abduæ fontes profectus, cum Maximiliano, qui Malsium pagum vsque processerat, coram transiegit, ut accepta pecunia, conscriptisque militibus in Italiâ ipsdem tramitibus descendere maturaret. Interea dum a Cæsare copie parantur, a Venetis maiora indies præsidia terra marique Pisas mittebantur. Triremes decem ab Siculo freto Italiæ oram circumuectæ, cum multo comiteatu Arni ostia subierunt: Iustinianusque Maurocenus patritius cum octingentis partim Græcis partim Epirotis equitibus, per Lucensium fines Pisas peruenit. ea equitum ala vel equorum genere, vel hominum cultu virtuteque nihil ornatius fuit. Erant in ea centurijs præfecti Ioannes Paleologus, Nicolaus Annonius, Ioannes Zaphinus, Theodorus Frusinius, & Demetrius Bizantius, quem ab militari indole Megaducem appellabant, viri eo tempore illustres: sed qui postea alijs bellis eximia cum laude floruerunt. Per eos dies Lucius Maluetius, quo nemo tum vigilantior aut acrior fuit, in tempesta nocte Pontefaccum adortus, scalis magno silentio admotis, cæsisque vigilibus, oppidum irrupit: captoque Ludouico Martiano Rannucij fratre cum amplius ducentis armatis equitibus, cætera verò turba peditum atque oppidanorum a Germanis feedè trucidata, priusquam a Florentinis ducibus sentiretur, Cascinam reuersus est. Nec multo post eadem felicitate peruagatus Pisciensem agrum, abactaque multa pecoris atque hominum præda, Buggianum vicum concrematis foribus expugnauit atque diripuit. Exinde sancti Reguli vicus, et Larium oppidum a Pisanijs frustra tentata, triduoque post Græci equites qui in Volaterrano agro Villamagnæ vicum diripuérant, & optimam prædâ Pisas reducebant, in itinere a Martianis equitibus exuti præda fugatique sunt. Quo prælio non pauci ex Græcis confixi sagittis, aut in fossas vtrinque militari via adiacentes vi cataphractorum præcipitati, perierunt. Ex Florentinis autem aliquot occisorum capita hastis præfixa, Græci ne omnino victi viderentur, ad Venetum legatum detulere. Per eos quoque dies Pisanorum manus Vaianæ castellum cepit, & Lucius Butum oppidum conuectis eo tormentis, dedenteque se ad victoris arbitrium Florentino præsidio, celeriter expugnauit. commissa quoque sunt inter Cascinam & Eræpontem aliquot prælia quum pabulatoribus vtrinque præsidio ireretur, modo ijs modo illis aduersa secundaque: in quibus Nicolaus Annonius graui balistaria sagitta a tergo transfixus interiit: & Pyrrhus Martianus Rannucij frater Græcorum insidijs est interceptus. Erat id bellicigenus, ut neutri cunctas vires in vnum cogeret, aut iusta acie præliarentur: sed dispersi in præsidijs oppidorum, intentique in omnes casus, hostium motus notarent: & quantum occultis itineribus, vel repentinis & nocturnis excursionibus fieri posset, aduersarijs detrimenta inferre, pabulationes impedirent, & dolis atque insidijs magis quam vera virtute niterentur. Sed Pisani in ea militum exercitatione, Græcorum equitum numero freti,



propter eorum vigilantiam & celeritatem sæpius superiores euadebant. Ii enim tantam vim pecoris omnis generis, & bubalorum è maritimis locis, quæ ad Volaterranorum fines vergunt, longinquis excursionibus abegerant, ut superioris anni incommoda toties ab hoste perpeffa, ampliore armentorum copia sarcirentur. Sed ead die Græcorum equitum virtus plurimum enituit, quæ Rannucius cum valida parte exercitus maioribusque tormentis tribus ad oppugnandam Vaianam ab Eræponte descendit. Pisani enim qui Lauennæ erant, animaduerso suorum periculo, quum ad ferendum opem properarent, et castello virtute Ranucij celeriter expugnato, serò appropinquassent, Græci equites castra adorti memorabile certamen ediderunt. Ibi lato ac patienti campo videre fuit levis armaturæ equites cataphractis insultare, eos circumire, audacter intentis hastis adoriri, ac si paulum turmæ laxarentur, mirò celeriq; impetu intercurre, cuncta perumpere, clavis ferreis, & incuruis grauioribus gladijs incredibilia vulnera inferre, agilitateque corporum & equorum hostium ictus atque impetum ludificari, et ipsos denique inermes (mirum dictu) vndique armis protectos equites passim capere atque prosternere. Nicolaus Martianus Ranucij patruelis alæ præfectus fortissimè dimicans, & cum eo circiter viginti cataphracti equites interficiuntur. equi insignes perpictis bardis coniecti, triginta sex capiuntur: multoque maior clades fuisset accepta, nisi Rannucius, qui ab initio eius certaminis in expugnatione castelli fuerat occupatus, subsidio laborantibus confertissimas turmas adduxisset: & Græcos, cæsis qui pertinacius prædæ inhærebant, effusè refugere coegisset. Nec multis post diebus Venetæ copiæ Laurentianum vicum, & sancti Reguli oppidum expugnarunt. A Florentinis vero ducibus Solliana oppidulum improspere tentatum: nam Petrus Caponius legatus Florentinus, quum in administrandis scalis cohortandisque militibus intrepide periculoso in loco versaretur, è muro minoris tormenti glande ictus interijt, vir inter patritios, cum vetustate familiaria, tum eo præsertim celebri facto valde insignis, quod pro dignitate patriæ aduersus purpuratorum Caroli regis superbiam, iniqui foederis libellum libera voce edita concerpisset. Per eos dies Veneti rebus ad Atellam feliciter confectis, quum Pisanum bellum intentiore demum cura administrandum esse censuissent, Annibalem Bentiuolum cum trecentis vtriusque armaturæ equitibus, & cohortibus veteranis duabus, stipendio conductum, Pisas miserunt. Ei Lucensium alpium iuga superanti, Cyriacus cum expedito peditatu ad Bargam vicum obuius fuit, ut fauces Apennini quibus munitionem addiderat, euocatis agrestibus tueretur. Sed Annibal præsidio inconditæ multitudinis deiecto, iter expeditum facile sibi patefecit, & in Pisanum agrum descendit. Eius aduentu vehemèter permotus Lucius Maluetius, Pisis egreditur, & cum Sfortianis copijs iter in Galliam Cisalpinam intendens, Apenninum transcendit, quod Bentiuolis, aduersus quos ipse paucis ante annis Bononiæ cum vniuersa Maluetiorum familia coniurasset, salutem suam minimè committendam existimabat. Ea res Ludouici animum vehementer pupugit, quod nemo adeo absurdis sensibus erat, qui non Bentiuolum propterea Pisas missum iudicaret, ut Maluetius cum Sfortianis inde pelleretur: & Pisæ demum omni alio eiecto præsidio in potestatem Venetorum concederent. Hæc fuere initia eius execrabilis insanæque dissensionis inter Ludouicum & Venetos, quæ non multo post, quum virosq; longè maximis bellorum cladibus inuectis penitus obruisset,



ruiſſet, vniuerſam penè Italiã fractis opibus labantem, in externarum gentiũ  
 ſeruitutem adduxit. Interea Maximilianus Rhæticiſ Alpibus, & Lario lacu in  
 Italiã deſcendit, adeo tenui comitatu, vt frequentiam populorum officiũ cau-  
 ſa obuĩam prodeuntium deuitaret: nec vrbes Comum & Mediolanum ingre-  
 deretur, quæ in eiũ honorem portas templaque & domos ſingulari ſtudio e-  
 xornarant. Cæterum obliquis tramitibus iter facientem, delectæ cohortes de-  
 cem & quingenti Germani galeati equites ſequebantur. Equitibus decora e-  
 rant arma ſingulis commenſurata artubus, ac intercitiſ ad Elegantiã ſagulis  
 emicantiã: ab haſtarum cuſpidibus quod erat probatæ virtutis argumentum,  
 10 vulpinæ caudæ dependebant. Equis verò eorum omnibus, caudæ penitus ab-  
 ſciſſæ, nobis quidem ridendo, ſed veteri probatoque Germanorum & Belga-  
 rum more, quòd ob id equi certa contractioris alimenti ratione pinguioreſ, &  
 ſpinæ robore fortiores euadere exiſtimantur. Ludouicus & Bernardinus Car-  
 uaiã Cardinaliſ, Alexandri Pontificiſ Legatuſ, Mediolano proſecti Comen-  
 ſi viã apud Medam pagum Cæſari affuerunt. Ibi de genere ac numero auxilio-  
 rum, de itinere ac ratione gerendi belli conſilia inĩta: attributuſque Cæſari Ca-  
 latinuſ cum Sfortianiſ equitibus vtriuſque armaturę ſeptingentiſ: quibus co-  
 actiſ copiĩſ acceptaque pecuniã Genuam peruenit. Adurni fratres venientem  
 ſummo cum honore, ac inſigni maxime liberalitate ſuſcepere: parata verò claſſe  
 20 ſe atque expectata idonea ad nauigandum tempeſtate, poſtridiẽ Nonas Octo-  
 bres, qua die Rex Ferdinanduſ ad Veſeuum exceſſit e vita, nauem conſcendit,  
 & legendo oram, Piſas eſt deuectuſ. Tum verò Piſani incredibili gaudio exul-  
 tare, omnibus regionibus effundi, lætiſ acclamationibus, multisque tormento-  
 rum bombiſ ſtudio ac alacritatem ſignificare: Maximiliani inuicti Cæſa-  
 riſ omnium liberatoriſ nomẽ ingeminare: mirari auguſtam faciẽ, in qua  
 tantum maięſtatiſ, tantumq; bellici vigoris, ac benignæ probitatiſ ineſſe præ-  
 dicarẽt. Cæſar à Decurioniſ vrbis, legatiſq; Venetiſ in Mediceam domum  
 deducitur, ſcutumq; marmoreum cum liliõrum aureorum inſigni, quod in ho-  
 norem Caroli regiſ, Piſani medio in ponte collocarant, multitudiniſ concurſu  
 30 in Cæſariſ gratiam confringitur, & in Arnũ precipitatur. Poſtero die conue-  
 niunt omnium principũ legationeſ: Liburnuſ propter maris opportunita-  
 tem terra marique oppugnandum decernitur, ne vlluſ Galliciſ claſſibuſ rece-  
 ptuſ in Italiã relinquantur. Piſani magno agreſtium fabrorumq; coactõ nume-  
 ro, paludem Liburnina viã maxime impeditam, & inſuperabilem, veteribuſ  
 reſectiſ pontibuſ conſternunt: tormenta aliquot ænea, inſpiciente nec proban-  
 te Cæſare, ad aptiorem formam conflata renouantur: & cuncta deniq; quę reſ  
 poſceret, mira celeritate ac diligentia comparantur. Cæſar in conſpectum Li-  
 burni portuſ, qui Veneta claſſe obſidebatur, trirẽm deuectuſ, ex alto oppidi  
 ſituſ, portuſ littoriſq; ſpatia deſpectauit: inde Piſaſ reuerſuſ ad Liburnuſ op-  
 40 pugnandum copias duxit. Florentini in oppiduſ duas delectõrum militum  
 cohorteſ: itemq; tormenta omniſ generiſ abundẽ contulerant: Bettinuſ Rica-  
 ſoluſ legatuſ ſupra togæ opiniõnem virum fortẽ ac ſtrenuũ, præſidio præ-  
 fecerant: Iſ ante octogoniã turrẽ Lunenſiẽ marmore decoro artificio parua  
 in inſula ædificatã, quæ latè maria, portuſ, littoraq; tuetur, circumducto ag-  
 gere communiuerat, reſertamq; tormentiſ Florentiniſ ciuibuſ cuſtodiendam  
 attribuerat. arcis atq; oppidi mœnia in longo belli metu reſecta, conſtitutiſ paſ-  
 ſim idoneiſ in propugnaculiſ maioribuſ tormentiſ inſtruxerat: domoſq; ad-



uersus omnem inopiæ metum, vino, frumento, pecoreque repleuerat. Erant ad dextram tres aliæ marmorea aliquanto minores lateritiæ turres, quæ mari pariter alluuntur. Eæ primum tormentis verberari cœptæ, consilio, & à Cæsarianis militibus, & ab hostibus pariter ridendo, quum longo in spatio emissæ cannonibus pilæ contumacibus muris frustra inciderent: nec patefactæ etiam vel dirutæ turres, vllum omnino momentum ad expugnandum oppidum habituræ viderentur. Venetinanque & Sfortiani nequaquam bonis artibus bellum gerebant: quoniam de obtinendo Liburno, si caperetur, magna cōtentio ne in concilio certatum fuerat: quum Ludouicus oppidum portumque sibi tradi vsque ad belli exitum postularet: Venetis id sibi custodiendum iure de-<sup>10</sup>beri prædicantibus, quod eorum classe mari tenerentur. Dixerant aliqui mediā sententiam, vt scilicet Cæsaris æquissimi ducis arbitri permitteretur, cuius auspicio bellum gererent. Ea ex ore Ludouici mitti videbantur: qui quum Venetos Pisarum imperio potiri ægerrimè ferret, nimiam eorū potentiam reformidans, etiam maritimū oppidum ad inuadendas Pisas opportunum eorū præsidio occupari volebat. Veneti verò tametsi occultè ipsorum cupiditatis præsentem inuidiam vitare cuperent, eoq; haud egrè descenderent, vt Cæsari traderetur, conditionem periculosi consilij renuebant, quum Cæsarem ex inopia augustalis ærarij, & plerunque ex inconsulta liberalitate alienæ pecuniæ auidum, à Florentinis auro corrumpi posse, vt oppidum sibi emptionis iure de-<sup>20</sup> manu traderetur, magnoperè dubitarent. Sed dum turres haud obscuro quodam ludo tormentis verberantur, turmæ nauales, quæ in terram descenderant, eruptione præsidij ac oppidanorū ad triremes cum cæde ac trepidatione sunt compulsæ. Postera die Gallica classis in cōspectum se dedit, nauisq; vna cogno-<sup>30</sup>mento Normanna ante alias pregrandis, et militariter exornata, secundum nacta ventum, despectis Venetis triremibus, & ingenti naue Ligustica, plenis velis in portum se intulit, et octingentos Vascones mercede conductos exposuit, com meatuq; omnis generis oppidanos repleuit. In ea naue fuere Carolus Vrsinus & Vitellocius, qui regia onusti pecunia transuersis itineribus, Perusiam ad cogendos milites contenderunt. Interim obortæ sunt fœdæ tempestates, a-<sup>30</sup>deoque sæuus Aphricus pluuiā commixtus inualuit, vt Germani pedites, qui tabernacula secum ferre minimè consueverunt, duritiæ frigoris subacti Pisas refugerent, aliorumque militum tentoria passim sternerentur: quo etiam ventorum turbine, quod portui Liburnio ventus Aphricus maximè est aduersus, triremes vehementer sunt conflictatæ, vnaq; in littus eiecta atque perfracta naufragium fecit: & eo quidem miserabilius, quod enatantibus socijs naualibus, aut vulnere aut fluctibus, effuso ad prædam hoste, erat pereundum. Adurnia quoque oneraria admodum insignis, quum abruptis rudentibus quibus anchoræ distinebantur vim tempestatis sustinere non posset, interiit. Quibus detrimē-<sup>40</sup>tis veluti aduerso omine permotus Cæsar sæpe dictitans se, Dijs atque hominibus infensis, bellum non esse gesturum, copias reduxit: à valida tamen Germanorum manu quæ longius prædatū ierat, Burgarū oppidum vi captum, ac occiso Henrico maritimæ regionis regulo, cunctisq; ferè incolis crudeliter interfectis, incensum atque deletum. Nec multo post Cæsar diuersis itineribus præmisso milite Apenninū Pontremulanis iugis transgressus, Ticinū ubi tum erat Ludouicus peruenit: atq; inde per Larium lacum media hyeme, niuosis admodum alpibus, in Germaniam est reuersus, non vno in loco iratè atque minaciter



citer iurans se non venatoris habitu, ut tum sociorum auxilijs confisus incautè fecisset, sed armati Cæsaris more totis imperij viribus instructum, in Italiam aliquando rediturum. Maximiliano Pisis excedente Germani omnes Sfortiani que milites pariter in Cisalpinam Galliam abierunt: ac tum demum Pisæ in Venetorum potestate sunt constitutæ. Nam quum Pisani aduersus vim Florentinorum longè infirmissimas ciuitatis opes esse conspicerent, ac se planè reliquo omni auxilio destitutos intuerentur, arcem veterem, que ad mare spectat & Stampacis propugnaculum ad parua arcis effigiem citra flumen expositum, omniaque belli iura Venetis ultro concesserant: Calsinamque & Veruculanam speculam Venetis præsijs commiserant, ut liberaliter fidenterque cuncta concedendo, Venetorum voluntates redimerent, ac maiore eorum studio, amplioribusque præsijs in tuenda libertate vterentur: aut si Dijs omnino infestis de Repub. foret desperandum, mitioribus certe atque potentioribus dominis seruirent, postquam extrema supplicia potius pati, quam Florentinorum imperium rursus perferre, publicè decreuissent. Dum hæc in Ethruria geruntur, Alexæder pontifex, ut Urbis proceres deleteret, quos Romanorum pontificum compedes appellabat, utque maior inde filijs potentia strueretur, ad oppugnanda Virginij oppida copias misit. Iere cum Francisco Borgia filio principe Candiano Guido Feltrius, Fabritius Columna, Antonellusque Sabellus: primoque aduētu oppida circa Calsiam viam, Insula, Galeria, Campanianum atque Scrofanum facile occupata: quæ verò ad Sabatinum lacum pertinent, Trebonianum, Anguillaria, & Braccianum ditionis caput veterano Virginij milite tenebantur. Eo enim Liuianus ex fuga se contulerat, ut afflictis familie rebus, extremam operam nauaret. Is milites armis, equis, vesteque spoliatos exceperat, singulis equos indomitos ex armentis attribuerat, liberalitateque Bartholomeæ virilis animi feminae, quæ Virginij soror erat, recrearat, & instruxerat, quum ea maritales zonas mundumque omnem muliebre, ac vestes nuptiales, ut ex ijs saga militibus fierent, alacriter protulisset. Mira quoque Liuiani celeritate Braccianum valido aggere communitum, tormēta vetera coaptata, agrestesque eius tractus ferme omnes euocati armatique: missilis plurimus ignis in ollis testaceis fabrefactus: itemque trabes onustæ lapidibus in summa pinnarum corona, ad obruendos hostes collocatæ. Nanque Liuiano neque ardens studium in gerendis rebus, neque militaris industria vnquam defuerunt. Interim Trebonianum in ora lacus ab hoste conuectis eò tormentis oppugnari ceptum. Liuianus præpositis oppido peritis centurionibus, id egregie tueri: ab aduersa ripa recentes milites lembis transmittere: spe maioris celerisque subsidij, vbi periculum posceret, oppidanos implere: hostiumque impetum nauigationis beneficio retardare atque frustrari. Quibus rebus quum nulla vi terrestris exercitus occurrì posset, Duces à pontifice postulabant, ut ab vrbe myoparonem plaustris ad se deuehi curet: sperare se eo fretos nauigio celeriter & Treboniano & Bracciano esse potituros. Pontifex myoparonem sumptum è Tyberi, cohortis vigilum præfecto, Troiloque Sabello impigro iuueni conuehendum tradit. Id autem ad Liuianum, Vrsinæ factionis hominem studio ac diligentia celeriter defertur. Quare cognita vehementer perturbatur, quum valido nauigij genere res suas profligatas iri videat. Cæterum à presentianimo audax, sed euentu felix consilium capit: cum delecta nanque suorum matu tectus intempestæ noctis tenebris, aduentantibus obuiam progre-



dicitur, cæteris oppidum tueri, & sui maxime præsentis speciem præbere iussis.  
 Vix dum pontificij myoparonem ad sextum ab vrbe lapidem conuexerant:  
 quum Liuianus inexpectatus superuenit, magnoque impetu facto, sublatoque  
 ab omnibus clamore hostes adoritur. Cohors & turma præfecti vigilum assue-  
 tæ triumuiris capitalibus infamem præstare operam, terga protinus vertunt.  
 Troilus strenuè dimicans, vulnerato Liuiani manu quo vehabatur equo, in fi-  
 gam coniicitur: eo pulso cæteri profligantur. Liuianus desertum ab hostibus  
 nauigium incendit, a omnibus suis incolumibus, negotioque fortiter ac feli-  
 citer confecto Braccianum reuertitur. Ea res pontificijs in castris nunciata, se-  
 cus ac Liuianus putarat, omnium animos plurimum incitauit: quum plerunq; 10  
 fiat, vt ex dolore contumelia, vel ignauis milites ad virtutem accendantur. Ita-  
 que frequentibus tormentorum ictibus Treboniani mœnia perrumpuntur.  
 Pontificius subit miles: Vrsini multitudine oppressi cedunt: oppidum capi-  
 tur atque diripitur. Treboniano capto tormēta ad Braccianum traducuntur.  
 Ibi maiore vi plures dies est repugnatum: nam & ipse Liuianus aderat, & co-  
 hortator & propugnator egregius: & viri fortissimi qui factioni Vrsinæ Vir-  
 ginioque duci antea se deuouerant, & loca periculī plena sibi egregia virtute  
 tuenda desumpserant. Sæpe pontificij propugnaculis ruinisque prociden-  
 tium murorum deturbati, sæpe eruptione certatum: repullis fugatisque hosti-  
 bus singulari eorum cum ignominia tormenta occupata, clauisque confixa: ita 20  
 vt pontificij duces Vrsinis sæpe è muro irridentibus, eorumque conatus con-  
 temptui atque ludibrio haberi viderentur: idque maiore ipsorum fiducia fiebat,  
 quoniam à Tifernatibus, Perusinis, Tudertibusque ac cæteris Vrsinæ familie  
 clientibus, auxilia propediem sibi ventura sperabant, Carolumque Vrsinum  
 & Vitellocium coactis in vnum copijs ad se maturare cognouerant. Vitello-  
 cius enim postquam è Liburno Tifernum venit, quantum equitum ac peditū  
 cogi potuit, celeriter armauit: & phalangem eduxit ex oppidanis delectisque  
 agrestibus & colonis, militari disciplina institutam. Ipse enim & Camillus  
 Paulusque fratres vni huic rei maxime studuerant, vt aduersus finitimorum  
 iniurias, Romanorumque pontificum vim omni tempore sibi metuendam 30  
 certa atque domestica præsidia compararent, quum pedestri præcipue opera  
 bella confici pararique victorias cum recēti maxime Gallorum exemplo, tum  
 antiquorum more, prorsus intelligerent. Erant homines in tonsi simplices in  
 pso agresti habitu, aspectuque propemodum contemnendi: sed certa animi con-  
 tumacia, corporisque duritie, & fide admodum constanti: multoque ducunt  
 amore & parendi obsequio, optimorum militum nomine digni. Eos Germa-  
 nicæ militiæ more gladijs hastisq; instruxerant: signa sequi tympanorum cer-  
 tis pulsibus, scienter obtemperare, conuertere, dirigereque aciem, in cocleam de-  
 currere, et denique multa arte hostem ferire, exacteque ordines seruare docue-  
 rant. Quodque magno vsui semper fuit, omnibus eorum manipulis miscue- 40  
 rant viros militares superioribus bellis exercitatos ac ingento maxime valen-  
 tes, qui multitudinem regerent, & subitis casibus atque periculis se primos offer-  
 rent. Præter hos plerique veterani equites aderant, Perugia, Tuderto, Narnia, at-  
 que vrbe Roma euocati: plures ab Atella redierant. multi etiam partium stu-  
 dio, et propter veteres clientelæ necessitudines, vt semioppressis opem ferrent,  
 in castra ferebantur. Validam quoque cataphractorū turmam Ambrosius Lan-  
 drianus Ioannis Rouerei equitum præfectus adduxerat. Coniunctis in Orthae-  
 no agro



hic agro omnibus copijs, Vitellocius & Carolus Surianum proficiscuntur. Id  
 Sabini agri oppidum inter Cassiam viam atq; Flaminiam arduo in monte po-  
 situm est, ubi tum erant Baptista Cardinalis & Iulius Vrsini fratres, qui metu  
 pontificis Urbē profugerant. Ibi castra ea nocte habita, militesque oppidi co-  
 pijs abundē recreati, sequenti die vix dum exorto Sole, dum de itinere profe-  
 ctioneque deliberant, pluribus nuncijs affertur, pontificios duces de ipsorum  
 aduentu certiores factos, Bracciani oppugnationem reliquisse, sub Ciminio  
 monte per Capenates iter habere, atque aduentare eo consilio, ut locis a Brac-  
 ciano maxime remotis æquiore conditione confligant. Vix dum eorum adue-  
 10 tu certius cognito, vel explorato, Vrsini pontificios antecursores densis nemo-  
 ribus egreslos conspiciunt, & ab ijs quoque pari prospectu atque eodem tem-  
 pore Vrsinorum castra videntur. Vitellocius & Carolus alacriter aciem in-  
 struunt, ac expeditam equitum alam in hostes emittunt: concurritur impeditis  
 in locis. Pontificij repentino hostium incurfu perturbati, dum ad suos sereci-  
 pere cupiunt, ut hostes adesse renuncient, in fugam versi, ad tormenta usq; com-  
 pelluntur. Erant in prima agminis fronte Antonellus atque Fabritius cum Ro-  
 mano equitatu. Li cum suorum fuga, tum hostium insolentia permoti, viderant  
 duces eius ætatis longē omnium manu promptissimi, extemplo concitatis e-  
 quis prorupere: alijsque subinde subsequenteribus turmis, Vrsinorum equitatū  
 20 multis vulneratis atq; prostratis in fugam coniecere. Erat eo loco sylva admo-  
 dum rara, sed frequentibus dumetis impedita, quam pontificiæ copię iam eua-  
 ferant: ab ea, planities ad effigiem oblongæ conuallis vtrinq; septa nemoribus,  
 ad Vrsinorum integros ordines extendebatur. Ibi lato spatio magna vi est de-  
 certatum: tantoque hostium impetu Vrsinorum primæ turme sunt repulsæ ac  
 profligatæ, ut debellatum esse iudicantes præ timore latē profugerint, Flora-  
 braccijque ante alios Baleoni, equitum insignis præfectus ad Stipicianum us-  
 que fugitionis oppidum ingenti cursu se proripuerit. In ea perturbatione tur-  
 marum Rossetus Tifernas singularis animi vir phalangisque præfectus, quum  
 extra ordinem equo aduectus procurrisset, & cum eo Franciottus Vrsinus, qui  
 30 postea Cardinalis fuit, circumuenti captique sunt. Sed quo minus pontificij  
 perturbatis insisterent, & in delendo hostē præsentī fortuna vterentur, locus  
 qui à leua procerioribus virgultis densus aditum impediēbat, plurimum re-  
 dauit: ac simul Vrbinas & Candianus longius prouectos reuocauere: qui nisi  
 productis ante aciem tormentis, promotoque Germanorum peditatu, quem  
 in postremo agmine reliquerant, cum pedestribus hostium copijs configere  
 nolebant. Ea res manifestam eorum victoriā interpellauit. Nam Vitellocius  
 suos confirmandi atq; adhortandi spatium nactus, equo in loco phalangē con-  
 stituit: eamque ab latere dextro totius reliqui equitatus subsidio firmavit. Ac  
 dum Vitellocius cruentum gladium tenens, multoque hostium & ipsius equi  
 40 in ceruice faucij cruore perfusus, educta cassidis buccula ad Tifernates suos con-  
 cionatur, & Carolus reductos conglobatosque equites ad demendam ignomi-  
 niam accendit, pontificij promouent tormenta, quorum pilæ altius fortē colli-  
 brantibus magistris emissæ, sine detrimento hostilem aciem præteruolant:  
 tum verò cum tota mole copiarum incumbunt. Landrianus densata suorum  
 ala proruentes egregiē sustinet: Tifernates quoque pedites singulari constan-  
 tia Germanorum impressionem excipiunt, præliumque magnis clamoribus  
 committitur. Germani iniquo cōgressi loco longioribus Tifernatum lanceis,



quæ Germanicas cubito superabant, facile confodiuntur: atque in conspectu equitatus ad vnum omnes temporis puncto trucidantur. Ea re conspecta equites timore consternati, fugæ se mandant. Dux ipse hostium Guido Feltrius in depressum callem ex fuga præcipitatus, dum ruina supercollapsi equi opprimeretur, Baptiste Tophio nobili Vrsino equiti se dedit: & ab eo abscisis ephippij loris vitæ periculo eximitur. Ioannes Petrus etiam Gonzaga ab hoste circumuentus deditionem facit. Vexilla & tormenta cunctaque exercitus impedimenta capiuntur. Mutius Columna accerrimus iuuenis in inguine sagitta vehementer vulneratus euasit. In ea fuga Bernardinum Lunatum Ticinensem Cardinalem, qui in castris legatus erat, adco vehementer incitasse equum ferunt, vt ex pauore concepto atq; ea insolita iactatione paulo post obierit. Vrsini duces ea victoria læti curandis corporibus & diuidendæ prædæ, biduum quietis militi concesserunt. Tertio die promota signa iunctis cum Liuiano copijs, qui in castra ab Bracciano victoriam ducibus gratulatum adcurrerat, oppida paulo antè amissa, præter Anguillariam & Trebonianum sunt recepta. Paulo post quum Vitellocius victoriæ moderandum, nec pontifici vterius insultandum esse iudicaret; & pontifex suscepti temere belli pudore adductus, mitioris animi signa præbuisset, pax est confecta auspicijs Federici Sanseuerini Cardinalis, qui Vrsinam familiam eo tempore singulari patrociniò tuebatur. Septuaginta milia aureorum nummum ab Vrsinis impensæ nomine pontifici persoluta sunt: cuius summæ maiorem partem Guido Feltrius vt carcere educeretur appendit: cautumque est, vt Vrsini, qui Neapoli in custodia erant, sine pretio dimitterentur: curaretque pontifex, vt Paulus Vitellius à Mantuano libertatem impetraret. Sed quum ad septimum Calendas Februarias ad Surianum esset pugnatum, septimo antè die Virginus in Oui arce, senio mæroreque confectus vita excesserat: vir ætatis suæ summis honoribus militiæ gestis longè clarissimus. Nam supra peritiæ militaris opinionem, quod nequam inane nostro seculo censeretur, multo etiam splendore liberalis vitæ cultuque familiæ, ac ipsa demum apud factiosos confirmata Romani nominis auctoritate, vel æmulos Columnas procures anteibat: quibus virtutum dotibus; supra paternas opes, quæ erant amplissimæ, feliciter accumulatis, felix profectò videri potuit, nisi periniqua, aut certè fatali peruicacia ab æquo & bono importunè abductus, in ipso vindicandæ contumeliæ conatu, in arcta custodia miserrimè concidisset. Luxerunt eum non secus ac optimum parentem, exactæque disciplinæ magistrum pernobiles alumni, cum ipsi gentiles Vrsini, tum Comites Vitellij, Anguilarij, & Baleones, qui ex eius domo tanquam illustri schola prodeuntes, præclari demum bello duces euasere. Nec multo post Iordanes filius & Paulus Vrsinus à rege dimissi sunt, quod odio ac inuidiæ vnus Virginij mortè satisfactum esse videretur: concessumque filio patris cadaver, quod apud Cære Vetus totius familiæ concursu, & magna clientum veteranorumque militum frequentia, celebratis exequijs, tumulatum est.

FINIS QVARTI LIBRI.

PRIMÆ



**P**RIMÆ huius decadis postremi sex libri clade Urbis perierunt, quos tamē author ex schedijs exemplaribus sua fretus memoria (modò vita suppetat) restitui posse non desperat. Errera nanque Cordubensis, & Antonius Gamboa Cantaber cohortium præfeti, quum in templo diuæ Mariæ ad Mineruam excruciatu æditus, omnes latebras explorassent, ferratam arcam inuenerunt, in quam author elaborati argenti pondo centum & historiarum codices condiderat. Sed Gamboa argento contentus libes tanquam inutilem prædam abiicit. Errera verò non infuso ingenio partem eorum collegit, eos scilicet qui in membranis scripti erant, & purpureo contecti corio, papyraceos autem contempsit, eo euentu, ut dissipati in fœdos usus omnino perierint. Collectos autem ad authorem inde tult, ut præmium acciperet: idq; munus pontifex authoris lachrymis exoratus sacerdotio rependit, quod Errera, Hispano sacerdote defuncto, apud patrios Lares magnopere expetebat.

## HORVM SEX LIBRO

RVM, QVI CLADE VRBIS PERIE-

RUNT, AVTHOR EPITOMATA

20

apposuit, ut legentes interruptæ historiæ desiderium  
lenius ferant, supplereq; volentes, ab his re-  
rum seriem perdiscant.



**Q**VINTO itaque libro, narratur bellum inter Columnios & Vrsinos Romanos procères ortum. Pugnatur ad Monticellum Crustumini agri ab vtraque factione, vinctibus Columnijs, Carolus Vrsinus capitur, moxque ciuili humanitate, pace facta dimittitur, quòd Alexandri pontificis astuta consilia in vtriusq; factionis perniciem versa deprehendissent. Interim Carolus rex Gallia, quum  
30 e ludo paruæ spheræ in cubiculum alienum fessus se reciperet, apoplexia correptus, moritur, ei que succedit Ludouicus Aurelianus, vir apprimè bellicosus. Florentini factionibus inter se fluctuantes, Hieronymum Sauonarolam cucullatum, de pontificis potestate male sentientem, & humanis rebus sese ambitiosus, quam sacrarum virum deceret, immiscentem, sed indignum Christianæ doctrinæ nomine, adeo atroci supplicio in foro comburunt. Veneti qui antea  
40 horratu Ludouici Sfortiæ Pisanos aduersus Florentinorum vim defendendos susceperant, quod magis ac magis præsidia augerent, & Pisani eorum nouo imperio letarentur, cum magna inuidia in suspitione occupandæ eius vrbis venerunt. Quibus de causis Ludouicus Sfortia, ne Veneti immodicæ affectâtes imperia, ea opportunissima Etrusco in mari vrbe potirentur, ab eorū amicitia discedit, Florentinisq; adherens transmissis auxilijs Venetorū duces cum magnis copijs Apenninū transcendere maturâtes, ut summis iugis arceantur, operam dat. Nam Paulus Vitellius Florentinorū dux, post illata Pisani Venetisq; prælijs aliquot detrimēta, e Pisano agro reuocatus, ad tutandas Casentinatis salutaris summitates, ad pagū diui Stephani peruenerat, multisq; prælijs factis Guidonem Feltriū, Liuianū, Astoremq; Balconū Venetos duces singulari virtute profligarat, atq; deiecerat, vsq; adeo graui cū dolore ab ea irrita spe Veneti sena



tus, ut implacabile odium aduersus Sfortiam conceperit, & cum nouo Gallia rege, Alexandroque pontifice, ad conturbandum totius Italiae statum coniuravit, diuisis inter se totius fere Italiae urbibus. Ex ea diuisione Mediolani principatus non obscuro iure hereditatis Ludouico quaerebatur. Is Cremonam Venetis eius belli socijs in praemium societatis & foederis concedebat. Caesari Borgiae Alexandri pontificis filio, qui se a sacra purpura abdicarat, interfectioque Candiano fratre magnum imperium affectabat, Togatae Galliae & Umbriae reguli concedebantur: ascitusque in id foedus Ferdinandus Hispaniae rex cum Gallo clam Apuliae regnum fuerat partitus. Quibus consilijs ingens mox bellum exortum est. Nam Florentini recuperandae Pisanae urbis auiditate, in id foedus consensere, ea conditione, ut Gallorum auxilijs freti, Pisanos subigerent,



**E**X T O libro narrantur res gestae eius anni qui secularem ab Alexandro conditum antecessit. Ludouicus Sfortia cognito rerum suarum periculo, quod aduersum se tot principes coniurassent, litem de imperio Mediolanensi per conditiones annui tributi cum Gallo componere, deprecarique iniuriam a Venetis conatus, postquam omnia frustra tentarentur, ad Baiazerem Turcarum imperatorem confugit: per legatos quorsum haec coniurationes tenderent demonstrat, atque auxilium petit. Barbarus occasionem intelligit, & terra marique in Venetos arma parat. Veneti ingentem classem Grimano praefecto Ionio in mari Turcarum classi opponunt. Sed Grimanus male explicata classe, & trierarchis nequaquam praesenti animo pugnam ineuntibus, ad Protum insulam inter Sporadas, turpem in fugam conijcitur, quum explorata victoria penes esset in manibus, nisi trierarchi cessauissent, Albano Armerio, & Andrea Laureano, qui vni omnium impigre pugnam inierant, miserabili incendio absumptis: quum in ingentem nauem Baracchi Smirnei praedonis, cum duabus utrinque velocibus vehementer inuecti, post iniectas harpagonum ferreas manus Barbari desperata salute, ultro repentinum incendium excitassent, quo victi victoresque concremati sunt. Post rem male gestam, Grimanus ad Sphragiae insulae portum, cui Sapientiae nomen est, se contulit. Daithes autem Turcicae praefectus classis, desertis & amissis aliquot triremibus, in Naupactum sinum abscessit, Naupactumque segniter defendente Veneto, in potestatem redegit. Nec multo post Grimanus propter rem male gestam reuocatus Venetias, in compedibus causam dixit, damnatusque est, & relegatus in Ossarum Absyrtidum insulam, inuidioso nimisque seuro Senatus iudicio, quod nihil Dominici cardinalis pro senepatre deprecantis, sacratisque manibus subleuantis paternos compedes, conspectus, & purpura, aur preces valuissent: quando etiam oborta in Senatu misericordia, multis honestae lachrymae manarent, vel ob id praesertim, quod in trierarchos quosdam nobiles minus imperio parentes non animaduertendo, propriuata eius clementia, publicae seueritatis poenam subiisset. Exitu quoque eius aestatis Scanderbella Illyrici praefectus, cum duodecim milibus equitum, per Aquileiensem agrum in Euganeos, altissimis fluminibus superatis, populabundus penetrauit: captoque magno hominum numero, quod nemo armatus obsisteret, & trucidatis immaniter senibus, in Tiliauenti amnis ripa, vnde venerat, graui ex incendijs & caede luctu in his regionibus relicto, reuersus est, postquam se seram Ludouico Sfortiae opem attulisse didicit.





OPTIMVS liber, eiusdem anni per autumnū res gestas refert. Narratur bellum ortum inter Heluetios & Germanos Rheno propinquos. Hi vallis Agneding incolae, qui inter Rhetos (Grisoni hodie vocantur) incursione facta ferro atque igne populati fuerant: quibus opem implorantibus, Heluetij vetusto foedere coniuncti non defuerunt, conflixereq; cum Germanis ad Suarzualdum, qui locus combusti nemoris nomen sonat. Eo praelio Heynauolebanus Heluetiorum dux peritissimus, ordines partiendo promouendoque, ita hostium aciem perfregit, ut celebri victoria sit potitus. Sed quum ante alios pulsum loco hostem acrius vrgeret, iam planē victor, plumbea pila caput ictus occubuit. Sub id quoq; tempus Paulus Vitellius Florentini dux exercitus tormentis admo-  
 10 tis magno apparatu, sed infelici conatu Pisas oppugnauit. Quum enim Stampacis propugnaculum, quod in meridiem vertitur, deiectis atq; interfectis defensoribus occupasset, atque inde in urbem irrupturus esse videretur, Pisani ab interiore area in eam partem ingens tormentum, quod Bubalus ab incredibili violentia vocabatur, obuenterunt. Tanta verò pilarum eius vis extitit, ut omnia munimenta à Vitellio obiecta desiceret, neminemque propugnatorem in-  
 20 trorsus consistere sine certa perniciē pateretur. Itaq; propugnatoribus Stampace denudato, Vitelliani pedem retulerunt, sic ut spe ferē captæ vrbis Paulus desiceretur, et autumnus grauis exercitum inuecto pestilenti morbo mirum in modum vastaret. At Vitellium post tāta res paulo antē prosperē gestas, quod nouissimo conatui Fortuna non arrisisset, inuidia inuasit, prębuitq; causam ac-  
 30 cusationi Ranucio Martiano perpetuo hosti suo atq; obtrektorī, ut apud Florentinos faciliē suspicaces, nō vi, sed dolo celsisse, nec potiri Pisis voluisse crede-  
 retur, q̃ Ludouici Sfortię literis obtēperare potius, quā Reipub. commodo, extremū capiendę vrbis periculum facere voluisset. Itaq; ea oneratus calumnia, nihil tale timēs Cascina in oppido à legatis Florentinis capitur, Vitelloccio fratre per tumultum elabente. Perductus autē Florentiam exquisitissimis tormentis subditur, nec quicq; quo nominis fama maculari posset, ab insonte atq; fortissi-  
 35 mo viro elici potuit, quātantū se à fortuna sua misere deserī, & ingratē plecti quereretur. Sed Ranuccianę factionis Octouiri, quē iure damnare nō poterāt, impotentib. suffragiis, ne iniurię ultor euaderet, capitali supplicio damnarunt. Per eosdem dies Galli in Italiam trāscedunt, ac Obignino & Triuultio ducib. Aratium & Annoniū Sfortiani imperij arces expugnant: atq; inde ad Alexan-  
 40 driā deferuntur, magnaq; vitormentorū murū quatunt. Sfortianis copiis pręerat Galeacius Sāseuerinus. Is, vti postea dicebat, falsis Calatini germani fratris literis, quasi id iuberet Sfortia, presidio excedere, & Mediolanū reuerti iussus, magnā partē exercitus interclusum Pado, Gallis diripiendā prębuit, turpiterq; aufugiens urbē hosti occupandā reliquit. At Sfortia, ad profligati exercitus, a-  
 45 missaq; Alexandrię nunciū percussus, quū fortē Simon Horrigonius Insuber, homo facinorosus, Antonium Landrianū ærarij præfectū trucidasset, ab eaq; cæde expediendę pecunię facultas conturbata videretur, animū despondit, Co-  
 mumq; profectus cū Ascanio cardinale fratre & liberis, in Germaniā ad Maximilianum Cēsare confugit. Nec multo post ex eius victoriæ lætissimo nuncio, Ludouicus rex Mediolanū venit, cui cunctæ Sfortiani imperij vrbes cum Ge-  
 50 nua deditionē fecerunt. Crenona autē ex cōditione foederis Veneto celsit. Arcem verò Mediolanēsem longē omniū munitissimam atq; pulcherrimā, Bernardino Curtius insigni auaritia atq; perfidia vir, qui Sfortię alumnus fuerat,



Gallis prodidit. Per id tempus Cæsar Borgia, Heluetijs mercede conductis, adiunctoq; sibi Gallico equitatu, cui Alegria præerat, Catharinā Sfortiā Forocornelii & Foroliuij vrbibus expulit, dedentemq; se demum, captiuam Romā duxit. Quum verò Fauētiae, Arimino, atq; Pisauo imperij auidus immineret, Sfortia post quintum exilij mensem, quod tædio Gallorum ab Insubribus accerseretur, cum manu Heluetiorum Mediolanum est reuersus. Verum intra paucos dies post Nouariam tormentis receptam, nouus Gallorum exercitus duce Tramulio cum veteribus Lignini & Triuulti copijs coniunctus, eum magnopere conterruit, ob id maximè quod magnus Heluetiorum numerus Gallicis in castris militaret, misceretq; facile sermones cum consanguineis suis, qui apud se stipendia merebant. Ludouicum quoque Valdreium virum Sequanum, qui trecetos galeatos equites adduxerat, à Gallis ei notis ducibus sollicitari ad defectionem didicerat. In eo graui metu Sfortia certa tributii pactio ne cum Lignino, vt se periculo eriperet, transigere conatus est, sed eius consilia Fortuna iam pridem infesta penitus elusit. Nam Heluetij vtriusque partis Gallica pecunia corrupti, cum habitu Heluetij militis inter phalangis ordines prodeuntem, Gallis ducibus tradiderunt, præcipuis tantæ perfidiæ authorib. ducibus duobus. Sfortiam in Galliam perductū, Ludouicus rex nullā humanitatis & clemētiæ laudem quærens, in prædurum carcerem sine scribendi solatio coniecit. Eandem fortunam tulit Ascanius cardinalis in Placentino agro, dum efugeret, à Conrado Lando Venetis equitibus proditus. Hunc postea Venetis diu custoditum, de poscenti regi Senatus tradidit, vt in Gallia seruaretur.



**C**TAVVS liber Baiazetis Turcarum Imperatoris in Græciam aduentum continet. Is anno seculari cum centum quinquaginta armatorum milibus ab Isthmo Pelloponnesum ingressus, trinis castris ad Metonem positis, turrem portæ imminuentem maioribus Tormentis est demolitus, murumque tribus in locis aperuit. Sed post varia certamina vtrinque acerrimè depugnata, Ianizari pedites à sanctæ Mauræ porta in urbem perruperunt, quum fortè miserabili casu Metonenses conspectis quinque triremibus Venetis, quæ arma, milites, & com meatum obsessis afferebant, vt appulso exciperent, ad mare desertis stationibus descendissent. Itaque Barbari potiti lato aditu, editaque magna cæde, Græcos simul & Venetos milites obruncant: cohortemque dudum expositam, et à portu intrantem concidunt. In ea strage Antonius Fabius, & Bardella præsidij præfecti trucidantur, Andregue Falconi Metonensium Episcopo, qui in sacra veste hortabundus prodierat, mitratum caput barbari gladio detruncant: neque cuiquam armato vel inermi Turca miles pepercit, nisi quem ætas aut decora forma conseruauit. Captiui longis nexi restibus supra mille perducti ad prætorium, in conspectu imperatoris trucidati sunt. Custodiæ tamen iniectis catenis traduntur Gabriel prætor, & Balastus questor cum Aurelio scriba: atque item Sebastianus è monte Silice, qui veteri præsidio præfuerat. Inde Baiazetes Coroneos Metonensium casu perterritos in deditionem accepit. Crisseum quoque à Cherseoglebassa Baiazetis genero, tormentis est expugnatum. Tentauit & frustra Nauplium Helibassa: & Pylus olim Nestoris sedes, hodie Nauarrinum Iunco portui impositum, metu exterrito arcis custode, Barbaris est deditus. Quibus rebus gestis Baiazetes terra & mari planè victor,



etor, quod Veneta classis nusquam congregi ausa certamen detrectasset, Bizā-  
 tium est reuersus. Nec multo post à Consaluo, cui propter singularem virtutū  
 consensus militum Magni cognomen dedit, coniuncto sibi Pisaurio Venetæ  
 classis præfecto, Cephalænia post longos difficilesque labores expugnata est,  
 quum Turcæ ferme omnes in vestigio stationis cum Gisdare præfecto non in-  
 ulti cæcidissent. Pisaurus quoque, quum multa Turcis detrimenta agilitate tri-  
 remium suarum intulisset, sanctæ Mauræ oppidum, ad Leucadem Neritho in  
 insula fortiter expugnauit, Turcarum equitibus per vada reciprocantis Euri-  
 pi ab Ætolico littore obsessis, opem ferre frustra conantibus. Sed nequaquam  
 10 pari fortuna Gallica classis, quæ subsidio missa in Græciā peruenerat, mari rem-  
 gessit. Nam Rauastenius præfectus ad Lesbum insulam delatus, Mitylenasque  
 tormentis oppugnare adortus, Turca se impigre defendente, ita incepto ab-  
 scelsit, vt sæuiente tempestate, classis eius disiecta sit, ipseque post multa pericula  
 ac naufragia ad Tarentum euaserit. Galliæ atque Hispaniæ reges ex composi-  
 to Federicum Aragonium adoriuntur: Magnus Consaluus tecto consilio, si-  
 mulataque amicitia Brutij & Apulis imminet. Namursius Gallorum dux,  
 adiuncto sibi Cæsare Borgia per Campaniam delatus, Capuam urbem oppu-  
 gnat, atque inter condiciones deditum se ducum hostiliter irrumpit: dire-  
 ptisque Campanis, & Aragonijs militibus malè mulctatis, Fabricius Colum-  
 20 na & Ranucius Martianus capiuntur. Hunc vulneratum Vitellocius, vt Pauli  
 fratris manibus parentaret, veneno plagæ indito tollendum curauit. Illum lor-  
 danes Vrsinus è manibus Gallorum liberaliter præbito auro redemit. Federi-  
 cus exutus copijs et consilij inops, quum antea à Consaluo opem frustra implo-  
 rasset, relicto regno deditisque arcibus, ad Ludouicum regem verum hostem  
 nauigare, quam ad Hispanum consanguineum, à quo se iniquissimè atque in-  
 gratissimè proditum querebatur, confugere maluit. Itaque Consaluus sine vul-  
 nere Brutios & Apulos in ditionem Ferdinandi regis redegit: eoque euentu  
 Ferdinandū Federici filium Tarenti obsedit, vt quum adolescens certa liberta-  
 tis conditione inexpugnabilem urbem dederet, contra iusiurandi religionem  
 30 caperetur, vt vnicus Neapolitani regni hæres in Hispania seruaretur. Nec diu  
 post Hispani & Galli ex propinquis præsidijs de finium diuisione disputan-  
 tes, ad arma acerrimumque bellum descenderunt: quo exorto, Gallis paratio-  
 ribus, Consaluus in Barolum compellitur. Eo obsesso noua auxilia, cum ab Hi-  
 spanis, tum è Germania per Hadriaticum Consaluo superuenerunt. Quibus  
 fretus cum hoste ad Gerionem in Apulia prosperè confligit, interfecto in acie  
 Namursio duce. Pari etiam fortuna in Brutijs Vgo Cardonius Obigninum  
 Gallorum ducem ad Semenariā debellauit, quum ab eo paulo antè apud Gio-  
 iam Brutij agri, acie fuisset profligatus: geminataque eo modo Hispanorum  
 victoria, Galli vix retenta Caieta, Neapolitano regno depulsi sunt. Sub id tem-  
 40 pus Cæsar Borgia, qui quatuor Varanios proceres antiquissimæ stirpis Ca-  
 mertes necarat, vt eorum imperio & opibus potiretur: Guidonem Feltrium  
 Urbino, Pandulphum Malatestam Arimino depulerat, Astoremque Manfre-  
 dum expugnata Fauentia sub fide deditum strangularat: sanguinarias manus  
 Vrsinæ factionis atque familiæ proceribus admouit. Primo Vitellocium ab insi-  
 gni virtute inuisum, & Liberottū Firmanū, moxque Paulum Vrsinū Latini car-  
 dinalis filium, & Frāscum Vrsinū Grauinæ regulum in Vmbria tetro suppli-  
 cio sustulit: eodemque die ab Alexandro pōtifice ad constitutū tempus Baptista



Vrsinus cardinalis in mole Hadriani cantaridum veneno sublatus est. Sed Italica nobilitatis stirpes excidenti, affectantique regnum Italiae, non diu Fortuna arrisit: quum coenaret enim Vaticana in villa inuitatus à patre pontifice venenum bibit, quod conuiuiis quibusdam senatoribus ditissimis paratum erat, fallentē lagenas incautē à poculis ministro. Sed Alexandro vim veneni non ferente, ipse Cæsar paterno funeri miseriaeque suae interfuit. Nam Iulius Alexandro suffectus, eum exutum exercitu in arce sub custodia tenuit, quoad missis tesseriis arx Ostiensis redderetur. Fide demum à Consaluo accepta, Neapolim nauigauit, vbi dum compararet copias, & nouas res moliturus videretur, captus est, et in Hispania custodiendus ad Setabā transmissus. Alexandro mortuo atque item Pio tertio, qui paucissimis diebus regnauit, nec adhuc per comitia Iulio creato, nouus Gallorum exercitus Romā intrauit, Tramulio, & Francisco Gonzaga Mantuano principe ducibus. Ii Appia atque Latina via bipartito regnum ingressi, nulla memorabili re gesta, totam serē hyemem in Aquinate, & Fregellano agro consumpserunt: mirificē eis resistente Consaluo, qui Lirim amnem ponte transgredi ausos, fortissimē reppulit: castraque demum eorum adortus, quum noctu superioribus vadis copias omnes traduxisset, in fœdam fugam per Formianum littus cum multa cæde coniecit. Quo aduerso rerum successu, Galli duces animis fracti Caietam dediderunt, ea conditione, vt sua classe vecti, inermes in Galliam redirent.



**I**BRO nono Iulius pontifex, Ioannem Bentiuolum ab inueterata tyrannide, cœtuque & audacia filiorum præpotentem Bononia expellit, opē Gallorum adiutus, qui ad portas exercitum admouerant. Bentiuolus septuagenarius senex, animum despondens, quum ferociam imminentis Pontificis magnopere timeret, ad castra Gallorum confugit, nullo in suprema rerum difficultate, aut virtutis, aut industriæ conatu edito: sic vt postea apud Mediolanum in exilio perierit. Domus eius incomparabilis structuræ, quā mediā in vrbe ædificarat, vt abominandī dominatus memoria tolleretur, concursu populi à fundamentis euerſa est. Sub id tempus Philippus Maximiliani Cæsaris filius Belgarum princeps in Hispaniam nauigauit, vt Isabellæ socrus dotale regnum adiret. Receptus est ab Hispaniæ proceribus vsque adeo studiosē, vt Ferdinandum regem socerum dēfererent: cui tanquam seni & parum liberali facili omnes florentem ætate & splendore vitæ nouum regem anteponebant. Ferdinandus suorum leuitatem perfidiæ proximam detestatus, Neapolim nauigauit. Nec multo post Philippus ab intemperie noui cæli, cui Belgicæ epulæ minimē congruebant, oborta febre surreptus est. Eius mortem luridus cometes portendit, qui per aliquot dies ad occiduam plagam arserat. Exinde Ferdinandus Neapoli rebus compositis, & Magno Consaluo propter affectati regni suspicionem abducto, ad sua regna rediens, collocutus est cum Ludouico Galliarum rege apud Sauonam, de inuadendisque Venetis consilium ab utroque initum est. Tum enim Ludouicus Genuenses armis subegerat, quum pulsa nobilitate statum popularem induxissent, resistereque ausi ē culminibus montium deiecti, victique ad Gallicum imperium impetrata venia rediissent. Paulus Nouius vir plebeius, qui ad summum honorem fauore plebis erepserat, inauspicati principatus pœnas capite persoluit. Secutum est demum bellum, quod Germani authore Cæ-



re Cæsare cum Venetis gesserunt, partim à Carnicis alpibus, partim ad Triden-  
 tinas fauces. Hinc ad Petram castellum Pitilianus & Triuultius cum Gallicis  
 copijs, Hispanorumque cohortibus, Germanos facile represserunt. Ad Cadu-  
 rium verò oppidum alteram Germanorum manum per niuosa Carnorum iu-  
 ga Liuianus ita cæcidit, vt ab eo cruento prælio aliquot oppida Germanicæ di-  
 tionis, & in his Tergestum urbem vi expugnata, Veneto imperio adiecerit.  
 Qua affectus iniuria Cæsar, concitante Iulio pontifice cum cæteris Europæ re-  
 gibus coniurauit aduersus Venetos: eaque coniuratione Italia supremam pro-  
 pè adiit cladem. Veneti enim immoderata affecti cupiditate, per amplum, ob  
 10 idque inuidiosum ex aliorum ruina imperium condiderant: fremente ponti-  
 fice, quod Ariminum, atque Fauentia vrbes, pontificio imperio ereptæ, ex æ-  
 quo & bono sæpius repetitæ minimè redderentur. Non ferebat Gallus Cre-  
 monam ditioni suæ detractam, & Hispanus rex nequaquam sibi integrè partem  
 Neapolitanum regnum existimabat, quum maritimæ Apulorum vrbes op-  
 pignoratae iam pridem ab Aragonijs, Syponus, Tranium Monopolis, Bru-  
 dius & Hydruntum Venetis præsidijs tenerentur. Coiuere legati principum  
 ad urbem Cameracum in Belgis, decretumque est communibus viribus in Ve-  
 netos bellum, tanto silentio, vt quum eius suscepti consilij suspensiones emana-  
 rent, Venetis nequaquam maturè crederetur. Eo modo Ludouicus in Italiam  
 20 cum ingentibus copijs transgressus, ad Abduam Venetos castra conferre, at-  
 que aciem tentare ausos cum magna cæde profligat, capto Liuiano. Secundum  
 eam victoriam intra paucissimos dies, non modo sua quæ repetebat, Bergo-  
 gum, Cremonam, Cremam & Brixiam sine vulnere recepit, sed eodem terro-  
 re Veronam, Vicentiam, atque Patauium Cæsari capienda præbuit, quod  
 deleti exercitu cum paucis Pitilianus, desperatis rebus ad Mestrium extremum  
 continentis oppidum refugisset. Pari quoque cursu Iulius non Ariminum mo-  
 do atque Fauentiam, sed Ceruiam & Rhauennam recepit: vltroque Senatus  
 Venetus Apuliæ vrbes Hispano regi dedendas curauit: sic vt tanta modo Ve-  
 neti imperij fortuna Italici hominibus planè miserabilis, externis verò ridenda  
 30 videretur, quando vni omnium Turcæ pacis paulo ante confectæ memores,  
 non modo fidem seruauerint, verum auxilia in id bellum amice studioseque ob-  
 tulerint: sed barbaro regi, quod fidem pacemque egregiè tueretur, gratias e-  
 git, quum huiusmodi auxilijs nequaquam e Republica vtendum esse censuis-  
 set. Nauarrus ex gregario milite, commendatione virtutis dux factus, quum an-  
 tea auspicijs Ximenis archiepiscopi Toletani classem sua pecunia adornantis,  
 Oranum Mauritanie emporium in magno portu occupasset, Buziam demum  
 in Numidia urbem Mahometanorum gymnasio claram cepit, atque diripuit:  
 emensoque inde Africæ littore Tripolim inter duas Syrtis, terra marique admo-  
 tis copijs expugnauit. Sed reuectus ad Moenicem insulam, quum Girapolim  
 40 adoriretur, in signe accepit detrimentum. Ingruentibus enim Barbaris, Hispa-  
 ni milites per loca aquæ indiga, torrente Sole sitim perpessi, ordines seruare  
 nequuerunt, versique in fugam, dum ad nauigia quæ in alto erant, deficientibus  
 scaphis enatare properarent, ab hoste cædebantur. In eo tumultu  
 Garzias Toletanus illustris iuuenis fortiter repu-  
 gnans est interfectus.





E C I M O libro, Andreas Gritus Venetus legatus Patauium,  
 segniter tuentibus eam urbem Cæsarianis, recepit, Leonardo  
 Dressano nō diu tuente arcem. Is quod esset Vicentinus ciuis,  
 in baratrum teterrimi carceris Venetijs est deiectus. Quatuor  
 verò ē patritijs Patauinis, qui stultē perfidioseque Venetis se  
 auersos ostenderant, in foro Veneto latronum more strangulati sunt. Maxi-  
 milianus Cæsar, suorum incuria amissam urbem ut reciperet coacto validissi-  
 mo exercitu ē Germania descendit, ad quem Gallorum & Hispanorum Pon-  
 tificiorumque militum auxilia accesserunt. Sed latē prostratis muris oppugna-  
 tio eum habuit euētum, ut Pitilianus constantissimus dux, urbem insigni cum<sup>10</sup>  
 laude defenderit, irritoque incepto Cæsar in Germaniam redierit. Post serua-  
 tum egregiē Patauium, Veneti contra Alfonso Ferrariæ principem, aduer-  
 so Pado, classem viginti triremium miserunt. Eam Ferrarienses post varia ac-  
 cepta incommoda, authore Hippolyto Atestino cardinale, tormentis sub ag-  
 gere constitutis ita perfregerunt & demerserunt, ut vix Angelus Trisanus clas-  
 sis præfectus effugerit. Senatus Venetus graui salubrique suscepto consilio, ve-  
 niam pacemque a Iulio pontifice per legatos supplex petijt, facileque impetra-  
 uit, quum ille generoso spiritu publicum Italiæ corruentis decus, discrimenque  
 prospiceret. Magno siquidem ei pudori erat, sacrorum principis personam su-  
 stinenti, subiectis non parcere, quando ipse feruidiore ira concitatus, nobilis-<sup>20</sup>  
 simæ Reipublice excidium parasse diceretur. Id factum nouarum cladum ini-  
 tium fuit. Nam Iulius Venetos defendens, Alfonso Ferrariensi bellum intulit.  
 Hunc Ludouicus Rex quum tuendum susciperet, Pontificis hostis effectus est.  
 Cuius controuersiae is extitit finis, ut Gallus per Triuultium ducem, profliga-  
 to pontificio exercitu, cui Feltrius præerat, Bononiam reductis Bentiuolis, pon-  
 tifici eriperet. Ea vis Pontificio nomini illata, deprecante iniuriam Iulio, atque  
 opem implorante, vniuersos prope Europæ Reges aduersus Gallos ita concia-  
 tauit, ut Africanæ legiones à Ferdinando rege, quæ pontifici opem ferrent, in  
 Italiam mitterentur: Heluetijque pontificem contra Gallos tuendum suscipe-  
 rent. Gallus suis subnixus viribus, sacra anathematis tela contemnens, ut omnē<sup>30</sup>  
 Pontificis auctoritatem conuelleret, Concilium Pisis indixit, concedentibus  
 primo Florentinis, & mox Gallica præsidia respuentibus, sic ut sacerdotes à Iu-  
 lio transfugæ Pisis exacti, Mediolanum confugerent, atque ibi Concilium ce-  
 lebrarent. Interim Gasto Foisseius sorore Ludouici regis genitus, copijs præfi-  
 citur. Is semel atque iterum Heluetios infesta populatione in agrum Insubrum  
 descendentes repressit. Bononiensibus raptato per lutulenta itinera valido e-  
 exercitu, opem tulit, quum Hispanorum et Pontificiorum mœnia quatientium  
 vim ægrè sustineret Alegria Gallici præsidij præfectus. Eius aduentu non pla-  
 nē maturē cognito, Nauarrus atque Cardonius tormenta retraxerunt, & se per  
 Æmiliam viam receperunt, ne ante portas bellicosę ciuitatis cum Gallis prælio<sup>40</sup>  
 congregi cogerentur. Gasto liberata Bononia, incredibili celeritate aduersus  
 Venetos traiecto Pado conuolauit, qui Brixiam proditione receperant, arce  
 adhuc Gallico præsidio retenta: ad quam expugnandam, quum Paulus Baleo-  
 nus à Senatu mitteretur, in itinere Gastoni sit obuius ad turrem Magnanini,  
 quæ est prope Athesim, statimque improuisa vtrinque exorta est pugna, qua  
 Balconus viribus impar, profligato exercitu suo, quum Athesim tranasset, ex  
 fuga vix seruatus est. Ea bene re gesta, Gasto vbi Brixiam peruenit, per arcem  
 ingenti



ingenti cede edita, urbem recuperavit, capto Gritto. De Aloisio autem Aduocato, qui defectionis author fuerat, supplicium in foro, ipso spectante desumptum est. Direpta miserabilem in modum, & cadaueribus repleta Brixia, Gasto vnde venerat rediens, superato rursus Pado, pugnae avidus, ad oppugnamdam Rhauennam delatus est, ratus vti euenit, Cardonium atque Nauarrum obsessae urbi ad non dubiam conferendae pugnae occasionem, opem allaturos. Sed oppugnantem triduo fortissime sustinuerunt M. Antonius Columna, & Petrus Caltrius. In ea oppugnatione Gasto, Spinæum tormentorum magistrum, & Cretellionem e Colinga familia, ducem clarissimum tormentis ictos amisit.

- 10 Quum vero hostes aduentare cognosceret, castra mouit, transgressusque Vitimam nem, quæ hodie Aquadusa appellabatur, cum hoste confligit. Eo prælio longè omnium cruentissimo, tormentis vtrinque acies prosternentibus res gesta est, sed maiore Hispanorum incommodo, quum Alfonso Atëstinus, qui primam aciem ductabat, capto opportuno circuitu, tormenta sua in latera hostium direxisset, non paucis etiam e numero suorum interfectis. Verum Gasto ingenti potitus victoria, quum recipientes se per aggerem Hispanorum legionem intemperanter persequeretur, immoderate virtutis iuuenis à globo hostium circumuentus, atque interfectus est. Galli propè pari affecti clade, campo atque hostium castris potiti sunt: atque inde Rhauennates se dedentes, contra fidem, violatis etiam templis, magna clade affecerunt. Eo prælio captus est Ioannes Medices
- 20 Cardinalis Pontificis legatus, & cum eo Nauarrus. Supra vero quadraginta maiorum minorumque ducum cadauera reperta sunt. Secundum autem famam prælij Rhauennatis, Heluetij à Iulio infracti animi Pontifice in auxilium excitati, per Tridentinas alpes intra paucissimos dies in Veronensem agrum descenderunt: repulsoque ab Athesi Gallorum exercitu, cui Palicia præerat, retrocedentes, nec congregi ausos, Gallos Ticino in vrbe obsederunt. Nec multo post quum Baleonus cum iusto exercitu tormentorumque apparatu Heluetijs se coniunxisset, Galli Ticino eiectioni, compulsi que in fugam ultra Alpes redierunt: atque ita Iulius liberata à Gallis Italiae titulum prætulit, egregieque
- 30 vltus est Florentinos, qui authore Soderino ipsorum dictatore, concilio sedem dedissent: reduxitque in patriam Ioannem Medicem Cardinalem, qui magno casu e Gallorum manibus elapsus, cum reliquijs Hispanorum in Etruriam peruenerat. Sed Iulius septuagenarius senex vel felix ea victoria, lethiferum concepit morbum: Romæque fato functus est. Successit autem ei Ioannes Medices, in comitio iuniorum suffragijs subleuatus: qui Leo, mutato de more eius nomine, Decimus appellatus est.



## PAVLI IOVII NO

VOCOMENSIS, EPISCOPI NV-

CERINI HISTORIARVM

SVI TEMPORIS.

## LIBER XI



E O N E Decimo pontificatum ineunte, quum is ad ter-  
 tium Idus Aprilis thiaram sacri imperij more maiorum  
 accepisset, vt dies quo ad Rhauennam captus fuerat, cir-  
 cumagente se anno, infaustus tanti spectaculi celebritate  
 ex atro in candidum verteretur, ex Ruffi legati literis co-  
 gnitum est, Ferdinandum regem occultas cum Ludoui-  
 co inducias pepigisse. Eare Britanniae regem grauissime  
 commoueri, quod se deceptum a socero quereretur, cu-  
 ius hortatu Dorsetium cum valida classe ad inuadendam Aquitaniae oram  
 transmisisset. Enimuero Ferdinandus cunctas bellirationes foederumque iu-  
 ra, vel cum pudenda mutatae fidei labe, & graui sociorum iniuria, ad commo-  
 dum suum referre erat solitus. Nam postquam Ioannem Cantabriae regno ex-  
 pulsum, Gallicisque armis id repetere conantem Albanij virtute repulerat, no-  
 ui regni gentem Alibretis antiquis regibus deditam, induciarum spatio con-  
 firmandam existimabat, ratus vtique opportuni eius regni accessione multo  
 potiore vtilioremque defensione Cisalpine Galliae, cuius auaritate Ludoui-  
 cus inde pulsus vsque adeo ardere videretur, vt Ioannem ex antiqua Gallorum  
 amicitia, recentique eius societate regno eiectum, atque ob id apud se exulem,  
 tota spe recuperandi regni deicere non puderet. Ex horum enim longe maxi-  
 morum nostrae tempestatis regum ingenijs, & tum liquidò, & multum antea  
 praecclare compertum est, nihil omnino sanctum & inuiolabile, vel in rite con-  
 ceptis sancitisque foederibus reperiri, quod in proferendis imperijs augendisque  
 opibus, apud eos nihil ad illustris fame decus interesset, dolone & nusquam si-  
 ne fallacijs, an fide integra veraque virtute niterentur. Itaque Ferdinando, quod  
 de inducijs occulte transactum erat, egregie dissimulante, et Gallis arma paran-  
 tibus, Moronus Maximiliani Sfortiae Legatus a Leone supplex maturam opem  
 implorat: Placentiam, Parmamque vrbes, si Sfortia deferatur, ad Gallos redie-  
 turas docet: Venetos porro aduentanti Gallo minimè defuturos demonstrat,  
 quod per summam iniuriam Brixia exclusi, ex nouo foedere Cremonam repe-  
 rant: & Veronam quoque Gallicis freti auxilijs se recuperaturos sperent. Pro-  
 inde maturè cauendum esse, ne consilia Iulij fortissimi pontificis, non sine di-  
 uino numine ad Italiae libertatem explicata, totque partis victorijs egregie con-  
 firmata, cum dira rerum omnium conturbatione subuertantur. Ipsum autem  
 sociorum omnium esse vnum, qui imminentibus malis occurrere possit, &  
 praecclaro facto res omnium seruare incolumes, postquam Hispanus a foedere  
 iam plane discesserit, si pecuniam ex sacro aërarario Sfortiae suppeditet, vt perso-  
 lutis stipendijs Heluetij ingentibus animis ad tuendam Sfortiae causam para-  
 ti, in vetere studio & fide contineantur. Hæc differenti Morono, vehemens  
 adiutor



adiutor aderat Sedunensis Cardinalis, qui ex professo Gallorum hostis suæ  
 gentis principes Sfortianæ causæ, quæ pontificiam dignitatem includeret,  
 ius & nomen constantissimè defensuros pollicebatur. Eos enim ubi pontificē,  
 & nouo nomine, & paterno spiritu generosum, nihil animo labare, sed ponti-  
 ficij Italicique nominis decus augusto constantique decreto tueri velle audie-  
 rint, extemplo inuictis armis ostensuros, quo studio, quā fide, quā denique vir-  
 tute, hastatus miles Heluetius pro socijs semel in tutelam receptis, aduersus sa-  
 cro sanctæ maiestatis violatores pugnare sit solitus. At Leo de commutata Fer-  
 dinandi regis voluntate certior factus, præsentique adductus periculo, quod  
 10 iam Galli ad Coctias alpes peruenissent: tametsi, vti accidit nouo principatu,  
 nondum rerum publicarum cogitationes explicasset: graui tamen expeditoq;  
 iudicio, iisdem quibus Iulius fortiter glorioseque ire institerat consiliorum ve-  
 stigijs sibi consistendum existimauit: eo quidem temperamento, vt apertè ne-  
 minem offenderet, & pacificatoris nomē sacrosancto omnium parente dignis-  
 simum tueretur. Sfortiæ nanque salutem omnino negligere: populique Helue-  
 tij amicitiam tanquam vtilem decoramque Romano pontifici, nisi impensè &  
 & grauius æstimare non poterat, postquam Iulius Maximiliano Sfortia legi-  
 timis, ideoque felicibus armis restituto, paternam ei ditionem ex decreto sena-  
 tus adiudicasset: & populus Heluetius fide, virtute, et recenti victoriā in clytus,  
 20 specioso decoroque titulo Defensor pontificiæ libertatis esset appellatus. Itaq;  
 Morono in stipendium pecunia numeratur: quam ille magnis itineribus Pla-  
 centiam contendens, Heluetijs cohortibus diuidat, egregium Leonis studium  
 ostendet: detque operam, vt Cardonius, qui ad Trebiam ænnem habebat ca-  
 stra, superato Pado cum Heluetijs se coniungat. Sed his ad famam propensi, a-  
 micijq; Pontificis abundè exhilaratis, & quod summæ rerum intererat, præ-  
 sentis pecuniæ conspectu opportunè confirmatis, nihil plus à Cardonio de in-  
 ducijs ab rege suo pariter & à Gallis diligenter edocto impetrari potuit, quā  
 vt promouendo castra, Padum traiecturi speciem præberet, & Romanā viā  
 præter Clauidium atq; Derthonam, Hispani leuis armaturæ equites, ad conti-  
 30 nendos in fide socios Gallorum metu nutantes, excurrere iuberentur. Verū  
 ea simulati auxiliij ostentatio vel multis impetrata precibus, magno detrimen-  
 to socijs celsit. Nam quum Piscario cum peditatu præeuntes equites subsequen-  
 ti, Vicorinienses tanquam rapacis ac impotentis gentis timore adducti, portas  
 clausissent, nec postulanti comitatu nisi corribus è muro demissum præbe-  
 rent, vsq; adeo grauis toto agmine indignatium militum fremitus est exortus,  
 vt cohortes sub signis arma caperent, vlturæ contumeliā, quod ab agresti in-  
 hospitaliq; populo minimè receptæ, sub diuo tendere cogerentur. Itaque factio  
 impetu prolatisque tormentis muro portæque succedunt: refractoque ponte  
 ligneo, & deiectis ex muri corona defensionem parantibus, nihil vetante Pisca-  
 40 rio in oppidum irrumpunt: crudelique cæde edita, per se opulentum & ex ter-  
 rore Gallici belli eo confugientium diuitijs refertum hostiliter diripiunt, insi-  
 gni cum infamia Piscarij ducis, qui aduersus miserè atque improvidè obsisten-  
 tes socios dignitatem suam, vel iniquo maximeque seuo facinore edito, vt mili-  
 tes ditaret, tueri contendebat. Interea Ludouicus ex inducijs ab Hispania omni  
 belli metu liberatus, & valida classe in Oceano aduersus Britannos Armorici  
 littoris vrbes defendens, duos summæ authoritatis atq; peritiæ duces, qui Al-  
 pes transcendant, Tramulium atq; Triuultium deligit: euocat Robertum Se-



danium in Eburonibus principē cum nigra Germanorum legione: atq; item  
 Aloisium Beomontium ē Cantabriæ finibus accersit, cum his Vasconum co-  
 hortibus, quæ paulo antē Palicia duce ad Pompelonem cum Hispanis bellum  
 gesserant. His quoque admiscet ē Gallia aliquot peditum vexilla delectę iuue-  
 tutis: quod cum honestissimus quisque, qui non esset ad equum rescriptus, ala-  
 critate insigni pedibus militare decorum putaret. Hos omnes magno tormen-  
 torum apparatu instructos in Italiam maturare, communicatisque cum Vene-  
 ro Senatu consilijs, Sfortiam solis Heluetiorū auxilijs confisum adoriri iubet.  
 Veneti enim ab Hispanis cōtra foedus intercepta Brixia indignē prō hostibus  
 habiti, cum Gallo in amicitiam redierant: his legibus renouato foedere, vt con-  
 fecto communibus armis Sfortiano bello, Cremona potirentur, & reliquas  
 demum sug ditionis vrbes Gallorum adiuti copijs recuperarent. Quibus obsi-  
 gnatis tabulis, Liuianus diuturno atque durissimo carcere eductus, in Italiam  
 venerat, & à Senatu in honore militaris imperij Pitiliano suffectus, nouas co-  
 pias veteribus addendo, iustum atque optimē instructum exercitum compara-  
 rat. Idem quoque ex foedere concessæ libertatis beneficium Grittus tulit, quem  
 superiore anno Brixig captum diximus. Huic iniunctum est, vt Tramulio atq;  
 Triuultio comes iret, & pro legato expediendis consilijs castra Gallica seque-  
 retur. Eodem quoque tempore Ludouicus intentus in eam curam, vt Genuen-  
 sem arcem, quam Laternam vocant, obsidione liberaret, per Renatum Sabau-  
 diæ bastardum cum Adurnijs fratribus egit, vt coacta per Apennini vicos Li-  
 gurum manu, nouas res Genuæ aduersus Fregosios molirentur. Præerat tum  
 Liguriæ Ianus Fregosius, studio atque opibus Iulij pontificis in ciuitate prin-  
 cipatum consecutus. Is paulo antē Hieronymum Fliscum summo loco natum,  
 Gallicis studentem rebus, quum exiret ē curia, per propinquos suos sanguina-  
 rios homines singulari crudelitate trucidarat. Qua cede exacerbatī fratres eius,  
 Othobonus & Sinibaldus, ita vrbe excesserunt, vt paratis ad vindictam a-  
 nimis, cum Adurnijs Fregosiorum hostibus consilia atque arma consociarent.  
 Ab eo atroci facto Ianns populari inuidia vsque adeo deflagrauit, vt iam pla-  
 nē auersa magna Senatus parte, vim imperij ægerrimē retineret, quod A-  
 durnij Gallica instructi pecunia per Pulciferæ valles aduentarent: & Præias  
 nes Gallicæ classis præfectus Ligustico mari vagaretur, obsessisq; in arce  
 Gallis per minora nauigia ad fallendam magnarum nauium custodiam ido-  
 nea, commeatum sæpe submitteret, eo grauiore Genuensium incommodo,  
 quod mercaturæ negociationes interclusa nauigatione sustulisset, totusque  
 curuata molis portus Laternæ arcis tormentis expositus, ab eo periculo inuti-  
 lis atq; infestus redderetur. Quarerum difficultate circumuentus Ianus, quod  
 neque pecuniam imperare, neque imperatam à factiosis dubijsque ciuibz e-  
 xigere auderet, animum despondit. Adurnij nanq; opinione celerius in subur-  
 bana tecta ad diui Petri Arenam peruenerant: commissoque peracri prælio in  
 ascensu collis qui Laternæ arcis imminet, urbemque despicit, Fregosias cohör-  
 tes in fugam verterant. neque in eo tumultu quisquam ē populo turbulento  
 seditionibus assueto defuit, quin secundis acclamationibus victores exciperet:  
 & Flisci pariter à diuersa porta armatis clientibus urbē introirent: à quibus Za-  
 charias Iani frater, vnus ē percussoribus Hieronymi trucidatus, & pedibus ra-  
 ptatus per urbem, patrata cædis pœnas dedit. Ianus autem in eo occupatæ vr-  
 bis aduerso fremitu, conscensa nauicula ad suam classem profugit. Nec multo  
 post



post Antoniottus Adurnius saluis Galli regis auspicijs, & Laternæ arcis custodibus omni genere com meatus abundè recreatis, à Senatu populoque ciuitatis atque Liguriæ princeps est appellatus. Dum hæc in Liguria geruntur, Heluetij de Gallorum apparatu transituque Alpium certiores facti, concilio indicto, dictisque sententijs, admirabili Pagorum omnium consensu Sfortiam omnino defendendum censent. viri longè omnium promptissimi gerendo bello duces deliguntur, & ante alios Altosaxus antiqua sua nobilitate clarus, & tū præcipua de exactis Italia Gallis laude illustris: qui sublati vexillis confestim in Italiam contendant. Itaque passim scribuntur milites, nullo proposito stipendio, nullaque præsentī pecunia, quod nunquam antea acciderat, nomina dantes: tanta quidem alacritate, vt mirum videri posset, noua odia, veteribus fidelis amicitiae foederibus inducta, tantum valuisse. Feri enim homines probeque constantes, & sua simplicitate generosi, æquo animo ferre non poterant, quod Ludouicus varias ipsorum fori opera multoq; sanguine victorias consecutus, illiberali demum ingratoque ingenio, vt minores bello sumptus faceret, Germanos vagæ incertæque militiæ mercenarios & ignotos, ipsis pretulisset, qui & vicini essent, & Galliam omni tempore aduersus externam vim promptissimè defendissent. Primi omnium Vrania, Suithia, Vnderualdieq; prætores, quos Hamanos vocant, vti Italiae proximi, Alpes transierunt: peculiari etiam rerum suarum metu concitati. superioribus enim bellis crepta Gal-  
 10 lis Bellizona, & Lugano demum occupato, in Italiam imperij ditionem extenderant, quam omnino tueri oportere, cum magni prouentus, tum publicæ existimationis causa iudicabant. Hos continenti agmine reliquæ cohortes è Glarona, Zuchio, Lucerna, Cefusio & demum ex interuallo Tigurinorum & Bernensium summæ authoritatis atque potentiae Pagorum vexilla sequebantur. In postremo agmine, in quo erant quinque milia delectorum peditum, fuit Altosaxus, per dispositos in itinere com meatus quantum fieri viæ compendio posset, per Grisonos festinare iussus. Ad hos enim Lepontia alpes pertinent, quæ Splugæ & Septæ nomine hodie vocantur, & è Curia Rhatorum vr-  
 30 be per Clauennam ad Larium lacum perducunt. Sub idem tempus Sfortia aduersis nutantis Liguriæ rumoribus, & Sacramori Vicecomitis inexpectata defectione percussus, cum primis Heluetiorum cohortibus Nouariam contenderat: vt opportuna in vrbe tutus ab insidijs, aduentantes legiones expectaret. Sacramorus circumuallandæ arcis præerat, vir principe ortus familia, sed maiorum suorum virtutis & gloriæ penitus oblitus, vt pote qui fortuna sua minimè contentus, ad antiquum inclytæ domus decus nequaquam bonis artibus aspiraret. Alebat enim circa se audaces veteranos ab egestate atque superbia cædi-  
 40 bus assuetos & maleficijs infames: & in his aliquot primæ nobilitatis adolescentes dissoluta vita perditos & effrænes, qui à parentum imperio gratiaque dilapsi, licentiæ militaris libertatem quærebant. His omnibus in turmas cohortesque descriptis, Sacramori fratrumque domus, penuarijs copijs in-  
 conditè & liberaliter expositis, ita patebat, vt quum extra modum diligo, neque patrimonij prouentus, neque stipendia sufficerent, vecordia præceps ad retinendum instituti luxus nomen, nonnunquam in pecuniosos sceneratores & opifices noctu grassaretur: atque inde infamie noui Catilinæ nomen apud Insubres referret: nec insulse quidem, quum multo aere alieno oppressus, ne decoqueret, sibi omnino coniurandum arbitraretur. Quibus



de causis, quod se multis inuisum, & principi suspectum nosset, cum Triuultio transegit, ut alæ equitum præfectus regia stipendia mereret, quæ erant maxime opulenta atque perpetua. Interim daret sedulo operam, ut obsessorum inedia occurreret: & si fieri posset, Sfortia per insidias interficeretur. Vt eo insigni munere, quo tota belli controuersia finiretur, ad regem transiret. Ab hac pactione, nocturnæ stationes ad valli munitionem ita sensim laxatæ sunt, ut Galli ex composito exeuntes, singulis noctibus paratū, & gratuito traditum omnis generis commeatum in arcem referrent. Sed ea dissimulatio non occultæ plena perfidiæ, diu regi non potuit, quin emanaret, prodentibus forte baiulis, qui quaterni multo labore succollâtes integram vini vegetem, ad vallum obsestis se arcis intempesta nocte comportassent. Hac re deprehensa, Sacramoroq; detecto, atq; eo vim parante, Maximilianus per se pauidus, monentibus amicis ut sibi cauere, desperatis Hispanorum auxilijs, Mediolano excedens (ut diximus) Nouariam contendit. Meminerat enim se non multum antea, quum è festo matronarum conuiuio noctu sine funalibus in Curiam rediret, occussu incognitæ armatorum catervæ insolenter atque acriter omnibus telis petitum fuisse: quo tumultu Galeacius Sfortia Pisauensis principis frater, ipsius lateri comēs hærens glande traiectus interiisset: nonnullis proculdubio eam vim atrocis facti nequaquam fortuito, sed parato dolo illatam, ad Sacramori satellites referentibus. Constabat enim Sacramori domum, quæ vna ex Vicecomitibus Magni 20 Matthæi, posterorumque eius Mediolani principum, quanquam ex notho proauo veram stirpem respiceret, Sfortianis tanquam insitijs nouisque principibus imperium semper inuidisse: quod post Philippum Fatum functum ex Blancæ spurie coniugio freti armis, illud interceptisse viderentur. Tum vero Sacramorus quod nullus iam locus, Sfortia profecto, tendendis insidijs relinqueretur, nihil sibi more attulit, quin impotētis animi perfidiā nudaret. Iam enim Galli duces è Taurino ad oppugnandam Nouariam conuolabant, & Liuianus transuersis itineribus per Tartari amnis paludes perducto exercitu ad occupandam Cremonam iter intenderat. Primum omnium aduocata concione commutatæ voluntatis causas exponit: noui consilij necessitatem demon- 30 stratur: opimiora stipendia & præmia ex liberalitate opulentissimi regis singulis pollicetur: patefacta que munitione, aliquot euocat Gallos: explicatisq; regijs vexillis, ingenti armatorum stipatus agmine, per mediam urbem in forum percurrit. occupat extemplo curiam, plebique diripiendam præbet: nec ulli tamen ciuium ab armatis vis infertur. Exinde populum tantæ rei nouitatē & certo metu à Gallis & Venetis imminente perterritum, patritijs improviso timore præpeditis, hortatur, ut ad veterem Galliæ regis fidem redeat: Sfortiani dominatus obliuisci velit: qui multis ab iniqua proscriptione exilium, fugam, egestatem, compedes & fœdæ necis laqueos attulerit, quando Ludouicus ad nō dubiam clementiā semper victor, ab immensisq; opibus regum maximus, rapa 40 ci seuoq; tyranno semper egenti, et iam planè ab omnibus deserto præferendus videatur. Per hunc modum Mediolanenses, ut plerunq; accidit, ex timore in nouam spem proclinatis, arma tenēti facile parent: nouū Ludouico regi sacramentum dicunt: restitutoq; Senatu, Sfortiana insignia publicis locis deradunt. Nec multo post Sacramorus pacata vrbe accitus in castra, quod Heluetij numero aucti præter opinionē feroces animos præferrent, & prælio certaturi viderētur, supra octingentos galeatos equites educens, ad Ticinum amnē contendit Eodem



dem tempore quo hæc Mediolani gesta sunt, à Gallis ducibus ad Agapitanā portam magno tormentorum apparatu Nouariæ mœnia quassabantur, tam graui ciuium metu, quàm insigni Heluetiorum alacritate. Hi enim egregio consensu intrepidisque animis, quanquam prostrato adapertoq; penitus muro, ita vim tanti instructi exercitus, & Gallorum minas despiciebāt, vt nullum introrsus aggerem more militiæ, nullaque prorsus ad sustinendum inuadentis hostis impetum munimenta se erecturos profiterentur, frustra obsecrante Siluio Sabello, vt transuersam saltem fossam Italorum militum ciuiumque labore iuxta ruinas perducī sinerent. Idem quoque cæteri Sfortiani proceres non ignari militiæ postulabant, & ante alios Ioannes Gouzaga, Alexander Bentiuolus & Camillus Montanus Prætorij præfectus, quod fortibus æquē & peritis ducibus maximè decorū foret, de temerarijs hostibus minore quàm fieri posset labore atque incommodo victoriam retulisse. Sed his obtestationibus superba fronte reiectis, Iordinus Vnderualdius præstantis elatiq; animi Tribunus, ad eos conuersus, Desinite viri, inquit, fidē & dignitate vestra illustres, vobis timere, & tantopere solliciti esse de belli euentu. Nam his armis, forti dextra alabardam quassans, & hastatorum coronam ostendens, cū publicam omnium salutem, tum maximè principis decus & dignitatem nostrā proculdubio strenuē atque feliciter defendemus: modò Gallis sua inani iactantia ferocibus, tantum animi tantumque bellici ardoris insit, vt propius accedere, intrareque per patentem murum audeant. Experientur enim qua disciplinæ constantia, quo robore animorum, qua deniq; vi corporum, Heluetiæ legiones hostes secum congregi ausos excipere vlciscique solitæ sint. Tum verò ad minuendam irridendamq; Gallorum audaciam, qui promota acie se irrupturos quum signum daretur, neminiq; parsuros iactabant, quod nemo vnquā tanta hostium contemptione factum antea meminisset, lectorum linea transuersis suspensa perticis, cōtra hiatus prostrati muri prætenderunt, vt commeantes in vrbe milites in stationeque dispositi, nec ab hoste conspici, nec ideo certis minorum tormentorum ictibus peti possent. Emiseruntque subinde tubicinē pacati oratoris tuta insignia præferentem ad hostium duces, qui mandata ferret. Petebant Helueti non absurdè per iocum, vt iam tandem Galli libratores ab emittendis tormētis temperarent, vt tantis sulphurei pulueris pilarumque vanis sumptibus parceretur: postquam nō vno in loco latè prostrata mœnia æquatum solo aditum irrupturis præberent: nec vllæ intus munitiones, quæ vel quadratis ordinibus intrantes morarentur institutæ paratæque essent. Proinde securi aduersus omnes insidias, quibus Helueti, confisi vera virtutē minimè niterentur, si Galli Germanique viri essent, arma atq; animos expedirent, vt æquissima conditione cum paucis cohortibus congregerentur, antequam maiora suæ gentis auxilia, quæ iam nō procul abessent, importuno ipsis tēpore superuenirent. Ad ea Triuultius grauiter respōdit, Heluetios, qui in rē suam nusquam proterui aut stolidi esse consueissent, rectè consulteq; facturos, si pro Sfortia exuto vrbibus, & ab amicis fœderatisq; deserto, pugnare atq; infanire desinirent, aduersus maximum præsertim inuictumq; regem, cuius modò tot principes acerbissimè coniurati, neq; opes neq; spiritus infregerint. Debere eos si saperent, et liberis ac vxoribus optimè consultum vellent, quod pro sua peculiari erga gentem amicitia atque beneuolentia vehementer optaret, recentis & vetustæ Gallorum necessitudinis meminisse: opportuneque prospici-



cerè, an aliunde quàm è Gallia, pacè et bello, stàta atque vberriima stipendia inter niuosas Alpes rerum prope omnium egenis essent prouentura. Quorsum, inquit, eorum qui obstinatè stulteque ferocunt consilia euadent, si trahere atque alere bellum velimus, quum affluente comœatu atque pecuniâ, quæ duo præcipuè nobis desunt, redeuntibus ad fidem populis abundemus? Neque enim eos vsque adeo vecordes & vitæ prodigos esse crediderim, vt nos vallatis munitis castris, tot tormentis instructos, validissimisque Germanorum & Cantabrorum auxilijs, & peramplo fretos equitatu, adoriri & in vestigio effera temeritatis poenas dare malint, quàm cum triplici stipendio, & certis opulentisque muneribus ad vxores domum redire: quæ omnia abundè ex fide regia statim consequentur, si Sfortiam, vti antea ex merito patrem eius inuisum terris, cæloque damnatum tradiderunt, continuo in manus tradant, aut certè dedita vrbe, nudatum presidio, fortunæ suæ iactandum relinquant. Hæc tubicen renuntiare iussus, pecuniaque donatus ad suos in urbem redijt. Cæterum his responsis ad duces relatis, & mox per singulas cohortes emanantibus, tantum absuit, vt quisquam è primoribus atque signiferis permoueretur, vt præ insita confirmataque audacibus animis ferocia, vix ab eruptione temperarent: quanquam nonnulli Gallico, vt creditur, capti auro sententijs labarent, & certa oblata pacis præmia dubio & difficillimo bello, cautis & satagentibus anteponenda dissererent. In eam enim curam sedulo Triuultius incumberebat, vt per uicacium feritas per partes occulta largitione molliretur. Id autem eo facilius commodiusque iam à pluribus tentari cœperat, quod Vertius insignis è Glaronâ veteranus, vti erat ab astuto venalique ingenio maximè vaser, deprauandis militibus industriam suam venditasset. Interea Maximiliano ingenti cura anxio, pauentique ad omnes rumores, Helueticorū auxilia citatis agminibus aduentare, Altosaxum verò Comensi via ad antiquum Galeritæ cohortis vicum perueisse nunciatur. Eodem quoque tempore Tramulius atque Triuultius de hostium itinere per exploratores cognoscunt. Aduocatur itaque consilium: astrictisque sententijs deliberando disputatur, mouere ne retrò castra expediat, longiusque ab vrbe loco tuto considere, an cum expedita exercitus parte novos hostes patentibus in campis adoriri, sine tormentis, sine equite, dissolutoque agmine properantes: quandoquidem circumfuso equitatu, productisque falconibus per agiles currus cohortibusque leuis armaturæ Vasconum sagittis rem gerentibus, aut proteri, aut magno certè illato detrimento ad Ticinum retrudi possint, priusquam eis è Nouaria, vel ab Altosaxo, qui in Ticini transitu adhuc hæreat, in tempore succurratur. nec interea manente eadem castrorū forma, & Germanis suo peculiari vallo inclusis, reliquisque copijs maiorum tormentorū corona præseptis, quicquam de hostium eruptione timeri possit. Hoc maximè probabat Robertus Sedanius, suspensio nec abnuente Tramulio, vti erat pugnaci ingenio, & ad omnē vel dubiè pugnae aleā parato. Sed Triuultius per uicacis et feruide gentis recentē vim reformidans, omne prælii discriminē vitandum esse testabatur, vt alienum aut certè nō necessarium ad speratę victorię prouentū, qui planè sine vlllo incōmodo à cautis minimeque preproperis sperari deberet. Indomite, inquit, vires, quę vel graui impetu sine multo sanguine detrimentoque perrumpi nequeunt, plerumque mora vtili, et cunctatione diffringuntur. Quod hercle magno vsui nobis eueniet, si hinc ad Riottam vicum procul ab vrbe viginti stadjs castra referamus. Neque enim



enim eius sententiæ cesserim, nisi imprudens senex sim, qui diuidendas copias putet, ne vtrique parti tanquam infirmæ & inualidæ ad resistendum conandumque vires defint, & nobis cum triplici hoste, si ita fors ferat, vno tempore fuerit dimicandum. Erant vera hæc, planeque secuta quæ Triuultius assentientibus ceteris afferebat, nisi Fortuna (ut plerunque accidit) sanis infesta consilijs, cuncta quæ ille optima ratione prouiderat, inopinato veluti correpta turbine præuertisset. Nihil enim à tanto duce, qui Italicarum rerum vsu, regionisque pericia ac ætatis honore Gallos anteiret, temerè confirmari videbatur, vel ob id præsertim, quod in latifundijs suis peculiarique etiam sibi noto in prædio  
10 ad Moram amnem ponenda castra iudicabat: quamobrem subitente Sedanio, vel à strenuis et pugnae cupidis in Triuultij sententiam ibatur. Itaque nullo strepitu edito, rebus omnibus ad profectionem instructis, ab oppugnatione recedunt, & ad Riottam castrametantur. Eo modo Heluetij nemine hostiū qui contrā iret, in itinere conspecto, Nouariam peruenerunt, magnaque gratulatione & lætitia omnium, quū donati vino largiter ientassent, vix vnus horæ spatio ad quietem desumpto, noui duces in cōsiliū descenderunt. Nam priores, ut qui antea moueri retro castra reduciq; tormenta conspexissent, iam hostes ad Riottam constitisse didicerant: edoctique ab incolis de naturali loci situq; camporum, & de vado, ripa, & flexibus decurrentis amnis, priusquam ho-  
20 stes ab vrbe longius recederent, confestim audendum, fortibusque animis inuadenda castra iudicabant: vel exigua nanque mora hostem emittē manibus rebantur, quod non postea, ut æqua conditione confligerent, occasionem essent reperturi. Nam alias quoque Gallorum cohortes: aliasque turmas equitum adducēte Stuardo Albanix regulo, alpes transisse cognouerant: quæ copix magno incommodo ipsis aduersæ forent, hostibus verò per opportuna, atque adeo tanquam vtilissima ratione bellum trahentibus expectandæ censerentur. Tum verò exurgens Craffius Tigurini pagi magister, vir eximie authoritatis, Nolite, obsecro, inuicti fratres (inquit) differendo committere, ut consiliū ingentibus animis susceptum, importuna Altosaxi atque au-  
30 xiliorum expectatione corrumpatur. Id enim vna maxime celeritate tutum & euentus felix euadet. Nec quicquam aliud nobis rectè & nauiter decernentibus, quàm maturè facto opus est, ne tantæ occasione, quæ in hanc spem rei benegerendæ nobis offertur, & leui temporis momento præuerti potest, nequaquam impigrè desimus: satis nanque erunt, vel pauca cohortes inuictæ virtutis ad opprimendos hostes, dum nihil nos ante ausuros, quàm se coniungat Altosaxus existimant. Proinde vtamur illorum errore, & incautè superbis opinioneque deceptis inexpectato impetu improuisum terrorem ad non dubiam cædem & fugam inferamus. Vicinus profectò, si victoria egregio consilio concepta atque explorata, intrepidis animis & fortibus dextris qua-  
40 ratur. Tum verò cuncti ad vnum duces atque signiferi, nullam omnino moram sibi afferunt, quin peroranti Craffio statim accedant: de ratione ineundæ pugnae grauitè decernunt: ediciturque militibus, ut cibo, & quiete corpora curent, & post secundam vigiliam ad vexilla coeant: quid fieri velint ante auroram duces imperaturos. At Maximilianus qui dudum legiones paternæ proditiōis recordatione suspectas, ipsosque eosdem hostium geminos duces, qui patrem cepissent, tanquam destinante Fortuna ad exitium Sfortiani nominis datos, illos quoque recentis adhuc perfidiæ memoria infames



infans campos, tanquam sibi fatales aspiciens anxio fatiscentiq̃ue animo  
 suprema volutabat: tum primum sese erigere confirmareq̃ue: præclarum  
 erga se gentis studium, tantumq̃ue animorum ardorem admirari: comple-  
 cti singulos centuriones, hisq̃ue prolixè testari, quibus imperium, fortunas, sa-  
 lutemq̃ue deberet, gratias ingentes relaturum. Sed dum intentis omnium ani-  
 mis in euentum futuræ pugnae arma pararentur, & Sol iam in occasum incli-  
 naret, mirum dictu, & quod memoriae prodendum videtur, Gallorum canes  
 relictis castris magno continentiq̃ue agmine Nouariam intrarunt, admistiq̃;  
 Heluetijs, qui in statione erant, eorum crura lambere, caudas adulanter quate-  
 re, demissisq̃ue blandè auribus singulis applaudere cœperunt: tanquam Hel-  
 uetij iam ipsorum essent domini, aut certè futuri, vt mox apparuit. Primus om-  
 nium Iacobus Mottinus ex Altorfio, nequaquam agresti ingenio vir, & Italicè  
 gnarus linguæ, tanquam auguralis disciplinæ, vti ab euentu credi par est, non  
 imperitus, omine accepto ad Maximilianum contendit, eiq̃ue victoriæ de  
 Gallis est pollicitus, quod à maioribus gentis esset obseruatum in auspicijs præ-  
 liorum, procul dubio eorum fore victoriæ, ad quos hostium canes tanquam  
 ex infelicibus castris ad tuta fortunataq̃ue hospitia peruenissent. Igitur Helu-  
 etij duces simulando aliud quam quod parabatur, tympana tota nocte pulsari  
 et circumferri per urbem iubent: vt speculatoribus, si qui adessent, ex eundi spe-  
 ciem præberent: ideoq̃; hostes quos tota die in armis fuisse constabat, etiam no-  
 cte eadem instructos in equis distinerent. Cæterum imperatur omnibus, vt ci-  
 bo & somno corpora firment, et lucem opperiantur: vt quisque virtutem suam  
 pulcherrima decoris contentione in præclara luce ostenderet: nec ignauos por-  
 ro impune terga vertere, aut deferere ordines ausuros. Hæ siquidem Helueticor-  
 um seuerissimæ sunt leges, vt sub oculis spectantis exercitus, qui præ metu tur-  
 pia atque indigna viro forti tentauerint, à proximis comilitonibus statim  
 obruncantur. Ita maior metus minorem vincit: & metu fœdæ mortis, decora  
 mors non timetur. At paulo antè quam dilucesceret, duces ex omnibus copijs  
 (erant eæ ad nouem milia peditum) mille spectatæ virtutis deligunt, qui octo  
 falconibus præsint, & Maximilianum equitesque eius, qui admodum erant  
 pauci, sed primæ nobilitatis, comitentur. Reliqui in duas sese acies pandunt, &  
 diuerso itinere, nequaquam strepentibus tympanis, silentiq̃ue prorsus agmi-  
 ne ad hostes feruntur. At Triuultius, qui tametsi inueteratæ prudentiæ dux ha-  
 bebatur, paucos tamen fessosque pedites antequam adueniret Altorfius, egres-  
 suos aduersus firmissimas copias, aut quicquam de fortuna prælii tentatu-  
 ros non putabat, vbi hostium aciem in conspectu esse cognouit, Tramulium  
 cæterosque duces excitat: signa canere, tormenta in aduersos collocari, & cun-  
 cta pro necessitate periculi, quæ vsu & disciplina didicerat administrari iubet.  
 Temporis tanta fuit exiguitas, hostiumque tam paratus ad dimicandum ani-  
 mus, vt Galli equites vix ad frænandos equos & galeas induendas tempus ha-  
 buerint: vtpote qui magna parte diei & noctis, intenti ad imperia in armis cō-  
 stitissent: & sero demum, quod Nouariæ pacata omnia nunciarentur, in taber-  
 nacula ad quietem se recepissent. Satis tamen opportuno tempore leuis arma-  
 tura equestris vti expeditior, extenso ad leuam longissimo cornu, venientibus  
 mille Heluetijs occurrit, qui vt hostium tormenta declinarent, quod his iam  
 peterentur, sinuoso circuitu ad Moram fluiuium contendebant: vt inde ponte  
 superato, terga hostium & tabernacula adorirentur. Erat enim is amniculus  
 quan-



quâquam suo decursu lenis, si vado transiretur, quod mediam æquaret coxam, pediti calceato & iam pugnanti valde incommodus. Hunc Ludouicus Sfortia ab emissario Sesithis amnis ad vbertatem agri, indito suo cognomine, in ea praeta deduxerat. Itaque Heluetij ad pontem patentem via procedentes tormentis hostium ex transuerso peti, ingruenteque per alueum & vtramque ripam procella equitum vehementer premi cœperunt. Tum vero Mottinus praesenti animo consilium mutat, & Maximilianum, qui insultantibus Epirotis magno in discrimine versabatur, pugna excedere, & continuo in urbem reuerti iubet: vbelli caput acerbitati fortunæ expositum speratæ victoriæ conseruaret. Eum  
10 vero generosè renitentem, et vt se communis sortis casum subire pateretur cōstanti animo deprecantem, duo centuriones cum totidem manipulis fræno arreptum, & detractis casside cristis, indutaque vili chlamidè vt paludamentum regeretur, ex acie subducunt, conglobatoque equitum agmine in urbem redire cogunt, vt inde periculo vacuus, ipsorum virtutis spectator, maturæ victoriæ nuncium expectaret. Itaque Mottinus ea sollicitudine liberatus, nutantem suorum aciem, quæ iam tres falcones amiserat, faucijs in medium receptis componit, & vi facta magnoque impetu prouectos Epirotas propellit, interfectoque ibi Alexio Bosigio nobili Græco Epirotarum alæ præfecto, latè profligat. Eodem quoque impetu defertur ad hostium castra, cæsisque lixis, & stationis mi-  
20 litibus perturbatis, impedimenta capiuntur. Paulo autè antè quàm hæc à Mottino fierent, aliud agmen capto per adultæ segetis campos longiore itinere, paruoque ob id à tormentis accepto detrimento, in latus hostium impetum fecit. Constiterat eo loco Gallica acies tripartita: hinc Tramulius, Robertus illinc cornibus præerant: Triuultius medium agmen tuebatur, proximaque inter equitum acies Germanorum phalâx intra modicam fossam se receperat, quod vallum noui ac admirabilis artificij ad præliorum casus, quo se includeret à Sedanio institutum, in eo hostium improuiso superuentu defigi atque erigi nequiuisset. In hanc itaque Heluetij, circumducta ad dextram acie, concitatis animis se conuerterunt, quod victoriam sibi facilem tum fore intelligerent, quum  
30 hostilis exercitus præcipuum robur facto cuneo perrupissent. Id Galli duces è proximo conspicati, tormenta statim in confertos dirigi, & lata strage ordines perrumpi, mox in latus fatiscientis agminis equites cataphractos vehementi impetu procurrere iubent. In eo tumultu Bernensium tribunus in aduersum os pile verberatus, & Antius Aman Zuchius pugna cadunt: nihil tamen horum milites, vel ducum morte, vel periculo suo, vel commilitonum horribili clade perterriti, sese collectis viribus in globum è disciplina componunt: equites magna vi propellunt, et statim, vt anteà decreuerant, superata fossa Germanos adoriuntur. Ibi continuo cruentum & atrox prælium subortum est: nullæ tamen vtrinqûe voces, sed horrendus armorum fragor & summissi cadenti-  
40 um gemitus audiebantur. Germani, vt commilitones superiore anno ad Ticinum cefos vlciscerentur, & vt belli gloriam ante quatuordecim annos apud Syluam nigram in Rauracorum finibus amissam, nouo decore redimerent, ardentissimè præliabantur. Heluetij vero vt veteres & proprios hostes è Germania profugos, in cōtumeliam Cæsaris pro Gallo mercede pugnâtes aliquando delerent, paribus animis et viribus decertabant. Interea dum collato pede cum Germanis res gereretur, Triuultio atque Tramulio impedimenta capta, trucidatosque castrorum custodes, atque omnia in tergo tumultu & cædibus com-



plerumque nunciatum est. Cuius rei fama adeo Gallorum animos turbauit, ut eo magna pars equitum, dum quisque sollicitus suis sarcinis impedimentisque prospiceret, ad recuperandam prædam sine imperio conuolarint. Parte quoque altera eodem penè temporis momento, tertia Heluetiorum acies à fronte sese ostendit. Quæ dum tormenta à Gallis in oppositam syluam frustra emitterentur, quod inter arbores ad fallendum hostem inutiles ministros, qui armatorum speciem facerent, astute reliquisset, per obliquum sensim irrepserat, inclinatis humi corporibus, & attractis per cuspides maioribus hastis, ut præteruolantes globos euitarent. Tanta fuit contemptio incidentium pilarum, & tantus incumbentium impetus, ut Galli & Cantabripedites, cadente Aloisio Beamontio ipsorum duce, & cum his cohortes duæ Ligurum & Salassorum celeriter cæsæ fusæque sint, & capta insuper tormenta victores in fugientium terga conuerterint. Quod ubi conspexere cæteri equites, tormenta scilicet ab hostibus occupata, in quibus Galli semper plus fiduciæ, quam in dextris atque virtute omnibus bellis posuissent, deletos iam propè Germanos, tentoria capta, atque hostes sternere omnia, & campo latè potiri, inter pudorem & metum terga verterunt. Duces percussis omnibus, ipsi satis ut in trepidare impauidi, turbatos ordines conuertentes se, ad dissonos clamores sociorum instruere conari: consistere & pugnare cogere: adhortari præfectos atque signiferos, ut metum ponerent, & paucos agrestes sessos, inermes, & iam vulneribus debilitatos tantisper sustinerent, dum leuis armatura circumfunditur. Germani prælii pondus sustinent, & pugna omnibus locis reparatur. Sed nihil his vocibus cohortantium atque imperantium ducum permoti equites, sese in turpissimam fugam dederunt. Quoniam Heluetij, quanquam dux eorum Motrinus tormento discerptus concidisset, potiti castris cruenti atque feroces iam sinistrum latus equitum inuasérant. A dextra vero & in tergis maior acies infestis cuspidibus territos & confusos acerrimè perurgebat. Perierunt in reparanda acie Monfalco Albanianæ alæ præfectus, & Coriolanus Triuultius summæ spei adolescens. At Germani, qui plus dimidia parte cæsa, amissisque duobus vexillis, & Florantio duce grauiter vulnerato, aliquandiu constantissimè depugnauerant, ubi se ab equitatu deferi, reliquum peditatum vndique deletum, & tormenta capta conspexere, quod fuga turpis et minimè tuta videretur, erectis suomore cuspidibus, dedentes sese, à victore hoste clementiam quæsiuerunt. In eo graui tumultu Sedanius impotenti dolore percitus, ut Florantio & Gemasio filijs in tanto vitæ discrimine circumuentis extremam opem ferret, adacto cataphractorum vehementi cuneo ad mediam hostium aciem penetrauit, filiosque iacentes inter cadauera & multis scædatis vulneribus, ita erexit & sustulit, ut semianimes sarcinæ modo ceruicibus equorum asportati, cum summa paternæ pietatis & bellicæ virtutis laude, ad parata iam futuris bellis decora seruantur. Ita Heluetij triplici agmine dimicantes, sesquihoræ spatio & memorabile prælium & grauissimum bellum confecerunt. Nec tamen vel tanta hostium strage edita, ad prædam discursum est, quanquam pretiosa suppellex ducum, & cuncta opulenti exercitus impedimenta multorum animos allicerent. Viri enim patriæ disciplinæ memores, quod neminem armatum in acie viuum capere, nec vertentem terga insequi liceret, medio in campo confertis ordinibus in multam diem immoti constiterunt, ne Galli equites aut ducum astu, aut suo pudore concitati regrederentur, & spoliandis cadaueribus occupatos



patos opprimerent. Verum adeo pertinax & intenta hostium fuga fuerat, ut  
 Triuultius voce rauca puluerulentus ad equitans, nec adhortationibus, nec cō-  
 tumelijs, nec authoritate Imperij signa sistere, aut præcurrentes abiectis hastis  
 equites retinere valuerit. Constat Gritum eius infaustæ expeditionis comi-  
 tem, qui vnâ profugiebat, sæpius in turba properantium dixisse, hodie, ut vi-  
 deo, equites veterani, qui tam effusè calcaribus studetis, iam non estis Veneto-  
 rum cataphracti, sed nobiles Galli, qui eos fugaces scæminas appellare consue-  
 uistis. Nunquam enim acciderat, ut inuicti fortunatique antea duces, tanto in-  
 structi exercitu, à paucis peditibus ludente Fortuna funderentur. Ferunt Gal-  
 10 licum equitatum in fuga deleri potuisse, si Maximilianus ducentos saltem cata-  
 phractos habuisset. Nemo enim è Gallis equitibus (tātus erat euadendi ardor)  
 lanceam ultra Sessithem tulit: inscuti tamen sunt fugientes ex intervallo Syl-  
 uius Sabellus & Corradinus Cribellus cum expeditis turmis ad Trecatum vs-  
 que oppidum. Pagani vero ab agris atque omnibus vicis ad prædam effusi, v-  
 bi sepes, fossæ, concisaue aruorum itinera palantes & trepidos morabantur, i-  
 pși plures conspecta præda paucos & cursu fessos crudeliter opprimebāt. Vix-  
 dum confecto prælio, & adhuc spirantibus qui ceciderant, superuenit Altosa-  
 xus lupina pelle cōtectus, atroci vultu, promissa & perhorrida barba hosti for-  
 midandus. Is quod serò cum cohortibus aduenisset, præ dolore gemens fre-  
 20 mensque barbam conuellebat, quòd incruentis alabardis inglorius confecto  
 bello, domum redire cogeretur. Enimvero Vertius ille, de quo antea diximus,  
 Gallicæ factionis Heluetius, inchoata iam pugna, ex acie Olegium profugerat,  
 exitiali mendacio deletos Heluetios, Maximilianum captum, atque omnia ad-  
 uersa in prælio obuuisse renunciens. Quo nuncio commotus Altosaxus, qui  
 & ipse dudum superato Ticino Olegium peruenerat, uti cautum ducem, et de  
 legionum salute sollicitum decebat, paululum substitit, sed mox auditis tormen-  
 torum fragoribus, tametsi vera esse quæ Vertius attulerat magna ex parte puta-  
 bat: opinione tamen inuictæ virtutis primarum cohortium, fractas attritasque  
 Gallorum vires se inuenturum ratus, iustis passibus ad hostes properauit. Pau-  
 30 cos vero post dies, quum Altosaxus in concilio Heluetiorum ab æmulis atque  
 inuidis tarditatis accusaretur, & indicio Vertij qui perfidiosè vanum rumorem  
 attulerat, suspicionem criminis præclare diluisset, Vertius conquisitus atque i-  
 ta damnatus est, ut more maiorum in frustra secaretur. Eodem die Heluetij col-  
 lecta suorum cadauera humeris in urbem reportarunt, ut optimè de Republi-  
 ca meritis iusta soluerentur. Desiderati sunt in ea victoria mille circiter & trecē-  
 ti, è quibus supra septingentos tormentis discerptos retulere, quum ferè totidē  
 fauciati e prælio discessissent. Periere autem in partibus Gallorum ad octo mi-  
 lia omnis generis. Inter Heluetios duces Iordini Vnderualdij immanis et pro-  
 pè effera virtus emicuit, qui consensu multorum supra viginti hostes alabar-  
 40 da confecit & certæ laudis præmia tulit. Tum vero Maximilianus tanto succes-  
 su lætus aduocata concione, quum præ gaudio manarent lachrymæ, & vix ef-  
 fari posset, cunctis gratias egit, & quòd præsentis lætitiæ munus esse poterat,  
 comneatum omnem donatiui nomine militibus diuidendum dedit. Tormē-  
 ta quoque & quicquid prædæ partum fuerat, cohortibus in præmium virtutis ac-  
 cessere. Sed vallum de hoste captum Maximilianus tanquam victoriæ monu-  
 mentum porticibus affixit. Huius valli structura quam nos vidimus, ut poste-  
 ris documento atque vltui esse possit, paucis explicanda videtur. Dimenso ad



paruam castrorum effigiem quadrato passuum quinguenū spatio, quatuor solidi stipites in angulis defigebantur ad vmbelicum solo extantes, latera minoribus aliquot rignis per interualla pariter defixis sepiebantur: ad ea plicatiles cancellos ferreis ansis recta serie confibulatos applicabant. Intra hanc munitionem legio ita se instruebat, vt totius ambitus summa corona centum ferē muralibus sclopettis aduersus hostes vndique muniretur. Hoc modo ingruētium hostium vim sustineri, & planē refringi posse Sedanius existimarat, quod Heluetios, priusquam ad hastas manusque venirent, inconsulti impetus pœnas duros credebat, quum prætentis hastis hispida phalanx, & suo tutaro bore insuperabilis, defensura vallum, & demum in perturbatos patefacta munitione, ad non dubiam victoriam eruptura videretur. Sed hæc militari ingenio excogitata, tantoq; labore & sumptu per Alpes aduecta, sicuti spectantium oculos nouitate formæ & spe victoriæ subnixos animos magnopere delectabant, ita vt plerunque solet, Fortuna subtilibus artificijs nihil arridens, tum maxime quum oportebat, rationi atque operi successum eripuit. Id verò Germanos fecellit, quod eodem die moturis retrò castra ducibus, eius valli apparatū vti suis iam impositum curribus minimē erigendum putassent. Sed id acceptū vulnus Tramulius, quum hæc ab eo Bononiæ quæreremus, in Triuultium nō insulsē reiecit, quasi ille in prædijs suis, vt adulto pabulo parceretur, secus ac ipse differuerat, castrametari noluisse. Triuultius verò vti nusquam antea videretur, quum de eius prælii euentu multa narraret, ad fatalem nomini suo iniuriam referebat, quod temerarijs & in futorem actis nulla ratione vel à peritissimo duce obuiam iri posse predicaret. At Sacramorus, qui vt ad Nouariam in castra contenderet, ad Ticinum continuo traiecturus peruenerat, vbi primum ex multo reboatu & continenti fragore tormentorum, proculdubio accensa pugna rem geri præsensit, coacto suorum agmine paululum substitit, vt ex euentu pugnae consilium caperet. Sed non multo post, quum ex multorum fuga Heluetios profligatis Gallis campo victoriaeque potiri didicisset, ne interclusus fluminibus, cum ab hoste tum ab infestis sibi vndique incolis deleretur, retrò ad Abduam est profectus, superatoque amne ad Cremonensem fines Venetis copijs se coniunxit. Per eos enim dies Liuianus cum omnibus copijs Cremona excellerat. nam paulo antè plebe ad Venetum nomen inclinante in urbem fuerat receptus, quanquam Galeacius Pallauicinus, rem ad Gallos deducere conaretur, & nonnulli ciues ex prima nobilitate Sfortiano nomini studerent, quod a Brunorio Petra arcis custode, vt belli exitum expectare vellent, continuis obtestationibus in fide continerentur. Sed iam Sfortianæ victoriae fama adeo latè emanarat, vt Liuianus, qui eam diu suppressere nequiuerat, suspensis adhuc ciuibz & integris rebus suis excedendum existimarit. Itaque eadem celeritate qua dudum venerat, Veronam contendit, prolatoq; tormentorum apparatu ad diuæ Luciae templum urbem oppugnare est adortus. Vir enim in omni consilio viuידus & ferox, rei que gerendæ percupidus, aliquid sibi omnino tentandum existimabat, vt audaci facinore Gallicę cladis fama tegeretur, & quales erga Venetum nomen Veronensem animi forent, vehementi facto impetu tanquam ex itinere protinus experiretur. Sed is conatus ad incertam spem præpropere susceptus, eum habuit euentū, vt quum deterfis pinis depulsisq; propugnatoribus milites ingenti animo per scalas in summam muri coronam euassent, nec præalto exitialiq; saltu in urbem se demittere auderent,



derent, vndiq; glandibus traiectione atque interfecti deicerentur. Inter quos fuerunt summæ fortitudinis Centuriones, Thomas Fabronus à Pistorio, & Vicinius Vmber, qui primi conscenderant. Georgius namque Tridentinus antistes, subitario delectu septem cohortes adduxerat, quæ confertis ordinibus sub muro hostium descensum expectabant. Quo animaduerso periculo, nemo militum fuit, qui non excipientis phalangis cuspides formidaret: & pudore & metu confusus in muro minimè cunctaretur. Ea re improspere tentata, Liuianus vsque adeo festinanter reductis tormentis, & signo profectionis dato è conspectu vrbs discessit ne ab erupturo hoste distineretur, vt aliquot notos milites, 10 qui ad proximum puteum ardentissimo sole potandi causa ex acie diuerterant, crudeli manu confoderet, frustra deprecante Paulo Baleono, qui in fessos siccique confectos à mucrone temperandum esse disserebat: iustisque inde confectis itineribus ad Tombas Vicentini agri in stativa castra concessit. Baleonus autem ad dextram cum parte copiarum Alleniæ petere iussus, id oppidum & arcem paucis diebus expugnauit, Villiada Hispano ad extremum se dedente, qui exigua manu arcem acerrimè defenderat. Hisdem quoque diebus Octavianus Fregosius Nouariensis victoriæ fama excitus, cõmendante Leone Pontifice, vt Genuam reduceretur, cum Cardonio atque Piscario transegit. Octavianum enim præstati ingenio hominem, & multis bonis artibus instructum, 20 Iulianus Leonis frater veteris amicitia nomine mirifice subleuabat: parique studio Piscarius affinitate sibi coniunctum, pollicentemq; pecuniam Hispanis instipendia diuidendam, Iano Fregosio antefendum arbitrabatur. Hunc enim quum pleriq; ciuium tanquam nimis propere à se desertum omnino metuerent, multi etiam in vniuersum oderant, quod ipso conuiiente sanguinarij fratres nefarias manus Hieronymi Flisci sanguine imbuissent: Illum verò patre principe genitum egregiaque virtutis fama illustrem adeo populus expetebat, vt in omni re ciuili vel bellica Iano potior existimaret, quod in longo exilio à Fortuna grauitè eruditus, in gubernanda Republica, magnam spem lenitatis, & temperantiæ allaturus esse videretur. Itaque Piscario in Pulciferam 30 vallem, ab Apennini iugo pulsus vndique montanis Liguribus, cum exercitu descendente, Adurni fratres desperatis Gallorum auxilijs, consilium summæ pietatis atque prudentiæ sibi desumpserunt: professique in concione se publicam ciuium salutem principatu & patrijs penatibus cariorem habituros, eo animo, vt patriam omni tumultu bellicæ periculo liberarent, positis armis ab Genua discesserunt, quum alterum tantum atq; vigesimum diem dominatum tenuissent: tanta quidem cum laude, vt magna pars senatus abeuntibus gratias ageret, & plerique honesti amantesque patriæ ciues, nusquam obstrepente populo, vel natura insolenti & factioso, eos ferè cum lachrymis ad multum spatiū prosequerentur. Othobonus quoque & Sinibaldus Flisci eodem consilio, sed 40 æquioribus animis, quod fortunam inueterata consuetudine solis Gibellinis attributam minimè respicerent, & fraternæ cedis iniuriam probe vindicassent, in Castella sua, quæ ad Tiguliorum montes & Lauaniam amnem pertinent, profecti sunt. Eo modo Fregosius pacato agmine in urbem receptus, & à populo dux & princeps est appellatus: triduoque post, imperata pecunia, quæ octuaginta milium aureorum nummum summam excedebat, Hispanis stipendia persoluit: remuneratusque Piscarium, id ab eo impetrauit, vt sine maleficio finibus excederetur: atque ita cum omnibus copijs in Placentinum agrum



est reuersus, indignantibus Heluetijs, quod Hispani, qui eo bello neque fidem neque opem difficillimis ipsorum rebus præstiterant, alieno sanguine parte victoriæ præmia interceptissent. Hisdem porro diebus quibus Adurnij fratres principatu & patria decesserunt, Præianes Gallus, quum intromissa in Lateranæ arcem quanta maximè potuit commeatus & tormentarij pulueris copia custodes diligentissimè confirmasset, iussu regis à Liguria cum quatuor triremibus, quod nemo antea ausus fuerat, per Gaditanum fretum ad Armoricum Oceanum enauigauit. Eo enim tempore Britanni valida classe per Galliæ oram infesta populatione vagabantur. Existimabat enim Præianes triremes suas tranquillo præsertim mari, & nullo spirante vento, aduersus maiora hostium nauigia quæ velis agerentur, magno vsui futuras: quod hostium excelssæ naues (vt nonnunquam æstate accidit) ex malacia in alto destitutæ expedito longarum nauium remigio circumfissi, & adactis colubrinis expugnari atque demergi posse viderentur. Sed nihil egestate tantis classium incursionibus magis memorabile gestum est, quàm vt Odoardus Surrei filius, Britannicæ classis præfectus, magno casu penè solus occideretur. Is iuuenis vt magnitudinem animi ostentaret, quum secundo vento inflatis velis Præianem ad Vidanam portum, qui Brestius dicitur, frustra persequeretur, ita demum demissis antennis substitit, vt opprimendi hostis cupiditate in magnarū nauium scaphas delecto instructas milite audacter desiliret, & triremes humili fabulosoq; in littore semiductus adoriretur. Quo certamine, quum Præianis epibatae acerrimè sese defenderent, Odoardus dum in prætoriam scandere conaretur, à proa reiectus contis, & secure vulneratus in mare concidit: atq; ita Britanni amisso classis præfecto, re infecta ad classem redierunt. Triduo autem Odoardi cadauer fluctibus expulsum in arena repertum est, & statim agnitum: quoniā aureum corniculum collo suspensum gestaret, quod præfecti maris est insigne. Eo enim fistulæ more inflato, magistri nauium diuersis sibilis & cantibus opportunè celitis, nautas ad officia reuocare atq; incitare consueuerunt. Nec multo post duæ maiores Britannicæ naues, Thoma Gniucto immensæ fortitudinis præfecto, audente concitanteq; Gallicam inusitatæ magnitudinis nauem quam Chordigeram appellabant, adortæ sunt, tormentis vtrinque latera percutientes. Chordigeræ præerat Plumorgher, inter Gallos Oceani accolæ rei nautalis peritissimus. Is præsentī infaustoque consilio in hostiles naues ex propinquo subeuntes, quod in acerrimo certamine sæpe factum legimus, catenatos harpagones iniecit, terribiliq; fragore tormentorum vndique edito, ita prælium exarsit, vt cum facibus, incendiarijsque malleolis ad mutuam cladem res gereretur, vno tempore tres simul naues miserabili exitu cremarentur, & supra duo milia hominum aut discerpta tormentis, aut flammis circumuenta, aut demum semiambusta sponte in Oceanum precipitata perierint, totidemq; ferè omnis generis ænea tormenta Oceano mergerentur. At Ludouicus maior etiam à Britannia motus expectans, cum iam ira & dolore multum exarsisset, quod pauci atque inermes Heluetij, peritissimos duces, veteranum equitarum, & pedites numero roboreque præstantes vera virtute superassent, omnibus regni viribus in Belgarum fines traductis, ad Britannicum bellum se conuertit. Enimvero Henricus fama rerum ad Nouariam gestarū permotus, cum iam antea in Aquitaniam ad populandam oram maritimam Odoardo Surrei filio cum classe transmissio, ingentes copias terra marique parasset, ab Anthona Dobraq;



Dobraque Calesiam (quæ portus Icius olim fuit) ipse breui subsecuturus maximam partem exercitus traiecit. Siquidem rex iuuenis supra insitum à natura odium aduersus Gallos, studio etiam gloriæ accensus, quod defendere iniurias sacrosancti Pontificis, & tueri armis religionis causam æquum atque magnificum rebatur, ipse transfretare constituit, conciliandis maximè Germanorum animis, quorum ingentem numerum mercede conduxerat. Nanq; Cæsar huic bello intentus, & Margarita eius filia virilis animi mulier, ob veterem repudiij contumeliam Gallis infensa, quæ tunc Adolescentis Caroli tutrix, in Cistrhena Germania (ea Belgicæ pars est) longè lateq; imperitabat, auxilia cataphractorum equitum & peditum passim ex utraque Rheni ripa Britannicis castris adiunxerant. Iam Britanni duce Talbotto è Calesia Taroannam Morinorum urbem oppugnatam venerant, ad motisque muralibus tormentis, mœnia magna vi & summa pertinaciæ fama quassabant. Ea vrbs muri circuitu parua, sed ædificijs frequens, quod ab imminente monte & ab Lysia impeditissimo flumine muniebatur, ex omni parte difficilem habebat oppugnationem. Addita erant asperitati situs mœnia fossæque, & super hæc equitum & peditum præsidia, quibus præerant strenuissimi duces Pontiremius atq; Rouergas. Interea dum Talbottus Taroannam continenter oppugnat, Henricus è Britannia superato freto Calesiam venit: quod ubi per Gallias vario rumore vulgatum est, Ludouicus intentissima cura delectus habere: euocare quosq; nobiles, ac veteres equites perfunctos iam militia: classem in Oceano ædificare: prospicere simul omnibus regni lateribus, & ad omnes casus remedia comparare: omnium primum Narbonam, & queq; proxima Pyrenæis saltibus præsidio firmat, Hispano haud satis fidens, etsi cum eo inducias paulo antè pepigerat, ne finitimæ gentes belli auidè in tergo repentinum bellum aperirent: Heluetiorum quoq; in finibus iustum propè exercitum, qui Heduos ab iniuria tueatur decernit. Ii namq; vix dum è Nouaria victores domum reuersi, concilio Turegi habito, quum legati magistratusq; omnium oppidorum vno tenore de inferendo Gallicæ bello retulissent, sublatiis vexillis arma ceperant, eo consilio, vt monte Iura superato, per Sequanorū fines in hostilem agrū irrumperent: atq; omnem eam Burgundiæ partem, quæ Gallorum est (ea ad Ararim & ad vltiorem Alduadusi ripam spectat) vi ad defectionem compellerent, vel effusè popularentur. Enimuero Cæsar, vt Heduorum vrbes, quas in altera Burgundiæ parte post Carolum eius socerum ab Heluetijs ad Nansim cum exercitu cæsum, Galli armis per occasionem occupauerant, veteri nepotis imperio restitueret, Heluetios iure rescederis ad transmittenda auxilia, et ad maturandam profectionem sollicitabat. Eos quoq; Henricus ostentatis præmijs atq; stipendijs, & Maximilianus Sfortia nondum arcibus receptis, firmadi imperij cura anxius, vt quandoq; semel coeptū bellum finirent, in eaq; temporum fortuna superbos hostes in perpetuum domarent, vterenturque recenti victoria, continuis legationibus adhortabantur. Quibus de causis, Ludouicus Tramulium cum parte equitatus & cohortibus ex itinere conscriptis in Heduos maturare, & totis viribus prohibere transitu Heluetios iubet. Demum Roberto Sedanio mandat, vt quam maximum potest peditatum in Eburonibus Arduennæque syluæ proximis populis mercede conducatur, & continuo in Morinos proficiscatur. Idem vt faciat Carolo Gheldriæ Duci iniungit. Is, quoniam initium dissensionis inter Gallum & Cæsarem atque huius belli non obscura causa fuerat, è Mena-



pijs atque Sicambris quibus imperitat, legiones duas, adiuncta Batauorum manu expertæ virtutis mittit. Ita breui Ludouicus maximo equitatu è tota Gallia coacto, & Germanorum auxilijs ingenti pecunia comparatis, ad hostes qui iam in Morinos peruenerant contendit. Eodem quoque tempore Henricus, vt vires cum Talbotto perquam mature coniungeret, paratis quæ ad protectionem pertinebant, è Calesia mouit, instructo agmine procedens itineri simul ac prælio intentus. Venerant enim Gallorum antecursores, et leuibus prælijs agmina in itinere lacescebant: mox aliæ atque aliæ turmæ equitum atq; ipsa sub vexillis grauis armatura equestris in patentibus campis sese ostenderat, non eo quidem consilio vt acie confligerent, sed vt Britannos ostentatis viribus magis ac magis morarentur. Verum Henricus, quum maiora quædam tormenta suo pondere effractis axibus, ac comminutis passim curruum rotis tenaci in limo forte hæsisissent, & ob eam causam necessario subsistere, & tardius agere agmen cogeretur, directæ acie bis pugnae potestatem fecit. Contra vero Gallis consulto certamen detrectantibus, quod vniuersæ dimicationis casum necessarium non ducebant, ad sanctum Odemarum (id castellum est) subsedit. Sequentibus vero diebus intermisso nunquam itinere, pluribus equestribus prælijs decertatum est: perijtque in partibus Gallorum Matthæus Coronæus nobilis Græcus leuiorum equitum præfectus. Ita Henricus incolumi exercitu, nequicquam Gallo iter demorante, quartis castris Taroannam peruenit. Tunc primum vrbs quam acerrimè oppugnari cœpta: nanque tripartito hinc Talbottus, illinc Carolus Somersetus, & tertio loco Rex ipse ingentibus tormentis, murorum pinnas & interna vrbs ædificia diruebant. Ex aduerso Pontremius atque Rouergas nouis operibus mœnia quassata reficere: contra & ipsi hostium castra tormentis infestare: die noctuque pro mœnibus, pro portis agere stationes: nihil se animo demittere, & summa spe auxilia Gallorum opperiri. Interea ad famam aduentus Henrici regis Cæsar maiore animo quàm viribus bellum complexus, tendentibus iam in Heduos Heluetiorum legionibus, paucos Germaniæ proceres secum ducens ad Henricum peruenit. Secuta cum quoque est magna Germanorum multitudo, qui pacis odio & lucri cupiditate ad id bellum, in quo tres potentissimi Reges de imperio dimicaturi videbantur, ex omni se prouincia effuderant. Henricus quoque, vt erat quatuor ferme & viginti annos natus, ab excelsa florentis ætatis vigore, pecuniæ profusus super aduectos ab insula ingentes thesauros, immensæ liberalitatis fama, & studio erga milites incredibili mortalium mentes accenderat: magnitudo enim animi, corporis decus atque proceritas, admirationis humanæ in eore gemodum excefferant. Appropinquanti igitur Cæsari obuiam ad sancti Odemari oppidum processit Henricus: consalutatumque eum & patrem appellatum in castra perduxit. Venerat eò Cæsar magnis itineribus, sine regio apparatu, vt alicui memorabili prælio interesset. Nam in superiore quoque Germania fama erat, aduētare cum magnis copijs Ludouicum, vt liberaret obsidione Taroannam, aut cum Britannis de summa rerum dimicaret. At dum reges mutata veste circumuecti mœnia, apparatus oppugnandæ vrbs munitionumque naturam inspiciunt, ac de genere prælij expugnationeque deliberant, nunciatur ab exploratoribus, Ludouicum qui in Ambianis subsederat, cum omni genere commeatus vniuersum equitatum intra biduum Toroannam esse submissurum, quod sciret conclusos diuturnitate oppugnationis fessos, ac necessa-



necessariarum rerum penuria laborantes, diutius non esse tantas difficultates toleraturos. Quod ubi Cæsar pro comperto habuit, quoniam & rei militaris peritia, & notitia locorum plurimum valebat, communicato cum Rege consilio, traducere in vltiorem Lisiæ ripam maximam exercitus partem, & ad hostes summa celeritate, vt imparatos inuaderet, contendere decernit. Ergo quatuor pontibus vnius horæ propè momento perfectis, quibus simul omnes copiae transmitterentur, relicto in oppugnatione Talbotto, Lisiam trañciunt, & ad Ghingatam vicum duobus passuum milibus ab vrbe distantem pergunt. Erat Ghingata obscurus antea pagus: sed duabus iam Cæsaris victorijs Gallo

10 infaustus: siquidem Ludouico vndecimo Gallorum rege cum Germanis de finibus contendente, ipse Cæsar vixdum pubescens, Philippum Dechordum expertissimum ducem, cum triginta milibus Gallorum hisdem in campis acie superarat. Igitur Galli, vt obsessis in tanta rerum egestate succurrerent, cum octo milibus equitum, receptis in medium sarcinarijs iumentis, recta Taroannam mouent. Præerat omnibus Pienes, vir in Morinis summæ nobilitatis: quoniam in prouincia, quam ipse iam pridem à Ludouico regendam acceperat, bellum gerebatur. Verum cum eo aderant clarissimi quique Gallorum duces, atque equitatus duratus in armis, & multarum gentium victor: in quo nihil præter Fortunam veterem desiderabatur. Eo modo Pienes quum è tu-

20 mulis descendens, qui ad Ghingatam vergunt, in subiecta planicie signa atque equites ostendisset, Cæsar & Henricus incredibili pugnae desiderio deflagrantes partiti inter se copias, ea sorte vt alter equitatum in hostes duceret, alter vero cum peditatu & curulibus tormentis continuò sequeretur, instruere ordines, quid fieri velint præfectos docere, ad equitare legionibus, hic Germanos & Belgas, ille Brittanos, quos ab insula transuexisset, adhortari, ne veteris gloriæ militaris obliuiscerentur: ne eos hostes aut fortes, aut insuperabiles existimarent, quos omnibus bellis atque omnibus seculis & progenitores sui, & nuper Heluetij pedites acie deuicissent: Adniterentur, auderentque primo impetu, ac sibi ducibus, & regibus suis, qui opinione virtutis omnem dignita-

30 tem atque salutem in dextris militum posuissent, fortem operam maturamque victoriam præstarent. Germani pedites ignari adhuc aduentus Cæsaris, vt eum aperto capite paludatum singulis ordinibus ad equitantem cognouerunt, ex eius præsentia victoriam auspicati statim acclamauere, Salue Cæsar, Salue pater optime, Imperator inuicte, te duce iam vicimus. Is vt ardorem militum vidit, non cunctandum ratus, arreptis secum quatuor milibus equitum in quibus Hippotoxotæ Britanni, & Cisthenani equites cataphracti sub Hanseo Roseb, atque Laleno fortissimis ducibus fuerant, ad Gallos pergit. Henricus quoque pari passu cum robore legionū, segittarijs suis immixtus subsequitur. Iam plures Gallorum equitum vt com meatum intromitterent, circumducti ab laua,

40 ad eam portam, quæ segniorem Britannorum stationem habitura videbatur, peruenerant, & à Talbotto qui paratus in armis adstiterat, cum detrimento repulsi fuerant: quum Henricus ad primum hostium conspectum, ad perturbandos eorum ordines duas eminens colubrinas displodi iussit. Mox Cæsar, quem fatalis hosti locus & antiqua victoria claris auspicijs ad prælium accendebant, in aduersos impetum fecit. Tanta fuit sagittarum vis, tantusque cataphractorum irruentium ardor, vt primo concursu Galli equites turbati fusi que sint, quanquam acerrimi duces manu prompti insignibusque fulgentes



ante alios fortissimè decerarent, atque impetum hostium sustinere, & reparare perculsam aciem increpitis retentisq; militibus conarentur. Cæterum quoniam nec tormenta nec pedites in subsidium equitatus adduxerant, virgente Cæsare, & approquinquante cum tota mole peditatus Henrico, et cedere & terga dare coacti sunt. Duces ipsi in tanta equitum perturbatione dedecoris metu, dum acrius resistunt, capiuntur. Ante alios Marchio Rothelinus, qui paulo ante Donelio fratre mortuo, dux Longauillæ creatus fuerat. Cum eo Palicia, Imbercurtius, Baiardus atque Busius. Sed Palicia & Imbercurtius ob veterem amicitiam & cognationem, quæ cum Roseo intercedebat, ab equitibus Sequanis in acie dimissi sunt. Signa verò quæ in illam usque diem tot gentium cruore conspersa, in tot bellis atq; periculis seruata fuerant, occisis aut captis signiferis, in potestatem Britannorum deueniunt. Fuit hæc pugna periculo dum magis quam militum cæde insignis: quum nec peditatus conflixerit, nec tormenta vsui fuerint, & solis hastis atque mucronibus vsi cataphracti, vtrinque colluctati inter se equis atque corporibus maiorem tumultum quam cædem ediderint. Pienes paucis suorum desideratis, trepidanti agmine ad Blangim unde venerat, celeri fuga se recepit. Cæsar autem & Henricus captiuis comiter apud se habitis, in vetera castra redierunt. Iam Talbotus cuniculos effoderat, tormentis muri partem disiecerat, & magna spe iam tum expugnandæ urbis tenebatur, quum Pontremius atque Rouérgas, Britannis captiuos Gallos ostendantibus, desperato comite, per colloquium tridui inducias postularet. Quibus impetratis, pacti ut inde cum armis atque vexillis sine fraude discedereliceret, urbem continuo dedunt: paulo post victores, colonis aliò migrare iussis, ut absimili pertinacia cæteras vrbes deterrerent, seruatis templis incendunt. Ita clarissima Morinorum ciuitas Millesimo quingentesimo tertio decimo anno à partu Virginis, Nono Calendas Septembris excisa est. Ludouicus interea ad Motrellum coactis copijs & indicto concilio procerum, decreuit idoneo omnibus rebus loco castris se tenere, neque ad euentum Fortunæ experiri iterum hostium vires: qui magnam bellicæ laudis opinionem, deuicto veterano equitatu adepti fuerant. Enimuero manu promptus & consilio optimus, quanquam vniuersi certaminis desiderio teneretur, præfectique omnes ad abolendam ignominiam, deuouendo sese pro victoria prælium deposcerent, haud tamen tutum fore existimabat, si perculosos animo milites, ac superiore gloriæ rei militaris obscurata, quasi degeneres factos, quum intra septuagesimum diem ad Nouariam atque Ghingatam infelicitè dimicassent, fortissimis hostibus, ac tum recenti victoria elatis obiecisset, vel ob id maxime quod rumor in castris percrebuerat, Heluetiorum viginti quinque milia cum duobus millibus equitum, quos Cæsar addiderat, per angustias Sequanorum in Heduos penetrasse, & iam eorum agros magna belli clade populari, neque Tramulium continè castra mutantem aut ire obuiam, aut manus conferere audere. Quibus de causis Ludouicus, suspensa Gallia, & ad noui belli periculum excitata, cunctando circumspectare hostium motus: & reliquum æstatis extrahere, quam in discrimen summæ rei deuenire malebat. Mox conuersus ad altiora consilia, Iacobum Scotorum regem iam tum antea precibus fatigatum, per legatos sollicitat ad nouas res in insula molendas, gerendumque apertè bellum aduersus Henricum. Erat Iacobus maximis beneficijs & antiquis superiorum regum necessitudinibus Gallo obstrictus,



ctus, ob idque facile impelli poterat ad quamcunque belli fortunam subeundam: quanquam per se animo immodicus, & natura infensus Anglico nomini, priuatis etiam laceſſitus iniurijs, inferre vltro bellum & proferre Imperij fines meditaretur. Nec deerant, præter Gallorum legatos, arma, pecuniam, tormenta, duces, claſſes atque omnem belli apparatus pollicentes, qui mobile regis ingenium varijs artibus expugnarent ex intima aula ſpectare apud eum gratiæ regni proceres, muneribus empti ab Gallo, vt propoſita præſentium rerum occasione, ac oſtentato totius inſulæ Imperio, in ſpem proſperi euentus & magnæ fortunæ erectum, ad ſumenda arma vehementer accenderent: quando

10 abductis in continentem omnibus ferme copijs, & Henrico in Gallia bellum gerente, regnum ſub vxoris tutela relictum inuadere, atq; armis exagitare interiora Britanniaë haud factu difficile videretur. At hæc ſecum quum ipſe multum animo varius reputaret, obueraſabantur ante oculos vxor, quæ Henrici ſoror erat, & nouum pariter atque antiquum pacis foedus ſub Alexandro Pontifice iam pridem cum Henrico ſolenni ſacramento percuſſum, & ab Iulio bullatis item tabulis confirmatum. Diræ demum imprecationesque Pontificis, ac pollundæ religionis metus, ſi deſenſores Pontificiæ dignitatis oppugnaret, & expoſitum iniuriæ nudatumque præſidijs regnum, nihil tale verente Henrico, vi & armis aggrediretur. Ex aduerſo autem rerum ſuarum ſollicitus, vt po-

20 te cui iam pridem ſuſpecta erat Henrici potentia, nimio plus creſcere rem Anglicam, & ferocem iuuenem in tranſmarina prouincia bello clarum fieri non terebat. Quoniam finito in Gallia bello eum hoſtem ingentis ſpiritus, ac ſemel militiae ſtudio accenſum minimè quieturum apparebat, ſed continuo non contentum finibus ſuis, illaturum arma, ac ſubactis Scotis, ſequæ paterna ſede pulſo, vnius inſulæ vnum regnum eſſe facturum. At in contrario rerum ſucceſſu, ſi forte Henricum imperitum militiae pugnaciſſimam Gallorum gentem, ac talem tantumque regem in hoſtili ſolo difficili bello pulſantem, aliquo ingenti prælio ſuperatum Fortuna deſtitueret, idem regnum ac eadem tota Britannia mouenti modo arma, ac Fortunam ex tuto tentanti ceſſura videbantur.

30 Hac inani ſpe ſublatus, alienato animo, vt cauſas violati foederis prætenderet, antequam hoſtilia moliretur, literas ad Henricum querimoniarum plenas coſcribit. Egſſe iam pridem Henricum multa in contumeliā Scotici nominis, eaque ſepro iure affinitatis ac foederis forti animo ſemper tulſſe, quum grauiffima damna finitimis Scotis illata, vt conſtitutum fuerat, Henricus minimè reſarciret: quū in percussores Bartonis piratæ Scoti nō animaduertaret: & Spuriū Heronem, qui præfectum conſinium Scotiæ interfecerat, impune agere in Anglia pateretur: legatos ſuos contra ius gentium non admiſſiſſet: oratorem vxoris inuito retentum non dimiſſiſſet: complures nobiles Scotos in Scotia captos vinctosque crudeliter etiam tunc in cuſtodia haberet. Ea omnia quan-

40 quam per ſe magna et intoleranda, diſſimulari tamen potuiſſet: at non ſe paſſurum vltcrius, Ludouicum amicum regem, cognatione et foedere ſibi obſtrictū, ab eo ad internecionem oppugnari: Caroli Gheldrii conſanguinei agrum pluſquam hoſtiliter ab Anglis deuſtari: propterea eſſe ſupremum animi ſui iudiciū, cauſam ſocij regis iure foederis defendere velle, neque interea ſe finem facturum populationibus atque incendijs, quamdiu Ludouicus ab eo in Gallia vexaretur. His Henricus ita reſpondit, ſe nō magnopere mirari, quod Rex Scottorum pro vetere gentis inſtituto fidem falleret: Nouiſſe enim iam pridem eius



animi inconstantiam, & consiliorum leuitatem: quibus eò dementiæ perdu-  
ctus esset, vt alienam causam proprio periculo tueri, & florentes res suas cum  
perditis Gallorum rebus permiscere contenderet. Quòd si violare iusiuran-  
dum, fidem prodere, & arctissimæ necessitudinis obliuisci æquum & regium  
putaret, neque multum eo dedecore permoueretur, timeret saltem Deos im-  
mortales, qui turbate pacis & ruptorum fœderum vindices esse consueuissent:  
adducereturque exemplo regis Nauarræ, quem Dijs ita iubentibus, ex patrio  
regno in eas miseras precipitatum, Ludouicus in Gallia sine regno tranquille  
regnare permetteret. Proinde desineret memorare atque obijcere, quæ ad vio-  
landam pacem ipse confluxisset: ea enim se iam pridem literis atq; legationib; 10  
vt vetera omnino, vanaque diluisset. Cæterum eum impudentissimè fecisse,  
quòd nihil earum rerum antequàm ipse mare trañceret, commemorarit. Pro-  
pterea sciret apud se etiam absentem, non esse tantæ existimationis Scotorum  
regem, vt eius repentina atque insperata perfidia terreri posset. Ageret modò  
vt luberet, se enim neque vlla denunciatione periculi destitutum ab fœlici in-  
cœpto, neque iniuriam animo depositurum. Igitur Iacobus indicto bello, vni-  
uersas regni vires contrahit: atque omni nobilitate armata, ad Tuedum fluuiũ,  
qui vtriusque Imperij limes est, contendit. Britannia nanque omnis, intercur-  
rente per transversum Tuedo, vbi æstuaria ab diuerso littore introrsus arctis-  
simè sinuantur, atque aliam prope insulam efficiunt in duas partes diuiditur. 20  
Maiorem proximam continenti Galliæ, vergentem ad Hyberniam & ad Cæ-  
tabricum Oceanum, Angliam ab Anglis populis appellant: qui quondam ab  
Hercynio saltu per Germaniam profecti, ad querendas nouas sedes in insulam  
traiecerint: ac pulsis indigenis, propter agrorum fertilitatem ibi confederint.  
Alteram verò tertia ex parte Anglia minorem, effractis longè lateque littori-  
bus, ad Thulem in Arctum prominētem, vbi Caledonia sylua, & brevissimus  
in Orcadas traiectus, ab recentibus etiam populis eò transgressis, Scotiam vo-  
cant. Hæc importuosa, parum vrbibus frequens, horrida syluis atque frigori-  
bus, ab humanitate & cultu cæterarum gentium recedit. Illa verò propinqui-  
tate continentis, benigniore cæli temperie, metallorum & pecoris fœcundita- 30  
te florentissima omnium insularum in morem nostrum ædificat, atque elegan-  
tiæ plurimum studet. Angli & Scoti eadem fermè lingua, quæ Germanicæ  
haud absimilis est, vtuntur. Vtrisque studium rei militaris propè par: atque  
eadem arma, lignei & ingentes arcus, alabardæ demum ac prælongi conti-  
clauæ quoque ferreæ (accias ipsi vocant) quas ambabus manibus regunt.  
Præcipuum apud vtrofque robur in pedite. Si qui adsint in bello equites, ma-  
gna pars sagittarij sunt, pauci verò cataphracti, quòd eorum equi, quanquam  
acres, ad iustam magnitudinem non excrecant, vt Frisij, Bethici, atque Apulij:  
& propterea staturæ pugnæ minus idonei existimentur. Corpora virorum al-  
ba, lacertosa: comæ autem omnibus breues, & barbæ subrutilæ. Vniuersa verò 40  
gens supra cæteros mortales conuiuiorum studiosissima. Ea enim per varias  
& exquisitas dapēs, interpositis musicis atq; ioculatoribus, in multas sæpius ho-  
ras extrahunt: ac subinde perductis choreis, amoribus fœminarum indulgent.  
Religione, institutis ac legibus, atque eodem corporis ac ingenij habitu, medij  
inter Gallos atque Germanos collocantur. Fuere eæ gentes paulò antè Iulium  
Cæsarem, qui primus nobis Britanniam aperuit, agrestes atque efferae, nulla  
nauigandi peritia, nullo propè militiæ vsu, aut externarum rerum cognitione,  
quòd



quod spatio dirimentis Oceani ab nostro orbe diuisi dicerentur. Sed quum Romana arma viderunt, atque eos sub Claudio Scapula Ostorius, Suetonius, Paulinus, & Vespasianus, ac mox sub Flauijs, Cerialis, Frontinus & Agricola magni duces, atque ipse demum Seuerus Imperator, dum Romanum floreret imperium, circumducta classe interiora quoque insulæ peruagati, cæsis hostiū exercitibus, saltibus penetratis, atque ipsa naturæ rerum difficultate perdomita, & pacem & iugum pati coegerunt. Cœpere tunc primum, repressi tamen magis quam domiti, intellectis continuo Romanis artibus, è disciplina belli negotia administrare, condere leges, & corporis robur ingenij viribus temperare. Nec multo post aduentu nouarum nationum compositis moribus, quum  
10 per calamitatem ruentis imperij Cæsares fatali desidia veterem fortunam amississent, excusso statim iugo, opibus & belli gloria plurimum valuerunt. Namque instructis classibus, vt vires in alieno solo experirentur, in continentem delati, Hispanis, Gallis, atque Germanis maximas clades intulerunt. Protulereque in Italiam mercenaria arma. Siquidem Guelphis Gibellinisque ferro inter se ad internitionem debacchantibus, qua clade attritis omnium viribus Italia penitus ab stirpe interijt: Anglos equites Ioannē Aucutho ducem maximis stipendijs conductos, ob eximiam virtutis opinionem, tyrannorum auspicijs in Italia militasse constat. Nouissima autem expeditione patrum nostrorū  
20 memoria, aduersus Gallos multa præclara militiæ facinora gesserunt: & egregiæ virtutis testimonium præbet Calesia ad Gessoriacum litus, eo bello Gallis ablata, et in hanc diem ob maximam traiectionis opportunitatem, maiore generis opinione, quam præsidij viribus pertinacissimè conseruata. Cæterum Iacobus ab Tuedo Humeum virū nobilem cum parte exercitus ad populandos hostium fines premitit. Is repentina incursione oppressis finitimis, obuios capit: resistentes obruncat: eorum pagos incendit: coactaque omnis generis hominum & pecoris præda, in pacatum regredi parat. Sed Angli quos subitus aduentantium hostium rumor, mox villarum incendia, & maioris etiam cladis metus, ad arma exciuerant, vindictæ ira perciti, ac dolore simul amissarum re-  
30 rum, ad occupandas viarum angustias, quæ Humeum rediturum existimabāt, contendunt: adortique è superiore loco graue subsarcinis hostium agmen, clamore, multitudine telorum, ac mox tumultuario omnium procursu, vniuersos fundunt, ac magna cæde edita Humeum fugientem persequuti, Scotorum fines irrumpunt: abactisque armentis, & concrematis pluribus vicis in Angliā reuertuntur. At Iacobus nihil eius primi certaminis omine, quod mox infelicè rerum exitum portendit, permotus, vt detrimentum acceptum maiore commodo atque victoria refarciret, omnes copias ad Norbanum oppidum ducit. Id corona cinctum vi capit, ac solo æquat. Inde populabundus & ferox ad oppugnandum Beruicum munitissimum oppidum, quod in finibus Scotiæ Henri  
40 ci præsidijs tenebatur, proficiscitur. Interea Surreius Britanniae procerum longe nobilissimus, quem paulo antè Henricus ob egregiam fidem atque virtutem ad incerta belli, & ad tuendos regni fines cum imperio & iusto exercitu in Britannia reliquerat, coactis copijs ad Iacobum cuncta belli clade vastantem contendit. Aderant cum eo Dacreus finium præfectus, vir omni bellica laude insignis: Odardus Stanleius & Spurius Heron cum valida turma equitum, quam ipse nuper exul ab Scotia atque Anglia in syluis per latrocinia & cædes exercuerat, atque alij cum auxilijs, quæ pæssima regina per vrbes scribebantur.



Etenim ad noui belli famam, non tantum proximi Scotis, vti periculo expō-  
 ti, sed remotæ etiam gentes, maiore odio quam metu, quum omnes iniquo ani-  
 mo violati fœderis iniuriam ferrent, voluntariam militiam secutę, ad Surreiũ  
 festinabant. Posuerattunc castra Iacobus in vertice montis, quem Floddon in-  
 colę appellant, loco, arte atque natura munitissimo: nanque ab leua continens  
 palus quam limosæ voragines atque internata passim arundineta plurimum  
 impediabant, subiectam planiciem occupauerat: ab dextra Tylus fluuius pro-  
 funditate aluei & aquarũ rapiditate difficilior, quam vt vado transiri posset, ad  
 imas montis radices labeatur. Terga quoq; præcisę rupes et densissima nemo-  
 ra protegabant. A fronte verò vbi mollem ascensum atq; vnum omnino aditũ  
 natura reliquerat, Iacobus perducta fossa & collocatis in interiore labro omni-  
 bus tormentis, adeo egregie se muniuerat, vt circumuallari ab inferiore loco,  
 aut oppugnari sine pernitiōsa hostium dimicatione non posset. Eo Surreius  
 cum peruenisset, admiratus locorum iniquitatẽ, quod nequaquã temerẽ sibi op-  
 pugnãda castra censebat, ad Iacobũ cum mandatis Araldum regiũ mittit: quo-  
 rum hæc summa erat: Videri sibi Iacobum impiẽ crudeliterq; fecisse, quod so-  
 lenne pacis iusiurandũ violarit: sanctissimę cognitionis iura polluerit: absenti  
 Henrico bellũ intulerit: & succensis castellis finibusq; vastatis, Anglos nihil ta-  
 le verentes eodem impetu trucidarit. Propterea se venisse cum exercitu vltum  
 iniurias: deligeret ipse equũ locum, et certam diem vniuerso certamini: se enim  
 nulla interpolita dubitatione, quũ primum pugne potestatem faceret, de summa  
 rei dimicaturũ. Adhęc Iacobus, vt erat elati animi spectatęq; promptitudinis,  
 Araldo comiter appellato, gratias Surreio agit: additque publicę laudes, quod  
 pugnam vltro deposceret, quã omnibus eum artibus vitaturũ diu anxio mole-  
 stoq; animo timuisset. Itaq; secundum eos spiritus pararet arma: et hastatas Sco-  
 torum phalanges tertia die in patentib. canapis expectaret. Ibi se de iniurijs seuẽ-  
 re cogniturũ, quas intempestiue contumelioseque memorasset: & nouas vete-  
 resq; controuersias armis finiturũ. Constituta die Surreius in subiecta planicie  
 tribus passuum milibus ab hoste confedit, atque aciem direxit. Sed Iacobus ta-  
 metsi paratus erat prælio decertare, suis tamen castris atq; munitionibus se con-  
 tinuit. Quoniam ab expertissimo quoq; procerum, comittendę pugnae consi-  
 lium improbatur: & ante alios Hunleius, quo nemo fortior in eo exercitu  
 aut callidior habebatur, clariore voce, vt prætoriani quoq; milites audirent, in  
 consilio dixerat, Nihil stultius aut leuius esse, quam auctore hoste manus con-  
 ferere, & ad eius arbitrium atq; libidinem summę rei fortunam periclitari: Te-  
 neret se opportuno ipso loco, & ferocem hostem cunctatione ludificare turma-  
 gnã enim esse in hostilibus castris rei frumentarię penuriam: neq; comitea-  
 rum ab interiore Angliã in summis itinerum difficultatibus ob perpetuos im-  
 bres posse faciliẽ comportari. Sedendo, ac nihil temerẽ agendo breui regem se-  
 cundissimis pugnaturum auspicijs: & hostes iniquitate loci et comitatus ino-  
 pia superatos, ex tuto cædendos militibus suis præbiturum. Macta quoque  
 prodigij loco habita, quanquam vana, & fortuita putabantur, eius animo reli-  
 gionem & nouum terrorem incusserant. Eo enim cum ducibus de prælij ra-  
 tione disputante, lepus e prætorio profugerat: ac mille petitus telis per mediam  
 stationem intactus euaserat. Quin & mures ea nocte lorum galeæ fibulam-  
 que corroserant: & vela interioris tabernaculi sub Auroram sanguineo ro-  
 re fuisse conspersa dicebantur. His de causis nequaquam prodeunte in aciem  
 Rege,



Rege, Surreius qui palustribus & foedissimis in locis ob rerum omnium difficultatem diutius consistere non poterat, nec iudicabat hostem, nisi summa compulsum necessitate dimicaturum, castra mouit: & relictis ad laeuam hostibus, traiectoque Tylo flumine in æquiores locum ad initia Barmoree sylue se contulit, eo consilio, ut milites quos maximis etiam itineribus confectis fessos, toto eo triduo tenuissimè aluerat, fertilior & tutior in loco recrearet, nouas interim expectaret copias & ad motus hostium, qui multitudine sua proximos montes compleuerant, nouam & ipse gerendi belli rationem sequeretur. Intererat tantum flumen Tylus inter bina castra regis atque Surreij, nec vtrinque ab tor-  
10 mentis atque missilibus temperabatur. Sed magno vsui Surreio erat collis ab ceteriore ripa in altitudinem mille passuum molliter assurgens, qui castrorum frontem ab omni tormentorum iniuria protegebat. Ex eo colle Thomas Hauardus Surreij filius, eximia virtutis iuuenis, circumiectos colles, quos hostis occupauerat, subiectamque planiciem oculis contemplatus, patri renunciat, Iacobum ab Scotia excludi: aut ex munitissimo loco detractum, elici ad pugnam facile posse, si rursus copias superiore in loco Tylum traducat, & non magno circuitu capto, introrsus quantum montis angustiae patiantur, à tergo sese ostendat. Surreius qui vni huic rei, ut congredereetur animum intenderat, summissis locorum atque militiae peritissimis, qui maiore cura situm regionis inspec-  
20 rent, quum eadem illi afferrent, Hauardique consilium omnium opinione confirmaretur, extemplo conclamari, & colligi vasa iubet. Inde ad tria milia passuum promotis castris, bipartito binisque pontibus vno tempore flumen transmittit. At Iacobus de Surreij consilio coniectura iudicans, ne circa eadem iuga sedendo contra dignitatem suam interclusus ab Scotia liberam frumentandi facultatem amitteret: ac simul, quod ad retinendam auctoritatem pertinere censebat, ne ex detractione praelij obsesso similis, ali- quantum plus fiducia in loco atque munitionibus, quam in militum virtute ponere videretur, castra protinus mouet, & ad occupandum proximum montem, quem ne hostis prior obtineret magnopere timebat, recta contendit.  
30 Factum est summa eius celeritate & calorum industria, qui in discessu (ut imperatum fuerat) tuguriolis militum stramentisque & reliquo omni pabulo incensis eam regionem continenti fumo atque atra caligine compleuerant, ut Iacobus propositum locum prius attigerit, quam Surreius, qui ab hoste vix mille passus aberat, aut discessum eius senserit, aut longa incedentium agmina fuerit conspicatus. Ita Iacobo summa collium tenente, Surreius ad radices cum omnibus copijs successit, paululumque ibi commoratus, quod mons neque arduus neque difficilis videbatur, antequam hostes castra munirent, conscendere atque omnino praelio decertare constituit. Mox aduocata militum concione demonstrat quem in locum deuenerint: hinc præaltas fluminis ripas, il-  
40 linc abruptos & perpetuos montes, nisi quam acerrimè pugnent, & fortiter vincant, omnem salutis spem & fugæ rationem adimere. Auderent contra perfidos hostes, qui violato foedere per occasionem absentis Regis, de Imperio totius Britanniae cogitandum sibi existimauerint: neque eorum multitudine magnopere animo perturbarentur: satis esse perspectum frequentibus patrum victorijs, quantum in Scoto roboris esset atque constantiae: nec defuturos in acie Deos ipsos, sicuti antea aduersus violatores fidei, & humani iuris atque religionis contemptores nunquam ex merito defuissent, modo suæ pri-



stinæ virtutis milites memoriam retinerent: consensu enim omnium mortaliū, iustissimam esse belli causam, propulsare iniurias, & tueri armis focos, liberos, coniuges: & quod his multo præclarius videretur, libertatis pontificiæ dignitatem, quam Henricus magno animo & sanctiore consilio defendendam suscepit: ob id mare traiecerit: atque ita Dñs bene iuuantibus, impios sacrosanctæ maiestatis oppugnatores prælio pulsos, captis eorum ducibus, & munitissima vrbe recepta, in interiora Galliæ compulerit. Quin igitur Dñs hisdem auspiciis eadem pollutæ religionis contagione fœdatos aggredierentur: & si gentis decus, si regis existimationem, priuatam denique gloriam atque salutem charissima haberent, se ducem sequerentur, paratum scilicet, aut egregiè vincere, aut pulcherrimam mortem oppetere. Conclamauere statim milites, pugnæ signum daret, neque dubitaret committere prælium iniquo etiam in loco: se enim in aduersam montis iuga infestis armis peruasuros confirmant, neque nisi victores in castra redituros. Igitur Surreius in ea spe & militum alacritate, ex omnibus copijs tres acies facit: Hauardo primam attribuit, in qua etiam Edemundum alterum filium curare iubet, ipse medium agmen tuetur: Odoardum Stanleium tertiæ præficit: Dacreum cum equitatu in subsidijs collocat: tormenta certis interuallis inter ordines & in fronte disponit, & ad hostes iusto passu progreditur. Interea Iacobus, vt erat ex eo monte despectus in subiectos campos, quum procul armorum fulgor, distinctaque hostium agmina viserentur: ratus sibi ea die victoriæ occasionem dari, si natura loci atque amplitudine copiarum superior, quàm primum cum hoste confingeret, vrgente fato prelij signum proposuit, conuersusque ad regni procures, qui proximi adstiterant, talem habuit orationem: Postquam, fortissimi commilitones, meliori conditione quàm vnquam antea maiores nostri cum hoc hoste pugnauerint, nobis hodie dimicandum est, memineritis hanc esse illam diem supremæ occasionis ad vindicandas iniurias, quam nec venturam sperastis vnquam, & frustra hætenus exoptastis, quum a superbissimis hostibus omnes indignitates & contumelias pateremini. Verum qui hæc diu per inanem iram gemendo, inuocandoque sæpius ultores Deos domi pertulimus, & tandem in hac pulcherrimarum occasione tam iusta quàm necessaria arma cepimus, vilissima profectò capita essemus, & leuissimi omnium mortalium, si, quum factò & vera virtute opus est, & conferre pedem, & per mortes & vulnera victoriam appetere oportet, tunc hostium faciem timeamus, & belli pericula trepido animo metiamur. Ego quidem in bona pace his Imperij finibus contentus, tranquillitati atque otio studere potui, & carere periculis atque laboribus, quos quotidie bellum affert, si nulla dedecoris cura habita, priuatam felicitatem & gentis dignitate & salute vestra potiore existimassem: sed frequentissimo vestro consensu in maxima vlciscendæ iniuriæ atque omnium rerum opportunitate, quum gerendum aperte bellum omnes censeretis, quod ea quæ nos & progenitores nostri ab insensissimis hostibus sustinuissent, fœda, aspera, intolerandaque erant, bellum magno animo indixi: & quod per amplam mihi victoriæ spem facit, vos maiore studio, maximo ardore, & incredibili alacritate signa secuti estis, vt quandoque insigni facinore, atq; vltimo veluti virtutis opere edito, egregiam animi fortitudinem testaremur, atque imitales controuersias memorabili victoria finiremus. An fortè de secundo prælij successu dubitandum? quum hostiū exercitus nulla in re cum nostro sit comparandus,



parandus, qui totus ex fugacissimo genere militum constat: tyrones enim sunt  
 ex tumultuarijs delectibus in speciem militum armis instructi, dum veterani  
 omnes, aut iuuentæ robore & specie bello idonei ab Henrico in Galliam tra-  
 ducerentur. Hos ergo numero paucos, lassitudine fameque confectos quum  
 appropinquauerint, ex superiore loco telorum multitudine nō obruetis. Suc-  
 cedunt colli instructa acie, non quia audent, sed quia necesse est, vt honestius  
 atque celerius insoliti laboris ac inediae dolorem morte effugiant ferarum mo-  
 re, quas furor in rabiem agit, quum impatientia animum, & fames ventrem e-  
 xagitauerint. Mecum ergo ferrum stringite, & iugulum horum tyronum im-  
 10 petite, pudeatque eō non progredi mortis metu, quō me ducem vestrum pro  
 gloria vadentem videritis. Alloquentis adhuc regis orationem, armorum stre-  
 pitu ac dissonis clamoribus milites excepere. Nec mora Iacobus primum suo,  
 deinde omnium ē conspectu remotis equis, vt æquato omnium periculo, &  
 spe fugæ sublata (sicuti gentis mos est) simul & corporis robur atque animi vir-  
 tutem ostenderet, omnes copias in quinque quadratas acies dispertit, ea ratio-  
 ne, vt tertium agmen, in quo signum regium erat, atq; omnes viri insignes mi-  
 litabant, duplici vtrinq; aciem tanquam duobus cornibus clauderetur. In dex-  
 tro Huntleius, Crafordius & Montiroseus: in sinistro Humeus, Lenuoxius &  
 Argilius, qui singularem militiæ vsum habere dicebantur, curabant. Præfice-  
 20 que singulis cohortibus singulos ex ordine equestri: & cum his aliquot centu-  
 riones Gallos, quos paulo antē in Scotiam Ludouicus ad tradendam discipli-  
 nam transmiserat: collocatisque idoneo in loco omnibus tormentis, quæ ma-  
 gno vsui per decliua montis esse non poterant, ipse in medio agmine contra  
 Surreium cōstitit. Iam erexerat in aduersum collem primas cohortes Edemun-  
 dus, quum tormentis vtrinq; emissis, turbatisque primis ordinibus, Humeus,  
 hastatos induxit, qui adeo acri impetu subeuntibus incubuerunt, vt cæsis ante-  
 signatorum promptissimis, & strato Edemundo, totam propē aciem in fugā  
 conuerterint. Iamq; nulla spes reliqua erat consistendi, perterritis semel pul-  
 sisque cohortibus, nisi in tanto discrimine, hinc Spurius Heron, vir admiran-  
 30 dis corporis atq; animi viribus insignis, suo alienoque cruore perfusus Ede-  
 mundum subleuasset, et ab alia parte Dacreus ad subita pugnæ intentus, trans-  
 uerso cursu in latus hostium procellam equitum immisisset. Mox succedente  
 etiam Hauardo cum lectissimis militum, haud dubiē restituta acies, redditus-  
 que iam victis animi vigor. Ita æquata prælii fortuna, aliæ atq; aliæ Anglorum  
 cohortes afflictæ cum integris ipso impetu commistæ, æmulatione virtutis re-  
 ctam agminis frontem erigere in montes cœperunt. Ibi quum ad robora Sco-  
 torum peruentum est, & vtrinque maioribus prope odijs quàm viribus certa-  
 retur, Montiroseus atq; Crafordius ad cohortandos milites in primam aciem  
 prouecti, pugnantes cadunt, perrumpiturque hastatorum phalanx: ac dissipa-  
 40 ta per iniqua montis ab equite pediteque conciditur. In sinistro autem cornu  
 eodem tempore Stanleius iam contracto certamine Scotos æquioribus locis  
 detraxerat, & superfusa sagittarum multitudine eō adegerat, vt non conferti,  
 sed laxatis ordinibus, rari ac vitabundi pugnarent, eorumque signa fluctuare  
 inciperent. Quod vbi animaduertit, circumductis cōtinuo tribus subsidiarijs  
 cohortibus in aperta hostium latera, tantum terrorē intulit, vt sustinere irruen-  
 tium impetum, aut consistere nequierint: sed protinus coniecti in fugam, &  
 per deiectus mōtis præcipitati, in sylvas se condiderint. Ibi Argilius atq; Len-



uoxius vocem manibusque inclinatam aciem retinentes interficiuntur. Interim Iacobus qui paulo antè cum Surreio pugnam inierat, vt ab cornibus turbari suorum ordines, atque hostes ab lateribus circumfundi videt, cohortem prætoriam euocans, & proceres quos circa se habebat adhortatus, vt nihil se, nihil maioribus suis indignum committerent, in medios hostes inducit. Ita nouum priori acrius de integro prælium ortum, quod tota ea acies tecta ferro, Anglorum sagittas egregiè sustinuerat, obtruncatisq; primorum ordinum aliquot centurionibus, ad signa propè peruaserat. Erant vtrinque procera virorum corpora opinione virtutis ad supremos casus ab vtroque duce electa: præliumq; vt necesse erat, varium, anceps, modo his, & modo illis prosperum & exitiabile. Rex ipse ante signa pedester pertinacissimè pugnam ciens, alios laude, pudore alios, omnes denique vario hortatu accendebat, vt quod tantopere desiderassent, adepti hostes ferro atque vulneribus vlcerentur. Contra Surreius, quum optimus quisque, aut caderet, aut sauciaretur, magna vi contendere, vulneratos in postremam aciem subducere, suos plurimum adhortari vt ad gladios rem adducerent: & quàm maximè hostes vrgebant, multum ipse pugnare. Sed dum incerto adhuc pugnae euentu ad vexilla res geritur, Haurardus & Stanleius qui ab vtroque cornu pulsus hostibus victores ad medium agmen redibant, conuersi in hostem bipartito signa intulerunt: & in tempore Dacreus quoque in terga quàm maximè confertis equis incurrit. Ita Scoti quum ab fronte, ab latere, à tergo caderentur, neque labore & vulneribus fessi, peraceruos corporum atq; armorum perumpere possent, circumuenti in orbem pugnare coguntur. Tum verò Iacobus quum regium vexillum, cadente Adamo, cui Forman erat cognomen, stratum vidisset, nihil iam dubitans quin è vestigio moriendum esset, vt ab imminentibus contumelijs animum vindicaret, in confertissimos hostes procurrit, ibique pugnans confoditur. Nec longè ab eo pari pertinacia atq; virtute contendentes interficiuntur viri sacri, & sacerdotijs insignes, archiepiscopus vnus, episcopi duo, abbates quatuor: proceres verò, et equestri dignitate honoribusq; militiae illustres triginta sex. Humeius, & Huntleius equos per tumultum nacti, cum postremis cohortibus, quæ vt constabant ex ignauissimo genere militum, manus non conseruerant beneficio imminentis noctis in Scotiam profugerunt. Ad octo milia Scotorum ea die cæsa: totidem fermè capta sunt: omnia verò signa militaria relata: & tormenta maiora viginti duo: in quæis fuere colubrinæ septem ingentis magnitudinis, quas Iacobus à similitudine, septem sorores appellabat. Castra verò eodem impetu expugnata, direptaq;: cadauer regis postero die à Dacreo repertum, & Beruicum delatum, vbi diu sepultura caruit: nam ab Anglis, quod Gallis schismaticisque fauisset, sancto funeris sepulchrique honore, & Christianis cæremonijs indignus putabatur. Adnotabant plerique repetita superiorum regum memoria, Iacobum infelici potius Stuardæ familiæ fato, quàm suo cecidisse, quod pater, auus & proauus eodem potiti regno, atque idem sortiti nomen, ante diem ferro perempti mortem oppetissent. Sed hunc tanquam ad meritam raptum pœnam nemo defleuit, quod ipso pugnante, pater in aduersa acie ad parricidij notam fuerit interfectus. Eo modo quum ad Tylum quarto Idus Septembris, anno à Christi natali millesimo quingentesimo tertio decimo ad internitionem Scotie nobilitatis pugnatum esset, Surreius speculatoria naui, quanta maximè potuit celeritate, literas rei feliciter gestæ, & occisi regis paludamentum.



damentum multo cruore conspersum Henrico transmisit. Diuerterat Henricus per eos dies Lillam: ubi capta Taroanna Margaritam Cæsaris filiam conuenit. Ea etenim illustribus fœminis comitata studio visendi regis, & ut patrem exciperet, è Gandauo illuc usque gratulabunda processerat. Itaque prelectitia perpetui dies edendis spectaculis atque conuiuijs absumpti: decurrereque nobilissimi Belgarum cum Britannis, omnibus vtrinque cultu virtuteque certantibus. Sed Henricus cognitis rebus, quæ in Britannia gestæ fuerant, in earum fortuna non cunctandum ratus, ad Tornacum exercitum mouit. Ea est ciuitas Neruiorum longè amplissima, & mercatorum concursu atque opibus  
 10 celeberrima: quam non multis antè annis suo iure viuentem, Gallorum reges in fidem ditionemque receperant. Nec Tornacenses in eo bellorum metu, quamquam haud dubiè libertatem amisissent, studendum sibi nouis rebus, aut quicquam aduersus Gallos moliendum arbitrabantur: quoniam ab his in vtraque temporum fortuna belli & pacis, clementissimè sibi imperitatum existimabāt. Igitur ubi Henricus magnitudine castrorum urbem circumplexus tormenta  
 admouit, censu eorum habito qui propugnare possent, supra triginta milia hominum conscribunt: magnam vim telorum in murum comportant: reficiendis mœnibus atque extruendo intus aggeri plurimum student: & summa alacritate (ut sunt ad quæque rerum initia ardentissimi plebis animi) primos  
 20 oppugnationis impetus egregiè sustentant. Sed quum maioribus tormentis propugnacula deiicerentur, nec potestas esset consistendi in muro, & vno atque altero in loco institutæ interius munitiones continentibus mœnium ruinis nudarentur, cœpere tunc primum præsentibus periculis territi propriæ quisque salutis cōsulere, loca deserere, ab signis domum dilabi, ac demum cogitare quod in discrimen se, liberos, coniuges, atque omnes urbis fortunas conijcerent, si diutius sine militum præsidio tueri mœnia aduersus tantum exercitum conarentur. Ita Nerui quondam Belgarum fortissimi, nihil memorabile, aut dignū  
 prisca belligloria in oppugnatione perpessi, quum frustra Gallorum auxilia expectarentur, emissis oratoribus, qui se imperata facturos dicerent, multati  
 30 pecunia deditionem fecerunt. At Heluetij paucis antè diebus quam hæc in Britannia fierent, Heduatorum fines hostiliter ingressi, ab ea quoque parte Gallis magnum terrorem fecerunt. Nanque Tramulium, qui opportunis in locis ostentata acie venientibus sese obiecerat, ac se demum tantæ multitudini impareratus, passim cedendo ac detrectando certamen retrò abierat, in urbem Diuionum compulerant: & prolato oppugnandæ urbis apparatu, circumfessisque  
 itineribus ad teli iactum ab muro castra posuerant. Erat apud Heluetios Germanorum equitum præfectus Vldericus Virtembergensis regulus: per quem Heluetij rem frumentariam prouisam habebant: explorabant itinera, loca castris anteceperant: & quæ pedestribus copijs vsui forent, summa facilitate con  
 40 sequebantur. Is quanto maximè poterat studio cœptæ oppugnationis negotiū administrabat: totoque animo ad celeritatē incitatus, in qua spem ipse posuerat, nihil apud suos, nihil apud hostes remissum patiebatur. Quod neque perterritis hostibus, aut confirmandi sese, aut muniendæ urbis spatium dari, neque morā interposita diffusus Heluetiorum ingenijs, multitudinis frangi impetum, quæ haud facile vno consilio agitur, volebat. Ita, quum latè murorum strage edita, interiora urbis paterent, & per ruinas quæ fossam magna ex parte compleue  
 rant, ad irrumpendum aditus cōtinuè pararetur, ipse circumeundo opera atque



manipulos, adhortari gregarios milites, ac docere quantum ad summam victorie pertineret, potiri omnium rerum plena atq; opportuna vrbe, in qua si paululum adniterentur, & dux belli atque ornatissima ala equitum cum ipsis ciuium fortunis, in præmium laboris atque victoriae cessura essent. Aduersum ea Traianus, tametsi vsus egregia ciuium voluntate, & perpetuo labore militum subitarias munitiones erexerat, tormenta & omne genus telorum in murum cōtulerat, cataphractos pedibus pugnare iussos in prima acie statuerat, ciues ad omnes quoq; casus confirmatis eorum animis armauerat: nihilominus quod dudum rem in Morinis infelicitè gestam esse compluribus nuncijs afferebatur, nullam sibi iam prælii fortunam expectandam ratus, tentare Heluetiorum animos antequam per se gens efferat cæde atque vulneribus irritaretur: & denique omnibus conditionibus pacem petere constituit. Igitur idoneos nactus homines, qui vnâ cum Heluetijs in Italia fuerant, & ex longa militandi consuetudine & mores gentis, & ducum studia, & veteranorum etiam voluntatē apprimè nouerant, impetrato colloquio emittit. Ii familiares centurionum & eorum præsertim pagorum signiferos, quos haud obscure Gallicis rebus fauere compertum habebant, adeunt: in primis veterem & recentem Gallorum amicitiam cum Heluetijs, & antiqua odia Germanorum proponūt, & quamdemisè deprecantur, ne finitimum regem in ea rerum fortuna opportunum iniuriæ existiment, ne eum socium amicumque tam ingratè oppugnare contendant, qui Heluetios in honore semper habuerit, & maximis stipendijs, & priuatis quoque muneribus liberalissimè pace belloque affecerit, & in eam demum rerum amplitudinem & virtutis existimationem suis auspicijs perduxerit. Tribuerent aliquid antiquis foederibus, neque pro leuibus atque alienis belli causis, summa beneficia animo deponerent. Quod si bellum quàm æquissimam pacem malint, & Galliae vires tantoperè despiciant, vt belli casus communes esse non existiment, recordarētur quibus iniurijs, quot cladibus illatis, Cæsarem & Germanos antiquos hostes affecerint, quo potentiae eos euecturi sint, si tunc parta victoria, Burgundiam antiquis imperij finibus adiiciāt. Num Cæsarem verum & proprium hostem putent staturum nouis foederibus? ac nihil mox ausurum aduersus eam gentem, cuius sanguine Caroli soceri manibus parentare & vlcersci lethale vulnus ad Basileam acceptum quandoque desideret. Haec illi publice, & ad vulgus militum. Cæterum priuatim largitionibus aggressi pagorum primores, ingentia pollicendo, atq; omnes ad pacem pertentando aditus, breui plurium animos expugnarunt, quod neque arduum aut difficile fuit, propter factiones, quæ apud Heluetios erant. Nanque sicuti cæterarum quoque gentium mentes communis vnus morbus agitare consuevit, quo se contraria in studia scindant, & si externa desint mala, insanis dissensionibus domi sæuiant: ita Heluetios eadem mali tabes inuaserat. nanque asperi montaniq; homines quondam facta coniuratione, quum omnem suam nobilitatem vno prelio crudelissimè deleuissent, pugnasentque multis annis pro sola libertate summa eorum concordia viribus in vnum coalescentibus, & partium nomen, et diuersa studia dedidicerant. Sed posteaquam secundis bellorum euentibus, apud exteras nationes magni clariq; fuere crescente superbia simul & auaritia, vrbes atque oppida finitimorum occupare certantibus inter se bello regibus, mercenaria auxilia submittere, contemnere singulos principes, & denique illam veterem egregiamq; maiorum virtutem et disciplinam fidemq; venalia



venalia habere coeperunt. Ita vni soli pecuniæ, publicè priuataque seruietes,  
 quum multi liberalis opimæque militiæ apud Gallos actæ, memores inexpla-  
 bili auiditate, totius propè Italiæ pecunijs satisfieri sibi minimè posse existi-  
 rent, secessione facta ab his, qui secundum veterem constantiã, publico cõsilio  
 agebantur, ad fouendas Gallorum partes operam suam transtulerunt. Primi  
 omnium Bernenses, amplitudine ciuitatis & militum numero magnæ inter  
 ceteros authoritatis: Lucernenses demum & Friburgenses, ac multi præterea  
 ex alijs pagis iam vulgata inter milites pacis mentione, atque ex ea causa inter-  
 misso ardore oppugnationis, rem ad consilium deferunt: in quo principes e-  
 10 xercitus, tribuni, & primorum ordinum centuriones, præterea scribæ & signi-  
 feris sententias dicere, & de summis rebus deliberare consueuerunt. Nec Vlde-  
 ricum adhibent, quod virum fortem in ea rerum occasione belli auidum, & Cæ-  
 saris sequutum partes, paci aduersaturum intelligebant. Quare vt ex corruptis-  
 simo genere hominum consilium constabat, ita cuncti propè ad Gallum incli-  
 nant animos, ac petentibus pacem dandam, & reducendas legiones esse cen-  
 sent. Verum quo honestius commutasse belli consilia viderentur, & Cæsarem,  
 ad quem tota facti contumelia recidebat, aliqua ex parte lenirent, in has condi-  
 tiones pacem tam Gallo salubrem, quàm postea sibi calamitosam dixerunt.  
 Ludouicus Gallorum rex concilium Pisanum, quod in Galliam translatum  
 20 sit, atque omnem sacerdotum controuersiam edictis tollat. In posterum ab Ro-  
 mano pontifice non discedat, neque eius vrbes oppidauæ attrectet. Eam Bur-  
 gundiæ partem, quam iure consulti statuerint, Carolo Cæsaris nepoti restituat:  
 ex arcibus Mediolani & Cremonæ præsidia deducat: Gallia omni Cisalpi-  
 na in posterum abstineat: milites Heluetios nisi vniuersi oppidorū Magistra-  
 tus assentiant, mercede non conducatur: Heluetijs pro impensa susceptæ expedi-  
 tionis quater cetera milia aureorum nummum exoluat, intra quindecim dies  
 dimidium eius summæ, reliquum intra menses duos: Item Vlde-rico & decu-  
 rionibus equitum octo milia pro mercede impendat. Erant superbæ & peri-  
 30 niquæ conditiones, Gallorumq; animos ex indignitate rerum eò furoris ade-  
 gerant, vt conscriptas tabellas propè discerperent, quod Alpini homines inter  
 syluas, armenta, & abruptos montes nati, atque omnium propè humanarum  
 rerum egeni tantos sibi spiritus, ac tantam denique arrogantiam sumerent, vt  
 circumscribere præpotentem regem, eique per ludibrium acerbissimas leges  
 imponere auderent. Sed Tramulius nihil ea pudoris vanitate permotus, quod  
 respicere ad summam belli, atque omni industria præsentibus malis occurrere  
 sani & prudentis imperatoris arbitrabatur, concedendum aliquid necessitati  
 atque periculo, quod haud dubiè omnium salutem trahebat, iudicauit. Porro  
 Heluetij, quum iniussu regis nec pacè vllam foedusue rectè fieri posse, nec spon-  
 40 sori Tramulio credere tutum esse existimarent, propter necessariam tempo-  
 ris dilationem, quo spatium Ludouicus consuleretur, obsides postularunt, qui  
 capite luerent, si citra statutum tempus pacto non staretur, aut rex acta Tramu-  
 lij minimè rata & firma esse censeret. Itaque obsidibus acceptis, & ex formula  
 iurisiurandi tabulis conditionum obsignatis, castra mouent, & per Sequano-  
 rum fines sine maleficio domum reuertuntur. Hæc vbi in Morinos literis & fa-  
 ma perlata sunt, Cæsar, & Henricus haud ignari tantum sibi ad conficiendum  
 bellum facultatis & virium detractum iri, quantum hostibus ex ignominio-  
 sa pace terroris atque periculi decessisset, fractis tanta spe animis, ad aliam belli



gerendi rationem omnes cogitationes conuerterunt. Sed paulo post Cæsar merens querensque secum, quod in eo genere hominum ampliorem fiduciam posuisset, qui superioribus annis cæterorum etiam principum opinionem fefellerent, eadem celeritate qua venerat, in vltiorem Germaniam abscessit. Henricus autem post aliquot dies oppidis propè omnibus Neruiorum in potestatem redactis, quum diu rerum Hispanicarum expectatione frustratus, delusus ab Heluetijs, & ab cunctantibus Gallis iam exacta æstate, bellum spargere, & ad singulas vrbes circumducere exercitus nollet, relictis præsidijs ad tuenda quæ coeperat, Calesiam rediit, primo quoque tempore ad triumphum Scoticum in Britanniam traiekturus. Sed dum milites atque tormenta nauibus imponit, & tranquillitatem maris opperitur, Gallica classis quæ post Odoardum ad Blancasabiam interfectum, nihil ea æstate memorabile gesserat, è superioribus portibus deducta, ad freti angustias deflexit, eo consilio, vt Britannicam classem transportandis militibus occupatam aggredieretur, onerariasque ad Portesmutum insulam in statione relictas incederent. Verum tanta subito tempestas coorta est, vt magnis, si vnquam fluctibus mare illud intumuit, tunc maxime vadiosi freti æstu, & valida refluxus mole insanierit. Ita Gallicæ naues puncto temporis dissipatæ, quum aliquas hausisset Oceanus, aliquas litorum scopulis allisisset, ante portum Humfluorum naufragium fecerunt: aliquæ fuis armamentis quæ cursum tenere non poterant, capiendas sese parato hosti præbuerunt. Erant nonnulli mortales qui hæc in religionem verterent, & diuinam esse iram interpretarentur, quod schismate sacerdotumq; dissidio pollutam esse Galliam existimarent: quanquam ea die quæ fuit Idibus Octobris, acciderit, vt Luna plena esset, qui dies testimonio C. Cæsar's maritimos gestus maximos in Oceano facere consuevit. At Ludouicus post pudentiam pacem, dissimulata palam ea insigni contumelia, quum decessisse finibus Heluetios, Ferdinandumque regem nihil Henrici generi successibus permotum, præclare induciarum fidem tueri, contentumque Cantabria suis se tenere Pyrengei saltibus, et iam senescere Britannicum bellum, instareque hyemem aduerteret, nudato animo condiciones improbare atque reiicere coepit, tanquam summæ iniquitatis & insolentiæ plenas: ideoque testari, se tam superbæ paci nequam statutum, quam Tramulius ex arbitrio cum Heluetijs spondidisset. Consiliarij quoque & magna pars togatorum, postquam ex indignitate pactio- nis regem furere, criminarique vltro Tramulium viderunt, ex adulatione & metu potius, quam quod id ex æquo & iure esse dicerent, vt pacem irritam facerent, pœnitentiæ & fraudi vanam iuris speciem imponere contendebant, quod Tramulio iniussu regis non licuerit vlla turpi sponfione bellum finire, exemploque Caudinæ pacis quondam cum Samnitibus à Consule Posthumio factæ, nihil quod Gallo ex pacto, vel religione obligaret, iniussu regis rite fieri sanciriue potuisse. Num etiam eodem iure, si Tramulius ex metu, vel sua temeritate spondidisset, Regem diadema positurum, vel Luteciam Parisiorum antiquissimam regiam deserturum, traditurum arma & vniuersam Galliam Heluetijs vectigalem facturum, ea omnia ex æquo & bono sponfionis pariter seruanda forent. Ex aduerso quoque non deerant, qui hæc vti inania & puerilia detestantes, priuatis sermonibus dicerent, Tramulium egregium fortemque virum cuncta ordine sapientissimeque fecisse, quod in ea rerum desperatione tot hostibus coniuratis, hinc & inde prementibus, atque alijs haud sincera fide euentum



uentum belli spectantibus, salutem totius Galliae maturè atque opportunè consuluisse: eum esse inter Gallie proceres, qui multis rebus integre & feliciter gestis, carpentis vulgi inuidiam virtute superet: non ea rectè improbari consilia, quibus cautus Imperator atq; hostium expertus, magnis periculis occurrendū esse duxerit. Ceterum Heluetij quum se deceptos intelligerent, quod Ludouicus pecuniā non dinumeraret, quā ipsi ante alia deposcebant, mani festeq; appareret, nihil cum ex eo foedere præstatū, coacto apud Lucernam concilio, iura iurando omnes affirmauerunt, se quamprimū per occasionem possent, virtuos deceptorem regem, atq; eadem quæ foedere promississet, armis repetituros.

16 *Habitu* insuper quæstiones de his qui enixe fouisse Gallorum partes ferebantur. Tortus inter alios Gaspar Goldilus factionis princeps: de aliquibus etiam crudeliter supplicium sumptum: nam vulgus militum et sordidissimi quique procul à militia, claros homines multis fortibus factis, qui ordines apud Gallos duxerant, crimini atq; inuidie expositos deferebant. In quos ab accensis ira Magistratibus tanto seuerius animaduvertebatur, quanto omnes eleuare infamiam turpissimi facti, & foederatis principibus satisfacere cupiebant. Eadem estate iussu Leonis pontificis, Bernardinus Caruaial & Federicus Sanseuerinas pseudocardinales, quos per interregnum ad Liburni portum captos, & Florentiæ asseruatos memorauimus, Romam venerunt. Quibus mox à Leone supplicibus ac veniam petentibus, antiquus pilei honos restitutus, magna tamen patrū dissensione. Namq; Mattheus Sedunensis efficacis ingenij, & acerrime vir eloquentis, Christophorusq; Eboracensis Gallorum hostes, grauiissimis orationibus aduersabantur, quod ad eosdem dignitatis gradus, foedo, & in posterum exitiabili exemplo reducerentur, qui misere in primis Italie, & sacrosancto pontificie libertatis propugnatori, excitato ubiq; terrarum belli incendio, tot calamitates intulissent. Verum pontifex cuius mite ingenium facilemq; naturam in specimen ceterarum virtutū omnes illo tempore laudabāt, clementius agendum sibi aduersus eos, quos opera sua captos constabat, existimauit, ut pontificatus initia quiete rerum paceq; firmaret, & finē imponeret controuersijs, quas

36 translato Lugdunum concilio turbulenti sacerdotes excitarent. Siquidem festos, & aduersis successibus fractos, ostentata spe veniæ, ad sanitatem redituros apparebat. Nec multo post Ludouicus haud ignarus tantam bellorum molē, qua ipse obrutus quallatusq; vix steterit, ab diuina ira pendere, ut religioni ac pontificie maiestati satis faceret, perturbatoq; & exhausto regno consulere, adulterinum cōcilium abrogauit: iussitq; Claudium Massiliensem Episcopum et Solerium legatos suos Lateranensi adherere: illudq; prædaminato Pisano, ut sanctum atq; legitimū approbare. Idem fecere Guliermus Maclouiesis, et Renatus Baiocensis: qui & ipsi antea à Iulio gradu pulsi, ad pristinos honores redierunt. Eodem quoq; anno Iulianus Medices Leonis frater, ab Senatu populoq;

46 Romano ciuitate donatus est, in cuius gratiam, in area Capitolij temporarium theatrum extructum est, omni picturarum varietate mirifice cultum. Egeret in scena Plauti Penulum decore mirabili, & prisca quidem elegantia Romanæ iuuentutis lepidissimi quique, variaq; extra ordinem poemata recitata, florentibus non aliās fecundiore seculo Poetarum ingenijs. Siquidem pontifex liberalibus disciplinis institutus, veluti paternam gloriam in eo virtutis genere superaturus, quum publico elogio, Literatorum *PRESIDIUM* inscriberetur, studiosos omnis elegantiae, qui inter armorum strepitus nō emergerant, iam tum magna spe liberalitatis accenderat.



## PAVLI IOVINI

VOCOMENSIS, EPISCOPI NV-

CERINI HISTORIARVM

S VI TEMPORIS.

## LIBER XII.



VM hæc in Gallia atque Britanniæ gererentur, Cardo-<sup>10</sup>  
 nius & Prosper, qui vt supra memorauimus, Gallo ab  
 Heluetijs profligato, Liuium à Tombis Patauium re-  
 deuntem subsecuti, in Venetiam duxerāt, Patauinum o-  
 mnem agrum ac Vicentinum nullo prohibente popula-  
 bantur. Enimuero Liuianus & Baleonus ex decreto Se-  
 natus partiri inter se copias, & Patauium atq; Taruisium  
 præsidio tueri iussi, vt imminentem hyemem expectarēt,  
 nullam hostibus pugnae copiam faciebant. Emittebatur autem leuis armatura  
 equestris, quæ subitis excursionibus hostium pabulatores infestaret, cogtio-  
 scendisque eorum consilijs, ad castra exercitatione quotidiana progredere-<sup>20</sup>  
 tur. neque id sæpius frustra factum: nam quum Caruaial e castris in proximum pa-  
 gum diuertisset, à Mercurio, qui per momenta temporis vestigia hostium ob-  
 seruabat, captus est. Eius equites, inter quos erat Spinosa vir fortis cum duo-  
 bus militum præfectis, diu frustra per angustias viarum colluctati, vt eruptio-  
 ne euaderent, in potestatem absque vulnere deueniunt. Transfugerat paulo  
 antè Mercurius à Cæsare ad Venetos ex inconstantia animi, an ob iram for-  
 te aliquam, vel spem liberalioris militiæ, nobis incompertum. Cæterum Car-  
 donius ostensurus magis oppugnationem, quàm tale negotium summa vi ten-  
 taturus, productis castris duobus passuum milibus à Patauio consedit: neque  
 enim propius castrametari licuerat: quoniam Veneti per id tempus, quod va-<sup>30</sup>  
 cuum à bello atque ab hoste otiosum fuerat, Patauium tanquam belli arcem, &  
 Venetiarum propugnaculum mirabili studio communiuerant. Suburbanas  
 villas, hortorum sepes atque macerias, excisis quoque opacis arboribus, ne vel  
 umbram quidem qua tegeretur hostis haberet, solo æquauerant. Inde felices a-  
 gri vasta planicies circumquaque patescens, nihil tutum si in conspectum vr-  
 bis venirent, à tormentis, quæ pro turribus disposita fuerant, relinquebat. Ob  
 eas difficultates Cardonius & Prosper fossam, per quam tuto copias atque, tor-  
 menta ad murum perducerent, facere instituunt, ea quidem ratione, vt egesta  
 humus in læuo margine aggerem faceret, atque altitudine sua commēantes mi-  
 lites ab omni missilium iniuria tueretur: ita ex tuto moenibus appropinquare,<sup>40</sup>  
 vineas agere, & nouis operibus obiectis muralia tormenta subuehere posse cō-  
 fidebant. Verum quum per aliquot dies contracto ex agris magno agricolarū  
 numero, aliquam operis partem perfecissent, & ex vrbe expeditæ cohortes atq;  
 equitū turme in opus molientes emissæ, omnia turbaret: institutū aggeris quod  
 minoribus etiam ducibus difficile videbatur, omissum est. Sed nec postea per  
 otium dies acti: nam vtrinque equites & pedites leuia certamina committe-  
 bant. Vnum fuit memorabile, Tres Hispani pedites elati animi, Italos ad cer-  
 tamen



tamen prouocarunt, nulla quidem priuata similitudine: sed ut si essent aliqui Romanæ indolis in Veneto exercitu, contra progredierentur, & paribus armis pro gloria decertarent. Liuianus, quum ea vox à militibus alacriter excepta fuisset, multique certatim eas partes deposcerent, totidem manipularios expertæ virtutis emisit: qui breui vno è tribus Hispanis interfecto, cæteris suciatis & captis, victoriam cum plausu & gratulatione militum retulerunt. Iam æstas præcipitauerat: Cardoniusque & Prosper nequicquam oppugnatione tentata, ad Albaretum prope Athelim castra reduxerant, quum Mattheus Gurcensis cardinalis, qui tunc Veronæ præerat, vrgeret literis ac nuncijs duces cœpit: inculsa-

10 re eorum otium, & palam conqueri, quod exercitum tot auxilijs firmum, paratumque omnes labores pro Cæsare subire, in æstiuis tam diu esse paterentur: nihilque iam propè exacto autumno, quod ad commodum tuendamque existimationem Cæsaris pertineret, effecissent. Ducerent quoquo modo in hostem, & cum excidio hostilis agri Fortunam periclitarentur. Milites quoque Germani atque Hispani, apud quos spes prædæ, cædes, vulnera, & virtutis decus omni securitate atque otio cariora ducebantur, turbidis vocibus, uti ad aliquod egregium facinus educerentur, flagitare: vix abstinere à probris: & ducum famam lacerare. Quibus de causis excitatus Cardonius, commutandam sibi omnem bellirationem existimauit, vocatisque in prætorium præfectis: Scio, inquit,

20 viri fortes vsuque militiæ periti, perfidiæ mihi vel ignominia parari contumeliam, si nouum consilium euentu aut asperum aut felix minimè capiamus. Enimvero patientiam meam vinci patiar: succumbamque paucorum libidini, qui me dicunt ex composito bellum alere, & delectari magis Imperio & populationibus, quam vera laude maturaque victoria. Duæ sunt in conspectu munitionis hostium vrbes, Patauium atque Taruisium, quæ oppugnari capite nostris viribus haud facile possunt, quum id Cæsar ipse, ac paulo post Roseus atque Palitia multitudine fortissimorum militum, ac mirifico oppugnandæ urbis apparatu freti, difficillimis etiam Reipublicæ Venetæ temporibus, cum iactura tentauerint. Superest, postquam finiendum est bellum, ut nostra virtu-

30 te atque ausu, omnibus incommodis atque omnibus belli calamitatibus hostes, qui congressum vanis artibus deuitant, exagitemus. Neque hoc erit factum difficile, si transmissis Medoaco, ea oppida quæ ad mare sunt infestis armis adeamus, atque omnia ferro igneque populemur. Tunc enim hostes, qui per ignauiam inclusi in castris hybernorum tempus opperiantur, ulturi iniurias, aut in aciem descendunt facultatemque victoria præbebunt, aut luctuosum regionis excidium prospectantes, nos omni præda onustos & intactos redire patientur. Duces qui in consilio aderant, in vtranque partem disputatione habita, variè sentiebant. Alij enim quibus feruida ingenia, elatis exercitus viribus prosperos rerum successus polliceri, consilium Imperatoris qui dignos suo nomine spiritus

40 gereret, laudare: alij contra rerum vsu & militari prudentia insignes, intempestiuam Cardonij audaciam non probare: non esse enim eò temere procurrendum, unde vel difficilis receptus foret, vel clades, aut ignominia timerentur. Ipse ante alios Prosper Columna, qui virtutis militaris inueteratæque prudentiæ fama, quanquam ad Cardonium summa imperij respiceret, cuncta propè in eo exercitu administrabat, cunctator natura, & cui belli casus atque fortuna maximè displicebant, multis rationibus Cardonij consilium improbare, immoderatam eorum fortitudinem, qui temeritatem atque Fortunam pro disci-



plina sequerentur, coarguere. Qui si, inquit, postquam hostes contemnitis, dum in sinu eorum cuncta ferro flammaque populamini, tunc imbres è turbida nube ceciderint, ut anni tempus & regionis natura minantur? Num aliquā aut reditus aut salutis spem habebitis? Num putatis, dum inexplicabiles imbribus viæ, lubricus & limosus ager inflatique amnes iter expeditum denegabunt, tunc Liuiani ingenium percitum & ferox quieturum? Non conuoluturam ad excidium nostrum montanorum agrestium multitudinem, quibus nihil infestius, nihil crudelius? Num si obsessis itineribus commeatum auertāt, & eminus & cominus laceffant agmina, onusti sarcinis, enecti fame, nullo stabili vestigio innixi aciem explicabitis? & spem in dextris atque virtute pōnētis? Ego Cardoni sicuti finem belli atque victoriam hoc exercitu incolumi nobis non serò obuenturam arbitror, ita propositi tui sententiam graui proximam periculo minime laudarim: quòd si id duxeris è commodo Ferdinandi regis & Cæsaris, ipse votis nuncupatis, ut ea res prosperè atque feliciter cedat, lubens volensque iter & arma primus arripiam. His verbis Prosper, quanquā iniecto discriminis metu aliquorum animos perculisset, videreturque is ardor, ut ex vultu apparebat, aliqua ex parte refrixisse, nihilominus Cardonius in sententia, ut proficiscendum esset, perseverare, nihilque dictis Prosperi commoueri, urgente maxime Piscario, qui quum pedestribus copijs præesset, agendo pugnandoque laudem quærebat. Igitur postquam de profectione decretum fuit, pronuntiari iubet, ut milites scorta, quæ in varios vsus Germani, Hispani vero ad libidinem trahere consueuerunt, inutilesque ministros dimittant, sarcinas & impedimenta relinquant: nihil præter arma parent. Hec omnia, simul & inualidos vel parum idoneos milites Veronam remittit. Postero die illustrato exercitu cognoscit, hanc esse summam copiarum: Hispanorum tricenarias cohortes quindecim: Germanorum septem, quarum singulæ quingentis fere militibus constabant, veteranus vterque miles, & recenti virtutis gloria insignis, utpote qui nuper ad Rhauennam inter se fortissimè dimicarant. Hispanis Piscarius, Germanis Iacobus Landaus præerant. Septingenti item equites cataphracti ex vetere militia Ferdinandi Regis. Centum quoque & quinquaginta Germani sub Riciano, & Celembergo Cæsaris ducibus: atque item leuis armaturæ expedita manus, quam Succarus Heduus ductabat. Ex Pontificis vero exercitu (nam Leo fauere Cæsari ex Iulij pōtificis fœdere tenebatur) Troilus Sabellus, Mutius Columna, & Ursinus Mognanius: hic leuis armaturæ equitum alam vnā, illi autem cataphractorum duas adduxerant. Sexcentientiam Hispanici generis equites, in quibus plerique sagittarij sub Petro Castrio censebantur. His copijs optimè instructis, Cardonius duodecim falcones æneos præsidij causa adiungit, & ab Albareto ad Bouolentam castra mouēs (Id oppidum opulentum & frequens, primo incursum occupat ac diripit) Inde ad Medoacum progressus incerto profundoque alueo decurrentem, cymbis ac lintribus, quas carris aduexerat inter se connexis, continuo superat, atque in sinum fertilissimæ regionis cuncta belli clade euastans defertur. Hinc Plebis Sacci celebre oppidum euertitur, capti incolæ, direptæ domus, abacta armenta, & iniectæ demum ædibus faces: mox quum furens barbarus in ipsas suburbanæ littoris delicias peruenisset, infelices passim villas, & superba prætoria, quæ regio sumptu longa in pace ac florentibus Reipublicæ temporibus Veneti primates extruxerāt, maiore quàm vnquam in inuidia in Italia debaccharum



tum fuerit, miserabili incendio absumpsit. Troilus quoque qui triennio ante à Venetis discesserat, cum equitibus suis & cohorte vna progressus ad Licefucinam vicum, vbi naues versatili machina è Medoaco in Hadriaticum traducuntur, omnia metu complet, ac in prædam vertit. Deseruerant ædificia accolæ: & cum armentis metu territi Medoacum transierant: religatisque in vltiore ripa omnibus nauigijs, ne illis potitus hostis ad transitum vteretur, sagittis eminus sese ac ripam tuebantur. Troilus contra dispositis sclopettarijs eos territat, atque è ripa depellit: mox militem adnatare & retrahere scapham iubet. Quæ è vestigio retracta scandentibus plurimis, ceteræ naues ab vltiore ripa soluntur ac traducuntur: confestimque earum beneficio flumen traicitur. Agrestes etsi multitudinî suæ, & sagittis quas ligneis arcubus emittunt, multum confidebant, quum militum impetum sustinere non possent, in proximas paludes confugerunt. Hoc confecto negotio Troilus ex priuato quoque odio hospitalibus diuersorij cæterisque ædificijs incensis, in castra reuertitur. Eodem quoque tempore Mutius cum ala equitum & valida Germanorum manu, Mestrium frequentissimum oppidum contendit: fusisque in itinere paucis hostium equitibus, quum coniectos in fugam continuo sequeretur, eodem cursu immixtus Venetis, portam irrumpit, viribusque superior, desertum à Mestrinis oppidum occupat: arcemque pari fortuna temerè munitam interfectis defensoribus capit, ac statim sequentibus Germanis in discessu oppidum incenditur. At Cardonius & Prosper interea cum tota mole exercitus circumiectum agrum eximie fertilitatis effusè populati, ad Margheriam maritimum vicum castramentantur: indeque breuissimo maris interiectu prospectantes hostium sedem, tormenta per aggerem in proximum littus deduci, & in contumeliam superbe atque opulentissimæ ciuitatis displodi iubent. Earum non aliàs maiore metu attonita ciuitate, non tam sclopis boatuque horrifono plebis sceminarumque aures perculit, quàm conscriptos patres: atque ipsos magistratus in aduersis semper intrepidus, incredibili mœrore affecit. Fumabant procul grassantibus incendijs villæ, vici, castella, oppida: neque aliud quàm tantulum maris spatium similem vrbs calamitatem morari videbatur. Erant qui è sacris turribus, & speculis, cognito tractus ac littoris situ, propriarum villarum flammam agnoscerent, et cadentes domos frustra lachrymis prosequerentur. In tanta calamitate, quum omnium animi ad vlciscendum arderent, Liuianus propè insaniens, per literas ac nuncios singulis horarum momentis ab Senatu petere, ne se diutius in otio clausum teneri, ne tot ac tantas iniurias cum ignominia è mœnibus contemplari ac deslere absque villo vindictæ solatio paterentur: habere se iustum exercitum duratum in armis, ardentem pugnæ studio, vindictæ cupidine vehementer incitatum, quo demorari hostes impeditos prædæ onere, transitu fluminis prohibere, ac concidere facile possit, si sibi ius imperij pugnandique potestas libera relinquatur. Ergo summo omnium studio ab Senatu Liuiano rescribitur, exercitum sub signis educat: cum Baleono iunctis viribus vna castra faciat: & si id è commodo reipublice duxerit, quàm primum nactus & loci & temporis opportunitatem, cum hoste configat. Decreto Senatus accepto, Liuianus parat sacra publico ac patenti in loco. Quibus peractis, apud milites concionatus, exploratam, inquit, certamque victoriam hodie non haberem de barbaris immanissimisq; latronibus, qui tot calamitatibus illatis, onusti præda simili quoque temeritate effugere imminentem cladem, & pacato itinere redire



posse confidunt: nisi vos illi iſdem eſſetis, qui tot efferis nationibus ad excidiū Veneti nominis conſpirātibus, quod reliquum ſuper eſt Italicæ virtutis decus per tot caſus atque pericula conſtantiffimè conſeruatiſtis. Enimvero cum vos conſidero milites, atque hoſtium conditionem intueor, magna me ſpes victoriæ tenet: ab longa ſiquidem quiete recentium virium robore præſtantes, magno atque exercitato equitatu, tormentorum omniumque rerum apparatu ac copia, quæ deſiderari in negotio poſſint, inſtructi, cum his hoſtibus pugnaturi eſtis, qui præda graues, conſecti propè inedia, numero pauci, & linguarum varietate diſſimiles, vix primum noſtrorum impetum ſuſtinebunt, quum maximè nobis obſtantibus, experiri altitudinem fluminis, in ripa conſiſtere, pugnareque oportebit. Neque hoſtium duces in dubijs & repentinis pugnae caſibus vno conſenſu eadem conſilia capturos arbitremini, quibus diuerſa omnino ingenia & varios animi impetus diſſimili linguæ morumque commercio aliud atque aliud cælum indiderit. An dum hic pandi aciem, ille denſari, & ſiſti agmen, inferriue ſigno vno tempore mixto imperio videbunt, & tunc Germanus Hispanum, & vtrunque Italus audiet, vel iuuabit? Vicimus proſecto milites, vicimus, niſi Dij, qui ſatis ſuperque hæcenus huic reipub. irati inſeſtique fuere, tãtorum ſclerum ultores adeſſe noluerint. Hæc quum dixiſſet, acclamantibus præfectis, atque vniuerſa concione, vt ſignum proſectionis daret, magna ſpe & lætitia omnium copias eduxit: & ad Medoacum vbi hoſtes tranſituros exiſtimabat contendit. Inde Baleonum à Teruiſio, & cæteros milites, qui in præſidijs erant, ad ſigna venire: Paulumque Manfronum ad contrahendam agreſtium multitudinem in ſaltuoſa & montana loca proficiſci iubet. Habebant tunc caſtra Hispani ad Campum ſancti Petri, quum nunciatum eſt, Liuianum cum vniuerſis copijs vltra Medoacum conſediſſe: ibique prælii & vindictæ audum, quominus flumen tranſeatur armis prohibitorum eſſe. Ea res vaſtitati finem fecit: quoniam ſuſpenſis omnium animis audaciſſimi etiam quique militum, non quàm latè, aut crudeliter vexandi incolæ, exurendū ſue amœniſſimus ager forent, ſed quo modo prædam referre, & vitam tueri oporteret, cogitabant. Igitur Cardonius coacta præda vt antequam Liuianus vniuerſas vires contraheret, ipſe ſuperato flumine in pacata loca reuertetur, ad Medoacum vbi in vltiora ripa hoſtes conſtiterant, peruenit. Eo in loco aliter atque ipſe putauerat, quum difficilia aduerſaque omnia reperiffet, paratos ſcilicet in armis hoſtes, ripam magno tormētorum numero communitam, dum cem ferocem promptumque ad omne belli facinus obeundum, cœpit animo agitare quo detrimento militum, & quanto totius ſummæ rei periculo, ſi in ea parte vadum fluminis tentaretur, vniuerſus exercitus traducendus eſſet: ac demum accire Proſperum atque Piſcarium, cæterosque duces conſulere, quoniã de ſalute omnium agebatur. Viſum eſt peritioribus ſuperiora vada fluminis eſſe pertentanda, noctuque eo progrediendum, ac ignaris hoſtibus è veſtigio tranſeundum. Miſi exploratores renunciare poſſe facilè ſuperari amnem, ſi ſupra ad ſextum miliare æquioribus ripis coercitum ac placidè decurrentem peterent. Ergo Cardonius de ſecunda vigilia caſtra mouet: relinquit ignes atque omnem leuem armaturã equeſtrem, quæ ſpeciem præſentis exercitus faceret, atque hoſtes diſtineret. His demum imperat, vt ex oriente ſole plures in ripa fluminis obuereſcent, ac ſimulato tranſitu alueum tentent: cæterum globo factò caſtra ſubſequantur. Vix dum certa luce ad locum peruentum eſt, quum extem



plo primi agminis duces flumen ingressi, omnem simul equitatum in aduer-  
 sam ripam educunt. Hispanorum quoque phalanx eodem tempore infra equites, qui  
 impetum fluminis refringebant, consertis stipatisque ordinibus non formida-  
 uit altitudinem profluentis. Nanque sicuti incertis passim vadis transibant, ac-  
 cidebat ut aliqui pectoribus tenus mergerentur, aliqui vero capite solo exta-  
 rent. Erant magnum ad superandam vim fluminis incitamentum, ipse ante o-  
 mnes Piscarius pedes cohortando signiferos flumen intrans: & cum eo ornatif-  
 simi primorum ordinum centuriones, qui ducis exemplo ex equis descende-  
 rant, & ante alios in amnem se coniecerant, ut manipularibus suis equarentur.  
 10 Hispanos Germani, & mox Cardonius & Prosper cum alijs copijs subsecuti  
 sunt, ac demum levis armaturæ equites: qui ex composito ludificati hostem, ut  
 imperatum fuerat, consequebantur, fluuium transmiserunt. Occurrere satis in  
 tempore transeuntibus Epirotæ antecursores. Nam Liuianus suspicatus quod  
 erat, intempesta nocte hostes inde mouisse, expeditam equitum manum spe-  
 culatum præmiserat: ipseque in albescente cælo, cognito hostium discessu,  
 fuerat insecutus. Verum quum hostes paratos ad dimicandum in acie reperis-  
 set, leui certamine ad aquam facto prælio abstinuit: siue quod Baleonum acci-  
 tum è Taruisio expectandum esse censebat: siue quod ad iniquam pugnandi con-  
 ditionem perducendos prius hostes esse, quam manus cōsereret, arbitrabatur.  
 20 Ita à superiore consilio depulsus Liuianus, alia ratione hostibus iter præclusus  
 rursus Vicentiam cōtendit: nam euastata vrbs illius futura erat, qui prius incusto-  
 ditam neglectamque occupasset. Erat locus in via publica, secundo ab vrbe lapi-  
 de, prope pagum cui Vlmio nomen est, satis idoneus, si vel mediocriter operi-  
 bus muniretur, ad prohibendos transitu hostes: quoniam nulla commodior  
 via, qua eos redire necesse erat, Veronam ferebatur. Hunc locum Liuianus ag-  
 gere propè extructo ac perducta fossa, ut viæ spaciū concideretur, adductis tor-  
 mentis egregie communit, ac opportunè cū Baleono, qui dudum venerat, ci-  
 tra loci angustias castrametatur, lætus admodum quod hostes aut ex iniquissi-  
 mo loco, si vi euadere tentarent, pugnatuos, aut si absteriti aliò iter flecte-  
 30 rent, ad extremam contineatus inopiam, & mox in deditiōem peruenturos  
 esse iudicabat. Interea Cardonius eo consilio ut rectà Veronam contenderet,  
 cum omnibus copijs ad Vlmum processit, vbi quū concisa itinera, occursumque  
 hostium occupatas viæ & collium fauces cognouit, quoniā diei parum super-  
 erat, & fessus itinere miles erat, quingentis passibus ab Liuiano castra ponere  
 coactus est, maximo suorum cum labore: nam legentes locum figentesque tento-  
 ria, directis tormentis Veneti, metu, cæde, incommodisque turbabant. Fuere  
 Hispanorū castra, quandiu ab luce diei permissum est, pauoris atque periculi ple-  
 na, quum nihil tutum à tormentis relinqueretur. Tanta erat pilarum vis quæ  
 frontem lateraque feriebant, ut integri peditum ordines, extensis humi pectori-  
 40 bus procumbere, equites post dumeta atque arborum stipites occulere sese, aut  
 deprelsiora loca quærere cogerentur. Sed nox insequens crescente metu du-  
 rior atque turbidior fuit: quoniam Baleonum castra castris iunxisse, et magnum  
 numerum agrestium à tergo instare: & quæque viarum plana, perductis passim fos-  
 sis, atque aggestis cespitibus, interrupisse cognouerant. Quibus de causis fiebat,  
 ut quum a fronte obstante Liuiano perumpere in patentem viam non possent,  
 consternatis metu omnium animis, nulla solita alacritas, nulla spes, nullaque pri-  
 stina virtus in mæsto exercitu viseretur. Iamque apparebat Prosperum, qui tem-



ritatē susceptae expeditionis damnauerat, vatem futurū, si effusior imber (quod solum ad extremam calamitatē deerat) superueniret. Ad hæc incommoda bi-  
duo antè absumpta omni re frumentaria, solis abactę prædę carnibus fatigatus  
exercitus vascens: ita excitatis ignibus, quantum nec satis esset ad torrendos bo-  
ues, quos ab aratris abduxerāt, fessi attonitiq; lucem simul atq; euenum incer-  
tæ salutis opperiebantur. Interim dum instratis equis, induti arma insomnes  
totam noctem agunt, præfecti alarū ac primores ordinum ad prætorium Cardo-  
nij frequentes adesse, de summa tanti discriminis consultare, per vices circuire  
exercitum, milites bono animo esse iubere, nihilq; quod metū alijs augeret vul-  
tu præferre. Inter alios Prosper discurrendo legiones & equites allocutus, cum  
ctos certa spe fiduciaq; complebat. Tanta erat eius viri opinio, vt in summa e-  
tiam rerum difficultate, eo duce nihil aduersi contingere sibi milites posse time-  
rent. His rerum angustijs dum premerentur, disputatione habita, eod omnium  
sententiæ inclinarunt, vt retrocedendum, ac mox dextrorsum qua via Balsia-  
num ducit, iter flectendum esset: eo quidem cōsilio, vt discedentes, Liuianum,  
quem natura pugnacem atq; insigne aliquod facinus acri animo volutantem  
agnoscebat, ex munitissimo loco in equam planiciem attraherent, atq; ibi vt  
antea depoposcissent aninio confirmati consererent manus: aut si hostis pugna  
persecutioneq; abstineret, iuxta Tridentinos montes circuitu capto, atq; eui-  
ta Vicentia, Veronam in columnes reuerterentur. Igitur Cardonius paulo an-  
tequam dilucesceret, vasa colligi, & sine tumultu signum profectionis militib;  
dari iubet. Sed dum premisis impedimentis, Prosperum, qui ex instituto pri-  
mum agmen dūtare consueisset, ad capiendum extendendumq; iter hortare-  
tur, suborta est grauis & decora contentio inter eos de ordine acierum: quæ (vt  
mihi videtur) pro disciplina in reliquum tempus documēto esse possit, negan-  
te scilicet Prospero se antecessurum, quando sibi tum postrema acies certo iu-  
re conuertendæ in hostem frontis, insigniq; ineundę pugnę prærogatiua debe-  
retur. Dislerebat enim acriter Romano more, decus suum tueri solitus, ex lege  
militari nequaquam eam esse primam aciem, quæ in itinere incedenteq; toto  
exercitu ceteras omnes anteiret: sed eam omnino vocari primam, quæ opinio-  
ne virtutis firmissima, graui iudicio institutoq; vel à fronte, vel à tergo occur-  
renti hosti opponenda censeretur. Id quum præfecti veteres approbarent, Car-  
donius pro suo ingenio altercanti facile cessit: adeoque expeditè et cupidè præ-  
gressus est, vt Alarco vir falsus, & cautè mordax, Imperatorem rectè probeque  
facere diceret, quod absq; alienæ laudis obtreccatione, vt instantis pugnæ pe-  
riculo honestè subduceretur, legibus parère didicisset. Ex euentu enim prælii  
ad Rhauennam, vnde intactus euaserat, nō magnoperè pugnam, sed cautus ha-  
beatur. At Liuianus qui statim ab aurora regressum hostium iterue, et eorum  
ordinem, quod nebula densior orta ex humore telluris intexerat campos, clā-  
rè prospicere nequiuerat, vt primum comperit discedere hostes, quanquam a-  
nimus aliās moræ impatiens, nequaquam arderet cupiditate pugnandi, incre-  
pante segnitie atque imperante Lauredano legato, tanquam in compositi ac-  
planè fugientes e manibus elaberentur, signa canere, & duce Antiniola procur-  
rere expeditos equites iubet. Verum conuersus ad Hugonem Pepulum, Gui-  
donemque Rangonum, periclitemur, inquit, vel temerè, sed generosè tamen  
prælii fortunam, postquam immodica vis Imperij rationem vincit, ne si hodie  
cautus & cunctator esse velim, paulo post ignauitæ aut perfidiæ accusatus in  
Senatu



Senatu prægrauante inuidia, funesto Carmagnolæ exemplo, aduersis ac mali-  
 gnis imperitorum suffragiis concidam. Hæc ab his, qui aderant didicimus. Via  
 erat, ut supra memorauimus, per angusta in faucibus collium, per quam Vene-  
 tus extenuatis ordinibus transire cogebatur, inde latior campus quo Hispani  
 infederant, circumquaque mollibus tumultis conclusus in medio pateſcebat.  
 Illuc vsque euectus Liuiatus, præmissa primò leui armatura equestri, cum tri-  
 bus falconibus, quæ postremum abeuntium agmen carperet, ac demoraretur,  
 omnes copias ac tormenta superatis angustijs in planiciem eduxit. Iam eque-  
 stre prælium, quod primò segniter fuerat initum, displosis statim falconib. ex-  
 10 ardebat, quum Germani equites globo facto procurſantes Venetos propel-  
 lunt, coniectosque in fugam deferere falcones cogunt. Conſpicatus hoc vix-  
 dum instructa acie Liuianus, nulla interposita dubitatione, quod res in celeri-  
 tate posita videbatur, ne primi refugientes alios iniecta trepidatione turbaret,  
 pugnae signum proponit, Baléonum, quem dextro cornu præfecerat, laxiore  
 circuitu in latus apertum irruere: Antonium Pium ab leuò arctius aduersus ho-  
 stium pedites consistere, & circumfundere velutum alas iubet. Ipse mediam a-  
 ciem ex flore, et robore militum densatam in qua Sacramorus, Guido Rango-  
 nus & Hermes Bentiuolus curabant, in medios hostes inducit. Re cognita Car-  
 donius, & Prosper qui quadrato agmine incedebant, ut si qua iñponeretur di-  
 20 micandi necessitas, subitum casum expedito exercitu subirẽt, primi agminis  
 præfectis significant, ut quum primum hostium pedites in proximo conspe-  
 xerint, prælium committere non dubitent. Interim è media acie Veneta ca-  
 taphracti equites, Germanos quos cœptæ victoriæ spes ardentius prouchebat,  
 adorti primo impulsu repellunt, stratis vuulneratisque Ricciano & Celember-  
 go, Succaroque eorum ducibus, suos ad signa vsque sequuntur. Troilus, qui  
 in ea parte iuxta viam publicam antè vexilla turmarum constiterat, animaduer-  
 so periculo, laxari aperiri que paulum ordines, ac liberum spacium fugientibus  
 dari, ne turbati ac trepidantes integrâ certamq; aciem miscerent, eosq; ut transi-  
 bant nequicquam morari, sed continuo in postremum agmen refugere iubet.  
 30 Demum ipse & Mutius, & Alarco, quum vniuersæ pugnae, quam omnibus ar-  
 tibus petebant, occasionem adesse cernerent, signa inferunt: & si vnquam alias  
 magno ardore procursum fuit, in prouentes hostes incurrunt. Erat vtræque  
 acies et numero & virtute equitum propè par. Quingenti enim ferme vtrinque  
 ex Italia veterani singulari decoris studio atrocissimâ pugnam edebant. Iamq;  
 Liuianus huc & illuc volitans, testatus illam diem, illam aciem fore & laborum  
 finem & præmiorum initium, tanta vincendi spe suorū animos accenderat, ut  
 nonnulli per confertissimos acerrimè depugnando ad vexilla vsq; penetraue-  
 rint, conatiq; ea abripere, quū fortiter resisteretur, discerpserint: & Ebrardum  
 Corneū Mutianę aq; signiferum egregiæ virtutis senem, cū filio impigro iuue-  
 40 ne interfecerint. Verū integra spe atq; integro vtrinq; metu, dū equites in fron-  
 te cōcurrunt, Prosper cōcionabundus singulos ordines præteruectus, hinc Pi-  
 scarium cum Hispanis, illinc Landaū cum Germanis peditib. pari acie ac passu  
 inferre gradum, ac peruadere in medias hostium cohortes iubet. Eorum tātus  
 fuit suo pōdere incumbentium impetus, ut cohortes Baboni Breſechelli, quas  
 eximiae virtutis opinione Liuianus primas hosti obiecerat, vix tentato certa-  
 mine, penè priusquam hostem viderent, terga verterint. Tunc media acies e-  
 questris, ab latere vno peditum nudata, impelli primò ac vrgeri acrius, mox cum



cæde conuerti in fugam cœpit, neque cadentibus primis, quanquam pugnacissimi quique equitum, impressionem hostium sustinere conarentur, semel turbata impulsæq; acies reparari, retineriue potuit. Ita occisis qui resistebant, strata sunt vexilla, ac in primis insigne Liuiani, quod ad extremum moriens M. Antonius Montanus diu seruauerat. Eodem impetu, Sacramorus & Hermes ab equis deturbati, occursum Germanorum obtruncantur. Piscarius Othonem Sacramori fratrem vel priuatè sibi inimicum generosè conseruauit. Ab sinistro autem cornu Antoniani milites, ut mediam aciem, in qua victoriæ ratio, & prælii moles futura esse videbantur, cæsam profligatamque sensere, abiectis foedè armis terga dederunt. Idem pari ignauia ac fato Baleonij fecere: nam Paulus quum haud satis in tēpore ob palustre ac limosum solum, in quod circum-eundo hostes fortè inciderat, dextrum cornu circumtulisset, Liuianusq; aliter ac ipse putauerat, celerius pugnam inijisset, factum est, ut conspecta aliorum cæde ac fuga, diffusi viribus suis integri intactique diffugerent. In fronte tamen quamquam paor & fuga omnium occupauerat animos, complures egregij cohortium præfecti, pro tuenda dignitate antea actæ militiæ, dum fugientes prehensant, dum ordines ac locum seruare conantur, atque impigre hostes feriunt, deserti ab suis, et à multitudine hostium circumuenti, interficiuntur. In his fuisse paulo clarioris nominis, Ioannes Bernardinus Aleccius Salentinus, Ioannes Baptista Doctus è Patauio, Seraphinus Gallia Vmber, Alfonsus Mutus Pisanus, Philippus Carsoleius & Annibal Simonius è Bononia, qui primos ordines ducebant. Paulus autem amissis Troiano atque Hieronymo spuris fratribus, ac dispalato omni suo equitatu, rebus desperatis aufugiens in palustrem delatus campum, ab Hispanis equitibus capitur. Liuianus itinera, quamquam à suis & à Fortuna deserebatur, diu fuga increpita redintegrare prælium conatus, ad extremum fractus, animo ac virib. è pugna se proripuit, superatoq; cum maximo discrimine Eretano amne, Deos incusans Patauium contendit. Cæteri Duces ferme omnes in fuga capti, aut à Germanis qui nemini pepercere, interfecti sunt. Multos hausit, & in primis Antonium Pium, Bachillio amnis, qui è Vicentinis iugis defluens, celeri cursu atque impeditis vbique ripis apud Patauium Medoaco miscetur. Nam ut ad ripam fessi trepidantesque perueniebant, aut gurgitibus absumebantur, aut inter cunctationem tentandi fluminis, oppressi ab hoste varijs casibus interibant. Germani quoque & Hispani solutis ordinibus sectati hostes, quos præcurrentes equites strauerant, aut turba fugientium cumuliq; armorum passim inuenti tardauerāt, interfecere. Andreas Lauredanus legatus, vir indignus ea calamitate, nisi infaustus funestæ pugnae author extitisset, dum captus extra pugnam ingens auri pondus quo se redimeret polliceretur, crudelissimè à quodā lixa iugulatus est. Andreas verò Grittus Vicentiam se recepit, ægreque, quoniam à principio fugæ cataracta portæ demissa fuerat, seruatur. Ea res multis exitium peperit: nam spe deiecti ingredientes de Vicentiæ retrocedentes hostibus occurrebant. Ab his occisi alarum præfecti Carolus Montonius, Franciscus Saxatellus, Constantius Pius Antonij filius, Meleager Foroliuiensis: præfecti verò cohortium ac centuriones supra viginti sex. Multi ab Italis & Hispanis cōseruati sunt: sed ij quos Fortuna passim Germanis obiecit, interiere. Cadurianæ enim cladis memores, ut propinquos & commilitones vlciscerentur, nemine se parsuros solenni sacramento iurauerant. Cæsa ea die, quæ fuit Nonis Octobris è Veneto exercitu supra quinque milia:



milia: & in his, quod nullo antea prælio acciderat, quadringenti equites cata-  
 phracti. Tormenta quoque currulia XXXIII cum omnibus signis militaribus  
 capta: è victoribus pauci desiderati. Agrestes verò qui circumiectis collibus  
 occupatis, expectantes prælii eventum, eminus quatiiebant arma, ac truci vlu-  
 latu exitium hostibus minabantur, vt Venetos fusos viderunt, antequam Ca-  
 strius cum equitibus in collium summa peruaderet, in proximas ac continen-  
 tes sylvas confugerunt. At Venetis acceptæ cladis fama omnium mentes per-  
 culit, quod Rempublicam, quam iam pridem attenuatis viribus infirmam af-  
 fectamque intelligebant, difficulter atque egrè reparaturam equitatum consta-  
 16 bat. Meminerant enim ad Agnadellum paditatu occisione occiso, integras ta-  
 men equitum alas superfuisse, quibus haud dubiè quartum iam annum belli-  
 cosissimarum nationum impetus sustinuissent. Sed hic publicus moeror nequa-  
 quam tamen à belli cura patres auertit. Decrevere enim conscribendas esse vr-  
 banas cohortes, quæ continuo præsidij causa Patauium atque Taruissium mit-  
 terentur. Nec mora nobilissimi Venetæ iuuentutis, sicuti censu, & seruandæ pa-  
 triæ studio inter se certabant, armatis clientibus singulos manipulos ad defen-  
 sionem earum urbium adduxerunt. Ea manus quâquam tumultuarium ac de-  
 forme auxilium erat, Liuiano tamen & Gritto (hic enim Taruissij, ille Patauij  
 infelicis exercitus reliquias colligebant) defendendorum mœnium spem fecit.  
 20 Verum Cardonius, etsi hoste propè deleto conficiendi belli occasionem sibi  
 dari existimabat, si continuo ad oppugnandam alteram urbium victorem exer-  
 citum duceret, paulo post tamen, quod per anni tempus impediabatur, ac om-  
 nia indies in negotio difficiliora fore animaduertebat, hyematurus circa Vi-  
 centiam in hyberna deduxit exercitum. Per eos dies de permutatione Baleoni  
 & Caruaialis in Senatu actum: dimissusque à Cardonio Baleonus Venetias  
 contendit, eo pacto vt Caruaialem, qui in custodia Venetis erat, liberum in  
 castra perduceret: aut si id ab Senatu impetrari non posset, ipse bona fide reuer-  
 teretur. Itaque Baleonus fauentibus suffragijs rem facile pro meritis impetrat:  
 & Caruaialem transmissurus, eum ad Cardonium Patauium perducit. Sed  
 30 dum parantur comites, expectaturque Hispanus caduceator, Gurgensis Car-  
 dinalis, quo minus permutatio transigeretur, intercessit, testatus id è commo-  
 do Cæsaris minimè fieri, quod Baleonus apud hostes multo maiori vsui mo-  
 mentoque in tanta ducum orbitate, quàm apud suos Caruaial futurus esse vi-  
 deretur. Ad hæc Baleonus, quando non Cæsaris, sed Cardonij captiuus esset, ex  
 fide & pacto se liberum dicere, testari demum si Caruaial quem offerebat mini-  
 mè reciperetur, se lege solutum, nequaquam in castra rediturum. Sed dum in-  
 ter has iuris contentiones tempus absumitur, Caruaial quum se postponi Ba-  
 leono minimè pateretur, neq; eam dignitatis contumeliam elato ingenio fer-  
 ret, in supremam valitudinem incidit, moxq; ex ira indignationeq; exestuâs,  
 40 iam antea senio & carcere confectus interiit. Baleonus verò à Leone Pontifice  
 literis adscitus, nequaquam finita controuersia Romam se contulit. Sub idem  
 tempus ad radices Alpium quâ itur in Heluetios, supra Bellizonam, præaltus  
 mons terræ motu concussus ingenti fragore edito corruit: totaque ea conuul-  
 sarum rupium moles in læuam prolapsa fauces conuallis per quam Brennio  
 annis decurrens Ticino miscebatur, obstruxit. Quo casu stagnare amnis,  
 & nequaquam tanta obice vi vndarum prærupto vallis spacium implere co-  
 actus est. Vnde mox in cœtum ferè stadiorum magnitudinem lacus excrecens,



accolarum ædificia ac prædia, antequam annus circumageretur, oppressit. Contraria autem ratione Ticinus desertus ab socio amne, ac nihil alienis viribus auctus, qui paulo ante Bellizonæ pōte lapideo & ratibus iungebatur, quum suas tantum vndas traheret, humilis in Verbanum effugit. Ea tamen aquarum vis post vigesimum mensem, ut in processu operis memorabimus, cum vastitate pulcherrimi tractus, & miserabili multorum mortalium interitu, effracta mole prolapsi montis erupit. Adulta verò iam hyeme Mediolanensis arcis custodes ad extremam commeatus inopiam perducti, quum nec spes tolerandæ ulterius famis vlla iam esset, & clarè intelligerēt Gallorum auxilia frustra expectari: quòd Alpibus niue geluq; rigentibus, nihil iusta expeditione Ludouicū regem moturū constabat, in has condiciones arcē dederunt: Vt si intra trigessimū diem Ludouicus opem nō tulisset, ipsi cōtinuò arcē relinquerent. Interim datis obsidibus, quotidianis cibarijs iuuarentur, potestasq; esset emittendi eos præsidarios quos valetudo tentasset. Ita multi semianimes, ut erant squallida fame, et grauitate, vitioq; aeris propè enecti, in hospitales domos, vbi ingenuis, ac miseris, publica liberalitate alimēta dantur, educti, ac medelis refoti fuerunt. At quum statuta die nihil omnino è Gallia, quod ad negotium pertineret, afferretur, Louanius relicto omni tormentorum apparatu, arce excessit decimo quarto anno ex quo ea Gallus potitus fuerat. Nec multo post pari necessitate compulsus arcis Cremonensis custos Binnonus, similes inducias pepigit, atq; arcem tradidit. Galli verò ad alpes dimissi, comitante ala equitum, ne quā transcuntibus iniuria inferretur, incolumes in Galliam abierunt. Ob eas res trium dierum supplicationes decretæ, quòd tunc primum firmato imperio Maximilianus rerum Mediolanensium potiri videbatur. Post cladem ad Vicentiā, legati, & ducis temeritate acceptam, ad Maranum Foroiulij oppidum res quoque infelicitè à Venetis gesta. Occupauerant paulo ante Maranum Germani, sacerdote quodam prodente, qui postea captus & in frustra dissectus, perfidiæ poenas dedit. Id oppidum in intimo sinu ad Aquileiensem paludes positum, quod naturaloci alendo bello valde opportunum videbatur, Veneti transmissis eò cum copijs Paulo Manfrono, et Balthasare Scipione, terra marique haud segniter oppugnabant. Id cum Christophorus Francapanes frequentibus nuncijs Maranensium auxilia implorantium maturè cognouisset, ex omnibus castellis quæ Venetis priore bello ablata in finibus Histriæ & Foroiulij armis Cæsaris, atque præsidijs tenebantur, amplam militum manum collegit, & Maranum contendit. Eius aduentu soluta obsidione, magnum hostibus ex insperato detrimentum est illatum. Manfronus & Scipio ne quicquā oppugnatione tentata, cum numero inferiores erumpentibus oppidanis atq; instante Christophoro ancipiti pugna distinerentur, pulsi primo, mox præcipiti fuga in proximum litus acti, dum pars scandere naues tentat, alij per auripium, alij conuersi in hostem, vario euentu salutem quærun, vulnerato Scipione funduntur, triremisq; vna capitur quum metu premente, ac impediētibz sese militibus, remiges obuertēdi facultatem ab initio tumultus amisissent. Sed quum hæc Venetis nunciata essent, & nouo fletu prioris calamitatis memoria agris omnium animis induceretur, longè maiore cladis mole rem Venetam afflixit natum repente incendium media in vrbe, atrox si vnquā antea, et luctuosum atq; terribile. Siquidem initio statim sequentis anni, qui fuit à partu Virginis millelimus quingentesimus quartus decimus, tertio Idus Ian. de



prima vigilia, in Riualto frequentissima vrbis regione, repentinus ac validus ignis, multiplicis mercimoni tabernas primum inflammavit, mox iuuantibus aquilonibus, qui sæuissimi ea nocte fortè perflabant, attigua etiam ædificia corripuit. mirum dictu ac visu horrendum. quanta velocitate, & simul cœperit, & dextra læuaque in immensum populabundus, innumeras ædes, Diui Iohannis templum, & cuncta simul quæ ad Farinas (id loci nomen est) & ad forum Piscarium vergunt, absumpserit. Ita vt momento temporis, super semiuistas & corruentes domos, miserabili vastitate insolitum atq; inane loci spacium flamma patefecerint. Eadem violentia haustis nummulariorum officinis, recta per  
 10 argentarios ad templum Apollinaris vsque peruagatus, nihil reliquum fecit, preueniendo remedia miserorum sui rapiditate atque sæuitia. Stetit intactum ope fauentis numinis Diui Iacobi vetustissimum sacellum, circumambustis lateribus. Eo nihil antiquius Venetijs habetur, vtpote quod in ipso nascentis vrbis primordio, ab circumiectis populis in Hadriaticas paludes Barbarorum metu fugientibus, ædificatum fuerit. Li enim haud irritis auspicijs orsi à religione, eius vrbis fundamēta iecerunt, quæ post euastatam varijs excidijs Romam, & situs miraculo, & diuturnitate imperij atque opibus cæteras postea superauit. Inde perpetuam noctem debacchante flamma, neque exitus calamitatis, neque remedium reperiabatur. Nam ipsa noctis obscuritas, vbi exitialis splen-  
 20 dor non aderat, turbatum ventis mare, & discurrentibus in contraria cymbis aduersum, dissonè plorantium voces ac fugientium, callibus angustis pauidarum turba mulierum, humanum omne subsidium abstulerant. Denique omnia plena luctus atque mœroris. Nec decrant qui specie officij, dum res è proximis flammis ereptas, ac per manus traditas simulatione iuuantium accipiunt, dominis alio atque alio discrimine attonitis, passim furarentur. At prima luce cum magistratibus Andreas Gritus superuenit, iussitque fabros continuo demoliri domos ardentibus iunctas, vt grassantibus incendijs liber campus, atq; ipsum cælum occurreret. Ita tandem restinctum est. Fuere qui non casu sed dolo factum id crederent: quod eodem quoque temporis puncto, diuersa in re-  
 30 gione vrbis, cœnobium Cruciferorum conflagrauerat: subiiciebantque crimini, & inuidiæ Germanos, tanquam ij pari calamitate illata, similem iniuriam vlisci contenderent, quoniam superiore anno oppida duo in Germania fraude Venetorum arsisse dicebantur. Constrauit hæc inopia & miserabilis clades ciuium animos: qui eo atrocius id damnum æstimabant, quod super insignes exercituum iacturas in difficili rerum statu, & graue & insperatum ingruerat: quasi Fortuna misera imperij nihil reliquū nomini Veneto facere videretur. Eiusdem ætatis sine, qua hæc in Venetia gesta sunt, in Cenomanis, quanquam omnia bello arderent, haud magni rerum motus fuere. Stabat à Venetis Crema, eamque supra ciuium egregiam fidem mirabili operum munitione firma-  
 40 tam cum valida militū manu Rentius Ceres tuebatur: vir indefessus & fortis, atq; ea maximè obsidione clarissimus. Brixiam autem & Bergomum pro Cæsare Hispani præsidio imposito tenebant. Sed tunc maximè Bergomatium res in angusto positæ erāt: quoniā attritis recenti clade Brixianis, soli prope hybernorum incōmoda tolerare, & pecuniam in stipendium præbere cogebantur. Quibus de causis exulcerati ciuiū animi, quanquā ex vetere etiam studio in Votos defectionis tempus circumspectarent, eo inclinarunt, vt accersenda esset ab Crema militum manus, qua præsidium Hispanorum opprimerent, & mu-



rata fide transirent ad Venetos. Erat tunc fortè apud Rentium Cognolus quidam Bergomas cohortis præfectus, cui cuncta tradendæ vrbis consilia à speculatoribus ac transfugis deferrebantur. Is quum obnixè operam suam pollicendo, docendoque quibus artibus facilè vrbe esset potiturus, spem haud dubiam perficiendi negotij Rentio dedisset, cum Marcello Astallo equitum præfecto & duabus delectorum cohortibus Bergomum mittitur: atque ita viarum compendio ac notitia vsus, confecto per noctem itinere, antequàm Hispani & bona pars ciuium aduentum Venetorum sentirent, ab his cum quibus egerat introducitur. Nec mora, ad domum regij quæstoris conuolant: eam facilè expugnant: pecuniã quam paulo antè Hispani inclementer exegerant, diripiunt: & præsidij partem trucidant, partem comprehendunt: mox quoque arcem veterem interfectis propugnatoribus vi capiunt. Hoc confecto negotio, Cognolus atque Marcellus partem militum præsidij causa apud se retinent: cæteri eadem celeritate qua venerant, Cremam remittuntur. Ea Bergomatium defectione commotus Maximilianus Sfortia, statuit nihil esse cunctandum, ne fama vicinæ sibi vrbis captæ, nimio plus Venetorum vires coalescerent: alienarenturque eorum animi, qui partes Cæsaris sequebantur. Itaque coactis copijs Syluium Sabellum, & Oldradum Lamponianum Abduam continuo transmittere, atque hostiliter ducere in Bergomates iubet. Ii circumiectum agrum populati, ad ædem Diui Antonij in suburbanis ædificijs castra locant: atque vno tempore obsidione oppugnationibusque inclusos premunt. Non erat omnino Syluius absq; fiducia vrbis per vim capiendæ, etsi nō multū spei in virtute collectiij exercitus reponebat, quoniã magna pars optimatum diuerso studio ab plebe, quæ semper ab initio etiam belli Gallici ex occulto rem Venetam fouerat, dissentire dicebatur: habebatque ea res maximum excitandæ seditionis momentum: moenia quoque nec satis altitudine muri fossarumue obiectumunita, minimè difficilem expugnationem habebant. Hispani etiam è statuis agri Brixiani in auxilium excitati aduentare, comminarique direptionem ferebantur. His de rebus solliciti ciues, Rentium admonent, & salutis & fortunarum suarum periculum exponunt: obtestanturque per antiquam vrbis erga Venetos fidem, velit quàm maturè perditis propè rebus accurrere. Rentius Bergomates, quos ipse dudum in discrimen rebellionemque perduxerat, minime deferendos existimans, ad sexcentos vtriusque armaturæ equites, & quingentos fortissimos pedites deligit, parti peditum equos attribuit, vt confecto itinere desilire ab equis, ac nequicquam fatigati, rem pedibus gerere possint. Marianum Alecium & Christophorum Epirotam his præficit, imperatque vt quam celerrimè Bergomum contendant: & ab ea parte qua segnius stationem haberi cognouerint, magno impetu castra hostium adorianur, atque excitato ad eruptionem Cognolo, ex occasione vel manus conserant, vel augendi præsidij causa & confirmandis ciuium animis militum partem intromittant. Igitur Marianus atque Christophorus ab Crema proficiscuntur, ac silenti citatoque agmine aduentus sui famam prætergressi, in conspectum hostium deueniunt: paucos inermes qui licentius euagabantur, opprimunt, fugantque, ac de lati eodem cursu in raram militum stationem, occiso ibi Cittadino centurione, & Guerrerio Celanio equitum præfecto, magnum terrorem atque tumultum ad portam castrorum incutiunt. Sfortiani, vtpote qui nihil tale timuerant, trepidare, diffugere, alij arma capere, alij vt virtus & tela in promptu erant, vbi discrimi-



discrimen poscebat, accurrere. Syluius ipse magnitudine periculi propè attonitus, cum paucis tamen aduersus irruentes hostes egreditur: nomine quemque fortissimum ac veteranum suum vocans, eos conglobat, summotisque paululum hostibus, concellatos castrorum postes, quos iam Veneti magna vi impulerant, claudī iubet. Ipse exclusus & hostibus immixtus, loci notitia magis quam suorum virtute superata materia, incolumis in castra reuertitur. Porta quoque castrorum eodem temporis puncto egregie densata virtute Ioannis Petri Surrae, qui decies septies olim ex prouocatione victor, ob summam fortitudinis opinionem, duarum cohortium praefecturam adeptus fuerat. Clamabant enim in castris Bergomates, atque ipse Cagnolus, puluerem, strepitum, clamoremque pugnantium oculis atque auribus accipiebant: apparebatque Sfortianos facile fundi delerique posse, si praesidiarii eruptione facta, dispersos varijs in locis, diuerso praelij euentu pugnantes inuaderent. Verum dum Cagnolus atque Marcellus partim ciuium diffisi animis, partim veritine à Virgilio Syluii praefecto, qui cum cohorte mœnibus successerat, libero egressu prohiberentur, nihil ab vrbe mouent. Sfortiani equos conscendunt, superuentuque Caesaris Feramuscæ, qui equites in auxilium adduxerat, Venetos primo repellunt, mox cunctis densata fronte procurrentibus, occiso Pisone Romano centurione, cum caede in fugam conuertunt. Eare turbati Marianus atque Christophorus, quod latere aperto ab valida & vetere turma equitum impetebantur, nec reparare turbatam aciem poterant, quantum inter vulnera commodè fieri potuit, ad salutem proripere se in fugam coeperunt: ita hostium terga cædentes Sfortiani, multis interfectis, complurib. captis, in quibus fuit ipse Christophorus cum maximo dolore Bergomatium in castra redierunt. Postero die ad expugnandum Orinianum castellum copiae ductæ. Id erat Coleonorū, qui Bartholomæo eiusdem familiae clarissimo duce progeniti, Venetis plurimum fauebant. Quod uti erat haud mediocriter munitum, primo impetu captum ac direptum fuit. Cæterum Bergomates, postquam omnia aduersa obuenerant, ne si inter deditionis consilia cunctarentur, se ac fortunas suas maiori periculo implicarent, ad Hispanos (ñ enim in Brixiano agro erant) oratores mittunt, qui nomine Senatus urbem dedant: defectionis veniam deprecantur: ac properè ex Hispanis praesidium adducant. Causa accelerandæ legationis fuit, ut Sfortianos vrbe excluderent, cum quibus vetera atque acerbissima odia exercebant: actunc maximè exacerbatī recentibus iniurijs, quod nuper Sfortiani traiecto Abdua, feroces ac lingua immodici, direptionem atque omnia hostilia comminati fuerant. Ita Bergomates iterum ab Hispanis facta deditione in fidē recepti, dimissumque per aduersam portam Venetum praesidium. Poena caesi praesidij atque defectionis fuere pecuniae: nanq; Matthæus Granata Hispanorum praefectus, ut erat miti ingenio ac sapientiae studijs potius quam militia clarus, nemine percusso, eos lenitate conditionum magis quam seueritate ac metu in fide continendos esse arbitrabatur. Capellam demum arcem in edito sitam expugnare adortus (veterem enim Cagnolus deseruerat) quum diu in tormentis diuerberatam turrem labefactare nō posset, cuniculum agere instituit, quem excauata rupe, inclusis sulphureis ignibus nota atque instituta ratione, fundamenta murorum excinderet. Verum paulo post Granata, dum urgente fato incautius in opere versaretur, tormēto ab arce emissō interfectus est. Amisso duce Hispani nihilo segnius inceptū cuniculum continuo labore profecti,



rem eò perduxerunt, ut metu atque periculo expugnatus Hieronymus Tarrasus custos, arcem dediderit. Recepto Bergamo & Capella arce in potestatem redacta, Sfortiani et Hispani diductis per municipia, et pagos omnibus copiis, in finibus Cremensium confedere, coercendis potius Venetis, quam quòd iusta obsidione infestam urbem premere arctius, aut oppugnare posse confiderent. Enimvero Rentiani crebris excursionibus prædas agebant: neque intercludi ab Crema vi aut arte vlla, nec quin erumperent ubi vellent, prohiberi poterant. Ea erant studia colonorum, qui Venetum nomen maximis etiam attriti calamitatibus excolebant, ut summittere comitum inclusis, speculari consilia progressusq; Sfortianorum, & cuncta quæ in eorum contuberniis cognovissent, Venetis quam occultè deferre non dubitarent. Quibus de causis sæpe Rentius, ut erat intentus in omnes occasiones feliciter erumpebat. Erat in Calcinato vico Cæsar Feramusca cum equitibus incuriosè, ut plerunque sit exrecenti victoria, moram trahens, confusus scilicet oppidanorum fidei, & viribus suis. Hunc Calcinatenses nequaquam dilata perfidia, ut ociosè & negligenter confedebat, Cremensibus renunciant: pollicenturq; si eò Rentius equitum turmam quam occultè transmittat, fore ut Cæsar cum omnibus equitibus suis sine vulnere in potestatem deveniat. Rentius haud moratus in ea facultate opprimendi eius hostis, qui nuper ad Bergomum cladem intulerat, de secunda vigilia cum delecta equitum manu Marcellum emittit. Is ut compositum à Calcinatensibus fuerat, ex improviso oppidum occupat, et ad contubernia militum contendit. Cæsar tumultu audito, ac cæteri equites è stratis semisomnes, dum correptis armis frustra defensionem parant, vinciuntur, & Cremam perducuntur. Marcellus autem haud multum ea re gestæ lætatus, quum inter oblucentes veteranos, qui strictis gladiis ne caperentur resistebant, lethale vulnus in pede accepisset, paulo post Cremæ interiit. Paucis inde diebus, quum propius Cremam accessum esset, Sfortiani excursionibus, & contra eruptionibus Cremenses ex occasione frumentandi, sæpius equestri prælio decertarunt. Enimvero frequentes eius regionis vici & castella direptionibus opportuna, labantibus nunc huc, nunc illuc incolarum studiis, materiam quotidiani certaminis præbebant. Siquidem tueri partium opes, aduersariis calamitates inferre, & mutuis accessibus, ut ex Fortuna varios belli euentus rerum commutatio sequebatur, aut præsto adesse, aut vim insultantium sustinere necesse erat. Fortè ab Sylvio, M. Antonius Philetinus et Baptista Pisinsanctes equitum præfecti, ad Umbrianum vicum non longè ab Crema excurrere iussi, magnam ex hostilibus pagis omnis generis prædam ceperant: iamque eam carris impositam, in pacatum propè aduexerant: quum Rentiani ne tantam socij atque amici Veneti nominis contumeliam detrimentumq; accipere præsidiorum incuria viderentur, erumpunt: ac breui confecto itinere, Pisinsanctem agminis coactorem, eiusque levis armaturæ equites magna vi à tergo adoriuntur. Pisinsanctes conuerso agmine irruentes sustinet, primosq; repellit: mox maiore mole ingruentibus Rentianis (aliæ etenim atque aliæ equitum turmæ ab Crema submittebantur) recipere sese equites iubet. Philetinum de multitudine hostium certiores facit, hortaturque, ut quam maturè coacta præda cum plaustris, et graui armatura citatore itinere antecedat: se interea hostes retardaturum, ac mox salutem eorum velocitate consulturum. Philetinus adhuc, ut erat magni vir animi atque audaciæ singularis, se non prius quam hostium faciem uideat, aut loco moturum,



turum, aut arrepturum iter quod fugæ simile videatur respondit: atque ita ad-  
 uentante hoste, noui decoris cupidus, quod nuper eum Syluius alæ cataphra-  
 ctorum præfecerat, cohortatus equites ne opinionē ducis fallerent, in proru-  
 tes infestis hastis incurrit: quo impulsu turbauit primos atq; disiecit. Verum  
 quum equitū numero longē inferior esset, Marianusq; & Tullius hostium du-  
 ces id conspicati, circumfusus vndiq; turmis paucos inuaderēt, cœpit temerita-  
 tis sentire incommodum, atq; acrius vt euaderet colluctari: sed Pisin sancte præ-  
 lio excedente, & suis varia sorte pugnantis, ipse frustra propria virtute con-  
 tendens, suffosso equo capitur: deductusq; ad Rentium, vt erat grauiter vulne-  
 10 ratus, Crème moritur. Nēc multo post haud ab simili casu Tullius, qui in præfe-  
 ctura equitū Marcello succcesserat, frumētatū ad Abduam vsq; progressus, cū  
 Sfortianis fines Laudensium tutantib. manus conseruit: vbi ipse, vt erat manu  
 promptus, in nouissimo suorum agmine depugnans, iam præmissa præda in-  
 terficitur. Ita tres magnæ indolis atq; virtutis Romani iuuenes, Marcellus, Phi-  
 letinus, & Tullius egregiē fato functi paucorū dierum spatio perierunt. Obsi-  
 deri demum Crema arctius cœpta: eruptionesq; Rentianorum aliquāto atten-  
 tius quā anteā factum fuerat, vi arteq; prohibita. Nanque Prosper Columna  
 ad Maximilianum venerat: assentienteq; Ferdinando Rege, Dux Sfortianarū  
 20 copiarum declaratus, cum equitatu veterano, Hispanorumq; cohortibus qua-  
 tuor Cremam accesserat. Genus obsidionis tale instituebatur, vt ex omnib. co-  
 pijs bina castra facerent. Syluius ab ea parte qua Crema Laudem Pompeiam at-  
 que Abduam spectat, quam latē longeq; porrectis munitionibus: Prosper ve-  
 rō diuersa in parte ab Syluianis operibus, ad fanum sancti Bernardini, Traua-  
 conæ paludis interiectu, omnem frumentandi erumpendiq; facultatem hosti-  
 bus adimerent: & aliunde comportari in urbem commeatus vigilijs stationi-  
 busq; dispositis prohiberent. Eiusdem anni Vere primo legati Emanuelis re-  
 30 gis Lusitanie Romam venerunt, tulereq; Leoni pontifici e victorijs Indicis do-  
 na magnifica, Elephantē ab multis seculis Romę non visum animal, Leænā-  
 que, & diuini cultus vestes innumerabilib. margaritis exornatas: in quibus o-  
 30 perosis artificum texturis pictę acu diuinarū rerum imagines visebantur. Erat  
 legationis princeps Tristanus Cunnius, vir triumphalib. insignibus & rerum  
 in India gestarum gloria clarus. Is multa de gentiū moribus, vbertate soli, natu-  
 ra ac vastitate maris, & de antarcticæ plagæ syderibus memorabat. Enimuerō  
 paucis antē annis, iubente eodem Emanuele, Lusitani insana nauigatione A-  
 tanticum, Fortunatasq; insulas præteruecti, promontorijs Praxio et Bong spei  
 superatis, Aethiopicum littus adiuerāt: gentes subegerant: Rubrimaris ac Per-  
 sici sinus angustias superarant. In Carmania atq; India bello victis regibus Can-  
 nanoræ, Cucini, & Calecuthe, celeberrimis emporijs exercende mercaturę se-  
 des arcesq; posuerant. Proximē verō, quum nouorū ducum aduentu aucta es-  
 40 set classis, vltimos Indiæ orbisq; terminos sibi proposuerunt: atq; ita felici ausu  
 eadem ducti peritia nauigādi, ab Calecutha præter Indum ac Gangem fluuios  
 ad auream Chersonesum peruenerunt: vbi regem Malachæ armis defensionē  
 parantem tormentorū nouitate absteritum, ac prælio victum, tributarium fe-  
 cerunt. Ab alia quoq; parte Indorum classibus sepe deletis, custoditisque Eri-  
 thræi faucibus, ac sinus Arabici nauigatione Aegyptijs mercatorib. interclusa,  
 Indi maris Imperium tenuerunt. At hisdem ferme diebus, Liuianus, qui Pa-  
 tauij post cladem acceptam reparandis copijs intentus, satis amplam militum



manum in specie iusti exercitus coegerat, quum tota hyeme in hybernis quie-  
uisset, ad recuperandum Foroliuium se conuertit. Enimuero Germani, duce  
Christophoro Francapane, iam antea pulsus ab Marano Venetis, cuncta quae  
ab ora maris ad Oppiterginos montes, & ad superiora Carnorū vergunt, vsq;  
ad Lipientiam flumen, in potestatem redegerant, praeter vnum omnino op-  
pidum nomine Osophum, quod per se asperitate loci atque incolarum studio  
munitum, Hieronymus Sauornianus cum equitib. sagittarijs tuebatur. Id quū  
Christophorus sibi totis viribus oppugnandum proposuisset: & collectis circi-  
ter duobus milibus peditum, & septingentis equitibus, in quibus Germani  
pleriq; nobiles euocati, & pretoriani Cæsaris erant, eo cum omni tormentorū  
apparatu contendissent, causa fuit Liuiano celerius quā constituerat mouen-  
di ex hybernis. Siquidem in eo afflictæ rei Venetæ status, quum omnia ad de-  
fectionem spectarent, occurrendum erat victori hosti: qui haud dubie, si Oso-  
phum caperetur, ad inuadenda vltiora Venetiæ maiorem facultatem esset ha-  
biturus. Igitur Liuianus sedentibus ad Ateste & ad Montagnanam Hispanis,  
e Patauio cum amplius mille & ducentis vtriusq; armaturæ equitibus Taruisiū  
versus mouet. Ibi falcones sex, et cohortem vnā expediti militis ex Taruisino  
praesidio cæteris copijs adiungit: indeq; perpetuo cursu, quod in praesentiam ce-  
leritate opus erat Coneianum ac mox Sicillum petit. Erant Sicilli praesidio Ve-  
neti equites ferme ducenti, qui cum Germanis apud Portumnouū hybernā-  
tibus, ex occasione pabulandi, quotidie leuia certamina committebant. Hos  
Liuianus excurrere in conspectum hostilis oppidi, ac elicere omnibus artibus  
ad pugnam Germanos iubet. Cæterum praecurrentibus Malatesta Baleonum  
Pauli filium acerrimum iuuenem cum cataphractis submittit. Nec fefellere o-  
pinionem Germani: nanq; e mœnibus conspicati hostium equites, ex consue-  
tudine superiorum certaminum properè equos conscendunt: ac patenti porta  
euecti in concursantes impetum faciunt. Contra Veneti proprio consilio con-  
uersi in fugam, quum longius incautos abduxissent, adessetque subsidiarius e-  
ques, continuo obuertunt sese, impetum prouentium excipiunt, & pugnam  
instaurant. Malatesta insigni equo in primam aciem prouectus, Ricianū Ger-  
manorum ducem antè alios egregiè decertantem singulari certamine aggredi-  
tur: coniectoq; post mutuos ictus per cassidem in aduersum os gladio, vulnera-  
tum ab æquo deturbat & capit: cæteri amisso duce, celeri fuga, amplius trigin-  
ta suorum interfectis aut captis, in Portumnouum se recipiunt. Eos cum om-  
nibus copijs Liuianus ad portas vsq; persecutus oppido includit: ac simul pro-  
ductis tormentis, ne respirandi victis vel minimum quidem tempus relinque-  
retur, imparatos oppugnat. Ita incredibili militum studio, cōtinuata per diem  
ac noctē opougnatione, iam fessis defensoribus, quā murus vetustate debilior  
vi tormentorum collapsus, ingressum praebat, oppidum inerat: ac paucis in  
tumultu occisis, comprehensoq; praesidio, diripit: atq; eadem fortuna vsus, arce  
potitur. Paucarum demum horarum quiete militibus data, castra mouet, & su-  
perato Tiliauento flumine, ad oppidum Sancti Danielis proficiscitur. Inde  
Nicolaum Vendraminum cum Epirotis, & Bernardinum Antiniolam cum  
sagittarijs ad deterrendum ab incepto Francapanē, Osophum praecurrere  
iubet. Verum is paulo antè, quum id oppidum abruptis rupibus impositum,  
quod summa fide atq; virtute Hieronymi defenderetur, frustra ab se oppugna-  
ri perspiceret, simul ac de aduerso prelio equestri, et de Liuiani aduentu certior  
factus,



factus, soluta obsidione ad Ventionum supra Natifonem fluuium iter facere  
 coeperat. Veneti nouissimum abeuntium agmen velocitate equorum consecu-  
 ti in tergo caedem & tumultum maximum ediderunt: conanteq; Christopho-  
 ro explicare aciem, & praelium iniquo in loco committere, conturbata extre-  
 ma acie, vltimos quoque equitum multitudine sagittariorum circumuentos  
 fuderunt. In earum asperitate Christophorus, quum milites vniuersas hostiu  
 copias adesse putarent, & propterea quod angusto in loco res erat, vbique trepi-  
 daretur, relictis maioribus tormentis ac compluribus suorum amissis, ipse vul-  
 neratus per abruptos calles in montana se recipit: neque vlla rem magis quam ce-  
 10 leritate & locorum notitia vsus, salutis discrimen euasit. Nanque premente in  
 tergis Liuiano, Sauornianus cum expedita clientium & montanorum manu  
 ab Osofro transuersis tramitibus, ad occupandas viarum angustias contendere  
 rat: cuius aduentu, quod peritus locorum vndiq; infesta arma fugientibus in-  
 tulisset, dissipato cefoque Germanorum agmine, tormenta octo muralia capta  
 sunt. Ea vero Hieronymus perduxit Venetias: & vt essent victoriae monumē-  
 tum, in naualia intulit, ita gratias agente Senatu, vt ab insigni fide virtuteque,  
 commendante Luca Trono, celebratus, praemia meruerit: scilicet, vt Osophi  
 20 comitantium e Germania mercium perpetua statio cum vectigali, immuni-  
 tateque incolarum statueretur: & praesidio (quod egregie se defendisset) virtu-  
 tis ergo perpetua stipendia prouenirent. His rebus gestis Liuianus cuncta ea  
 oppida, quae metu aut vi ad Germanos defecerant, in fidem recepit, praeter Go-  
 riciam atq; Gradiscam: ad quae eodem secundo rerum cursu cum omnibus co-  
 pijs ferebatur, vt praesentis fortunae periculum faceret, nisi Hispani cognita e-  
 ius profectione, motis properē castris, vt intercluso itinere eum reditu, & Pata-  
 uinis moenibus praeberent, in maxima spe gerendarum rerum e Foroiulio re-  
 uocassent. Effuderant enim se per Patavinum agrum, & intactas superio-  
 re hyeme possessiones impune populabantur. Sed vix dum Liuianus Pataviū  
 redierat, quum Francapanis, dum armandis agrestibus & suscitandis ad reno-  
 uandum bellum populis, per Altinatum fines & saltuosa Carnorum volita-  
 30 ret, praecipitatus in insidias a Ioanne Vetturio, qui cum Epirotis ea pariter fa-  
 xa circuibat, captus est: suoque & alieno cruore perfusus (multum enim vir la-  
 certosus atque terribilis, ne viuus in potestatem hostium veniret, repugnarat)  
 Venetias perductus, teterrimo carcere includitur. Gratias Senatus Vetturio  
 egit, quod eum hominem cepisset, qui supra belli causam, Veneto nomini in-  
 fensissimus, per quinque annos, positus nunquam armis, Venetorum partes op-  
 pugnasset, inhumanamq; crudelitatem in captiuos exercuisset. Nam quibusdā  
 oculos eruerat, alijs amputauerat manus, aut aures absciderat: videbaturq; is, si  
 pacis vnquam mentio fieret, aequiores conditiones allaturus: quoniam Gurcen-  
 sis cardinalis, sororem ei in matrimonium collocarat: & Caesar fideli eius fema-  
 40 per atque fortissima opera vsus, calamitosi viri rationem habituri videbantur.  
 Sed Vetturius haud diu ea re bene gesta laetatus, cum in explorato itinere per  
 impedita regionis euagaretur, cum ala suorum equitū a Caesarianis captus est.  
 resq; postea in Foroiulio aliquanto quietiores fuere. Sed paulo post ad Citta-  
 dellam agri Vicentini, longe plures Venetorum equites, quam ipsi ex Cæsa-  
 rianis ad Portum nouum ceperant, ab Hispanis oppressi sunt. Premiserat enim  
 Liuianus supra Vicentiam, Bernardinum Antiniolam cum trecentis equitib:  
 ad tuenda ea praesertim oppida, quae vagantibus Hispanis maxime opportuna



iniuriæ videbantur. Erat id genus præsidij incertum & vagum: nam quicquid camporum & collium inter Balsianum, Citadellam atq; Marosticam interiacet, interdij circumducto equitatu percurrebatur: cæterum noctu ad vnum trium oppidorum equites se recipiebant. Quibus de causis, quum improvise omnibus horis, ac omnibus in locis occurrerēt, nulla nisi bene valida hostium manus, aut in pagis tuto consistere, aut ex priore consuetudine, paulo liberius prædatum ire audebat. Verum eæ rerum difficultates paulo post brevi negotio sublatæ. Nanque Cardonius multum antea in eos equites intentus, ut pabulatoribus suis pacatum agrum redderet, circum emissis speculatoribus, occasionem opprimendi hostis inuenit. Forte enim ab excursione Citradellam se receperat cum equitibus Antiniola, ut eo in oppido ex quotidiana consuetudine pernoctaret. Id cum properè nunciatum esset, Cardonius nequaquam moratus, deposcente Piscario, omnem leuem armaturam expedire arma, atque equos ascendere iubet, & supra quingentos ex omnibus cohortibus lectissimos pedites ita adiungit, ut accelerandi itineris causa, singuli equites post sese singulos eodem equo confessores pedites adueherent. Piscario autem precipit, ut cum ea manu Citradellam contendat, utatur noctis beneficio, & ne quod effugium pateat hosti, sine tumultu portas dispositis stationibus obseruet. Ipse vero cum tormētis & maiore parte exercitus iustis passibus, atq; hisdem vestigijs Piscarium subsequens, eo proficiscitur. Antiniola qui nihil minus quàm Cardonium, quē eo ipso die ad vetera castra sedere per exploratores cognouerat, aut moturum inde, aut educto exercitu ad se opprimendum tanta celeritate contulaturum putauerat, postquam ab excubijs conclamatum est adesse hostes, tuba signum proponit, quo monentur milites, ut equos insternant, atq; arma capiant. Verum antequam milites è contubernijs repentino metu exciti ad signa quæ in foro erant, coirent, iam oppidum corona cinctum erat. Tum vero Antiniola dux impiger eruptione facta, in hostes inuehitur, impetum irruentis Piscarius per sclopettarios egregiè sustinet, confosso cadenteq; equo in pedes desilit, compulsisque intra portam hostibus muro tormenta admouet. Nec mora, patefacto angusto aditu, Hispani vi facta irrumpere conantur. Venetie<sup>30</sup> equites acerrimè propugnant, Ferdinandumq; Nigrum eximie virtutis centurionem interficiunt. Dum eo modo contenditur, atq; hostes distinentur, Piscarius ad aduersam oppidi partē scalas ferri, apponitq; imperat, ipseq; inter primos murum conscendit: hortatur Romerium signiferū, ut saltu intro audacter se deiciat. hunc perfracta coxa ex casu ægrè se erigentem, Mancius summe fortitudinis centurio subsequitur. Tum vero alij atq; alij per lanceas se deiciunt, oppidoq; nemine ab ea parte defendente, potiuntur. Itaq; Antiniola undique circumuentus vulneratur, & capitur: oppidumq; multis equis multaq; diuite prædarepletū ab Hispanis diripitur. Antiniola vero (quod erat ex sorore Liuiani genitus) reliquis ferè omnibus dimissis, honesta in custodia seruatus est.<sup>40</sup> Ad Veronam autē Malatesta Baleonus nō multos post dies incōmodum Citradellæ acceptum aliqua ex parte sarcinuit. Is enim per montana delatus in agrū Veronensem, nō longè à vico sancti Martini delectos singulari pernecitate Epirotas equites premisit, qui in suburbanas villas excurrerent, et proxima quæque mœnibus, tumultu per agros excitato popularerentur: ratus, sicuti prospero euētu ad Portumnouū acciderat, præsidarios eruptione sese in temere prouectos Epirotas effusuros, & bene gerendæ rei occasionē præbituros. Nec eum fe-

fellit



fellit opinio: namq; ut primū adesse hostes agrestium clamore & fuga nunciatū  
 est, moxq; ē mœnibus in proxima volitantes, ac omnis pecoris abigentes præ-  
 dam cerneretur: Cæsariani nulla interposita dubitatione quin erumperent, &  
 in primis Succarus iuuenta & robore viriū ferox, patefacta porta in hostes cita-  
 tis equis impetū faciunt. Epirote quo magis insidię tegerentur, conglobati pri-  
 mo terga vertere, pecus et sarcinas præ se agere, ac demū simulare se numero ho-  
 stiū territos, & passim deferere prædam. At Succarus, ut primo congressu recu-  
 peratam maximā prædæ partem, atq; hostes loco pulsos pleniore cursu regredi  
 videt, conuersus ad suos, Patiemur ne, inquit, semper hoc fugacissimū hostium  
 10 genus pro portis impunè latrocinari? Quin fessos recentibus equis insequi-  
 mur, & temeritatis pœnas dare cogimus? Hæc dicentem atq; acrius incitatem  
 equum plures varij generis equites insecuti, dum in nouissimo fugientiu agmi-  
 ne multum cursu vulneribusq; contendissent, in insidias præcipitantur. Mala-  
 testa enim qui ex composito in caua valle tectus arborib. instructos equites cō-  
 tinebat, dato repente signo per transuersum in patentē viam profiliit: atq; ardē-  
 tius euectos hostes à tergo adortus, nouam acie interclusis ostendit. Cæsariani  
 vndiq; circumuenti, dum facto cuneo percurrere in proximū campū conten-  
 dunt, ab circumfusus opprimuntur. Ex Pontificijs, Tiberius Galeus equitum  
 præfectus hasta transfixus cadit. Ascanius Romanus Columnię alę vexillifer, et  
 20 Succarus ipse, & Gothifredus Calcarius Veronensis prætorię cohortis præfe-  
 ctus, capiuntur. Hos cum Malatesta cū alijs captiuis in castra perduxisset, Liui-  
 anus Ascanio & Succaro comiter appellatis, Gothifredū multis verborū contu-  
 melijs affectum frustra deprecante Malatesta, ē vestigio necari iussit: quoniam  
 quū sermo de Liuiano incidebat, petulantius obloqui, & sine præfatione hono-  
 ris, pusillā eum & gibberosam beluam appellare consueuerat. Accessit quoque  
 ad maturandum supplicium, quod partium Cæsarianarum caput erat: & mul-  
 tum manu consilioque ne Venetus vrbe reciperetur, obstiterat: quum per va-  
 rias bellorum occasiones multi ē ciuib. tædio præsentium rerum atque hy-  
 bernorum incommodis fatigati, à Cæsare sese totos alienassent. Succarum au-  
 30 tem tanto in honore apud se habuit, ut eum quod est inuiolabilis amicitie sa-  
 cramentum, his sacris adhibuerit, quibus Iuliano die Liuium Septimum nu-  
 per ex sorore Baleoni susceptum baptismo abluit. Eares solenni ritu & ma-  
 ioribus cæremonijs celebrata est: siquidem in ripa profluentis Medoaci, arma-  
 tus & diuisus exercitus tanquam aduersæ acies in simulachrum iustæ pugnae  
 præpilatis hastis concurrat: dispolaeque puncto temporis tormenta omnia in  
 lætitiæ signum, tanto armorum fragore et clamore militum, ut præteruolan-  
 tes aues exanimatæ ceciderint. At Rentius qui Cremæ cuncta obsidionis ma-  
 la singulari constantia perpessus totum æstatis tempus extraxerat, videbatur  
 ob pestilentiam Fortunæ cessurus, quæ, vulgata passim per milites ac oppida-  
 40 nos cōtagione, multisq; hominum milibus ea lue absumptis, in eius quoq; præ-  
 toriū irrepsit. Sed mitescente iā cælo, et quū iam rari essent in quos ea vis gra-  
 faretur, omni diligētia remedijs cōparatis, pristinas animi vires recipere, ac re-  
 dire in antiquā spem sustinendæ obsidionis cœpit: his maxime de causis, quod  
 coniuente ad hæc Pontifice, à Placentia comitatus liberè supportabantur:  
 neque id omnino paucitate militum prohibere poterant Prosper & Syluius.  
 Crementis autem obsidionis impediendæ negotium suscepit Nicolaus  
 Scotus, & cum eo multi eiusdem factionis Maximiliano Sfortiæ infensi: quod



animo proposuerant propinquitatem regionis atque notitia itinerum summa facilitate consequerentur. Erant qui existimarent, Pontificem harum rerum esse authorem, qui haud dissimulanter distineri attenuarique eo bello Maximilianum volebat: ne si Crema potiretur, bello vacuus in eodem victoriae cursu Placentiam Parmamque reciperet. Cui vni curae Heluetios quoque animum intendere, nec per occasionem, quin eas vrbes repeterent, postquam legationibus frustra tentauerant, ullam moram facturos apparebat. Igitur ob eas res obsidibus auctis animis bona spe compleretur in Syluianis vero castris refrigere obsidionis apparatus, remissa corruptaque omnia esse. Enimvero quum stipendia minime procederent, & seueritate Prosperi ab rapinis milites absterrentur, multi deiectione spe praedae, quod Cremam expugnari posse desperabant, alij occulte dilabi, alij oppressi aere alieno atque omnium rerum inopia, equos vendere, alij victi diuturnitate quotidiani laboris missionem petere. Syluius vero singulos complexus, deprecari ne postquam ad laborum finem peruentum esset, discedere vellent ab se duce, ab semicapta vrbe, ab his denique munitionibus quas tanto studio laboreque perfecissent: affore breui, qui ab Mediolano pecuniam afferant, stipendiumque perfoluant. Sed postquam super eare sepe ad Maximilianum frustra scripserat, apud Prosperum demum legatumque principis agere, ac obtestari se deserturum eas munitiones: aut si coactus eo in loco permaneat, ni confestim copiis pecuniaque iuuetur, aliquod lethale vulnus accepturum. Haec & si sanis auribus accipiebantur, attamen quoniam fama erat, Syluium, alioqui nobilem strenuumque virum paulo illiberalius quaestui vacare, & milites stipendiis suis fraudare, nihil quod vsui esset, ab Mediolano submittebatur. Verum, vt postea cognitum est, Maximilianus longe altiore consilio negligentiam simulabat: patiebaturque bellum incuriosius geri, quoniam Caesar, si Crema caperetur, aliena pecunia, alienoque etiam periculo partam, eodem iure quo Brixia & Bergomum tenebantur, acquiri sibi volebat: atque adijci veteri imperio, quod Abdua flumine finiretur: quae res haud mediocrem Maximiliano formidinem intenderat. Is enim rerum suarum sollicitus, hostem Venetum viribus attenuatum imperio suo finitimum esse malebat, quam amicum Caesarem in Italia eo potentiae efferris, quae mox sibi formidini atque exitio foret. Siquidem constabat Caesarem pulsus ab Italia Gallis, quum Maximilianum in Insubres & Germania properantem ab itinere ad Constantiam retinuisset, cogitasse de tradendo Insubriae imperio Carolo nepoti: traditurumque fuisse, nisi Helueti & Iulius pontifex, ad quorum dignitatem pertinebat potiri rerum Sfortianos, aperte conatibus eius obstitissent. Igitur dum peruersis consiliis Sfortiani bellum gerunt, Rentiis nactus occasionem inuadendi hostis parat sulphureos ignes, quos ligneis tubis tripedalibus atque ollis testaceis incluserat, quorum formam rationemque tradidimus in memorabili oppugnatione Rhauennae. Sebasto autem Narniensi imperat, Andreeque Matritio praefectis, vt cohortes instructas sub signis de prima vigilia ad portam ducant, ibique signum profectionis expectent. Erant duo omnino aditus quibus adoriri Syluiana castra poterant, ab laeva vbi latior campus & via publica quae ad Vibrianum ducit, difficilem habebant oppugnationem: quoniam ab ea parte Syluius firmissimas munitiones erexerat, ac locis idoneis tormenta & perpetuas militum stationes imposuerat: ab dextra autem nec fossam nec vallo, sed segni tantum custodia muniiebantur, quod iuxta erat palus limosis atque

perpe-



atq; perpetuis aquis foeda & inaccessibilis, ab fossa etenim quæ ab incolis Trauaconia appellatur, vitio interrupti aggeris magna vis aquæ in subiectam planiciem effundebatur. Ab hac parte Rentius, quod nihil tale expectaturos hostes intelligebat, audendum esse ratus, pontibus per noctem palude constrata, omnes pedites traiecit. Ipse vero, ut suis, si quid durius accideret, subsidio esse posset, cum equitibus idoneo in loco constitit. Cæterum Sebastus atq; Matrius edocti ab duce quid fieri vellet, traductis cohortibus maximo cum silentio, sub teli iactum ad castra hostium contendunt. Ibi signiferis subsistere iussis, prægressi ipsi militum agmen noctis tenebris recti ad Syluanos vigiles suspensio  
10 gradu perueniunt. Eos tanquam socij essent ex Syluanis exploratorib; demissa voce lenique sibilo deceptos, ac sero tesseram postulantes truncant, confestimque vocatis ad se cohortibus delati ad castra, ignes quos parauerant in semisopitam stationem, & in proxima tabernacula militum iaculantur. Ita puncto temporis omnib; ferme tuguriolis incensis, quamlate relucens flamma foedam militum, æquorum trepidationem & fugam, qualem in nocturno metu oriri necesse erat, & armatam hostium aciem irruentem ostendit. Heluetij qui ex prima cohorte ducenti ferme aderant, quanquam ab somno attoniti, & turbati incendio aspectuque hostium satis pro disciplina solitaque virtute conferti irrupentes excipiunt, aduentuque Syluij, qui arrepto scuto per ignes & se-  
20 miambustorum equorum fugam, inermiumq; militum tumultum cum familiaribus aduolauerat, impetus hostium aliquantum repressus. Sed quum tubi formidabilem vomentes ignem, atque ollæ cum exitiabili flamma intortæ ab Venetis per turmas expedientesq; arma milites volitarent, tanta consecuta est omnium trepidatio, ut dissipatis ordinibus, ac neglecto ducis imperio, nemo consistere auderet, sed protinus euitatis incendijs saluti fuga consuleret. Ita in confusos consternatosq; illati Veneti occiso Pëttero Heluetiorum duce, & Florabracchio Stipiciano equitum præfecto, castra occupant, tormenta, quæ per tumultum à Syluanis displodi non potuerant, in fugientes conuertunt, & cum ingenti equorum atq; hominum præda satis magna hostium cede edita, in oppidum reuertuntur. At Prosper qui mille & quingentos amplius passus inde  
30 aberat, quanquã ex incendio castrorum tormentorumq; boatu, haud incertus erat, versari in maximo discrimine Syluium, siue is hostilis vel fortuitus ignis foret, nihilominus nocturna prælia non esse tentanda existimans, neq; temere exeundum, ut sera remedia perditis iam rebus afferrentur, cauto magis quam nobili consilio armatus suis munitionibus se continuit. Syluius vero è medijs hostibus flammisque consenso, quem fors obtulerat equo degeneri, incolumis Laudem se recepit. Ea clade hostili illata, Cremenses quum ab magna rerum omnium inopia in eo successu victorie subleuarentur, non tantum liberati obfusione, sed obsessuri ultro Prosperi castra commutata belli ratione videbantur.  
40 Eodem quoque tempore Liuianus animo agitans, quibus maximè consilijs atque artibus acceptas clades vlcisceretur, Hispanos qui secundum Athesim æstiuam habebant, adoriri constituit: neque id tamen aperta vi, quod exercitui ex nouis delectibus refecto minus fidebat, tentandum sibi arbitrabatur. Erat quatuor in partes diductus Hispanorum exercitus: apud Lendenariam vicum Piscarius cum tribus milibus peditum: ad Rodigium Garcias Manricus cum ducentis amplius equitibus cataphractis: alia vero equitum ac peditum manus apud Bastiam pagum agebant. plures etiam ad sui præsidium Cardonius Veronã



adduxerat, quòd tunc fortè à Cæsariânis de belli summa Veronæ conciliū habebatur. Igitur Liuianus vt hostiū speculatores falleret, aliud simulando, quàm quod sibi occultè atque celeriter perficiendum proposuerat, edicit, vt de prima vigilia omnes armati paratique ad profectionem ad signa conueniant. Interim quo magis consilium tegeretur, aliquot tormenta addito præsidio ad Anaxum flumen (id hodie Piauā est) via Taruīna aduehi iubet: cæterum diuerso itinere intempesta nocte à Brentellis tertio à Patauio lapide, quo in loco plures dies statiuā habuerat, castra mouet, & Marosticā versus atque Vicentiam, ignarīs militibus quò ducerentur, contendit. Demum mutatis sæpe castris per abrupta loca itineraq; autumnalibus pluuijs corrupta, noctu plurimū iter faciens, cælo etiam ob assiduos imbres infenso, ad Athesim deflexit. Inde paululum moratus in his munitionibus, quas paucos ante diēs, capto ibi Morellione Hispano, & præsidarijs interfectis, Malatesta & Vrsinus occupauerant, constructo ex ratibus ponte flumen traiecit. Tum vero Liuianus militib; gratias egit, quod infesti cæli iniurias & difficillimi itineris asperitates forti animo tolerassent: quòd singulari celeritate eo peruenissent, vnde cum maxima præda ac laude essent discessuri. Pararent extemplo arma, neq; lassitudine aut alio corporis incommodo permouerentur: paratam enim esse prædam, facilemque victoriam, si eadem celeritate, vti ad Portumnouum feliciter egissent, & parī propè errore hostiū vterentur. Demum Cardillum virum impigrum quem familiaribus equitibus suis præfecerat, & Malatestam cum expeditis turmis Rodigium præcurrere, & quosq; obuios capere ac vincere, ne per illos aliqua aduentus fama ad Hispanos deferretur, atque occupare demum portam iubet. Ipse continuo subsecutus triplici acie instructa, paratus oppugnare inclusos aut prælio decertare, si cognito eius aduentu hostes erumperent, ad oppidum pergit, tanta felicitate atq; silentio, vt quum subiectos mœnibus campos iustus teneret exercitus, nemo ramen id senserit, aut viderit. Ea enim erat in oppido rerum tranquillitas, vt Hispani, qui nuper audierant Liuianū supra Marosticā raptare exercitū, veluti in summa quadam securitate soluti ociosi; sine custodia, sine statione in foro essent; nam ea fortè die mercatus rerum venaliū ab agrestibus qui è proximis pagis conuenerant, habebatur. Ita Cardillus & Malatesta per quem Liuianus omnia difficilia atque aspera tentabat, nemine prohibente, citato cursu portam irrumpunt, atq; in forum conuolant. Extemplo turbata ibi omnia, sceminæ agrestes, oppidani, tumultuari, diffugere, militibus Hispanis maximo impedimento esse. Tamen milites quanquam repentino periculo exterriti, quòd arma induere, capere hastas, equosue conscendere vndiq; circumuenti non poterant, sinistras sagis inuoluunt, gladiosq; dstringunt, ac multis illatis & acceptis vulneribus Cardillum ante alios impigre pugnante interficiunt. Sed superuentu cohortiū quas Vrsinus introduxerat, et multitudine equitum oppressi obrutiq;, quum virtutē irritam ac exitiale fore cognoscerēt, si pertinacius resisteretur, gladijs proiectis deditionē fecerūt. Ita fortissima atque ornatissima ala equitum cum ingenti præda capta, atq; oppidum cum externis etiā mercimonijs, quæ sors ea die congesserat, direptum: Garcias Manricus cum signiferis turmarumque præfectis Venetias perductus, & in carcerem conditus est. At Piscarius serò de suorum fortuna certior factus, quum coactas in vnum copias in hostem via Rodigina ducere cœpisset, cognouissetque non multo post Liuianum cum vniuerso prope exercitu eam rem confecisse



confecisse, erectoque animo maiora moliri, ab Lendenaria mutato consilio Veronam se recepit. Interea Rentius deletis Syluij copijs, de successu Liuiani per literas edoctus, in ea rerum occasione, suadente legato Veneto, Bergomum contendit: vltroque receptus ab his ciuibus qui semper victi multatque pecunia, nec tum quidem a prima fide, vel infelici exitu discellerant, vrbe potitur. Occupato Bergamo, spes quoque recipiendi Brixie Venetis facta est. Nec mora cum duabus cohortibus & turma equitum Bartolomæus Villaclara nobilis Brixianus, cuius forti opera eo bello Veneti vti fuerant, & cum eo Nicolaus Scotus Brixiam mittuntur, qui ciuium animos tentent, augeantque in maius  
 10 Rodiginam victoriam, & Bergomatium facti exemplum ad laudem proponant. Verum si quod virtute & diligentia Aloisij Icardi, qui tunc arcis custos & præsidij præfectus erat, ambiguae fidei ciues in officio continebantur, irrito incepto Cremam redierunt. Secundum tamen Bergomatium defectionem, quum Hispanos ferme omnes vndique deletos esse falsis finitimorum rumoribus afferretur, plerique sociorum inclinatis ad rebellionem animis, res nouas molituri videbantur. Caterum Cardonius ab Verona cum valida parte exercitus, et ab Crema Prosper motis properè castris, ad oppugnandum Bergomum vno tempore conuolarunt. Syluius quoque ab recenti clade reparatis copijs, accitisque à Briganteis montibus peditum auxilijs, cum apparatu oppugnandæ vrbis Bergomum contendit. At Rentius qui res hostium perditas ac profligatas esse existimans, relicta Crema, Bergamo parum munitæ vrbi ac muro debili, cum suam tum exercitus salutem temerè commiserat, cognito discrimine, parare ea cepit, quæ ad defensionem pertinebant. Concionatusque ad Bergomates, docuit rem nullius esse periculi, modo pristina fidei memores esse, et iuuare rem Venetam vellent, sicuti antea impigrè liberaliterque fecissent. Scire se propediem affuturum cum victore exercitu Liuianum: nec dubitare de victoria: futurum enim esse, vt hostium copie, in quibus nihil præter vana ducum nomina roboris inesset, vna die aut nocte altera deleretur. Ante omnia susceptos hospitio milites alerent, darentque operam, ne qui temerè per urbem tumultus excitarentur, cetera sibi curæ fore. Ita ciuibus alacriter imperata faciendis, suburbana  
 30 edificia lugente populo diruit, coactisque ad opus ex plebe & ex agrestium numero tribus hominum milibus, introrsus ab muro fossam denos pedes latam perducit, omne genus telorum locis idoneis imponit: & singulis cohortibus secundum urbanas tribus, certa mœnium spacia defendenda attribuit. Campanas demum (inuiolatam ante eam diem, sacris generis) templorum turrib. detrahit, & cõstat: eorumque metallo vtitur ad fundendas colubrinas. Hec sicuti impigrè Rentius Bergomatesque parabant, ita foris egregiè ab tribus ducibus bellum gerebatur. Syluius, cui id negotium demandatum erat, ab ea parte qua superiore anno castra habuerat, mœnia tormentis aggressus: quum abolendæ ignominie auidus, obuiam cundo periculis ingentem mœniū ruinam edidisset, magis ac magis patefacto aditu, magnam spem irrumpendi Hispanis militibus fecit. Neque Rentiani per decliua, ideoque exposita falconum ictibus loca, absque magno periculo hiantem maximis passim fenestris murum ligneis dolijs atque cespitibus obiectis sarcire poterant. Quibus de causis, quum pauor & consternatio ciuium ac militum animos occupasset, Rentius seruandi exercitus, ac dedendæ vrbis consilium cepit. apparebat enim eos vix primum hostium impetum toleraturos, Hispanorumque præsertim, qui supra cæteras bellicæ virtutis laudes, scientia



atque artibus expugnandarum urbium maximè valerent. Eo etiam minore cluuium spe, militumque fiducia, quod conanti per egregios artifices tormenta conflare, nullum iustæ magnitudinis effingi potuerat, tanquam Dîs iratis, & sua æra in humanam perniciem transfundi vetantibus. Igitur Rentius nullam prælii fortunam periclitatus, sicuti omnium opinione celerius, ita non provere virtutis fama tubicinem emittit, & cum eo idoneos ex numero ciuium & militum, qui deditioe cum hostibus agant. Quod ubi in castris vulgatum est, conclamant milites è manibus eripi sibi victoriam: contumelioseque & ingrâte facere duces, quod se omnium rerum indignos, & militum miserrimos, confectos labore atque vulneribus tenuissimis stipendijs alant: quum verò ad prædam & ad parata belli præmia virtute viam aperuerint, tunc malignis consilijs & foedis pactationibus faciles expeditasque victorias interpellerent. Seruari eo modo hostes, non deleri, ac foueri bella, non confici, dum priuatis quæstibus duces student, & sanguine militum abutuntur. Ideoque se in posterum dicto audientes non futuros, si in tanta delendi hostis occasione, suis premijs & proposita laude fraudentur. Syluius quoque, quod eum recentis iniuriæ dolor vehementer incitaret, ad Rentij priuati hostis & opulentæ urbis excidium ferebatur. Sed contra differebat Prosper, ab insita moderatione clementiaque Italico præcipuè sanguini parcere, & clades ab agris atque urbibus auertere solitus. Non enim militum libidini obtemperare duces debere, qui militiæ ad summum laudis decus aspirent, et à iusta generosi animi probitate famam quærant, latrocinantiumque militum immanitatem abominentur. Eam enim esse propriæ disciplinæ rationem, vt incruentis, quantum fieri possit, armis victoria petatur: & vrbes ad partem pacis commoda diligentissimè conseruentur, vt inde vberissima militi stipendia cum laude, non spolia immerentibus populis, aut altaribus et fanis cum nefario scelere detracta proueniant. Itaque sibi videri cum Rentio Bergomatibusque de deditioe perquam mature transigendum, proficiscendumque continuo aduersus Liuium circa Athesim cuncta metu cladibusque miscentem, quem facile paludibus implicitum oppressuri sint, si in eum totam belli molem conuertant: opportunè quoque Piscarium iam à Verona descendentem facturum inde negotium hosti, ad non dubiam victoriæ spem: quod si hæreant, atque oppugnando dubiam prælii fortunam tentent, & incerta certissimis anteponan, accidere posse, vt hinc & illinc elapsam occasionem conquirentur. Quin etiam meminissent se cum strenuo duce, cum valido veteranoque præsidio, cum pertinacissimis ciuibus ex iniquo loco dimicatuuros. Quod si id Fortuna tribuat, vt paruo detrimento victoria paretur, nihil certè deuictis hostibus Cæsari præter delectæ urbis ruiñas relinquendum: & quod suorum singulari damno incommodoque accidet, ditati præda milites à signis sine missione alio atque alio dilapsuros. At vrbe incolumi sperari inde certa stipendia, quibus milites in officio continerent: permansurosque demum in perpetua fide Bergomates, si eo clementiæ beneficio deuincirentur. Huic tutæ mitiorique sententiæ Cardonius facile assentit, & Bergomatibus ex merito de fortunis ac vita desperantibus incolumitas datur. Rentius verò cum præsidio (crant ijs ad quatuor milia equitum ac peditum) sine tuba, sine tympano Cremam redire permittitur, ea conditione, vt quantum ad rem Cremensem pertineret, trium mensium induciæ forent: atque ita Bergomates multati pecunia, leuitatis suæ poenas dederunt. His rebus confectis Cardonius & Prosper stipendium militi perfol-



persoluant: & cum expedita parte exercitus, sicuti animo proposuerant, ad Li-  
 uianum qui tunc ad Alieniacum castra habebat, quam maximè possunt iustis  
 itineribus proficiscuntur. Eodem quoque vñ consilio Piscarius & Alarco, edu-  
 ctis Verona copijs ad Montem Silicem iam peruenerant, atque idoneo in lo-  
 co vltra Athesim castra posuerant: rati Liuianum è Rodigio atque Alieniaco  
 in vetera castra redeuntem, à proposito itinere auerti atque intercludi posse,  
 vel necessitate itineris in proximas regressum paludes expugnatum iri ab ipsa  
 locorum iniquitate. Sed Liuianus haud ignarus rerum quæ ad Bergomum in-  
 felicem exitum habuerunt, iudicans Cardonium & Prosperum nullam moram  
 10 facturos, quin celeriter ad se opprimendum per Cremonensem agrum et Man-  
 tuanum conuolarent, ne sibi cum duobus exercitibus res foret, in pacatum ex-  
 cogitato nouo itinere se recepit. Tormentis enim ac totius exercitus impedi-  
 mētis ratibus impositis, quæ secundo amne Athesi in Hadriaticum deueheren-  
 tur, ipse cōtinentes ac difficillimas paludes ingressus, quæ nunquam antea exer-  
 citus ductus fuerat, ad Caput aggeris maritimum vicum nō longè à Clodia fos-  
 sa, præter hostium atq; accolarum opinionem, incolumem reduxit exercitum.  
 Nec multo post Maximilianus Sfortia Nicolaum Scotum, quem non longè  
 ab Abdua cum equitum & peditum manu auxilio Bergomatibus venientem  
 pauci Heluetij in itinere ceperant, capitali supplicio affecit. Erat is propter bel-  
 20 licam virtutem maioribus suis dignus, sed qui lingua immodicus, dum Maxi-  
 milianum insolenter carpit, malè principum vires superbo præcipitique inge-  
 nio metiretur. Sub idem tempus Galli, qui reliqui omnium in Italia apud Ge-  
 nuam in arce Phari, tunc maximè terra marique obsidebantur, deditionem fe-  
 cerunt. Verum quum per viginti septem menses, quibus egregiè obsessi om-  
 nes rerum asperitates tolerauerant, sepe varij et memorabiles casus acciderant,  
 non prætermittendum videtur, quod dignum memoria existimauimus. Sol-  
 uerat à Nicæa Prouinciæ Ludouici Regis iussu vir Dalmata, rei maritimæ af-  
 suetus, cum nauigio iustæ magnitudinis omnis genere commeatus onusto, eo  
 consilio, vt suis ad Phari arcem multarum rerum inopia laborantibus opem fer-  
 30 ret, quod duobus minoribus ante nauigijs felici nauigatione contigerat. Is præ-  
 teruictus superiorem Liguriæ oram, imprudentibus his, qui cum expedita clas-  
 se eamaria custodiebant, rapidum ex alto nactus Aphricū conuersis velis Pha-  
 rum tenuit, atque arcis scopulo appulsus, obsessis quibus attineretur, rudentes  
 dedit, & anchoras iecit, tanta Gallorum lætitia, quanta necesse erat in summa  
 rei frumentariæ desperatione. Nec ligustica classis quæ in statione erat, quan-  
 quam ex itinere prætereuntem tormentis peteret, contra ventorum vim eius  
 impetum prohibere potuit. Itaque Galli nautæ in proximum littus exponere  
 partem commeatus iam cœperāt cum maximo dolore populi Genuensis, qui  
 ad mare effusus, & speculas & littoris spatia compleuerat, gemens frendensq;  
 40 impotenti ira, quod tot mensium diligentiam & operam ac paratum laboris,  
 & industriæ fructum puncto temporis amisissent. Cæterum Emanuel Cabal-  
 lus inter Ligures rei naualis peritissimus conuersus ad multitudinem: hodie-  
 num, inquit, negotium occasionis est atque virtutis, non irarum vel intempe-  
 stiui quæstus. Quare macti virtute iuuenes, qui tantum dedecoris animo atq;  
 oculis sustinere non potestis, mecum hanc nauem statim conscendite: & si vn-  
 quam pro gloria dimicastis, nunc maximè ad retinendam naualis discipline ex-  
 istimationē, patriæ ac ciuibus fortissimam operam præstate. Nec mora, scan-



dentem onerariam nauem trecenti ferme iuuenes, duce Andrea Auria viro im-  
 pigro, secuti sunt, nihil miserabile mortis genus horrentes, quum haud dubie  
 obuiam hostium tormentis eundum esse intrepidis animis reputarent. Ema-  
 nuel summa celeritate explicatis armamentis statione egressus, modico in altum  
 capto circuitu, quo aura plenius vela inflaret, secundissimi venti beneficio re-  
 cta ad hostium nauem contendit: nihilque territus crebris pilarum ictibus, qui  
 bus continenter ab arce petebatur, iniecto statim harpagone in eam primus in-  
 filijt: & præcisus rudentibus, quibus propugnaculo arcis alligabatur, momen-  
 to temporis auulsam in altum abripuit, tanta arte atque peritia inter scopulos  
 hostileque nauigium directa prora, vt quod propositi erat in maximo pericu-  
 lo, & nauem excluderet, & abrasis scopulis paratum naufragium euitaret. Inte-  
 riore tamen aliqui tormentis dilacerati, & Andreas ea incidentium pilarum pro-  
 cella attonitus, vix post multos dies adseredijt. Dalmatam vero nauis præse-  
 ctum, qui in mare se præcipitauerat, vt ad arcis scopulos adnataret, Iustinianus  
 nobilis adolescens per vndas itidem adnatando, euadentem consecutus, crini-  
 bus arreptum in proximum littus pertraxit. At Caballus captiuam trahens na-  
 uim, dum extra tormenti iactus in altum eueheretur, facile ex alta naui in hu-  
 milem transcendentibus armatis, ad sexaginta Gallos interfecit aut cepit: mox  
 regressus ad classem, summa populi gratulatione suscipitur, donaturque quin-  
 gentis aureis: præda vero socijs naualibus diuisa. Fuere ad centum vini ampho-  
 ræ: frumenti & salitæ carnis vis ingens: tormentarii pulueris triginta cadi: præ-  
 terea arma omnis generis: signata pecunia in stipendium triplex: vestis multa,  
 & varia id genus, quæ ad soluendam obsessorum inopiam excogitari parariue  
 potuerant. Eares non tantum præsentis comædatus certam spem interpellauit,  
 sed in posterum docuit, nihil temere nauibus committendum aduersus eos ho-  
 stes, qui in re maritima virtute atque peritia longè alias gentes anteirent. Post  
 id factum, apparuit, Gallos, qui omne cibarium genus absumpserant, dedi-  
 tuos fuisse arcem, nisi (vt suo loco memorauimus) ante euentum prælij Noua-  
 riensis, Adurnij & Flisci eos omnibus necessarijs rebus adiuuissent. Nouissime  
 vero Octauiano rerum potiente, quum ciues diuturnæ obsidionis tædio atque  
 incommodis fatigati, nec supremam hostium famem, nec ullam iam temporis  
 moram æquo animo diutius ferrent, nouum oppugnationis genus institu-  
 runt. Vni enim huic curæ maximè erant intenti, vt quandoque infestissima ars,  
 quam Galli Liguriæ frenum appellabant, in perpetuam spem libertatis expu-  
 gnata tolleretur. Persuaserat Octauiano atque Senatui Petrus Hetruscus ma-  
 chinator & artifex mirabilium operum, posse facile excindi arcem, si actis per  
 subiectam rupem cuniculis, immissoque tormentario puluere, exemplo Nea-  
 politanæ arcis, nota certa que ratione seuturi demum intus ignes excitarentur.  
 Verum quum nec à terra, nec ab aperto mari, vi ac multitudine tormentorum  
 hostilium prohibente, destinatus animo artificis locus adiri tuto posset, sum-  
 ma negotij difficultas ab omnibus proponebatur. Arx enim præciso vndique  
 scopulo imposita, qui porrectus in mare, peninsulæ formam efficit, à continen-  
 te propter oppositi montis frontem, angustum & abruptum locum habebat,  
 omni iniuriæ tormentorum atque telorum expositum. Quà verò circumfluo  
 mari alluitur, propugnacula erant idoneis in locis erecta, instructaque maiori-  
 bus colubrinis: quibus conspecta in alto nauigia intervallo etiam viginti sta-  
 diorum, è destinato peti poterant: simulque lunata facie patefens portus & o-  
 perosa



perosa moles quę in altum excurrentem frontem ostendit, adeo infesta reddebatur, ut nec humile quidem nauigium in portu consistere auderet: atque vniuersa classis ad Carinnianum littus, quod obiectu molis tegebatur, suspecta & male fida in statione agere cogeretur. Hac etiam rerum iniquitate proposita, quum humanis artibus locorum asperitates audendo agendoque superari posse existimarent, eodem Hetrusco autore, nauigium ad Pontonis formam ædificant planiore carina latum capaxq;, & ingentis etiam molis patiens: huius latera cingebantur continenti & perpetua saccorum serie, in quęis lanæ tomentaque inerant, atque id genus rerum quę molliter cedendo vim tormentorum  
10 facile excipere atque eludere consueuerunt. Id noctu ad arcis scopulos impune adigi posse sperabant: quod si peruenirent, quod nullus tormentorum usus ab alta arce in subiectos foret, pluteis ac modica testudine testis fossoribus exuari tuto posse suppositam rupem omnium opinione confirmabant. Igitur paratis ad hoc ferramentis fabros imponunt, adduntq; præsidio cum delectis militibus Gigantem Corsum singularis animi centurionem. Ratio autem adigendi nauigij hæc vna reperiebatur, si noctu ingentem anchoram lembo aduectam sub arce profundo mergerent, indeq; ductarium & longissimum funem ad nauigium perducerent, ea spe ut cum versatili machina colligere funem cõpissent, resistente anchora nauigium necessario pertraheretur. Hæc quum im-  
20 perata atque feliciter perfectæ fuissent, & quieto mari intempestaque nocte nauigium adigeretur, Galli in omnes hostium motus excubantes, utpote qui per suæ factionis homines multum antea cognitis eorum consilijs Pontonis aduentum senserant, subito saxa, tormenta atque animos ad id certamen præpararunt. Enimvero, ut postea ab ipsis Gallis cognitum est, summæ audaciæ viriatores non deerant, qui noctu stationem fallerent, & literas in arcem deferrent. Iam dimidium itineris navis confecerat, quum Galli extructam in summis propugnaculis ingentem pyram continuo succenderunt: cuius late relucens flamma subiectum mare discussis tenebris illustravit, tanta claritate ut tormentorum certissimis semper ictibus nauigium peteretur, & penitus transuerberaretur. Quæ res omnium animos fregit, quod se noctis tenebris tectos fore, et obiecta remedia omnem eam vim impune latura crediderant: quod secus accidit: nam prima pila adacta in proram, dilaceratis aliquot militibus & fabris, a puppe etiam euasit: secunda pariter & tertia ac quarta innumerabilesq; alia, horrenda intus strage edita, disiectis miserabiliter humanis artibus, cruore, cadaueribus et desperatione totum nauigium compleuerunt. Ita quum quisque metu mortis ab officio discessisset, nec vlla iam spes salutis consternatis corpore atq; animo relinqueretur, in mare præcipites desiliunt. Ibi plures scaphis excepti quæ ad ferendum auxilium periclitantibus suis aduolauerant: alij vero, in quęis fuere Gigas & Hetruscus nantes, oppugnati etiam in undis multis  
40 falconum ictibus, incolumes tamē ad littus peruenerunt: nauigium verò quasi satum pertusumque varijs in locis, paulo post est demersum. At tunc maxime usus rerum omnium magister edocuit, nihil validum aduersus vim atque impetum tormentorum humana solertia posse comparari. Inclinate autem astate, quum Octavianus summa diligentia, qua Pharus terrestri itinere aditur, dispositis in statione cohortibus, et triplici classe in alto constituta, veluti lunari acie circumiecta maria clausisset, custodes ad deditionem compulit: nanque intolerantia famis Gallorum corpora aduersa valetudo tentauerat: atq; ea vis



morbū ingruente autumnō, & desperatis vitæ subsidij, grauissimè grassatura videbatur. His verò conditionibus arce excessum est, vt præsidarijs stipendiū ab Octauiano populoque Genuensi continuò persolueretur, & sine fraude nauibus Massiliam adueherentur. Ita tradita arce et recepto stipendio incolumes in Galliam transportati. Populus verò leuatus tanto onere ac cura, quanquam superis gratias ageret, & plurimum ea victoria lætaretur, omnes tamen cum memoria repeterent, quo dolore, quantaq; pecunia eam arcem impotenti Imperio victoris regis in collum propriosq; humeros erexissent, illam demum captam pauidis etiam animis horrebant. Apparrebatque eam maiores calamitates quandoque allaturam liberæ ciuitati, nisi quàmprimū veluti excusso seruitutis iugo, fortes atque optimi ciues in memoriā recuperatæ libertatis, tanquam suspectam & exitiabilem excinderent, atque delerent. Vnus quo minus id fieret Octauianus prohibere poterat, quum arma præsidiaque teneret. Sed is magno & liberali animo priuatis ambitionibus publicum decus prætulit, maximoque fauore omnium à fundamentis arcem euertit: aliquanto tamen maiore virtutis indole desiderio ciuium satis fecit, quàm postea dignitati, patriæ atque Italiæ consuluerit.

## PAVLI IOVII NO

VOCOMENSIS, EPISCOPI NV-

GERINI, HISTORIARVM

SVI TEMPORIS.

## LIBER XIII.



ANNVS qui fuit à partu Virginis millesimus quingentesimus quartusdecimus, vniuersam in primis Italiam cæterasque provincias, quæ proximè bello exarserant, quietissimas habuit: nulla tamen spe future pacis: quandoquidem diuturnitate bellorum fessi principes, quum haud dubiè attritæ omnium vires facile reparari non possent, veluti consensu quodam arma posuerāt, quæ mox inferioribus animis resumerent. Adeo acerbæ inter se odia victi victoresque exercebant vt veteres controuersias, quibus notas etiam belli causas in tanta varietate casuum addiderant, finituri minimè viderentur, nisi alterutris nihil reliquum Fortuna faceret, vel vtrique per mutuas clades ad interitionem bellando conciderent. Sed quantum pacata Italia Occidentisq; provincie leuata bello videbantur, tantum Septentrio, & magna pars Orientis eo belli incendio deflagrarunt, quod continenti veluti flamma, à viginti annis vniuersum terrarum orbem peruagatum, & magna imperia, & nobilissimas gentes, cladibus terroreque concusserat. Ortum primò bellum in Pannonia atrocitate sceleris potius nouitateque periculi, quàm rei gestæ successu memorabile. Imperabat tunc Pannonijs Vladislaus Sigismundi Sarmatarum regis frater, Matthiæ Coruino Hunniadis filio, cui successerat, omnino dissimilis,



milis. Nanque Matthias rei militaris peritia, magnitudine animi, & felicitate  
 rerum gestarum veterum Imperatorum gloriam æquauerat: hic vero discor-  
 dia atque ambitione procerum, & viduæ reginæ libidine, quæ formosi & ma-  
 xime illustris noui regis nuptias appetebat, potius quàm insigni virtute à Bo-  
 hemico ad Pannonicum Imperium euectus cum singulari prouinciæ detri-  
 mento & fortissimæ gentis ignominia, sæpe pudendam pacem atque otium  
 necessario bello prætulit. Siquidem Turcarum incursionibus sæpe lacessitus,  
 qui finitimos agros exurere, et magnā captiuorum multitudinē quotannis ab-  
 ducere consueuerunt, semel aut bis iustum exercitum instruxit: quo terrore re-  
 10 pressis hostibus, præsentimetu potius finitimos soluit, quàm quod exemplo  
 Hunniadis, hostile solū infestis armis ingressus populando vrendoq; cos quo-  
 que similes clades timere docuerit. Sed quum Selymus Turcarum imperator  
 Persico bello implicitus (vt mox ex ordine rerū memorabimus) omnes Euro-  
 pæ copias per Hellepontum in Asiam traiecturus esset: vigeretque etiā tunc  
 bellum in Croatia, plerique regni proceres, & in primis Thomas cardinalis  
 Strigoniensis, excitato rege, propulsandi atque inferendi belli consilium cœpe-  
 runt, quasi nutu Deorum bene gerendæ rei facultas offerretur: quod nudata  
 præsidio Mœsia, & Illirij Triballique infensissimi Pannonijs hostes, abducto  
 a Selymo flore militum, inualidi ad resistendum videbantur. Verū ea tem-  
 20 pestate adeo affectus Pannonicarum rerum status erat, vt opulentissimū pau-  
 lo antè imperium commutata cum rege fortuna, intestinis malis corruptum, i-  
 gnobile exhaustumque iaceret. Namque Vladislaus cum senio, tum multa o-  
 belii corporis aruina oppressus, & solis confusus Dei Diuorumq; auxilijs, quos  
 summa pietate pro salute sua atque incolumitate imperij iam pridem accuratis  
 precibus fatigabat, omnem regni administrationem omiserat: ab vna tantum  
 innocentia, facilitate, indulgentia, & quod plerunque sui ac imperij obliuiscer-  
 retur, a proceribus commendatus. Quam occasione nacti complures reguli, &  
 quisque in prouincia potentissimus, qui Matthia vita functo, atque extincta  
 cum eo militia, otio atque auaritiæ se corrumpendos dederant, fraude & ma-  
 30 lis artibus regnum prædæ loco habere cœperunt: oppugnare oppida & vr-  
 bes, plebem et miseros agricolas impotenti dominatu & intolerandis exactio-  
 nibus exagitare: non armis, non equis, aut denique militari gloria (vti mos gen-  
 tis erat) sed vni tantum rapinæ atque auaritiæ studere. Quibus de causis quum  
 regni opes foedissimè dilaberentur, neque redditibus imminutis atque euer-  
 sis vectigalibus pecuniæ bellorum nerui pacisque subsidia vllæ iam apud regem  
 essent, neque propositi rationem, neque modum cogendi exercitus facile repe-  
 riebant. In ea difficultate negotij, quum res ad consilium deferretur, aliqui sua-  
 debant nihil temere audendum contra eum hostem, qui si Asiatico bello se ex-  
 plicet, aut diuisis viribus retrospiciat, aduersus tyronem & collectitium exerci-  
 40 tum robustissimas Ianizarorum legiones, & exercitatum atque innumerabi-  
 lem equitatum tanquam ad certam paratamque victoriam ducturus sit. Proin-  
 de ea maturius consideratiusque tractarent: pertinere eandem belli causam ad  
 Cæsarem & Sigismundum Sarmatarum regem, qui in Carinthia atque Polo-  
 nia hisdem quoque periculis miscerentur. Itaque explorarent eorum animos,  
 voluntatesque perspicerent: quum nihil recte aut ordine fieri possit, nisi com-  
 muni consilio & viribus bellum geratur. Erant vera hæc: sed vanum aut diffi-  
 cile videbatur sera ab his expectare auxilia, qui proprijs bellis distinerentur.



Nam Cæsarem Italiæ rebus intentum Venetus multò pertinacius quàm vñ quam antea, amissas vrbes bello repetens, exercebat. Sigismundum verò in finibus Lithuanix, Moscorum & Scytharum arma, qui superiore æstate incursiones fecerant, & Smolenchum oppidum occupauerant, suarum rerum sollicitum alienos casus respicere minimè patiebantur. At cum Tinninum Illyricæ Croatiae oppidum, propter maximam loci opportunitatem totius regionis propugnaculum, interea Turcarum impetum ægrè sustineret, appareretque Turcas, qui è proximis præsidijs vñ huic curæ animos intenderant, veloco potirentur, nullo postea negotio ad vltiores gentes peruasuros, in consilio decernitur, euocandos esse milites, qui Christianæ religionis auspicijs militent, & gratuita operare regni fines tueantur, maximeque Tinninum atque omnem Croatiam ab iniuriâ defendant. Ea regio ad Illyricum pertinet: ab Aquilonelatos habet campos, ab Austro ad Iulias alpes vsque ad Lyburnicæ oram se extendit. Introrsus Sauus flumen ex Carnicis alpibus per Illyricos placido cursu effusus, simul Cetinna & Huana minores amnes provinciam claudunt. Igitur Thomas, qui nuper à Leone Pontifice legatione suscepta ad Vladislaum venerat, aduocata frequēti concione, & recitatis sacris diplomatibus, pollicetur eis qui arma induerint, & pro Christo Deo aduersus Turcas in acie steterint, eorum criminum veniam, quæ humana fragilitate præter instituta legis impiè commississent: & denique egregiam mortem occumbentibus æternam cum diuinis felicitatem. Ad huius edicti famam multi mortales coiuere, quibus Cardinalis purpurea cruce obsignari pectus iubet, eosque Cruciferos milites appellat. Sed mox quum latius per regni fines ea fama vagaretur, innumerabilis agrestium multitudo relictis pagis arma sumpsit: etenim durum laborem aspernati, & tunc maxime nobilium odio deflagrantes, pars multò maxima tædio vitæ potius quàm pietate religionis adducti, ad urbem Pestum confluebant. Ea vrbs in vltiore ripa Danubij sita, interlabente fluuio Budam contrà respicit. Nec Pesti solum, sed in vicis atque oppidis, vbi primi hisdem persuasionibus, domo exciti ex itinere alios atque alios sibi associauerant, non contemnendæ manus armabantur. Igitur barbara atque incondita multarum gentium colluies, quæ sicuti non vna causa arma ceperat, ita nullo salubri consilio regeratur, primò inolescere aduersus nobiles, ac iactare, venisse tempus quo serui cum dominis vitæ conditionem commutarent. Postremò summa procacitate postere commeatum, rapto pascim viuere, & comminari nobilibus excidium, nisi continuo eorum facultatibus iuuarentur. Thomas qui ab initio ad duo milia equitum & peditum egrè se conscripturum putauerat, vbi renunciatum est pascim manus cogi, exciri sedibus remotas etiam gētes, et breui demum, si sparsæ vires in vnum conferantur, supra quadraginta milia bellatorum in armis fore: tanta territus multitudine, publico edicto vetat superuenientes cruce signari: si qui priuato consilio sibi cruces affixerint, his aqua & igni interdicit: atque eadem ceteris comminatur, si his tanquam impijs & sceleratis non decesserint. Primi ex voluntarijs in quibus erant plerique viri honesti, qui pietate & promerendis cælestis vitæ præmijs nomina dederant, & à Cardinale cruces sumpserant, Ambrosio duce continuo secesserunt, atque arma posuerunt. Cæterum alia multitudo quum neque diris & execrationibus, neque vlla denunciatione supplicij permoueretur, nequaquàm tam foedo incæpto abstinere, populari vicis, expugnare villas, capere et per omnes cruciatus interficere nobiles, atque eorum agros



agros omni belli clade vastare. Nec mora, feroces et turbidi neglecta religione,  
 & spreta auctoritate regis atque legati, ne sine imperatore, sine auspicijs exerci-  
 tus esset, regem deligunt Georgium quendam Sechelum, virum fortem, intre-  
 pidum, omnis sceleris audentem, nec ignarum militiae: & super hæc, nobilita-  
 tis hostem acerrimum. Is bipartito exercitu quo latius terrorem spargaret, &  
 quàm effuse grassaretur, minoribus copijs Lucatium fratrem præesse iubet: ipse  
 cum robore exercitus sublato crucis vexillo ad urbem Varadinum hostiliter  
 ducit: in itinere cuncta in prædam vertit: nobiles quos capit, adacta per sedem  
 præacuta sudæ, miserabili supplico enecat: matronas, ingenuas virgines vniuer-  
 so exercitui prostituit. Varadinenses cognita agrestium immanitate, equita-  
 10 tum omnem urbanum emittunt, ut agrum ab iniuria defendant: cum his agre-  
 stes ineunt pugnam, ac primo impetu temerè inuectos equites fundunt, & ma-  
 gna ex parte trucidant. In ea rerum perturbatione Vladislaus & Thomas con-  
 siliij propè inopēs, quod ex insperato omnia fœda aduersaque obuenerant, tre-  
 pidare; armare prætorianos: præsidia ab finibus Turcarum reuocare, quod Pe-  
 sti, quod Budæ equitū erat colligere, atq; auxilia demum à Cæsare, à Sigismun-  
 do, à Bohemis postulare. Interea Georgius ad Cianadium contendit: eam vr-  
 bem, quod ut pleraque regionis ædificia ex cratibus materiaque constabat, cu-  
 mulo sarmentorum & stramenti struibus circumuallare instituit, ut nec tenta-  
 20 ta quidem oppugnatione subitis flammis inclusos, atque ædificia simul absum-  
 meret. Urbis Episcopus, qui ex apparatu hostium futuram calamitatem presen-  
 serat, clam ex oppido in proximas sylvas effugit. Cæteri ferè omnes pars fumo,  
 pars igne aut telis circumfusa stationis, quæ, ne vllum miseris pateret effugium,  
 loca flammis intacta, atque omnes exitus obseruabat, cum oppido miserabili-  
 ter perierunt. Postridie vero Georgius Cianadiensem Episcopum, quem re-  
 pertum in syluis agrestes vinctum in castra perduxerant, coram multis affe-  
 ctum probris & contumelijs, ferrea claua percussit, & semianimem palo infi-  
 xum spectandum exercitui præbuit. Simili quoque rabie quosque clarissi-  
 mos genere & opibus, aut sacerdotijs insignes consecratus, ut in manus vene-  
 30 rant, exquisitissimis tormentis dilaniavit. His acceptis incommodis, & maio-  
 ris etiam cladis metu perculsa nobilitas, passim per vrbes habitis consilijs, qui-  
 bus tanto discrimini atque imminentibus malis obuiam iretur, arma, tela, e-  
 quos, tormenta, quanta fieri potuit celeritate aduersus hostes comparauit.  
 Primus omnium Ioannes Bornemissa, vir inter eas gentes, ut barbarum no-  
 men sonat, maximè sobrius, delectus à rege cum Budano exercitu Danubium  
 traiecit, & in patentibus campis contra agrestes, quibus Lucatius præerat, acie  
 instruxit. Sed non prius solerti vir ingenio pugnandum sibi cum efferis hosti-  
 bus iudicauit, quàm eorum animos pertentaret, experireturq; an vllis persua-  
 sionibus sanari possent. Igitur circumemisso præcone, qui proposita venia &  
 40 ostentatis præmijs liberam transcundi ad se potestatem pronunciaret: eos ve-  
 rò qui apud Lucatium mansissent, nullam spem postea salutis habituros, breui  
 non cōtemnendam eorum manum in deditionem acceptam in castra recepit.  
 Mox Lucatium, & cæteros crebris suorum transfugijs territos, eminens tormē-  
 tis oppugnare adortus, quum inter munimenta carrorum, quos illi pro vallo  
 Budanis obiecerant, pilarum procella magnam stragem edidisset, & mox col-  
 latis signis & circumfuso equitatu fusos & disiectos latè occidisset, magnam  
 eorum partem deleuit. Lucatius ab initio pugnae, quum haud dubiè fortuna



hostium esse territus, cum paucis celeri fuga ad Georgium fratrem se contulit. Bornemissa ea parta victoria, Budam triumphanti similis inuectus, dedititios magistratibus tradidit, ut ij ex iure & æquo quam mature decernerent impijs ne data fide seruanda, an ab his qui tot calamitatibus intulissent, nobilium sanguis paribus supplicijs repetendus. Medium quoddam censuere patres, ut in defectionis authores, atque aliquos maleficijs insignes animaduverteretur, ne fallendo publicam fidem, ius gentium violare viderentur: paucorum tamen exemplo terrent cæteros, pluresque seruatos vellent: ne sublata spe veniæ, efferratos iam multis immanibus factis aliorum animos, ad maiora scelera in ea desperatione salutis accenderent. Itaque octo ferme securi percussi, quinque subdibus infixi, gratissimum nobilium oculis spectaculum præbuerunt. Nec multo post nobiles successu Bornemissæ aucti animis: quum vagi & in plures exercitus diuisi agrestes eadem sæuitia, igne ferroque omnia popularentur, prope ad internicionem gentis aliquot secunda prælia fecerunt. Dimicauere primo ad Nagelacum vicum feliciter, mox apud Agriam urbem aliquanto maioribus viribus, & pleniore victoria. Varadinenses quoque dolore interfectorum ciuium, ac vindictæ cupiditate accensi, prospero pugniæ euentu recentem iniuriam expiarunt. At Georgius tametsi tot cladibus acceptis, et vires, & ex aduersa fortuna omnem suam existimationem, quæ maxima sæpe rerum momenta in ipsis negotijs afferre consuevit, fratris vitio atque imperitia legatorum amiserat, nihilominus ipse animo non deficit: contractis reliquijs ac accitis nouis auxilijs bellum reparat, & ad Tybiscum amnem progreditur. Oritur in finibus Sarmatarum, delatusque per vltiorem Pannoniam, recepta prius Temesa, haud ignobili flumine apud Furtarchum Danubio miscetur. Ea erat natura rapadissimi fluminis, ut propter aquarum multitudinem vado transiri non posset. Itaque Georgius ex proximis ædificijs dolia lignea, catenas ferreas, tigna, trabesque conquiri: ex his repente pontem fabricat, tabulisque consternit tanta operis firmitudine, ut tormenta gneæ, onustos commeatibus currus, atque omnia impedimenta exercitus facile pateretur: atque ita omnes copias traducit, eo consilio, ut in pacatiora loca abscedendo, nouas vires acquireret, occuparetque aliquod oppidum in finibus Turcarum, quo se recipere, frustrari hostium impetus, atque inde tanquam ex munita tutaque arce bellum in hyemem extrahere posset. Nanque ex Bohemia omni bellico apparatu instructas copias ad se opprimendum aduentare: præterea omnes nobiles & episcopos qui ex sacris redditibus turmas equitum alere consueuerunt, cum regio equitatu conferre in vnum vires audierat. Erat Temesuar oppidum ab flumine Temesa præterlabente nomen accipiens, arte naturaque munitum, quod maximo Pannoniorum studio propter finitimos Turcas valido præsidio tenebatur: id Georgius sibi animo proposuerat expugnandum, ratus si eo potiretur veniæ & pacis magnam mercedem habiturum: vel si Rex pacem abnueret, ipse demum tradito oppido cum insigni munere ad Turcas deficeret. Igitur prolatis tormentis que bello ceperat, vel ipse in castris cōflauerat, moenia quatit. Mox ubi parum proficere visus est propter loci iniquitatem, suorum imperitiam, propugnatorumque virtutem, consilium cepit inuadendi ab ea parte oppidi, qua flumine munitiebatur: quod ibi nec altitudine muri, nec omnino arduo anscensu tutam, facilem & expeditam viam victoriam ostēdebat. Ergo in idoneum locum magna suorum multitudine ad opus ducta, fossas plures facere instituit: quibus paulo



paulo supra oppidum defixis in vado sublicis, atque aggestis eratibus obstru-  
 ctum magna ex parte auerteret. Nec successus deerat, nisi industria obfessorum  
 & provincialium perfidia ea res in irritum celsisset. siquidem magnis pollici-  
 tationibus atque pecunijs empti aliquot eius regionis agricolæ, qui in castris  
 officij causa versabatur, noctu transgressi in aggerem, quum nulla ibi militum  
 statio excubaret, effractis obicibus, quibus ab priore vado repellebatur amnis,  
 omnem illam aquarum molem veteri alueo reddiderunt. Georgius spe potius  
 di oppidi sua etiam confensione deiectus, quum huc atque illuc raptando exer-  
 citum animo varius & conscientia scelerum exestuans, nullum salubre exitum  
 10 male sanis consilijs suis inueniret, per exploratores fit certior, appropinquare  
 cum magnis copijs Ioannem Transylvaniæ præfectum, quem Pannonij Vay-  
 uodam vocant. Is nuncius Georgium quanquam ad omnia impavidum ma-  
 xime perculit, & vim omnem agrestium & spiritus fregit. Erat enim Vayu-  
 da, qui sibi postea regis nomen parauit, tamen adhuc imberbis, propria indo-  
 le & virtute paterna, multis fortibus factis apud Turcas æque atque apud Pan-  
 nonios clarus: magnaque erat eius exercitus opinio, quo cum Turci Zapol-  
 uis pater in finibus Transylvaniæ multos annos continenter bella gesserat.  
 Transylvania ultra Danubium longè lateque patens regio, veteres Dacos &  
 inferioris Mysiæ partem, extinctis priscis nominibus occupat: eius solum va-  
 20 rijs in locis auriferos furculos & glebulas aureas passim gignit. Cæterum pau-  
 cæ vrbes, multa verò oppida, nec rara passim ædificia visuntur. In vniuersum  
 armentorum diues est, & militare equorum ferax. Vladislaus regionem obti-  
 net maiore gloria quam prouentu. Siquidem veteribus provinciæ terminis ab  
 Aquilone Sarmatas, ab ortu Valachos, Getas, & Turcarum fines attingit. Igi-  
 tur Georgius vt vidit instare fatale prælium, quod haud dubie supremis cona-  
 tibus sibi agendum pro salute, aut egregie cadendum iudicabat, circumeundo  
 exercitum, capere arma milites iubet, & in æquum locum deducit. Inde aduo-  
 cata concione breuissimè docet, quæ supplicia & cruciatus eos maneat, qui ab  
 suo rege defecerint, & nobilibus tot calamitates intulerint, nisi vnum omnes  
 30 sentiant: & desperata salutis conditione, forti animo prælij fortunam pericli-  
 tentur. Nihil iam commeatus, nihil spei, nihil denique consilij in castris super-  
 esse præter vnā virtutem & audaciā: quā freti si obstinate in animum indu-  
 cant, aut vincendum egregie, aut in vestigio moriendum, commeatus abun-  
 de, tutos receptus, amicas gentes, & ex vsu victoriæ salutem, opes, gloriam in-  
 ueniret. Ex aduerso Vayuoda nulla magis ad milites cohortatione vsus quā  
 vt inermes sceleratosque latrones despicerent: neque alicuius negotij futuram  
 victoriam arbitrantur, qui multos annos bellando pugnandoque, cum Tur-  
 cis & Valachis, fortissimarum gentium victores discessissent, propius exercitū  
 admouit, immisisque leuis armaturæ equitibus, qui expedites arma hostes  
 40 iniecta trepidatione turbarent, aciem direxit, extensis ab cornibus quātum ma-  
 xime poterat equitum alis: vt à fronte simul et à lateribus imperitam multitudi-  
 nem adoriretur. Georgius vt in trepidā re infracto animo quicquid roboris in  
 exercitu erat, in fronte collocat: ceteros quibus parum fidebat in subsidijs & in  
 postremo agmine agere iubet, & citato equo ad primos aduehitur. Ibi conti-  
 nuus, & propositum pugnae signum, & acriter vtrinque procursum, stetere a-  
 liquantulum vtraque acies incerta victoria, sed quum Vayuodani virtute, ar-  
 morum vsu, & belli causa longè superiores essent, circumfuso equitatu, primos



qui peruicaci audacia aliquandiu conseruatis ordinibus restiterant, protriuerunt, mox alios primorum cæde territos, acri impetu loco pulsos in fugam verterunt. Georgius cum Lucatio fratre, quibus vt parceretur Vayuoda iusserat, viuus capitur: alij fœdissima fuga toto campo sparsi ab equitatu passim interficiuntur. Magna tamen pars eorum quum proiectis ad terram armis flentes salutem peterent, cōseruati fuerunt. Vayuoda ad internitionem Cruciferi nominis confecto prelio, Georgium tortoribus excrucians tradit. Illi nudum et catenis vinctum in equuleo cōstituunt, & corona cādenti ex vomere conflata, vt regum mos est, coronant: venisq; dissectis profluentem sanguinem potādum Lucatio prēbent. Deinde ad viginti agrestes qui in exercitu ordines duxerant, tridui inedia maceratos ad id crudelitatis cogunt, vt dentibus spirantis ducis artus dilacerent atque diglutiant. Ille mira constantia, neque gemitum edere, neque in miserabili mortis genere quicquam horrescere, vnum tantum deprecari, ne infontem Lucatium, quem ipse renitentem ad id bellum perduxisset, his cruciatibus dignum existimarent. Postremo laniatis omnibus membris, quum diutius grauissimos dolores vel immani spiritu sustinere non posset, extractis visceribus exenterant, in frustra secant, atque ahenis & veribus coctum, comedendum militibus suis apponunt. Eos verò talibus epulis faciatos cū Lucatio omnibus supplicijs dilaceratos interficiunt, horrendum sanè spectaculum, & ante memoriam nostram inauditum Barbarici supplicij genus: à quo tamen, & si Georgius extrema quæque meruerat, viri Christiani animum atque oculos auertere debuissent. Ea miserabili carnificina deletis agrestibus qui duorum fratrum signa secuti fuerant, cæteri earum partium per Pannoniam in plures manus sparsi, cognita suorum fortuna suas quisque domos detractis crucibus abierunt. Enimvero & duces sibi fecerant, & coalituri crescente etiam tum perditorum multitudine, bellumque priore atrocius iunctis viribus tracturi videbantur, nisi ab incepto deterritos quàm maturè Vayuodanus exercitus oppressisset. Tot verò tantisque successibus elata nobilitas, quum adhuc arma retineret, in Cardinalem penè bellum conuertit: authorem enim eum tantorum malorum calamitatumque fuisse dictitabant. Nec abstinabant a probris & contumelijs, quod is summa avaritia, intoleranda superbia atque ambitione regni opes afflictasset, & Regem vix mente integræ senectæ vitijs affectum, peruersis consultationibus in ea pericula conijceret, vnde sibi cum excidio provincialium ingentia auri argentiq; pondera, & quam latissimos fines pararet: celsisse avaritiæ atque libidini eius Strigonium nobilissimam urbem profano iure abolito, & breui quoque cessuram Budam atque vniuersam Pannoniam, nisi semel temeritati atque avaritiæ suspectissimi hominis occurratur. Thomas consensum atque iudicium id totius nobilitatis existimans, ne auctoritatem suam atque salutem temerè Fortunæ casibus obiectaret, plures dies Strigonij mœnibus se continuit: Inde per literas atque legationes apud Regem his diluendis quæ nobiles obijcerent, docuit nihil minus sibi seni ditissimo, & maioribus sacerdotijs insigni conuenire, quàm dolum, avaritiam, aut libidinem proferendæ potentiæ: quæ tanta esset, quantam ipse ex humili fortuna ad summos honores euectus nunquam desiderasset. Extare fidei atque virtutis suæ monumenta, nec sibi pro beneficijs contumeliam ignominiamq; reddēdam, quod pro dignitate Pannonici Imperij, et commodo Reipub. Christianæ, id summa fide & sincera piaque voluntate tentandum



agendumque existimauerit: quod postea (fatis ita iubentibus) corruptissimi omnium mortalium summa impietate atque perfidia perturbassent. Dum hæc utrinque iactarentur, Bohemi iam pridem in auxilium aduersus agrestes Cruciferos ab Vladislao acciti superuenere, virtute & genere armorum Germanis atque Hungaris pares. Ii duce Bartholomæo professi se tutaturos regiam dignitatem, & vindicatos armis quæ Rex fraude & furto procerum amisisset, quum omnium animos in se conuertissent, intestini belli initia sustulerunt: maximè quod Vladislauum cum Strigonicensi consentire & fauere illius causæ, neque passurum ut ille procerum armis oppugnaretur, apparebat. Nobis autē  
 10 persuasum est, Bohemos, postquam Cruciferorum nomen interierat, domo iā excitos pecunia Cardinalis in Pannoniam peruenisse, ea de causa, ut nobilium ferociam, qui insolentiores spiritus sumpserāt, reprimeret: & dignitatem suam certissimis præsidij aduersus eorum inuidiam tueretur. At dum Vladislauus egregia de Cruciferis parta victoria, atq; intestini belli compressis initijs, Pannoniam pristinae paci quietique restituit, Sigismundus frater aduersus Moscouitas maiore fama ac viribus bellum gerebat. Exarserat id multis antea annis tradita per manus à maioribus controuersia, quam de finibus Casimirus pater, ac mox fratres Albertus & Alexander vario euentu, atque interpositis non  
 20 nunquam inducijs, cum eius gentis regibus exercuerant. Moscouitæ inter Sarmatas & Scythas positi ad Riphæos montes pertinent, vltimosque Europæ atque Asiæ terminos ad Septentrionem incolunt; extendunturq; supra Tanais fontes vsque ad Hyperboreos & glaciale Oceanum. Vastæ sunt eius regionis solitudines, attamen solum multis in locis frumenti atque hordei ferax: ac passim herbidum, vnde illis ceræ ac mellis magna copia, & ex armentis præcipue facultates. Cæterum quum introrsus processeris, vitium, pomorumque & melioris frugis impatiens, quod terra omnis Aquilonis flatibus exposita, & perpetuis inculta frigoribus, nō multum agricultura subleuatur. Metallorum variæ sunt apud eos lecturæ, quibus æs, plumbum, ferrumque educuntur: nulla auri vel argenti fecunditate. Pro his tamen raro ac diuerso munere smarag-  
 30 dos & margaritas natura tribuit, & tenuissimas quoque pelles, Cebellinas vocant. Ex tergora paruorum felium colore subfuluo & mirabili leuore conspicua, adeo apud nos insigni raritate ac pretio, ut in fulctura vestium à solis principibus vsurpentur. Mosca vrbs Regia, atque eam alluens Moscus amnis vniuersæ genti nomen indiderunt. Influit Moscus in Volgam amnem, qui prisco vocabulo Rha fuit. Oritur is in Hyperboreis, ac directo in occasum cursu, campos Tanai proximis alluit. Indecuruatur, & retrò deflectit in Orientem ingenti sinu effecto: ac mox in Hircanum præceps euoluitur. Ab eo mari emporioque Citracham, & aduerso flumine Volga Persarum merces panni serico & auro intexti, quibus Moscouitæ sumptuosius vestiuntur, in Moscouiam  
 40 perueniunt. Circa Volgam longè lateque solitudines patent, quas Tartari Scythæ incolunt, gens inhumana feritate, & incertis semper sedibus errans, ignara diuitiarum, atque inscia voluptatum: quippe qui in curribus degant: & solis tecti centonibus, frigora & perpetuas niues tollerent: quin & equina carne, eaque sæpius cruda vescantur. Cæterum equitandi peritissima gens, quum arcum tenet, aut acinacem stringit, cæteros mortales in prælio contemnere consuevit. Ante Tamerlanem eorum Imperatorem, qui Baiazetem Othomanum ingenti prælio superatum cepit: atque Asiam Syriamq; victore



exercitu populatus est, quum nullis religionibus addicti, nec Christianos nec Turcicos ritus aut vix fama nouissent, maiora sydera pro Dñs, & cōspicuas stellas venerabantur: quarum obseruatione in ea vastitate camporum recta itinera tenere didicerant. Ultra Volgam constat plures esse Scytharum imperatores, qui ad Imaum vsque immensa terrarum spatia diuisis imperijs obtineant. Vnus ex eis cognomento Mingaresius paulò antè patrum nostrorum memoriam, cum amplius octuaginta milibus equitum Tanaim traiecit: victorq; oram Mæotidis vsque ad Borysthenem fluuium populatus, Tauricam Cheronesum occupauit, in qua est Theodosia nobilissima Gennuensium colonia, quæ Capha dicitur. Sed hæc aliquanto postea Turcarum armis celsit. Porro Mingaresius, quo tutius in Europa consisteret, aduersus Sarmatarum Roxolanorumque impetum, in Isthmo à Mæothide in Pontum fossam perduxit, atque perpetuo aggere communiuit. Id angustæ terre spatium antiqui Dromon Achillis vocabant, ab eaque intercisa peninsulæ ceruice Tartaros Tauricæ incolas, Roxolani hodie Præcopitas appellant. Igitur Moscouitæ ad Orientem Tartaros habent, ab Aquilone autem vltimi mortalium perhibentur: ab Occasu mare Sarmaticum attingunt: habentque in ora supra Liuonicum littus Norgardiam vrbe totius Aquilonis emporium. Ab continenti Moscouiæ, terra ingēs enormi ac flexuoso littore peninsulæ formam, in Occiduas partes excurrit, adeo oblongis littorum spatijs, vt extremo promōtorio quod Nodrosium vocant, Orcadas atque ipsam Thulem attingere videatur. In eo terrarum tractu sunt Noruegia atque Suetia, latæ nec omnino incultæ provinciae, & ignotæ priscis authoribus. Eæ gentes maximè piscibus viuunt, quorum magna captura est, dum piger Oceanus gelu cogitur, vel æstiuis caloribus resoluta glacie colliquescit. Brumalibus diebus vix horarum trium lucem habent. Inter num mare vadofum est, & certis anni temporibus irremigabile. In eo quoque sinu innumerabiles insulæ conspiciuntur, inter quas Gothia origine Gothorum clara. Et ab Riga Liuoniæ insigni vrbe modico freto dirimitur. Secundum Gothiam Selandia est in Venedico sinu contra Vistulæ ostium, antiqui Scandauiam vocauere: vnde nonnulli Longobardos profectos existimant, qui postea sedes in Gallia Cisalpina tenuerint. In hac Insula Cobena est Regia Christierni Dacorum regis, omnium disciplinarum gymnasio insignis. Distat paribus intervallis atque vnus diei nauigatione à Noruegia, à Prutenico litore, & ab Cimbrica Chersoneso. Ad austrum vero Moscouia Rusiæ & Lithuaniæ finibus terminatur. Rusiæ autem duæ sunt, altera ad Hercynium saltum, & ad vtranque Axianis fluminis ripam vergit, Poloniæ & Transyluaniae proxima. Tenuere quondam regionem Getæ, Daci, & Bastarnæ, triumphis atque victorijs Romanorum celebrati. Altera quam Barbari Albam vocant, ultra Borysthenem iuxta eandem Hercyniam ad Tanaim vsque porrigitur, à Roxolanis populis nomen accipiens, qui in eo tractu maximè bellicosi, ab Othonianis ducibus clade accepta, clarum apud Romanos gentis nomen fecerunt. Hæc quam Albam vltioremque vocamus, Basilij Moscouitarum regis imperio paret. Illa vero Polonici regni pars est. At Lithuania Poloniæ iungitur, adiacetque Liuoniæ, quæ tota fermè littoralis est. Nanque ab intimo sinu Cimbricæ (quæ hodie Dacia est) vbi Lubeca celeberrima ciuitas, vsque ad Noruegiæ Isthmum & Suetiæ initia Pomerani, inde Pruteni ac Liuones, tanti ambitus maris perpetuam oram tenent. Sic Poloni nouo vocabulo, quod patentes incolant



colant campos, pro Sarmatis appellati à Prutenis & à Liuanibus. Lithuani introrsus à Sarmatico mari summouentur. Lithuaniae caput Vilna antiquorum ducum sedes. Vniuersa regio nemorosa est & palustris, æstate vix peruia, glacie & niuibus in lacunas abeuntibus: hyemē autem sæuo Borea duratæ niues, expeditis etiam curribus iter præbent. Vltimī in Europa qui Gentilium ritus exuerint fuere Lithuani, tempestate Vitoldi ducis, tunc primū Christianorum sacris initiati. Ea gens equitatu maximē valet, vnde magna Polono auxilia. Sed h̄ leuis armaturæ omnes, egregium tamen subsidij genus cataphractis equitibus, quibus Poloni Germanicō more vtuntur. Polonia verò ea est, quæ  
10 olim Sarmatia, tota ferme circa Vistulam patens: eam etiam complexa Germaniæ partem, quæ ab Odëra ad Vistulam vergit. Hic amnis veteris Germaniæ & Sarmatiæ terminus erat, nunc prouinciā secāt, ac receptis amplius quatuordecim fluminibus, in Venedicum sinum apud Dantiscum celeberrimam urbem effunditur. Sarmatarum regia Cracouia est, quam idem Vistula amnis interfluit. Ibi mathematicarum studia maximē florent. Publice enim literarum studiosi bonas artes docentur, et in primis supputare syderum cursus, atque inde temporum vices, incerta bellorum, & in vtranque hominum fortunam arcana fatorum aperire consueuerunt. Regnum diuitijs, vbertate agri, atque virorum ingenijs Pannonico vix cedit. Adepta quoque gens est magnam bellicæ  
20 virtutis opinionem pluribus ac difficillimis expeditionibus. Prutenos quondam auxiliaresque Germanos ingenti prælio victos, interfecto Prutenicæ militiæ magistro, occidione deleuerunt. Amurathen Turcarum imperatorem ad Euxinum vsque promotis castris, ad cogitationem inferendæ sibi mortis quandoque compulerunt. Nostra verò memoria vicere Valachos, à quibus paulo ante infelici prælio insignem cladem acceperant, quum eis Albertus rex diro consilio Sarmatiæ nobilitatē trucidandam obiecisset: nec multis inde annis magnam Tartarorum multitudinem, qui ab Taurica populabundi Sarmatiæ fines inuaserant, quum onusti prædā redire transfossam pararent, circumuentos ad internitionem deleuerunt. De Moscouitis verò cum quibus conti-  
30 nenter bella gerunt, frequentiores victorias enumerāt: nam semper de ea gente triumphī acti, quoties iusto prælio dimicatum. Ceterum Poloni, Moscouitæ Lithuani et Roxolani non multum cultu corporis, genere armorum, lingua ac moribus inter se differunt. Vestes omnibus longæ more Turcarum, sagittas, velitarem hastam, & curuatos enses, armorum potiora existimant: equitatuq; confidunt, peditatus inutilis estimatur. Poloni tamē in aciem cataphracti prodeunt, & maiores equos ad statariam pugnam magis quam ad excursionēs idoneos habent: quorum anteriora ferreis laminis tegunt. Ipsi duobus cinguntur gladijs, altero oblongo & quadrato, quo punctim, altero autem lato ac breui quo cæsim feriant. Quin & legionem, in qua magna pars peditum sclopetrarū  
40 rī sunt, Germanicē instructam ad longinquum etiam bellum ducere consueuerunt. Lingua Illyrica vtuntur omnes, corrupta tamen, vtpote quam diuersi inter se populi, diuersis vocum inflexionibus inuenterint. Christum Deum omnes colunt. Verum Moscouitæ, & vtrique Roxolani Græcorum ritus sequuntur. Moscouitæ verò equorum atque hominum multitudine ceteros antecedunt. etenim eos posse conficere centum & quinquaginta milia equitum constat, quod forte supra veri fidem positum videbitur. Nobis sanē retulerunt Petrus Aretinus architectus, et Paulinus Insuber tormentorum & bellicarum



machinarum egregius artifex, centum milia equitum in castris vidisse, quum  
 Ioannes Basilij pater, apud quem plures annos stipendia meruerunt, aduersus  
 Tartaros bellum gereret. Id quoque prolixè confirmavit Demetrius Basilij re-  
 gis legatus ad Clementem missus: quo docente, iubenteque Pontifice Mosco-  
 rum mores & eorum regionis situm, peculiari libello descripsimus. Sed ut ad  
 institutum operis reuertamur: Erat in finibus Moscouitarum Smolenchum  
 oppidum, quod propter crebras eius gentis incursiones, Sigismundi præsi-  
 dijs tenebatur. Adiacet opportuno in loco vltiori Borysthenis ripæ, non au-  
 tem Ruboni amni, sicuti perperam collocauere qui Ptolemæi libris nouas in-  
 cogniti orbis tabulas inseruerunt. Nanque Smolenchum neque Liuniono ma-  
 ri proximum est, neque Moschæ vrbi comparatum ad Septentriones vergit,  
 ut ab expertissimis prouincialibus, qui huic quoque bello interfuerunt, didici-  
 mus. Id oppidum Basilij sicuti pleraque alia Russiæ & Lithuanici loca, vetè-  
 ri quodam iure pertinere ad Moscouitarum imperium ratus, superiore anno  
 oppugnauerat: obsederatque per aliquot menses tanta pertinacia, ut munitis-  
 simam arcem cessuram acerrimo hosti appareret, nisi summa virtute præsidij  
 defensa fuisset, & in tempore a Sigismundo Lithuanorum auxilia superuenis-  
 sent. Quorum aduentu Moscouita irritò incepto abscedere coactus, quod vi-  
 ribus inferior erat, & brumales dies suberant, in ipsa profectionis festinatione  
 relictis pluribus tormentis, & multò maxima impedimentorum parte amissa, in  
 regionis vltiora concessit. Eam verò que secuta est hyemē in apparatu no-  
 ui belli totam absumsit, animo agitante quibus consilijs ac viribus Smolenchum  
 potiri posset: ratus ea arcē semel capta propter maximam loci opportunitatē, se  
 libere Lithuaniam omnem, atque Poloniam infesto agmine peruagaturum.  
 Itaque quum iam Vernum tempus appeteret, coactis supra quadraginta mili-  
 bus equitum ad oppugnandum Smolenchum descendit. Nec multo post na-  
 ctus quosdam summæ perfidiæ præsi-dia-rios, quorum animos per occulta co-  
 loquia maximis pollicitationibus diu antè tentauerat, per proditionem oppi-  
 dum cepit. Occupato Smolenchum, Basilij tres equitum manus circumemisit,  
 populatusque proximos hostium fines Lithuaniam irrupit, cuncta simili belli  
 clade vastaturus. At Sigismundus qui tum sub ipsam aduentus hostium fa-  
 mam à Cracouia Vilnam venerat, ut ex propinquo intentus in omnes rerum  
 casus facilius bellum administraret, cum valido exercitu Constantinum Ru-  
 tenum ad hostes progredi iubet. Erat Constantinus inter eas gentes celebra-  
 rimus nominis Imperator, multum consilio & virtute animi, sed maxime cor-  
 poris viribus pollens: qui bello quondam captus vulneratusque apud Mo-  
 scouitas in catenis atque compedibus septem annos fuerat. Vnde illi ex dolore  
 vinculorum & vulnerum, vindictæ cupidine summus ardor, & singularis in-  
 dustria in eo bello incomparabilem gloriam pepererunt. Sexcentis milibus  
 passuum a Vilna Smolenchum distat, tantundem fermè itineris est à Smolenchum  
 cho Moscam, pariterque à Cracouia Vilnam, si rectà inter Ortum & Septen-  
 trionem processeris. Sed à Vilna Smolenchum vsque itinera palustria, incul-  
 ta, solitudine vasta, ducendo exercitui maximas afferunt difficultates, nisi in  
 multos dies prouiso comœatu, & longitudini itineris & locorum sterilitati,  
 quam maturè consultant qui cõpijs præsunt. Vfu enim apud eos compertum  
 est, nulla re magis quam comœatus inopia exercitus vinci, propterea ingens  
 quadrigarum numerum, quibus homini iumentoque victus feratur, du-  
 cere



cere consueuerunt, in queis & salus exercitus & vincendi spes omnis colloca-  
 tur. Constantinus his omnibus summa diligentia comparatis, ad Borysthe-  
 nem decimis quartis castris peruenit. Ibi Moscouita vltiorem ripam perpē-  
 tua militum acie communiuerat, & idoneis in locis tormenta collocauerat, spē  
 rans Polonos pugne auidos, ingressuros temere amnem, & iniquissimo etiam  
 loco prælium commissuros. Cæterum Constantinus quum biduo ante citra  
 amnem cum antecursoribus hostium, qui ad explorandum quales quantæque  
 Polonorum copiae essent, superiore vado transierant, secundum prælium se-  
 cisset, edito in loco subsistit, iudicans non temere incertis rapidi fluminis va-  
 10 dis exercitum committendum, ne sibi cum parato hoste, cum tormentis, ac si-  
 mul cum ipso vorticosi amnis impetu vno tempore res foret. Siquidem Bo-  
 rysthenes recepto Neprio amne ingentem aquarum molem trahens, cæca va-  
 da & abruptas passim ripas limoso inæqualique alueo traufseuntibus præbet.  
 Quibus de causis Constantinus paulo supra castrorum locum missis explora-  
 toribus qui altitudinem fluminis percontarentur, vadum repperit, & ab quie-  
 tiore fluminis cursu non omnino difficilem locum quo equitatum transduce-  
 ret. Ergo contractis quàm occultè lintribus ac lembis, atque ex his subitatio  
 ponte effecto, peditum & tormenta traducit, equitatum verò omnem con-  
 ferta acie, vno impetu ingredi amnem iubet, progressusque ante alios vniuer-  
 20 sum agmen ne vno quidem milite amisso in aduersam ripam ducit, Moscouitæ  
 qui satis in tempore cognito per exploratores hostium consilio, ducere eo in-  
 structas acies, interficere pontem, atque equitatum transitu prohibere pote-  
 rant, nec loco nec vestigio se mouerunt, neque vnum quidem telum in hostes  
 emiserunt, tanta hostium contemtionem, ut præ insita Barbarorum animis arro-  
 gantia (sicuti ab captiuis postea cognitum est) tertiam suorum partem satis esse  
 ad delendum Polonorum exercitum existimarent. Enimuero exploratores  
 retulerant dimidio minores esse hostium copias, in queis etiam pedites essent,  
 neque tam paruam manum tanti equitatus impetum esse toleraturam. Habe-  
 bat Constantinus duo milia Polonorum equitum grauis armaturæ, ad duode-  
 30 cim verò milia Lithuanorum, qui hippotoxotæ ferme omnes erant. Præterea  
 peditum tria milia, in quorum virtute dum aciem instrueret, eius diei victoriā  
 constare admonuit. Erant ij partim hastati, partim sclopettarij. At Moscouitæ  
 qui supra quadraginta milia equitum erant, cum numero longè superiores es-  
 sent, neque sibi Polonos aut Lithuanos virtute bellica pares existimarent, nihil  
 de euentu imminentis prælii dubitabant: quin quo maior ea victoriā atq; præ-  
 clarior pararetur, præmissis præconibus ad transeuntes Polonos tota acie pro-  
 nunciari iusserunt, ne dolum, ne occultas insidiarium fraudes suspensis animis  
 timerent, pararent arma, atque aciem quieti instruerent. Basilium ea die ut pro-  
 genitores consueuissent, vera virtute dimicaturum. Poloni tametsi magnam  
 40 spem atque fiduciam in armis atq; virtute posuerant, stupentibus tamen simi-  
 les, ab eo hoste qui sæpius rupto fœdere & violatis inducijs fidem sefellisset, do-  
 los & insidias suspectabant. Etenim quisque sanæ mentis, aut magno consilio  
 aut certè stolidi ac barbara ratione tantam occasionem prætermittam ab hosti-  
 bus iudicabat, quum impeditos flumine ac ripis inuadere, & primos saltē tan-  
 tæ multitudinis impetu proterere potuissent. Sed adeo ferocibus elati animis  
 erant, ut in præcipiti temporis articulo, omnem æquioris loci conditionem  
 despicerent, quasi non ea plena veraque victoriā existimanda, quæ ducis inge-



nio, atque artibus magis, quàm quæ aperta virtute atq; audacia militum comparatur. Sic Romani quondam omnium gentium victores, ferocia atque immania eius cæli corpora solis confisa viribus atque lacertis, sæpe prælio superarunt, quum illi disciplinam atq; astus imperatorios antecapere locum castris, circumvallare exercitus, non ordine, non acie iniussu ducis excedere, ex iniquo loco nunquam dimicare, nihil ex prouocatione commoueri, plures ex insidijs paucos circumuenire, dolum, timorem, ignauiam, prodicionem appellare consueuissent. Igitur Basilius vana spe victoriæ inflatus, quum transisse Polonos omneis ab exploratoribus referretur, conuersus ad duces præfectosq;, transiueret (inquit) hostes amnem, non redituri, si viri eritis. Quare fortissimi commilitones accepto signo statim irrumpite quàm maximè cōferti, & quum hostium agmini sagittarum nubem superfuderitis, singulos bini circum sistite, atque ex hodierna victoria opulentas Vrbes Vilnam atque Gracouiam diripiendas vobis proponite. Hæc vbi dixit, ex vniuerso exercitu ad septem milia fortissimorum equitum delegit. quibus imperat, vt hostes à tergo circumueniant: atque illinc quum in fronte prælium ardere cognouerint, auersos ac nihil tale timentes totis viribus adoriantur. Erat enim ab lœua modica vallis ad occultandas similes insidias nata, quam perpetui colles vestiti densissimis vepribus contegebant. Im molli ac demisso sensim iugo ad ripam Boristhenis extendebantur, nec ab equitatu superari poterant, dum etis ac fruticibus continenti veprium serie cuncta tenentibus. Eo itinere equites proficisci iubet, ex alijs verò copijs tres acies facit. Primam, in qua fuere ad duodecim milia equitum, in dextro cornu collocat, ei que Michaellem Golijzam virum strenuum præficit; secundam pro sinistro cornu constituit iuxta colles tanquam subsidiariam, apud sarcinas atq; alia impedimenta exercitus, ipse cum robore virorum mediam tenuit. Ex aduerso Constantinus non ignarus inermem hostem sibi nulla ex parte parum futurum, si ad primum eius procursum sagittarum multitudinē sustineret, & res ipsa collato pede gereretur: & quominus cōferti equis geri posset, omnes cataphractos in fronte constituit, qui primā vim sagittarum exciperent: vtrunq; autem cornu Lithuanis; terga verò pedite firmavit. Inde prouectus equo singulis ordinibus adequitans, Non iam, inquit, aut pro gloria, aut quomodo Smolentchum fraude amissum armis recuperetis, sed ne perfidi & sceleratissimi Moscouitæ Lithuanis atque Polonis imperitent, vobis hodie dimicandum. Neque ego vos mei commilitones vlla magis adhortatione ad virtutem atque victoriam accendam, quàm vt memineritis esse in tergo Borysthenem amnem, quem si cedendo, aut turpiter fugiendo ab armato hoste pulsi ignauiq; transiri iterum posse putaueritis, cum maxima gentis ignominia atque insigni vestra clade nobilitabitis. Sed ne tantum dedecus atque flagitium admitti meis auspicijs patiamini, oro obtestorq; te Deus Opt. Max. vosq; Polonici imperij vindices tutoresq; certissimi, diue Ladislac ac Casimire, voueoq; ambob. aram ac templum si vobis cordi erit Polonum vincere, ac mihi fas fuerit fusis fugatisq; perduellibus, maturam plenamq; victoriam reportare. Dicente adhuc Constantino à Moscouitis signa cecinerunt, ac simul ab dextro cornu Michael equitatu suum procurrere & dirigere sagittas iussit. Nec Constantinus (vt in ordinanda acie præfectos docuerat) cataphractos continuit. Sed continuo inclinatis hastis impetum facere, et rem ad gladios celeriter adducere iussit. Tanta fuit eorum celeritas, vt spatia cadentium sagittarum præteruecti, magna ex parte ingruentem illum.



illum imbrem effugerint, ac mox equorum pectoribus armisque vrgentes hostem, hipotoxotis vsum arcus & secundas sagittas, in quibus summopere confidebant, ademerint. Contra Lithuani quàmmaximè expansis alis in latus hostium inuecti, in confertissimam eorum aciem innumerabiles sagittas emisserunt, quo casu oppressi Moscovitæ, quum nec à fronte percurrere instantibus cataphractis, nec cedere prementibus extremis possent, soluta acie in vtrumque Lithuanorum cornu sese præcipites effuderunt. Ibi què duo simul prælia diuersis in locis inierunt. Eodè quoque tempore equites, quos per occultam vallem in terga Polonorum à Basilio missos docuimus cum ingenti clamore & maximis tubarum clangoribus, quo maioris multitudinis speciem facerent adorti, nouissimos in tergo pugnare cæperunt: quod vbi animaduersum fuit, præfecti quidam viri fortes, inter quos fuit Polosca regulus, tametsi Constantinus ne se loco mouerent, ne pugnam iniussu caperent, edixerat, rati tamen in subitis & difficillimis pugne casibus, non ad præscriptum agenda omnia, sed occurrendum præsentis rerum occasione, quod imperatorè alia in parte pugnantem consulere, aut omnino certiores facere in ea temporis exiguitate non poterant, phalangem peditum in hostem conuerterunt. Phalanx suo ordine immobilis & firma, tametsi ab sagittis aliquot detrimentum acceperat, attamen displosis omnibus sclopettis, stratisque ea pilarum procella primis hostium ordinibus, ad contos alabardasque deuenit: atque equitatum impulsu ac virtute repulit. Equites quum sua impediti multitudine explicare se persultareque non possent, cum magna cæde in angustiis prælium sustinebant. Ibi ardente certamine, videre erat viros equosque singulis ictibus transfodi, proturbari, ingentes cadauerum tumulos passim accumulari, cruore et morientium gemitu cuncta compleri. At in altera parte Constantinus perruptis hostium ordinibus, & Michaelis equitatu propè deletò, iam ad medium agmen peruenerat, contractoque acri certamine primos impetu ac cæde turbauerat, quum Basilius tertiæ aciei ac viribus suis diffidens retrocessit: nec tamen terga vertit, summæ rei euentum expectans. Namque equitatum quem in terga hostium præmiserat, ab ea parte improvidis subitam ex insperato atque eo maiorem trepidationem iniecturum putabat. Sed pedites qui eos pepulerant, conuersis ordinibus in subsidiariam aciem pleno gradu illati, omnem eius reliquam spem atque animum fregerunt. Ita Basilius cum globo nobilium equitum prælio excedens, citatis equis effugit. Fugientem secuta est ea acies, quam in subsidijs ad colles fuisse collocatam demonstrauius, quum nec aspectum quidem cruenti atque victoris peditis sustinere potuisset. Inde scæda fuga toto campo facta, media tamen acies acriter irruentes summa constantia excepit. Nam Basilius armatum quemque & pugnacissimos totius exercitus circa signa, & in eius agminis fronte posuerat. Diu itaque pugnatum est incerto euentu ac summa omnium contentione, periereque nonnulli clari equites Poloni, & duo reguli adolescentes, dum ardentius in confertam hostium aciem equos concitassent. Tandem quum Lithuani & pedites profligatis cum quibus pugnauerant ab diuerso loco infestis cuspidibus superuenirent, Moscovitæ antequam in tergo pugnare cogerentur, sibi celerrima fuga consuluerunt. Poloni victores, potiti hostium castris, magnam prædam ex regio apparatu, & quinque milia equorum ceperunt. supra septem hominum milia interfecerunt. Michael quoque, & cum eo illustres aliquot duces capti, quos postea Sigismundus victos cum signis militaribus



triumphans Vilnam inuexit. Confecto praelio, ad oppugnandum Smolenshum exercitus ductus. Sed non eadem fortuna bellum à Constantino admissum nistratum est: nanq; Basilius ex fuga inromissis delectis equitibus, oppidum nouo præsidio firmauerat: existimans si primos oppugnationis impetus præsidiarij sustinerent, Polonos postea quod anni tempore excluderentur, de obsidione minime cogitatuos: enimuero sexto Idus Septembris pugnatum est. Quamobrem Constantinus quum sua spe difficiliorem oppugnationem inuenisset, neque natura gelidæ regionis sub pellibus atque tentorijs contineri milites pateretur, desperata obsidione citra Borysthenē in hyberna reduxit exercitum. Paucis antè diebus quàm ad Borysthenem pugnatum esset, Selymus<sup>10</sup> Turcarum Imperator cum Persis in Armenia ad Calderanos campos secundo praelio dimicauit. Exarsitque subinde vniuersa Asia duobus maximis bellis, quorum motus, causas, euentusq; tametsi nullo confinio rem Christianam attigerint, breuiter recensere non alienū ab instituto opere existimaui, cum propter varietatem atque amplitudinem rerum gestarum, tum vt principes Christiani, si diutius inter se ferro sæuierint, cum eo hoste quandoque sibi rem futuram intelligant, qui duos longè potentissimos terrarum orbis reges in aliena prouincia, iusta acie superarit. Consulto quoque hæc in vnum locum conuulimus, ne confusa rerum serie, perpetuus historiæ cursus abrupteretur, & externa suo digesta ordine, cognosci facilius possent. Post bellum Peloponnesiacum quo (vt suprà memorauimus) Naupactus, Coron, Pylus, Crysseum, Methoneque Turcarum armis cesserunt, quum Veneti reddita Neritho, quam ad Leucadem vi ceperant, authore Andrea Gritto, cum hoste pacem pepigissent, Baiazetes in posterum Europa abstinuit, toto animo in Asiam versus, vt illinc nouis bellorum motibus occurreret, quibus sub aduētum Techellis noui prophetæ, viri apud eas gentes admirabilis, iam tum Lycaonie & Cappadoeciæ vrbes agitabantur, magno quidem commodo Venetorum, et Hungarorum, quibus Baiazetes, nisi Asiatico tumultu reuocatus, pacem nequaquam daturus esse credebatur. Erat autem Techellis origine Persa, regiæ gentis cognatione antea clarus, sed longè illi maiorem famam & claritudinem<sup>30</sup> addiderant studia literarum, vitæ integritas, & summa religio, ob quæ postea diuini vatis nomen promeruit. Fuerat Aidaris cognomento Harduellis discipulus viri doctrina & probitate insignis, quem Iacuppus Chiorzeynal (id est, Persica lingua, strabo) magni Vssuncassanis filius crudeliter interfecit. De quo Harduelle breuiter aliquid memorandum existimaui, vt quibus procellis iactatum sit Persarum imperium, quantoq; periculo Turcæ Techellis fama ac viribus, tumultuantē minorem Asiam retinuerint, prodita rerum origine cognoscatur. Fuit Harduelles inter Persas regulus haud ignobilis, cæterum ingenio ac moribus propè diuinus. Qui quum honores, diuitias, voluptates, & cultioris vitæ commoda (quæ vulgo munera humanæ felicitatis appellantur) veras ærumnas, fortunæque ludibria existimaret, eaque palàm ageret mira animi fortitudine, quæ populus continentiae & doloris impatiens miraretur, magis quàm imitari posse confideret: tantam excellentis virtutis opinionem adeptus est, vt eum, quanquam imparem regiæ stirpi, Assimbeius Vssuncassanes in generum sibi ascuerit, tradita ei Martha, quam ex Despina Caloiannis Trapezontiorum & Ponti regis filia susceperat. Eius autem connubij lex fuit, vt Vssuncassanes Despinam paterno more Christum Deum colere pateretur, atque



atque ita facile euenit, vt Martha Desping matris authoritatem secuta, legis nostræ ritus perdisceret, vnde postea obortam in Europa opinionem videmus, Hysmaelem Sophum tanquam auix matrisq; disciplinx imbutum, Christianos homines nusquam improbatis eorum sacris, in honore semper habuisse. Cur autem Caloianus Rex Christianus, Vssumcassani viro Mahometano filiam nuptui dederit, & ille conditionem acceperit, præclare intelligi potest, vtrumque rebus suis timentem, ex ea cognatione mutua præsidia comparare voluisse aduersus impotentem vim Othomani Mahometis, qui deleto Græcorum Imperio in orientem vires extenderat. Sed Mahometes nouo, ideoque Persis  
10 terribili tormetorum fretus apparatu, quum Vssumcassanem ad Tabendam, quæ Toccata hodie dicitur, in Anserinis campis profligasset, facile postea Caloianum oppressit, Trapezontisq; & totius Pontis Imperio vsque ad Colchos in prouinciam redacto, eum Constantinopolim perductum in carcere necauit. Cæterum vt ad Iacupum Harduellemque reuertamur, existimauere plerique, regem metu potius rerum nouarum, quam optimi eius viri obseruantia eas filix nuptias quæsiuisse, quoniam Harduelles vulgata noua religione, immutatisq; prisce legis mysterijs apud Taurisum, quum è tota Perside Armeniæq; visendi hominis studio innumeri mortales confluerent, tantum sibi nominis ac virium comparauerat, vti sectatores suos cogere atq; armare vellet,  
20 magnas eum copias breui collecturum appareret. Illud in primis veluti diuino spiritu afflatus persuaserat, Neminem ex his post mortem celestia regna petiturum qui Mahometem colerent, nisi eos legis ritus sequerentur, quos Haly Mahometis interpres & socius, scribendo ac docendo posteris tradidisset. Ea erant magna ex parte diuersa atque aliena penitus ab persuasionibus atque mysterijs quibus Asia omnis & Africa ea tempestate tenebantur. Nam Homarem alterum ex Mahometis discipulis, tanquam grauius & certius leges interpretantem, Halys doctrinæ præferebant. Nec multum postea temporis intercessit, quum Iacupus, Vssumcassane vita functo, in paternum regnum assumptus, Harduellis potentiam atque eius religionis cœtus hominum suspectos habere, ac vereri  
30 cepit, ne Persæ qui antiquorum regum stirpi occulte fauebant, sub specie religionis atque sacrorum coirent, & excitatis factionibus nouas res nondum firmato imperio molirentur. Nanque Assimbeius Vssumcassanes quondam Armeniæ procurator & dux, validæ equitum manus, interfecto Molaonchre legitimo rege, vi fraudeq; regnum adeptus fuerat: putabatur enim Molaoncher ex stirpe Gempse, maximi Parthorum Sulthani, qui in oriente latum imperium vsque ad Bactrianos & Aracosios tenuerat. Vnde postea ortæ duæ hominum factiones: nam alij nouis regibus, alij autem prisco & regio sanguini fauere videbantur. Quibus de causis Iacupus, vt erat suspicaci turbidoque ingenio, quum regnandi causæ neque necessitudine neque optimi viri innocentia permoueretur, Harduellem nihil tale timentem submissis percussoribus interfe-  
40 cit, sectatoribusq; eius aut cæsis aut pulsis, in posterum vano metu, atque inani sollicitudine crudelem animum liberauit. Hysmael Harduellis filius, qui nunc cognomento Sophus maximo terrarum orbis imperio potitur, eo tempore puer adhuc, per tumultum fato quodam seruatus auunculi sæuitiam vitauit, confugitq; in Hyrcaniam ad Pyrchalim amicum paternum, qui supra Caspium mare, paucis oppidis imperitabat. Ex Harduellis verò discipulis vnus ante alios Techellis, qui postea Cuselbas, hoc est, Rubrum caput cognominatus est, vir-



tute doctrinæque notitia magistro comparandus, eam quoque tempestatem aufugiens, superato Euphrate in minorem Armeniam peruenit: posuitque sedem in Antitauro monte, ubi ad radices perfossæ rupes natura atque arte hominum, opacos specus habent, qui Rubrâ saxa ab incolis nuncupantur. Ea est salubris & peramœna loci facies propter frequentiam varietatemque pomiferarum arborum ac perennēs aquarum fontes, quibus & plana rignantur, & colles toto anni tempore vestiuntur. Ibi Techellis procul à commercio hominum in altitudinem contemplationis conditus, dum diuina cælestiaque rimatur, per aliquot annos durissimam vitam egit, contentus his quæ sponte terræ atque ipsius naturæ benignitate nascebantur. Is primò à pastoribus visus & agnitus, deinde ab agricolis qui victus duritiem pietatemque hominis admirabantur, necessarijs ad vitam rebus donatus est: ac demum quum responsa daret, & iam maior homine videretur, gliscentē in immensum diuinitatis opinione à curiosis in pagos tractus, ac mox inuito similis in proximas deductus vrbes, omnem prouinciā suā fama admirationeque compleuit. Nec publicatis semel nouæ legis interpretationibus mortales defuerunt, qui (vti apud Persas Harduelli acciderat) hominem adorarent, arbitrarenturque nisi ea iussa præceptaque capesserent, animas post interitum corporis æternos ignis cruciatus subituras. Talia frequentissimis concionibus atque responsis quum omnibus facile persuasisset, mobilem gentem ac superstitionibus deditam, breui ad suū studium pertraxit, iussitque vt sectatores turbinatum capitis tegumentum linthea in spiras circumdante fascia pro insigni nouæ religionis rubro colore distinguerent, ita vt nouæ huius hereseos studiosi à rubro colore pileorum, Cuselbasē toto oriente vocitentur. Simili quoque, sed meliore fortuna Hysmael eisdem ritus quos pater in Perside tradidisset, ingenuo animo complexus est: nanque ipse poscentibus fatis, vt primum adoleuit admirabili virtutis indolē patris vestigia secutus, quum iam eloquio, decorē vultus, sapientia, atque animi magnitudine diuis ipsis quā mortalibus propior haberetur, & maximum nomen & ingentes vires apud eas gentes compararat. Nec ignobile tantum vulgus, sed plerique natalibus ac diuitijs clari, semel capti nouitate religionis, vt præclarius eorum studium videretur, postquam ab vetere disciplina discessissent, cum in summam virtutis & dignitatis existimationem euexerant. Ipse quoque nondum pubescens supra veras virtutes, inani etiam morum specie in sui admirationem compositus, opes, gloriam, imperium quē cupere videri nollit, vt simulator egregius abnuenti persimilis adsequebatur. Non defuerē etiam qui iurarent Harduellem patrem (vt erat syderalis scientiæ peritissimus) inspecta filij genitura Hysmaelem, & prophetam summum, & verē legis conditorem futurum, subactaque maxima parte Orientis, Mahometis gloriam pietate et rebus bellicis æquaturum, quæ haud temerē iactata in vulgus altiore materiam sermonibus præbuerunt. Nec multo post Hysmaeli cognomētum Sophus, quod ab admiratione assentationeque familiarium multum antea iam coeperat, omnium consensu inditum est, vt credi par sit petitum ab vetere Magorum memoria, qui quōdam apud Persas ipsis etiam regibus imperabant. Nam Sophus apud eas gentes Deorum interpretem sapientemque significat. His auspicijs haud dubiē in magnam spem gerendarum rerum erectus, auunculo Iacuppo veneficæ vxoris fraude sublato, paternos agros & modicum illud imperium, quod dotale matris fuerat, reperere cogitauit, armatisque sue sectę promptiorib.

& à Pyr.



& a Pyrchale regulo sumptis auxilijs, ingressus Armeniam, fama magis atque  
 hominum beneuolentia quam viribus, breui paternam ditionem vendicauit.  
 Mox eo successu firmior factus, quum multi qui Harduellis dogmata alieno  
 periculosoque tempore metu mortis deseruerant, tunc oblati duce fiducia ple-  
 ni eandem hæresim sequerentur, adauctis copijs ad urbem Sumachiam, quæ  
 est in finibus Mediæ, duxit: atque eam vi captam hostiliter diripuit. Capta Su-  
 machia maximam consecutus est nominis existimationem, quæ fortia & præ-  
 alta facinora nauiter audentes, ex primis rerum motibus ad summam victoriæ  
 sæpenumero perducere consuevit: & quod postea plurimum contulisse iudi-  
 10 catum est, inermem magna ex parte exercitum ditatum præda, militariter in-  
 struxit. Inde nō iam vrbes, sed Persarum imperium animo voluens, quum iam  
 Fortuna quæ cuncta detulerat, viam quoq; melioribus fati aperiret, ad Tauri-  
 sium nobilissimam maioris Armeniæ urbem contendit. Ea vrbs Persarum re-  
 gia est, numero hominum atque opibus totius Orientis celeberrima, quæ an-  
 tiquitus Terua vocabatur, distans à proximo littore Caspij maris itinere expe-  
 diti equitis quatuor dierum, non longè ab emporio Derbento: vbi portæ fer-  
 reæ inter montes & mare angustias arcendis eo aditu Scythijs præcludunt. In-  
 ualuit autem Sophus Hysmael Persarum imperium, nouaq; Mahometanæ su-  
 perstitionis opinio, quam à patre cœptam aliquandiu supplicij metus oppres-  
 20 serat, promulgata & latè disseminata est, anno Christianæ salutis supra millesi-  
 mum & quadringentesimum nonagesimo nono, quo Italia Gallorum aduen-  
 tu maximas adiit clades, & Veneti cum Turcarū classe ad Protum insulam con-  
 gressi, scēdissimè rem gesserunt. Nec multo post exarsit in Germania auctore  
 Luthero dira hæresis, quæ populis, vt in Perside acciderat, ad insaniam versis,  
 Christiani dogmatis placita, & veteres sacrorū ritus vehementissimè cōturba-  
 uit. Ita vt facile crediderim ab occulta cæli potestate, malignoq; syderum cōcur-  
 su prouenisse, vt religiones toto terrarū orbe enatis factionibus vno tempore  
 scēderentur, quando nō Mahometani modo Christianiq;, sed et remotissimæ  
 gentes idololatræ, aut sydera aut portenta pro dijs venerātes, cum in India quæ  
 30 ad Orientē vergit, tum in Nouo orbe ad Occiduam plagā reperto, nouas sacro-  
 rū opiniones induerint. Sed vt ad rerū seriem reuertamur: Aduentāte Hysmae-  
 le, Taurisij erat Aluātes Iacuppi filius, qui paulo antè de regni possessione cum  
 Moratchamo fratre armis cōtenderat, eumq; prælio victū Armenia Persideq;  
 pepulerat. Is, vt ciuilibus discordijs plerunq; accidit, quum primores ciuiū qui  
 in Moratchami partib; fuerant armis persecutus occidendo aut proscribendo,  
 in ipsa victoria totam urbē mœrore atq; funerib; compleuisset, magnā sibi inui-  
 diam conflauerat. Quam occasionē nactus Hysmael, quò ciuium animos odio  
 scēuissimi regis (si propius accessisset) res nouas in vrbe molituros intelligebat,  
 instructo exercitu protinus ad vrbis portas perrexit. Nec Aluanti, qui repenti-  
 40 no bello oporellus, aut milites comparare, aut vllō satis opportuno præsidio  
 mœnia firmare nequiuerat, tantum animi ac virium fuit, vt aduersus eam belli  
 molem persistendū: aut de vita cum imperio dimicandū esse cēseret. Quamob-  
 rem diffusus rebus suis, dum tumultum atque arma iratorum ciuium ex merito  
 pertimescit: trepidanti atque attonito similis, vrbe excedit: portæque Hysmaeli  
 statim aperiuntur. Nanque ciues, qui luctuosis temporibus quibus inter se de  
 imperio reges decertarunt, maxima ex mutuis cladib; damna pertulerant, tutā  
 in eo periculo atque vtilem pacem habere malebant ab victore tanti nominis,



quàm pro cruento rege ad internitiōē iterum dissentire: maxime quòd vna omnibus incolumitas proponebatur, patebatq; amplissimus gratiæ locus apud nouum regem, his qui eius religionis disciplinam profiterentur. Hyfmael ingressus vrbem aliquot prætorianis per tumultum interfectis, qui fugientem regem sequi nequiueraut, sepulchrum eximij operis, quo auunculus more Persarum conditus fuerat, euertit, ossibusque disiectis, & abralis tota vrbe eius titulis, quo dolorem paternæ cædis expiaret, ac iusta persolueret parentis manibus, omnem illius memoriā aboluit. Interea dum Sophus Hyfmael Aluante incolumi minimè debellatum esse existimans, maiores etiam copias parat, easque apræto veteri armamentario militariter instruit. crebris rumoribus ac nuncijs afferebatur aduentare Aluantem, quem ex fuga petisse Scyras urbem, atque in vltimas regni partes ad mare penitus concessisse fama cognouerant: trahereque illum præter innumerabiles pedites, sex milia cataphractorum equitum, & magnum numerum sagittariorum, qui partim equis, partim camelis insideant: & Moratchamum quoque fratrem in Assyria, ad urbem Bagadad (Semiramidis Babylon hæc olim fuit) exercitum comparasse, possisque in communi periculo priuatis cōtentionibus, vniuersas mox vires cum fratre iuncturum. Hæc tametsi omnium sermonibus celebrabantur, nihil tamen eo apparatu territus Hyfmael, quod deorum auspicijs, & maiore aliquanto fiducia, quàm proprijs viribus posset, bellum gerere videretur, ad hostem ire cōstituit: prouisaq; re frumentaria, ac lustrato exercitu vrbe egreditur, nulla magis oratione vsus, qua militum animos alacri spe compleret, quàm vt maturarent, & se ducem quem dii dedissent, ad certam victoriā sequerentur. Aberrat Aluantes à Taurisio itinere decem dierum, quum Hyfmael sui famam incredibili celeritate prætergressus, ad Niphates montes peruenit, qui Armeniā ab Assyria determinant. Eos Aluantes magnam molē exercitus, & plurima impedimēta more Persarum trahens, premisis exploratoribus, qui vbi transitus difficiles forent munirent vias, & saltum non vno in loco cæsis arboribus aperirent, breui superare decreuerat. Quod vbi cognouit Hyfmael, iudicans se cum imparato hoste ex æquissimo loco dimicaturum, si prior ipse transcendere, hostemq; apud quem, vt in nullo metu, neglecta solutaq; omnia futura essent, inuaderet, continuo in aduersos montes primum agmen erexit, ac deiectis è summo vertice hostium præsidijs, eo ipso die vixdum relictis ex labore militibus, Aluantis castra, quæ ad vltiores montium radices erant, adortus est. Tanta è conspectu appropinquantium hostium in castris perturbatio exorta, vt præ tumultu ac trepidatione militum arma poscentium, quibus foeminarum greges, lixæ, calonesq; pauidum genus immiscebantur, vix Aluantes, quid fieri vellet præfectos docere, aut milites cohortari, aut deniq; aciem explicare potuerit. Ita irruentibus recta fronte Armenis, magnum atq; atrox prælium coëptum. Neq; Hyfmaeli, cui nunquā animus virtusq; defuerant, eo die etiam Fortuna defuit. Namq; per cuneos tribus simul locis aggressus hostem, antequam cataphracti equites, quorum magna pars non stratos, nō frenatos equos habebant, arma induerēt, in aciemq; prodirent, prostrata prima acie, peditatum in fugam vertit. Aluantes, qui nihil earum rerū ante prouiderat, quòd ad famam tanti comparati exercitus nec Taurisij quidem, nec in Armenia omnino se inuenturū hostem putasset, concurrare, appellare milites, retentare conuersam aciem, ac multum ipse pugnare. Sed quū subita eius cōsilia, quæ in ipso periculo capere



capere cogebatur, nec duces, nec milites exequerentur, pudore ac desperatione victus, dum in primo agmine acrius pugnaret, obtruncatur. Interfecto Aluante, caesisque Persarum promptissimis: cataphracti, qua parte virium Aluantes superior erat, cum iam non esset pro quo depugnaret, effugere non dubitarunt. Idem fecere sagittarii, & cæteri postremi agminis milites: qui audito statim tumultu, fugæ magis quam prælio arma atque animos præpararant. Hysmael cum minore aliquanto hostium cede quam pro tanta victoria quis crederet, castris potitus, quod antequam fugatum hostem sectaretur, exanimatos milites defatigatione itineris ac labore prælii reficiendos esse existimabat, eo in loco per aliquot dies stativa habuit. Inde quum ab finitimis populis legati ad dedendas vrbes superuenirent, & quò victoria, eo etiam gentium fauor inclinaret, ad urbem Scyras exercitum duxit. Nec ciues multum antè ad famantem ingentis victoriae parati ea facere, quæ diuinus victorque Hysmael imperasset, cum vrbe recipere, compectu pecuniaque iuuare in ea rerum commutatione recusarunt. Sophus ab supplici ciuitate omnibus diuinis atque humanis honoribus affectus, sæpe ad populum de veritate atque præstantia nouæ religionis concionatus est: edixitque se pro hostibus habiturum, qui intra trigesimalum diem antiquos ritus minime reliquissent. Quamobrè quàm diu illinc ex successu victoriae certissima præmia, hinc verò si pertinacius abnuerent, exilia aut cruciatus proponebantur, breui omnem propè multitudinem in partes deduxit. Mox ex opulentissimæ vrbs diuitijs persoluto militi stipendio, veteres novosque milites quibus arma, equi, tela, vestisue deerant, omnibus rebus instructos exornauit. Nanque in vrbe quæ inter cæteras Orientis summam obtinet claritatem, frequentes erant officinæ omnis generis armorum plenissimæ, ea mirabili ingenio artifices ex ferro calybeque recoctis, & ex herbarum succis addita insigni temperatura, longè elegantiùs, quàm apud nos id fiat, fabricare consueuerunt: nec galeas tantum, thoraces & ocreas, sed equorum etiam perpetua ex tenuissimis laminis tegumenta. Post receptam urbem Scyras, Scapham quoque, quæ Susa antiquitus fuisse existimatur, & Sulthaniam, quam propter admirabiles ingentium ædificiorum reliquias Tigranocertam fuisse arbitramur, in fidem accepit. His rebus celeriter confectis, constitutisque per singulas vrbes suæ sectæ magistratibus, Hysmael superato Tigri in Mesopotamiam profectus est, vt Moratchamum Babylonis possessione depelleret, arma adhuc exercitumque tenentem, quo (vt suprà memorauimus) iunctis cum Aluante viribus in Armeniam transire statuerat. Sed is fraternæ calamitatis exemplo territus, quâdo Aluantes & Persarum exercitus cum amplissimis regni facultatibus, è tanto fastigio vnius diei negotio corruissent, iudicauit minime sibi armis Fortunam periclitandam: sed in vltiora regni ad meliores casus expectandos continuè fugiendum, quod victori hosti ac tum ingentes trahenti copias, qui numerosum exercitum parua manu cecidisset, minime se parum futurum intelligebat. Igitur Sophus Hysmael tantæ virtutis fama, magnitudine copiarum, & ipso deniq; Deorum immortalium fauore terribilis, Mesopotamiam ingressus cedente Moratchamo, & certantibus inter se populis, qui nam primi victoris gratiam deditionis celeritate mererentur, omnem prouinciâ in deditione accepit. Porro Moratchamus nec copiis suis, terrore percussus, satis fidens, nec vllis se vrbiû mœnibus credere tutum existimans, collecta suppellectile cum vxoribus ac liberis in Arabiam profugit. At Hysmael maxi-



mam Orientis partē victricibus armis peruagatus, ab Afsyria in Mediam tradi-  
 scendit: vrbes, castellaq; aliquot in Zagro monte, quæ Aluantis præsidijs te-  
 nebantur, expugnauit: regressusq; in Armeniam, Albanis, Hiberis & Scythijs,  
 qui vltiorem Caspij maris oram tenent, bellum intulit: quod eæ gentes tribu-  
 tariae quondam Persarum regum ex occasione ciuilis belli, quo Persis totusq;  
 Oriens cum excidio regiae domus proximè conflagrant, neque tributa quar-  
 tum iam annum persoluissent, neque solitas omnino legationes in tanta præ-  
 fertim victoria misissent. Dum hæc ab Hysmaele geruntur, Techellis Cusel-  
 bas, quem ex heremo in vrbes ductum, Armeniam, minorisque Asiæ magnam  
 partem noua religione compleſſe paulo antè memorauimus, conflato exercitu  
 ex fœderatis eius disciplinæ hominibus, Turcarum fines inuasit. Enimuerò  
 quum Techellis in cœtu mortalium futura sæpius mira felicitate prædixisset,  
 Sophusq; Hysmael dudum exul & profugus non sorte, non humano subsidio,  
 sed pietate ac certissimæ religionis auspicijs, in eam rerum amplitudinem cre-  
 uisse videretur, tanta suscipiendæ eius superstitionis omnium animos cupido  
 incesſerat, vt circumiectæ vrbes atque oppida iam plena essent his hominibus,  
 qui pro tessera nouæ professionis rubris pileis vterentur. Conuenere primo a-  
 pud Tasciam vrberem, quæ ad Antitauri radices sita est, supra sex milia hominū,  
 vbi a Techelli persuasi vt arma caperent, quibus si quid durius ab impijs  
 Turcis accideret, sese & veram religionem tuerentur, omnes iureiurando affir-  
 mauerunt, se neq; ducem in vlla fortunæ acerbitate deserturos, neq; pro sanctis  
 siue hereseos dignitate, cui iam pridem corpora atq; animos deuouissent, labo-  
 rem vllum aut vlla vitæ pericula recusaturos. Techellis postquam videt suorum  
 animos singulari omnium consensu summaque virtutis fiducia confirmatos,  
 quum pecuniæ quæ liberaliter a provincialibus pietatis studio erogabantur,  
 ad alendam tantam multitudinem non sufficerent, edixit, vt frumentatū qua-  
 quauerſum irent, & eorum maximè facultatibus atque diuitijs vterentur, qui  
 nouis sacris initiari nollent. Itaque in plures manus diducti, e proximis agris  
 magnam vim commeatus & pecoris in castra conuexerunt: ac mox crescente  
 multitudine, e finibus Cappadociæ in Lycaoniæ vbertate agri & accolarum  
 frequentia pernobilem regionem profecti sunt, vbi multis diebus eo terrore  
 belli per agros impune circumducto, seipsos aluerunt, tantumque formidinis  
 omnibus intulerunt, vt qui oppida & vicos incolebant, instante metu, omnes  
 fortunās suas cum vxoribus ac liberis in vrberem Iconium comportare cogerentur.  
 Nanque edictum Techellis nomine pluribus locis propositum erat, quo  
 diuina humanaque præmia his omnibus ostendebantur, qui continuo in par-  
 tes transirent, & vulgatam multum antea Persarum religionem sequerentur.  
 Quod si qui pertinacius in errore persisterent, eos quum gladium semel eduxe-  
 rit, facesque succenderit, nullum postea veniæ aut salutis locum inuenturos. Om-  
 nibus tam atroci denunciatione perterritis, alij mortis metu, alij mobilitate  
 animi, alij res suas agrosque omni religione potiora existimantes, alij vero ob-  
 ærati, infames, capitalia ausi: præterea serui complures, fuga facta quotidie ad  
 Techellim transibant. Nec multo post, Turcis contra arma parantibus, auxi-  
 lia quoque equitum ab Hysmaele missa opportunissimo tempore superuene-  
 runt. Namque Hysmael ex fœdere communis disciplinæ iam tum antea perla-  
 gatos Techellim fuerat adhortatus, vt sacrosanctis cœptis insisteret, introdu-  
 ctæque religioni vim armaque adderet, ac magno animo progredieretur. See-  
 nim



nim negotio minimè defuturum, & peritos rei militaris qui ordines ducerent,  
 & pecuniam qua castrensis apparatus comparari posset, continuè submini-  
 straturum. Hec haud occultè Sophus Hysmael contra Baiazetem moliebatur,  
 ut parvis inijs, maioris belli causas fereret. Nanq; & veteribus odijs quæ pro-  
 pter bella continua cum Turcis intercedebant, et ex priuata quoque religionis  
 dissensione Baiazeti infensus, nihil magis in maxima virium amplitudine, &  
 in secundissimo rerum cursu, iuuentæ etiam calore præferuidus, quam Otho-  
 manicum bellum animo volutabat. Quin & legatos ad Senatum Venetiâs mi-  
 sit, qui fœdus atque amicitiam peterent, in eam maximè formulam, qua Cata-  
 10 rinus Zenus, Iosaphates Barbarus, & Ambrosius Contarenus legati in Arme-  
 nia cum Vssumcastane materno auo quondam pepigissent. Li enim diuersa via  
 totum Orientem peruagati, officiorum suorum ac itinerum commentarios po-  
 steris reliquerunt. Id in primis Hysmael postulabat, ut artifices, qui ænea tor-  
 menta conflarent, ab Italia sibi per Syriam mitterentur, & decreta in Græciam  
 atque Asiam valida classe, Baiazetem maritimo bello distinerent: se verò terre-  
 stribus copijs minorem Asiam completurum, præbiturumque pulcherrimam  
 occasionem Venetæ classi ad ea recipienda, quæ in ora Græciæ superiore & re-  
 centi bello amisissent. Senatus legatis perhumanè ac liberaliter habitis respon-  
 dit: neque veteris amicitie, neque fœderis, quæ sibi cum Persarum regibus fuif-  
 20 sent, obliuisci, gratamque semper futuram apud Senatum eius rei memoriam,  
 sed eo summo opere lætari, quod nouus Rex Sophus Turcarū hostis esset: quod  
 curæ haberet communicare belli causam, atque ea polliceri, quæ si Vssumcasta-  
 nes lacuppusq; filius præstitissent, nequaquam sibi bellum cum Othomanis  
 gerendum foret. Cæterum eas esse rerum vices, ut sicuti Persarum reges domi  
 ea tempestate ociosi occupato in Europâ Baiazete, nihil sibi mouendum exi-  
 stimauerint: ita Senatum in deteriore et periniqua temporū conditione, quod  
 velit ac maximè optet præstare non posse, quod pacem quinquennio antè cum  
 Baiazete factam sibi minimè violandam existimet: occupari enim se grauissi-  
 mo bello, quod præferoces Europæ gentes coniuratione facta, & maximi re-  
 30 ges nullis laceßiti iniurijs, sed sola concitati Venetæ felicitatis inuidiâ, nuper  
 intulerint, sperare tamen staturos à iustiori causa Deos immortales, & Rem-  
 publicam, quam vlla vis per septingentos amplius annos non fregisset, ab im-  
 manitate tot hostium seruatueros. Proinde suo regere referrent, Senatum quum  
 per occasionem posset, daturum operam, ut Sophus intelligeret nihil sibi Per-  
 sarum amicitia antiquius esse, aut speciosius quicquam futurum, quam Turcas  
 Christiani nominis hostes, quibus ipse infensus esset, mutuis consilijs ac parib.  
 armis oppugnare. Legati paulò post cum spe magis ineundi fœderis, quam  
 quod re ipsa quicquam impetrassent, donati muneribus in Cyprum triremi-  
 bus reuerti, in Syriam traiecerunt: habueredq; occulta colloquia cum Petro Ze-  
 40 no (is Catarini legatione Persica clari filius fuit) qui tunc Damasci negotiatori-  
 bus Venetis præerat. Qua de causa Baiazetes cognita legatorum profectio-  
 ne, per oratores & literas questus est apud Campsonem Gaurum Ægypti regem,  
 eum minus amicè facere, quod Persarum legatos per mediam Syriam ad com-  
 munes hostes ad concitanda externa arma transire permitteret. Vnde mox ira-  
 to Ægyptio omnes Veneti mercatores, & ante alios ipse Zenus, qui Tripoli,  
 Alepi, Berythi atque Alexandriæ agebant perducti Memphim, coram Cam-  
 psone sæpius causam ex catenis dicere coacti sunt, vixque post annum quo om-



nes contumelias ab immanibus Mamaluchis pertulerant, vitam et libertatem impetrarunt. At Techellis Persarum auxiliij firmato exercitu, ad Iconium celeberrimam Lycaoniae urbem iam peruenerat, populatusque vniuersum agrum magnam hominum multitudinem ad cultum nouae religionis perduxerat. Quibus de rebus Orcanes & Mahometes Baiazetis nepotes, qui Alempfaco & Sciaenscio patribus morbo extinctis, his regionibus imperabant, coactis copijs, ne tantam ignominiam in conspectu nobilissimae urbis à latronibus paterentur, in aciem descenderunt. Sed illi adolescentiae ardore praeproperi, quàm iniquo in loco praelium commisissent, ab hoste fusi fugatique sunt. Neque in ea victoria Techellis ab oppugnatione Iconij temperasset, nisi tormenta apparatusque expugnandarum urbium tumultuario exercitui defuissent. Inde conuerso agmine per mediam latitudinem minoris Asiae ad Ancyram, quam hodie Angorim dicunt, profectus est. Nec Corcuthus Baiazetis filius, qui Thyatirae, Syphilli, Magnesia, Phocaeque exercitum comparauerat, quum late effusus hostis in proximo esset, aut procedendum, aut de praelio omnino sibi cogitandum existimauit. Techellis per Galatiam infesto exercitu in Bithyniam contendens, non longè à Sangario flumine Caragiū Bassam, qui Bellerbecus tunc erat, (hoc est totius Asiatici equitatus magister) cum instructis copijs obuium habuit. Parauerat is paulò antè haud mediocrem exercitum ad famam imminuentis belli, iusseratque Achomatem natu maximum Baiazetis filium, Cappadociae Pontique praefectum conscribere nouos milites, & in tergo moliri bellum, ut Techellis si semel pelleretur, neque se in tutum recipere, neque in provincia, obstante in tergo exercitu conuiescere, aut morari omnino posset. Sed haec consilia Techellis sua celeritate praeuertit: nanque maioribus itineribus ad hostem progressus, tum delectibus habendis intentum, aliasque tanquam ad iustum bellum copias expectantem, ad Horminium montem adeptus est. Nec Bellerbechus pugnam detrectauit, tametsi non prius quàm maioribus copijs exercitum suppleisset, praelio decertare decreuerat. Erat enim in eius exercitu incondita peditum multitudo, homines ex Paphlagonia, Galatia, Bithynia & Ponto ignari militiae, & magnà ex parte inermes, ut ferme sunt qui imperati urbibus atque oppidis inuiti militant, atque vno nomine Asappi à Turcis nuncupantur. Virtuti autem veteranorum equitum summopere confidebat, quorum opera si aduersi quicquam accideret, cessurum se praelio & signa seruaturum arbitrabatur. Ex aduerso Techellis cui robur totum in peditate erat, nihil spei in fuga habere: sed in suorum virtute victoriam collocare, adhortari suos, ut reminiscerentur quam in regionem venissent: Quae, inquit, sociae urbes, qui noui exercitus, qui alij dii tutelares, si pro his hodie malè pugnaueritis, vos excipient, aut iuuabunt? Agite viri fortissimi, atque acriter irrumpite, ut vincendo & religionis dignitatem pro qua corpora atque animos deuouistis, & salutem vestram tueamini. Haec quum diceret, tota acie horrendus clamor sublatus est, statimque concursus. Bellerbechus peditatum in medio, equites in cornibus collocauit, quibus hostilem aciem circumueniret. Techellis autem vno corpore atque vno impetu quadratam suorum aciem induxit, equites quos Hysmael paucis antè diebus miserat, in subsidijs reliquit. Non tulere Asappi impetum neque aspectum quidem Techellini exercitus: nanque in fronte quique optimè armati constiterant, & pileata acies vno colore rubro conspicua, quod tota cruore conspersa videbatur, tyronibus & imperitis hominibus formidinem intendebat.



intenderat. Itaque vix horæ dimidio prælium Asappi sustinere potuissent, tota media acies cæsa fugataque est. Equites Turcæ qui in latera hostium utrinque magno impetu incurrerant, tametsi multos sagittis lanceisque confixerant, atque ordines aliquantum turbarant, quod pedites loco excedere & procurrere cogebantur, nihilominus quum de victis Asappis, Techellini in cohortes atque manipulos sese diduxissent & cominus prælongis hastis equos petere cepissent, & ipsi continuo in fugam conuersi sunt. Persæ equites qui spectatores pugnae fuerant, è subsidijs in fugientes turbatosque inuecti, multos protriuerunt, longiusque progressi, Bellerbechum sistentem fugam, nec veri quicquam in  
10 densissimo puluere discernentem, circumuenerunt, cepissentque eum, ni à fortissimis stipatoribus periculo exemptus fuisset. Equites paucis amissis, fuga sibi consulere. Asappi supra septem milia interfecti; præterea omnia peditum signa & vis ingens commeatus capta. Techellis quiete vnius diei militibus data, ad urbem Cutheiam, quæ ad Horminium est, exercitum admouit. Ea urbs totius minoris Asiæ umbilicum tenet, Anatoliæque Magistri equitum sedes est, sicuti in Europa quæ Romania dicitur, apud Sophiam Mœsie urbem, alterum Bellerbechum confidere videmus. Fama enim erat magnas opes propter munitionis opinionem eò à finitimis urbibus in ipso terrore belli fuisse comportatas, & cognouerant, Bellerbechum se ex fuga in eam urbem cum nobilif  
20 simis equitum contulisse. Nec dubium erat ditari posse exercitum, si aduerso prælii successu consternatis metu hostibus, omnes vires vno tempore admouerentur. Igitur Techellis dignam eam urbem ratus, quæ aliquo periculo peteretur, tormenta minora quæ bello ceperat, & sagittarios idoneis locis imponit, ut propugnatores è muro destinatis ictibus deicerentur. Demum comportari scalas, & tota acie pronunciari iubet, omnem prædam militum fore, his vero qui primi conscenderent, maiora præmia tributurum. Ea spe murum subeunt, nulla vi hostium, nulla telorum multitudine, nullo mortis metu deterrentur, quin certatim scalas aut conscendant, aut per confragosa muri alij aliorum innixi humeris connitantur. Supernè vero ingentia saxa, ardentes facès, & toto pal  
30 lim muro feruentis aquæ, calcis, ac arenæ vis ingens in subiectos continue pro uoluebantur. Nec in tanta certaminis iniquitate, quum multi ipso molarij pondere comminutis scalis, laceri, exanimes, atque omnibus denique incommo- dis conflictati è muro præcipitarentur, quisquam tamen in eo periculo tot ingruentibus telis, pedem referebat. Ignauie enim virtutisque militum testes spectatoresque aderant Bellerbechus atque Techellis: hic ne irritò incepto abscederet, ira et pudore accensus: ille ut dignitatem, salutem, ac omnes denique fortunas suas in eo discrimine tueretur, pari animo ducis atque optimi militis officia implebat. Tandem fessis & magna ex parte saucijs propugnatoribus, quum Techellis integros milites qui prælium exciperent, ac vulneratos reuocarent, con  
40 tinuè summitteret, facto impetu duobus simul locis per acervos cæsorum in urbem peruaserunt, obtruncatisque propugnatoribus, ac refracta porta omne exercitum introduxerunt. Inde per omnes domos miserabilis Turcarum cædes edita: expugnatumque eodem impetu prætorium, quo se cum familia Bellerbechus receperat. Dux ipse cum vxoribus captus, & prætorium secto marmore & nobili structura insigne concremātum. Cutheia capta & Turcarum spolijs ornato exercitu, Techellis in animum induxit expugnari posse Prusiam Bithyniæ caput, si priusquam hostium vires coalescerent, aut ciues perterritis



omnibus, aliquid consilij pro tuenda patria capere possent, ipse confestim eo contenderet: & in ea fortuna studio atque ardore militum vteretur. Quamobrem indicta profectio die, militibus imperavit, ut corpora curarent, scallas, arma, telaque pararent, quibus opulentissimam urbem, nec moenibus tutam, nec ullo firmatam praesidio, hostium opinione celerius aggredierentur. Hanc parantem novus Turcarum exercitus, qui nuper ab Gallipoli per Hellespontum in Asiam traiecerat, a proposito oppugnandae urbis auertit. Namque Baiazetes multum antea ad Tecchellis nomen, & ad Persicae religionis famam excitatus, filijs, nepotibus ac Bellerbecho Asiae praefecto scripserat, ut pararent arma, novae superstitionis initia opprimerent, darentque operam, ne quid detrimenti in ea provincia caperetur. Postquam vero Techellim ex heremita Imperatorem factum, innitque eum haud obscure Persarum viribus, & ardere bello Asiam vidit, Halybassam cum Europaeis copijs eo emisit. Erat Halybassa genere Macedo, tametsi eunuchus, virtute tamen viris fortissimis comparandus, qui sub Mahomete multis fortibus factis militarem gloriam, atque optimi ducis nomen adeptus fuerat. Is deducto flore equitum ex Epiro, Macedonia, Moesia, Illyrico, Traciaque, ac adiunctis sibi praetorianorum septem milibus (Ianzarij Turcica lingua vocantur) in quibus ob confirmatam bellicae laudis opinionem in omni Turcarum expeditione, & summa virum, & vincendi certissima ratio semper fuit, ex Chersoneso in Phrigiam profectus est, scripsitque ex itinere Corcutho, & Acomati Baiazetis filijs, omnibusque equitum praefectis (quos Sanzacos vocant) ut quam maxima possent celeritate copias compararent, & in Galatiam progredierentur. At Techellis de adventu hostium certior factus, excedendum Ponto, ac sibi omnino multis de causis in pacatam regionem redeundum existimavit, ne coeuntibus undique Turcarum copijs, circumveniretur, neque cogeretur iniquissima belli conditione dimicare. Namque, nec tutum iter, nec pacatum quicquam, si vel parvam aliquam moram traheret, se habiturum arbitrabatur, quum tantum terrarum in tergo relinqueret, tot hostiles urbes, tot flumina, tot insensos populos, quae omnia paulo ante primus hominum fauor, victoriaeque celeritas aperuissent. Igitur re ad consilium delata, quod praefecti omnes tantulis copijs sine iusto equitatu, cum eo hoste qui & locorum notitia, & genere ac numero militum longe superior erat, praelio decertare summae dementiae, aut extremae necessitatis consilium esse censebant, collecta pretiosiore praeda, ab Horminio per Galatiam citatiore itinere regredi coepit. At Halybassa, cui, ut statim in Asiam ventum, singulis prope horis a provincialibus de abscessu itinereque hostium literae, pernicious tabellarijs afferebantur, cognita eorum profectio, Sangarium flumen superat: ac transuersis itineribus recta iter Cutheiam & Ancyram, qua transituros hostes coniectura iudicabat, pergit. Inde quum minimum tempus, aut naturae desiderio, aut lassitudini militum tribueret: quintis castris ad Caraassar in plana Galatiae peruenit, & novissimos agminis hostium fessos, vulneribus debilitatos adeptus, interficit. Ibi Techellis ut hostes atroci spectaculo edito, aut demoreretur, aut a persequendo deterreret, Bellerbechum quem vinctum trahebat, media in via sequentibus spectandum palo infixit. Nec Halybassa horrendo clarissimi viri interitu permotus, quicquam tamen de celeritate sibi remittendum existimavit. Quin milites consolatus, ut aequo animo itineris laborem ferrent, ac paululum admitterentur, ut supplicium sumerent de immanissimis latronibus, qui



bus, qui, euastata prouincia, nec impuberibus quidem, aut Deorum templis  
 pepercissent, sequente die in Ancyræorum agrum descendit. Achomates quo-  
 que cum decem milibus armatorum, ut vires iungeret, eo ipso die superuenit.  
 Quamobrem Halybassa, qui nec continuo quidem cursu magnis itineribus an-  
 tecedentem toto exercitu consequi poterat, iniquo animo terens sæuissimum  
 hostem impunè elabi è manibus, insistere hisdem fugientium vestigijs, cum ex-  
 pedito equitatu constituit. Itaque relictis pedestribus copijs, & Achomati com-  
 missa exercitus cura, cum octo milibus equitum abeuntes citatissimo cursu per-  
 secutus, extremum eorum agmen ad Olygam montem, qui ab Ancyrâ parum  
 10 distat, lacessere, & inito acri prælio perturbare cœpit. Techellis, qui in edito i-  
 doneum locum castris paulo antè ceperat, tametsi lassitudine atque æstu torren-  
 tis Solis exanimatos esse milites intelligebat, nihilominus, quum equissimum in  
 loco, cum solis equitibus sibi rem futuram sciret, conuerso agmine, ac constitu-  
 tis pro natura loci & temporis exiguitate suorum ordinibus, Turcæ impetu  
 egregie excepit, inuectosque equites prælongis hastis sagittisque summo-  
 uit: apparebatque hastatum peditum phalange facta, insultante equitatu, nec ces-  
 surum loco, neque indignum quicquam superiore victoria commissurum, nisi  
 Halybassa mille amplius sclopettarios equites induxisset, qui per vicès alij alijs  
 turmatim miro ordine succedentes, plumbeas glandes in confertissimam ho-  
 20 stium aciem spargerent. Quæ procella, quum magnus eorum numerus sterneretur,  
 necesse fuit phalangem solui. Inde hastati equites, quâ dissipatis cæsisque  
 militibus densa & stabilis ea acies laxabatur, vehementiore illati impetu ceden-  
 do sternendoque totum propè primum agmen deleuerunt. Techellis in media  
 suorum strage ubique conspicuus, quod vnum in tantis malis remedium relinque-  
 batur, ex promptissimis atque optimè armatis nouam aciem facit, eamque à nouis-  
 simo agmine in frontem ductam, equitatu opponit: iubetque pronunciari, ut mi-  
 lites pleno gradu pugnando in collēs sese recipiant, eo consilio, ut milites timo-  
 re adducti, non metu ipso, sed iussu Imperatoris id facere viderentur. Ita existi-  
 mare naturæ loci diffisos hostes, urgendi insequendi-  
 30 que finem esse facturos. Halybassa primo prælij successu ferox, haud dubiè iam inclinatâ victoria equites  
 cohortatus, ne spaciū euadendi in montem fugientibus relinquerent, premendo  
 urgendoque instarent: ac breuissimi laboris operam, qua bellum vel vno eo præ-  
 lio finiretur sibi ac Baiazeti imperatori præstarent. Hæc proclamans cum glo-  
 bo equitum per mediam hostium aciem perequitauit, ut ceteros accenderet, ac si-  
 bi non deesse virilem animum, insigni virtutis facinore edito testaretur. Quod  
 quum speciosius quàm pro disciplina iterum eodem ardore fieri posse consideret,  
 interclusus, & in medio circumuētus interficitur. Cæso Halybassa, puncto tem-  
 poris prælij fortuna commutata est: namque Turcæ, qui dudum pulsis stratisque ho-  
 40 stibus acerrimè præliabantur, ducis mortem perterriti, remittere pugnandi ardo-  
 rem, sensim cedere, ac demum conuersis equis pugnae loco excedere cœperunt. Ex  
 aduerso Techellini qui plus spei in loci munitione, ac motibus, quàm in armis at-  
 que virtute posuerant, auctis noua spe animis, & in segni iam pugna collectis  
 viribus, procurrere, truci ululatu victoriâ conclamare, atque hostem in fugam verte-  
 re. Ita fortissimi equites pugnae atque itineris labore confecti, quum fessis ac fluē-  
 tibus sudore equis persistere non possent, insignem certamque victoriâ, quam  
 dux ipse virtute partam, morte postea temeritateque corruerat, reliquerunt. Te-  
 chellis tametsi nec refici equos, nec in patentibus campis tuto consistere hostem



posse, si vestigijs insisteret, sperabat: orbatus tamen suorum promptissimis, acque vniuerso exercitu inedia, vigilijs, & vulneribus affectis, in Olyga monte conquiescere statuit. Inde paucos post dies trans Halym flumen ductis copijs ad Tasciam, & in Rubrademum saxa se recepit, non procul ab vrbe Celenis, quam Marsia amnis Poetarum carminibus inclitus mediam interluit, hodieq; Maras Aladuli principis ragia vocatur. Turce vlti magis iniurias, q̃ plenam adepti victoriam, ad Achomatē, vbi signa et prætoriani milites erant, redierunt. Nec multo post Iunusbassa summæ virtutis Epirota, qui magnū in militia vsum habere dicebatur, a Baiazete delectus, cum imperio ad exercitum venit. Is statim, quum sibi copias omnes Achomates tradidisset, in Cappadociam profectus, dextrorsum ad Antitaurum iter flectens, paucis diebus ad Tasciam peruenit, vrendoque ac vastando passim vniuersum agrum sub radicibus montis posuit castra. Habebat Iunusbassa supra quadraginta milia equitum ac peditū: præterea magnum numerū currulium tormentorum, ingentemq; vim omnis generis commeatus. Quo apparatu territus Techellis, quod nulla auxilia ab ab Hysmaele mittebantur: quod nullam tormentorum copiam habebat: quod clade ad Olygam accepta faucios consternatosq; metu milites, tantæ multitudini hostium obijcere miserrimum putabat, montibus, ac syluis se tenere constituit, sperans si munito in loco cunctaretur, aut ventura interim Persarum auxilia, aut temeritate hostium non omnino iniquam pugnandi occasionem aliquando haud sibi defuturam. Interea singulis diebus haud satis digna memoratu prælia varijs in locis conferebantur. Nanq; Turce explorando quæritandoque faciles aditus circumiecti montes, sæpius accliuīs collibus ad hostes perueniebāt. Techellini contrā ē syluis euolabant, & ē præruptis locis, quæ ipsi in castrorū speciem communiuerāt, acerrimē depugnabant. Tandem, quum diu quotidiana consuetudine veluti per lusum leuibus prælijs vtrinq; vires tentarentur, animaduertēre nonnulli milites itinera duō non omnino difficilia, per quæ haud angustis callibus exercitus sub signis duci posset. Iunusbassa loci naturam cōtemplatus, eodem tempore, hinc Asappos, illinc prætorianos milites cohortatus, erigere aciem in colles non dubitauit, qui per ardua leni gradu prætentis scutis aduersus hostium missilia subeuntes magno animo ingentem telorum multitudinē sustinuerunt. Nanq; hostes occupatis editioribus locis, veluti ē propugnaculis, & tela omnis generis conijciebant, & maiores lapides prouoluebant. Sed directis in eum locum minoribus tormentis, ab ea munitione deturbati, celerrimē locum reliquerunt, quum signa scutatosq; valida sclopetariorū manus sequeretur, et veluti grādinē effusa tota acies obrueretur: moxq; Techelle receptui canente, in interiores ac munitiores syluas se condiderunt. Sequenti nocte Techellis haud ignarus quātum sibi authoritatis ac virium ex aduerso certamine decessisset, extinctis ignibus cum maximo silentio saltu excessit, & per aduersos montes in minorē Armeniam descendit. Nec prius illorum fugam Turce senserunt, quā albescente iam cælo, exploratores qui saltū ingressi, impedimenta, & paucos semianimes inuenerant, renunciauēre, euasisse hostes, eosq; præcipiti fuga petere minorem Armeniam. Quod quū Iunusbassa ex captiuīs etiā cognouisset, impotenti ira gemens, frendensq; quod non statim ab victoria saltum omnem indagine clausisset, equitatum qui abeuntes sectaretur plurimis itinerib. emisit: ne quicquam tñ persecuti hostes, quod Techellis notis tramitib. rectā in Armeniā properabat, paucis in itinere captis adducem



ducem redierunt. Pulso Techelle, Iunusbassa per omnes minoris Asiae vrbes  
 intentissima cōquisitione habita, quos Persicę religionis cultores inuenit, om-  
 nibus tormentis excruciatos interfecit: his verò qui bello minime interfuissent,  
 neq; arma tractassent, inussit frontem, vt stigmate defectionis titulum præfer-  
 rent, quos protinus cum affinis, atq; propinquis eorum qui secuti Techel-  
 lim fuerant in Europam traduxit: sparsitq; per Macedoniam, Epirum, & Pelo-  
 ponnesioram, ne si Techellis, qui ad Hysmaelem in finibus Scytharum bellum  
 gerentem confugerat, copias comparare alias, & bellum renouare vellet, coi-  
 rent rursus, & nouas res, noua defectione molirentur. Vix dum pulso Te-  
 10 chelli bellum aliud statim ortum atrox cruentumque intestinis cædibus, quo  
 clarissima terrarum orbis Othomannorum domus, vnius ambitione atq; fe-  
 uentia ab stirpe propè interiit. Præcessere imminentes calamitates prodigij lo-  
 co habitæ, ingens atque terribilis, si vnquam antea, terræ motus, ac subinde re-  
 pentina & maximè grauis pestilentia, quæ Bizantium imperij caput ruinis at-  
 que funeribus compleuerunt. Quibus periculis territus Baiazetes, ab pesti-  
 lentimaris ora, in saluberrima Thraciæ loca secessit, egitque complures men-  
 ses sub Rhodope monte apud Hadrianopolim: vbi quum minimè prospera  
 valetudine vteretur, nec dolore pedum, & sanecta inualidus munia imperij  
 obiret, de successore deligendo cum purpuratis & familiaribus agitare cœpit,  
 20 diffusus maximè filiorum ingenijs, quos præpotentes ferocesque de imperio  
 dimicaturos arbitratur: nisi se superstite in principatum vnus ascisceretur,  
 qui conciliato fauore militum, opportunas regni arces, pecuniam publicam,  
 classes atque exercitus obtineret. Supererant Baiazeti filij tres, Scianscio, Ma-  
 humeto, & Alemsciao iam pridem morbo absumptis: Achomates, Corchu-  
 tus atque Selymus, florenti ætate omnes, sed diuersis inter se vitijs, atque virtu-  
 tibus insignes. Achomates consilio, æquitate, belli & pacis artibus pollens, cla-  
 rusque, quod duobus iam regiæ indolis adolescentibus filijs stiparetur, secun-  
 da nominis fama ipsos præsertim Asiae populos & principes aulae, paternum-  
 que animum occuparat. At Corcuthus ob mite ingenium, tranquilliorēque  
 30 naturam sapientiæ studijs deditus, tametsi cognitione humanarum rerum, ac  
 ætatis prærogatiua ab Achomate superabatur, nihilominus quum apud pa-  
 trem veteris pietatis, & summi beneficij memoriam non omnino oblitteratam  
 esse cōsideret, imperium triginta ante annis apud eum depositum reposcebat.  
 Nanque Mahomete vita functo, & Baiazete eius filio in Cappadocia procul  
 agente, prætoriani milites, & nonnulli equestris militiae principes, qui tunc  
 Bizantij aderant, Isacho & Mésithe purpuratis attollentibus Corchutum ado-  
 lescentulum imperatorem delegerunt, & traditis arcibus, atque thesauris au-  
 to in solio constituerunt: vt ipsi tutelæ nomine, ex arbitrio cuncta imperij mu-  
 nia administrarent. Nec Baiazetes ab Amasia Cappadociæ rediens, quan-  
 40 quam se fraudatum iure imperij planeque proditum ab omnibus quereretur,  
 quicquam tamen præcibus & lachrymis impetrasset, nisi in ipso egregie pio,  
 modestissimoque adolescente primis statim imperij diebus ingenuus pudor,  
 & parentis reuerentia, omnem regnandi libidinem superassent. Siquidem  
 Corcuthus nolentibus etiam his qui detulerant, sceptrum patri restituit, vnde  
 illi mox liberalitate patris Lycia, Caria atque Ionia, cum nobilissima Asiae ora  
 ab Attalico sinu Phocæam vsque cesserunt. Porro Selymus maiores spiritus ge-  
 rens quum priuatam fortunam minimè pateretur, vt rei bellicæ magnopere



deditus, vna maximè liberalitate, astu, comitate, bonis malisq; artibus ad Imperium contendebat. Nec maximū bellum et paternum regnum affectanti, studia prætorianorū deerant, qui misceri cuncta bellico tumultu malebant, vnde honores, atque diuitiæ certa laboris atque audaciæ præmia peterentur, quam sub æquo sedatoq; principe, qui esset damnosæ pacis cultor, inglorius otiosam inutilemque militiam perferre. Is habitus animorum erat in prætoriano equite, & Ianizarorum peditum consensus, quum Baiazetes, qui haud dubie Achomatem successorem sibi destinabat, sparsis in aula super eare non omnino vanis rumoribus, filios pari ambitione ad imperium properantes suis sedibus exciuit. Primus omnium Selymus classe in Ponto comparata ab Trapezunte vrbe, Theodosiam adnauigauit: adiitque in eadem Chersonesso Mahometem Præcopitarum & Tartarorum regem, cuius filiam iam antea inuito Baiazete vxorem duxerat. Eum detectis consilijs suis obsecrat, obtestaturque per fœdera sanctissimæ cognationis, ne sibi genero in summa rerum occasione deesse velit: docetque quanta sibi spes adipiscendi imperij ab amicis prætorianisque militibus proponatur, si propius accedat: patremque de transferendo imperio cogitantem, aut arte conciliet, aut ab instituto consilio eligendi constituendique successoris, ducto in Græciam exercitu armis deterrerat. Tartarus collaudatis eius consilijs, vt fœderum decuit, alias confestim naues ex Ponto atque Mæotide, vicinisque præsertim Coppa Tanaque emporijs, quæ sunt ad Tanaim amnem, cogi iubet. Quindecim milia equitum armat, atque hæc omnia Selymo attribuit, ac maiores copias si bello contendat, se continuo missurum pollicetur. His properè confectis Selymus Borysthene superato per Valachiam profectus, Danubium apud Cheliam urbem equitatum omnem traducit. Classem verò ad Varnæ portum, quæ Dionysiopolis olim fuit, in finibus Bulgariæ & Thraciæ conuenire iubet. Ipse alias ex itinere copias conscribens simulando aliud, quo suum consilium tegeretur, expeditionem in Pannoniam edicit. At Baiazetes, qui Selymum ab Trapezunte in Europam multo antè transisse cognouerat, admiratus, quod non planè sedato Techellis & Persarum bello, ex Asia discessisset: quod priuato consilio contractis externis auxilijs aduersus pugnacissimam Hungarorum gentem difficile bellum pararet: quod loca Thraciæ proxima terrestri exercitu, Euxinum verò validis classibus obtineret, timere cepit ne hæc omnia contra se pararentur. Enimuero inquieti turbidique hominis ingenium callidus pater perspectum habebat, vel ex eo maximè, quod se inscio superbe admodum ac insolenter, ducendam sibi vxorem à Tartaris iudicasset, ac summa demum arrogantia exercitus terra mariq; parasset: intelligebatque modico eum imperio non contentum fore, qui amplissimum audacia ac scelere parari posse confideret. Attamen eius vim atque ferociam dissimulatione leniendam magis, quam eo tempore contumelijs excitandam existimans, oratores ad eum mittit: qui doceant quanto cum periculo Turcæ superioribus temporibus ea bella tractauerint: exemplo debere esse auum Mahometem, qui infelicitè Pannoniorum arma sæpe exercuerit: proinde commodiorem rerum occasionem opperiretur, vt maturiore ideoque tutiore consilio & maioribus viribus id bellum suscipere, & cum certa prope spe victoriæ gerere posset. Ad hæc Selymus respondit, se Achomatis iniurijs extimulatum, Asiam reliquisse, transisseque propterea in Europam, vt amplioris ditionis præfecturam pro angusta scilicet steriliq; & tum ex indu-



cius pacata, quam spectantem ad Hiberos & Colchos, inter saxa montium de-  
 gentes pater attribuisset, sibi armis ex hostili prouincia vindicaret. Quod verò  
 Hungaros tanquã insuperabiles bello minimè laceßendos dicerent, se non esse  
 eius animi, vt vllis periculis, vllisue difficultatibus terreretur, quando antiqua  
 illa iam mutata essent, mutatis scilicet regibus, & non labante modo, sed ferè e-  
 uersæ gentis veteræ disciplinæ: Vladislaus dispar ingenio virtuteque Matthiæ  
 fortissimo successisset: nec ipse morte aut belli communes casus ab ineunte æ-  
 tate timere didicerit: forti enim animo & honesta quidem petenti audentique  
 neque Deos neque homines defuturos. Decreuisse se pro sua dignitate, quam  
 10 pater nimia fratrum potentia confregisset, aut in acie non indecoram mortem  
 obire, aut propagare imperij fines, ne omnino postremo loco natus, in Otho-  
 manica domo postremus quoque virtute & gloria videretur. Legati tametsi  
 Selymus omnibus sermonibus nihil pacatum ostenderat, munera tamē patris  
 nomine, quibus ferox atque immittis animus molliretur addiderunt. Nam Sa-  
 mandriam, quam Scenderouium Belgrado oppositum Hungari vocant, vali-  
 dam Myſorum urbem in Pannoniæ finibus, & complura oppida regionis ve-  
 teri eius imperio adijciunt: itemque sexaginta aureorum nummum milia diu-  
 merant: præterea lanceas addunt, & sericas vestes mille numero, magnamque  
 vim comæatus, quibus rebus contractos milites donaret, atque aleret, ne spe  
 20 prædæ domo exciti grauius ferrent, si absque munere dimitterentur. Selymus  
 oblati opportune muneribus acceptis, ambiguo magis responso atque incer-  
 ta spe suspensos legatos ad patrem remisit, quam quod ex antiquis consilijs suis  
 quicquam remiserit. Exacuebant animum imperij cupiditate accensum occul-  
 ti ab amicis nuncij, ac literæ monentes vti appropinquaret, atque omnem spem  
 in celeritate poneret, quod sub eius profectioe Achomatem à patre accersitū  
 ex Cappadocia mouisse arma cognouerant. Interea Baiazetes his etiam de cau-  
 sis permotus, ad id quod animo multum antè proposuerat descendit, ac regem  
 successoremque dicturum profitetur, qui se annis valitudineque confecto, pa-  
 rem tanto imperio regendo vigorem integræ ætatis afferret. Ea quum per qua-  
 30 tuor Bassas qui bello paceque proximum regi locum obtinent, prætorianis  
 militibus deferrentur, ex templo ab omnibus ordinibus reclamatum est, se nul-  
 lum alium quam Baiazetem, cuius auspicijs amplius triginta annos meruis-  
 sent, imperatorem velle: non passuros priuatum eum in obscuro vitam agere,  
 qui tot victorijs, tot urbibus bello captis, Othomannicum imperium in sum-  
 mam amplitudinem perduxisset. Satis in eo virium superesse, si vegetæ adhuc  
 ætatis honore, dignitatem diuturnitate imperij, & gloria rerum gestarum  
 partem retinere vellet. Eum enim ex liberis ad imperij sedem suo tempore  
 peruenturum, qui patri legitimè successurus esset; viueret modò ipse in-  
 columis ac multos regnaret annos: nullam quidem post fata patris futuram  
 40 apud filios de regno controuersiam, quum id Othomannorum proles, ve-  
 tere patrum instituto, iure tantum atque ordine, nullo ambitu, & nullis adiu-  
 ta suffragijs adipisci consueuerit. Quod si forte priuato iudicio & noua tan-  
 quam inducta adoptione, eum non deligat, quem per leges nunquam antea  
 violatas populi militumque consensus imperio destinarent, fore, vt humana  
 diuinæque omnia misceantur. Cæteros enim fratres, tam insignem contume-  
 liam non laturos, nec quieturos vnquam, donec impotenti patris libidine a-  
 missam dignitatem, tanquam abdicati spretique cum omnium rerum contur-



batione armis recuperent. Hec milites edocti ab amicis fautoribusque Selymi  
 qui centuriones & vexilliferos pecunia & pollicitationib. subornarant, palam  
 eloquebantur, ut Baiazetem à proposito deterrent. Cæterum ille eorum a-  
 nimos ab Achomate minimè alienos esse existimans, quod illius dignitatem  
 ad quem spectaret imperium, aduersus omnium iniurias tutaturos, elato ani-  
 mo profiteretur, Achomatem electurum se dixit, si is ab omnibus ordinibus  
 probaretur. Sed prætoriani qui corrupti muneribus fidem libertatemque ven-  
 diderant, probare quidem ac laudare Achomatem, sed principem creari super-  
 stite altero, neque ex vetere Othomannorum consuetudine, neque ex commo-  
 do militum, neque ex usu imperij esse dicere, quando nec fratres Corchutus, at-  
 que Selymus, nec ipsi prætoriani vllam ex infidelitatis suspitione calumniam  
 equo animo toleraturi sint: si de voluntate atque modestia optimorum filiorum  
 suspiciosus pater, aut de fide constantiaque fidelissimi exercitus, eum sæpenu-  
 mero expertus imperator addubitet. Intolerandum quoque cunctis videri, quod  
 præmijs per interregnum dari solitis, ex ipsa externe religionis hominum præ-  
 da, odioso eius insoliti facti præiudicio, milites fraudentur. Namque mos est,  
 ut defuncto statim principe, Iudæi & Christiani expoliti Turcarum iniurijs,  
 qui Bizantijs, Pææ, Hadrianopoli, Thessalonica, Prusæue mercaturæ causa  
 degunt, à prætorianis per tumultum mercimonijs omni que substantia spoli-  
 entur, prædæque habeantur. Neque prius milites sacramento rogati in verba no-  
 ui principis iurant, quam is omnem prædam donatiui nomine concesserit, &  
 per caput suum, quod maximum apud Turcas iusiurandum existimatur, affir-  
 marit, se nullam ex fontibus petiturum poenam, atque omnem eius maleficij me-  
 moriam aboliturum. Baiazetes postquam omnibus consilijs suis aduersari mi-  
 lites vidit, ut corruptæ eorum mentes ampliore pecunia caperentur, quingen-  
 ta aureorum milia prætorianis se diuisurum pollicitus est, si Achomati faueret,  
 neque ius, aut potestatem dicendi noui regis intercessionibus impedirent. Nec  
 publicani redemptoresque deerant, qui magna ex parte ab hisdem peregrinis  
 mercatoribus, eam summam se exacturos, & in gratiam Baiazetis repræsent-  
 aturos profiterentur. Vicit tamen Fortunam Achomatis improbitas & peruica-  
 cia prætoriani militis, quanquam magna erant quæ proponebantur. Siqui-  
 dem vberiora præmia destinauerant animis, si pro temperato proboque prin-  
 cipe, prodigijs ferox, & pacis impatiens, studio atque opera militum ad Impe-  
 rium eueheretur. Per hunc modum sua spe depulsus Baiazetes, dissimulandum  
 sibi in præsens, & compresso animi dolore ignominiam, quam occultè feren-  
 dam existimauit, dum sese occasio conficiendæ rei aptior & tutior aperiret. In-  
 terea Selymus ab amicis certior factus quanto studio, quantaque partium con-  
 tentione prætoriani patris conatibus obstiterent, ne diutius hominum volun-  
 tates mora & tarditate frustraretur, neu propensissimis in se militum animis dis-  
 fidere videretur, relictis Pannoniæ finibus exercituque in Thraciam ducto,  
 non longè ab Hadrianopoli loco edito confedit, vnde castrorum fremitus  
 exaudiri, & tentoria è summis vrbis tectis conspici poterant. Mittitur in-  
 de ab Selymo in urbem nuncius, qui mandata patri ferret. Eorum summa fuit,  
 desiderare se plurimum, qui per multos annos absens patrem non vidisset, in  
 eius complexus deuenire, antequam Trapezuntem petiturus mare traice-  
 ret, quando eum exacta & præcipiti ætate nunquam forte esset internisurus.  
 Pertinere quoque ad quietem Asiæ, liberorumque concordiam, si apud pa-  
 trem,



trem, communem arbitrum & disceptatorem controuersiae, proponerentur  
 quæ sibi cum Achomate intercederent, nec tuto seruorum fidei committi pos-  
 sent: statueret colloquio diem, locumque deligeret, nec grauaretur exosculandæ  
 manus facere potestatem, quod obscuris & tenuibus amicis, nedum liberis, ma-  
 iores tribuere consueuissent. Baiazetes qui paucis antè diebus cognito Selymi  
 aduentu, planeque perspectis eius consilijs, aliquot Sanzaccos cum delecto e-  
 quitatu e proxima Græcia præsidio acciuerat, & custodias in vrbe disposuerat,  
 timens ne specie colloquij milites à filio amicisque eius deprauati, qui iam tum  
 onerati promissis atque muneribus occultè descuerant, ab se penitus alienaren-  
 10 tur, atque ipse demum vel aperta vi, vel insidijs circumuentus opprimeretur,  
 spem omnem colloquij tollendam iudicauit: grauiter incusato Selymio, quod  
 alienam prouinciã introductis copijs occupasset: quod armatus colloquium  
 postularet: quod denique sua humanitate ac patientia tam insolenter abutere-  
 tur. Non esse ab eo quicquam expectandum, quod ad concordiam pacemque  
 pertineat, qui externo equitatu circumdatus, iniussu patris bellum pararet, &  
 fidelissimas Othomannico nomini gentes, per quas iter faceret effusè popula-  
 retur. Proinde eum rectè facturum si Thracia, Europaque excederet, & dimis-  
 so exercitu in Pontum prouinciã suam reuerteretur. Hoc si faceret maiorem  
 sibi quàm vnquam antea apud patrem gratiam beneuolentiãque pariturum:  
 20 si in incepto persisteret, se eum non pro filio, sed pro hoste habiturum, nec de-  
 futuros, qui tantam audaciã, summæ proximæ perfidiæ statim vlceren-  
 tur. Dimissis legatis, Baiazetes ea quæ sequuta est nocte per speculatores co-  
 gnoscit, Selymum motis castris rectà Bizantium petiturum, quod ab amicis  
 accerseretur, qui existimarent, si ipse cum exercitu propius accederet, in vrbe  
 intestinos motus orituros. His cognitis Bizantio timens, ne Hadrianopoli se-  
 dendo imperij sedes amitteretur, prima luce proficisci constituit. Discedente  
 autem Baiazete, Selymus trepidantibus Hadrianopolitanis, ne si resisterent  
 intempestiua fides exitio foret, urbem ingreditur: recreatoque ex præsentē vr-  
 bis copia vniuerso exercitu, quod ante sibi animo agendum proposuerat, vt pa-  
 30 trem antecederet, maioribus itineribus Bizantium versus contendit. Vixdum  
 Baiazetes ad vicum cui nomen est Chiurlus peruenerat (is medio ferme itinere  
 à Bizantio viam militarem amplectitur) quum ab coactoribus agminis con-  
 clamatur adesse hostium antecursores, eos carpere nouissimos ordines, & iam  
 lacessendo instandoque vniuersum postremum agmen demorari. Baiazetes  
 noua reperturbatus magis, quàm territus, ne quid fugæ simile profectio habe-  
 re videretur, statui signa, omnemque exercitum consistere iubet, eo proposito  
 vt si acrius instaret hostis, acie decertaret. Duces & purpurati qui aderant, aut  
 vetere amicitia, aut noua inclinatione animi, aut spe cognationis atque potent-  
 iæ in Selymum propensi, eique propterea oblique callideque fauentes, non  
 40 probare consilium imperatoris, quod leuitate atque audacia filij vsque adeo  
 permoueretur, vt prælio rem committendam existimaret: funestissimam fore  
 victoriã si inconsulte superbientem, ac nihil nociturum filium superaret.  
 Contrà, patrem si fortè succumberet, miserrimam conditionem cum vniuerso  
 exercitu subiturum: cuius euentus tanto periculosius instare discrimen,  
 quanto ipse & rerum bellicarum apparatus, & numero copiarum esset infe-  
 rior. Comprimeret iram, nec tot eximias laudes bello paceque partas, in ex-  
 tremâ ætate, fœdo exitu maculare properaret. Vnum omnino consilium



salubri prudentia plenum videri, si de profectione celeritateque nihil remitteret, & continuo Bizantium proficisceretur. Selymum enim citò temeritatis poenas daturum, si Bizantio excluderetur; nec dubium fore, quin in reditu ab his quorum agros esset populatus, honestius quam paterno gladio cum latronibus suis caderetur. Huius sententiæ princeps erat Mustaphas antiquior è tribus purpuratis, qui summæ rerum consilio præpositi Bassæuisir appellantur. Istum ingrato prauoque animo Baiazetem, tanquam nimis diu regnantem fastidiens, oderat etiam propter priuatas offensiones, ex collegarum æmulatione conceptas, Selymum verò spiritu atque oris indole Mahometem auum referentem, à quo ipse fuerat educatus, tanquam imperio dignissimum occulta propensione animi prosequeretur. Erat Mustaphas ex oppido Seres, apud Amphipolim Græco sacerdote genitus, ingenio vafro, subdolo, semperque venali, quos animi morbos maligno obtutu distortisque oculis præferebat. Secundum Mustapham erat Bostanges hortorum præfectus, ex Ducagina familia apud Ætholos clara & illustri, propterea Ducaginoglis appellatus, homo avaritia, ambitione, perfidia infamis, ut postea turpissimus vitæ finis ostendit. Huic Selymus filiam etate iam nubilem in præmium corruptæ fidei, occulta pactione desponderat. Quibus etiam artibus Aiacei Ianizarorum prætorijque præfectum perpulerat, ut sibi ad imperium, quò se satis vocari prædicebat, contendenti, studium suum operamque præstaret: centurionesque singulos opimi donatiui promissione in partes traduceret. Eodem cæteri minores duces, aut eadem præmiorum spe corrupti, aut potentioribus refragari non ausi, inclinabant. Vnus omnium Cherseoglis Bassa, vir egregie probus, sine ullis fallacijs, constanti atque integra fide erga imperatorem eundemque socerum, Selymi impotentiam supra fas & æquum insolentis, retundendam vi, armisque censebat. Non luros inermes Scythas, vel numero superiores primū prætoriani equitis impetum: Ianizarios verò quorum fides cognita, & multis periculis spectata virtus esset, inuicti imperatoris deque ipsis optimè meriti salutem & dignitatem utique defensuros, atque ab eo vindicatuos, qui nec Deū scelerum ultorem timeret, nec parricidij nomen apud homines vereretur. Proinde direxerat modo ipse ad milites vultu fiducia pleno, hortareturque, ut acceptorum beneficiorum sacramenti que meminissent. Admonet me locus postquam in mentionem Cherseoglis incidimus, ut propter viri claritatem, cum summa erga Christianos pietate coniunctam eius ad Turcas transfugij causam paucis enarrem. Non enim ut cæteri ferè omnes à prima pueritia per delectus Christianis parentibus erepti, sed iam planè vir, ita à morum religione discessit, ut nunquam ex arcano veræ pietatis obliuisceretur. Is Chersechij reguli in Illyrico, ad montem Nigrum filius, quum adamata ei sponsa quæ erat è stirpe Seruiæ Despoti, ad paratas nuptias duceretur, concupiuit eam illico, quòd esse egregie venustatis, procaci oculo improbus pater, omnemque pudorem superante libidine, sibi statim impotenter excluso filio nuptias celebravit, frustra reclamantibus propinquis: qui id facinus filio contumeliosum, patrique & domui infame detestabantur. Itaque iuuenis tantæ iniuriæ indignitate commotus, præcipiti que actus desperatione, ad proxima Turcarum præsidia, atque inde Byzantium se contulit. Hinc mirari licet quantū in eo fortuna potuerit. Productum siquidem Baiazetes, cum læto ore, quòd erat nobili claroque patre genitus, excepisset, & transfugij causam probasset, subridens, esto, inquit pacato animo



nimo generose, ab ista indole tua maiore multo quam paterna domus ferat fore dignissime. Iam tibi pro erepta sponsa obscuri & exulis reguli propinqua, maximi imperatoris filia, eaque precellentis formæ matrimonio tradetur. Nec multo post abiurata Christi religione, Stephanique nomine deposito, Achromates & Cherseoglis vocatus, Baiazetis gener effectus est, indeque locum summæ dignitatis inter Bassas purpuratos promeruit, tanto tamen nostræ religionis studio, redeundique desiderio, ut quum in arcano animi nostræ religio conderetur, crucifixi seruatoris imaginem, in secretissimi cubiculi parte armario inclusam, noctu exclusis arbitris adoraret. Hoc nos à Ioanne Lascare, cui ipse  
10 tanquam amicissimo eam imaginem ostendit, accepimus. Hic Methone capta, patritios Venetos, quum reliqua captiuorum multitudo crudelem in modum Baiazetis iussu in eius conspectu trucidaretur, exorato principe conseruauit, Andreamque postea Gritum, quem aliquot post annos inclitæ virtutis nomine Veneti principem crearunt, captum Bizanti, teterrimoque supplicio destinatum, non modo suis precibus eripuit, sed impetrandæ pacis magno Reipublicæ Venetæ commodo authorem fecit: innumerabilesque Christianos barbaris seruientes, cum auctoritate, tum ære suo pie redemit. Nec illud quidem erga literarum studia eximie benignitatis officium prætermittendum videtur, quod Lascari, quem supra memorauimus, Græcorum nobilissimo,  
20 pariter atque doctissimo, antiquos codices iussu Leonis decimi conquirenti, cunctas Græciæ bibliothecas impetrato ad id regio diplomate, liberè excutientem aperuit. Huius igitur viri Baiazetes, ea quam supra diximus adhortatione confirmatus, quum e prætorio inuadentium iam hostium, suorumque trepidantium strepitum, clamoremque audiret, & frequentes nunciarēt Selymum direptis aliquot sarcinis, Tartaricum equitatum extremo agmini circumfudisse, fremens & præ impotenti irâ lachrymas fundens, e tabernaculo prodit vehiculo impositus, quod pedibus æger equo uti non poterat: conuersusque ad prætorianos de more circumfusus, Patiemi, inquit, alumni milites, custodesque corporis mei, qui triginta amplius annos mecum summa felicitate mi-  
30 litastis, & bello paceque ea præmia tulistis, quæ & spe vestra, & ærarij facultate, ampliora consensus vester actis cumulatè gratijs iudicauit: patiemi, inquam, à nequissimo filio nihil tale meritum patrem, à foedissimis latronibus vestrum imperatorem morbi senectæque vitijs conflictatum, crudelissimè trucidari? Deleat ego in hac mea tristi canitie, extremoque ætatis actu, & per eos hostibus tradar? per eos, inquam, qui quondam summa fide eximiaque virtute, & dignitate meam aduersus Gemem fratrem, atque hoc ipsum sæpe imperium aduersus bellicosissimas gentes tutati sunt, & fortiter defensum felicissimè prolatarunt? Neque verò ego, quæ de alienatione exercitus ad aures meas, cum maximo meo dolore perferuntur tam facile crediderim: neque si maxime  
40 credam, tanti timoris sim, ut aut animo deficiam, aut durius consulendum mihi existimem. Nam quid ego de fuga cogitem? velut alibi fideliora quam apud vos, & maiora præsidia paraturus? Quæ porro vestra spes est, quanquam infamis, & perditæ? Si qui vestrum (neque enim omnes ita insanire crediderim) nulla sacramenti reuerentia, nullo hominum pudore, nullo cælitum metu, animum summi sceleris cogitatione maculastis, maiorane præmia ex defectione atque perfidia, quam ex fide constantique officio consecuturos vos esse confiditis? At etiam nonnulli impudentissimè suadent, ut egrum hoc & exan-



gue corpusculum, meliorib. casibus seruem, & me fugæ atq; dedecori tradam, potiusq; salutem cum ignominia, quàm decorum honestumq; vitæ finem cum dignitate & gloria complectar. Quod tantum abest, vt vlllo metu perterritus faciam, vt contra nullam prælio moram sim factururus. Periclitabor in meo hoc summo discrimine fidem virtutemq; vestram, & sigillatim omnium voluntates, vt aut magno Deo auspice perditissimi hominis impetum frāgam, aut certe cum alijs, qui in officio fideq; perstiterint, honesto vitæ exitu triginta annorum imperator à custodibus corporis fœdē scelesteq; proditus ac desertus occumbam. Hac oratione permoti ex Ianizarorum ordine gregarij milites, quibus propter eorum leuitatem & multitudinem, duces atque centuriones ab Selymo pecunijs expugnati, consilia transferendi imperij minime communicauerant, conclamare cœperunt, ne dubitaret prælium committere, & suam fidem pristinamq; virtutem experiri, tanta quidem alacritate ac studio omnium, vt voce, manibus & telorum crepitu se fortissimam operam præstaturus significarent: vt magno cum dolore infidelitatis suspicionem sustinere videretur. Hos cæteri eodem clamore secuti sunt, qui iam animo in Selymum inclinauerant, & illi in primis exercitus, atque aulæ principes commutata voluntate, siue pudore sceleris, siue eo metu, ne si intempestiue contra multitudinis opinionem atq; iudicium aliquid tentaretur, exitiabili incepto, et Selymi spem omnem abrumperent, & sese præcipites darent. Igitur, vt est eorum hominum consuetudo, qui mobilitate atque malitia animi dum conuinci, aut deprehendi maxime timent, præsentī perfidiæ secundum scelus nouamq; perfidiam addunt: Mustaphas atque Bostanges ad cohortandos milites instruendamq; aciem vt palam summum erga imperatorem studium simularent, è prætorio discedunt. Baiazetes curru vectus, monente atque instruente Cherseogle acies hoc modo constituit. Vniuersum Sanzacorum equitatum (erant enim circiter sex millia) præcedere, prætorianas vero nobilium alas, quas Spachioqlanorum & Siliphitarorum vocant, ex instituta regij agminis ratione à dextra læuaque prætorix phalangis, vbi ipse erat, latera stipare iubet: præsidio autem impeditis ad quatuor millia seruatorum equitū relinquit (Hi cultu apparatusq; armorum auratis cristisque capiti tegumentis, etiam ipsos Sanzacos & purpuratos, dominos suos virtutē æquantes cum præsidio, tum splendori & pompe habentur) ac demum signa canere, rubrumque vexillum explicari imperat. Ex aduerso Selymus Tartaris in vtroque cornu, Turcis autem in medio collocatis, lunata acie, quod multum equitatu valebat, paternas copias ferē vndiq; circumplexus, impetum fecit. Tartari, quum ad hostē intra semistadij spaciū peruenissent, agminatim more suo sese in gyros magnosque orbes introrsus vacuos, coronæ modo decurrentes, vt aduersi auersique pariter sagittarent, magnam vim sagittarum vniuersę propē aciei superfuderunt, cum insigni vtrique Turcarum equitum equorumque maxime detrimento, quum Tartari, qui introrsus à prima ipsorum acie sunt non rectā in hostem, sed in cœlum sagittent, vt sagittæ grauiore impetu pondereq; decidentes, inermia capita & nudos equorum clunes armosque ex alto feriant. Sed veterani equites Sanzacorum vsu edocti, elatis supra capita scutis, veluti in cohærentem testudinem constipati, eum sagittarum imbrem constantissime pertulerunt concitatisque equis, & intentis hastis, ad congressum manumque venire properarunt. Neque prætorianus eques occasione defuit, quin in mediam Selymi aciem vbi Turcæ equites erant



tes erant inueheretur: atque ita repente factum est, ut tria praelia tribus in locis vno tempore simul arderent. Nam Ajax septingentos circiter sclopettarios e Ianizarorum phalange detractos, Tartaris in extremo eorum cornu opposuerat, & seruatorum ala, quam diximus impedimentorum praesidio relicta, vbi erat nauandae operae cupida, altero cornu Tartaros sarcinis haerentes cum multa cedere repulerat. Pugnatum est a meridie ad occasum Solis Selymo multis in locis praelium restituyente, longeque omnium acerrime fortissimeque pugnante. Sed quum fugae initium iam ortum esset ab his Tartaris, qui sclopettariorum procellam & crepitum, pauentibus praesertim eorum equis, & retro vel inuitos sessorum asportantibus, sustinere nequiverant: reliquae acies quin fugae se darent, neque imperio, neque minis, inflicto etiam vulneribus contineri poterunt: atque ita pedites fere omnes, quos Selymus Ianizarorum cultu armauerat, ab equitatu victore vndique circumuenti trucidatique sunt. Selymus ubi fufas prostratasque copias videt, quod vulnere accepto tardabatur, in recetem equum illatus, ereptusque periculo a turmis Turcarum suorum, quae superfuerant, Tartarorum ante abeuntium vestigijs institit. Nec multo post victores scilicet subsequi, & iam adesseratus, cum paucis incitato pernicissimi equi cursu, sese vti que fatis suis reseruans, Varnam perfugit. Erat is equus vnicolor absoluta nigricie, cui Carabulo, id est, atrę nubis nomen fuit: huic postea Selymus

10 tanquam emerito vacationem dedit, sic, ut in honore habitus sine sessore, sola ex textili auro stragula protectus, ad Persas usque, & mox in Aegyptum deueheretur: eique demum mortuo ad Memphim, Alexandri Magni exemplum secutus sepulchrum condidit, regio quidem animo, nisi necati ab eo fratres sepulture honore caruissent. Baiazetes ea die ex his qui cum Selymo fuerant paulo minus dimidia parte caesa aut capta, sexcentos tantum equites peditesque desiderauit, Scythicis autem sagittis amplius tria millia hominum vulnerata reperit: quod detrimentum summa crudelitate mox expiatum est: producti enim captiui fere omnes in conspectum, iubente eo, trucidantur. Ab hac memorabili pugna Chiurleus pagus, antea obscurus & ignobilis, claritatem accepit.

30 Sed multo quidem maiorem a fatali Selymi sorte, quam paucos post annos eodem in loco Selymus, pestifero atroci que ictus morbo, immaturum acerbissimumque vitae finem inuenerit, magno Deo (quod credi par est) primae temeritatis scelus vindicante, & patrati parricidij iustas exigente poenas.

Neque enim superi eos in terris diu felices esse volunt, qui  
ab immani crudelitate omnem humani-  
tatem exuerint.



PAULI IOVINI  
VOCOMENSIS, EPISCOPI NV-  
CERINI, HISTORIARVM  
SVI TEMPORIS

LIBER XIII.

**B**AIAZETES secundum eam victoriam Byzantium re-  
uersus, primum omnium donatium militi exoluit: co-  
ctisque ad opus circiter quindecim seruorum millibus,  
mœnia terræ motu multis in locis hiantia, aut collapsa re-  
stituit: deditque operam mitescente iam pestilentia, vere  
locatis incolis, diu intermissus aulae splendor, & pristina  
desertæ vrbi frequentia redderetur. Interea Achomates,  
quem vix dum pacata Cappadocia propter fratris pro-  
fectionem, & famam comparati exercitus ab Amasia mouisse demonstraui-  
mus, cum viginti millibus armatorum per Galatiam atque Bithyniam, Scutari-  
tarim venit, id oppidum Chalcedon olim fuit, pertinetque ad Thraciæ freti an-  
gustias contra Byzantium: positisque iuxta litus tabernaculis, quid pater ab tan-  
ta victoria consilij caperet, opperiebatur. Etenim eius animum summa obti-  
nendi imperij spe impleuerant, præter iuris prerogatiuam, patrisque iudicium  
& popularis fauor, & propria virtus. Igitur frequentes nuncios Byzantiū lem-  
bis diu noctuque transmittere, Baiazetem per literas summis precibus obtesta-  
ri, & orare, vt maturè quod animo destinarat, in ea rerum occasione perficeret.  
Amicos verò ac familiares suos sollicitare, vt propensiores sibi redderent pa-  
trem, consilia creandi regis magis & magis laudarent: darentque operam, vt  
postquam Selymi temeritatem atque impetum dii & Fortuna ex merito con-  
fregissent, ipse amicorum beneficio subleuatus, & suo iure, & rerum imperio  
potiretur. Baiazetes qui vetere suo proposito totus in Achomatem ferebatur,  
his quoque sermonibus ad id, quod sibi constituendum esse decreuerat, facile  
perductus est. At protinus patefacto consilio triremes exornari iubet, quibus  
Achomates ab Chalcedone Byzantium adueheretur. Sed milites præfectique  
quos Selymo fauere supra docuimus, iterū refragari, eademque illa memorare,  
quæ apud Hadrianopolim adduxerant: in summa, non esse passuros cum tan-  
tate inutilem eiurare imperium, qui modò forti constantique animo pro impe-  
rio ac dignitate feliciter dimicasset: se Baiazete incolumi neminē alium impera-  
torem salutaturos: neque se tñ spem præcidere Achomati: neque verò ipsum volū-  
tatib. militum debere diffidere, quin eorū fauore & studio, vir cognite proba-  
tæque virtutis & iusequum, & imperiū, quod sine controuersia ad ipsum tanquā  
natu maximum pertineret, suo tempore posset adipisci: satis superque recenti  
prælio demonstratum esse, quantum spei ab imperatore in militum animis sic  
reponendum, qui pro fide atque officio offerre se morti, & iniquissimo præ-  
lio non recusarint. Hac militum consternatione Baiazetes spe sua deiectus, siue  
(vt aliqui crediderunt) regnandi consuetudine allectus, quod ab recenti vi-  
ctoria, neque senem se, neque inualidum ad regendam eam imperij molem,  
veluti



veluti rediuiuo quodam animi vigore iudicabat, Achomatem monuit, vt ab Chalcedone abscederet, atq; in prouinciam suam reuèteretur, se tunc eum Cappadocia accersiturum, quum liberalitate mollitis prætorianorū animis, & collecta sensim principum gratia, melior conficiendæ rei occasio præberetur. Achomates spè atque opinione fraudatus, seque & à patre deludi, & à prætorianis militibus despici questus, nouis precibus minas addit: in patrem acerbè inuehitur, quod se tot terrarum spacia emensum, ipsiusque præsertim literis euocatum, despectui omnibus atque ludibrio exponeret. Quod si Baiazetes desperè perseueret, & tanti gratiam faciat prætorianorum, vt præ illa nec æquitatis, nec promissorum suorum rationem habendam putet, se dignitatem suam, quam apud parum æquum patrem obtinere non possit, armis vindicaturum. Ad ea Baiazetes per Cadilescherum sacræ legis interpretem, summæ apud eos authoritatis virum, respondit: nec cautè satis, nec prudenter eum facere, qui insolentius irascatur, quum beneficium, quod sola beneuolentiâ comparari possit, vi & contumelijs extorquere contendat: omnia ei integra reseruari: cessurumque ei proculdubio imperium, nisi præpropèra festinatione spēs suās corrumperet, quas tolerantia atque expectatione alere deberet. Disceret ex recenti exemplo, fortunaque Selymi fratris, quod ipsi quoque vsui salutique esse posset, longè periculosius esse violentiæ audaciæque confidere, quam peruersos animi impetus recta ratione moderare, & opportuna temporum & rerum momenta expectare. Achomates, quum mandata patris exponerentur ira atque dolore inflammatum, patris legatum obliquis verborum contumelijs dehonestatum propè violauit, crebro dictitans, & patrem commutata voluntatis, & proditores perfidiæ propediem pœnas daturus: motisque prope re castris Bithyniam, per quam iter faciebat, hostiliter deprædatus, Amasiam rediit. Ibi magis ac magis repulsæ dolore atque ignominia extimulatus, consilium cepit inuadendæ minoris Asiæ: vt si de Byzantijs imperio armis certandum foret, amplissimis eius prouinciæ opibus vteretur: vel si id minus consequi posset, dimidium saltem regnum, transmarinis regionibus in potestatem redactis, in omnes belli euentus occuparet. Itaque vocatis ad se Amurathe atque Aladino adolescentibus filijs, multum de inimicorum acerbitate alienationeque Baiazetis conquestus, docuit nihil sibi sperandum de successione imperij, nisi protinus arma capefferent, ac dignitatem suam aduersus inimicorum iniurias tuerentur: Posse facile minorem Asiam occupari, si celeriter audendum sibi existimarent, quando Pisidia, Lycaonia, atque omnis Pamphylia & Ionie ora, nullis exercitibus aut classibus tenerentur. Corcuthum quoque vel sua animi tranquillitate atque ocio contentum fore, vel æquitatis atque iustitie studio in partes transiturum: sin securas res suas dubijs permiscendas putaret, & pararet arma, eum protinus ad primum belli impetum possessione editionis excessurum: cæteros autem prouinciæ regulos illius authoritatem vel fortunam secuturos. Proinde virilem animum induerent, & in proximas regiones ad delectus habendos, & ad omnis generis præsidia comparanda proficiscerentur. Adolescentes, & propria indole, & paternis adhortationibus excitati, imperata faciunt: statimque ex amicis, militibus, seruisque præsertim egregiam armatorum manum cogunt. Ipse verò præter veterem exercitum quem aduersus Persas habuerat, nouos milites conscribit: ex finitimis vrbibus strenuissimum quemque euocat, percurritque prouinciam, & se ipsum Asiæ



regem declarat. Eos porro qui non statim se dedere velint, ipse & Amurathes & Aladinus diuersis in locis bello persequuntur. Eo terrore circumducto multæ vrbes aut debili, aut nullo penitus muro cinctæ, pars voluntate, pars metu atque armis expugnatae, in potestatem Achomatis deueniunt. Inde progressus in Lycaoniæ, interiorisque Ciliciæ fines, Mahometem fratris filium, qui regionibus Caramaniæ proximis imperabat, per legatos & literas hortatur, ut sibi auxilio esse velit ad recuperandam dignitatem, atque vlciscendas iniurias aduersus eos, qui Baiazetem dolis malignisq; persuasionibus ab se deductum deprauatumque eo perduxerint, ut alium quam primogenitum filium imperij hæredem constituendum existimarit. Dijs tamen bene iuuantibus se preoccupaturum eorum malitiam, ac vindicaturum armis, quod sibi iure deberetur, si Mahometes arma, milites frumentumque in castra transmitteret, faueretque honestissimæ causæ: reperturum cum longè meliorem patrum, quam ipse patrem inuenerit: qui si secum amicè ac liberaliter ageret, cumulatissimas gratias in posterum esset relaturus. Mahometes aliquid earum rerum quas peteret se facturum negat, nisi aui Baiazetis literis id facere iubeatur, ad quem summa imperij respiciat: non esse sui iudicij discernere an iure rectèque fecerit Baiazetes, quod se sospite regnum filio tradere noluerit. Cæterum non ignorare nulli alteri parendum esse viuente imperatore, in cuius verba & Sciansciaus pater, & ipse iurauerit: propterea debere cum iracundiæ modum imponere, ne quum inimicis nocere se speret, cum magna omnium inuidia patri noceat, & spem & dignitatem suam, quæ ex merito, si patientia vtatur, paululumque cunctetur, maxima futura, præpropera animi perturbatione corrumpat. Achomates qui præsto sibi affuturum Mahometem crediderat, quum postulatis suis grauius consideratiusque ab iuvene responderetur, exercitum in fines eius ducit, & regionem igne ferroque deuastat. Nec multo post Mahometem ipsum cum exiguo exercitu subsidio suis venientem, supra Laramdam in itinere profligauit, compulsusque in oppidum per aliquot dies obsedit, ac demum accepto in deditiōem oppido, eum cum impubere fratre viuū cepit: consiliarios verò atque nutricium, quorum cōsilio persuasum Mahometem, atque in id discrimen adductum fuisse putabat, interficit. Quibus de causis Baiazetes ira ac dolore perturbatus, quod in ea ætate oppugnari ab duobus filijs calamitosum & planè miserum esse prouidebat, legatos ad Achomatē mittit, qui furentem grauibz verbis castigarent, & Mahometem fratremque eius e custodia educi iuberent. Si id impetrari, aut ea vis insanix leniri non posset, bellum indicerent. Sed ille, qui quanto ambitiosius post repulsam ad imperiū anhelabat, tanto acerbius atque crudelius sibi agendum arbitrabatur, principem legationis bellum atque extrema quæque audacius comminantem in conspectu iugulari, & ceteros ante vesperam castris excedere iussit. Ea res tunc maxime Baiazetis exulcerauit animum, et ab Achomate complures mortales alienauit, quod legatos ad componendam controuersiam missos, contra ius gentium inhumanè admodum ac nulla patris reuerentia violasset. Conclamant prætoriani qui in statione erant, ita ut Baiazetes exaudiret, non ferendam esse temerarij hominis audaciam, sed protinus sceleri armis obuiam eundum. Impunitate ac mora valescere malorum vires. si cunctetur imperator, ac mitius agat, eum mox auxilium atque operam frustra à militibus imploraturum. Mustaphas quoque & Bostanges ac cæteri, qui Selymi rebus occultè fauebant, atque hæc



que hæc per idoneos homines singulari calliditate in vulgus militum spargi cura-  
 uerant, mussare primo, atrocitatem sceleris admirari, veluti damnarent qui-  
 dem crudele factum, authorem verò minimè criminarentur. Mox ubi Baia-  
 zetem proprio ardore & vocibus militum satis incitatum, & ex fiducia supe-  
 rioris victoriæ ad vlciscendum iniuriam paratum vident, quàm acerbissimè et  
 crudelissimè in Achomatem inuehuntur: cum ut parricidam, ut imperij hostem,  
 bello persequendum censent: tolluntque subinde ad cælum laudibus militum  
 fidem atque virtutem, qui pro salute ac dignitate imperatoris novos vltro la-  
 bores sibi expeterent. Ita Achomates astu atque solertia ducum, patris iracun-  
 dia, atque omnium denique militum iudicio hostis declaratur: decernuntur  
 10 prætorianæ cohortes, & magna pars Europæi equitatus, quibus primo quo-  
 que tempore aduersus eum in Asia bellum geratur. At quum belli dux virtute  
 armorumque peritiâ insignis deligendus esset, atque ea maximè cura ad Bassas  
 pertinere videretur, cœpere omnes aspernari honorem illum, & pro se quisque  
 id munus abnuere, atque indignum esse testari, ut serui auspicijs, imperatoris  
 filius oppugnaretur: milites quoque nihil se aduersus regiam prolem ausuros  
 prædicabant, nisi vnus ex ipsa Othomannorum domo copijs & summæ re-  
 rum præficeretur. Sic quondam Gemem eius fratrem in Cilicia res nouas mo-  
 20 tos. Hæc illò perspicuè pertinebant, ut Selymum, quem occulta beniuolenti-  
 a prosequerentur (tamen si illum nisi probri causa nominare non licebat) ob-  
 liquis artibus patri reconciliarent, viamque ei reditus Byzantium hac ratione  
 præstruerent: quoniam nec Baiazetem senecta et valetudine confectum, nec  
 Corchutum hominem philosophum, eius belli prouinciâ petitu-  
 rantur: vnum autem Selymum ex Othomannis superesse, ad quem nepotibus  
 per ætatem minus idoneis exercitus imperium deferretur. Ad eas voces Baia-  
 zetes perplexo atque æstuanti similis in prætorium se contulit, morbum & in-  
 utiles annos inculans: quærensque quòd Corchutus dum inane sapientiæ no-  
 30 men et umbratile vitæ genus sequeretur, digniores regia fortuna artes, & hono-  
 riora vitæ subsidia reliquisset. Hæc dicentem, volutantemque animo, Musta-  
 phas lenire omnes eius curas assuetus, in varios sermones de summa belli con-  
 sultatione pertractum, parata oratione ita allocutus est. Noli existimare, Impe-  
 rator, etiam si per prosperam valetudinem ætatemque liceret, aut transmitten-  
 dum exercitum, aut omnino tibi in Asiam transciendum, ne dum tota Asia va-  
 gum Achomatem bello persequeris, longè acriorem hostem in Europa relin-  
 quas, qui Traciam, Græciam omnem, atque Byzantium nudatum præsidij in-  
 uadat. An non audimus Selymum supra Varnam alias parare copias? nouum  
 ab socero equitatum expectare, atque imminere iterum ceruicibus nostris? An  
 40 fortè ille non maiores spiritus gerit, quàm aut animo frangi possit, aut hac vna  
 atque fortuita dimicatione superari? aut si veteranos in Asiam transmiseris,  
 Corchutumque cum suis superioris anni delectibus, qui te egro Selymi conatib.  
 obstat, in Europam euocaueris, timebit ille tyrones Asiaticos, aut philosophum  
 ducem, qui prætorianos, robora virorum toto orbe cõquisita, ac te ipsum veterem  
 & felicissimum imperatorem timere noluerit? Falleris Imperator, & ancipites  
 rerum casus non planè perspicis, qui cum duobus vno tempore in diuersissi-  
 mis Asiæ atque Europæ partibus bellum gerendum esse non cogitas. Etenim  
 dum illum Cappadociæ finibus exturbare contendes, hic propior & occa-



sioni imminens à tergo, in mediâ regni viscera bellum molietur. Sin periculi  
 magnitudine permotus, & Thraciam tueri, & prætorianos retinere volueris,  
 ardebit in conspectu Asia omnis, nec ille iniurijs aut bello finem faciet, donec  
 sibi Asiæ imperium vendicarit. Ergo si non culpæ, sed fato & fortunæ tuæ da-  
 tum est, vt duo ex te geniti omnium consensu, patris & patriæ hostes iudicen-  
 tur, quorum alter temeritate præceps, alter superbia & furore actus, bellum in-  
 tulerint, cur in tam impedito difficilique negotio tuta consilia speciosis non  
 anteponis? & quos vno tempore castigare vlcisci que non potes, eos singulos  
 atque inter se dissidentes per occasionem aggredieris? Hæc spes vna salutis, hæc  
 vna via est, si clauum, (vt dicitur) clauo trudendum, atq; hostem vincendum cen-  
 fueris. Comprime tantisper vindictæ ardorē, & dissimulata in præsens ægritu-  
 dine animi, alteri inducias simulatamq; pacem concede, alterum verò alterius  
 ausu periculoque in vtrunque casum prospero euentu bello persequere. Op-  
 primes eum mox quum voles, cui signa exercitumque tradideris: erunt enim  
 scelerum vindices militum dextre, et tu summa tua securitate bellum conficies,  
 obiectando periculis quem & vincere velis, & eundem interire desideres. Mu-  
 stapham loquentem adhuc cæteri purpurati, vt inter se constituerant, excepe-  
 runt, compositisque in eam sententiam orationibus, Baiazeti persuadere cœ-  
 perunt, vt Selymum belli ducem deligeret: illum satis pœnarum suæ temerita-  
 tis dedisse: proindeq; veluti castigata arrogantia in officio fidelissimè perman-  
 surum: Achomatem verò non facturum quicquam pro sano, qui patris orato-  
 res violarit, nisi & ipse armis, vt Selymus nuper victus fugatusque fuerat, tota  
 Asia pelleretur. Baiazetes, quod in ea re admodum graui explicanda Cherseo-  
 glis solus ferè omnium fidelis sub tristi vultu mustaret, diu in incerto habuit  
 quidnam consilij potissimum caperet. Obuersabantur animo grauissimæ of-  
 fensiones, secumq; ipse reputabat, Selymum ex Asia inuasisse Europam, occu-  
 patam ab eo Hadrianopolim, in acie se circumuentum, petiitum se Scythicis sa-  
 gittis, ac solo propè Deorū beneficio discessisse victorem. Illinc contempta im-  
 peria, nepotes bello capti, iura legatorū violata, subactæ vrbes, atque Asia om-  
 nis perturbata, ardensq; miserabili belli incendio, iracundiâ & vindictæ deside-  
 rium acuebant. His anxium curis insignes Græco astu immani q; perfidia con-  
 sultatores, vel reclamante Cherseogle, perpulerunt, vt literas ad Selymum sua  
 manu cōscriberet, quibus priorem ei gratiâ obliterata præteritorum memoria  
 polliceretur: deferretq; copiarum imperium, si Byzantium quàmprimū veni-  
 ret, & aduersus Achomatē in Asiam proficisceretur. Dum hæc Byzantiij paran-  
 tur, Corchutus ab amicis & familiarib. suis per literas edoctus, quanta imbeci-  
 litate pater senex, quibusue consilijs post declaratum hostem Achomatē voca-  
 re ad se Selymū, atq; eum ducē exercitus declarare cōtenderet, è Magnesia Pho-  
 ceam descendit, conscensisq; trirēmibus Byzantiū ad nauigauit. Igitur magno  
 comitatu amicorū progressus in intimū prætorium, postquā patrem dextra o-  
 sculo petita salutauit, eum post varios sermones in hunc modum allocutus est.  
 Trigessimus agitur annus, pie atq; optime pater, ex quo prærogatiua militari,  
 consensu ciuium, totiusq; aulæ principū iudicio creatus, atq; acclamatus impe-  
 rator, hoc regnum, possessionemq; huius imperij lubens ac volens tibi de ma-  
 nu tradidi, quod quis tandem mortalium, nisi aut insanus, aut optimus vnquā  
 fecisset? Non enim vi, non metu impulsus, sed sola tui reuerentia id religiosi  
 gratique animi specimen edidi. Neque postea me in tot annorum decursu eius  
 singula-



singularis officij, & repræsentatæ pietatis vnquam pœnituit, quando his quæ  
 possidenda cōcelleras, & clarissimi facti laude contentus fortunam hanc tuam  
 & sublime mortalitatis fastigium cum tranquillitate, atque ocio studiorum  
 meorum minimè comparanda esse censebam: quum alienum prorsus à decre-  
 to compositi animi, inaneque esset ea appetere, quæ ambientis animi deside-  
 rium non finirent, & multo meliora cunctis imperijs contemplanti animo vir-  
 tus ardua, & prædulcis diuinarum rerum cognitio pollicerentur. Hac me va-  
 dentem via, & hæc tua regna fastidientem, quum religionis ac sapientiæ causa  
 in vltimam Arabiam ad aram Diui Mahometis, & ad Indos, tãquam exactio-  
 10 ris disciplinæ professores contenderem, medio itinere per Memphiticum re-  
 gem ex Ægypto in Phrygiam retraxisti, iussisti que, vt euitatis (quæ necesse e-  
 rat adire) periculis consideratius vitæ salutique consulerem, & pietatis erga  
 te meæ, & tuæ erga me beneuolentiæ fructus opperirer: ceu ventura essent tem-  
 pora, quibus propter malorum ingenia, tibi atque Othomannorum familiæ  
 vsui, atque subsidio esse posse virum innocentem atque philosophum existima-  
 res. Itaque ab eo tempore semper & parui imperijs tuis, & quanta maxime po-  
 tui cura atque iustitia prouinciæ meæ satisfeci: & proximo Persarum bello pa-  
 rari eduxique exercitum, quo fines ab incursionibus Barbarorum tueremur.  
 At cum illis minore Asia pulsus profligatisque, impij ac perditissimi fratres, al-  
 20 ter in Europa nefario scelere te patrem ætate confectum, & neruorum dolore  
 cruciatum, vt regno pelleret & interficeret, in acie circumuenisset: alter in Asia  
 summa temeritate atque perfidia illi in regnū occupaturus fratris sui filios ado-  
 lescentes optimos, tibi que maxime fideles obsedisset atque cœpisset, existima-  
 ui huc mihi omnino esse trañciendum: quod non sine Dei optimi maximi pro-  
 uidentia fieri intelligebam, vt eo maxime tempore à te prudentissimo atque  
 humanissimo patre, principeque omnis æquitatis, atque iusticiæ cultore san-  
 ctissimo, meorum erga te meritorum parem gratiam postularem: quo tu fra-  
 trum meorum scelera expertus id rectè & commodè præstare posses, quod e-  
 tiam nullo meo simili officio prouocatus certissima ratione concedendum ar-  
 30 bitrareris. Igitur te, pater optime, oro obtestorq; per fidem erga te meā, perpe-  
 tuamque pietatem, vt antequam Selymus adueniat, & dignitati meæ prospice-  
 re, & consulere imperio velis. Tolle ille quum armatus irruerit iura omnia  
 constituendæ pacis, & fauore militari cuncta miscebit. Audio enim prætoria-  
 nos & duces exercitus conuersis in eum studijs occasionem circumspectare, vt  
 quem inuiti acie profligarint, eum vltro imperatorem atque Sulthanum salu-  
 tent. Proinde imperium quod optimo iure meum est, & antiquæ meæ erga te  
 pietatis insigni merito debetur, dum potes, dum in manu tua est, in hac eadem  
 quàm præcipiti rerum occasione restitue. Frustra enim æquisimæ causæ fa-  
 uebis, quum recepto intra urbem nefario ambiziosoque homine, imperium &  
 40 libertatem amiseris. Baiazetes Corcuthum vix tenentem lachrymas, & ipse te-  
 nero confusus affectu miti oratione cōsolatus, bono animo esse iussit: aperuit  
 que consiliorum suorum causas, paratum se reddere imperium: sed quo minus  
 id statim faceret, impedimento esse prætorianos, qui nuper consilijs suis obsti-  
 terint. Illos enim si vel minimū eius rei suspicionē inijceret, etiam atq; etiam ad-  
 uersaturos. Vno eo consilio sub specie honoris detrahi tandem ex Europa Se-  
 lymum, & ablegari in Asiam prætorianos: quorū absentia sibi merum ac liberū  
 imperium relinqueretur, traditurum se protinus sceptrum, quum illi mare tra-



ieciſſent. Nec credere præfectos & milites qui ſe nuper acie circumuentum fortiter egregieque defenderint, aut inſidias molituros, aut recentis facti gloriam turpi facinore maculatu-  
 Quin & ſperare, ſuperis ita volentibus, qui immanium ſclerum vindices ſemper extitiſſent, Selymum & Achomatem ſi ſemel acie conflixerint, mutua crudelitate perituros. Corchutus, ſiue probata ratione paterni cõſilij, ſiue cognita eius voluntate, verbis minimè diſceptandum exiſtimans, non ſine ſpe potiundi imperij ad amicos redijt, egitq; Bizantiij plures dies, nec tamen, aut militum, aut ducum ſibi quenquam vel largitione vel præmiorum pollicitatione conciliauit, quòd ambitione aut pretio petendum minimè iudicabat, id quod ſibi iure optimo ex paterna gratia deberetur. In-  
 terea Selymi familiares, eum de Corcuti aduentu certionem faciunt, admonentque vt iter maturè capiat, & Byzantium appropere: imminere enim periculum ne Baiazetes & ſenex & inconstans, maioris filij precibus delinquitus, expeditam perficiendi negotij rationem interpellat atque diſcutiat. Selymus qui in vnam eam curam excubabat, vt ſi vnquam ſibi occaſio adeundi exercitus præberetur, ipſe ſtatim ſpe ingentium præmiorum corruptis omnibus ordinibus imperium arriperet, nullam profectioni moram fecit, & modico equitum comitatu, cæteris ſubſequi iuſſis, Byzantium peruenit. Corchutus cum purpuratis primoribusq; aule, & magna parte prætorianorum ad portam uſq; obuiam progreſſus, introeuntē oſculo excepit, deduxitq; per mediam urbem, effuſo paſſim omni populo ad ſpectaculum hominis immani audacię ſcelere cõſpicui, crebrisq; ſubinde diſploſis tormentis in læticę ſignum, inter fauſtas acclamationes priorum atq; militum: vt facile appareret, omnem recentis noxę inuidiam deceſſiſſe, eumque mox omnium iudicio rerum imperio potiturum. Poſtero die Selymus in prætorium venit, ſupplexque & pedes patris exoſculatus, temeritatis ſuę veniam poſtulauit. Ad quem Baiazetes ſumma lenitate ſubridens, Errata, inquit, tua Selyme fili, eo minora ſunt, quòd celerem pœnitentiam inuenerunt, proinde lubentius veniam do: ſed in poſterum age & enitere, vt qui tibi induſtriam fortitudinemque tribuit Deus, & bonam quoque mentem dediſſe videatur. Dignam quidem auſibus tuis belli materiam paratam habes, quòd virtus tua eniteſcere poſſit. Nec multo poſt indicitur militare concilium de imperatore aduerſus Achomatem deligendo. Selymus ſtatim multis imperatorium nomen ſibi deferentibus ſummo aſtu reluſtari cœpit: negare ſe Corchuto fratri, qui ætatis honore prudentiaque præſtaret anteponendum: illi deberi iure honorem, illum ſumma authoritate ſapientiaque bellum adminiſtraturum: ſe poſtquam paternam gratiam recuperarit, minimo quoque loco contentum fore. Corcuti verò familiares, qui omnem ſpem ſuam atq; omnia conſilia in diſceſſu Selymi & prætorianorum collocauerant, eum ruruſus, quali vtrinque modèſtia certaretur, hortari, orareque, vt eas partes ſuſciperet, que ſibi ſtrenuo ac rei militaris peritiſſimo abſque vlla fratris contumelia deferrentur. Ita Selymus Corchutum fratrem atque eius fautores miris artibus ludificatus, dum ſimulando aliud quàm quod ſtruebat, vana ſpe imprudentium animos paſcit, omnibus ſuffragijs imperator exercitus declaratur. Extemplo nonnulli milites magnis acclamationibus nō ducem eum modò, ſed regem, principemque conſalutant, & properè arma corripiunt, quibus flagitium ſuum atque perfidiam tuerentur, ſi meliores obſiſtere vel diſſentire vellent. Selymus ipſe deprecanti ſimilis, quali delatum imperium abnueret, & patris reuerètia per-  
 moueretur,



moueretur, modo se commendare militibus, donatuumque polliceri, modo  
 duces orare, ut ad patrem pergerent, curarentque, ut postquam ea mens exerci-  
 tus foret, imperium sibi sine turba, & tumultu libenti animo traderetur. Mu-  
 staphas siue propria perfidia, siue mortis metu, quod ei Selymus, nisi hæc patri  
 renunciaret, mortis supplicium comminatus fuerat, ingressus ad Baiazetem  
 quidam moribus militum excitatus è cubiculo in apertiore mediæ partem pro-  
 cesserat, Imperator, inquit, milites tui Selymum & ducem & principem in con-  
 cilio salutarunt, postulantque ut id ratum habeas, facturi mox impetum in re-  
 giam, ut te meque trucident, nisi imperio cesseris. Petunt abs te illi summo con-  
 sensu quod iam in alterius manum transtulerunt. Proinde longè periculosius  
 est retinere quod amiseris, quam iam ereptum ultro concedere, quum id nulla  
 vi, nulla ingenij solertia recuperari possit: Arma tenent, fremunt, & qui semel  
 defecere, maiora etiam scelera meditantur. Baiazetes metu atque ira perturba-  
 tus, sicine inquit, perfidissimi tandem me proditis? summaque mea in vos be-  
 neficia, tanta perfidia compensatis? Quin & hanc quoque animam eripitis,  
 qui hoc corpusculum & instantem vitam meæ finem expectare non potuistis, ut  
 iusto legitimoque principe electo, scelestissimum vobis imperatorem præfice-  
 retis? Sed habetote principem parricidam, daturi mox eo vindice perfidiæ pœ-  
 nas: atque ipse ab irato Deo maximo non dubio ultore scelerum, à scelere auspi-  
 cetur imperium. Mustaphas cum Rostange & Aiace statim reuersus ad præto-  
 rianos, nulla de dolore vel iracundia Baiazetis facta mentione, cedit, inquit,  
 Baiazetes imperio, & Selymum, cui superi atque homines imperium detule-  
 runt, sibi successorem decernit. Ea vox excepta omnium auribus, his primum  
 quos Selymus corruerat spiritus auxit, dehinc dubios desperato remedio in  
 partes traduxit. Ergo quum libidine atque impetu militum cuncta raptim a-  
 gerentur, sublatus in equum Selymus, per celeberrimas urbis regiones dedu-  
 citur, & rex & imperator, diuerso animorum habitu acclamantibus omnibus  
 salutatur. Eo die milites sacramento adacti in verba Selymi præeuntibus du-  
 cibus iurauerunt. Corcuthus verò, vel dolore irritæ spei, vel mortis metu, quan-  
 quam ei Selymus Mitylenas ipsamque insulam Lesbum dono dare se dixisset,  
 solutis occultè triremibus Phocæam rediit. At Baiazetes modo terrarum orbis  
 principum amplissimus, in tanta hominum perfidia & rerum omnium iniqui-  
 tate, secedendi consilium capit, Byzantioque excedit cum familiaribus suis col-  
 lecta pretiosiore suppellectile, petiturus Dimethocæ Thraciæ urbem amœni-  
 tate hortorum, cæliq; temperiæ, & exilio, & præsentis fortunæ opportunam.  
 Sed quum acerbissimis curis agitated animus eum deficeret, et affectu corporis  
 vires collaberentur, medio itinere statui tabernaculum iussit, ut valetudinem  
 quiete curaret. Ibi septuagesimo sexto ætatis suæ anno ab Hammone Iudæo  
 medico, qui iussu Selymi salutiferæ potioni venenum miscuerat, necatur. Alii  
 qui tamen senio & longa valetudine, & ad extremum prægrauantibus curis at-  
 tenuatum interiisse contendunt. Sed Antonius Vtriusque Ligur à cubiculo Baia-  
 zetis, qui de his rebus commentaria ad Leonem pontificem conscripsit, refere-  
 bat nobis, se in expirantis corpore non dubia veneni indicia deprehendisse.  
 Ferunt Selymum proximum paternæ vitæ exitum, urgente etiam senio, ex-  
 pectare noluisse, quoniam si eo sospite in Asiam aduersus Achomatem tra-  
 iecisset, nihil tutum pacatumque Byzanti se relicturum existimabat, ratus  
 Baiazetem, se absente ad repetendum imperium nullam moram esse factu-



rum. Perstrinxit quoque crudelem animum avaritia supra imperij sollicitudinem: nanque vasa auro argentoque cælata, & præter signatam pecuniam plenos pretiosissimarum gemmarum & vnionum loculos, quæ tot progenitores reges ex immensa illa opum amplitudine reliquerant, vnus Baiazetes vniuersa asportabat, ingentia sanè atque opportuna subsidia in proximum donatuum, præsertim cuncta debenti militibus, qui prætio & spe futuræ liberalitatis vnius horæ momento cuncta detulissent. Paterno autem funeri delato in urbem Byzantium summa in speciem pietate iusta persoluit, statuens illi æternos ignes, & sepulchrum cælati operis, ne, cui imperium & vitam inuiderat, supremos quoque honores inuidisse videretur. Inde pecuniam, quæ in ærario erat, recognouit, diuisitq; militibus pro donatio vicies centena milia aureorum: & quo magnitudinem animi perpetua liberalitate testaretur, ad veterem stipendij summam in singulos dies equiti quatuor, pediti verò duos argenteos addidit. Nec multo post cum exercitu in Asiam traiecit: progressusque ad Ancyræ urbem, vt Achomatem persequeretur, ea æstate nihil memorabile gessit. Nanque Achomates haud ignarus non adesse sibi iustas vires quibus fraterni exercitus impetum sustineret, in Armeniæ minoris fines & montana Cappadociæ penitus concesserat, passim fidem populorum implorans, milites conscribens, arma, pecuniam, auxilia etiam ab infimis externisque postulans: vt ea omnia in tempore parata atque expedita haberet, quæ ad gerendum bellum, atque obtinendam Asiam necessaria videbantur. At Selymus exacta æstate, quum in locis Tauro proximis propter niues atque acerbissima frigora hyemare non posset, neque si progredieretur Achomate nusquam consistente, posse conficere bellum speraret, in Bithyniam redijt: dimissoque ad loca maritima Europæo equitatu, & prætorianis Byzantium reuerti iussis, ipse cum cæteris Prusiæ hyemare constituit. Quo tempore, quum totus in Achomatem imperij æmulum atroci animo deferretur, ne sibi in Asiam bellum gerenti, quicquam hostile ab Europa timendum foret, pacem cum Venetis hisdem legibus, quibus eam Baiazates pater sancierat, confirmauit. & cum Vladislao Pannoniæ, Sigismundoque Sarmatiæ regibus, veteres inducias ad aliquot annos extendit. Nec multo post Selymus, quum nullam pro firmando imperio suspicionem, etiam de pueris superfluam existimaret, quinque egregiæ indolis adolescentem fratrum filios necari iussit, inter quos erat Mahometes, quem paulo ante ad Larandam captum, Achomates audita morte Baiazetis dimiserat. Erat is primi filij Baiazetis liberorum natu maximus, alterum & vigesimum natum atunum, specie corporis & vigore animi Othomānorum præstantissimus. Quæ omnia sicuti ei militum ac populi fauorem conciliabant, ita vno inuidente Selymo exitium pepererunt. Ferunt Mahometem ingressos ad se duos carnifices, qui nihil tale timenti moriendum esse denunciarent, ac mandata statim exquerentur, alterum calamario cultello confecisse, alterum iam vulneratum interfectorum fuisse, nisi alij satellites irrupissent, qui frustra reluctantem strangularunt. De Osarne Alensciaci & Zilibo Mahumeti, duobusque alijs tenellis adhuc, pariter supplicium sumptum, adeo consternatis eo scelere omnium animis, vt complures milites tacita inuidia, per aliquot dies regis conspectum exhorruerint. Nec tot propinquis vno furore absumptis immitis animus ab crudeli rabie conquieuit. Nanque vt clarissima Othomānorum sobole extincta, vacuam sæuitiæ suæ domum faceret, reliquos ex omnibus Baiazetis nepotibus



tibus Amurathem & Aladinum per insidias interficere cogitauit. Receperant illi nuper Amasiam, qua vrbe ab Selymo superiore æstate pulsi fuerant, quum Achomates pater in montana Cappadociæ perfugisset. Ad eos opprimendos validam equitum manum delegit, qui magnis itineribus Amasiam contendere, adolentesque imparatos ac nihil de præsentis periculo cogitantes comprehenderent. Neque id erat factu difficile, quum expeditus equitatus omnem ferè aduentus sui famam celeritate præuenturus esset, nec vrbs ipsa aut munita mœnibus, aut tuta præsidio militum foret, quod eo tempore Achomates in loca Caramatiæ proxima ad conducendos milites profectus erat. Sed Mustaphas consilij particeps, cuius singulari studio atque opera Selymum ad imperium euectum docuimus, quum indigna morte Baiazetis & tot insontium puerorum cæde permotus, totum se animo ab amicitia crudelissimi hominis auertisset, imminèntem miseris iuuenibus calamitatem miseratus, per celeres tabellarios de aduentu equitum eos certiores fecit. Quibus acceptis literis, illi statim patre reuocato, occulta præsidia compararunt, quibus hostes exciperentur. Ita quum paucos post dies Selymiani Amasiam peruenissent, & fortè eodem tempore reuertisset Achomates, precipitati in insidias facile trucidati captique sunt. Accidit autem ut serui Achomatis, quum Selymianis captiuis illuderent, omnem insidiarum & rei gestæ ordinem aperuerint (vsque adeo malè in aula principum consilia etiam de maximis rebus occultantur) iactantes non deesse sibi amicos etiam ex intimis Selymi familiaribus, qui meliori causæ fauerent, & grassari sæuireque belluam illam non paterentur. Illi autem postquam redempti Prusiam redièrunt, quæ ab hostibus cognouerant regi detulerunt. Nec mora, Selymus neminem præter vnum Mustapham authorem detegendi arcani consilij existimans: siue quod iam ei tædio esse cœperat hominis gloria, siue, ut insigne beneficium cui par gratia reddi non poterat, exitio compensaret, eum inauditum interfici, & cadauer nudum in tantæ modò felicitatis ludibrium in publicum abijci iussit. Interfecto Mustapha, & imminente iam Vere, ne quid de instituta immanitate remitteret, ad tollendum Corchutum fratrem, crudelem animum adiecit. Agebat ille Magnesiæ, nec aduersus Selymum abrupta spe imperij quidquam hostile moliebatur, regressus ad philosophiæ studia, a quibus ambitione corruptus intempestiuè discesserat. Igitur præfectis edicit, ut sex milia fortissimorum equitum deligant, qui in tertiam diem corpora, arma, equos profectioi parent, se in Cappadociam celerem excursionem esse facturum. Statuto die Selymus Prusia mouit conuerso in dextram suorum agmine, ita ut equites qui rectam Amasiam petere credebant, tum demum in Lydiam se abduci perspicerent. Vnus ex equitibus egregij animi, quicumque ille fuerit cōiectura iudicans, ad opprimendum Corchutum iri, velocissimo equo usus, per compendia viarum regem antecessit, Magnesiāq; peruenit. Cuius monitu Corchutus de periculo certior factus, relicta familia cum duobus seruis ad mare cōtendit, ut aliquod in littore nauigium tractus, in Cretam adueheretur: aut certè vel piscatoria naucula Rhodum perfugeret. Cæterum Selymus improuiso aduētū suo perterrefactis Magnesijs, prætorium fratris corona equitum septum, ut exitus præcluderentur, nullo resistente cepit. Quum verò vnum omnes Corchutum per singulas domus latebras frustra perquirerent, quæstione de suis habita, cognoscit eum monitu ignoti equitis intempesta nocte discessisse. Quamobrem sua spe frustratus, equitibus mille præsidio Magnesiæ reli-



ctis, qui summa celeritate atq; diligētia circumiectam regionem percurrerent, cum thesauris atq; omni fratris familia Prusiam eadem celeritate reuersus est. At Corchutus spe fugæ crepta, quod Bostanges Selymi gener educta classe omnia littora custodiret, neque villa iam spes fallendi hostis relinqueretur, non longè a Smyrna in speluncam mari proximam se cōdidit, sperans si interpolitis aliquot diebus statione classis abscederet, elabendi occasionem, vel fortunæ beneficio, vel Deorum benignitate sibi minimè defuturam. Sed quum diu agrestibus pomis in ediam tolerasset, victumque à pastoralis tugurio per seruum quærere cogeretur, indicante agricola ab inquisitorib. comprehenditur, Prusiamq; perducitur, vbi cum Selymus necari iussit. Constat Corchutum, quum fidib. gutturi admotis à carnifice strangularetur, impetrasse horam, cuius spatium amarulenta in Selymum carmina intrepido constantique animo conscripsit, quibus exprobrata scuitia, eius capiti omnes diras imprecabatur. Selymus vero quem viuum videre noluerat, necatum spectare sustinuit, perlegitque carmina de se conscripta, nec temperauit à lachrymis, vsusque est lugubri veste, ut immanis animi crudelitatem in tanta omnium inuidia falso dolore contegeret. Iam Ver appetebat, quum Achomates comparato exercitu ab Amasia mouit, literis amicorum euocatus, qui Selymum solis suorum cædibus intentum, posse in hybernis opprimi confirmabant, si Prusiā cum expedito exercitu conuolaret: abesse enim prætorianos, Europæumque equitatum, robora exercitus, neque Selymum Dijs aduersis, infensisque hominibus, in eo periculo quod minimè timeret, salubre consilium esse capturum. Maturaret, neque mitiora Veris tempora cunctanter opperiretur, ne vel minimo eo temporis spatio hostiles copiae ab diuersis hybernis ad signa venire iuberentur: Solere Deos ipsos & præstare occasionem, & præbere consilia gerendis rebus: cæterum neque ea exequi, neque humanas mentes erepta libertate præuerrere consueuisse. Proinde Fortunam, quæ paulò antè paternum imperium abstulisset, celeritate atque audacia subleuandam esse censeret. Ingruente enim æstate, aut bello vincendum fore, aut omnino sibi Cappadocia & tota minore Asia decedendum. Achomates qui cuncta eo bello secundiora sibi pollicebatur, quod magnas habebat copias, quod ab Hysmaele Persarum equitū auxilia impetrauerat, quod denique, Selymum ob recentia scelera, omnibus inuisum esse, atq; ob eam causam cepto statim bello à militibus desertum iri putabat, amicis pulchra dictu, factu verò aspera suadentibus obtemperauit. Igitur, quum in Galatiam, pediatu minoribus itineribus subsequi iusso, cum amplius quindecim milibus equitum peruenisset, Selymus, de eius aduētu certior factus, per celeres tabellarios equitatum omnem Prusiæ conuenire iubet. Interim dum Asappos cogit, atque vniuersas expectat copias, Fortuna quæ semper omnibus in rebus Selymo fauit, tunc quoque periculum, quod suorum fraude parabatur, discussit, & expeditam victoriæ rationem ostendit. Nanque amici Achomatis, qui in castris Selymi erant, à superiore in eum studio suo non recedentes, euocatum illum cum exercitu, & iam progressum in Paphlagoniam, etiam atque etiam literis admonebāt, festinaret, antequam Selymi copiae conuenirent. acciri enim prætorianos, contrahi equitatum, atq; omnia ab Selymo impigrè parari, ei tamen sera omnia fore, si ipse inexpectata celeritate improuisus accelsisset. Quibus fortè literis interceptis, Selymus de fratris consilio eiusque aduentu, & de suorum perfidia certius cognouit. Itaque necatis, qui literas conscripserant,



gemma eorum ad obfignandas epistolas vtitur, scribitque interfectorum nomine ad Achomatem, ut maturaret proficisci, peditatumque relinqueret: vel modica enim equitum manu opprimi posse Selymum, si se celeriter conspiciendum amicis, & coniuratis daret. Fore enim ut ad datum signum excitato in castris tumultu seditionem militarem inducerent, atque illum turbatis rebus, incautè ordines circumeuntem aggrederentur. Achomates fideliteris adhibita, ut qui plurimum viribus suis fidebat, pedestres copias, quæ cum Amurathe tardius subsequebantur, relinquere non dubitavit, profectusque ad Horminium in ripa Parthenij amnis castra fecit. Selymus quoque Prusia egreditur, & receptis in castris prætorianis cohortibus, quæ nuper mari transiectæ fuerant, Sina-  
 10 nam bassam præfectum Asiatici equitatus cum valida equitum manu ad cognoscendas tentandasque hostium vires præmittit. Selymiani, quum adhuc qua in parte constitisset Achomates, & quales quantæque eius copiarum forent, exploratum non haberent, matutina caligine decepti, in iniquum locum delati sunt, ubi Achomates prosperè cum eis confligit, occiditque ad mille equites, ceteros præcipites in fugam dedit. Neque tamen eo accepto detrimento Selymus, aut animo perturbatur, aut summe rei victoriæ diffidit, sed protinus ad Elatam flumen promouet castra. Labitur Elata ex Horminio monte, & rectà decurrit in Pontum, irrigans à dextro latissimos campos: quæ Terræ novæ plana ab incolis hodie nuncupantur. Idem quoque facit Achomates, qui tametsi fratrem equitatu peditatuque præstare, atque omni ex parte superiorem esse intelligebat, recenti tamen victoriæ proventu alacrior factus, quod amicos suos qui apud Selymum erant, aliquod insigne facinus in ipso negotio patratu-  
 20 rabatur, quod pro se tanquam legitimo rege staturos superos iudicabat, neque cedendum, neque reliquum exercitum expectandum existimavit. Intererat flumen inter bina castra, & à speculatoribus utrinque certus hostium numerus referebatur: neque tamen Achomates, cui tutum ad suos receptum patentes campi præstare poterant, conspecta magnitudine periculi, ut salutis suæ ac militum maturè consulere, fatali insania correptus adduci poterat, ita ut eum obicere  
 30 periculis & destinato exitio Fortuna videretur. Selymus inclinante iam Sole exercitum Elatam traducit, milites curare corpora, & in sequentem diem parare arma atque animos ad pugnam iubet. cæterum in proximam sylvam mille equites mittit, quibus præerat Canoglis vxoris frater eximiae virtutis iuuenis, quem pater ab Taurica cum lectissima ala Tartarorum equitum paulò antè ad generum miserat. His iniungit ut quum intenti omnes ad pugnam forent, à tergo se ostendant, & auersos hostes adoriantur. Ita silenti agmine ad radices montis profecti, loco opportuno proceris arboribus tecto confidunt. Nam Horminius qua parte Pontum, & Septentriones spectat, nemorosus est, & complures habet colles interiectis vallibus, quibus magnus exercitus facile conde-  
 40 retur. Prima luce Selymus aperto in loco aciem instruit, in cornibus equitatum omnem, ita ut in dextro hastati omnes, in læuo sagittarij & sclopettarij essent: in media verò acie prætorianos pedites atque Alappos collocat. Ex aduerso Achomates duo tantum agmina constituit, & primos in dextrum hostium cornu procurrere iubet. Eorum primum impetum Selymiani magna constantia exceperunt, sed quum ad gladios ventum esset, quod cum Persis ferro tectis, qui in ipsa fronte locum sibi depoposcerant, collatis equorum pectoribus res ageretur, diutius sustinere non potuerunt, ac mox pulsi turbatique



cedere, & in suos ruere cœperunt. Id Selymus statim conspicatus increpando adhortandoque confirmatis suis, læuum cornu inducit, & sclopettarios in locum hastatorum succedere iubet, producitque prætorias cohortes, quarum aspectu totum hostium agmen sagittarum, ac sclopettorum multitudine iam territum, dare terga coactum est. Achomates & ipse periculo intentus, aliquanto maiore virtute quàm fortuna, subsidio suis reliquos equites adducit, quorū vi atque impetu prælium exequatur. Sed dum irrumpendo sternendoque victoriæ imminet, Canoglis auersos adoritur: clamore edito hostes tum maxime pugnantes in se conuertit: ab fronte pedites conglobati gradum inferunt, equites verò hastati, quos ab initio à Persis pulsos diximus, pudore adducti in prælium reuertuntur. Ita Achomatis acies circumuenta vndique cœditur: & vexillis stratis omnia cæde fugaque complentur. Achomates desperatis rebus aufugiens, dum saluti serò consulit, in fossam, quàm pridiani imbres aquis cœnoque compleuerant, labente equo præcipitatur. Ibi agnitus à militibus, atque comprehensus vt se statim interficerent impetrare non potuit. Quem Selymus iam antea neci destinatū sequenti nocte hisdem carnificibus, qui Corchutum ceterosque necauerant, traditum, chorda arcus elisis ceruicibus interfici iussit. Amurathes in itinere à Persis, qui cum magna parte equitum densata acie perruptis iterum Turcarum ordinibus euaserāt, de fortuna patris, & prælii eventu edoctus Amasiam rediit, atq; inito de fuga consilio cum Aladino fratre, ipse cum equitibus Persis traiecto Euphrate ad Hysmaelem confugit. Aladinus verò in Cilicia Amano monte superato, vt ad Campsonem Gaurum Ægypti regem se conferret, in Syriam profectus est. At Selymus secundum eam pugnam præmissis in prouincias, quæ ab Achomate tenebantur singulis equitum præfectis, breui omnem minorem Asiam in potestatem redegit. Mox reuersus Byzantium paucis post diebus, quod ibi recrudescente pestilentia in singulos dies quingenti ferè homines absimebantur, Hadrianopolim concessit, vbi reliquum æstatis, atque hyemem venationibus intentus, transegit. Interea Sophus Hysmael à Persico Oceano ad Seruianorum fines, atque ipsum Caucasum montem, & per Hyrcani maris Meridionalem oram ad Coraxenos omni regione perdomita, Zagataisque Tartaris, qui olim fuere Bactriani & Sogdiani ad Oxum Iaxartemque flumina pertinentes, sepe per tres annos acie superatis, in Armeniam reuersus est, Amurathemq; apud Taurisum obuium habuit. Venerat eò miserrimus adolescens post aduersam pugnam, patremq; interfectum, vnius hore momento regia fortuna expoliatus, vt à potentissimo rege in tantis calamitatibus auxilia aduersus patruum imploraret. Hysmael dignum fama sua ratus, si summe spei adolescentem ad se profugum exciperet, atque omnib. iuuaret auxilijs, bono eum animo esse iussit: & vt ampliore spe confirmaret, filiam ei in matrimonium collocauit. Siquidem Othomannorū domus concursu calamitatum labefacta atque conuulsa, si Selymus fato fungere-  
tur, neminem imperio Amurathe potio-  
rem esset habitura. Quinetiam ad pri-  
mos bellorum motus, si ipse à Perside arma inferret, defecturam à Selymo mi-  
norem Asiam apparebat, quod propter insitam animo eius immanitatem ac sæ-  
ua facinora, Dñs pariter atque hominibus esset inuisus. Igitur Sophus Hys-  
mael primo statim Vere Amurathem cum decem millib. equitum ad Harsen-  
gam superare Euphratē & peruadere in Cappadociam iubet: vt cognitis pro-  
uincialium animis, atque exploratis hostium viribus de tota mole belli certio-  
ra consi-



ra consilia fumerentur. Vstaoglum vero apud Persas clarissimum ducem, cum  
 valida parte exercitus Amurathem vnus diei itineris interuallo subsequi im-  
 perat. Ipse in Armenia cum maioribus copijs substitit, ne rei frumentariæ an-  
 gustia laboraret, quum per loca sterilia incultraq; amplissimus exercitus ducen-  
 dus foret. Amurathes ex improviso per minorem Armeniam Cappadociæ fi-  
 nes ingressus, quum tentatis amicorum voluntatibus quedam oppida recepisset,  
 quedam igne ferroque vastasset, magnum toti prouinciæ terrorem intulit:  
 quo metu iniecto deficientibus passim populis Amasiam vsque peruasurus esse  
 videbatur, nisi Chendemus vir bello egregius, quem Asig præsidio Selymus  
 10 reliquerat, Persis cuncta bellico tumultu miscntibus ad Sebastam, quæ ho-  
 die Suias dicitur, cum magnis copijs occurrisset. Scripserat quoq; Chendemus  
 multum antea ad Selymum de apparatu aduentuq; hostium, quum eos superas-  
 se Euphratem per exploratores cognouisset. Quibus vulgatis rumoribus, Se-  
 lymus ab Hadrianopoli in Asiam profectus, omnes copias Prusiæ conuenire  
 iusserat: habitisq; summa celeritate delectibus supra quadraginta millia Asap-  
 porum peditum armauerat. Quod vbi per captiuos & veteres clientes suos  
 Amurathes cognouit, tametsi cum Chendemo cõfligere magnopere cupiebat,  
 ne tamen si forte Selymus sua celeritate ad se opprimendum cõtenderet, in An-  
 titauri angustijs deprehenderetur, ad Vstaoglum regressus est. At Selymus qui  
 20 toto eo anno egregium ac maximum bellum, dignamque ausibus suis expedi-  
 tionem ingenti animo secum ipse volutarat, diu incertus Pannoniã Rhodum-  
 ue, an ipsam Italiam discordia nostra labantem, afflictamque tot bellorum in-  
 commodis, terra mariq; inuaderet, oblata occasione Persici belli, ad Orientem  
 se conuertit, atq; Arsengam, quam aliqui Comanam Ponticam fuisse iudicant,  
 trigemis castris peruenit: vbi iunctis cum Chendemo viribus, quum retrocessis-  
 se hostes, vastatamque continenti incendio eam regionem comperisset, dolore  
 iniuriæ & victoriæ fiducia incitatus, vestigijs fugientium insistere, ac vltro in  
 maiorem Armeniam penetrare constituit. Erant maximæ omnium rerum dif-  
 ficultates, quæ huic bello à peritis regionum in concilio proponebantur, quæ  
 30 postea trepidantibus cæteris, ipse propria quadam felicitate & sola animi ma-  
 gnitudine superauit. Nanque militibus qui ab Illyrico, Mysia, Epiro, Macedo-  
 niæq; terrestri semper itinere in Cappadociam venerant, nouos labores subire,  
 vt ad Taurum squissima frigora, & mox in patentib. campis vehementissimos  
 calores, sitim, in ediam, atq; imam propè omnium rerum desperationem subi-  
 re necesse erat, præsertim quod Persæ in regressu euastatis agris, vt hosti solitu-  
 dinem facerent, quicquid vsui esse poterat, corruperant. Magnam quoq; peritis  
 atq; prudentibus ducibus sollicitudinẽ intendebant minoris Armeniæ & A-  
 ladulorum reges, quos haud satis clarè perspectis eorum volutatibus, in tergo  
 relicturi erant, neque putabant eos quicquam pro amicis esse facturos: si quid  
 40 Selymo aut in pugna, aut in subuehendis com meatibus, aut in locorum angu-  
 stijs parum feliciter accidisset. Armenius magnam subministrandi com meatus  
 facultatem habebat. Aladulo vero copię aderant, & numero & exercitatione  
 non contemnendæ: præterea angustię, claustra omnia, & singuli aditus, qui e  
 Cappadocia in Armeniam & Persidem ducunt, aut opportunis arcibus, aut fir-  
 mis eius præsidijs tenebantur. Montana enim ei parent: protenditurq; eius im-  
 perium à Scordiscis, qui Ponto imminet, perpetuo Tauri dorso ad Amanum  
 montem, quo Cilicia Syriæ committitur. Inter Cæteros Chendemus, qui plu-



rimum apud Selymum gratia auctoritateq; pollebat, suadere cœpit, ut in Capadocia subsisteret: exercitū ab labore viæ reficeret, atque illic hostium aduentum opperiretur. Non est, inquit, imperator existimandum, quod illi meture fugerint, qui nec viso quidem hoste retrocesserunt: nectunt dolos, et insidias aperte moluntur, dum fuga timorem simulant. An non scimus quæ ingenia, quæ robora hominum Persis serat? Timebunt illi nudum Turcam, hastatum vel sagittarium, qui validioribus, equis ferro tectis, ipsi galeati loricatiq; Scytharum sagittas non timuerunt? vel si hoc parum est, qui tot gentibus bello victis fortissimo imperatori suo maximum imperium virtute pepererunt? An te maiores vel meliores copias habere existimas, quam Cassemus quondam patruus tuus, atque auus Mahometes habuerint? qui me in eorum castris militante ad Trapezuntem, & ad Nicopolis montes, non vna clade accepta, cum hostes sæpius dimicarunt? Neque tormenta, quæ trahimus, habere in se magnum ad victoriam usum inficiabor, modo explicandis tot curribus idonea loca patuerint. Sed exustum hoc solum, rigentes atque abrupti montes, & immensa post nos terrarum spatia me perterrent, quem armatæ hostium acies iniquiore etiam in loco terrere non potuerunt. Neque Armenio vel Aladulo ambiguae fidei regibus quicquam credendum putes, tametsi primo ingressu amicia omnia pacataque ostenderint. Circumspectabunt enim occasionem, ut te imparatum per insidias aggrediatur. At si te illic explorata omnino victoria expectat, quanto tibi ea tuorum sanguine constabit? quo alio milite, quibus alijs viribus Græciam tueberis, si te studio proferendi imperij, vel ardore comparandæ laudis abductum, in penitissimam Armeniam Christiani reges audierint? Proinde si tueri tua prius est atque præstantius, quam aliena cum periculo appetere: si prudentissimi imperatores non in multa cæde hostium, sed in salute atq; incolumitate suorum militum victoriæ gloriam posuerunt, desine te atque exercitum obiectare periculis, atque omnia temere vni Fortunæ committere: quæ si inconstans & lubrica audaciæ tuæ semel illuserit, rues insania ab tanto fastigio longè celerius, quam illuc paulo antè virtute conscenderis. Selymus qui venerat asperi atq; immitis ingenij, cuncta consilio atque auspicijs suis administrari volebat, quanquam vehementer ea oratione permouebatur, atque aliquot duces in ipsa periculi cogitatione suspensos videbat, paucis tamen per iracundiam confutatis, prætorium dimisit, testatus se iterum per pacata infestaque & victoriæ omnino relaturum, postquam senex tantopere de vita sollicitus, honestissimam mortem timeret. Hæc dicentem regem excepere statim alij duces assentari soliti, qui propter æmulationem Chendemi gloriæ atq; opibus inuidebant. Si enim orsi à magnitudine copiarum, à militum genere, ab apparatus tormentorum, & ab ipsa quoque fortuna inuicti exercitus, cuncta ex difficillimis plana atque facilia reddere: quæ verò de virtute hostium dicebantur verbis magnificis eleuare contendebant: mox, ut iniecta suspicione perfidiæ Chendemi auctoritatem conuellerent, cum dictitare virum fortem atq; omnibus bellis intrepidum non timore aliquo, non angusta spe victoriæ adductū, sed promissis Amurathis, & hostili auro oneratum & corruptum, tantæ expeditionis cursum, & paratæ victoriæ spem omnem abruptare voluisse. Proinde caueret senis astutias atque perfidiam, progrediereturque audentius, nec putaret milites, aut pericula, aut labores esse recusaturos, modo ipse animo non deficeret. Paratos enim esse vel acerbissimas quasque belli difficultates subire, nihilque



magis exoptare, quam ut in eas regiones ducerentur, ubi editis veræ virtutis operibus, Selymum imperatorem suum Alexandro, & se in eadem belli gloria Macedonibus exæquarent. Ad hæc, ut Chendenum opprimerent, indices subornarunt, qui dicerent, eum ab Amurathe pecuniam accepisse, nec in tempore Persis prædatoribus, qui eo duce fines irruerant, occurrere voluisse: unde tantum detrimenti provinciæ illatum. Quibus de causis Selymus præpropera crudelitate præceps, Chendenum inauditum, ac vera monentem interficere iussit, ut cæteros ab simili dicendi libertate deterreret, doceretque ea esse optima consilia, quæ imperator diuina velut ratione reperisset. Interfecto Chendeno, occulto statim metu percussæ omnium mentes, quod clarissimus vir tantæ modo apud regem existimationis & gratiæ, indicta causa concidisset, quem paterno ac mox fraterno bello Selymi in partibus virtute atq; consilio floruisse meminerant: quasi eadem sæuitia Selymus, vel in minimis rerum suspitionibus, obscuros esset oppressurus, qui ne amicis quidem antiquissimis perpecisset. Inde promotis castris, in fines Armeniorum & Aladulorum peruenit: ubi per legatos earum gentium reges qui tum in armis erant hortatus est, ut communis secum consilio & viribus, bellum aduersus Persas susciperent, ac secum in maiorem Armeniam proficiscerentur. Se enim perfectio bello ipsis omnem agrum, & proximam regionem, quam de hoste cepissent, in præmium virtutis atque nauatæ operæ concessurum. Reges qui Hysmaeli pariter ac Selymo infensi erant propter finium iniurias, inter quos medij et inualidi (ut tenuiores a potentioribus solent) quotidie premebantur, quum animos in vtrunque belli euentum astute intentos nudare nollent, responderunt, quas ipsi copias contraxissent, ad sui regionis præsidium comparasse, non ut temere in ambigua belli fortuna, alterum ex amicis finitimisque regibus oppugnarent: se vero rotanti non esse, ut sui iudicij putarent discernere, quisnam iustiores belli causam sequeretur. Cæterum si absque maleficio duceretur exercitus, & munita itinera & commeatus pro copia regionis, ingresso maiorem Armeniam præbituros. Selymus hac prima spe deiectus, quod eos sibi voluntate aut metu omnibus officijs affuturos putauerat, dissimulandum in præsens existimauit, ne qui totus corpore atque animo ad Hysmaelem ferebatur, ambiguae fidei reges, si facto eos verboue laxisset, in tergo pro certis hostibus esset habiturus. Igitur Selymus a Scordiscis profectus, octauo die ad Moschios montes peruenit: quos ingentem aquarum molem trahens Euphrates: ab Antitauro magnis effectis crepidinibus abrupit. Percurruntq; perpetuis iugis in Hyberum & Colchidem: & ab ortu maiorem Armeniam aperiunt. Ductus est sub signis exercitus per aduersi fluminis ripam, neq; vnquam a profluente discessum, quod sitis in ignota regione timebatur. Ita in Orientem directo itinere, ut à læua minor Armenia, Aladuli verò regis fines, & iuxta decurrens Euphrates à dextra relinqueretur, quousque ad Periardem montem peruentum fuit. Periardes duorum clarissimorum fluminum origine inclytus, propter miram omnium rerum fecunditatem, Leprus, id est, frugifer à barbaris hodie nuncupatur. Namque Euphrates et Araxes singulis atq; aduersis emissis paludibus, campestrem aridamque regionem emissariorum copia, & summa frugum felicitate nobilitant. Selymus tantis confectis itineribus, quum nec fama quidem ubi Hysmaelis exercitus cõsedisset, quæ validum numerosumq; paulo atitè e Cappadocia discessisse cognouerat scire posset, cunctabundus ac timeti similis supra fluminis fontem



castra fecit, atque exploratum velocissimos equites qui aliquos ex obuijs exel-  
perent, vndique emisit. Sed quum incolæ Armenij vel metu appropinquantis  
hostis, vel iussu Hyfmaelis omni ea regione, quæ ad iter patebat, decelsissent,  
desertisque ædificijs, & asportatis, aut concrematis omnibus victui necessarijs,  
pabulum quoque & quicquid herbidum in proximis agris fuerat, euastassent,  
Turcæ equites nemine hostium intercepto biduo post redierunt, nunciantes  
eam vastitatem omnium frugum, latissimos tantum campos, & immensam oc-  
currere solitudinem: nec vlla hominum aut equorum vestigia reperiri. Proin-  
de existimare se, aut locorum errore deceptos, aut perfidia Armeniorum, qui du-  
ces itineris erant, in deserta peruenisse: vbi amissa spe alendi equitatus, ac mox<sup>to</sup>  
cessantibus humanis alimentis famē exercitus absumeretur. Auxerant quoque  
presentem metum duo reges relictī in tergo, & in primis Aladulus, qui, vel pu-  
dore, vel metu adductus primis diebus com meatu adiuuerat, procedenti verò  
in intimam Armeniam nihil ex fide officioque præstiterat, iam tum inde gra-  
tiam Hyfmaelis captans, cuius virtuti ac viribus haud dubiè cessuros Turcas, si-  
cuti totus propè Oriens paulò antè celsisset, arbitrabatur. At Selymus inge-  
nti cura anxius, suspectare insidias, in ediam timere, horrere solitudinem & cun-  
cta quæ Chendemus senex edixerat memoria volutare: vultum tamen alacrem  
impavidumq; militibus ostentare: quæ constantia prosperos rerum successus,  
& maturam de hoste victoriam deiectis etiam militum animis pollicebatur. 10  
Ergo coactis viæ ducibus, & per regionis peritissimos explicata itinerum ra-  
tione, quum à dextris vltra Periardem subesse fertilissimam Armeniæ partem  
didicisset, castra mouit: circumuectusque montis initia quæ Boream spectat, ad  
Araxem deflexit, & supra Choim oppidum equites vado, pedites verò modi-  
cis effectis pontibus transmisit. Nanque Araxes antequam receptis amnibus,  
qui à Periardis paludibus oriuntur, ampliores vndas trahat, humilem alueum  
& faciles ascensu passim ripas transeuntibus ostendit. Vixdum Selymus tradu-  
cto exercitu castra posuerat, quum Vstaoglus, qui cum Amurathe iunctis co-  
pijs idoneo in loco substiterat, Choi oppido atq; inermibus oppidanis timens,  
ne repentino hostis aduentu opprimeretur, celeriter inde mouit, & ad hostem  
profectus est. Nanq; id oppidum fontium atq; amnium perennitate totius re-  
gionis amcenissimum, quod propter omnis generis fructuum copiam cæliq;  
temperiem, Persarum reges relicto Taurisio magnā æstatis partem his in locis  
agere consueuerunt, ditissimos oppidanos habet, & pulcherrima ædificia: qui-  
bus in eo prælio succurrendum Vstaoglus arbitrabatur, ne simul contra suam  
existimationē in conspectu celebre oppidum amitteretur, atque hostis eo poti-  
tus, confectū fame exercitum omnium rerū copiare recrearet. Choim antiquitus  
fuisse Artaxata clarissimam quondam urbem à Domitio Corbulone deletam,  
Cassinus natione Armenius, qui huic bello interfuit, pluribus coniecturis no-  
bis indicauit. Nec Sophus Hyfmael quanquam maiorem copiarum partē ad-<sup>40</sup>  
uersus Coraxenos, Hyrcani maris accolæ tumultuantes paulò ante præmiserat,  
vt qui Turcas despiceret, nec eos in Armeniā venturos arbitraretur, audito sta-  
tim Selymi nomine in castra venire cūctatus nō est. Fortè tum Vstaoglus, qui  
in eam vsq; diem et prælio & conspectu hostium cōtra suorum opinionem ab-  
stinuerat, vt magis ac magis & labore itineris & desperatione com meatu at-  
tritis hostium viribus, sine pugna, & sine suorum vulnere bellum conficeret,  
contra oppidum castra locauerat, quum sub aduentum Hyfmaelis Turcæ  
explora-



exploratores conspecta pulueris nube, auditisque equorum hinnitibus, adesse  
 hostem senserunt. Quod ubi in castra nunciatum est, tum verò omnes gestire  
 lætitia, tum primum spem concipere certissimam de salute atque victoria: Dñs  
 grates agere, quòd pro labore, inedia, cæterisque incommodis, tandem oblato  
 hoste egregiæ mortis facultatem tribuissent. Enimvero Europæi præsertim e-  
 quites, equis macie confectis, Asappique pedites longo itinere fatigati, quibus  
 vulgato morbo ventres fluebant, quòd in magnis solis ardoribus polenta ex fa-  
 rina acetoque confecta, & pomorum agrestium succis vitam diu tolerarant, an-  
 gente simul dolore animi consternati, quòd ne viso quidem hoste cadendum  
 foret, passim moriebantur. Hysmael ut in conspectum hostium venit, cum suo-  
 rum virtuti, tum fortunæ suæ plurimum confusus, quò plus terroris incuteret  
 prælium minimè differendum existimauit, misitque ad Selymum caduceato-  
 rem, & cum eo aliquot militares viros, qui diligenter, quales quantæque hostiū  
 copię, quot tormēta, quæ formæ castrorum essent, specularentur. Ceterum Se-  
 lymo nunciaret ambigui iuris non esse Armeniam: neq; vnquam cum Turcis  
 de eius possessione fuisse disceptatum, proinde se mirari cur infesto exercitu in  
 prouinciam venisset. Quòd si fortè antiquæ virtutis æmulus imitatus Alexan-  
 drum Macedonē, tantū soli terrarumq; iure suum futurum existimet, quātum  
 sibi promotis armis victoria Fortunaque pepererint, pararet arma, & in crasti-  
 num diem suas atque alienas vires periclitaretur. Selymus ad ea respondit: ex-  
 tarerecentem iniuriarum memoriā, qua iuste ab Othomannis aduersus Per-  
 sas arma sumi potuerint, quū & auus Mahometes & Cassemus patruus quon-  
 dam, nuper verò Baiazetes pater, & ipse dum fratris Achomatis armis oppu-  
 gnaretur, à Persis & summa detrimenta, & insignes contumelias acceperint.  
 Ea tamen etsi magna et grauissima sint, dignas bellī causas non putare, sed vnū  
 se repetere Amurathem fratris filium hostē suum, & Cappadocię predatorem.  
 Quem si ex equo amiceq; sibi traderet, ut mutua inter reges pro tuendis firmā-  
 disq; imperijs iura postularent, fore, ut copias inde abduceret, & in proprios  
 fines reuertēretur. Si verò id facere negligeret, ferro igneq; Armeniam, & Per-  
 sidem vastaturum. Dimisso caduceatore vterq; suis castris se continuit. Sequē-  
 ti verò die Selymus suorum omnium hortatu copias in patētē locum eduxit:  
 instructaque acie ad hostem, qui duobus millibus passuum inde aberat, profe-  
 ctus est, existimans Hysmaelem tanti nominis imperatorem, quin prælio de-  
 certaret, nullam moram esse facturum. Qui verò Persarum numerus, quod e-  
 quitum genus, quæ arma, quæ tela gestarent, facile reperire non poterat. Nant  
 supra gentis ingenia calliditatis atq; consilij plena, tantus erat militum amor,  
 ac tanta veneratio erga Hysmaelem regem suum, ut nemo repertus sit, qui ad  
 Turcarum castra transfugerit, quum multi (ut postea ex captiuis Persis cogni-  
 tum est) quotidie à Selymo ad Hysmaelem perfugerent. Selymus qui octuagin-  
 ta equitum millia eo die habuisse dicitur, in dextro cornu Cassembassam Eu-  
 ropæi equitatus præfectū, in leuo Sinambassam eunuchum cum Asiatico equi-  
 tatu constituit, antecedentibus Acanzis, qui sunt voluntariæ militiæ equites  
 ex vario gentium genere, spe prædę ad bellum exciti. Media acies Asappis pe-  
 ditibus data, quorum vilis semiermisque turba, tanquam nullius propē iactu-  
 ræ hebetandis hostium gladijs primo semper congressui obijcitur. Post Asap-  
 post tormenta recta fronte disposita sunt, additis præsidio quatuor equitum mi-  
 libus. Ipse in subsidijs cum lectissimo equite prætoriano, omnibusq; Ianizaris



paulo editiore in loco constitit, duplici corona tormētorum atq; impedimen-  
torum circumuallatus: nam camelos clitellatos longa catenæ serie inter se ne-  
xos ita in orbem sibi de more circundederat, ut speciem validæ munitiōis æ-  
quarent, quo veluti vallo septus, & laborantibus suis opem ferre, & si quid du-  
rius accideret, veluti ab arce cum flore militum, omnem hostium impetum su-  
stinere posset: monuitque Asappos, ut quum primum hostium equitatus ap-  
propinquare inciperet, diducta acie celeriter in vtranq; partem secederent, ut  
spacium emittendis tormētis relinqueretur. Ex aduerso Hysmael, qui pertransi-  
fugas cuncta hostium consilia explorata habebat, vocatis ad se ducibus, docuit  
nullius propē negotij esse victoriam, modo procellam tormentorū effugerent.  
Quod se facile consequuturum pollicebatur, si equites quum scindi Asappo-  
rum aciem vidissent, & ipsi intenti paratique soluto statim ordine in duas alas  
abscederent. Itaque duo maiora vexilla proposuit, alterum prætorium, quod  
certo in loco cum robore equitum statuerat, alterum quod cum reliquo exerci-  
tu Vstaoglo attribuit. Habebat Hysmael ad triginta milia equitum absque vi-  
lo pedestri subsidio, in quibus fuere supra decem milia cataphracti, viri fortes, bel-  
lo exercitati, ac nobilitate illustres. Iis insignes equi erant operoso chalybe recti,  
& cassides ad ornatum terroremque cristatæ: Præterea acinaces, & more no-  
stro clauæ ferreæ, atque hastæ solidiores. Cæteri apertis atque oblongis galeis  
& ferreis thoracibus muniti, vel maiore arcu, vel lanceis fraxineis more Hispa-  
nico ad mediam hastam comprehensis, utebantur. Cæterum apud eos nullus  
tormentorum apparatus, quod certè vno Turcis impares erant. Sed tantum spi-  
ritus, tantumque virtutis Persarum animis inerat, ut despecta hostium multi-  
tudo, & contempto tormentorum periculo, prælium committere non dubi-  
tarent. Hysmael dato signo vniuersum agmen promouit milites cohortatus, ut  
diu ante partem rei militaris laudem memoria retinere vellent: ac se imperato-  
rem suum, quem pluribus secundissimis prælijs maximum Orientis regem cō-  
stituisse, vadentem in hostes imitarentur: occursuros in acie inermes Turcas  
leui tantum hasta & scutis videntes, quorum equi statura humiles, strigosi, ene-  
cti fame, ne primum quidem impetum cataphractorum essent toleraturi. Ab  
altera parte Selymus puluerem aduentantis hostilis exercitus conspicatus, per  
duces præfectosque tota acie pronunciari iussit, instare prælium, quod si egre-  
giè dimicarent, victis gentium victoribus Othomannicum imperium à Persi-  
co Oceano ad Caucaſum montem essent prolaturi. Quod si quid ex pristina  
virtute remisissent, putarent nullam effugij spem superesse in ea vastitate cam-  
porum immensisque desertis: aut enim fœde moriendum, aut perpetuo Persi-  
arum fœminis cum ignominia seruiendum: quando post tot terrarum spa-  
tia, & rapidus Euphrates, & Tauri iuga, & infidus Aladulus occupatis augu-  
stijs, omnem spem redeundi in Cappadociam victis abstulissent. Hysmael  
quum appropinquasset, & ad propositum signum Asappi ordines aperirent,  
subindeque falcones medio intervallo disploderentur, diducto statim equita-  
tu, in dextrum cornu impetum fecit tanto suorum ardore, ut quum asperrimum  
inter semiermes Turcas, et armatos egregie Persas contractum esset certamen,  
obtruncato ante alios Cassembassam, primis cæsis, ac mox alijs atque alijs suis  
profligatisque totum id cornu usque ad subsidia ubi substiterat Selymus pro-  
pulerint. Parte alia Vstaoglus non paruo à tormentis accepto incommodo, &  
tardius ab eo periculo, sese atque alas suas explicarat, Asiaticos inuasit: Ibi acri  
commissa



commissa pugna magnam cædem hostium edidit, sed nō eadem felicitate, qua  
 Hysmael. Nam dum inter primos acerrimè depugnaret, sclopetto ictus occu-  
 buit. quo casu Turcarum animis redditus vigor, ita vt qui iam pulsi loco supra  
 tertiam partem suorum amiserant, redintegrato certamine, cataphractos egre-  
 giè sustinuerint: & oppositis sclopettarijs, quibus maximè Persarum equi ter-  
 rebantur, eos vno agmine in Asappos præcipientes egerint. Persæ siue necessita-  
 te compulsi, quòd detrimento accepto ducem amiserant, atque equos tormen-  
 torum fragore & tonitru territos, regere non poterant, siue quòd apertum la-  
 tus Asapporum meliorem rei gerendæ facultatem ostendebat, confertis tur-  
 10 mis per transuersos pedites perruperunt: quibus magna strage cæsis protritit-  
 que ad tormenta peruentum. Ibi eorum magistros libratoresque, qui, vt in  
 magna rerum perturbatione dispoſitis temere tormentis foedissimam cladem  
 suis æque hostibusque intulerant, circumuentos trucidarunt, continentiq; cur-  
 su in dextrum cornu hostium, vbi Hysmael cum Europæis depugnabat, tan-  
 quam victores peruasere. Quibus de rebus Europæi, qui iam antea & ipsi amif-  
 so duce repulsi confectiq; vulneribus se ad subsidia receperāt, quum nouo ab la-  
 tere oblato prælio impressionem ægrè sustinerent, opem vt in extremo discrimi-  
 20 mine à subsidiarijs implorare cœperunt. In ea prælii iniquitate Selymus soluto  
 curruum nexu, vallum duobus in locis patefecit, partemq; prætoriani equita-  
 tus illico emisit. Mox ad Ianizaros conuersus, vestrg, inquit, virtuti atque ope-  
 ræ hodierna victoria referuatur: macti virtute milites mei, agite dum eruptione  
 ne facta, fessos hostes integris viribus aggredimini. Fluunt sudore equorū cor-  
 pora, ipsique equites sub tanto armorū pondere iam fatiscunt. Hæc dicenti Se-  
 lymo Ianizari haud sanè promptè obtemperabant, quippe qui in tanta rerum  
 desperatione libenter suis se munitionib. continerent. Itaq; dum cunctatius si-  
 gna efferunt, Persæ in medio ardore victoriæ Europæis circumfusi eos spectā-  
 te Selymo, ac frustra auxilium ferre properante occidione deleuerunt. Scripsit  
 ad Leonem pōtificem Fabritius Carrectus Rhodiæ militiæ magister, ad quem  
 omnia hæc diligentissimè perferebantur, Ianizaros Selymo dicto audientes  
 30 non fuisse, neque eius adhortatione, aut precibus adduci potuisse, vt laboranti-  
 bus Europæis auxilium ferrent: vt qui summæ rei diffidentes, expectare euen-  
 tum, quàm se in manifesto periculo equestri hostium procelle, quæ cæteros pe-  
 dites obtriuerat, obiectare malebant. Iam Persæ ab omni parte Selymum intra  
 subsidia morantem inuasérant, quum Sinam bassa tametsi cornu lacerum ac ve-  
 hementer attenuatum trahebat, per medios Asapporum acervos, hostes inse-  
 cutus in tempore superuenit: accitisque subinde & inductis aliquot recentib.  
 turmis, quæ ab Vstaogli impetu integræ euasérant, pugna est restituta, duo-  
 rum maximè fratrum Malcociorum præcellenti virtute, Turabei & Maho-  
 metis, qui Turcica ex gente nobilitate generis ipsi Othomannæ familiæ pa-  
 40 res, Malcocij patris luctuosa illa in Venetos & Carnos excursionem clari ducis,  
 magnitudinem animi vigoremque referebant. Selymus quoque minimè ani-  
 mum despondens, sed in spem erectus atque alacer, id quod supremo discrimi-  
 nis referuarat, omnia tormenta dirigi in hostem iubet: quæ tātam equorum at-  
 que hominum stragem suis pariter atq; hostibus inter se commixtis ediderunt,  
 vt quum viri puluere, fumo tormentorum & crepitu, vsum oculorum atq; au-  
 rium amisissent, ac subinde equi ad insolitū fragorem metu consternati, cōtem-  
 ptis frænis sessores in diuersum adueherent, incerta adhuc victoria prælium



sit diremptum. Hyfmaël sclopetti ictu sub læuum humerum vulnere accepto,  
 præteruectus eam procellam, vt vulnus inspiceret, hortantibus amicis prælio  
 excessit. Quæ res haud dubiè Selymo suisque omnibus salutem attulit: nanque  
 Hyfmaelem eiusque vexillum Persæ continuo subsecuti, non dubiam partem  
 que magna ex parte omnium opinione victoriam, reliquerunt. Verum leui  
 nec profundo vulnere inueto, quod plumbea glans eam armorum partem ob  
 singularem temperaturam altius penetrare nequiuerat, in prælium redire con  
 stituit. Sed audita morte Vstaogli, cui propter eximiam rei bellicæ peritiam  
 magnopere fidebat, suadentibus etiam amicis ne plagam adhuc calentem despi  
 ceret, salutique consuleret, quadrato agmine ac lento gradu, vt nihil fugæ simi  
 le discessus habere videretur, recipere se cœpit, præteruectusq; Taurisium, mo  
 nitis vrbis primoribus, vt portas Turcis aperirent, præsidiumque acciperent,  
 ne quid detrimenti ex vana constantia paterentur, in Medorum fines conce  
 sit. At Turcæ tot incommodis conflictati, quum neque præ timore animos, ne  
 que præ lassitudine vires ad insequendum haberent, ad Persarum castra dela  
 ti, ea nullo defendente ceperunt. Inuentæ sunt, præter tabernacula picta acu, &  
 serico atque auro intexta aliamque pretiosam suppellectilem, complures nobi  
 lissimæ mulieres, quæ viros secutæ fuerant, quas Selymus intactas sine pretio  
 remisit. Retulere qui huic prælio interfuerunt, nonnullas fœminas inter caeso  
 rum acervos repertas, quæ thoraces galeasque indutæ, & secutæ viros vnâ cum  
 eis strenuè pugnando ceciderant. Hoc maximè euentu Calderanis in campis  
 ad Choim pugnatū est septimo Calend. Septembris, eius anni qui fuit à partu  
 Virginis millesimus quingentesimus decimus quartus: quo prælio Selymus  
 supra triginta milia hominum amisit: in quibus præter Cassembassam Graciæ  
 Bellerbechum, septem Sanzacos, & in his ipsos quos diximus Malcocios fra  
 tres, dum alter alteri cum circumuento opem ferre conatur, cadentibus equis  
 interfectos: sed præter Asapporum inconditam multitudinem obiectam ca  
 di, equites Illyrici, Macedones, Triballi, Epirotæ, Thessali, Thracesque, haud  
 dubie flos & robur exercitus, qui in dextro cornu fuerant, magna ex parte au  
 cessi aut vulneribus debilitati sunt. Selymus confessione hostium victor, quum  
 ab Choi cæterisque vicinis vrbibus, & ab Taurisio legationes in castra venis  
 sent, quæ se commeatum affatim dare, & imperata facere paratas dicerent, ad  
 Taurisium profectus est, studio visendæ atque obtinendæ Persarum regiæ.  
 Ea vrbs ab Choi vbi pugnatum est, itinere bidui distat: fuitq; antiquitus Pro  
 lemæo Terna, quæ abest à proximo Hircano mari ad Bacucum portum centū  
 quinquaginta milibus passuum. Ciues aduentantibus Turcis præsto fuerunt,  
 & magnam vim commeatus extra portam conuexerunt, vbi occupatis subue  
 banis ædificiis Turcæ castra posuerant, quum in maxima & frequentissima ci  
 uitate pernoctare parum tutum existimarent, portas tamen tradentibus Per  
 sis, imposito præsidio tenuerunt. Ferunt Selymum, qui salutem suam Persis te  
 mere minimè committebat, nunquam ingressum urbem, nisi gregarij equitis  
 habitu: aliqui verò celebri pompa in regijs ædibus publicè conuiuatum fuisse,  
 verbaque ad Taurisianos de victoria consilijsque suis fecisse confirmant. Sed  
 vix decem dies Taurisij moratus, quum in Armenia contra voluntatem præto  
 rianorum hyemare statueret, ad frequentes de hoste nuncios consilium muta  
 uit, quod Hyfmael accita valida manu Hiberorum & Albanorum equitum,  
 cum Parthis atque his equitibus qui pugnae interfuerant aduentare ferebatur.

Quibus



Quibus de causis Selymus, qui supra centum & quinquaginta armatorum mi-  
 libus in acie constitutis, ægrè se triginta Persarum milia sustinuisse, & casu ma-  
 gis artificioque tormentorum, quàm vera virtute, eos superasse meminerat, e-  
 stimatisque Taurisianorum viribus, quorum fidem et multitudinem suspectã  
 habebat, in Cappadociam redire cõstituit. Itaque abductis pluribus fabrorum  
 excellentiumque opificum familijs, eorum maximè qui arma telaque elabora-  
 ti operis fabricabant, & magna visceri & commeatus inde exportata, per Ho-  
 bordenam & Balisenam regiones, longiore aliquanto itinere ad Euphratem  
 contendit. Ne enim appropinquantibus Hiberis obuius fieret, redire ad Ara-  
 10 xem, & Periardis montes circuire nolebat. Hysmael cognita eius profecti-  
 quãta & ipse maxima potuit celeritate eum subsecutus, magis ac magis cursum  
 intendere, & præfestinatione impedimenta passim ac milites vulneribus & va-  
 letudine debilitatos relinqui coegit. Neque prius (quod ille magno interuallo  
 antecede-  
 bat) extremum Turcarum agmen consecutus est, quàm ad Euphratẽ  
 peruenit. Ibi Selymus biduum moratus aliquot effectis ratibus peditatũ trans-  
 mittebat. Quæ quum tantę multitudini non sufficerent, plures inflatis vtribus  
 innixi flumen tranabant: alij effractis dedita opera curribus, eorum materia ad  
 natandum utebantur. Ipse imperator lintre vectus, quum vniuersus equitatus  
 ad perfringendam vim fluminis vno agmine ingressus profluenti se opposu-  
 20 set, in vltiorem ripam euasit. Quæ res peditibus periculum minuit, & mol-  
 liorem transitum currulibus tormentis, camelisq; & cæteris sarcinarijs iumen-  
 tis dedit. Periere tamen, quum iam in conspectu Hiberorũ antecursores essent,  
 atque ob eum timorem excitato tumultu tota ripa trepidaretur, circiter duo mi-  
 lia hominum, hæserantque limoso in vado aliquot falcones, & impedimento-  
 rum quoque partem vorticosus amnis abripuit. Hiberi qui recetioribus equis  
 Persas antecesserant, contenti ijs quæ relicta erant, insequendi finem fecerunt.  
 Nam tormentorum currus inter se vi vndarum implicati, bonam partem sarci-  
 narum retinuerant: multaque alia ripis & vadis hæserant, quæ haud magno la-  
 bore funibus extrahebantur, læto plurimum Hysmaele, quod tormenta quib.  
 30 maximè tantam cladem acceperat, eiectione ac fugato hoste cepisset. Porro Sely-  
 mus è manibus Persarum fuga elapsus, longè infestiora itinera ad Antitaurum  
 inuenit. Nanque Aladulus despecta eius fortuna ad prædandi occasionem sibi  
 oblatam, angustias dispositis passim montanis hominibus infederat, qui more  
 latronum noctu maximè in Turcas impetum faciebant, & quum viæ admo-  
 dum syluestres & confragosæ fessum agmen exciperent, à tergo & à lateribus  
 incursabant: direptisque impedimentis in nemora & notas rupes reuerteban-  
 tur. Aladulus, cuius hæc fraude fiebant, interdium excusare se, nihil sua voluntate  
 fieri: homines agrestes latrocinijs assuetos proprio consilio atq; audacia ea dam-  
 na inferre, eos tamen pœnas daturus: se enim breui eius maleficij authores re-  
 40 perturum. Interim in speciem amicitiae datis aliquot dierum cibarijs, noctu in-  
 festas latronũ manus, quæ opportunis in locis transeuntibus occurrerent, im-  
 mittebat. Quibus malis neque consilio Selymus, neque virtute milites prou-  
 dere poterant. Tandem quod dissimulata iniuria hominis perfidiam alio tem-  
 pore vindicandam arbitrabatur, Trapezuntem atque inde Amasiam Cappa-  
 docię peruenit, vbi reparandis copijs intentus, hyemem egit, primo statim Ve-  
 readuersus Aladulum, & montanos barbaros, qui tantum detrimenti pauo-  
 risque intulerant, bellum gesturus. Lubet hoc loco tantisper euagari dum Sely-  
 A



mus atque Hysmael, qui hac ætate terrarum orbem nominis sui fama compleuerunt, inter se comparantur, ut tot ingentium præliorum admirabiliumque bello casuum seriem legendo, fæsis peramœno nec inutiles diuerticulo requies quærat. Quod ob id certiore cum venia fecerim, postquam hic annus à turbata pace vnde uigessimus magnis ad Orientem cladibus insignis, ad Occasum in spem exoptatæ, sed nondum maturæ tranquillitatis bello vacuus, atque otiosus fuit. Ambo igitur sicuti in dyto genere, ætate integra, immenso indomiti corporis, ac ingentis animi vigore, opibus, & pari denique imperij fortuna persimiles, parem claritatis & gloriæ famam obtinent, ita moribus, institutis & disciplina militiæ multum inter se differunt. Primum omnium, ut præclare constat, supra mutuum utriusque gentis odium, ab auis patribusq; per manus traditum, insana persuasione diducti inter se de sacrorum placitis altercantur, quum hic Homarem, ille Halym præcipuos Mahometis interpretes diuersa superstitione dissidentes, altero sanctiorem existimēt, ac imagine pietatis iustam belli causam prætexant. Quanquam non obscure dissimulata cupiditate, ad id unum, sed diuerso itinere contendant, ut confirmatis auctisque opibus, tot regnorum termini quam latissimè proferantur. Quod ex professo Hysmael ad Darij atq; Xerxis, qui subacta Asia in Europam ingenti ausu traiecerint, & Selymus ad Alexandri Macedonis, qui regna Persarum euerterit, magnitudinē & gloriam aspirent. Nec inanibus omnino votis, quum honesto tuendæ religionis nomine, Fortuna pari libidine ingenio eorū ambitioso, audaci, immo doratoque intemperanter arrideat. Qua non absimili perturbatæ religionis peste à Luthero Saxone nuper inuecta, Christianas quoque gentes inter sedigladari videmus: quasi cælum aliquo maligno sydere pacem & tranquillitatem infami huic seculo prorsus inuideat. Sed in Hysmaele mira pietas usque adeo refulget, ut vitia, si qua sint regij fastus, eius fulgore perstringantur. In Selymo autem omne virtutis decus inhumana crudelitas elidat & obscuret. Hic enim poena, & præmio vim imperij tuetur, sed aliquanto grauiore seueritatis quam beneficentiæ fama, quod ab exacta disciplina in seruos, quibus multo maxima Othomannicæ militiæ pars constat, lege agere vel truculenter expediat: secus ac vultu euenit Hysmaeli: ex prima utique nobilitatis classe liberisque hominibus militiæ roborum conscribenti, apud quos temperatæ iustitiæ, humanæ comitatis, & popularis indulgentiæ studium maximè valet, ut fides & amor, & parendi obsequium parentur: quod nemo honestis ortus parentibus existat, qui non multo grauius flagitij dedecus, quam supplicij poenam reformideret. Ut minime mirum esse videatur, si his tanquam generosis artibus Hysmael, augusti nominis maiestatem egregiè glorioseque defendat. Ad hunc quoque maximarum virtutum concursus pulcherrimo naturæ munere decora facies accedit, magnanimo digna rege: ore nanque roseo, radiantibus oculis, flaua barba, & quod antiquum apud Persas regiæ stirpis insigne est, ad unco naso, illustris, que facundia, omnium oculos atque animos capit. At in Selymo, triste supercilium, prægrandes toruique oculi, & Scythico pallore suffusa facies, rigentesque setæ à superiore labro ad ceruicem retortæ, & nigricans ad mentum subtonsa barba, ita vim militarem & inexorabilis naturæ spiritum exprimunt, spectantesque perterrent, ut nihil omnino nisi fæuum & immane prorsus ostendat. Nec diuersos vultus, ideoq; dissimiles animorum habitus, nisi dispar rerum prope omnium disciplina cōsequitur. Nam Hysmael aditu pariter & alloquio

benignus



benignus & facilis, nihil ferè quod regiam personam respiciat, nisi palàm agit. In propatulo siquidem magna procerum frequentia liberaliter epulatur, & varia venatione, falconumq; volatu, & præda magnoperè gaudet, cum procerib. semper legatisq; externorum regum communicata voluptate. In Itadio etiam & in palæstra cum primoribus aulæ, vti est equitandi & sagittadi peritissimus, honesta atque vtili contentione corpus exercet, adeò populariter, vt in piscina inauratis septa porticib. palam natare minimè dispudeat. Vxores autem quas ex Satraparum Regulorumq; ordine virgines cum decorè formæ, tum præstanti morum fama illustres, in coniugalem thorum recipit: si fecundæ sint, neque  
10 fastidit, neq; repudiat vetere Persarum instituto, qui cōiuges amare tenerius, impensius colere, in regia prætorioq; familiarius habere, & tanquam vtriusq; fortunæ consortes, cum liberis atq; nutricibus, & pretiosiore gaza, vel ad longinqua euntes bella secum ducere consueuerunt, graui quidem impedimento sumptuq; quod magnis ac ornatissimis camelorū gregibus vehantur, nisi præsentia carissimæq; pignora bellatores patres ad virtutem accenderet. Contraria ratione Selymus in arcano cuncta vitæ munera dispensat, puerorumq; imberbium & eunuchorum ministerio cōtentus, sine conuiua discumbit, ac vno ferè simplicissimo cibo naturæ desiderium implet. Rarò nisi sacrorum causa die Veneris, qui Turcis est festus, in publicum prodit. Sed adeò prætorianorum  
20 turba circumseptus, vt ægrè vel ipse solus eques inter hastatos cristatosque milites, & superbè submouentes spectantium turbam, ex facie dignoscatur. Nec temerè equo vectus in suburbanis prædijs spatiatur, quū per freti angustias ad Asiæ propinqua littora bireme aduehi malit. Vxores a regiae liminè procul arceat, quas tantum prolis causa, nec familiari quidem vultu complectitur, quod natura modicæ libidinis, & in mares pronior, corpus atque animū virilem foeminarum illecebris eneruari existimet. Rarò itaq; ad claustra virginū, quæ sunt media in vrbe Byzantio, altis, & vndiq; cæcis parietibus septa, contendit. Has magno numero Christianis parentibus ereptas, aut a prædonibus varijs interceptas casib. matronæ insigni pudicitia, et vetuli spadones accuratè custodiunt.  
30 Mahometanisq; sacris initiatas diligenter erudiunt, vt Arabicè legere, ad harpem & cytharam psallere, saltareq; decenter, & acu scitè pingere perdiscat. Verum eas Selymus omnium rarissimè inuisere cōsuevit, vtpote qui minimè mulierosus, nec numerosæ sepeq; infaustæ prolis cupidus, non ex seruili Christianoque sanguine, sed ex Bosphorani regis filia Tartarorum stirpis, hunc vnum imperij hæredem Solymanū imberbis adhuc adolescens suscepisset, quem hodie ex matura iam atrociq; indole, nobis discordibus, sæua arma comminantē (nisi magnus Deus paratam auertat cladem) vndiq; socordia nostra victorem euasurum ominamur. Otium porro, si quod impensè vigilanti & semper intento, ex grauissimarum rerū consilijs superest, accito in hortos aliquo purpurato  
40 rum, aut familiariū deambulando ita traducit, vt quum longè seuerèq; puerorum colludentium palæstram spectet, de serijs multa sciscitetur atq; deliberet: secretiores vero mollioresq; horas balineo, euoluendisq; maiorum suorum & externorum regum annalibus impartiat. Hoc quoq; studio auum Mahometem emulatus, qui gentium propè omnium reges, rerum bello gestarum fama inclytos versis in Turcicam linguam historijs nō modò scriptis, sed imaginib. excellenti pictura expressis representari sibi curabat, impetrato à Venetis ad id munus Gentile Bellino pictore præstantissimo, vt grauib. exemplis magis ac



magis ad extendendam famam accenderetur. Vir enim ille ex arcano animo  
 mnis religionis contemptor, vnis tantum bonæ Spei, bonæque Fortunæ tan-  
 quam certis numinibus sacra faciebat. Vt non ineptè modo Selymus Baiaze-  
 tis patris occupationes, atque vigilias irrideret, quod Auerroi nihil pro certo  
 de natura animorum, & cælestis motus ratione explicanti, equo impensius de-  
 ditus, arguti philosophi inter ociosos sapientiæ professores, quàm inter milites  
 ad arma natos strenui imperatoris nomen tueri mallet. Cæterum Hysmael uti  
 ab ineunte ætate sacris imbutus literis, disciplinarum propè omnium studia præ-  
 alto ingenio ad cōtemplationem rerum diuinarum ita referebat, ut veteres Ma-  
 gorum & Brachmanorum arcano dogmate, seipso, qui ambitiosum Sophi co-  
 gnomen susceperat, admirabilior euaderet, quum iam pridem cælestis sapien-  
 tiæ & diuinationis opinione, apud gentem religionibus atque miraculis capi  
 facilem, incredibiles victorias, & tantum denique imperium sibi nouo propè  
 homini peperisset. Diuersissima porro, & ut mihi videtur planè iniqua Persæ  
 cōditione bella gerunt. Nam si sicuti equitatu mirifico maximè pollent, ita nul-  
 lum omnino certum ex conscripto inueteratoque pedite robur instituunt: qua  
 parte virium Turcæ ætate nostra memorabiles sæpe victorias consecuti, nec vs-  
 quam victi, grauissima bella confecerunt. Magno quoque incommodo Persis  
 euenit, quod nec scelopettis vtantur, nec tormentorum currulium copia abun-  
 dent, quorum terribili præsidio cuncta peruincuntur, luctuoso quidem exem-  
 plo Vstumcallanis & Hysmaelis, vel egregiè victor equitatus, & nuper in Cal-  
 deranis campis, & patrum nostrorum memoria ad Harfengam et Euphratem,  
 insolitum eorum equis reboatum cruentamque procellam sustinere nequie-  
 rit. Neque enim vlla in parte Persa cataphractus, cum inermi propè Turca vi-  
 detur comparandus. Nam squamosi thoraces, lorice ferree, bucculata cassides,  
 & cono insignes galeæ, clypei que auratis vmbonibus rotundi Persas vndique  
 protegunt, Turcam vero ex Europa penitus inermem, vix dimidium quadra-  
 ta & inflexa pelta operit, quum Asiatici clipeis molli arundine in spiras & disco-  
 lore serico contextis vtantur. Persa quoque brachium & dextram operoso fer-  
 ro munitus, fraxinea ancipiti lancea rem gerit, qua ad medium comprehensa  
 more Numidarum ab alto sæpe ictus repetens, viros & æquos inermes facile  
 perfodit: quum Turcæ Græcorum consuetudine adpressas lateri inclinatasque  
 ad equi aures hastas (uti sunt fragili abiete leues) ad primum impetum collatis  
 equis diffringant, & ad gladium incuruum statim clauamque ferream, reliquis  
 armis impares redire cogantur. Neque enim Persarum generosis & robustio-  
 ribus equis insidentium congressum ferre possunt: quoniam eorum equi fron-  
 talibus ferreis & tegumentis recocto è corio Italicarum bardarum similitudi-  
 ne vestiantur, que confertis laminis, aut infarcto bombycis & gossipij tomen-  
 to ita muniunt, ut quamlibet telorum contumeliam perferant. Qua de causa  
 nemo nisi temere sagittarios, equites aut pedites Turcas cum Persis contulerit.  
 Hi siquidem latis et multo neruorum nexu validis arcubus instructi, crassiores  
 Scythicarum instar, ideoque lethales sagittas emittunt. Qua rerum omnium col-  
 lata, Sophianus exercitus, tanquam regi suo ab excelsæ diuinæque mentis opi-  
 nione, & religioso quodam sacramenti iure, nusquam reformidata morte dedi-  
 tus deuotusque, Turcis vel numero inferior ab eximia virtute insuperabilis vi-  
 deri possit, nisi dira hac indignaque fortibus viris vi tormentorum, aut inusi-  
 tata multitudine copiarum obruatur. Quod vero Hysmael ex tot prouincijs  
 quondam



quodam armorum gloriæ clarissimis in vnus imperij potentiam coactis, pauciores opinione copias educat, præsertim aduersus Othomannum in Armeniam vsque infesta populatione penetrantem; hanc præcipue causam reperiēbamus, quod remissis tributis sublatisque vectigalibus, ad colligendam libertatis famam, ærario minus studeat, vt tum maximè necesse fuit ipsi nouo regi propinquos suos ab Vslumcassane auo patreque Iacuppo legitimos imperij hæredes impotentibus armis extrudenti. Quamobrem signata pecunia semper eget; nec ideo quum bellum oritur iustis & validis neruis arma expedit, quanquam multarum rerum Orientis regio ferax, & tot opulenta regna benigne atque largissimè ex necessarijs ad vitæ atque militiæ vsum copijs stipendiorum supplementa suppeditent: secus ac Selymo accidit, cui pedites & equites tormentorumque magistri, & præfecti classium, singulisque etiam totius bellici & domestici apparatus officijs præpositi, diurna, aut menstrua presentis pecuniæ stipendia à quæstoribus accipientes perpetuo militant. Nec ad institutū thesauri vnquam deficiunt, quum Byzanti septem in turrib. argenteæ aureæque monetæ ingestimabiles cumuli recondantur, omnemque sumptum quarta parte, tot tributorum & vectigalium annui, atque perpetui redditus exuperent.

Tria sunt genera militum apud Persas, Prætorianorum scilicet, Euocatorum, & Auxiliarium. Prætoriani certa stipendia merent, alunturque sumptu regis, qui eis veterè instituto, & statis anni temporibus ad descriptam rationem, arma, equos, vestem, tentoria, com meatum, alternante liberalitate elargitur. Horum ornatissimo comitatu validoque maximè præsidio circumseptus, frequentis aulae dignitatem tuetur, & mutando loca ad herbidas regiones provinciarum nobiliores vrbes inuisit. Ingruente autem bello dynastæ, reguli, tetrarchæ, & antiquæ nobilitatis beneficiarij, qui traditas à maioribus, aut à regibus dono datas oppidorum & agrorum ditiones obtinent, ad edictum euocantur. Eodem prope iure, hisdemque legibus imperata facientes, quibus in vniuersum nobilitas omnis in Hispania, Gallia, atque Italia regibus operam præstare consuevit. Horum magnus est numerus, qui liberaliter instructi ad signa cōueniunt: sed exquisito delectu habito, nunquam viginti milium equitum numerum implent, quorum vix tertia pars, eo quem diximus, insigni armorum apparatu instructa, in aciem prodit; quum reliqui ferè omnes contenti galeis, præduris centonum munimentis loricati, diuersisque protecti scutis, hastis simul et arcibus præliantur. Nam alterna arma, vti vsus locusque deposcit, expedire, & scutis in tergum reiectis retroque ad lorum suspensa lancea, auersi pariter & aduersi sagittare didicerunt. Verum qui è Perside vrbeque regia nomine Scyras, in qua præcellentis temperaturæ, nobiliorisque artificij splendida arma fabricantur accersiti veniunt, summam virtutis obtinent opinionem. His Asyrj auctoritate nominis proximi accedunt, cum Medorum & Parthorum regna omnium optimos & peritissimos (præter vnos Scythas) sagittarios mittant. At Armeni in vniuersum pedibus pugnare malunt, & in cohortes describuntur: quæ longa seriè planorum ingentium scutorum solo defixa, sese tanquam obiecto vallo aduersus equorum impetum defendunt, breuioribus hastis & securibus, sagittisque item, & manubriata sæpe funda cominus & eminus dimicantes. Auxiliares autem copie ex Hiberis & Albanis, ab eorum fœderatis regibus Mediæ Armeniæque finitimis mittuntur, qui magna ex parte semichristiani, par odium aduersus Othomannos exercere, & ferre arma consueuerunt. Sed



postquam ad hunc historię locum est deuentum, nō iniucundum, vt arbitror, legentibus erit, si quę de Hyfmaelis prouincijs vrbibusque, & de Caspij maris accolis, vltiorumque regum potentia longo labore didicimus, summatim enarrentur, vt curiosis ingenijs non fabulosa, vti paulo ante etatem nostram accidit, sed certa, & explorata vndique mercatoribus, ac varijs legationum commentarijs illustrata referatur. Inter Sophiani imperij prouincias, Armenia maior primam obtinet claritatem, Taurisio regia vrbe insignis, quę Terua Ptolemeo antiquitus fuit, vel, vt Hebręis quibusdam linguarum & regionum peritis videtur, Susa priscae quondam celebritatis. Distat à Caspio mari, vrbeque Bachu orę proximioris quinq; dierū itinere, & ab Artaxata, quę hodie Choim appellatur, Calderanisq; campis recenti Selymi praelio nobilitatis, circiter passuum octuaginta milibus. Inde contendenti ad meridiem Sulthania visitur, quę admirandas dirutę magne vrbis reliquias ostendit, integris adhuc præcellentis structurę Mahometanorum delubris: quibus superiore seculo Tamerlanes Scytharum imperator cuncta obuia immaniter euertens, tactus religione pepercerit. Hanc ex Tigranocertę ruinis ædificatam existimare par est. Ab hac Sulthania in Persidem inter Meridiem & Occasum procedentibus, oppida incurrunt Comum, Casanum, & Hiesdum sericę telę mercimonio mercatoribus nota. Extenditur autem ea regio ad vrbem regiam nomine Scyras, quā non inepte Cyripolim antiquitus fuisse aliqui arbitrantur. Ea est elegantium armorum officinis toto Oriente clarissima: nec ab hac Carmanię regionis caput multum distat, quod Chirmanim appellant, incomparabili chalybis temperatura in acinaces, & lancearum mucrones celebrata, quę vel immenso pretio à Turcis cupidissimē coemuntur. Nam eius ferri ea vis est, vt vno ictu nostrorum galeę discendantur, nihil retusa omnino acie, & lancearum mucrones solidum pectorale transfodiant. Carmanię vetus nomen in Narasingam abiit, cuius hodie rex opulentus, & equitatu pollens, imperij terminos profert vsque ad Cananorę, Cucini, & Calecutę Indici maris emporia, quę nobis Lusitana classis aperuit, quum ab Atlantico Oceano vltimum Aethiopię promontorium, ingenti spe, vnde ei nomen, inusitatoque ausu præteruecta vltra Arabicum, Persicum, & Gangeticum vastissimos sinus, ad auream vsque Chersonesum, extremaque Sinarum littora coemundis aromatibus negotiationem extenderent. Tertia regio Asyria censetur, cuius regia vrbs est Bagadad, olim Babylon, condente Semirami muro latissimo, atque eius reginę pensilibus hortis, & demum Alexandri Magni immatura morte celeberrima. Ab hac Babylone Euphrates rapto secum Tygri amne in Persicum euolutus sinum classibus nauigatur vsq; ad Balzeram, insigne emporium Teredonis insulę, quam bicornis fluuius efficit. A Balzera mercatores per sinum nauigatione trium dierum Armuzum, quod adhuc nomen retinet, lenibus ventis perueniunt. Id positum est ad freti fauces parua in insula tropico Cancris subiecta, ideoq; immensis feruoribus solstitio infamis, nisi Armuzenses incolę magno artificio pertubus recta in summa ædium euadentes, nocturnam diurnamque auram exciperent, concitatoque demum per angustias incluso spiritu, immitis aeris calores ventilando discuterent, & merfi ligneis lacubus frigidę aquę balneis vterentur. Armunti magnus vndique gentium propē omnium mercaturę causa fit concursus, quod in vadis Persici sinus vrinatores eximij margaritas & vniones piscantur, & ad id summe opportunitatis emporium illinc remotiores Indirades &



des & impolitos adamantes, & carbunculos, pretiosioraque aromata (hinc vero Rubri maris accolę Felicis Arabię diuitias) itemque Aegyptij, Syrię, & Lusitani corallium præsertim exoptatum Indis, & varia nostri orbis mercimonia, tanquam ad perpetuas nundinas comportent. Mesopotamia autem, quæ in Occasum vergit Assyriæ contributa, Euphrati, & Tygri, vnde ei nomen, & Tauro item monte ad Corum terminatur. In ripis Euphratis sita est Byrta, quæ hodie nomen retinet, vbi commodioribus ripis hinc & inde superatur. Quo traiectu vsi Persæ, non semel in Comagenem vsque ad Alepum irruerunt. Quibus iniurijs commotus ætate nostra Caithbeius Aegypti Syriæque Sulthanus, bello semper victor, Euphrate gemino ponte constrato, parem Mesopotamiæ cladem rependit ab Orpha vsque ad Caramitam, quæ vrbes antiquitus Dara atque Amida vocabantur, repentina excursione cuncta obuiapopulatus. Cæterum quæ ad Orientem solem spectant Medorum & Parthorum regna, ab Occasu mare Caspium curuatis littoribus complectuntur. Id manifesto exitu caret, occultis, vt credi par est, haurientis naturæ specubus, & cæcis vadis absorptum. Quod vtrique mirum est, quum tot influentium amnium perpetuo decursu, neque auctus exundet, neque diluta falsugine mitigatus, vnquam dulcescat. Toto autem ambitu in ouatam speciem ab Africo per obliquum ad Boream se extendens, Euxino ponto magnitudine ferè pareuadit, si a Ponto Mæotis palus, Zabacca hodie vocata, recidatur. Celebres ad Mediæ littora duo sunt portus, alter ad urbem Bacchum, vnde mari hodie nomen, mediterraneę vrbi regiæ, quā nunc Sumachim (olim fortasse Gamalam) vocant, propinquus, alter vero ad Derbentum urbem, Caspiasq; portas ab Alexandro Magno, vt ferunt, aduersus Scytharum irruptiones ædificatam. Abruptæ siquidem Caspij montis rupes, vsque adeo ad mare coarctant iter, vt ex fluctibus, deuoratiq; in profundum eius littoris margines, vix duorum stadiorum aditum transeuntibus relinquant. Ea enim forma Derbentum in edita montium crepidine situm est, vt duobus ex quadrato lapide muris ad mare deductis, inferiora ædificia, & nauigiorum stationē tanquam duobus brachijs complectatur, non maiore quàm trecentorum passuum interuallo; quod spatium singulis vtrinq; ferreis portis, superstantibusque propugnaculis, ita munietur, vt perpetuis custodijs, nisi clara luce & explorato littore viatores, nec admittantur, nec recepti intra portam, altera prius emittantur, quàm portorium persoluant. Nauigia quoque intercluso eo in littore commodam habent stationem. Sed toto Caspio mari nec Hysmael, nec quisquam alius princeps classe nauigat, quod ex gentes rei naualis imperitę & rudes, lintribus tantum onerarijs oram lambentes vtantur, nec alto se committere audeant, propterea quod nondum magnetis vsum, & membranas itinerum, & cursuum mensuras, ventorumque rationem pictura continentes nouerint, & magnis etiam anchoris aptioribusque dolonum velis careant. Secundum Medos Parthi in Volturnum spectantes, maritimas vrbes habent Sandaram, & Strauam, et bombycū & pexi subtilioris Serici copia claras, sed propter vadosa admixtisq; dulcibus aquis palustria littora, pestilentes. Ob id vrbs regia nomine Spaham à mari longissimè recedit. Hæc inter memorabiles magna quidem ambitu, sed cretaceis mœnibus cincta, bellicoso populo frequens est, & innumeris Serici textrinis opulenta. Ad Parthos Sophiani imperij extremos Hyrcani, & secundum eos Coraxanæ regionis incolæ succedunt Arriani scilicet, Margiani, Aracosij, Bactria-



ni, qui hodie vno nomine Zagatai vocantur, Persarum antiqui hostes, atque hodie Hysmaeli maximè infesti, & cruenta factione dissidentes, quod Sophus Cuselbas (id est, rubrum caput) cōtrā Zagataius, Cacebas (id est, viride caput) appellantur: ea factione deducta à coloribus, quibus tegumentorū capitis prælongi apices cinguntur. Has gentes diuidit Oxus amnis, qui alienis vndis ausus magna aquarum mole, multisque ostijs in mare effunditur, adiacente vrbe Bactrā, quæ hodie Ephra dicitur. Nec inde multum abest vrbs Eri, Arriang provincie, circumambiente piscoso lacu egregiè munita, & cyani lapilli, quem Turchinam vocāt, prouentu pernobilis. Ad Boream verò in Sogdianis longè à mari, Iaxarti fluuiio imposita vrbs Samarcanda, Zagataiæ regionis metropolis, amplitudine & structura ædificiorum rerumque propè omnium copia, ceteras eius tractus vrbes antecellit. Hanc Alexandri magni temporibus auctore Q. Curtio, notam fuisse perspicimus, constatq; inde ortum esse Tamerlanem, qui patriam demum senescentem & dirutam instaurando atque augendo, immensis opibus & spolijs deuictarum ab se gentium exornauit. A Samarcanda ostioque Iaxartis molliter curuato maris sinu, ad Rha flumen à nostris Volga, & a Scythis Hædil appellatum, magnæ interiacent solitudines Tartarorum paucis dicatæ. Horum plura sunt ingentia agmina errantium, ciuitatum instar, quæ Hordæ eorum lingua vocantur. His nobilitate generis & bellica virtute præstantes imperant, Canesque appellantur, quæ vox Tartaricè imperatorem sonat. Ea gens in vniuersum fera & inops, omnisque humanitatis expers, solis confisa sagittis, equina carne, eaque semitosta manantibus tetro cruore gingiuis spurcissimè vescitur. Continenter cum finitimis bella gerit, & vsque ad Cataium Sinarum regionem, & urbem Cantam, totius orbis longè maximam & opulentissimam, extenditur. De Cataio Lusitani negotiatores multa memoratu digna referunt, in primisque Cantam urbem Venetiarum similitudine circumfluente mari ea ratione ædificatam, vt lapideis pontibus ædificia coniungantur, eaque in sicco secundum fundamenta latos aditus perpetuis munitos podijs, commeanti populo relinquunt. Excelsas esse domos, earumque fenestras more nostro clatris ferreis, & specularibus vitreis exornari: hortos & pomifera viridaria passim conspici, quod Arcticus polus non plus L VII gradibus eleuetur. Viros autem vxoresque protectis nauculis, & quum lubet equis et carpentis more nostro circumuehi: nobiliores coloratis atque distinctis talaribus togis uti, barbæque habitu atque incessu Venetos patritios referre: diuersa autem ab alijs gentibus numina coli: & quod maximè mirandum videtur, ibi esse typographos artifices, qui libros, historias, & sacrorum ceremonias continentes more nostro imprimant, quorum longissima folia introrsus quadrata serie complacentur. Cuius generis volumen à rege Lusitaniæ cum elephante dono missum, Leo pōtifex humaniter nobis ostendit, vt hinc facile credamus eius artis exempla, antequam Lusitani in Indiam penetrarint, per Scythas & Moscos ad incomparabile literarū præsidium ad nos peruenisse. Ipsum vero Catainorum regem infinitis populis terra marique imperare, tantisque rerum omnium opibus (quod innumerabiles alat copias) valere, vt ei Europæ reges collati in vnum parēs esse nequeant. Sed hæc ab alijs copiosè enarrata relinquentes, ad Volgam vnde discessimus, reuertemur. Is à Riphæis ortus paludibus, à Septentrione in Meridiem multis nauigabilibus fluuijs, & in his Occa & Mosco secum raptis, in mare Caspium tribus faucibus prorumpit, omnium



minium qui in id influunt mare, longissimo cursu, & vasta aluei latitudine ma-  
 ximus, utpote qui Araxe (Armenis Arathi vocato) & Oxo Bactrianorum du-  
 plo maior atque profundior existimetur, sed quem tamen Tartari tranantes  
 minimè reformident. In eius ripa positum est emporium nomine Cytracam,  
 vnius diei nauigatione à latissimo ostio recedens. Hac in vrbe concurrentibus  
 vndique Scythis & Moschis, Orientis opes, aromataque in primis & Sericæ  
 vestes, cum Septentrionalibus mercimonijs permutantur. Ea constant gregi-  
 bus equorum, pellibus libellinis, albisque centonibus, aduersus omnem im-  
 brium & frigoris iniuriam probatissimis. A Volga directo & mox inflexo lit-  
 10 tore patentes campi de generis pabuli feraces frequentibus, Sciabanorū et Cas-  
 sanorum Hordis peragrati, ad Derbentum vsque extenduntur, qua iere supe-  
 riorum temporum Tartari, Schytæ, Hialone, Abaga, Tamerlaneque ducibus  
 in Cappadociam & Syriam penetrantes, quod nullus omnino alius commo-  
 dior aditus, ut iam diximus, magnis copijs ad inuadendam Citeriorem Asiam  
 pateat, si Derbentanis claustris arceantur. Nam Albanorum regio, quam ho-  
 die Seruan appellant, proxima Mediæ & mari Caspio imminens, Caucasæ ru-  
 pibus inaccessa est: cui niuosi admodum excelsique montes & abruptæ valles ca-  
 tenatis inter se rupibus adnectuntur, pertinētes ad Georgianos qui hodie sunt  
 Hyberi: & ad Mengrellios, qui Colchorum & Albanorum regna ad Phasim  
 20 annum incolunt, paucis ante annis Bendian Colchis, Georgianis Pancratijs,  
 Albanis Aguasapas imperabant. Regiæ eorum sedes sunt, Phasium introrsus  
 à mari, retento veteri nomine Phasi fluuio impositum. Insula Oetis & Medeg,  
 vellereque aureo poetarum carminibus celebrata: inde Cotachis & Gorgora  
 Asperrimis in saltibus sitæ. Hi reguli pari studio, tanquam amici fœderatique  
 Persarum regibus læuia tributa pendunt: Christiano more, sed Græcorum ri-  
 tus sacrificant. Ex his maximè bellicosi Albani sunt: secundum eos Hyberi, quū  
 Mengrellij stoliditate, temulentia, & latrocinij infames existimentur. Hi O-  
 thomannicis finibus ad Trapezuntem propinqui, à Caspio mari recto itinere  
 quingentis milibus passuum distant, nullis vnquam lacesiti armis, quod ini-  
 30 quitate locorum difficultateque egregiè muniti, sola defendentis nature muni-  
 menta inuadentibus obijciant. Ultra Colchos Circassij lunatum Euxini litus  
 vsque ad Tauricam Chersonesum occupant: gens rerum propè omnium indi-  
 ga: sed quæ sorte quadam ad Aegyptij imperij fortunam aspiret, quum inde  
 Circassiorum liberi empti pecunia, & Memphim asportati, plerunque Aegy-  
 ptijs amisse libertatis oblitis, regium adepti nomen imperitent. Hæc ferè sunt,  
 quæ de Persici imperij conditione Hysmaelisque moribus summatim describi  
 possint, ab occupato præsertim, & uti semper aliàs ad enarrandam rerum ge-  
 starum seriem properante, quando iam nos Selymus reuocet, ut aliqua de na-  
 tura Othomannici principatus, institutisque militiæ referantur. Quæ tum  
 40 magno vsui futura arbitror, quum Christiani reges non obliti veræ pietatis,  
 sacrum bellum pro salute publica suscipient. Primum omnium Selymus præ-  
 claro felicitis atque inuictæ virtutis maiorum suorum exemplo, impotentis ty-  
 ranni more, ita liberis hominibus dominatur, ut non alijs ferè quam fortium  
 seruorum consilio & viribus tanti imperij fortuna constet: quod alienas oc-  
 cupanti terras nihil magis expediat, quàm ignobilium seruientiumque volun-  
 rates & studia, propositis præmijs promereri: quoniam id vnum ferè genus  
 hominum, à spectata virtute ad opes amplissimas, summosque honores ex tu-



to prouehi, extraque tumultum & inuidiam pro libidine plecti possit. Quae de causa homines Turcas, antiquae stirpis nobilitatem referentes, ex arcano Selymus odit, quum eos tanquam imperij æmulos planè metuat. In his sunt quatuor insignes familiae vetustate originis Othomannorum domui pares, quæ ab occulto quodam liuore in vna Othomanni sobole, ipsis æquale fatalis imperij nomen iam per ducentos confirmatum annos propagari vehementer indignantur. Hi sunt Michalogli, Ebrenes, Turacani, atque Malcoccij: e quibus vel summæ virtutis homines, neque purpurati, neque magistri equitum vnamquam euadunt, ne immodica virium freti potentia, ad imperium aspirent: sed magnos redditus ex antiqua agrorum diuisione, superioribusque victorijs consecuti, quod multo pecore et frumentarijs possessionibus abundant, perpetuaque stipendia percipiant, cæteris opulentiores existimantur, secus ac liceat Christiano sanguine progenitis, siue militiae adscripti serui sint, siue incolæ libertina non alios habent fundos, quam quos à principe agrorum domino ad annuum vectigal impetrarint. Magnus tamen his familijs habetur honos: nam Michalogli peculiari prærogatiua voluntarijs equitibus præficiuntur: hos Acaztes, hoc est, antecursores vocant: & plerunque centum milium equitum numerum implent, quod eis ad spem prædæ Tartari è Taurica, & Getæ, ex Valachiagregatim misceantur. Reliqui ex his familijs nobilioribus præfecturis ornantur, quæ nunc quadraginta octo sunt æqua ferè portione in Europa, atque Asia constitutæ. Verum ex Asiaticis digniores imperatoris filij obueniunt, sicuti Amasia in Cappadocia, Iconij in Lycaonia, Magnesie in Ionia: In Europa autem ad parandum militiae decus potiores conceduntur, Peloponnesiaca, quæ Morea dicitur, Turacanis: Bosnensis in Illyrico, Malcoccijs: Ebrenibus, Saniandrica in Triballis. Nec vlla est tam exigua aut tenuis præfectura, quæ bina saltem milia equitum non alat, quum ampliores sena & septena contineant. Quibus omnibus ex descriptis regionum vectigalibus stipendia argento & certis lignorum & pabuli supplementis, singulis quoque mensibus persoluantur. Huius generis equites scripti in alas Sanzacorum Timarriotæ vocantur à Timarro, quæ vox stipendium ab incolis contributum sonat. In hoc equitatu præcipuum Othomannorum robur consistit: nam ad repentinum edictum paucissimis diebus septuaginta amplius equitum milia in vnum locum à præfectis adducuntur. Nec quisquam eorum est, qui ad propositum gerendi belli edictum, non magnopere lætetur, & certum ex nauata opera præmium non expectet, ignauiaque pariter & delicti poenam subterfugiat. Tanta enim seueritate iudices, qui circumeundo præfecturas sigillatim turmas recensent, arma, equos, & mores inspiciunt, ut si qui notati exauthoratique sunt, magnus equitum numerus in eorum supplementum sese offerat, insignique se affici beneficio existiment, qui alijs eadem loca & stipendia diu expectantibus preferantur. Vniuersis duo Magistri equitum præsunt, qui Bellerbechi, hoc est, domini domino, rum superba appellatione vocitantur. Asiaticus ad Cuthiam Galatiæ urbem, Europeus ad Sophiam Mysiæ inferioris sedes habent, constitutisque tribunatibus inter milites ius dicunt, quemadmodum Cadi, qui sunt statutorum & legum periti, prætoria autoritate incolarum controuersias finire solent. Bellerbecho parent Sanzachi, Latine alarum signiferi: Sanzachis Subasi obediunt, qui centenarias turmas ducant. Sed nemo est Turcarum omnium, aut Christianæ professionis veterum incolarum, qui vel oppida, vel arces, vel denique pagos



pagos more Persarum possideat, aut paulò munitiores domos ædificet. Vetre enim edicto cauetur, ne quis villam pinnato muro circundet, nec ædificium supra primam contingationem columbaria turricula altius condat. Propterea Thraces, Græci, Macedones, Mysi, Epirotæ, Illiri, cæteri que populi barbari eo subiecti iugo, neque firmis opibus valent, neque si Christiana arma alicunde perstrepant, ad oblatam excutiendæ seruitutis occasionem sese commouere possunt. Singulæ nanque præfecturæ suos equitatus eo ordine in æstiuis atque hybernis pagatim dispositos continent, ut ubique contra vim subitumque tumultum parati, instructique armis, præsto adsint aduersus exarmatos et inopes, qui oppressi celeriter teterrimi supplicij pœnam subeant. Reliquus equitatus constat ex prætorianis alis, quæ nobilitate ac eximio cultu omnium lectissimæ atque ornatissimæ sunt. Eæ distinguuntur ordinibus, atque stipendijs. Sed Spachi Oglanij, dignitate ceteros antecellunt, quod ab imperatore filij appellentur. Nam à pueritia ex delectibus prouinciarum adducti in regiam, & postquam à Christiana religione defecerint, per Eunuchos literis & armis liberaliter instituti, quum puberes euadunt ad summos honores prouehuntur. Oglanis pari propè authoritate succedunt Vluphagi, Siliphtari, Caripigi, & Mutpharachæ: qui à dextra leuaque distinctis agminibus equitantis imperatoris latera præcingunt. Sed Mutpharachæ admirabili virtute præstantes, toto orbe conquiriti, ea conditione militat, ut quos velint Deos impune colant, presentique tantum imperatori operam nauent: qua liberalitate, atque indulgentia inuitati, non modo Indi, Æthiopes, & Tartari extremi gentium idola priscae & antiquaræ religionis, aut cæli maxima sydera pro Dijs venerantes, sed ex nostro etiam orbe Christiani nobilitate illustres in eum ordinem recipiuntur. Hos equites magna delectorum subseruorum multitudo subsequitur, adeo splendide armis & equis instructa, ut quum dominos numero multum exuperet, ornatu etiam propè par, iusti & fulgentis exercitus speciem ostendat. Verum insignia utrosque distinguunt. Subserui enim non lintheis & globosis capitum integumentis, ut heri & Turcæ reliqui, sed puniceis pileis utuntur, quos pro galearum frontalibus puro ex auro contextis, & argenteis conis ad inferendas cristas eleganter exornant, quum in vniuersum etiam veste serica argenteis fibulis redimita, squamosoque baltheo, & inauratis phaleris conspicui, herilis opulentiae splendorem repræsentent. Nam aulae procerum splendidissimus quisque nihil pretiosius in censu habet, nec sibi honestius quicquam ducit, quam plura seruitia, decore militaris formæ præstantia, pompe modò ad decus ostentare. In hunc liquidem vnum præcipue sumptum omnes fortunas conferunt, propterea quod exquisitis epulis minimè studeant, nec sumptuose ædificent, neque ullis omnino damnosæ alexæ ludis indulgeant, quum latrunculis per otium lussisse, vicisseque ad ingenij laudem, quam ad pecuniæ quæstum nobilius existiment. Sed nihil apud Selymum duarum legionum ex Ianizaris delectarum inuictor robore præstantius atque validius censetur. Instar enim Macedonicæ phalangis omnem vim hostium facile sustinent atque perfringunt. Has ex noue gentis delectu, uti nomē sonat, primus Othomannorum Amurathes Selymi proauus instituit, quibus regie prætorijque custodia mandaretur. Earum liquidem noua felicitas, virtute memorabilem victoriā, cæso ad Varnam Ladislao Polonorum & Hungarorum rege fuerat consecutus. Nec alia demum vi quam Ianizarorum Mahometes Byzantium, Baiazetes Methonem expugnarunt, quum hic prone-



postnuper inuictos antea Persas, & equitatu planè victores horum peditum virtute profligarit. Ianizari peculiari prærogatiua, exarcolam, hoc est, pileum album aurea anteriore fascia, & cristis insignem acinaci impenetrabilem, demissaque per tergum lata cauda ceruicem munientem pro galea gestant. Lunatosque item calceos cæteris vetitos induunt. Arma eorum præter sclopettos & arcus, quibus iam multo maxima eorū pars vtitur, sunt hastæ Germanicis breuiiores, ferro lato, aut triangulari, aut fuscinato, aut in romphæam adunca præfixæ. Præter hæc gladio incuruo paruaque securi, quum expeditrem gerunt. Breuiiores togulas colore cyaneo, aut rubro, aut prasino ab anteriore fimbria in tergum reductas baltheis subcingunt, & terra marique omnium audacissime & constantissime pugnant. Ex hoc mirifico inueteratæ disciplinæ genere, tanquam ducum & præfectorum seminario, plerique in alas pretorianas ad equum rescribuntur: alij ad superiores ordines traducti ad præfecturas scandunt, alij nulla ferè alia quam testatæ virtutis commendatione Sanzachi, & quod supermæ eorum fortunæ munus est, Bellerbechi & purpurati Bassæ creantur. Hi numero quatuor grauissimarum rerum consilijs præsunt, & per singulas hebdomadas quatuor cōtinuis diebus in regia coeunt: supplicibus libellis respondent, lites dirimunt ipso imperatore ex protecta velo fenestella cunctas controuerbias quærelasque populi, & Bassarum responsa intentis auribus excipiente, vttantarum rerum iudices censorem pœna & præmio cuncta expendentem adesse intelligant. Huius ordinis antiquior principis scrinio gemmaque potitur, appellaturque Vesir, & scribis atque notarijs decreta dictat. His rebus confectis purpurati præsident, vniuersoque populo, qui in curiam coierit, publicè opulum datur, sed frugi sanè ex oriza, & veruecina carne, panèque, & aqualimpida paratum. Interea imperator præfecto sacrarum legum, qui est Cadis-scher, & Questorum magistro, qui grarij rationes expendit, & Dephter der vocatur, sedulo operam dat. Hoc perpetuo rerum ciuiliū officiorumque omnium tenore, & hac incomparabili militiæ disciplina, Selymus imperium patri & fratribus creptum, ita stabiliiuit & auxit, vt maioribus suis magnitudine animi superior esse videatur: & quod victor in intima Persarum viscera penetrarit, iam Campsonem Syriæ Ægyptique Sulthanum, Baiazeti patri ex Tarsensi victoria formidatum, promotis ad Amanum montem copijs magnopere territet, nobisque indeminetur cladem, illaturus proculdubio longè terentiam, nisi Christiani reges maturè experrecti, tam pia, quam necessaria arma ad publicæ salutis præsidium expediant. Ea quæ secuta est hyeme Ludouicus Gallorum rex, vt post bellum terra marique infelicitè gestum, tandem quieti Gallie non in decora pace parta consuleret, Mariam Britannam Henrici infensissimi hostis sororem in matrimonium petere constituit. Enimvero quum æstuante animo secum ipse reputaret, quot incommodis acceptis, quantoque periculo bellum superiore æstate sustinuisset, omni ratione parandam pacem existimabat, non ignarus si Britannum æquis oblati conditionibus, ad amicitiam pertraxisset, futurum proculdubio, vt cæteris aduersum se coniuratis hostibus, animi viresque conciderent. Quando Cæsar eo maxime tempore pecuniæ inops, cōtrà autem Hispanus auri tenax, & Heluetij, qui aliena tantum pecunia bella gerere consueuissent, si spes eos Britannici auri destitueret, posaturi continuo arma, atque omnino quieturi videbantur. Neque Henricus qui fuso fugatoque Gallorum equitatu, duabus in continenti validissimis vrbibus cap-



ptis, occisioque Scotorum rege, & ad internitionem eius nobilitatis confecto bello, satis sibi glorię ac laudis comparatū arbitrabatur, multum ab honestę pacis studijs abhorrebat: ob id præsertim, quod Ferdinandum socerum non alieno animo in Gallum esse perspectum habebat, quum ab initio occupata Cantabria, Britannis ad fontem Rabidum, qui auxilia & com meatus ex propinquo postulabant, contra fœderis iusiurandum in maximā gerendarum rerum opportunitate defuisset. Subindeque Maximilianum Stortiam, & Helueticos in alperis Nouariensis belli casibus ostentata spē auxiliorum per Cardonium deferuisse, ac penē prodidisse diceretur. Sed ingentis spiritus regem id maximē  
10 angebat, quod nouissimē dum ab se à Germanis & Helueticis vno consilio, atq; vno tēpore bellum in Gallia gereretur, Ferdinandus in tantā proferendi imperij occasione, nec vllam ostentatis saltē armis de se inuadendę Aquitanię suspicionem timentibus Gallis præbuisset. Heluetij quoque quod pacem ad Diuionum fœdē atque importunē in ipsa victoriā pepigissent, ipso indignante omnes belli cogitationes perturbarent: vtpote, qui si bellum in Gallia renouaretur, nec certi hostes, nec constantes socij futuri essent, quando diuendita nuper animorum ferocia auarē ac turpiter omnem pristinę existimationis opinionem amisisse censebantur. Hęc animo voluentē Henricum, & iam segnius de bello cogitantem, Marchio Rotellinus, quem Morinensi acie captum, ac in  
20 Britanniam transuectum fuisse docuimus, prætentatis eius consilijs ad ponendas similitudines, & pacem eo necessitudinis vinculo confirmandam pertraxit, Ludouico Canosio Leonis legato, in eam rem peracuti ingenij sui studium, & vim omnem explicāte. Is in honore habitus, per varias sermonum occasiones, docebat ad felicitatem Gallię atque Britannię plurimum pertinere, si matura ætate puella propinqui & maximi regis connubio iungeretur, ex qua ille integro adhuc vigore animi, nec effœtis corporis viribus sibi successorem in Gallia procrearet: pretium autem dotale apud ditissimum regem nihil maius futurū, quā insignem lectissimę virginis formam, vtriusque gentis concordiam, & in duobus regnis incomparabili commodo rerum trāquillitatem afferentem.  
30 Igitur quum Henricus vel honestius arma deponere, vel sororem splendidius collocare non posset, per legatos de sponsalibus actum. Ludouicus quoque Senatum consuluit, & totius regni procures, an rectē, & sapienter factum iri existimarent, si vxor ē Britannia peteretur. Quod postquam summo omniū consensu, vel aliena cum iniuria approbatum est, Hauardus Suffolchius regis amicitia clarus, cum ornatissimo Britannorum procerū comitatu, puellam in proximam continentem transuexit. Nec multo post Francisco Delphino genero deducēte, eamque iniuriam generosē dissimulante, Ludouicum ad Beuillam obuium habuit iuuenili atq; eleganti potius, quā graui vel regio cultu inter florentis ætatis equites exornatum. Inde verō Lutetiam Parisiorum est concessum, vbi solennes nuptiæ, editis spectaculis, magno apparatu celebratę sunt.  
40 Sed rex ætate prouecta, & multum antea neruorum doloribus lacescit, quū intemperantius puellaribus complexibus indulisset, in febres incidit: nec multo post inualecente etiam profluvio ventris, extinctus est. Vir certē rei bellicę peritissimus, nec ignarus artium pacis, vtpote qui ab ineunte ætate grauissimarum rerum experiens & miles egregius, & insignis imperator, & rex idem apprime bellicosus, per aduersos simul & prosperos totius vitę successus, singulari virtute arma tractarit. Eum tamen peruicacis obstinatęque naturę, & pro-



inde sæuum & inexorabilem plerique existimarunt, vel ob id præcipue, quod Ludouicum Sfortiam erepto omni scribendi, & quæ cuperet legendi solatio, ferrata in cauea omnium miserrimum mori coegisset. Alij quanquam vel præcipue militibus, statis semper certisque stipendiorum temporibus, summa fide satisfecerit, pecuniæ valde parcum, & magnopere tenacem, vsque ad illiberalitatis calumniam putauere. Ignari prorsus quanta sibi & prouincialibus damna intulerint principes, qui profusè temereque donando per otia pacis vanis sumptibus paratos ad bellicas necessitates thesauros exhausterint. Quibus virtutibus, cæteris ætatis suæ regibus felicius videri poterat, nisi dum profugis ad se Cardinalibus per consilij causam, ambitiosius fauere contendit, veluti spreta religione florentem imperij sui statum maximis periculis obiecisset.

## PAVLI IOVII NO

VOCOMENSIS, EPISCOPI NV-

CERINI, HISTORIARVM

S VI TEMPORIS

## LIBER XV.



**D**OVICO vita functo, Franciscus eius gener e regia Valesiorum familia, maximo procerum atque omnium militum studio, Britanniae citerioris, & totius Galliae imperium adeptus est. Siquidem primis statim militiae rudimentis, Cantabrio atque Britannico bello alterum & vigesimum natus annu, quum singulari decore excelsi corporis, militari comitate, atque ingenuo quodam vigore animi promptum, se ad arma ac subinde liberalem atque magnificum ostendisset, breui apud exercitum atque omnes Galliae regulos maximam gratiam compararat. Is, vt primum celeberrimo procerum conuentu ad Lutetiam Parisiorum regali diademate accepto, atque omnibus militiae praefectis & magistratibus sacramento adactis, & regis nomen, & administrandi imperij curam sumpsit, ad repetendum Mediolanense imperium consilia viresque conuertit. Enimvero rex iuuenis plurimum ad recentis principatus ac totius Galliae dignitatem pertinere arbitrabatur, neque magnitudine animi, neque industria socero inferiorem existimari: & tantas videri Gallorum copias, & amplissimi regni facultates, vt vel conspirantibus cæteris regibus, non modo sustinere, sed inferre ultro bellum, atque id alere in aliena prouincia commode posse censeretur: vel ob id maxime quod paulo ante Ludouicus (quum iniuriæ atque ignominie animus impatiens, plurimum Italici belli cupidine deflagraret) omnibus propere rebus ad id comparatis, maximum eius expeditioni desiderium reliquisse videbatur. His de causis accensum regem, paratumque ausu & armis recentis imperij fortunam periclitari, Veneti, ac Ligures maxime opportuni huic bello, ac longe omnium terra marique potentissimi in Italiam euocabant, non dubiam expeditionemque victoriam ostendentes, quod vno tempore



tempore dum regij exercitus fama Heluetij ad Alpes distinerentur, ipsi ab diuersis hostilis agri partibus socia arma moturi essent. Id quoque fiduciam addebat Gallis, quod vetere hominum opinione vulgatum erat, externos exercitus, neque inuadere Italiam, neque Alpes alioquin imperuias posse facile superare, nisi dissidentis Italiae consilio, ac viribus ducerentur. Venetos vna cura angebat, vt tot amissas vrbes vel periculoso etiam remedio, a Germanis et Hispanis recuperarent: ac subinde quod plurimum ad dignitatem atque existimationem Reipublice pertinebat, veteres contumelias vlciscerentur, quas pulsas ab Italia Gallis, fraudati victoriae parte, elusique ab Hispanis atque Heluetijs, caeterisque foederatis principibus acceperant. At Ligures paulo ante Octavianus Fregosius necessario magis quam honesto consilio, vel inuitos in partes Gallorum traduxerat, tametsi vetere odio & recentibus factis Gallico nomini infensi erant, quum libertatem euerfa arce recuperasse videretur. Causas commutatae voluntatis atque defectionis, plures Octavianus afferebat, quum vir alioqui integro constantique animo parum antiquis virtutibus suis respondisset: Victis enim ad Nouaria Gallis (vt supra docuimus) emptam a Cardonio Piscarioque copiarum parte, qui tunc ad Placentiam sedebant, Liguria principatu potitus fuerat. Id factum, victores Heluetij & Maximilianus Sfortia aequo animo ferre non poterant, quod ille per inuidiam ab alio potius quam ab

sererum omnium arbitris imperium ac leges accipiendas esse iudicasset: & Hispani (quod indignius erat) parum integra fide belli & praelij spectatores Heluetio sanguine & suo sumptu parte victoriae commoda sustulissent. Quamobrem Maximilianus & Sedunensis, ei ex occulto per Adurnios & Fliscos bellum intulerunt: quod Adurnij, ad quos altera principatus fortuna pertinebat, se his foederis staturos legibus, quibus olim Augustinus pater Ludouici Sfortiae auspicijs Genuam tenuisset, si Fregosij pellerentur, promitterent: ipseque Octavianus iam despicere Heluetiorum partes videretur, vt qui Hispanorum amicitia, & pontificis studio subnixus, nullam in bellicos sumptus pecuniam suppeditaret: & Flisci quoque propter Hieronymi fratris caedem, Fregosijs infensi,

cum Adurnijs opes atque animos consociassent. Sed aliter ac ipsi constituerant usu euenit: nam, quum Adurnij & Flisci armatis clientibus suis, cum duab. Heluetiorum cohortibus media hyeme ad Genuae moenia duxissent, excitassentque ad spem rerum nouarum omnem inferioris Liguria oram: Octauiano firmis praesidijs tenente urbem, spe decepti, & victi asperitate hyemis cum detrimento discesserunt. Insequenti quoque anno, adulta etiam tum hyeme, quum aperavi, aut ampliore comparato exercitu, propter eandem hostium diligentiam & maximam oppugnationis difficultatem capiende urbis, Fortunam minime sibi tentandam existimarent, ad dolos insidiasque conuersi, vocantibus amicis per exoletam portam, quae ab exteriori pomerio in priuatos hortos ducebat,

cum armatis amplius trecentis hominibus urbem intrarunt, & ad expugnandum praetorium conuolarunt, existimantes in perpetuum debellatum fore, si eo impetu Octavianus atque alij, capita factionis opprimerent. Sed tardius confecto itinere, & in albescente iam caelo, dum cancellatos arcae postes effringere conarentur, Octavianus ad tumultum excitatus, arrepto scuto cum globo praetorianorum descendit: & patefactis foribus magna virtute irrumpere conantes, sustinuit. Ibi dum acriter pugnaret sclopetto ictus est, consauciatus et Scipio Fliscus, ceteri consurgentibus vndique hostibus, clara iam in luce deprehenso, quod



longi, & spurcissimi itineris labore exanimati erant, quòd ab amicis extra noctis occasionem auxilia desperabant, & quòd primis suis conatibus Fortuna defuisset, in fugam præcipites se dederunt. Hieronymus Adurnius & Scipio capti sunt. Sinibaldus Scipionis frater totam diem apud ædituum latuit, & sequenti nocte amicorum opera vrbe effugit. E militibus aliquot interfecti, alij ferè omnes in potestatem hostium deuenire: & in his Camillus Montanus, qui apud Maximilianum prætorij præfectus fuerat. Eum quòd ab Maximiliano submissum fuisse suspicabantur, in arctissimam custodiam cum Hieronymo & Scipione coniecerunt. Tanto euitato periculo, Octavianus nil sibi amplius cunctandum existimauit, quo minus cum Gallo fœdus & amicitiam occultè percuteret, tametsi Cæsari in primis, ad quem tradendi principatus iura atque auspicia pertinebant: & Ferdinando cuius viribus ac copijs imperium obtinuerat: ac Leoni pontifici maximo, qui Fregosæ domus, ac eius præsertim omni tempore fautor atque amicus fuisset, insignem se iniuriam facturum intelligebat. His autem conditionibus fœdus ictum est, vt Octavianus arcem traderet: ducis titulo in posterum abstineret: nomine regio Liguriæ præesset: & equitum alæ stipendium à rege quotannis acciperet. Federicus vero frater qui tum Salernitanus Archiepiscopus erat, amplissimis in Gallia sacerdotijs ornaretur. His itaq; secreto per Carolum Borbonium cum rege transactis ignara earum rerum ciuitate, plures menses cum Leone & cæteris principibus, eos cunctis fictæ amicitie artibus, per literas ac legatum suum Benedictum Viualdum egregiè ludificatus, dissimulanter egit. Sub aduentum verò Gallorum ad uocato senatu, docuit nihil ad quietem atque opulentiam ciuitatis magis pertinere, quàm si ab auarissimorum hominum amicitia discederèt. Heluetios enim immodicos, atq; arrogantes barbaros: et rapacem Sfortiam nò prius cupiditati atque superbiæ finem imposituros, quàm omnem Liguriam veluti bello victam publicis, priuatisq; opibus spoliassent: præstare Gallorum societatem sequi, atque in tutela et fide potentissimi atque optimi regis, qui nouas et veteres iniurias obliuione deleuisset, pacatè agere, quàm inconstantissimorum hominum stipendiarios videri. Eum regem compositis Hispaniæ, Britannique rebus, breui transensurum Alpes cum innumerabilibus copijs, atque omnem Italianam victricibus armis peruagaturum. Nec Leonem pontificem qui legatos in Gallia, & regis amitam Iuliani fratris vxorem domi haberet, inter diuersos metus copias suas pro aliena salute Gallis oppositurum existimarent: proinde ea consilia, quæ tuta & necessaria essent, conuersis animis sequerentur. Regem enim non impotentem dominum, sed socium atque amicum habituros, se verò libertati ciuium semper, propriæ autem dignitati atq; amplitudini studiisse nunquam: ac tunc maxime paratum esse eiurare ducis ac principis nomen, decorum fortasse alijs, sibi verò inuisum & graue, quando si pertinacius retineretur, maximum Reipub. detrimentum esset allaturum. Primates, vt in mobili & factiosa ciuitate secilè accidit, tametsi propter incertos belli euentus se ac fortunas suas in maximum discrimen adduci manifestè intelligebant, Octauiano tamen assenserunt, quum perspectis eius consilijs diu reluctari non possent: quàmquam Octavianus, qui cum magna laude paulò antè libertatis author fuisset, ob priuatas res suas veluti reposito iugo, duriorē patrie seruitutē inducere videretur. Neq; multo post decretum est, vt præsidium acciperetur, modo Franciscus neque pecunias imperaret, neque Phari arcem ab ciuib; funditus euerfam



euerfam instauraret. Interea Maximilianus Sfortia quum crebris rumoribus  
 afferretur, maximum in Gallia exercitum comparari, & regem ipsum belli du-  
 cem superatis Alpibus in Italiam primo quoque tempore descensurum, com-  
 meatus, arma, equos, tormenta, atque omnis generis praesidia summo studio  
 parare, pecuniam singulis vrbibus imperare, munire arces, & Heluetios cæte-  
 rosque socios principes per legatos obnixè precari, ne se in tanto rerum disci-  
 mine deserere vellent: neque existimarent si ipse semel Insubrum imperio pel-  
 leretur, victores Gallos ac Venetos antiquis imperij finibus contentos fore: ut  
 qui pontifici maximo praescribere vellent, & cæteris externis gentibus Italia  
 10 pulsis, omnium rerum imperium sibi animo destinassent. Nec multo post,  
 Matthæus Sedunensis Cardinalis, qui aduersus Gallos implacabili semper o-  
 dio exarsit, ac tunc maximè belli quàm pacis audior, ad sui atq; Heluetiæ gen-  
 tis existimationem decerni armis atque virtute controuersiam volèbat, cum  
 triginta amplius Heluetiorum vexillis in Nouariensem agrum descendit: exa-  
 quidem mente, ut ad pellendos Fregosios in Liguriam duceret. quo consilio  
 haud dubiè imminentibus periculis occursum foret, nisi Leo pontifex qui nun-  
 quam, ut de Octauiani, ac Federici fide dubitaret, adduci potuerat, nihil eos ho-  
 stile molituros recepisset. Circumierat Sedunensis superiore anno singulos  
 Heluetiorum pagos, & in Gallos, quod ad Diuionem fidem fefellissent, acer-  
 20 bisimè concionatus, autoritate atque facundia, qua plurimum pollebat, vni-  
 uersam gentem ad arma exciuerat. Qua de causa omnibus concilijs conuenti-  
 busque peractis, Gallos decreto publico Heluetij nominis hostes declararant:  
 & vexilla ad cogendos milites, quibus Italiam tuerentur, omnibus locis pro-  
 posuerant. At Romæ Leonem pontificem perplexo animo varia consilia agi-  
 tantem, Cæsaris, Ferdinandi, Sfortiæ, Heluetiorumque legati circumsistebant,  
 orabantque, ut communis salutis causa expeditis consilijs sibi ac foederatis prin-  
 cipibus opem ferre maturaret, quando iam è Pyrenæis inferioreque Germa-  
 nia pedestres copie Lugdunum peruenissent, conuectisq; eò tormentis & Gal-  
 lico equitatu conuenire iusso, Franciscus nullam profectioni moram facturum  
 30 esse diceretur. Leo tamen, ut erat natura miti sedatoque ingenio, à bellis pluri-  
 mum adhorrebat, & à Gallis, si medium se gerere, atque ab omni contentione  
 abesse vellet, æquissimæ conditiones proponebantur, simulque ab omnibus  
 suis, qui ad Gallos animos inclinarant, ut antiquum foedus desereret, vehemen-  
 ter oppugnabatur: nihilominus in fide sibi permanendum, veteresque socios  
 opportunis auxilijs iuandos esse existimauit, quod Placentiam Parmamque,  
 quas vrbes Gallus haud obscure repetebat, vi vel pactione dimittere, neq; suæ  
 neque pontificiæ dignitatis esse arbitrabatur: ac magni interesse dijudicabat  
 ad Florentinarum rerum quietem, ac Romani pontificis libertatem, atque am-  
 40 plitudinem, validissimam Gallorum gentem Italia prohiberi, quæ paulo ante  
 magnitudine sua, sacrosancti imperij statum illatis tot cladibus perturbasset:  
 & praesertim suis ac Petri fratris conatibus, quo minus Florentiam patriam re-  
 peterent, Vitellocij bello, atque omnibus temporibus semper obstitisset. Ne-  
 que enim summæ potentiae regem quieturum putabat, donec ex usu victoriae  
 rebus omnibus ad arbitrium constitutis, quas vellet Italiae leges imposuisset.  
 Igitur praemissa pecunia, quæ Heluetijs stipendij nomine persolueretur, Iulia-  
 num fratrem cum equestribus copijs in Galliam Cisalpinam ab vrbe proficisci  
 imperat: Sedunensem totius exercitus legatum pontificia autoritate decernit:



& Marcum Antonium Columnam, in quo viro multa industriæ ac virtutis ornamenta erant, Veronam cum valida equitum ala maturare, & Cardonio Hispanisque in bello Veneto succedere iubet. Constitutum enim erat, ut Cæsar sex millia Germanorum peditum Veronam transmitteret, & Cardonius inde mouens cum omnibus copiis suis ad Alpes proficisceretur: Ita ut Marcus Antonius Liuiano obsisteret, & Brixiam Veronamque defenderet: Sed uniusquisque autem Prosperque Columna, Iulianus, atque Cardonius iunctis viribus Gallicum bellum administrarent. Sed Iuliano Florentiæ suprema valetudine tentato, Laurentius Medices Petro genitus, quem ad Lyrin naufragio perisse demonstrauimus, copiarum imperium sumpsit. Is quoque militari indole copias Florentinorum ducendas acceperat, quum extincto Padulio, alium ducem Senatus minimè suffecisset, & tunc maxime Florentina respublica Mediceorum auspicijs regeretur. Marcus quoque Antonius ad Padum progressus, quum Liuianum de suo aduentu certiore factum propter publicas ac priuatas similitates transmississe cum expeditis equitibus Malatestam Balconum, & insidias idoneo sibi loco dispositas cognouisset, quadrato agmine, ac diuerso itinere quam constituerat, ut hostem falleret, ad amnem contendit: atque eo celeriter traiecto per Mantuanorum fines ad Cardonium profectus est. At Franciscus maiore quam vnquam antea bellico apparatu superiores Galliæ reges Italiam inuasissent, ineundum bellum existimans, ingentem equitum multitudinem tota Gallia conscripsit. Nemo enim paulò notior eques, vel superiorum temporum beneficiarius fuit, qui vllum aut ætatis, aut priuatæ rei impedimentum, quominus nomen daret satis dignam vacationis causam existimaret: quod facile fiebat, quoniam Galli non modò regibus suis enixissimè parent, sed eos ut mortalibus augustiores venerantur, putantque indecorum & turpe domi remansisse, quum illos & bella iuste suscipere, & certis semper auspicijs ad victoriam proficisci persuasum habeant. Galli quoque omnes veteri gentis instituto equestri militiæ plurimum student: qua parte virium cum propter incredibilem multitudinis consensum, tum propter numerum atque virtutem ceteras nationes antecellunt: sicuti peditatu perferendis militiæ laboribus impare, nec satis exercitato, altera militiæ parte inglori hoc maxime tempore iudicatur. Censæ sunt circiter quatuor millia cataphractorum equitum: quorum singuli de more ternos vel quaternos equos trahebant. Leuis autem armaturæ ad octo millia: quibus omnibus Carolus Borbonius Boiorum & Aruernorum principem præfecit, quum eum paulò antè propter generis claritatem & summe militiæ, magistrum equitum creasset: quem honorem, ut suspectum et formidabilem regibus damnato necatoque Sancti Pauli comite, ac tum rebellantibus Galliæ regulis, Ludouicus Vndecimus aboleuerat. Pedestres vero copias ex eo genere hominum qui pari virtutis gloria cum Heluetijs contendere posse viderentur, tantas vbique terrarum, quantas nemo tempestate nostra, aut rex, aut imperator vnus in castris habuerit ingenti mercede conduxit. Siquidem Robertus Sedanius, qui maximam in Eburonibus auctoritatem obtinebat, & Carolus Geldrius Menapiorum & Sicambrorum princeps deletibus habitis, ex ea Germaniæ parte quæ flumen Rhenum, & Belgarum fines attingit, supra quadraginta cohortes armauerant. Quorum alter Florantium filium misit, quem aduerso pectore decora vulnera ad Nouariam accepisse memorauimus: Alter quod diuturno & difficili bello, quod cum Cæsare superioribusque



ribusque Germanis gestum est, Gallorum auxilijs atque opibus subleuatus, & parem inferre gratiam, & dignam virtutis suæ fama operam præstare cupiebat, ad Franciscum in castra peruenit, duxitque secum summæ opinionis veteranam legionem, quam à colore vexillorum Nigram appellabant. Præcipua etenim eius virtute, quum ex fortissimis constaret, plures annos, & fines defenderat, & in re bellica maximum sibi nomen compararat. Petrus quoque Nauarrus singulari studio ex Aquitanis, Vasconibus & Cantabris, atque his gentibus quæ Pyrenæos saltus incolunt ad viginti cohortes conscripsit. Erant ij maxima ex parte balistarij & sclopettarij, cæterum patientissimum laboris, audax, expeditum atque agile militum genus, qui defendendis expugnandisque urbibus, atque omni extraordinario belli munere cum Germanis stabili acie ac firmis ordinibus campestri pugnae assueti, diuerso virtutis genere, parem militiæ gloriam quærebant. Nauarrus etenim ad Rhauennam captus quum in Gallia custodiretur, nec propter similitudines ex infelicitate prælii conceptas, quæ sibi cum Cardonio intercedebant, eum Ferdinandus per tot pacis occasiones vnquam redemisset, dolore iniuriæ magis quam carceris tedio se totum ab amicitia Hispani regis alienarat. Vnde mox militari sacramento se absoluit, celsitque vltro per publicas tabulas his Campaniæ oppidis, quibus ob nauatam egregiè operâ Neapolitano bello donatus fuerat, vt liberius apud Franciscum, qui libertatem dabat, militaret, & renunciatis antiquis muneribus recentem contumeliam vlcisceretur. Quibus de causis, Franciscus quum solertissimi hominis virtutem atque consilium probaret, eum sua redemptum pecunia apud se in honore habuit, validæque parti exercitus præfecit. Tormentorum subinde maiorum minorumque tantam copiam, quantam duobus iustis exercitibus satis esse constaret, ad Gratianopolim atque infimas Alpes præmisit. Fuit bigarum carrorumque incredibilis numerus, quibus ferreae pilæ, sulphurei pulueris vis ingens, præterea vectes, dolabræ, omnisque generis ferramenta, atque alia domandis itinerum asperitatibus opportuna præsidia conuehebantur: totusque is apparatus quinque millium equorum perpetuo labore traheretur, et maiore aliquanto sumptu quam quisquam crederet. Nam Galli consuetudine sua non inualidos, aut quoscunque fors obtulerit, sed insuefactos et robustissimos equos curribus subdunt, eosque immenso pretio parant, & alunt, vt summis eorum viribus locorum omnium difficultates mirabili etiam celeritate superentur. Quinetiam tormentorum magistros, ac libratores propter eximiam eius artis peritiā longo vsu & maximis periculis comparatam, in summo honore habent, vberioreque stipendio prosequuntur, magnamque iuuenum multitudinem qui huic rei senioribus artem tradentibus, accuratè studeant, & per gradus ordines, ac maiorum commoda mereantur, tota Gallia instituunt: neque virtuti vnquam locus, neque peritis opima salaria liberalitate regum, aut pacis, aut belli tempore defuerunt. Quibus institutis pecuniæ nunquā parcendo, quum ea parte virium magno terrori omnibus essent, facile sibi vel de fortissimis hostibus memorabiles sæpe victorias pepererunt. Nam Hispani atque Itali, cæteræque gentes, tametsi tormenta summa arte atque elegantia conflare & fundere didicerint, & magnam eorum supellectilem instructam habeant, his tamen in negotio minus feliciter vtuntur, tarditate præsertim & inertia bouum, quos magnitudine impensæ deterriti pro equis substituunt, et inscitia atque penuria rectorum, quando pauci qui manifesta vitæ pericula subire velint, nisi pro-



positis ingentibus præmijs, haud facile reperiantur. Sequuta quoque est proficiscentem regem certis sub signis ac ducibus, valida voluntariorum peditum manus præde auida, & cum his ad tria agrestium milia purgandis & sternendis itineribus mercede conducta. Mercatorum verò & lixarum, calonumque ingens numerus, qui magnam pecoris, commeatus, rerumque venalium copiam publico & priuato consilio conuehebant, castra sequebatur. His omnibus ad profectionem comparatis, Franciscus ad Alpes duxit, sparsitque exercitum ad primos aditus trium semitarum, quæ tantum peruigunt Alpes, ne hostes certiore coniectura per diligentissimos etiam speculatores assequi possent, quæ nam alpes, quæ uel potissimum iuga transitu destinarerentur. Enimuero Heluetij in Taurinis Salasisque aduersas alpium radices occupant, equitate loci plurimum et virtutis fiducia elati, ut quod magnopere cupiebant, antequam totis agminibus in patentes campos descensum foret, cum primis Gallorum copijs in faucibus Italiae prelio decertarent. Igitur cum mollioribus uisitatjsque itineribus minime transeundum existimaret, ad fallendos hostes, nouæ Alpes, noua asperioraque montium culmina, quæ nunquam ullis antea exercitibus patuissent, tentanda erant. Alpes siquidem quæ Italiam a Gallis Germanisque determinant, ab Arsa flumine (id est Carnicis iugis per Hystriæ fines Hadriaticum petit) ad vada Sabbatia Ligustici littoris protenduntur, pluribusque in locis, vel molliore montium natura, vel hominum ingenio patefactis itineribus superantur: tamen rerum naturæ opifex altiore consilio densissimos saltus, præaltos exesosque vertices, & abruptas vallium crepidines, in niuosa illa atque horribili rupium mole posuerit, quæ mortales ab accessu terrerentur. Primæ Alpes post Carnicas ab Occidente in Occasum tendentibus Iuliæ occurrunt, quæ ab Taruisio iuxta Anaxum flumen per Bellunum ac Feltrium in Noricum Austriamque perducunt. Secundum eas sunt Rhæticae: quibus ab Tridento per montis Cremeris clementia iuga, in Vindeliciam, & loca ad Oenum amnem Hisprucho oppido proxima, penetratur. His aliæ Rhæticae succedunt, quæ ab Lario lacu, Per Volturenæ uallem supra Abduæ fontes, et Burmias aquas, celsissimum Aduæ montis culmen habent, quod hodie Mongraium vocant. Subiiciuntur aduerso statim dorso ab Germaniæ parte sancti Petri vicus, & à dextris Maranum atque Bolzanum, oppida nudinarum cōuentu nobilia. Sunt & alij quoque aditus secundum Aduam montem qui ad Lepontios Rhætosque pertinent. Eæ gentes hodie Grisoni uocabulo barbaro nuncupantur, societate Heluetiorum clari, & possessione sex uallium, ut alio loco memorauimus, cum multo pecore, & lactis copia abundent, alpinarum gentium altissimi. Id uero inter cætera frequentissimum est iter, quod ab eodem Lario per Clauennam munitissimum oppidum, et Solium Bregaliorum ad Curiam Rhætiarum perducit duobus tramitibus. Septa scilicet, & Spluga, ubi Columna Iulij Cæsaris hodie uidetur. Has alpes Lepontias esse credimus Rheni amnis origine illustres. Nam Rhenus in proxima ualle caput tollit, quæ etiam nunc ueteri nomine Lepontinâ appellant. At minores Lepontia, quibus a Bellizona, quæ oppidum Villitionis, ut quibusdam uidetur, antiquitus fuit, per Ticini amnis uallem Torfanum primum Heluetiorum oppidum aditur. Non magno ab his intervallo distant, æquitate viarum ac montium ceteris Alpibus leniores, nisi editissimum diui Gothardi iugum, & profundissima uallis, quæ cum tremulo ponte Infernâ uocant, uno tantum vel altero in loco maximam cum summo timore transeuntibus difficultatem præberent. Patent quoque eadem Alpes supra Verbanum



Verbatum lacum ad Domosulam oppidum, quod ipsis in faucibus & profluentis Ogoniæ ripis ædificatum, Ludouicus Sfortia patrum nostrorum memoria, & cæde Sedunorum, & maximis operibus nobilitauit: adeunturque eo itinere Valesij, atque Seduni, qui sedes inter Heluctios & Allobroges tenent. Adhas statim sequuntur sancti Bernardi alpes, quas Cæsar summas appellat, quondam ab transitu Græcorum, atque Herculis, Graiæ nuncupatae, quæ ab Eporedia per Augustam Prætoriam, atque Octodurum Veragroru (nunc hodie sancti Mauritiij oppidum dicitur) in Centrones Gallos, & loca Allobrogum Lemano lacu proxima, perducunt, superanturq; duobus iugis, quorum  
 10 alterum à dextris sub Ocello vetere oppido montem Iouis, alterum à læua Iouettum recenti vocabulo appellant. Has rupes ignibus acetoque Annibalem perfregisse multi opinantur: vt apud Barrum eius itineris pagum perpetuo tanti ducis gloriæ monumento, literæ ipsis rotulis inscriptæ significant: quam Liuius grauissimus historiarum scriptor, de transitu Annibalis ambigens, non Graijs, sed Pœninis eum traiecisse memoriæ prodat. Ab Iouis iugo Sestiches amnis fluit, & contraria parte Rhodani fontes existunt, qui mox effecto Lemano lacu, per Narbonensem Galliam præceps in mare multis annib. receptis euoluitur. Has Pœninæ Alpes excipiunt, propter lenitatem mitioris itineris, crebraque incolarum adificia maxime celebres & frequentes, quarum  
 20 altissimum cacumē hodie montem Cenisium nuncupamus. His ab Taurinō, Susa que per Noualesiam atque Ferreriam, & mox superatis culminib. per vallem Moriennam, Vienna atque Lugdunum adeuntur: quo itinere ad delendum Longobardorum imperium in Italiam irrupit Carolus Gallorum Rex, qui postea ab amplitudine rerum gestarum Magni cognomen adeptus est. Ab Susa, quæ olim Sebusium fuit, iter aliud patet, quod ad Coctias Alpes pertinet, quibus mons Genebra excelso cacumine, & duorum amnium Duria atque Isarae fontibus clarus, hodie nomen præbet. Siquidem, quum pluribus diuersisque itineribus per tot conualles ac varios anfractus occurrentium montium superentur, in vnum tamē Genebræ dorsum omnib. pari labore euadendum,  
 30 & his maxime qui e Gallia in Italiam transcendunt. Via militaris & conuehendi tormentorum curribus vñitata, Brigantium recta Eburodunumque perducit, quæ Carolum octauum, qui primus in Italiam currulia tormenta transuexit, profectum memorauimus. Sed per easdem Coctias alia horrenda visu transituque aspera itinera pluribus in locis patent. Illud in primis admirationis habet plurimum, quo iuxta Vesulum perpetuo specu perfossi montis, in Salassos hodie penetratur. Vesulus Eridani pater nomen adhuc retinet, & ab ipso aquarum diuortio, montium editissimus existimatur. Coctijs Argentariæ Alpes iunguntur apud antiquos parum celebratæ, quod propter angustias & frequentes viarum asperitates, sarcinarijs iumentis, nē dum curribus vix pateant.  
 40 Argentarijs vulgo in Prouinciā transmittunt, qui per Auenionem atq; Narbonam in Hispanias proficiscuntur. Secundum eas aliæ Alpes occurrunt, quæ Maritimæ nuncupantur: & ex ab Varro flumine duplici via initium sumunt. Alteris per montana & colles Tendæ, angustis præcisisque tramitibus in Ingaunos & Epantheros Ligures supra Scæuam oppidum descendimus: alteris secundum oram maritimam ab Nicæa, Monæco, Albintimilia, Albingauno, Vadis, Sauonaque Genuam Liguriæ caput peruenitur. Sed quum vnæ omnium Coctiæ & secundum eas Pœninæ traducendis exercitibus faciliores



viderentur, & propterea Heluetios earum quasque fauces ab Italia firmissimis præsidijs obtinere iudicarent, Triuultius exploratam ab se diu antea noui inu-  
 sitatique transitus rationem, quo ignaris & inopinantibus hostibus copiam duc-  
 erentur, explicauit. Egerat industrius senex Eburoduni multos menses, post  
 acceptam ad Nouariam cladem: & adhibitis locorum peritissimis, valles mon-  
 tesque Alpium magno labore & incredibili studio collustrarat, etiam tunc ani-  
 mo agitans, quibus maxime itineribus ducendus exercitus foret, si ab Ludoui-  
 co iterum armis Italia peteretur: quando Galli, Heluëtio bello, Subalpinis op-  
 pidis omnibus que ad angustias claustraque Alpium ab Italia pertinebant, at-  
 que ipsius etiam Astæ Colonie, quæ omni tempore descendentes exercitus re-  
 cepisset, rebusque omnibus recreasset, possessione decessissent. Id iter ab Co-  
 ctijs initium capiebat, mox relicto ad læuam Genebræ monte, vasto horribi-  
 lique deflexu per abruptas valles montesque asperos ad Argentarias exten-  
 debatur: quæ via quum ardua in primis, & insuperabilis pluribus videretur  
 appareretque Triuultium nimio studio repetendæ patriæ euectum, arden-  
 tius atque audacius quam rerum usus, aut militaris disciplina postularent, cun-  
 ctas belli atque itineris asperitates esse tentaturum, Franciscus exercitum vllis  
 angustijs minime committendum existimans, Lotrechium atque Nauarrum  
 auctoritate ingenioque præstantes præmisit, qui singulas difficultates inspec-  
 rent, explorarentque an viribus humanis cessura essent, quæ à Triuultio pro-  
 ponebantur: tamen propter egregiam fidem multis cognitam periculis, & sin-  
 gularem rerum experientiam summa dictis eius atque consilijs fides inerat, &  
 rei bellicæ gloria longè alios duces anteibat, de re tanta nihil frustra confirma-  
 ri omnes iudicarent. Lotrechius & Nauarrus aliquot diebus in Alpibus con-  
 sumptis, & perspectis notatisque locorum iniquitates, regi renunciarunt, egre-  
 gie ac diligenter omnia à Triuultio fuisse animaduersa, & ab se quoque certis in  
 locis nonnulla ad euincendas naturæ asperitates remedia excogitata: esse tamē  
 vbiq; pedestria concisaque itinera, quæ nisi magno cum labore atque pericu-  
 lo patefieri non possent. Triuultius primum se munitorem itineris atque a-  
 gminis ducem professus, per hæc, inquit, aspera tibi rex fortiter enitendum, vi-  
 quum ænea tormenta transuexeris, Annibale maior appareas. Transmisit ille  
 mitioribus iugis sine tormentis, sine curribus, aliquāto maiore cum laude quā  
 postea cum Romanis acie decertarit. Nam qui Alpes transcendere ausi non fuis-  
 sent, eum postea victorem commissis æquo loco prælijs superare didicerunt.  
 Ita summo regis studio, quum nihil laboris atque periculi milites recusarent,  
 à Gratianopoli Vigiliam, atque inde iunctis omnibus copijs Muram, & recto  
 itinere Eburodunum exercitus ductus. Eburoduno profecti Borbonius at-  
 que Triuultius qui primo agmini præerant, quinque dierum commeatu pro-  
 uiso, ad sancti Clementis atque Crispini alpinos vicos contenderunt. Inde  
 sub læuam relicto Genebra monte, Druentiam flumen exercitus vado traiecit,  
 positisque ad Gilestram castris, & mox Aualtio monte superato, ad sancti Pau-  
 li rupem magno labore peruentum. Eam, quod abrupta inaccessibilisque erat,  
 incredibili celeritate ferro pandunt, tormenta que traducunt. Sequenti die in  
 Barcelloniam vallem descensum, ea ingentibus saxis & iniquissimis collibus  
 interpositis impedita, magnam rerum desperationem afferebat. Nam li-  
 gonibus dolabrisque proscindere faxeos colles, exæquare crepidines, & quum  
 nullus per derupta equorum usus foret, subiectis militum humeris tormenta  
 transue-



transuehere necesse erat. Interdum ea magnis funibus ad scopulos et stipites arborum circumductis, suspendebantur, & versatilibus machinis ergatarum, & troclearum artificio, de rupe ad rupem, intercedentibus profundissimis vallibus, cum summa admiratione totius exercitus trahebantur. Nonnullis etiam in locis nudarum rupium latera, ubi via deerat, suppositis tibicinibus, interiectisque longurijs muniebant, & insuper iniectis stratisque virgultorum fascibus, cespitibus, ac glebis pensiles vias transeuntibus curribus parabant. Ita mira fabrorum industria, & singulari militum labore, in Argentariâ vallem cuncta exercitus impedimenta traduxerunt. Sequenti die à Larchiâ Ehergiâq; oppidis, in Austuriâ vallem vniuersum agmē se demisit, ubi Pedeporcium montem, qui mediam vallē interfecabat, & iter reddebat iniquissimum, pari munitorum artificio fractis atque reuulsis immanibus petris, domuerunt & exaequarunt. Ab Pedeporcio Auennam, atque inde Sambucum, & mox ad Italiæ fauces, tribus tantum diebus eo itinere consumptis, incolumis exercitus peruenit tanta quidem felicitate, vt Sedunensis & Prosper perspicacissimi alioqui homines, qui frustra Pœninas Coctiasque obseruabant, in quarum culminib. Gallos equites ab rege, vt speciē transituri exercitus facerent, de industria transmissos viderant, de transitu Gallorum nihil toto eo triduo cognouerint. Id vero eos fefellit, quod tormēta, in quibus maximam victorię partem Gallos collocare intelligebant, nullis inusitatis Alpibus traduci posse crediderant, vt qui vterentur quotidie infideli opera Alpinarum gentiū, quę vno consensu cogen te natura Gallicis rebus fauēbant, & permotæ Heluetiorum atq; equitum iniurijs, propensissima voluntate Gallorum aduentum opperiebantur, postquā Carolus Sabaudius eorum princeps Francisci regis auunculus, ab Heluetiorū & Sfortianorum amicitia discessisset. Prosper ad primum transgressi hostis rumorem Carmagnola profectus, ubi plures dies egerat, premisis Villafrancam equitibus, ad Sedunensem pergit, qui tum Pinnaroli cum valida parte exercitus constitērat. Decernitur in concilio cogendos esse in vñ omnes Heluetios, & ad hostes priusquā ex labore se reficiant, properē cōtendendum. Prosper eo consilio, vt sequenti die equitatum in castra perduceret, ex colloquio discedit, postulatque cohortem vñam præsidij sui causa, quam quum ab asperis hominibus impetrare non posset, nihilominus de prima vigilia Villafrancam proficiscitur. Interim Gallis, quorum vnum expeditum agmen per Agnelli collem, imprudente vel cōniunte Ioachimo angustiarum custode, supra Cunium oppidum processerat, per ipsos hostium hospites summa perfidia defertur: Prosperum Carmagnola digressum, Villafrancam equites præmisisse: diuisas esse Heluetiorum copias, & Sedunensem Pinnaroli cum parte exercitus considerare: proinde rei benegerendæ occasionem præberi, si ad eos opprimendos, qui nihil tale suspicentur, cum valida manu equitum Villafrancam peruolarent.

40 Galli, quum à pluribus simul speculatoribus de eadem re vno tempore docerentur, consilium statim probant, & Paliciæ, Obegnino, Imbercurtio, Sanserrio, Baiardoque promptissimis ducibus negotium committunt. Ii assumptis amplius mille delectis equitibus, vsi hisdem itineris ducibus, qui rem indicant, citato cursu quindecim milia passuum conficiunt: captisque in itinere hostium exploratoribus, Padum, quā incolæ facilem fluminis alueum monstrarunt, vado superant: & patentibus portis nullo prohibente, Villafrancam ingrediuntur. Prosper enim paulo ante per præconem pronunciari iusserat,



ut instratis equis, cibum cuncti caperent, atque omnia ad profectiōem prae-  
 rarent: Se etenim cum pransus foret, ad Heluetios esse progressurum. Quo casu  
 milites solutis stationib. ad colligenda vasa in cōtubernia se contulerant, eo etiā  
 maiore fiducia, q̃ Gallos repentina incursiōe nihil aufuros, & si auderēt, se in-  
 terim Padi munimēto, dum arma expedirentur tutissimos fore existimabant.  
 Interim momento temporis fors ipsa insignem calamitatem Prospero intulit,  
 quā Gallis parata erat, si ipse ante vel minimo temporis spatio aduentum eorū  
 præsensisset. Nam Padus praeuptas atque difficiles, vbi transierant, ripas habe-  
 bat: neque Gallos qui fessi plurimum agitatīs atque anhelantibus equis adue-  
 nerant, recenti atque fortissimā alae equitum pares futuros, in tanta praesertim  
 propinquitate castrorum, credēdum erat. Galli vno in impetu completis om-  
 nibus oppidi regionibus, Prosperum ceterosque equites domi obsident. Ille  
 quum frustra omnia pretentasset, desperatis effugijs, hostes de nomine ducum  
 ab editiore loco percunctatus, Obegnino se deditit, quod cum eo ex deditio-  
 ne Brixiae, & Eberardi patruī memoria aliquae beniuolentiā necessitudines  
 intercedebant. Interim Hieronymus Penna equitum praefectus, qui expedi-  
 tius se ac suos profectiōi accinxerat, per auersam ab hoste portam erumpen-  
 do, in proxima Heluetiorum castra cum parte equitum se proripuit. Nonnulli  
 alij, & in his Ioannes Brachalonius sagittariorum praefectus, vnus ē tredecim,  
 quos ex prouocatione cum tredecim Gallis pugnasse tradidimus, sero idem te-  
 nantes frustra illatis acceptisque vulneribus, necessariam deditiōem fecerunt,  
 & praeter quingentos vtriusq; armaturae equites, Caesar Feramusca, Petrus Mar-  
 ganus, & P. Antonius Caraffa Polycastri comitis filius, viri illustres. Audiuī  
 ego postea Prosperum Caesaris Feramuscae culpa se tantam cladem accepisse se-  
 uerē conquerentem, quod ille portas praesidio tueri iussus, dum nihil tale time-  
 ret, imprudentissimē ad apertas valuas ingressuris hostibus reliquisset. Galli  
 collecta raptim praeda, abductisque captiuis, maiore aliquanto celeritate quam  
 venerant, propter hostium propinquitatem traiecto rursus Pado, in pacatum  
 concesserunt. Hinc videre licuit, quantum Fortuna nimium potens humanis  
 rebus illudat, quū puncto temporis lethali vulnere inflicto, Maximiliani par-  
 tes euertērit, ac simul optimi ducis, qui prudentia, imperatorijque artibus ne-  
 mini inferior putabatur, obscurata rerum antegestiarum laude, auctoritatem  
 omnem & dignitatem foedissimo casu macularit. Quo etiam nuncio Leo pon-  
 tifex, quod summam spem in eius viri virtute collocasset, & mox Heluetios dis-  
 sentire inter se, & de pace agere cognouisset, eo consternationis adductus est,  
 ut desperatis propē rebus, ac impellentibus maximē familiaribus, qui Galli-  
 ce factionis erant, Cynthium Tyburtinum ad tractandam pacem cum manda-  
 tis ad Franciscum transmiserit. Bononiamque, quod eo rerum motu seditiosis  
 ciuium ingenijs diffideret, exulibus Bentiuolis reddere cogitarit. Cessissetq; ea  
 vrbs ultro impotentib. dominis, nisi Iulius Medices, qui tum legatus aderat, 40  
 confirmato pontifice, singulari constantia dubijs rebus occurrisset. Vix dum  
 oppido Gallicum captiuis excesserant, quum expeditae Heluetiorum cohortes  
 superuenerunt, qui dolore simul atque iracundia concitati, oppidum, inuentis  
 adhuc nonnullis equitibus qui latitabant, hostiliter diripuerunt. Sedunensis  
 vno tempore sine duce, sine equitatu, sine pecunijs, vnde nutantibus Heluetijs  
 stipendia soluerentur, quum de Francisci aduentu certius cognosceret, cogere  
 exercitum, & infidae gentis finib. excedere constituit: praesertim quod per Al-  
 bertum



bertum Petram, & Ioannem Despachium Bernensium duces, quorum in Gallos semper singulare studium extiterat, & per ipsos Allobroges ab Carolo eorum duce submissos, sollicitari multitudinē aduersum se, ac deprauari non obscure intelligebat, Albertum Petram superioribus diebus propter eandem causam custodiā tradiderat, moxque optimorum precibus expugnatus, vinculis exemerat. Vnde ille ex aduentu Gallorum spiritus sumens, veluti iniuriam vindicaturus, quibuscunque poterat artibus institutum opus perficere conabatur. Resque eo deducta erat, ut iam nonnulli procacius stipendium flagitantes, in Cardinalem arma conuerterēt, quod pecuniā quę ab Hispano rege promissā, deferri in castra debuērant, cunctante apud Mediolanū Didaco Aquila legato, ad constitutam diem non repræsentarentur. Sed Galeacius Vicecomes antiquę apud Heluetios authoritatis, & Iacobus Gambarus a pontifice cum pecuniā missus, interuentu meliorum hæc initia seditionis oppresserunt. Eo modo fluctuantes Heluetios Borbonius atque Triuultius, quum animis ac viribus disiectos per partes opprimi posse iudicarent, vna vel altera acie facile deleuissent, nisi eos Franciscus, qui se absente tentari certaminis fortunam nolebat, ne id facerent, aut rem in aliquod pugnæ discrimen adducerent, multum antea monuisset. Ipse interea superatis Alpibus cum tota mole copiarum in primos Italiæ campos descendit: lustrauitque exercitum incredibili omnium alacritate, quod omnia sibi opinione hostium expeditiora contigissent. Ea die Prosperum per instructas acies ad se perductum, ut presentem fortunam equo animo toleraret, ac optime de se speraret humanissimis verbis hortatus est, equitesque eius gratis missos fecit præter paucos clarioris nominis. Postero autem die propius hostes mouit castra, tentauitque per idoneos homines, quos Carolus Sabaudius ex Allobrogibus veteris amicitiae iure ad Heluetios mittebat, an ullis conditionib. flecti possent qui pacis nomen oderant, & tunc maxime Bernensium conatibus aduersarentur. Sed quum omnium prope animis & certa spe pontificiæ pecuniæ, & Cardinalis concionibus, atque ipso etiam inconstantiae pudore confirmatis, ea mens exercitus foret, ut exitiabile bellum, quam æquissimam pacem malle viderentur, Allobroges rebus infectis discesserunt. Heluetij tamen duces qui spem pacis eo tempore minime tolerandam existimabant, ut fallendo moræ spacium interponerent, quo se ab iniquissimis locis explicarent, paucorum dierum inducias postularunt, affirmantes se interea Vercellas esse concessuros, atque ibi libentissimis animis audita iterum legatione, ad frequentius concilium de pacis conditionibus relatu-  
ros. Franciscus, tametsi bellicæ occasionis rationem certis atque breuissimis rerum & temporum momentis constare intelligebat, nihilominus, quod tum nihil prælij fortunæ committendum iudicaret, & bellum speraret sine suorum vulnere se confecturum, inducias concessit: Lotrechium tamen cum valida equitum manu, qui neminem ab toto agmine discedere, vel impune vagari ostentata nonnunquam acie pateretur, abeuntes insequi iussit. Illi suo more conseruatis ordinib. quum proficiscerentur, secundo die Cluasiū nobile oppidum exitinere petierunt, quod oppidanos sibi amicos fore existimantes, sese eorum copijs & commeatu recreare cogitabant. Verum Cluasienses, siue metu ne oppidum diriperetur, si tantam multitudinem recepissent, siue adducti Gallorum amicitia, ut qui magnopere viribus suis ac mœnibus confidebant, portas clauferunt, nonnullis qui paulo ante commeatus petendi gratia ingressi fue-



rant, crudeliter interfectis: tanta quidem arrogantia, ut quosdam ad colloquiū incautē portis succedentes sagittis ē muro configerent. Quibus iniurijs permoti Heluetij, prolatis continuo tormentis, & deiecta muri parte, celeriter per ruinas irrumpunt, & supra sexcentos qui in armis erant vno impetu trucidant, domosque diripiunt. Nec ira perciti tectis pepercissent, nisi Sedunensis, Galeacio & Gambaro deprecantibus, simulato aduentu Gallorum, quod forte eorū antecursores in conspectum se dederant, pulsari repente tympana, & ad arma cōclamari iussisset. Quo casu quum sese omnes ad propositum signum, ut in aciem prodirent, portis eiecissent, paulo post & cæde oppidanorum, & multitudine prædæ, atque ipso etiam temporis spacio sedatis animis, ædificia conseruauerunt. Itaque rerum omnium abundantia recreato exercitu, ē Cliuasio E. porediam, mox Vercellas, quo in loco ne legatos audirent, uti pepigerant, ex quo tempore commorati, rectā Nouariam contenderunt. At postquam Nouariam ventum, Heluetij qui iam animo descuerant, nec vllō aut loci aut temporis interuallo, quo minus ab seipsis, ac fœderatis regibus deficerēt, sanari poterant, successione facta miscere cuncta strepitu armorum, partium principibus maledicere, & Cardinali, ni continuo pecuniæ proferrentur, exitium comminari cœperunt. Nec in tanta rerum omnium deformitate præsentanea remedia comparari poterant, que is furor atque impetus concitatae multitudinis leniretur, quum vno tempore Aquila Hispanus, nec paratam pecuniam Mediolano transmitteret, nec ipse, metu vel dolo incertū, multis accitus literis in castra veniret: & magis ac magis instantibus etiam tum Allobrogibus, centuriones, vexilliferos & vulgus militum Albertus, atque Despachius ad defectionem apertissime sollicitarent. Quamobrem Cardinalis, ut dissidentis atq; infidæ multitudinis tempestatem effugeret, in arcem se recepit. Nec multo post Albertus atque Despachius sublati vexillis, cum amplius hominum decem milibus domum superato Verbano, per Domossulam abierunt. Cæteri, qui vel fide præstabant, vel propter insigne odium aduersus Gallos, ut tantum dedecus admitterent adduci non poterant, Ronnam et Anglardum, homines ē Tigurino pago spectatę virtutis, duces sibi delegerunt, apud quos decedente iam metu Cardinalis verba fecit, docuitque nihil salubrius exercitui accidere potuisse, quam ut illi disciplinæ & decoris patrii euersores, qui empti pecunia cæteros deprauare, & fœdissima contagione inquinare conati essent, ut bellum pro dignitate Heluetij nominis necessario susceptū impedirent, ipsis tandem castris Deorum munere decessissent. Nec discessu eorum multum animo permouerentur, aut de victoria magnoperē dubitarent: adesse enim milites fide virtuteq; præstantes, venturosque alios iubentibus oppidorum magistratibus, quorum viribus sustinere Gallorum vim facile possint, modō consentiant, & secum optima ratione gerere bellum velint. Esse ad vtranque Padi ripam cum duobus exercitibus Laurentium Medicem, Raimundumq; Cardonium paratos iungere socia arma, & bellum communi consilio administrare, si propius accedere Heluetias legiones audierint: proinde videri sibi facile atque optimum factum fore, si motis castris continuo Ticinum amicam urbem, & rerum omnium copia abundantem, paruo itineris flexu contenderent: atque inde Laudem Pompeiam ad sociales exercitus progredierentur: vel eos, si ita oporteret, mutua securitate venientes exciperent. Vnam eam superesse spem & certissimam vincendi rationem, quando eo breui expeditoq; itinere facile iuncturi in vnum vi-

res, ac



res, ac simul Venetos qui iam peruenissent in Cremenſem agrum, à Gallis intercluſuri eſſent. Sed cum Ronna & Anglardus impetu ac libidine militum regerentur magis quàm alijs imperarent, & plures Mediolanum rerum caput petendum, eamque urbem incredibili copìa commeatus natura ac munitione loci, armorum apparatu, & egregijs ciuium ſtudijs maxime opportunam belli ſedem deligendam dicerent, nec ſaluberrima Cardinalis conſilia ſanis auribus acciperentur, alijs alia volentibus, rem ipſam ad ſeditionem penè deduxerunt. Fit enim ſæpenumero ſuperbia atque æmulatione communi vitio ducum, vt plerique in ipſis conſilijs ea maxime nolint, quæ alios ſummis etiam rationib.  
10 velle cognouerint, vltroque aſpera & duriora ſubeant, ne aliena conſilia ſequi videantur. Erant enim multi adhuc in exercitu Gallicę factionis: qui ſicuti Cardinalem ducem, vultumq; eius & ſingularem indiſtriā horrebant, ita ex occulto turbare omnia, atque omnem eius authoritatem conuellere conabantur. At Cardinalis, qui arrogantię ducum, & leuitati multitudinis reſiſtere ſe non poſſe ſine maximo vitæ diſcrimine prouidebat, cum fida magis quàm valida Heluetiorum manu, Ticinum atq; inde Placentiam, vt cunctantes exercitus ad capeſſendum bellum hortaretur, proſectus eſt. Galcacius verò Vicecomes & Gambarus, qui & præſenti pontificis pecunia, quæ iam adducta erat, & ſpe maioris ſummæ, & frequentiffimis concionibus vt optimos in offi  
20 cio continerent, & cæterorum mentes ſanarent, plurimum contendebant, in caſtris remanſerunt: eo quidem animo, vt ſi quid durius ſibi accideret, id quam æquiſſime perferrēt: ne Heluetij qui aliquo adhuc pudore & infamię metu tenebantur, relictos ſe deſperatis rebus, atque deſertos dicerent: ob idque exopta tam diſcedendi occaſionem arripere poſſe viderentur. Cardinale Nouaria proſecto, Ronna & Anglardus motis caſtris iuxta Verbanū lacum iter facere cœperunt: ac ſimul eodem tempore, Galli, quibus omnia tanquam victoribus ceſſerant, Nouariam aduolarunt. Octauianus enim Fregoſius paulo antè, quum ad ſe per maritimas Alpes Emarus Prius cum equitibus Gallis perueniſſet, ipſeque ſupra quatuor millia Ligurum armaſſet, Alexandria, Derthona, mul  
30 tiſq; oppidis Sfortianos adiuantibus Guelphis expulerat. Cæterum Franciſcus deditib. ſeſe Nouarienſibus, arcem primo aduentu obtinere non potuit, quanquam nec à forti cuſtode, nec ſatis firmo præſidio teneretur. Enimvero latiſſimis circum foſſis, & præ alto vndique muro cinctam, omnem oppugnationis impetum toleraturam apparebat. Verum Frãciſcus, qui hoſtile quicquam aut inuictum in tergo relinquere, neque validiſſimi exercitus neque ſuæ dignitatis eſſe ſtatuebat, Nauarro, qui oppugnaret negotium dedit. Ille noui decoris cupidus, ſubuectis continuo tormentis, conſtitutisq; operibus, tanta vi oppugnare adortus eſt, vt paucis horis & ſumma murorum, & celliora propugnacula, labefactis etiam turrib. cum ingenti ruina fragore deiecerit. Quo ter  
40 rore adductus imbellis præfectus, ſeſe atque arcem cum præſidio dedit. Interea Heluetij, qui Ronnam & Anglardum ſequebantur, Vareſium perueniunt, atque inde cum toto eo itinere deſœderatis principibus oblocuti Gambaro pōtificiam pecuniam ademiffent, ac tunc maxime, quod Albertus Petra atque Deſpachius feciſſent, ſe facturos minarentur, Galaratum propè omnes contenderunt: quò iam venerant Carolus Sabaudius, Lotrechius, & complures togati viri, vt iterum de pace agerent conditionesque conſcriberent. Adeo incertis animis leuis & factioſa multitudo huc atque illuc, modo ſpe auri, mo-



do decoris & gloriæ cupidine ferebatur, vt cum eadem vtrique promitterent vno tempore instabiles simul eos ac constantissimos existimares. Galeacius & Gambarus in earum perturbatione, quum fidissimos quosque militum & duces adirent, ac obtestando orandoque deprecarentur, ne turbidos ac deprauatos sequi vellent, ne socios principes prodere, ne tantâ publico nomini Heluetio ignominiam conflare, tantumq; Gallis hostibus afferre beneficium properarent. Duces sese ea ratione ad Gallos proficisci respondebāt, vt agendo interpellandoque omnem perficiendi negotij rationem euerterent, & diductis persuasisque militibus, ab Gallorum amicitia omnium animos alienarent. Sed longè aliter euenit. Nam primis statim congressibus et pacis leges dederunt, et nonnulli, qui ordines ducebant, pecuniam acceperunt, & se perpetuos Gallorum socios fore, si Franciscus ea rata ac firma haberet, quæ legati pepigissent, iurando confirmarunt. Postulabant vt sibi pro munere præsentis pacis, & ex fœdere, quod ad Diuionum cum Tramulio percussissent, septingenta milia aureorum nummum tribus pensionibus soluerentur. Aliaque præterea multa arroganter ac superbè admodum petebant, vt ad lacerandam omnem Gallorum existimationem, potentissimum regem tributarium, & Galliam vectigalem facere viderentur. Quibus omnibus postulatis, Galli subscribendum putarunt, quod neque pecunijs parsuri, neq; aliquid ex iniquissimis etiam conditionibus detrectaturi erant, modo bellum sine suo atq; hostium cruore conficerent: & sibi tandem indomitam gentem tractantem continuè arma, & Insuorum ceruicibus imminentem, fœderis ac firmissimæ pacis vineulo sociarēt. Sunt qui Heluetios arbitrentur, peruicacib. animis occasionem prælii circumspiciētes, callidè ac simulanter de fœdere cum Gallis egisse, vt specie pacis proposita, clarissimos viros cum ala Gallorum equitum circumuenirent & opprimerent, regiamque pecuniam, quæ ad condictam diem e castris adferebatur, interciperent: quod fortasse pro falso relinquendum putaremus, nisi qui talia memoriæ produnt, intima hominum consilia non facile coniecturis, sed ipsis rerum successibus metirentur. Sed dum Heluetij ad Galaratum rebus compositis de pace conditionibusque deliberant, Rostius summæ apud Heluetios auctoritatis atq; amplitudinis, cum viginti cohortibus à Belizzona superuenit. Cuius viri aduentu commutatis multorum voluntatibus, ac pluribus metu confectis, qui Gallos oderant, spem omnem in ita iam pacis corruperunt. Rostium enim paulo ante XII pagorum principes ad famam dissidentis exercitus, quod summum Tigurino in pago magistratum gerebat, & cæteris ducibus, sicuti etate, ita bellicarum rerum peritia præstare dicebatur, omnibus suffragiis totius gentis Imperatorem declarant. Is vt seditiosorum conatus effringeret, et presentibus malis mederetur, castigando, adhortando, terrendoque omnibus consilij modis, & presenti quoque seueritate non deerat. Ergo pudore ac metu conuersis omnium animis, cum pro pace bellum armaq; deposcerent, Rostius Gambaro pecuniam reddit: milites sacramentum apud se dicere iubet: & quum opportunè etiam Aquila Hispanus, cum pecunia superuenisset, persoluto omnibus stipendio, motisque eo die castris vt Mediolanum rectà duceret, per Comensem agrum Modoetiam contendit. Interea Sedunensis apud Placentiam quum de Rostij aduentu cognouisset, vt qui propè euersis ac desperatis rebus noua spe auctus nihil amplius de belli euentu timere videbatur, adhortari pontificios duces cœpit, vt Padum transirent, & secum ad victoriam proficiscerentur. Si-



tur. Simili quoque ratione Cardonium, qui ad confluentes Padi atque Abduge  
 castra posuerat, obsecrare atq; obtestari, maturaret Laudem proficisci, ac vires  
 suas cum pontificijs Heluetijsque coniungere properaret. Præberi à Dijs im-  
 mortalibus pulcherrimam incomparabilis victoriæ occasionem: qua si Rha-  
 uennatis cladis memoriam retineret, & quales rerum exitus in Italia, vincente  
 Gallo futuri essent, animo metiretur, proprio decori ac laudi desiderio sui re-  
 gis, totiusq; exercitus existimationi ac gloriæ satisfacere posset. Ille quum se ne-  
 que voluntate, neque consilio, neque viribus fœderatis principibus defuturū,  
 & ad præstitutā diem vniuersas copias adducturum in Laudensium fines pro-  
 10 fiteretur, Sedunensis nihil cunctandum ratus, à Goro Pistoriense procurato-  
 re pontificis septem vtriusq; armaturæ equitum turmas præsidij sui causa acci-  
 pit: & traiecto Pado Laudem contendit. Duces erant Mutius Columna, Lu-  
 douicus Pitiliani filius, Guido Rangonus, Nicolaus Balneus. Raynerius Saxa-  
 tanus, Ludouicus Firmanus, & Rainaldus Ticinensis, qui magnum in re mili-  
 tari vsum habebant. Sed quum Laudem peruenissent & Cardonius, vt consti-  
 tutum erat, ad iungendas vires minimè processisset, quod Heluetios de pace a-  
 gere, & Gallos, qui iam in Mediolanensem agrum peruenerant paucarū hora-  
 rum itinere à Laude abesse cognouerat, Sedunensis ira simul ac timore percul-  
 sus, vt ad Heluetios celerrimè se cōferret, Laude excessit. Quo casu, nonnulli e-  
 20 quites, quorū duces erant Rangonus, Raynerius, atq; Firmanus, siue metu siue  
 alio honestiore consilio, vt postea perfectō bello cognitum est, se vltius pro-  
 gressuros negauerunt. neq; quum Cardinalis ne tantū flagitiū admitterent, ne  
 se in tanta propinquitate castrorum insensissimis hostibus præderent, obnixè  
 deprecaretur, & postremo iurē legationis atq; imperij iuberet, minasq; adde-  
 ret, quin Placentiam redirent, flecti potuerunt. Mutius & ceteri, qui periculo-  
 sum cōsiliū, quod laudem & gloriā, quā tutum quod ignominiam affer-  
 re posset, sequi malebant, Sedunensem secuti, Modoetiam ad Heluetios perue-  
 nerunt. At Franciscus, tametsi spem pacis, nullo industriæ vel liberalitatis of-  
 ficio intermisso, minimè sibi abiiciendā existimabat, tñ ne aliquod interea per-  
 30 incuriam incommodū acciperetur, quod dimissa spe belli plerunq; languescere  
 ducum animi, & milites mentione pacis negligentiores fieri consueuerint, è  
 Ticinensi in Laudensem agrum deflexit, medioq; itinere secundum publicam  
 viam Mediolanū inter ac Melegnanum oppidum, quod Lambro amne allui-  
 tur, castra constituit, ipso rerum ordine, atque amplitudine copiarū admirabi-  
 liora, maioraq; quā quisquā ætate nostra conspexerit. Id pluribus de causis fe-  
 cit, vt ab inani ac peruastrato agro in fertilissimas atq; intactas Mediolanensium  
 possessiones transiret, ac simul Hispanos ac pōtificios ab Heluetijs interclusos,  
 summo discrimine proposito, transitu prohiberet: Liuiānumq; cum copijs ad-  
 uentantem ipsa castrorū propinquitate firmiorē redderet, & ab imminēte Car-  
 40 donio tueretur. Quo vno cōsilio Franciscus maximū omnib. rebus suis, & sum-  
 me demum victoriæ momentū attulit. His de causis Cardonius magnopere ti-  
 mens, ne subito Liuiāni Gallorumq; aduentu in patentib. campis opprimeretur,  
 ad Padum retrocessit, et pōte, quem antea nauibus constituerat, cuiq; Ioan-  
 nem Dorbinum ad tutelam cum cohorte et tormentis præfecerat, amnem con-  
 tra Placentiam traiecit. Erat Placentiæ Laurentius Medices cum cohortibus  
 quatuordecim Italici generis, & tribus millibus equitū. Cardonio autem ade-  
 rant octingenti cataphracti, et leuis armaturæ equites mille, cum legione vna ve-  
 terana, cuius singuli milites fortibus factis clari & præda diuites, tum spectata



virtute tum splendido armorum cultu, centurionibus suis, ac ducibus equabatur. Iunctis eo modo duobus exercitibus, quum & tuto transmitti Padus & ad Heluetios facile perueniri posse omnium opinione confirmaretur, appareretq; Laurentio atq; Cardonio, si progredierentur, vel ingentis victoriae, vel eximiae laudis occasionem esse propositam, in consilium adhibitis militum praefectis descendunt. Adducuntur vtrinq; aliqua in excusationem, quod non adhibita maiore diligentia & celeritate sese cum Heluetijs ab initio coniunxissent, cuius rei culpa, & cunctatione ducum potius q̃ angustia temporis aut itinerum difficultate, nonnullae occasiones praetermissae videbantur: Heluetios tñ omnes incusare, quod ignavis foederatorum exercitibus cum communi hoste de pace priuatim egerint, vel id se facturos fideli quatumlibet consilio simularint, quando eius facti sinistra fama periculofoq; rumore, territis iam omnium mentibus, gravissimi belli metum iniecerant: paratos tñ sese Hispani aequae ac pontificij profitentur transire amne: et si res poscat, nullam vel iniquam certaminis conditionem detrectare, modo ex fide egregiaque omnium voluntate bellum geratur. Sed quum inter se verbis tantum agerent, re vera autem alter alterius voluntati magno opere diffideret, qui nam primum castra flumen traducere vellet, reperiri non poterat. Laurentius tamen quae partes officij sui ac dignitatis essent, et quae mens, quaeque consilia patri pontificis forent, memoria retinebat, in difficili tñ negotio aliter sibi consulendum arbitrabatur: utpote qui Ferdinandum regem exemplo superiorum temporum cum Gallo clandestinis consilijs consensisse crederet: & proinde Cardonium, qui paulo ante ad Heluetios deflectere noluisse, nihil egregium pro alieno comodo facturum putaret. Ex aduerso quoque graui suspensus cura verebatur, ne Heluetij, qui fluctuando discrepandoque plurima defectionis signa praebuissent, in medio ardore belli lethale aliquod vulnus foederatis inferrent. Cardonius quoque eadem de Laurentio suspicari, & maxime ab omnibus perfidiam timere, quod audiret ab eo nuncios clam ad regem in castra transmissos, & legatum pontificis Ludouicum Canosium Tricaricensem episcopum, qui regis in castris remansisset, de compositione agere, constantissimeque polliceri pontificis copias nihil interea Gallis esse nocituras. Et forte (quod eius rei suspicionem adauxit) paulo ante Hispani equites Cynthium Tyburtum regiis castris redeuntem intercepterant, quem ad componendas res a pontifice transmissum docuimus. Quibus de causis facile fiebat, ut vterque cautius atque suspensius sibi agendum iudicaret. Cardonius, ne vel minimo accepto incommodo, Neapolitanum regnum, ac salutem suam, quae incolumi exercitu nullum discrimen subire poterat, prelij & Fortunae casibus obiectaret: Laurentius, ne potentissimum hostem, quem nunquam oppugnandum censeret, in ipso victoriae cursu, vana atque intempestiua offensione lacerare atque irritare videretur, a quo, si in citiore Padis ripa subsisteret, equiores conditiones expectandas esse putabat, quam ab Heluetijs, si pari etiam periculo iunctis viribus victoria potiretur: quod intelligeret eos, si victores euaderent, Parmam atque Placentiam, sicuti insolenter paulo ante postulassent, continuo armis esse reperi-turos. Ita quum malis artibus omnes bellum administraret, cuncta facilia atque expedita ad victoriam Gallo praebuerunt. Paulo post tamen siue aliqua simulatione, siue commutatis ratione voluntatibus, ad spem imminetis victoriae conuersi, quod precibus Maximiliani, & Sedunensis obtestationibus, Heluetiorumque omnium hortatu, quotidie per nuncios ac literas euocarentur, Padum transire coeperunt. Cardonius ut qui anni proximior erat, primus in aduersam ripam tetendit. Laurentius quod parum lucis supererat, edixit, ut de quarta vigilia omnes copiae ad ripam con-



pam conuenirent, atq; in albescente cælo trañcerent. Sed fortè accidit, vt eo tem-  
 pore Hispani equites, quos speculatum missos Cardonius excurrere iusserat in  
 Borbonij turmā per eandem causam prædandi explorandiq; per agros vagan-  
 tem inciderēt: commissioq; certamine Gallorū præfectū cum pluribus equitib.  
 captum in castra perducerent: à quibus cognitū est, regem Laudensi via muni-  
 tis castris cōsedisse: Liuianū cum exercitu ad Abduam progressum: Heluetios  
 accepta pecunia, vltro citroq; missis de pace oratoribus, sequenti die conditio-  
 nib. subscripturos, & validam Gallorū ac Germanorū manum Palicia duce ca-  
 stris digressam, Circumpadanis campis appropinquare. Quibus vulgatis ser-  
 monibus, Hispani qui summa alacritate paulò antè transierāt, inordinati ac tu-  
 multuantes, non expectato imperio, repēte collectis vasis pontē conscenderunt:  
 neq; prius festinandi trañciendiq; finis factus est, tamen si Piscarius increpando  
 componere ordines conaretur, q̃ in aduersam ripam priusq; pontificij Placen-  
 tia egredieretur, vniuersi constiterunt. Ita vana suspicio à falso timore nata, quū  
 Dij ac fortuna manifestè à Gallis starent, supremos hæsitantiū conatus, & sera  
 consilia discussit atq; perfregit. At cardinalis & Rostius ad Modociā, dimissis  
 ab se regijs araldis, qui ad tractandas pacis conditiones aduenerant, Mediola-  
 num cum omnibus copijs concesserunt. Heluetij pedites priuatis ciuium hospi-  
 tijs suscepti sunt: equitib. verò suburbana edificia, quæ ad Romanā portam ver-  
 gunt, data. Ibi agebantur stationes, et crebrò equestria prælia committebantur,  
 quod Galli è castris ad portam vsq; & pontificij è stationib. in proximos cam-  
 pos & circumiectas villas quotidiana consuetudine prouehebatur. Venerat e-  
 tiam paulò antè ad Ticinensem portam Triuultius cum modica militum ma-  
 nu, vt colloquium postularet, ciuesq; ad deditionem hortaretur. Sed illorū a-  
 nimis nequicq; tentatis, subita armatæ plebis procella, quæ ex improviso fece-  
 rat eruptionem, non sine salutis periculo repulsus, in tutum se receperat. Coa-  
 ctis Mediolani omnibus copijs Maximilianus & Sedunensis duces legatosq;  
 in arcem vocāt, & consilio adhibent. Quum de toto belli genere deliberaretur,  
 plurib. ad victoriā conducere visum, si non prius acie decertarent, q̃ aut se cum  
 pontificijs Hispanisq; iunxissent, aut Gallum confisum munitionib. suis, in æ-  
 quiores campos, aliqua necessitate imposita perduxissent: si quidem Heluetios  
 alteretrum faciliè consecuturos apparebat, si castra Binasco vsq; Ticinensi via  
 promouerentur. Cuius rei consiliū duabus rationib. explicabatur. Nam si Fran-  
 ciscus ad motū hostium pertinacius munitissimo in loco sibi persistendum esse  
 censeret, faciliè à Binasco per sancti Angeli oppidum, atq; agrum omni cōmea-  
 tu abundantē, se ad Padū peruētuos iudicabant, vbi pontib. antea constitutis,  
 sociorū exercitus cum summa spe victoriæ iungerentur: sin Gallus præmetuēs  
 ne Papiæ vrbe simul ac lapideo ponte Ticini amnis, quo in loco præsidium me-  
 diocrereliquerat, intercluderetur, Ticinum contenderet: eo casu, aut in itine-  
 re æquiore conditione, pugnatuos, aut à læua continuo deflexuros Laudem  
 Pompeiam: indeque accitis ac receptis in castra Laurentio atque Cardonio,  
 futurum esse, vt Liuianum à proposito itinere statim auerterent, & spem Gal-  
 lis comminuerent, quam illi de victoriā maximam ex rerum successu conce-  
 pissent. Hæc quum prolatis in medium membranis, quibus mensuræ itine-  
 rum & regionis situs pictura describebantur, vt agresti ingenio homines cer-  
 tius deliberata cognoscerent, nonnulli duces, qui vetere iudicio suo vel recen-  
 ti pecunia adducti, apud Galaratum pacis conditiones acceperant, dissen-



tiendo, & vanas difficultates immiscendo, consideratius maturiusq; ea exploranda dicerent, totam saluberrimi consilij rationem corruperunt. Quibus de causis Sedunensis, ne fidelium animi interposita mora languerent, & studia incertæ multitudinis in perfidiâ verterentur, eò omnes cunctis artibus ut quâ primum cum hoste confligerent, deducendos esse existimauit: ratus se aut egregiam relaturum victoriam, aut si Helueticj aliquam ex infelicitate prælij calamitatem accepissent, Gallorum genti cum vniuersis Helueticjs inexpiabiles inimicitias, atque immortale odium cõflaturum. Ergo cum signiferis & fidelissimis Pagorum principibus communicato consilio, Mutium Columnam secreto admonet, ut ex composito quum signum acceperit, ad arma cõclamari iubeat: ac veluti hostes iusto exercitu suburbanis ædificijs appropinquarent, cum equitatu procurrat, & quanta maxime possit timoris atq; periculi simulatione, ab Helueticjs auxilium imploret. Idem ut faciant primis cohortibus imperat, quæ virtute militari atque odio in Gallos insignes, in ipsis semper principijs proxima hostib. loca sibi depoposcerant. Ita quum pransi milites meridiatum irent, et ab ducibus in arcæ de bellî ratione disputaretur, subito ab Romana porta tubæ & tympana concrepuerunt, ac mox de aduentu hostium increbrescente rumore, aliæ post alias cohortes, quum primæ sequentibus causam tumultus per manus trãderent, atque omnes arma caperent, incredibili pugnandi ardore portis se effuderunt. Nec mora, etiam ambiguæ fidei legiones sublati vexillis subsecutæ, ne primos in eo tumultu, quod publicam salutem atque existimationem respiciebat, deserere, aut aliter de bellî causa sentire viderentur, confertissimis agminibus ad portam contenderunt. Cardinalis galero & purpura insignis, prælata cruce, incedentium ordines militari equo præteruectus, ut ad signiferos centurionesque vel ad notos clavis facinoribus milites peruenerat, adhortando accendendoq; ut properarent, testabatur sibi à Deo Máximo, Diuisque immortalibus promitti eius diei victoriam, qua non solum vniuersam totius Galliæ nobilitatem adolescentis regis auspicijs inter duos hostiles exercitus deductam, egregie pugnando deleturi essent, sed confusis Venetorum & Ligurum viribus propria virtute felicitateque, toti Italiæ leges essent imposturi: neq; Germanos mercenarios milites, quod roboris apud regem esset, quos tamen sæpius acie deuicissent, tam auersos à Cæsare, vel tam prodigæ virtutis fore, ut eos contra totius Germaniæ decus pro Gallis, qui veri hostes essent, pugnatueros existimarent. Neque Vascones fugacissimum genus: vel equites illos serico, torquibusque fulgentes, qui aliquantum plus præsidij in equis atq; calcaribus, quam in gladijs atque virtute reponere consueuissent, aut fortius, aut cõstantius quam antea fecerint, in acie dimicatueros arbitrarentur. Quod verò laboris atq; periculi relinqueretur, id totum occupandis hostium tormentis in genti animo subeundum. Vbi si qui fortè cecidissent, eorum animas à se pontificia authoritate ab omni labè criminis expiatis, relicta in terris egregiæ virtutis memoria, in cælum protinus euolaturas constantissime existimarent. Talia passim commemorantem, progressumque ad primas legiones, quæ iam in patentem viam venerant, Galeacius Vicecomes, Ioannes Gonzaga, Gattibarus atque Aquila legati, secuti sunt: adiunxereque se exeuntibus Helueticjs nonnulli equites ex his familijs, quæ vetere beneuolentia Sfortianum nomen colebant. Ex plebeis quoque sicarijsque hominibus aliquot armatorum manipuli prætereunti turbæ sese vltro admiscuerunt. Vixdum Mediolano tria millia passuum progressi erant, nec minus triginta inde stadijs Gallo-



rum castra aberant, quum falcones quos numero decem secum adduxerant, dis-  
 splodere cœperunt. Quæ res equitibus Italis magnam sollicitudinem atq; ad-  
 mirationem attulit. Mutius enim ad duces primi agminis mutata facie proue-  
 ctus, interrogare cœpit: Quânam insania viri in re bellica principes, discipli-  
 næque magistri, intempestiuis tormentorum boatibus hostes excitare conten-  
 derent, quos imparatos ac nihil de prælio cogitantes, inuadendos esse censui-  
 sent. Cui ab primis ordinibus alacriter respondebatur, satis ex disciplina cum  
 armato etiam instructoque eo hoste se pugnuros, si suspectæ fidei commili-  
 tones, atque omnium pagorum vexilla vno consilio secum in aciem descendis-  
 sent. Quod fieri posse confiderent, si ea simulatione certiora contracti certami-  
 nis signa ad sequentium sociorum aures peruenissent. Quorum virtutem infami  
 pretio victam, si iam nulla omnino periclitantis publicæ dignitatis verecun-  
 dia foret, cadentium saltem præ oculis affinium gemitus, militaris sacramenti  
 religio, & futuri mox in patria aduersus desertores iudicii metus, excitare, atq;  
 accendere posse viderentur. Tanta enim arrogantibus animis virtutis fiducia  
 inerat, vt maximas ac validissimas hostium copias summa contemptione de-  
 spicerent, neque vllam tormentorum copiam, aut vllas loci munitiones, quo  
 minus in castra vincendo perumperent, impetum suorum moraturas arbitra-  
 rentur. Erant ante alios viri fortes, sed barbaræ vefanæque virtutis Pelegrinus  
 Landebergius, Centius Amerer, & Rodolphus Longus, qui tres voluntarias  
 cohortes pugnacissimorum hominum in fronte constitutas habebant. Ii quum  
 in conspectum hostium deuenissent, tanto dimicandi ardore protinus exar-  
 serunt, vt ab cæteris ducibus, qui saniore consilio sistenda signa, locum castris  
 capiendum, & reficiendos ab labore viæ milites iubebant, quin pleno passu ad  
 hostem contenderent, retineri nequiuerint. Borbonius atque Triuultius ad di-  
 ui Iuliani templum, quod modico in pago est, castrorum principia habebant,  
 viamq; publicam præruptis vndiq; fossis, & de more regionis aggerib. com-  
 munitam, non temerè ad sinistram infederant. Secundum eos rex ipse, & post eum  
 Helanconius regulus, ad quem iure sanguinis, si Franciscus vita excessisset, re-  
 gnū Gallie pertinebat, mediam postremamq; aciem modico interuallo inter  
 se abiunctas collocarant. Ita tripartito castrametati, vt tres iusti exercitus sibi in  
 vicem, quum casus posceret, commodius atq; expeditius auxilio foret, lato ac mu-  
 nitissimo loco continebantur. Nam in circuitu frequentes erant fossæ, studio a-  
 gricolarum ad irrigandos agros perductæ, nouasq; vt vsus ferebat, opportunis in  
 locis Nauarrus munitiones addiderat, opposueratq; hosti ingentia scuta defixa  
 solo, & crassis funib. conuestita, vt his protecti Vascones, tutius et certius in ho-  
 stes sagittarent. Hanc statim castrorum formam lociq; naturam, Mutius et nonnul-  
 li duces Heluetij speculandi gratia in editiore aggeris partem equis prouecti a-  
 nimaduenterant, subindeq; notauerant, ad dextram locum castris opportunum re-  
 linqui, vbi satis ad humilitatem depressa planicies perpetuo riuo, qui ad frumen-  
 tarias molas defluebat, ab duobus ferme lateribus cingebatur. Eo in loco vt ca-  
 stra facerent, & relictis quiete cibosq; corporibus, nihil temerè de prælio cogi-  
 tarent, suadere conabantur. monebant, sicuti victoriam a consilio, ita poeniten-  
 dos atq; irritos conatus ab inconsulta virtute proficisci, eosque sepius aduersos  
 præliorum exitus sentire consueuisse qui audacia atque impetu potius, quam  
 utili mora & ratione hostem superare confiderent. Postremo testabantur  
 aduersus auspicia prouocari hostes, quod vetere gentis obseruatione is heb-



domadæ dies infaustus foret, qui inchoante anno cæſorum ab Herode infan-  
 tium memoria celebratus, toto anni circuitu verteretur: incidebat enim is dies  
 in Idus Septembris. Sed quum furor & fatalis infania, quod nunquam antea  
 Heluetijs in caſtris acciderat, & militi obſequium et ducibus authoritatem ab-  
 ſtuliffent, pugnaciſſimi quique procurrerunt, & cum Vaſconibus atque Ger-  
 manis atrociffimum certamen contraxerunt. Triuultius atque Borbonius,  
 qui multum antea de aduentu hoſtium certiores facti aciem inſtruxerant, &  
 tormenta idoneo in loco collocarant, quum haud dubiè premerentur, vt obie-  
 ctis flammis hoſtium tardarent, ſimulque eos vſu ac munitione domorum pri-  
 uarent, vniuerſa pagi ædificia ſuccenderunt, & ſuos in patientiorem locum re-  
 duxerunt. Erat ante tormenta Gallorum foffa ingens, ſummo audaciæ pericu-  
 lo ſuperanda, quam Nauarrus cohortibus oppoſitis & Germani eximig virtu-  
 tis denſis ordinibus tuebantur. Illuc audaciſſimorum iuuenū globus, aliquan-  
 to certiore exitio quàm victoria, peruadere non dubitauit. Erant ij ex omnib.  
 Pagis florenti ætate & ſingulari promptitudine lectiſſimi, qui peruetuſto gen-  
 tis more, vt raros ante prouectam ætatem militiæ honores aliquo inſignis vir-  
 tutis opere edito conſequantur, aſpera quæque & difficilia belli munera vitro  
 ſibi depoſcere, & ſæpius cum exitiabili laude propoſitam mortem ſubire con-  
 ſueuerunt. Hos ab immoderata fortitudine Perditos vocant, & in ſummo ho-  
 nore atque admiratione habent, licetque illis vna virtutis prærogatiua, & vexillo  
 lum ferre, & ducere ordines, & duplicata per omnem ætatem ſtipendia acci-  
 pere. Neque alio feliciſſimæ audaciæ inſigni à cæteris Perditi dignoſcuntur, quàm  
 candidiſſimis pennarum manipulis, quos more ducum è pileis ſpecioſa luxu-  
 rie deſuentes in tergum vertunt. Ii vno agmine aduerſus tormentarias pilas  
 ingenti animo progreſſi, quum magna clade accepta ex iniquiſſimo loco diu-  
 multumque pugnaſſent, tandem pertinaci impetu pulſis loco Germanis, & re-  
 iectis Nauarrinis cohortibus, per acervos morientium ad tormenta peruale-  
 runt. Quibus numero ſeptem occupatis, dum ſpe pleni conſertis iterum ordi-  
 nibus cedentibus incumbunt, vniuerſam primi agminis aciem perturbarunt.  
 In eo discrimine Triuultius atque Borbonius diuerſis in locis immiſſo equita-  
 tu, quantum viribus, adniti et conſilio prouidere poterant, ad reparandam per-  
 culſam aciem huc atque illuc ferebantur. Nec ſuis deerat Nauarrus, increpando  
 alios, alios interrogando, num vt tantum terga verterent, turpiſſimeque vix  
 dum hoſte conſpecto acie diffugerent, ab extremis Oceani finibus Pyrenæis-  
 que veniſſent: colligerent animos, & celeriter ſclopettos atque baliſtas expe-  
 dirent, tantisperque conſiſterent, dum latera nouis equitum ſubſidijs firmaren-  
 tur, & quam ignauig, aut inique ſortis apud Rhauennam malè pugnando notā  
 ſubſiſſent, ea die fortiter pugnando delendam eſſe exiſtimarent. Ita vno tem-  
 pore irruente ampliſſimo equitatu, Vaſconibus adhortatione & verecundia  
 confirmatis, Germanis ira ac pudore locum tenentibus, prælium atrox ac va-  
 rium redintegratum. Impellitur horrendo tormentorū ac armorum ſtrepitu  
 vtraque acies, vexilla rapiuntur. Mox Centius ac Pelegrinus pugnantes cadunt,  
 Puriusque prætorianę cohortis præfectus, & quatuor cum eo ſigniferi maioris co-  
 lubrinę ictu ab latere conſternuntur. Nec deſuere laborantibus ſuis Heluetij, qui  
 maiore circuitu ad hoſtes peruenerant: nam coactis in vnum ad triginta cohor-  
 tibus, duplici agmine animis ac viribus recentiſſimis gradum intulerunt, &  
 ablæua cum peditatu congreſſi, Sciatalardum clari nominis Vaſconum ducē,  
 ac Lu-



ac Ludouicum & Georgium Hellemburgenses ex Germanis nobilissimos inter-  
 fecerunt. Ab altera verò parte irruentes equites laxatis aliquantulum ordi-  
 nibus, in sinum excepere, ubi varia ancipitiq̃ue fortuna diu certatum. Nam ca-  
 taphracti, quanquam vi atque incitatione equorum dispersis, ac morientibus  
 fœde proculcatis, raros tenuesq̃ue manipulos cum multa strage perumperet,  
 tamen quum densis ordinib. occurrebant, aut prælongis contis induebantur,  
 aut fossis equis armorum pondere graues interibant. Periëre eo in loco acerrimè  
 depugnantes alarum præfecti, Sanferrius è Sacro Cæsaris oppido regulus:  
 Imbercurtius eximia virtute & longa militia clarus: Bussius Ambosius, & Frā-  
 10 ciscus Borbonij frater. ipse quoque Borbonius simile salutis discrimen adiit, vt  
 ipse dicebat, dum cruenta ea in acie versaretur. Sed ego postea aliter ab ipso re-  
 ge accepi nominatis testibus affirmante, Borbonium circumuento fratri opem  
 ferre minimè ausum, intactumq̃ue retro se à conspectu hostium ad secundam  
 aciem recepisse. Triuultius quoque dum circumuento ac morienti signifero  
 suo frustra auxilium ferret, inter lanceas alabardasq̃ue hostium conflictatus,  
 vulnerato equo, cristis galea deteris, alariorum interuentu periculo se eripuit.  
 Iamq̃ue egrè plurib. in locis prælium sustentabatur, & Heluetij, quòd iniquis-  
 simam fossam transissent, quòd tormenta magna virtute cepissent, quòd pulso  
 peditatu, perturbatis equitibus, in locum quem hostes tenuerāt processissent,  
 20 meliore fortuna præliabantur: quum Franciscus promota secunda acie, Alan-  
 conio pari passu cum postremo agmine subsequi iussu, dispositis per præfectos  
 certo in spatio pluribus tormentis, quibus à latere hostium phalanges peteren-  
 tur, cum nigra legione, ingentiq̃ue equitatu opportunissimo tempore super-  
 uenit: ipse regali paludamēto, quod cælesti colore aureis lilijis distinguebatur,  
 generosè apud hostes ac suos se regem professus in prima acie versari: impigrè  
 hostem ferire: huc atque illuc incitato equo periculose acerrimis hostium insul-  
 tare: ac demum non oratione tantum vel adhortationibus, sed egregio veræ  
 virtutis exemplo suos accendere. tantus enim erat incumbentiū impetus, tanta  
 consistendi pertinacia, tantusq̃ue inerat etiam saucijs ac morientibus vigor, vt  
 30 regem in ea prælij iniquitate, & maiestatis obliuisci, & vitam contemnere, &  
 rem inclinatam manu ac viribus potius, quàm arte vel consilio reparare opor-  
 tuerit. Equites quoque qui ad Nouariam, Taroannamq̃ue fugiendo pristi-  
 nam virtutis opinionem amiserant, ne si iterum cederent, sempiterna in poste-  
 rum ignominia notarentur, aut decora morte, aut egregia victoria, pugnantia  
 in omnium oculis regi suo satis facere contendebant. Cecidere eo congressu  
 Talamotius Tramulij filius, & Roya in Morinis nobili genere natus, & Van-  
 tellius, qui extra ordinarium regiæ turmæ vexillum cum Moio nobilioris a-  
 læ signifero, qui fossis vinearumq̃ue traducibus impediti explicare sese mini-  
 mè potuerunt. Ex Heluetijs autē, Rodolphus Longus ille multitudinis conci-  
 40 tator, & veterè in Ludouicum Sfortiā facinore insignis, item Flechius virtute  
 magis q̃ genere clarus, & Valterius Offius. Hic ob singularem prudentiā, et sum-  
 mam virium promptitudinē, quæ non facile in eius gentis hominibus commi-  
 scentur, omnibus bellis, & Nouariensi maximè in pugna, magnam virtutis opi-  
 nionem adeptus fuerat. Pugnatum est continēter horis septem: nam in medio  
 ardore certaminis, quum Sol occidisset, Luna eo tempore pernox claro splen-  
 dore inuecto vtramq̃ue aciem in armis continuit. Fuitq̃ue horribile cruentissi-  
 mumq̃: certamen, quandiu vel tantillū luminis superfuit. Mox condita nubib.



Luna, quanquam lassitudine ac vulneribus fessi hebetatis armis quieti locum quærerent, interim tamen per mutuum errorem cæcis insanisque ictibus socij pariter atque hostes crudelissimè sternebantur. Helueths etenim Germani armis lingua habituque non omnino dissimiles, dum varijs in locis inter se miscerentur, prodente demum tessera, fœdissimam stragem per tenebras edebant. Neque ab tormentis tota nocte temperatum: quæ sicuti incertis ictibus emitebantur, ita aliquantum plus terroris quam cladis inferebant. Sedunensis, qui spæ, cura, laboreque suis non deërat, quum errore loci in Germanos incidisset, eorum linguam asperiore voce mentitus, periculo se explicuit, & superata fossa ad confluentes domos reuersus est: vbi Rostius & Anglardus splendore flammarum inuitati, coeuntibus tanquam ad prætorium plurimis ducibus, signum ingenti classico proposuerant, quo sparsi errabundique milites ad vexilla vocarentur. Id erat amplissimum cornu syluestris Vri operoso argento in labris exornatum, quod à maiorib. per manus traditum, apud Vranienfes Heluetiæ libertatis authores cum magna cura ac religione custoditur. Eius itaque beneficio, quod à perito buccinatore ad humanæ vocis speciem scientissimè more gentis inflabatur, plurimi conseruati sunt: qui inter hostium cohortes vario errore delati, cōfundente aures tympanorum similitudine, certum ad suos receptum habere non poterant. Egere vtrinque mutuo timore suspensæ acies insomnem noctem, animis tamen quam viribus ad dimicandum paratiores. Nam strenui pariter atque ignaui, quanquam longo certaminis labore defatigati erant, diuerso tamen animorum habitu, vel nauandæ operæ desiderio, vel metu mortis excitabantur. Sedunensis, ac cæteri duces, tametsi eos prima opinio plurimum fefellisse videbatur, quod hostes, vt destinauerāt animis, ad primum impetū tanta etiā clade perturbatos minimè superassent, ac irrito prope conatu fortissimos suorum amisissent, tamē sese non deserunt: in concilium quam plurimos vocant: & quum expectare lucem, & prælio iterum decernere cunctis placeret, quod omnibus rebus imparati aduenerant, Mediolanum ad petenda omnis generis subsidia mittendum decernunt. Mittitur Ioannes Gonzaga, qui Maximilianum ciuesque ad ancipitis prælij euentum sollicitos noua spe impleat: cocta in primis cibaria, & plurimos vini cados deficientibus lassitudine ac siti militibus continuo subministret: ac demum tormenta, pilas, & sulphureum puluerem omni adhibita celeritate in castra transmittat. Duces verò atque signiferi digressi consilio, vt quisque de Cardinale & de prælij euentu sentiebant, variè apud milites loquebantur. Alij decoris & victoriæ cupidi, quum cladem, quam ipsi magnam acceperant, verbis eleuarent, suorum fortia facta & Gallorum stragem in maius falsis narrationibus extollebant. Contra alij aduersæ factionis, vt salutem maturè prospicerent, & cardinali in summis rerum difficultatibus constituto dignitatis & vitæ periculum augerent, Mediolanum solutis cohortibus reuertebantur. Equites quoque pontificij, qui propter exiguum numerum haud magno vsui fuerant, magna ex parte metu vel desperatione adducti, relictis ducibus in urbem redierunt. Cæterum Fraticus, quanquam summo timore atque ingenti periculo liberatus, tantæ virtutis homines egregiè sustinuisse videbatur, reliquo tamen metu & supræmâ veluti cura anxius, turbidæ noctis finem & incertæ fortunæ exitum expectabat. Neque corpori armorum pondere fesso, ac siti & continuo labore æstuanti maiorem quietem dedit, quam vt subducta ad spirandum galeæ buccula, dum equum mutaret,



mutaret, tormento paululum inniteretur. Inde statim ad ducis munia transgressus, Liuium ut cum exercitu accederet per nuncios monuit. Mox eare ab praefectis quos in coronam aduocauerat, equestri consilio comprobata, castra aliquantulum contraxit: & quod locus qui primi agminis fuerat ab hostibus tenebatur, munitiore spatio supra sex milia Germanorum in margine fossae constituit: iussitque eos pluribus tormentis ibidem opportunè collocatis praesidio esse. Ab alia parte magnum equitum numerum sibi adiunxit: monuitque Borbonium atque Alanconium, ut utrinque pari ordine primam & tertiam aciem lateribus suis admouerent: ita ut ipse recta fronte hosti oppositus, sicuti loci ratio postulabat, primi agminis vicem impleret, & duobus agminibus leuata ac dextra constitutis tanquam cornibus vteretur. Nec longe ab eo loco, Nauarrus & magna multitudo Germanorum, quum per tenebras praelio dirempti, neque castrorum formam neque regis consilia agnoscere potuissent, defixis solo vexillis confederant. Franciscus, ut qui nam fossarum situs, campi, interiacentis & publicae vig spatia forent, oculis ipse collustraret, in conspectum hostium cum paucis equitibus progressus est: mox sensim in Auroram abeuntibus tenebris, ad cohortandos Germanos contendit, quos magnis pollicitationibus erectos ad conficiendum modico certamine bellum, & ad partem iam victoriae praemia capienda, certae spei & alacritatis plenus accendebat: commemorans superiorum temporum iniurias, & clades quas Heluetii beneficio Fortunae potius atque iniquissimis temporum & locorum conditionibus, quam vera virtute Germanis intulissent. Proinde in animum inducerent, eam esse propriam atque expeditam rei benegerendae occasionem, qua consanguineorum & commilitonum suorum caedes vlciscerentur: ac simul fortibus factis declararent Germanos, sicuti nobilitate fideque praestarent, ita virtute bellandique peritia militarem gloriam agrestibus atque infidis hominibus minimè esse concessuros. Simili quoque usus oratione, Gallos equites hortabatur, ne à maioribus suis degenerare vellent, qui superioribus seculis equestri gloria omnibus gentibus praestitissent. Nec minore spe atque animo apud Heluetios acies instruebantur, quanquam maxima ex parte milites, sicuti diuersis in locis, atque in ipsis etiam hostium munitionibus vario casu conqueuerant, nullo cibariorum subsidio recreati, aegre labantes artus ferocibus animis sustinerent. Neque enim quae ab Mediolano, procurante Gonzaga conuehebantur, breui & nocturno maximè tempore, quod omnes semper administrationes tardare consuevit, adduci expediriue poterant. Plerique etiam sub Auroram oblatis ientaculis, quum tympanorum crepitu & fragore tormentorum ad pugnam vocarentur, optatos & necessarios fouendis viribus cibos relinquebant. Cuiuere in principijs nonnulli duces, inter quos erant Haslerius Foctius, ætatis honore, ac magistratus insignibus clarus, et Chezsius Amman inter Heluetios natu maximus, qui amplius quadraginta annos centurio, aut signifer, aut tribunus in exercitu fuerat: & praelio illo memorabili, quo Carolum Belgarum ducem eiusque copias ad Nanseium occisione deleuerunt, singularem in prima acie laudem meruerat, siue acceptae cladis conscientia adducti, siue cognito desertorum discessu & iam lucis beneficio perspecta locorum iniquitate, quod satis ibi existimationis, ad frangendos Gallorum spiritus hesternae dimicatione partum existimarent, praelio abstinendum esse iudicabant. Sed quum frustra deprecando contestandoque promota iam signa sistere, & procedentes ordines oppositis cor-



poribus retentare conarentur, & fato, & libidini militum manus dederunt. Ita Rodolphus, Segnius, Visembachius, Vnderualdius, Vldericus Iocstius, atque Zambronijs audaces acerrimæque virtutis duces, ratione committendi certaminis inter se constituta, bipartito signa intulerunt. Primum ac maximum agmen, in quo Tigurini pagi signum supremæ apud Heluetios dignitatis collocatum erat, recta aduersus regiam aciem, quam medium locum tenere docuimus, contendit. Aliud quod à dextris paulò infra cōflagrantis pagi tectasubstiterat, maiore capto circuitu ad Alanconium postremo agmini præpositum, deflectere cœpit: eo consilio, ut quum primî regem, & robora Gallici exercitus in se conuertissent, Illi Alanconium infirmioribus vallatum præsidij, magno impetu ab latere adorirentur, & perrupta eius acie, in sinistrum latus & terga regij agminis penetrarent. Aliam verò suorum multitudinem, quæ citra viam publicam à læua proximum campum tenebat, nullo ei certo munere capeffende pugnae demadato, quod ex parum fidelib. pagis constare putabatur, dextro cornu, vbi Triuultius atque Borbonius curabant, interuallo trecetorum passuum opposuerunt. Sed quum ad reli iactum processissent, Galli statim displotis in aduersos vno temporis puncto omnibus regijs tormentis tantam summa celeritate cladem intulere, ut prius temeritatis poenas dederint, qui ob audaciâ consilium sumpserant, quàm manus conferere, vel ad hostes peruenire potuerint. Eo casu quod per medium facta horribili vastitate strageque hominum, vnum non erat amplius phalangis corpus laceratis ordinibus: pars, quæ secundostatus timebat, terga vertere, & recipere sese cœpit: pars despectis iterum tormentis in hostes impetum fecit. Ii constantiore quàm vnquam antea virtute atque audacia, pluribus & acceptis & illatis, vulneribus fossam superarunt: & cum Germanis equitatuque regio congressi multa facinora effere virtutis ediderunt. Nam quum eodem quoque tempore Triuultius atque Borbonius extenso cornu, & circumflexis equitibus, in sinistrum eorum latus incurrissent, duplici fronte pugnare cogebantur. Sed Germani, qui acerrimo eo certamine Iacobum Condeum, Henricum Ricurtiũ, & Saxeum fortissimos duces amiserant, ira ac dolore simul incensi, illato gradu eorum impetum represserunt: & Pontineri proceritate corporis animique virtute inter Heluetios duces clarissimum ad equitantem ordinibus, ac suos clara voce, adiectis in Germanos cōtumeliosis cohortantem, sclopettorum ictibus equo deiecere, et vasti obsequij corporis adipe atque aruina patentibus plagis defluente, cruentas lanceas spectantibus Heluetijs inunxerunt: quæ apud Barbaros in acerbioribus odijs exactæ vindictæ grauissima cærimonia perhibetur. Ibi quoque Zambronijs, & Antius Encher, vasti animi & terribilis staturæ homines: quum ingentes gladios singulari peritia ambabus manibus regerent, & in media Germanorum acie versarentur, detruncatis pluribus lanceis, multisque hostium trucidatis, ad extremum tota acie in eos conuersa, oppressi sunt. Interijt & Chezsius Amman cadente equo qui tribus etiam sagittis confixus, in ea ætate plures horas adhortando pugnanoque, nec optimi ducis, nec fortissimi militis munus omiserat: quum cæteri quos supra memorauimus, antequam congregerentur tormentorum procella discerpti cecidissent. Ioannes & ipse Berrus Basiliensium vexillifer, quum multis confectus vulneribus diutius signum sustentare non posset, ne hostes eo potirentur, sericum hasta detractum minutissimè conscrpsit, et occubuit. Interea quoque secunda acies, quam ad Alanconium deflexisse docuimus, tantum postremo



stremo agmini terrorem intulit, ut equites magna ex parte, cadente Bemontio  
 alæ signifero, pluribusque eorum ad primum impetum interfectis, terga verte  
 rint, & effusis habenis Laudensi via cursum intenderint. Quo rerum tumultu  
 factum est, ut agrestes, & plerique speculatores, qui in agris erant, equites Gal  
 los inter impedimenta fugientes conspicati, quum Franciscum prælio victum  
 putarent, de victoria Heluetiorum per omnem Italiam perscripserint. Et res  
 profecto ab ea parte in maximū discrimē perducta fuisset: nisi Emarus Prius,  
 & Obigninus singularis experientię duces, qui cum Alanconio erant, fuga in  
 crepita, collectis in vnum vexillis conglobatisque militibus, summo labore pu  
 10 gnā sustinuisent. Magno quoque perturbatis subsidio fuit Liuianus, qui Ve  
 netorum exercitu adducto procurrens, cum nobilium cataphractorū ala sub  
 sequentibus reliquis superuenit. Is, ut erat & pugne & nauandę operę audus,  
 nulla interposita dubitatione, equites cohortatus ut se vadentem sequerentur,  
 in transversos hostes incurrit: quem Heluetiæ cohortes duæ conuersis signis  
 alacriter exceperunt: & vulneratis pluribus, interfectoque Cepino Pitiliani fi  
 lio summæ indolis adolescente, acriter incumbentem equitatum longius sum  
 mouere. Eius tamen aduentu magis quā viribus territa ea Heluetiorum ma  
 nus, quod vniuersas Venetorum copias, quæ in proximo erant, adesse iudica  
 bar, salutē consulere cœpit. Alij enim lassitudine, vulneribus, siti, sudoreq; con  
 20 secti in proximos hortos concessere, vbi superuenientibus etiam ab regia acie  
 subsidiarijs equitibus, magna eorum pars concisa est. Alij in proximam delati  
 villam, quū diu portā ac muris duce Trulerio Schafusiano strenuissimo centu  
 rione se defendissent, tandē Liuiano authore succensa villa, tormentis flammis  
 que expugnati crudelissimē perierunt: alios palantes, refugientesque ad maxi  
 mum suorum agmen, equitatus apertissimis campis consecretus ad vnum de  
 leuisset, nisi consilio atque virtutē veterum militum, qui in ea Fortunæ acerbī  
 tate discipline memores, sibi ac suis nunquam defuere, densata acie citra fossam  
 viamque publicam ad suos se recepissent. Eodem fermē tempore, tertia Helue  
 tiorum acies, quam contra Triuultium atque Borbonium constitisse ostendi  
 30 mus, siue prælij iniquitate perspecta, siue detestabili adducta consilio, quod fa  
 ctioni atque odijs, quā pulcæ necessitati satisfacere mallet, cædis atque alie  
 nę virtutis spectatrix, vexilla Mediolanum ferre cœpit. Neque (ut erant timo  
 re percussi) prælio succedere voluerunt: quod tamen propē necesse erat, quum  
 vniuersam leuem armaturam equestrem in oculis haberent, & frequentib; tor  
 mentis peterentur: quæ post equitatum insidiosē occultata apertis demum tur  
 mis, ad tubæ signum per intervalla sæpius mittebantur. Quibus de rebus cete  
 ri quos apud regiam aciem pugnantē reliquimus, dum cæco furore atque ira  
 perciti obstinatione animorum magis quā viribus locum tenerent, & alias  
 recentes Germanorum legiones, ad quas pugna nondum peruenerat, ad dimi  
 40 cādum paratas in conspectu haberent, desperata victoria receptui cecinerunt.  
 Magnum enim ad fossam paulo ante detrimētum acceperant, quod ē superio  
 re loco ab ballistarijs Vasconibus incredibili sagittarum multitudine configebā  
 tur, qui iuxta sclopettarios collocati, ut sclopettis implendis & tendendis scor  
 pionibus spaciū darent, ita mutuo recurso per centurias sibi inuicem succede  
 bant, ut continenti telorum grandine effusa, inulta acies frustra petitis à virtu  
 te subsidijs sterneretur. Dirempto prælio, cum Rostius, Ronna, et Anglardus,  
 atque alij tantæ ac tam perturbatæ multitudini monendo atq; imperando suc



currere, vel ducum officia facile implere non possent, ipsi milites etiam omnibus incommodis conflictati, ne fugere viderentur, in earum iniquitate, sibi quod agendum erat, mira constantia singularique peritia præscribebant. Nam fauciorum cura habita, ut quisque vulneribus debilitatus erat, bini milites summa pietate lacertis atque humeris tulerunt: reductisque ad vnum omnibus tormentis quæ Mediolano aduecta fuerant, nouissimum agmen recentiorum militum præsidio firmarunt. Adeo autem contempto passu via publica iter est factum, ut discessus nihil fugæ simile habere videretur. Neque enim inuadi facile poterant, quod ab utroque vigilare præaltis atque perpetuis fossis muniebantur. Galli qui viginti horis continenter, dubia plerunque victoria, armati in acie constiterant, quum fluentibus sudore artibus, ac labantibus lassitudine equis, & densa eleuati pulueris caligine, & irrequieto atque horribili tormentorum reboatu oculorum atque aurium sensum penè amisissent, finem insequendi fecerunt: ita tamen victoria potiti, ut egregie pugnando Heluetios magis vicerint, quam eos in posterum ullis viribus omnium opinione vinci posse docuerint. Helueti suis hospitibus perhumanè ac liberaliter suscepti, depositis apud publicas hospitales domos grauius vulneratis, reliquum diei ac sequentem noctem recreandis corporibus dederunt. Postero die plateam, quæ ante arcem latissime patet, tanta frequentia compleuerunt, ut nullam propè cladem accipisse omnium estimatione viderentur. Ibi habito inter se concilio, quum trime-  
stre stipendium postularent, & nisi id continuo sibi persolueretur, se abituros domum dicerent, minime id præstante Maximiliano, quod tantam pecunie vim expeditam non haberet, Comensi porta vexilla protinus extulerunt. Nec Cardinalis, ut qui aduerso rerum successu apud eos aliquantum pristinae authoritatis amiserat, allocutionibus suis quicquam profecit, quo minus vniuersi Comum contenderent. Quamobrem relictis tribus cohortibus Heluetiis, quæ arci præsidio forent, ipse cum pontificio equitatu ac valida manu Sedunorum Leucum contendit, superato quæ Abdua per Saxinam vallem concisis abruptisque montium tramitibus in Voltureniam vallem penetrauit, vnde mox transuersis alpi-  
bus Tridentum, atque inde in Germaniam ad Maximilianum Cæsarem profectus est. Helueti vero, & cum his Galeacius Vicecomes, à Comensibus, quod vicinitate regionis, & mercaturæ commercio magnæ cum his amicitiae necessitudines intercedebant, omnibus officiis ac facultatibus subleuati, superato Lario per Curiam Rethiarum domum reuersi sunt. Quum cesorum ratio iniretur, Galli ex viginti quinque milibus Heluetiis, qui in pugnam prodierant, vix dimidiam eorum partem integram superuisse, & ex suis ad tria tantum milia cecidisse cõtendebant. Helueti autem & occisorum ab se Gallorum numerum plurimum augebant, & censu domi habito, ad quinque milia fortissimorum hominum ea expeditione se amisisse fatebantur. Ceterum ea victoria tot insignium Gallorum funeribus tantoque periculo parta, Francisco regi in-  
& auxit, ut non immerito, quum eius noctis dieique euentum luculenter enarraret, effusissime lætaretur. Victoriæ quoque nouo gaudio perfudit Claudius Guisa Antonij Lotharingæ principis frater, quum interiisse crederetur, spiras inter cadauera hostium repertus. Is enim summæ spei adolescens Germanis præpositus, in prima acie usque adeo egregie, multis quidem acceptis vulneribus dimicarat, ut superincumbente Heluetia phalange, inter suorum ac hostium cadentium



cadentium acervos sterneretur. Eo autem duplici prælio hesternoque præfer-  
 tim, quum rex ipse eximij bellatoris laudem adeptus consensu gratulantium pro-  
 cerum equestri honore dignissimus censeretur, eius dignitatis ornamenta de  
 manu Baiardi viri fortissimi lubens accepit: quanquam adessent summi duces,  
 qui ex militari cæremonia conceptis verbis, districtoque gladio, quo leuiter si-  
 nister humerus petebatur, eum ornare percuperent. Baiardum enim ideo cæ-  
 teris prætulit, quod acerrimè inter hostes pugnātem conspexerat, nec maiores  
 duces inuidioso delectu ad id munus, tanquam inter se dignitate pares offende-  
 re vellet, simulque Baiardum præclaro iudicij sui testimonio celebrem perpe-  
 10 tuò sibi deuinciret. Equestris siquidem ordinis dignitas, non in otio imbellib.  
 ambitiosè quæsitā, sed fortibus testatè virtutis merito in acie parta, viros vel in-  
 firmæ fortunæ, longè nobilissimos efficere consuevit. At Mediolanenses vbi di-  
 scelsisse Heluetios vident, ne perniciosa cunctatione ciuitatem in discrimen ad-  
 ducant, ad dedendam urbem oratores in castra continuo mittunt. Erat legatio-  
 nis princeps Hieronymus Castelionus iuris peritia insignis, qui demississima  
 oratione victoris iram leniuit, deprecatus ne durius in miseros ciues animad-  
 uerteret, qui fluctuosissimis temporibus seruiissent potius, quam ab eo volun-  
 taria defectione descuiissent. Eos supplices, & quæ imperasset paratos facere, si  
 conseruasset, longè maiorem eum laudem, quam hesternā victoria fulis hosti-  
 20 bus meruisset, clementia atque animi magnitudine sibi comparaturum: quan-  
 do præstantius foret amplissimum regem humaniter ac temperatè vti victo-  
 ria, quam prælio in quo & milites, & Fortuna plurimum potuissent, felicissi-  
 mè superare. Franciscus ad ea respondit, se magis pro natura sua quam pro Me-  
 diolanensium meritis, qui toties rebellassent, & defectioni interfecto præsidio  
 summam crudelitatem addidissent, ciuitatem conseruaturum, modo trecenta  
 milia aureorum nummum, quam summam mulctæ nomine imponeret, intra  
 certos dies tribus pensionibus persoluissent. Dimissis legatis, partem exercitus  
 duce Nauarro ad oppugnandam arcem misit. ipse audita Comensium legatio-  
 ne, qui ad dedendam urbem aduenerant, & Heluetios finibus decessisse nun-  
 30 ciabant, Ticinum profectus est. At Laurentius, qui cunctando, neque amicè  
 neque hostiliter fecisse videbatur, quum audiret ad confluentes Padum & Ti-  
 cinum parari pontes, quibus ad se opprimendum Gallorum copiarum transmittē-  
 rentur, ad easdem fœderis conditiones recurrit, quibus paulò antè Ludouicus  
 Canosius Tricaricensis, et Cynthius Tyburs pacem ab rege petiuissent. Neque  
 animus regis ab nomine pacis abhorrebat, quāquam Liuianus victoria ferox,  
 qui ex priuato quoque odio ad apprimendum Cardonium summa cupiditate  
 ferebatur, interpellari, ac distineri regem in eo victoriæ cursu intempestiua pa-  
 cis mentione prædicaret: ac se protinus Hispanorum copias, si id sibi permis-  
 sum foret, vnus exercitus sui viribus deleturum polliceretur. Tunc demum enim  
 40 quum eos hostium reliquos deleuisset, faciliq̃ue victoriā imposuisset Etruriæ  
 leges, ac Neapolitanum regnum felici cursu repetisset, regem maturam victis  
 daturum pacem, & veram quietem affectis Italiæ rebus allaturum. Sed Franci-  
 scus qui occultiore consilio ex fœdere soceri, Ferdinandique regum, Hispanis  
 parcendum esse meminerat, & Parmam atque Placentiam, si per conditiones  
 recipere posset, tentari armis nolebat, æquissimo fœderi assensit, ne maiorem  
 sibi inuidiam conflaret, & Ludouici soceri exemplo principum animos nimia  
 ac formidabili magnitudine offendere videretur. Res itaque eo modo compo-



sitæ, vt pontifex Parmam atque Placentiam, quas vrbes armis tueri non poterat, Gallo occupari sineret: rex verò Florentinis eam pecuniæ summam remitteret, quam ex fœdere, quod in societatem recepti essent, quotannis Ludouico regi persolvere consueuissent, ac nihil Cardonio Hispanisque militibus noceret, eosq; in pacatum regredi pateretur. Appositum quoque disertè est, vt pontifici bellum gerenti certa Gallorum equitum auxilia Franciscus mittere teneretur, Mediceamque familiam in fidem clientelamque reciperet. eadem quoque regi pontifex præstaret, si in Italia bello laceraretur. Nec multo post Liuianus, vt eas vrbes, quas Veneti superioribus annis amisissent, armis repeteret, superato Abdua in Brixianum agrum profectus est. At Hicardus interea qui cum præsidio Brixie præerat, quum haud dubiè victores hostes totam eam belli molem in se vnum breui conuersuros existimaret, singulari celeritate atque industria, murum prioribus oppugnationibus quassatum refecit, fossas purgauit, aggeribus nouisque munitionibus muro additis, portisque ac propugnaculis magno tormentorum numero instructis, urbem natura loci per se tutam breui inexpugnabilem fecit: mox frumenti, vini, pecoris magna copia ex proximis castellis in urbem comportata, Guelphis & suspectæ fidei ciuibus vrbe electis, & comœtu omnis generis certis familijs imperato, validam Hispanorū manum ex his, qui Veronæ essent, a M. Antonio Columna, Spinelloque Cæsaris legato postulauit, contestatus, nisi ex ea copia maturè sibi subueniretur, eos postea si acerbior casus accideret, frustra suam fidem imploratuos. M. Antonius, tametsi veteranos milites, quos ipse paulo ante à Cardonio ægrè se impetrasse meminerat, suspiciosissimo belli tēpore sibi detrahi iniquo animo patiebatur, eius tamen precibus obtemperandum esse iudicauit, ne alieno periculo minus quam suo prospicere videretur. Itaque delecti Morellio, Orthisius, & Gufmanes eximiæ virtutis centuriones, cum septingentis peditibus, & Gothistardus vir fortis cum cohorte vna Germanorum, quæ summa hominum magna ex parte ex sclopettarijs constabat. In Verona profecti, conductis agrestibus qui occultiores calles ostenderēt, interdiu noctuq; itinere confecto per iugamentum, qui ad Benaci oram vergunt, saxosis nemorosisque tramitibus incolu-  
 mes Brixiam perueniunt, & adeo celerī improuisoque itinere, vt Liuiani diligentiam, qui eos cognita profectioe, si rectis itineribus accessissent, oppressurus erat, satis magno & temporis & locorum spatio præuerterint. Cæterum Liuianus ob eas res oppugnandæ Brixie consilio depulsus, quum multis contrariationibus summa spe capiendæ Veronæ teneretur, quod eam urbem arte naturaque minus validam, & detractis prædiariorum promptissimis, infirmiores esse existimabat, in supremā valetudinem incidit. Vir enim alterum & sexagesimum natus annum, quum laboriosissimo prælii die, tenue corpusculum sub iusto armorum pondere plurimum exercuisset, equestrique agitatione viscera penitus in herniam abiissent, incredibiles dolorum cruciatus sustinere non potuit: paucisque diebus apud Ghedas extinctus est. Fuit Liuianus parum liberali facie & pusillo atque incuruo corpore, planè deformis: cæterum ei inerat sublime ingenium ac vehemens, quod plerunque nimio quodam vigore animi quàm imperatorem deceret, ardentius & concitatus videbatur, ita vt eum multi aliquanto meliorem bellatorem, quàm ducem existimarent. Nemo tamen eo melius disciplinæ leges percalluit, nemoque fortius vel vigilantius singula militiæ munera obiuit: ad extremum qui nulla maiorum gloria



gloria insignis, ex priuato equite ad summos honores euaserat, omni bellica laude dignus videretur, si in ipso rerum cursu atque negotio, consilijs eius atque virtutibus Fortuna respondisset. Cadauer eius exenteratum conditumque aromatibus, milites moestissimi plures menses apud se in castris habuerunt, et solitum ei prætorium tetenderunt, perpetuisque funalium flammis, & continua armatorum statione adiecta, defuncto honores addiderunt, quales viuo tribuere consueuissent. Eo mortuo, quum ad neminem imperij summa redisset, & Georgij Hemilegati auspicijs exercitus regeretur, Senatus continuo ab rege postulauit, ut copijs in tanta spe conficiendi belli strenuo ac fideli duce orbatis, clarum aliquem rebus feliciter gestis imperatorem submitteret, cui Italus miles facile pareret, & bellum summa omnium concordia administrari posset. Nec multo post Triuultius, qui vnus omnium, quod virtute atque existimatione ceteros anteiret, ad id bellum Venetorum ac regis iudicio destinabatur, ad exercitum cum imperio profectus est. Interea Nauarrus dignum fama sua ratus si nobilissimam terrarum orbis, ac munitissimam arcem intentatam antea superioribus ducibus expugnaret, circumposita militum statione ad cohibendas eruptiones, magnoque agrestium numero, qui opus facerent mercede conducto, fossam iustæ profunditatis ab ea parte arcis, quæ Septentriones spectat, breui perduxit. Vimineas turres septenos altas pedes, quas nota ratione ac sæpius à nobis demonstrata, arena implebant, inter seque iungebant, ante opus collocauit, erexitque aggerem opportunis in locis in altitudinem pedum duodecim, ita ut tuto milites institutis cuniculis subterraneum opus inchoare, atque vltro citroque, quum res posceret, commeare, tormenta que statui, ac circumducere facile possent. Quibus omnibus, nocturno maxime tempore, propter hostilium tormentorum iniuriam, munitionibus constitutis atque perfectis, certam oppugnandi rationem instituit, quæ pro tempore ac rerum opportunitate optima videbatur: scilicet, ut turrium pinnas, & summa murorum propugnacula maioribus tormentis discuteret, ne cuiquam hostium ab ea parte consistendi in muro potestas foret, ac simul prospectandi facultate priuarentur, atque usu minorum tormentorum, quorum omnis generis magnam copiam in murum contulerunt, hisque cuncta pinnarum interualla, & singulas demore fenestellas instruxerant. Igitur ea omnia prolato ingentium cannonum & colubinarum amplissimo apparatu, continenti atque perpetua verberatione demolitus, tantam earum rerum vastitatem fecit, ut à Pallancina turre ad Carmelitarum propugnaculum (ea sunt ædificiorum cognomina) totum pulcherrimi lateris tractum, qui ad vigilum commoditatem atque operis elegantiam, tegulis et perpetua contignatione tegebatur, defensoribus interfectis superiore murorum corona defracta, bellicisque omnibus instrumentis eadem ruina disiectis, patefecerit. Mox ad suas artes conuersus, actis cuniculis succisisque propugnaculi radicibus quod arci coniungebatur, exitumque militari portula in fossas quam occultum habebat, magnam eius partem funditus euertit. Quo casu Nauarrini per ruinas connixi, tanta celeritate in propugnaculum euaserunt, ut custodes metu inopinatoque periculo consternati, quum in munitiorem interioremque locum se reciperent, vix spacium claudendæ portæ contra irruentes habuerint. Neque Maximilianus ad rumorem irruentis hostis excitatus, ut erat longo metu & curarum pondere obrutus, in tanto discrimine digna duce consilia capiebat: amissamque proculdubio ea nocte arcem sensisset, quum multi metu vel perfidia obstruendam tantum eam portam esse cen-



ferent, nisi Gambarus magnitudine periculi permotus, increpita ignauia atque perfidia, cum delectis militibus subterraneo aditu ad portam descendisset, eaque protinus patefacta, dum hostes effringendae ianuae consilia inirent, occisis pulsisque omnibus, propugnaculum recepisset. Nec multò post Nauarrus, dum incautius in opere versaretur, marmoris fragmento caput ictus, quod hostili colubrina ab latere eam maximè petente partem, summa vi defractum resilierat, oppugnationem ducibus suis reliquit. Perière his omnibus oppugnationis diebus ducenti fermè ex Nauarrinis, & magnus agrestium numerus vi tormentorum hostilium in fossis oppressus est. Philippinus quoque Fliscus, qui quondam abeunte in Germaniam Ludouico, cum parte praesidij Pallancinae praefuerat, & Bernardino Curtio prodente arcem, non obscuram prodicionis atque auaritiae notam subierat: dum Gallos quænam muri crassitudo, & quænam antiquitus internæ munitionis vitia forent, intentiore cura perdoceret, fortuito tormenti ictu discerptus interijt: ita ut meritis eum poenis et destinato exitio Fortuna obijcere videretur. Plures quoque ex fortissimis propugnatoribus Maximilianus desiderauit, & in his notum equitem Aloisium Ferrerium, quum nulla diurni nocturniue temporis momenta, quin vtrinque maioribus tormentis contenderent, intermitterentur. Porro Maximilianus, cui Fortuna primis imperij diebus, lata omnia ac tuta sponderat, quum sensim naturæ vel ætatis vitio imperitorum secutus consilia, parum honestis artibus se deprauauit dum dedisset, nec facile postea imminente bello tantos curarum fluctus imbecillitate ætatis atque ingenij sustinere posset, labefactatis aliqua ex parte sensibus, mente excedere ita visus est, ut neglecto priore cultu, non prius interiore tunicam exueret, capillumue pecteret, quàm subortis vndique pediculis, pedore & foeda illuuiæ deformis conspiceretur. Horrendæ etiam imminentium rerum species tristi animo per quietem obuersabantur: unde illi grauior morbus, quum relictis stratis, insomnes noctes perducere cogeretur. Multa eum quoque tot curis implicitum prodigia, quæ sanas etiam mentes perturbare consueuerunt, paucis antè diebus nunciata terruerant. Nam apud Gamballottam vicum, meridiano tempore duo equites in aere humana maiores effigies inter se concurrere visi, victoremque eum qui ab Galliae regione venisse videbatur, alterum continuo profligasse frequentes agricolæ confirmabant. Brennio quoque amnis Ticini socius, quem ob terremotum corruente ingenti montium mole, lacum supra Bellizonam nunquam antea visum effecisse memoria prodidimus, quum excrecente in immensum aquarum multitudine supra quadraginta stadia interclusæ vallis occupasset, nec iam vllis obicibus teneretur: effracta rupe patefactoque exitu effusus, subiectam planitiem inundauit, eodemque impetu & lapideum Ticini pontem, & nobilissimi operis munitionem, quam duplici contento muro, & turribus admirabilem, Ludouicus Sfortia interuallo decem stadiorum ab oppido in aduersos montes perduxerat, puncto temporis deiecit et abripuit. Inde per patentes campos horribili fragore delapsus, quum princeps Verbanum lacum peteret, cohortem Heluetiam in castra contendentem cursus celeritateprehendit: neque miseris repentina calamitate oppressis in proximos montes euadendi Fortuna spacium dedit. Nam quum in superiora villæ ædificia conscendissent, paulò post aucta profluentis violentia, conuulsis fundamentis integra natante villa deuecti miserabiliter perierunt. Qua clade pulcherrimus centum stadiorum tractus, villis, satis, arboribus, armen-



armentis, multisque mortalibus momento absumptis, interijt. His corporis atque animi morbis circumuentum Maximilianum, acerbioresque in dies ab infesta fortuna ictus metuentem, nonnulli vanis sparsis terroribus, quum amittendæ arcis pericula in maius augerent, ad summam rerum desperationem perduxerunt. Ioachimus ille, qui ab Agnelli colle descendentes Gallis, eas angustias suspectiore negligentia omni presidio nudatas reliquerat, disseminatis sermonibus apud prædiciarios, tristitia omnibus, & certum arcis excidium ominabatur: moliri subterraneos specus Nauarrum, quibus omnis aquæ copia penitus auerteretur, vel corrumpere, eumque perfectis cuniculis breui, sicuti ad Neapolim fecisset, munitiora arcis loca & turres ipsas sulphureis ignib. in sublimem iactatas eversurum. Quæ tamen multorum animos cogitatione periculi suspendebant, à peritis tamē ut inania confutabantur, quod depressissima turrium fundamenta, quæ etiam ut humido accedenti in solo sublimis imposita essent, vel insano etiam labore subterfodi non poterant: unde sibi neque cuniculo neque ignibus noceri posse arbitrarentur. Ea enim est horum operum natura, ut tum ignes, quum solidis ac siccioribus muris & cautibus inclusi fuerint, vehementissimè ad spirandum inanes auras quæritant, cunctaque veloci ter impotenti violentia perfringant, si verò, ut in profundis necessario accidit, molli terreno, vel modica aquarum scaturigine humentibus locis cuniculi inciderint, hebetato statim puluere humoris iniuriâ lentescunt ignes, cassoque labore in irritum, ut rerum magister vsus edocuit, resoluuntur. Igitur Sfortia, quum per eas animi perturbationes rerum tædio affectus omnibus suis diffideret, & memoria paterni carceris maiore animi mollitiæ quam virum vel principem deceret, vitæ libertatisque pericula metiretur, nulla dedecoris cura habita, quin se dederet non cunctandum sibi amplius existimauit. Neque Gamarus atque Aquila legati, in quibus summa authoritas esse debebat, quo minus in turpi sententia perseveraret, quicquam proficiebant, quanquam grauib. eum sermonibus castigatum in spem erigere, increpitaque degeneris animi subita consternatione, à tam fœdo dementique consilio detertere contenderent: ac simul testarentur, fœderatos principes, ipsosque præsertim Heluetios, qui pro eius salute ac dignitate conseruanda fratres ac consanguineos suos amisissent, iniuriam animo nunquam esse deposituros: si tam propinqua spe renouandi belli, rebus eorum atque consilijs intempestiua deditio, infami præiudicio obuiâ iret. At ille præsentis animo, quasi sensib. receptis, Egregiè (inquit) ac fortiter & mihi et paternæ auitæque gloriæ vel constantissimo vitæ exitu satisfacere, ut planè suadetis, nisi honestiora speciosioraque consilia eos, qui cadentib. rebus suis pertinacius cum irata Fortuna colluctantur, plerumque durissimis casib. reseruarent. Agnouimus enim iam pridem malè auspicati imperij fortunam, quum seruire impotentib. fœderatis cogeremur, qui tota prouincia publicis ac priuatis facultatib. spoliata, nihil mihi præter inane principis nomen reliquerunt. Vitæ namque ego ac libertatē, naturæ munera, dedecoris metu, vel perniciofa virtute despiciam, et ruentium rerum sortē iterum periclitabor, ut pro speciosis, inanis et incertæ dignitatis titulis insolentissimis hominibus, qui præscribunt, leges dant, & sumptus & vectigalium exquisitam rationem repossunt, iterum seruiam? aut proditus, ac perductus in Galliam paterno in carcere, & in hisdem catenis expirem? Imprudentè ego, vel ingrati, si in maiore mea iactura propriæ saluti ac libertati consulero, Ferdinandi, vel Cæsaris rebus præiudicasse



videbor, qui apertis consilijs, vt hoc imperium; maiorum meorum virtute patrum, nepoti Carolo adiudicarent, aliquando me extrudere cogitarunt. Quorum alter, vt qui semper cum hoste clandestine sensisset, extremis duobus casibus meis subuenire noluit. Alter, tametsi mensuris pensionibus ingentes ei pecuniæ soluerentur, quum tamen bellum immineret, in interiorem Germaniam regressus, neque suæ dignitati satisfacit vnquam, neque in meis vel miserrimi patris difficultatibus digna Cæsare, vel cognato principe auxilia transmissit. Neque Leoni, quominus dignis pontifice conditionibus cum Gallo scelus percutiat, hac necessaria deditioe impedimento futurus existimari velim: qui si fallaci atque infido Fregosio minimè credidisset, expeditioreque consilio celerius & constantius pristini animi deliberata peregisset, neque ipse cum maxima dignitatis imperijque iactura superbis hominibus seruire inciperet, neque ego fractis ac desperatis rebus, quod miserrimum est, apud hostem meliorem vitæ conditionem querendam esse censerem. Tantum verò abest, vt publicam Heluetiorum causam respicere velim, vt illos, qui magno suo incommodo huius imperij tutelares videri volunt, vltro ea molestia sim liberaturus, ne si bellum renouauerint, licitatione capitis mei alteram perpetuæ infamiæ notam subeant, vel cum natura factiosi atque venales dissentire inter se cœperint, aliam funestiorum fortasse cladem, sicuti nuper, dii immortales auaritiæ atque arrogantia vindictas intulerunt, mea de causa contraxisse videantur. Ita Maximilianus, vt perpetuis tandem curis atque molestiis animum liberaret, & principalem vitam nullis vnquam ærumnis vacuam cum priuata ac beatiore commutaret, trigesimo oppugnationis die arcem dedit, his conditionibus, vt sibi ac prædialijs militibus res suas atque omnem suppellectilem, præter militarem apparatus, efferre liberum foret, atque ipsi ab rege triginta quinque aureorum milia singulo quoque anno persoluerentur, modo per publicas tabulas paterno iuri cederet, & se iniussu regis, fide data, Gallia transalpina fines minimè excessum vlllo tempore polliceretur. Fuere ea tempestate multi mortales, qui Ioannem Gonzagam & Hieronymum Moronum, quorum consilijs Maximilianus innitebatur, ad extremum, vt rebus suis consulcrent, fidem cum fortuna commutasse existimarent: quod iuuenem imperitum rerum, ægroque animo fluctuantem, quem consilio atque industria sanare atque erigere potuissent, ad decidendam arcem impulsisse dicerentur. Quod pro vero fortasse relinqueremus, nisi tempora, quæ ab euentu rerum causas aperiant, aliquanto post ambos ex calumnia, Maximiliani etiam testimonio, liberassent. Ipse Maximilianus, quum regem apud Ticinum salutasset, comitantibus equitibus, qui eum liberè custodirent in Galliam profectus est. Nec multo post Frânciscus, quod ante receptam arcem suæ dignitatis esse minimè statuebat, Mediolanum tum primum inuentus cum ornatioribus turmis delectisq; cohortibus, quarum duces sumptuoso apparatu instructi insigni spectaculo populo præbuerunt, de hostibus magnifice triumphauit.



## PAVLI IOVII NO

VOCOMENSIS, EPISCOPI NV

GERINI, HISTORIARVM

SVI TEMPORIS

## LIBER XVI

**I**NTEREA Triuultius ad oppugnandam Brixiam profectus, quum perspecto vrbis situ, notatisq; hostium munitionibus, ad templum Euphemie virginis castra posuisset, aduocatis in consilium Venetis ducibus, qui sua & Liuiani cogitata in medium adducerent, duplicem expugnandæ vrbis rationem reperiebat. Vna erat, qua constitutis aggeribus, fossisque perductis ad securitatem oppugnantium, tormenta subueherentur, murumque opportuno ac debiliore in loco, maioribus tormentis ad regulam collocatis, ita diuerberarent, ut fossis murorum strage ruinaque completis, ad subeundum facilis ascensus, & latior ad irrumpendum aditus armatis ordinibus præberetur. Altera erat in celeritate posita, qua ex improviso pluribus simul in vnum locum prolatis directisque tormentis, prius murum crebris ictibus quassatum aperirent, tumultuarioque prælio depulsis defensoribus, urbem ingrederentur, quâ hostes imparati ac festinantes extruere aggerem opportunumque consilium in repentino negotio capere, & propugnare possent. Huius sententiæ erat author Petrus Longenas equitum præfectus, vir acer & fiduciæ plenus, cuius consiliû plerique sequebantur, qui longam ac laboriosam oppugnationem æquis animis expectare non poterant. Hanc, Triuultius dux vetus ab longo rerum usu grauique ingenio cæteris prudentior, laudata priore, non probabat, ut qui vltimam victoriæ partem, quam tuta vel recta belli gerendi ratio promittere posset, ab audacia vel casibus minimè sperandam arbitraretur. Sed quum Longenas propter summam locorum ac mœnium notitiam, quod Brixianus ciuis erat, æquioribus militum auribus audiretur, omnes ferè in eius sententiam concesserunt. Iactabat enim ab ea parte, qua Garzetta fluuiolus urbem egreditur, nullius propè negotij futuram oppugnationem, si à neglectæ custodiæ loco nihil tale verentes, hostes adorirentur. Itaque milites falsis adducti persuasionibus, quod plerumque ante periculum suas atque alienas vires iniquè aestimant, & destinata consilij secundo cursu sibi successura facile credunt, prolato apparatu, antequam dilucesceret, magna vi oppugnare cœperunt, vel ob id ardētius, quod loci felicitate impulsî, ab eodem exeuntis Garzettæ ostio, quum Galli frustra oblisterent, Gritto & Auogario ducibus, in urbem irrupisse meminerint. Tanta verò murorum strages edita est, ut patefacto aditu per ruinas transcensuri viderentur. Sed contrà ab Hispanis atque Germanis, qui summa promptitudine quod agendum foret sibi opportunè diuisis inter se muneribus præscribebant, cuncta ea, quæ Veneti quàm celerrimè perfici posse crediderunt, diligentiore industria tardabantur. Enimuero ne deessent, qui vno tempore & aggerem cōportarent, & mœniû hiatus obstruerent, ac simul in perpetua statione



consistendo è muris propugnarent, per mutuas cohortes sibi inuicem alternis horis succedebant. Vbi autem subitatio munitionis genere satis abundè periculis prouisum fuit, ab Nazariana porta, quæ latus oppugnantium ab inferiore parte respiciebat, admonitu Annibalis Lanæ Brixiani colubrina directæ est, qua, tametsi quominus certis ictibus in hostes emitteretur, crassior nebula superfusa terris, vt hyberno matutinoque tempore accidit, prospectum impedi-  
bat, ad primum tamen ictum, vel æstimatis coniectura moenium spatijs, vel ipso casu, qui bellicis in rebus ratione efficacior existimatur, tres simul tormentorum libratores interfecit. Vnde mox displosis vno tempore omnibus sclopettis cæterisque tormentis, in eas cohortes quæ ad fossæ marginem sub signis temere progressæ fuerant, occisis amplius trecentis militibus, tantum terrorem cum insigni clade cæteris intulerunt, vt Malatesta Baleonus & Ioannes Conradus Vrsinus, qui ante alios Longenæ auspicijs primas irrumpendi partes deposcerant, deserere trepida fuga omnem apparatus, celerrimoque regressu ad suos se recipere cogerentur. Quo casu Hispani atque Germani è muro stragem fugamque hostium conspicati, quin eruptione facta perturbatos inuaderent, minime dubitarunt. Neque Hicardus insidias veritus, neque Rodolphus Hala Germanorum dux, qui maioribus portarum spatijs aggere obstructis, angustissima portula nequaquam erumpendum esse iudicabant, reprimere ardorem militum potuere. Ita ducè Morellione scutis gladijsque contenti quum euolas-  
sent, aliquot interfectis & captis, occupatisque omnibus tormentis, vniuersos in fugam coniecerunt: maioreque incommodo ac metu hostes affecissent, nisi Triuultius, quem falsus rumor ab extrema castrorum parte ad propinquam spe capiendæ vrbs euocauerat, oppositis equitibus eorum impetum retardasset. Hispani siquidem tormentorum suorum, quæ in muro constituta fuerant, præsidio confisi, ob id aliquanto audacius perterritos insequiebantur, quod si hostis fortè vrgeret, tutum receptum sibi dari intelligebant. In eorumultu Hispani, ne, quæ ipsi dudum ceperant, acriore hostis impetu reciperentur, omnem tormentarii pulueris copiam succenderunt: excussereque curribus maiora tormenta, defractis eorum rotis atque axibus, ne reduci possent: minora vero humeris impulsa in fossam præcipitarunt, & se ad vnum incolumes in urbem receperunt. Reliquo autem diei tempore, quæ intacta remanserant, è muro directis colubrinis ita oppugnata sunt, vt aliqua percusso metallo frangerentur, alia disruptis curribus inutilia redderentur. Ea die Marcus Calaber equitum præfectus, quum in ipso oppugnationis ardore incautius in muro versaretur, tormento ictus interiit. Nocte verò, quæ sequuta est, Veneti per densiores tenebras extinctis ignibus, ad tormenta silenti gradu redierunt: quod hostes sulphureum puluerem, cuius penuria maximè premebantur, incertis ictibus minime sibi absumendum esse iudicabant. Maiora autem tormenta numero decem, & ex his vnum elegantis, ac miræ magnitudinis, quod Liuiani Cometæ appellabatur, obsessi postera die ductarijs funibus, per trocleas ergatarum artificio, è fossis in summa moenia sustulerunt. Triuultius post id detrimētum paucorum temeritate acceptum, è conspectu hostium recedendum ratus: vt aliquo temporis spatio instaurato apparatu recreatisque militibus, rursus ad oppugnandum reuerteretur, ad tertium ab vrbe lapidem copias reduxit, ac simul Veneti, ne irritò incepto abscederent, ab rege auxilia postularunt. Missusque exemplo Brixiam Bastardus Sabaudius Caroli Allobrogum principis patruus, qui  
tum



tum cognatione & gratia regis pollens potensque magnam apud Gallos authoritatem obtinebat. Erant cum eo supra tria millia equitum, & sex millia pedum Germanorum. Sed quum superato Abdua ad Balneolum oppidum peruenissent, Germani conspiratione facta, recusare militiam, atque obstinate subsistere ceperunt, quod aduersus Cæsarem & consanguineos suos minime se profecturos dicerent, quibus neque bellum, neque iniurias inferre veteris sacramenti religione tenerentur. Cæterum quæ iam capta essent, se tutaturos, & aduersus quascunque gentes, si bellum ultro Gallis inferatur, promptissimam in propulsanda iniuria operam præstituros. Eares Venetorum animos vehementissimè permouit: quod Franciscus parum sincero consilio eius generis auxilia transmisisset, quæ ambiguae fidei viderentur, quum nullis præmijs vel obtestationibus flecti possent, quin in proposito detrectandæ militiæ perseuerarent: ac simul omnibus maleficijs tanquam in hostico forent, regionem diuturno bello exhaustam prædarentur. Quibus de causis, Franciscus, vt apud Venetos omni fraudis vel commutatae voluntatis suspitione vacaret, fidemque suam erga socios inuiolabilem esse testaretur, reuocatis Germanis, Nauarrum cum decem Vasconum cohortibus Brixiam transmisit. Is enim sicuti curato vulnere cõualuerat, ita maxime ante alios propter veterem ac recentem gloriam mirabili operum artificio, oppugnandique scientia apud Mediolanum comparatam, à Venetis petebatur. Erant enim qui inexpugnabilem arcem, eius viri artibus omnino cessuram fuisse existimarent. Nauarrus adulta iam hyeme Mediolano profectus, quum Venetis castris iam appropinquaret, in hostium equites incidit, qui per causam prædandi omnem eam regionem repentinis excursionibus infestabant: vixque (vt erat paucis familiaribus comitatus) in eo periculo amissis impedimentis, atque omni castrensi suppellectile, equi velocitate eorum manus effugit. Interea Franciscus quum Heluetios vindictæ auidos, quos fremere, et bellum Italiæ minitari intelligebat, vllis vel amplissimis etiam conditionibus pacare non posset: ac subinde Ferdinandus & Cæsar impulsis Heluetijs, & Henrico Britannie reges sollicitato, coniurare inter se, & renouare belli consilia nunciarentur: vt imminentibus malis occurreret, colloquium ab Leone pontifice postulauit, ratus se eo congressu arctioribus foederis vinculis eum sibi obstricturum, suspicacesque regum animos, iniecta abditi consilij suspitione turbaturum: quod Heluetij ac socij reges, qui Leonem iniuriæ memorem, vetere partium studio minime commutato, seruire temporibus magis, quam cum Gallis ex animo consentire putabāt, magnam spem in eius pecunia atque authoritate ad conficiendas res maximas collocare viderentur. Et Franciscus religione etiam permotus, ad gloriam quoque pertinere arbitrabatur, si pontificem & sacrum cardinalium senatum inuiseret, ac simul se ipsum, qui tantus in acie fuisset, totque regulos ac duces ad splendorem Gallicę amplitudinis vltiorib. populis ostentaret. Leo, tametsi cōplures principum legati, et in primis Cardonius qui ad eum venerat, ne cum Gallo colloqui vellet obnixè precarentur, multis tamen de causis minime sibi respuendam conditionem esse existimauit. Ita maximo illustrium sacerdotum comitatu Florentiam profectus est, vbi totius Ethrurię concursu, magna atque incredibili hilaritate, Florentini, vt tantum ciuem pontificemque debeant, exquisitissimis honoribus exceperunt. Inde transgressus Apenninum quod Ethruriam Gallis aperire nolebat, gelidissimo anni tempore Bononiam peruenit. Nec multo post Robertus Vr



sinus Rheginus, & Pompeius Columna Reatinus nobilissimi antistites, qui Francisco Parma digresso occurrerent, eumq; deducerent, transmissi: quo tempore Tramulius quoque & Lotrechius procerum clarissimi ad pontificem iussu regis peruenerunt. Postero die Franciscus cum sex millibus equitum, comitante cardinalium senatu urbem ingressus, pontificem in prætorij ædibus sella sedentem exosculatis de more pedibus, adorauit. Neque pontifex eum regem, qui prisco cognomine Christianissimus diceretur, ad pedes procumbere passus est: nam venerabundum dextra motuque corporis alleuauit, deductumq; in secretiorem ædium partem humanissime complexus est. Erat Franciscus procera corporis statura, colore lacteo, viuacibus oculis, serena prorsus ac regia facie, omnium qui adessent eius ætatis formosissimus. Idque illi in primis incomparabilem gratiam addebat, quod nemo vel seuerus in eo fere imberbi grauitatem regij moribus necessariam desideraret, quum versicolore ac intercisâ veste pileoque diffluentibus pennis redimito, ac licentiore sermone apud suos palam vteretur: omnesq; tamen in castrensi comitate regiam dignitatem agnoscerent. Leo sequenti die Petroniano in templo, rege altaribus ministrante, sacra celebrauit: ac mox, quum aliquot dies secretioribus colloquijs impendisset, constitutis inter se belli & pacis conditionibus, quas memoriæ prodere necessarium non putamus, Hadrianum Arcturi Boysiui fratrem purpureo galero decorauit. Erat Boysiuius regis nutricius, atq; omnium consiliorum moderator: cuius impulsu Franciscus colloquium appetisse dicebatur. Regi quoque concessum est, ut citiore ac vltiore in Gallia sacerdotum reditus binis exactionibus decumaret: & contra permittente rege pragmatici iuris prerogatiua tolleretur: qua (ut suo loco memorauimus) sacerdotia tota Gallia collegiorum arbitrio adiudicari consueuerunt. Pontifex quoque in gratiam obnixè petentis regis, Georgium Suprasaxum magnæ apud Heluetios authoritatis carcere emisit. Is domi Gallicæ factionis extiterat: & propter cruentas atque acerbissimas simultates, quas cum Sedunense cardinale omnibus temporibus exercuerat, capitali iudicio conuictus, in mole Hadriani teterrimo in carcere seruabatur. Precibus item pontificis, Franciscus Prospero Columnæ libertatem se daturum pollicitus est, remissurumque ei (ut postea factum est) tertiam impositæ pecuniæ partem: quum Prosper acerbitate ducum, in quorum potestatem deuenerat, triginta septem millibus aureis nummis se redimere cogeretur. His rebus sex dierum spatio constitutis, Franciscus Bononia profectus Mediolanum peruenit, donauitque pontifex abeuntem aurea cruce preciosissimis gemmis exornata, qua frustulum Christianæ crucis includebatur. Ipse, non multo post, quum per aliquot dies Carneualibus ludis personatus choreis et matronarum amoribus indulisset, & crebris subinde rumoribus afferretur, Heluetios ac Cesarem, Ferdinando & Henrico obnixè iuuantibus, consentire in vnum, atque arma parare, magnis itineribus in Galliam contendit. Hisdem ferme diebus Triuultius atque Nauarrus ad Brixiam ampliore adducto exercitu, atque omnibus rebus ad oppugnandum comparatis, ab ea parte confederunt, qua Paulum Baleonum Obignino incluso, urbem oppugnasse memorauimus: perpetuisque munitionibus circumductis, trina templa, Apollinaris, Floriani, et Saluatoris, latiore spacio complexi, castra muniuerunt. Neq; per plures dies diurni vel nocturni laboris quicquam intermissum est ad perducendas fossas extruendosque aggeres, quibus tormenta aduersus hostium iniurias tegerentur.

Nec mul-



Nec multo post, nullo propè vulnere accepto, tota ea murorum pars, quæ ab imis montis radicibus ad arcem pertinebat, magna vi tormentorū pinnis propugnaculisque nudata est: actique subinde cuniculi varijs in locis, quibus intromisso puluere fundamenta murorum euertērent, vel subterfossis mœnibus per occultissimos specus in priuata vrbis ædificia penetrarent: atque inde sensim coacta militum manu, urbem inopinantib. hostibus occuparent. Sed Triuultius diuersa ac nota omnibus ratione mœnium partem ad longitudinem pedum ducentorum succisis radicibus, longa tibicinum serie fulcire, suppositisque ignibus excindere singulari studio contendebat. Fossores enim perpetua con-  
<sup>01</sup>cameratione amplioris cuniculi, qui ad mœnium lōgitudinem secundum fundamenta proferebatur, dum opus perficerent, occultabantur. Ii murum paulo supraradices malleis vectibusque perfringebant, subtractisque sensim lapidibus, tigna bipedalia, crassitudine humani cruris, modico pariq; interuallo inter se abiuncta supponebant: atque ita cōtinuato opere, totus murus perpetuis tignorum ordinib. innixus suspendebatur. Ea mox interualla, aridis virgultis ad concipiendam flammam pice atque oleo præparatis, tormentarioque puluere conspersis implebant, quibus postea ad ducis signum vno temporis momento succensis, quum eodem igne tibicines ac tigna supposita consumerentur, necessario eæ mœnium partes repentina atque ingenti ruina corruerent.

<sup>20</sup>Hæc quum singulari ducum solertia atq; incredibili studio ac labore militum pararentur, per viginti octo dies Gallica, Venetaque tormenta nunquam cessarunt. magna introrsus murorum vastitas facta: magnus timor hostibus iniectus, multiq; milites vtrinque occisi: & inter alios Annibal Lana, qui tutissima in parte mœnium resilientis pilæ ictu percussus occubuit. Interim milites quotidiana consuetudine inter se colloquebantur, quod primæ castrorum munitiones adeo mœnibus subiectæ erant, vt telum è muro facile in eas adigi posse videretur. Galli enim ac Veneti obsēsis famem omniumq; rerum inopiam, atq; omnis auxiliij desperationem obiectabant, ac mortem aut vincula comminabantur, quod eos, si per conditiones deditiōem facere vellent, minime sere-

<sup>30</sup>cepturos esse iure iurando confirmassent. Econtrario Hispani Venetis ignauia exprobrabant, quum se iterum omnem eorum apparatus adepturos eruptione facta denunciarent; magnopere verò se Gallorum vicem dolere dicebant, quod eo anni tempore, qui in tepentibus & bene cultis Insubrum domibus, pellicea veste & largiorib. epulis vti consueuissent, niuis ac imbrium atq; aquilonis iniurias pro aliena causa paterētur. Quum per hunc modum milites facete contumelijs inter se contenderent, Nauarritus miles, vt linguam iactantiamq; Hispanorum, iniecta cuniculi suspitione reprimeret, Hispanicè loquutus, Commilitones, inquit, qui extremis etiam rebus vestris iam securè iocamini, caute ne à vobis contumeliarum rationem reposcamus, quum Gallina ped-

<sup>40</sup>de scalpere ac fodere humum aliquando desierit. Quæ verba acuti & perspicaces Hispani, qui in muro erant, sanis auribus acceperunt, eaq; altius interpretati, Nauarrum pro Gallina specus cuniculosq; moliri, quod peculiare eius hominis artificium foret, ab suæ gentis milite per lusum cautè sibi significari iudicarunt. Nec mora ea res pluribus simul signiferis ac centurionibus communicatur, ad Hicardumq; concurritur. Ille qui propter loci mœniumque naturam atque eius hostis ingenium, qui in his artibus maximè inniti consueuisset, hæc eadem multum antea accidere sibi posse cogitarat, per eam vrbis partem, quæ



proxima castris & subiecta periculo videretur, diligentissimos homines circummittit, qui cuncta explorent, priuatas domos, templa, cœnobîa ingrediantur, scientissimeque perquirant, an aliqua cuniculorum vestigia reperiri possint. In id quum omnium militum animi summo studio intenti essent, alij passim omnibus silentibus strati, vt terræ motum notarent, aurem solo applicabant: alij tympana militaria solo deposita, si concussis leuiter membranîs, vel tenuissimè personarent, contemplabantur: alij capacissimas pelues, vasaque ænea omnîs generis aqua repleta, si tremulis motibus agitantur, intentissima cura omnibus locis obseruabant: quibus argumentis subterranei operis motiones necessario deprehenderentur. Nec multo post certo in loco animaduersum est terræ superficiem manifestè commoueri. Quam ob rem singulari omnium letitia cōtrarium illi cuniculum instituerunt. Erant multi in vrbe milites horum operum peritissimi, qui artem superioribus temporibus præceptore Nauarro didicerāt, pluresque Germani, quibus omne genus cuniculorum notissimum erat, propter Argentarias secturas, quæ apud eos ad Hercyniæ regionem sunt frequentes. Ex his nonnulli etiam inter Gallorum præsidia Bononiæ fuerant, et se Nauarri artibus contrarijs cuniculis feliciter occurrissè meminerant. Quibus de causis cōtinuato labore, ac pluribus simul perductis cuniculis, facile per obliquos meatus ad hostium opera peruenerunt. Quo casu læti milites ab opere desistunt, relictisque in extrema cuniculi parte paruis foraminibus quibus introspicere possent, silentio ad duces reuertuntur. Disputatur in consilio, an sulphurei pulueris cados, qui in eum locū ab hoste conferebantur, ex occasione discessus eorum subtrahere furtim, asportareque deberent, q̃ magnam eius reuolopiam diu antea sentire cœpissent: an opperiri tempus præstaret, horasque captare, quibus Triuultius atque Nauarrus gratia inspiciendi operis in eum cuniculum se demittere consueuissent: vt illos iniectis ex improviso igniuomis globis, miserabili morte concremarent. Sed Dîj immortales, qui vt præditos insigni virtute homines diutius seruent, plerumque imminentis Fortunæ imperum benignitate præuertunt (vt sæpe antea fecerant) illos ea quoque die protexerunt. Nam miles, qui subeuntes expectare debebat, cuique perficiendi negotij cura fuerat demandata, quum aliquos & in his cuniculi magistrum cultiore ac serica veste indutum versari in cuniculo per ambiguas tenebras conspexisset, vt qui se destinatos duces enecaturum existimabat, moræ impatiens, iudicioque deceptus, ambustis aliquot hominibus totam adinuenti cuniculi rationem hostibus patefecit. Neque tamen Triuultius atque Nauarrus, tam etsi multorum dierum labor puncto temporis interisset, quicquam ex alijs operibus remittendum sibi esse iudicarunt: quod obsessos, necessarijs rebus magna ex parte consumptis, sublata spe stipendiorū, auxilijs desperatis, extremas rerum difficultates non esse toleraturos intelligebant. Iam enim Hispani atque Germani quum in celeritate vel diligentia Cæsaris nullam spem collocarent, quod eum incertis tardioribusque consilijs momenta Italici belli respecturum arbitrantur, stipendium procacius atque arrogantius, quàm in obsidione deceret, efflagitare: miseros ciues violatis hospitij iuribus prædæ loco habere: ducibus atrocia comminari, Cæsaremque maledictis & probris incessere cœperant. Quin etiam quum Gurcensis cardinalis ad sustentandam eorum spem, ventura ad certam diem auxilia pluribus literis significasset, neque ea postmodum comparuissent, morionem a fello impositum imperatorijs insignibus atque aquilis exor-



lis exornatum, lagenas collo suspensas deferentem, per urbem deduxerunt, & pro Cæsare, veluti ipsis auxilio superuenisset, temulentius quàm quisquam crederet, scedis acclamationibus salutarunt. Neque abditi duces ac plurimum de salute solliciti, detestabilem ac nefandam eorum petulantiam autoritate castigare, vel vlisci suprema imperij potestate, ne seditionem miscerent, audebant. Hisdem ferme temporibus Cæsar in Vindelitiam redierat: imperatisque militibus, qui Brixianis auxilio mitterentur, ad quindecim cohortes armauerat: maiusque bellum, ad victoriam Gallorum excitatus ingenti animo moliebatur. Superiore enim æstate quum Franciscus tantis coactis exercitib. aduersus Hel-

10 uetios bellum pararet, ipse, veluti neglectis Italiae rebus Viennam in Pannoniæ fines abscesserat, vt cum duobus Septentrionis regibus colloqueretur. conuenere enim Vladislaus Hungariæ, & Sigismundus Poloniæ reges, atque ipse Cæsar in patentibus campis. nemoque fuit paulò notioris nominis Sarmata: nemo illustris Pannonius: nemo è tota Germania, qui toga vel armis clarus esset, qui regem suum cum ornatiorè turma equitum minimè fuerit comitatus. Aderant Thomas Strigoniensis, et Langus Gurcensis cardinales: aderant Danorum & Gothorum regis legati: Bohemorum & Marcomannorum Senatus: & totius denique Europæ principum oratores. Multa eo concilio, quæ ad rerum quietem pertinere videbantur, pertractata: actumque in primis de Mo-

20 scoutis, qui infesti Lithuanis, etiam tum Smolenchum vi captum retinebant: quibus Cæsar propter affinitatis necessitudinem, quæ sibi cum Basilio eorum rege intercedebat, fauere videbatur: magnoque omnium studio deliberatum est de auertendis Turcarum incursionibus, quibus finitimæ Illyrici & Pannoniæ regiones euastabantur. Visaq; est, sed nō capta ipsa rerum occasio gerendis bellis efficacissima: quum Selymum aduersus Aladolum regem cum omnibus copijs in minorem Armeniam profectum esse cognouissent. Pacem subinde ac fœdera inter se percussa arctissimis cognationib. additis, obstrinxerant: nam Cæsar Ludouico Vladislai filio, Mariam neptem suam Philippo filio genitā collocauit. Carolum verò, aut certè Ferdinandum alterum ex nepotibus, Lu-

30 douici sororem, quum nubilis foret in matrimonium ducturum recepit. Bona quoque Ioannis Galeaci Sfortiæ filia, cuius amitam ipse Cæsar antea duxisset, Sigismundo regi desponsata. Secretiora denique de maximis rebus inita fuere consilia, quæ sicuti ipso rerum exitu nihil memoria dignum pepererunt, ita ea nos literarum monumentis minimè tradenda esse censuimus. Sed dum cohortes in Vindelicia, commeatus, pecuniæq; parantur, qui Brixia præsidio erant, quod minore iam cura absentis occupatq; Cæsaris, & difficultate alpinorum itinerum angustiora sibi in dies futura omnia existimabant, de deditioe cum hostib. agitare cœperunt. Erant ij nonnulli ante alios signiferi ac centuriones, qui spe amplioris pecuniæ, quæ à Venetis offerebatur, & tædio diuturnæ ob-

40 sidionis adducti manipulares suos deprauarant: ac tunc maximè, vt se dederet, & laboris præmia, quæ certius ab hoste, quàm à Cæsare promereretur, accipere maturarent, habitis per contubernia conciliabulis, adhortabantur. Neque gregarij mercenarij; milites, qui parum decori ac gloriæ, questui verò plurimum student, tamen paulò ante iactarant se non prius de deditioe cogitatuos, q̃ omnes obsidionis acerbitates pertulissent, voluntati centurionum suorum defuerunt: publico nanque consilio decretum est, vt legati ad Triuultium de deditioe mitterentur. Postulabant vt viginti dierum induciæ forent: intra quod



tempus, si auxilia à Cæsare minime mitterentur, urbem dederent. Trimestre vero stipendium singulis præfidiarijs militibus ab hoste persolveretur, quibus liceret, quum vrbe decederent, vexilla præferre: tuba ac tympanis more militari vti, atque omnem bellici apparatus suppellectilem asportare. Neque Triuultius eas condiciones, tametsi inflatus quàm pro dignitate duorum exercituum foret ab obsessis proponerentur, respuendas esse iudicauit: quod parari auxilia in Germaniæ finibus per Venetos exploratores audiebat, & satis ad laudem perfectum arbitrabatur, si eos hostes, & in primis Hispanos, qui pro laude ac gloria in perferendis belli difficultatibus patientissimi existimari volebant, ad extremum intempestiua ac celeri rerum desperatione compulso, ad deditiōem perduxisse diceretur. Sed vixdum Bonualles Gallorum equitum præfectus ad tractandas deditiōis condiciones à Triuultio ad Hicardum missus, re perfectâ tabulisque confectis ab vrbe in castra redierat, quum frequentibus nuncijs allatum est, Cæsarianos Rheticis culminibus digressos aduentare: eosque biduo post cum armentis, commeatu, validisque auxilijs affuturos. Quibus cognitis Triuultius, ne repente Germanorum aduentu, ac simul vno tempore subita Brixianorum eruptione aliquod incommodum ancipiti contentione distractus acciperet, castra contaxie admonitisque præfectis atque omnium ordinum centurionibus, vt paratos ac intentos milites continerent, tormenta, quæ sub muro erant, reduci ad Euphemiae vicum, atque id ociosè admodum & quiete administrari iussit, ne concursatione & frequentia militum, callidus & arrectus hostis in aliquam, vel noui consilij, vel concepti timoris suspicionem adduceretur. Hispani tamen è muro, quod tormenta reducerentur, admirati, quum nullum interea per passionem telum vtrinque mitteretur, eius consilij causam à Venetis Gallisque requirebant, & crebrò num timerent, vel acceptæ fidei inducijsque diffiderent, notos quosque appellando, sciscitabantur. Contrâ illi, quod multorum dierum inducias concessissent, & clausis niue geluque alpihus, nulla eis ab Cæsare ventura auxilia manifestè perspicerent, veluti perfecto negotiō instrumentum omne bellicum se colligere respondebant. Interèa Gulielmus Rochandulphus multis militiae experimentis apud Germanos clarus, cum Lüdouico Lodronio, qui propter multas alpinarum gentium clientelas, atque opportuna castella quæ in Tridentinis obtinebat, montium locorumque omnium naturam, & inusitata quæque itinera apprinnouerat, per niuosos atque abruptissimos tramites cum auxilijs Ansum peruenit (id est rat castellum trigesimo ab vrbe miliari, petræ impositum) vbi coeuntes inter se montes, asperam conuallem, insuperabilesque angustias faciebant, quod Vrsattus Priulus Patricius Venetus cum mediocri præsidio tuebatur. Is tanta (vt belli insolens erat) Germanorum multitudine perterritus, quum illi horrendo ac truci vlulatu, nisi portæ statim aperirentur, omnia mox victis extrema supplicia denunciarent, repugnante Tonsio Bagnacaballo forti centurione, arcem continuo dedit: vnde illi non multo post exitium partum. Nam qui infami metu territus vitæ pepercisse videbatur, timoris ac ignauia reus Veneto in foro capite mulctatus est. Rochandulphus castello atque angustijs celeriter potitus, inde mouit: nihilque intermisso itinere, prius signa ac copias à proximis collibus ostendit, quàm Brixiani quicquam de eius aduentu nuncijs vel fama compertum habere potuerint: quod tanta diligentia Veneti itinera locaque omnia dispositis præfidijs obseruabant, vt qui mandata vel literas deferrent, sine manifesto vitæ periculo commere non possent. Montani quoque homines qui pertinaci fide Venetum nomen omni tempore coluerant, neminem impunè transire patiebantur: eoque bello supra quadraginta notos speculatores, qui è Brixia Veronam, vel è Germania in eas vrbes mittebantur, deprehensos necatosque arboribus passim nulla interposita dubitatione suspenderant. Quæ res insperatum repentinumque Rochandulphi aduentum fecit: & manifestam hostium tormentis salutem attulit. Rochandulphus, quod plures boues, & liquantum pecuniæ in stipendium magnamque sulphurei pulueris copiam, & septem milia peditum adduxerat, summa omnium gratulatione exceptus est, quanquam multi tacite aduentum eius moleste ferrent, quod sublata deditiōis occasione certa spe præmiorum quæ ab hoste proponebantur, manifestè decidissent.



dissent. Erant plures, quum adiucato statim concilio, sententiæ de belli ratione dicerentur; qui cibo ac modico somnio recreatis militibus; eadem nocte erumpendum, atque ad oppugnanda castra hostium contendendum esse censerent. Id Hicardus ipse & Rodolphus Hala, ac Vbertus Gambara, veteresque milites probabant; qui celeri audacia, factoque virtutis periculo deleri imparatos hostes; & bellum facile confici posse iudicabant. Triumultus enim paulo ante cognitio Germanorum aduentu, ut equitatum, quæ magno usus minimè sibi futurum asperis præcisque in locis intelligebat, in patientiores campos educeret, ad Ghedas ita se receperat, ut cum veluti loci distantia confisum, & a fesso ac fatigato hoste ea maximè nocte nihil tale verentem oppressuri nocturno impetu viderentur. Sed Rochandolphus, quum iniussu Cæsaris dubij atque audacis consilij fortunam, quæ (ut bellici ferunt casus) vel mediocri etiam clade illata resurgentes partium vires, & maiora iam Cæsaris consilia perturbare & euertere possent, se tentaturum negaret: prolatisque Cæsaris mandatis, quibus ille præscripserat, ut Brixia metu liberata contentus foret, omnes eius consilij cogitationes interrupit. Nec multo post, quum duriores de se rumores audiret quod multitudinè suorum militum aliquantum plus famis, quam pecuniæ vel comæatus intulisse diceretur, ad parandam pecuniam, qua militi stipendia soluerentur, duabus cohortibus in præsidij supplementum Brixia relictis, in Germaniam reuersus est. Iam enim Germani æquè ac Hispani, impellente vel coniuente Hala, qui vetere odio atque emulatione Rochandolpho tacite infensus, omnem eius authoritatem militari petulantia comminui ac lacerari magnopere cupiebat, frangere cœperant: nec à maledictis minisque palam abstinebant, quod sine stipendijs in ea rerum omnium inopia, quum per occasionem exploratæ victoriæ diuturnum simul bellum & longam duramque militiam finire possent, ipsa illa tot periculis cognita virtute, inutiles, muro inclusi, & victis planè manibus timidissimi cuiusque ducis imperio tenerentur. Mox gliscente insania, quum deterrimus quisque seditionis faces accenderet, quod summis hostium castris erumpendi prædandique, ut quotidiana exercitatione consueuerant, facultatem amisissent, summa proacitate atque licentia, debitas sibi pecunias ab ducibus efflagitare cœperunt, atque in Hicardum, qui ut tumultuantes authoritate pollicitationibusque sedaret, concionem aduocarat, inclinatis intentatisque cuspidibus impetum fecerunt: ac nisi circumstantes de more signiferi trepidantem superiectis vexillis contexissent, quæ ferro tangere fas non ducunt, & veluti sacrosancta etiam scelestissimi venerantur, proculdubio sceleratas manus nefaria ducis cadē maculassent. Eum tamen metu exanguem, hastarumque ictibus violatum discerpta ab humeris veste, ut maiore contumelia afficerent, in domum adamatæ nec arridentis matronæ captiuum pertraxerunt: neque centuriones, aut alij duces, qui ab initio tumultus ut saluti suæ consulerent, secretioribus se locis abdiderant, toto consternatis atque minacibus occurrere vel prodire audebant. Quum tamen aliquo temporis spatio præferuida seditionis insania refrixisset, atque ipsa cogitatione sceleris, turbidorum atque ferocium animi sanarentur, gregarij præcipuè milites poenitentia & pudore confusi, suos duces, qui metu tanquam à sceleratis diffugissent, sic animo atque oculis requirebant, ut dubitantibus ac pauidis publicam fidem darent, ac nihil in posterum eis nocituros esse, interposito iureiurando pollicerentur. Centuriones posito timore è latebris ad cohortes rediēre. Hicardus quoque pristinae dignitati restitutus, quod vnicum sedandæ seditionis remedium relinquebatur, pecuniam miseris ciuibus imperauit: eamque per omnes modos acerbissimè extortam militibus diuisit, ut alienatos ab se animos aliquo donatiuo deliniret. Quæ res Vberto Gambaræ in primis cæterisque Cæsarianæ factionis principibus, qui cogendæ pecuniæ rationem inuenerant; magnam conflauit inuidiam: quod illi, ut bellicis difficultatibus insana quadam ambitione subuenirent, utque in Cæsarem præclarius eorum studium videretur, neque priuatis opibus suis, neque calamitosæ ciuitati, euerseque propemodum patriæ pepercissent. Dati subinde militibus obsides, Alexander Balbianus virtute bellica & natalibus clarus, & Iacobus Tropius, qui in finibus Noricorum, propter amplissimas facultates summam authoritatem obtinebat. Ille pro Cæsare atque Hicardo rece-



perunt, promiseruntque si id minimè præstaretur, de suo omnibus stipendia persoluturos. Hicardus etiam sacramèto adactus iuravit, se non prius vrbe decessurum, quàm ab eo principe in cuius potestatem futura esset, siue Cæsar, siue hostis foret, trimestris stipendi pecunia numeraretur. At Rochandulphus quum in Germaniam ad Cæsarem peruenisset, expositis Brixiani præsidij difficultatibus, pecunias vt promiserat, quanta maxime poterat celeritate coegit, eundemque Lodronium qui deferret, cum quinque cohortibus misit. Sed Lodronius non eadem itineris felicitate vsus est: Nam Veneti cognita eius profectio, Ioannem Conradum Vrsinum cum valida manu peditum, qui Germanis occurreret, ad angustias præmiserunt. Iam Germani ad Ansum peruenerant, quum Vrsinus qui eos longius abesse putauerat, eodem vt in pago confisteret, atque eas angustias tueretur, multa nocte superuenit. Re inopinata, vehementer animo perturbatus, quod se in eum locum inexplorato demisisset, vnde cohortes sine detrimento vel infamia se recipere nequirent: quum se omnibus partibus inferiorem, si luce opperiretur, futurum intelligeret, noctem, quam casus obtulerat, ad consilium vertit, adortusque semisopitam multitudinem, priusquam arma capere, vel coire in ordines possent, cæsa statione vniuersos in fugam dedit. Ioannes Stennius militari virtute atque prudentia insignis, qui cohortibus præerat, dum pertinacius irruentibus resistit, obtruncatus est: Lodronius in potestatem hostium viuus deuenit: cæteri fœda in tenebris fuga per salebrosam conuallem ardentibus casis, quas tenuerant, niuosos montes petiuerunt. Desiderati sunt ex Cæsarianis paulo minus trecenti milites, in quibus fuere supra quatuordecim honestiore loco nati, quorum cadauera à conquistoribus Tridentum delata sunt. Quæstorem verò cum ipsa pecunia fugientem, quod vnum ad summam Veneti militis felicitatē defuit, nox iusto obscurior, notaque itinera, & proximæ paludis nauigium è manibus insequentium eripuerunt. Eodem quoque tempore Hispanorum cohortes duæ, minimè cognita Conradi atque hostium profectio, vt tutior venientibus Germanis accessus redderetur, Ansum Hicardi iussu contendebāt. Chinaea enim antiqua è specula, quæ Culmea hodie dicitur, Lodronius fumo atque ignibus significatione facta, Brixianos de suo atque auxiliorum aduentu, vt inter se constituerant, fecerat certiores. Sed Hispani quum iam appropinquarent, ac propè in manibus hostium essent, sorte quadam ab ignaro rudique agricola seruati sunt, qui illos similitudine armorum deceptus, ex Nauarrinis esse iudicans, è præcipiti conualis ripa tarditatem eis per iocum obiectando illudendoque, quod præde minimè interfuissent, rem vti gesta fuerat explicauit. Quibus cognitis è vestigio, vt necesse erat, pleniore passu Brixiam regressi, & de periculo suo, et de Germanorum cæde nuncium pertulerunt. Sublata spe Cæsarianæ pecuniæ, cum milites se omnibus necessarijs rebus egere dictarent, & prolixè pollicerentur, quum stipendium accepissent, se protinus hospitibus, ac creditoribus suis præsentipecunia satisfacturos, noua indies onera exhaustis affectisque ciuibus imponebantur. Ipsi quoque Germani ac Hispani equites peditesque commisti, vt inopiam industria subleuarent, publico & priuato consilio interdum noctuque portiterumpiebant, & vicinam hostium castris regionem prædabantur. Contra Triuultius & Veneti duces, quod vera vi atque oppugnatione parum profecerant, obsessos à quinto ab vrbe miliari, fame ac inopia rerum expugnare contendebant. Quibus de causis quotidie pluribus in locis equestri ac pedestri prælio certabatur,



tabatur, nouæque indies ab vtrisque insidiarum rationes reperiebatur. Paucorum enim dierum interuallo Mercurius cum Epirotis equitibus, Frânciscum Hicardi fratrem, qui alæ præerat, incautè cum paucis in insidias prolapsi intercepti. Ex aduerso Hispani equites ad Balneolum matutina excursionem progressi, Villanouam Gallorum equitum præfectum cum amplius triginta equitibus commisso certamine victum comprehensumque Brixiam perduxerunt. Nec multo post cum Malatesta & Camillus Martinengus, ut redeuntes à frumentatione hostes intercluderent, cum valida equitum manu opportuno ac depresso in loco consedissent, ad emissarii pontem acerrimè dimicatum est.

10 Quapugna pauci Hispani equites levis armaturæ, qui bucculatis galeis, solidisque thoracibus & crassioribus hastis, cataphractorum more uti didicerant, magnam hostium multitudinem loco pepulerunt, & falsa specie aduentantium Germanorum peditum perturbatis Venetis, capto Camillo, Malatesta fugato, pluribusque equitibus interceptis, victores in urbem redierunt. Paucos autem post dies Camillus & Franciscus Hicardi frater permutatione facta, suis vtrinque restituti: Gallus autem pecunia se redemit. Per eos quoque dies centum ferme Hispani atque Germani pedites, qui sine vexillo prædatum exierant, maioris pecoris non paruum numerum, pluresque captiuos Brixiam adducebant, sexcentos amplius hostium equites magna contentione prædam

20 recipere conantes, egregiè sustinuerat. Nam in Garzettæ torrentis, qui tum forte exaruerat, alucum demissi quum ripis ab lateribus munirentur, & circumpositis sclopettarijs, promptissimisque hastatorum in fronte ac in tergo collocatis, prædaque in medium recepta, quietè admodum regrederentur: nemo hostium tam fortis vel insanus fuit, ut despecta eorum paucitate accedendo irruendoque conferere manus auderet. Ita cum magna laude Vallastichini ducis, qui author profectiois extiterat tribus horis continenter, circumfusus insequentibusque hostibus eminus pugnando, ad vnum incolumes Brixiam peruenerunt. Hisdem quoque temporibus M. Antonius, qui cum præsidio Veronæ præerat, diurnis nocturnisque excursionibus Venetos fatigabat. Expedito enim equitatu, quum patentes campos percurreret, ac sæpius cum perfidio curruliū tormentorum, atque ampliore cohortium turmarumque numero in speciem iusti exercitus ex occasione repentinæ faceret expeditiones, omnem circumiectam regionem impune populabatur: commeatus, sulphureum puluerem, impedimenta quoque rerum castrensiū, quæ à Venetiâ supportabantur interciperet. Alieniæ enim arcem per eos dies tormentis secundo amne ratibus deuectis, subita oppugnatione adortus, deditibus sese ad primum vitæ periculum præsidarijs, occupat: ibique propter magnam loci opportunitatem, Suarem Hispanum cum præsidio reliquerat. Quibus de causis, neque milites, neque tabellarii, neque vilius generis negotiatores, nisi furtim, magnoque cum periculo, commeare audebant.

40 Ob ea Triuultius, ut regionem itineraque omnia maioribus præsidijs tueretur, Paulum Manfronum, et Mercurium Epirotam cum magna parte equitatus, cuius operam in oppugnanda Brixia minus necessariam iudicabat, ad Mincij ripas premiserat. Quorum aduentu, Veronensium eruptiones aliquantum repressæ, quod ex æquato vtrinque periculo, Antoniani latè excurrere, vel impune vagari non poterant. Sed dum singulari studio vtrinque insidie struerentur, ac vterque per idoneum locum, & certam ad nocendum occasionem emissis speculatoribus circumspectaret, M. Ant. consilia conatusque hostium nocturna expeditione



præuenit. Enimuero quum delectis cohortibus, tormentisque, & veterano equitatu Verona eductis, confectoque per noctem itinere, Vallegium contendifset, hostes qui tum forte ad se opprimendum Mincij pontem transibant, adeptus est. Quo casu Veneti aduentantiū peditum vexilla è proximo conspicati, quibus tamen equitatu longè superiores erant, se impares futuros arbitrabantur; citrà pontem se recipere cœperunt. Antonius ne dum tardius subsequentes cohortes suas expectat, hostis è manibus elaberetur, leuis armaturę equites qui distinerent, & contracto certamine abeuntes demorarentur, celeriter immisit: mox ipse quum Veneti egregiè impetum sustinerent, cum cataphractis insequutus, summos loco pepulit, & perturbatos vltra amnem refugere coegit. Erat in margine ripę pons sublicius & angustus, & lacer, qui in lateritium maioremq; pontem transmittebat, cuius lateritij extremum caput Galli ingruentibus Heluetijs (vt suo loco monstratum est) fuerant demoliti. Per eum Antoniani quatuor primo equites insignis audacię, mox alij atque alij quin peruaderent non dubitarunt, & ad propugnaculum vsq; perterritos toto pontis spatio propulerunt. Obstitit irruentibus aliquandiu egregiè Iulius Manfronus Pauli filius impiger iuuenis cum globo cataphractorum ab oppido in primam aciem transgressus, pugnatumq; est acriter medio in ponte crescentibus vtriusque subsidjs. Cæterum superueniente Antonio, qui appropere pedites, & displodere tormēta ad incutiendum terrorem centuriones iusserat, Venetifraga fugā disiecti, fugatiq; sunt: Iulius suffosso equo captus est, et cum eo amplius ducenti equites, binaq; alarum signa intercepta. In eo certamine Petri Francisci Columnę in primis, & Cæsaris Philetini alę præfecti, Succarique Belge, et Traiani Staffæ Perusini virtus enituit, qui grauiter in faciē vulnerati discesserunt. Paulus qui per patentes campos diuerso itinere speculatum processerat, simulque Mercurius, qui Hispanos pedites ab extremo agmine dum pugnaretur, frustra adortus fuerat, cognita suorū fortunā salutis sibi fugā consuluerunt. Antonius quoq; non multo post Iacobum è vico Varonis, qui cum Liuiani alarijs, Græcisq; aliquot equitib. Cabilloni supra Benacum incuriosius agebat, improviso adortus, multis eum insignibus equis, maioremq; alę vexillo, a omni militari supellectile spoliauit. Post id factum M. Antonius longè lateq; pabulatoribus suis campos aperuit, finitimisq; hostium præsidjs terrore illato, liberius quàm antea consueuerat, circumiectā regionem peruagatus est. Dum hæc ad Brixiam gererentur, Cæsar & Heluetij iunctis inter se viribus, aduersus Gallos expeditionem parabant. Sedunensis enim Cardinalis, quo nemo in fouendis partium studijs flagrantior, nemo in gerendis rebus vehementior fuit, pagos oppidaque percurrrens, ad capeßedum bellum vindicandosq; fortissimos viros, qui pro dignitate Heluetij nominis cecidissent, magnam eius gentis multitudinem suscitabat: quanquam pagorum magistratus nihil publicè de bello Gallico decreuissent, vt qui multis de causis communi cōsilio suscipere bellum nollent; & iuuentutem tamen stipendia facere, atq; aduersus proprios hostes, Cæsaris auspiciā sequi in ea rerum occasione paterentur. Henricus quoque Britannus per Richardum Paceum legatum, eos, vt arma caperent, obnixè fuerat adhortatus: ac tum maximè ingentem pecuniam in bellicos sumptus pollicebatur. Defuncto enim Ludouico quū vetere odio Gallis insensus, prosperis eorum successib. inuideret, nec Franciscum immiscere se Scoticis rebus æ quo animo pateretur, Maria sorore in Britanniam reuocata, veluti fœderib. mortē ipsa dissolutis,



dissolutis, ad antiquam regum amicitiam sereceperat. Siquidem Franciscus, qui Scotiæ regnum, sicuti semper in clientela Gallorum fuerat, haud dissimulanter Gallicis auspicijs regi atque administrari magnopere cupiebat, ut Britannos, qui quotannis populari fremitu arma Galliæ comminabantur, domesticibelli metu iniecto, ab inuadenda continente deterreret, Ioannē Stuardum Albanæ regulum in Scotiam destinarat. Erat Albanus Iacobi regis, qui Tylenſi in pugna occubuit, patruelis, multosque annos cum laude Gallicis in castris militarat. Is postquam cum Gallorum manu in Scotiam venit, ut nouam per sue factionis homines regni administrationem constitueret, nonnullis qui magistratus obtinebant gradu pulsus, Humeum ipsum pace belloque clarissimum, pueri regis nutricium, ac regni procuratorem capitali supplicio affecit. Margaritam reginam, quæ Gulielmo Angosio vni ex proceribus nupserat, adempto ei filio rege, quod cum in Angliam furtim asportare velle diceretur, Hildeburgo regiæ aufugere coegit, virumque eius & quos sibi suspectos arbitrabatur, proscripsit. Quæ omnia Henrici animum haud mediocriter ab amicitia Gallorum alienarunt, tametsi ille sororem Margaritam oderat, quod vixdum absterſis ab regis funere lachrymis, priuato consilio virum imparem regiæ stirpi, suspecta parum pudici amoris impatientia, quæsiuisset. Eum etiam Ferdinandus focer plurimum impellebat, & per legatos ac literas hortabatur, ut Taroannæ Tornacoque prospiceret: quando eæ continentis vrbes parua manu exiguaque pecunia contineri possent, si Gallus aliarum gentium bello distineretur. Ferdinandus enim Petro Durrea ad Heluetios misso, Cæsarem ad id bellum animo erectum, magna spe auxiliorum impleuerat, classesque Neapolitanam atque Hispaniensem primo quoque tempore ad nouandas res in Liguriam se transmissurum promiserat. Siquidem, ut erat rerum Europæ arbiter & moderator, quum exequata omnium potentia regum vires cautè ac prudenter expenderet, sicuti angustissimis ac perditis propè Gallorum rebus vrgente Britannno atque ingruentibus ad Diuionū Heluetijs, vires suas (etiam ex professo hostis) ad lacerandum Ludouici imperium conferre noluerat, ita attollere sese rem Gallicam, & nimio plus crescere minimè patiebatur. Sed dum intentus in id bellum è Celtiberia in Beticam, ad delectus habendos, et ad classem, quàm nouæ Carthagini comparabat, exornandam, proficisceretur, Madrigaletij in Agro Toletano, non longè à Guadalupeo Mariæ virginis templo, quod summam religionis in illis partibus obtinet claritatem, febre correptus interiit. Ferunt eum, quum iam quintum & sexagesimū ætatis annum attigisset, assiduo ac laborioso venandi studio, quod per aduersas etiam tempestates, quo minus ferar longissimè peteret, nullis cæli iniurijs terreretur, intemperantioresq; subinde Veneris vsu, vsq; adeo senescences corporis vires afflixisse, ut iam exhaustæ & collabentes vlla reparari medicatione nequiverint. Erat corpore mediocri, sed robusto, ac in omni armorū, equestriq; præsertim disciplina, vltra vulgaris peritiæ laudem exercitatio. Per omnem autem ætatem callido constantique ingenio fuit: & ut erat sæpius vtranque fortunam expertus, prosperos pariter & aduersos rerum successus adeo compositè ac patienter tulit, ut nulla vnquam vultu eius consiliorum vestigia deprehenderentur. Cæterum qui Mauros longo ac difficili bello tota Hispania pepulerat: tot Punicas vrbes à Syrtibus ad Herculeas columnas vi ceperat: ac nouum inauditumque terrarum orbem, immenso ac insuperabili Oceano mira felicitate perdomito, tot auitis regnis



adiecerat, regum maximus videretur, si principum amicitia quam semper priuatis commodis suis aperte meritis est, per occasiones belli & pacis religiose coluisset: ceterasque virtutes, quæ in eo summæ erant, iustitiam & fortitudinem in tanta regnorum amplitudine, ipso splendore liberalitatis illustrasset. Pluribus ante mensibus, quam moreretur, Carolum Ioanna filia ac Philippo rege genitum, eundemque Maximiliani Cæsaris nepotem, qui postea tot amplissimi auiorum imperia in vnum contulit, & Cæsaris nomen adeptus est, testamento reliquit heredem. Hisdem quoque diebus paulo antequam rex vita excederet, Consalvus Ferdinandus, qui solus inter ætatis nostræ imperatores Magni cognomentum egregia virtute promeruit, dum grauantibus annis apud Illyberim in ocio degeret, quartanæ morbo extinctus est. At Cæsar & Sedunensis, tametsi importuna socij regis mortem nunciata, magna spe destituti, et veteribus depulsi consilijs, alias gerendi belli rationes iniri viderentur: nihilominus conscriptis iam adductisque ad proximas alpes legionibus, primo statim Verre in Italiam transcenderunt. Erant supra quatuordecim milia peditum Germanorum omnes ferme veterani notæque virtutis, quos periti duces, delectibus habitis, lustratisque prouincijs, ut quemque fortissimum famæ vultuque cognouerant, & præsentip pecunia, & multo maxima spæ prædæ, quod in Italiam ducerentur, sedibus suis exciuerant. Nec deerat multitudo ingens voluntariorum militum, qui longa militandi consuetudine adducti, permotique Italiæ opibus, quum ad primum tympanorum crepitum arma sumpssissent, castra atque eadem Cæsaris auspicijs sponte sequebantur. Fama enim percrebuerat, Cæsarem pulsas Gallis extemplo Romam esse petiturum, ut à pontifice maximo auream coronam, ac sceptrum Romani imperatoris insignia more maiorum acciperet: eumque regulis omnibus, ac liberis ciuitatibus, uti odio vel amicitia meruissent, stipendij nomine ingentes pecunias imperaturum. Quibus de causis Leonis pontifex, qui Germanicas irruptiones Vrbi semper atque vniuersæ Italiæ funestas extitisse memoria retinebat, ut eam belli procellam auerteret, paulo antequam ad molliendum Cæsaris animum Egidium Eremitanum in Germaniam destinarat. Is tum conciliandæ pacis egregius artifex habebatur, qui quondam sacris concionibus tota Italia habitis, summam religionis, atque eruditioris eloquentiæ laudem adeptus, postea cardinalatus honorem à Leone promeruit. Sed Egidius, quum ardentibus ad id bellum omnium animis, sera etiam ac in tempestiua pacis mentione, militare Cæsaris ingenium posse flectere videretur, à militibus exulibusque Italis, qui ut in patriam rediret reliquam spem suam in armis collocarent, non mediocri salutis periculum adiuit. Cæsar Tridentinis iugis digressus, ad M. Antonium & Sedunensem, qui Helueths ceterisque copijs Verona eductis præerant, cum delecta equitum ala peruenit. Is dignitate omnis, & militari habitu inter summos proceres conspicuus, & sui nominis auctoritate venerabilis acclamante exercitu, Augustus salutatur: concipiturque omnium animis certa spes victoriæ, quod neque Galli, neque Veneti tantum exercitus vim laturi viderentur. Consultaturusque inde aduocatis ducibus, an extemplo progredi sublati signis, Mediolanumque recta contendere expediat, ubi hostes, occupatis metu atque inopina celeritate animis, uti nullis adhuc confirmati auxilijs, & dubijs aut auersis ciuium voluntatibus, defensionis & fugæ consilium fluctuante agitarēt: An verò satius foret ex itinere Asulam oppidum expugnare, ne à tergo relictis hostes, commeantibus à Verona iter præcideret, & com-



& commeatus subuectiones impedirent. Id oppidum Venetæ ditionis paulo supra Olliū et Chesium amnes positū est, valido per se muro, & tum fideli præsidio ita munitum, vt sustinere oppugnationem si tētaretur, neglectum verò, præteruecto festinantique Cæsari, assidua detrimenta afferre posse appareret, Cardinalis Sedunensis, M. Antonius & Galeacius Vicecomes, atque ante alios Iacobus Stapher è Tigurino pago, eximiæ apud Heluetios authoritatis, summum bonum expeditamq; victorig rationem in celeritate ponebant: propterea conuolandum esse Mediolanum, vt imperij caput, imparatis & trepidantibus Gallis occuparet. Paratos enim esse Mediolanenses superbæ gentis iugum excutere, vt Cæsaris vexilla conspicerent: nec Trivultium exactæ prudentiæ ducem, cui maior collega Carolus Borbonius esset impositus, admissurum fore, vt pertinacia sua diripiendæ patriæ occasionem, pro externi regis commodo imperitiq; iuuenis laude præberet. At Cæsar, Marco Sithio & Rochandulpho Asulam omnino expugnandam esse censentibus, nequaquam suæ dignitatis esse statuebat quicquā hostium, quod à tergo officere posset relinquere: ne qui magna spe toto Galliæ Cisalpinæ imperio Gallos expellendi venisset, de expugnatione tenuis oppidi dubitasse crederetur. Admoto nanque terrore tormentorum subigendos esse prædicabat, qui insolenter temereque initio belli portas clauderent. Quod si stulta contumacia obistere pergerent, eorum insaniam omni belli clade atque sæuitia vindicandam. Neque fuit quisquam qui priorem sententiam non mutaret, & Cæsari tanto imperatori non assentiretur. Verum prolatis tormentis, Asulani accepto militari præsidio, aliquanto fortius quàm quisquam crederet, vehementissimam atque terribilem oppugnationem sustinuerunt: quum Riccinus Asulanus admirabili virtute ac vigilantia sese et patriam tueretur. Ea oppugnatio tam importunè quàm improspere tentata, vniuerso bello triste omen præbuit. Nam indignantes Germani, quod contra spem Riccinus diruta tormentis non vno in loco mœnia intrepide defenderet, & militari compellatione cruentos Germanorum conatus irrideret, tormenta transfulerant, sic vt modò hæc, modò illac murum frustra verberarent, quum eorum multi Asulanorum tormentis sternerentur. Itaque Cæsar non dubio pudore confusus, ne terendo tempus primum errorem nouo cumlaret, hortatu ducum ad primi consilij sententiam recurrit, et castra mouet: superatoque Ollio Soncinum venit: vbi de stipendijs exortam inter milites seditionem repressit, quum sua manu Germanum militem interfecisset, qui arrepto pulsatoq; tympano, iniussu centurioris milites ad excitū tumultum vocabat: Quod contra dignitatē Augusti factum videri potuit, nisi labante iam pridem, & propè euerfa militari disciplina, consternati exercitus periculum præsentis sæuitiæ remedia postularēt. Inde sedata seditione promissiq; stipendio, promotis agminibus, ad Abduam est peruētum, Gallis ripæ custodiā deferentibus. Consedit Cæsar ad Ripamaltam oppidum, conscenditq; præaltam turrem, contemplatus aduersæ regionis situm, vt idoneo in loco pontem construeret: atque ita biduo conuectis lintribus, constratoque ponte, copie omnes traductæ sunt, nullo hostium præter paucos equites Epirotas in conspectum sedante. At Triuultius atq; Borbonius per exploratores Epirotas cognito Cæsaris transitu, auxilia Venetorum quibus Gritus legatus præerat, accersunt, defendendæque vrbs consilium suscipiunt, eo maiore fiducia, quod nemo in vrbe se commouebat: & Sedunorum eiusque factionis Heluetiorum au



xilia opportunè accita per Verbanum lacum appropinquare nunciabatur. Antè omnia Borbonius graui metu periculoq; territus, suadente Gritto, suburbana tecta impotenter atque crudeliter incendi iussit, frustra pro miseris ciuibus deprecante Trivultio, quòd illi ad repentinum edictum ardentes domos suas, in quibus nati essent, magno miserabilique tumultu deplorarent. Nolebant enim Galli, vt prouectus Cæsar, inter ædificia singulari militum commodo castrametaretur: eminentibusq; domorum fastigijs, sese aduersus tormenta in muro disposita protegeret. Iam ad Pioltellum vicum intra sextum ab vrbe lapidem, Orientali via, quæ in Martianam regionem ducit, castra collocauerat, caduceatoremque (hunc hodie Araldum vocant) prætextam cum aquila Romanæ insignibus gestantem, quem nefas est violare, vel si superbe atque insolenter mandata denunciaret, ad Mediolanenses miserat. Petebat Cæsar, vt sibi Romani imperij titulum præferenti, suscepturoque ferream coronam de more Cæsarum portæ paterent. Fore enim, si id non cunctanter facerent, vt iniquo & superbo Gallorum dominatu liberati, optima pace fruerentur. Sed Borbonius Araldum in urbem non admittit, respondens Mediolanenses sacramentum dixisse Francisco Galliarum regi, qui non ambiguo hæreditatis, & recentis belli iure Mediolanense imperium recepisset: iustis armis eiecto Maximiliano Sfortia, qui redactus in potestatem, eius imperij iuribus sponte celsisset. Addidit quoq; Triuultius, nullum Cæsari in Mediolanenses ius esse relictum, quum totum id quod augustalem autoritatē respiceret, iam pridem Ludouico Sfortia, liberisque eius multo accepto auro vendidisset. Propterea videri Cæsarem iniquè & contra nominis dignitatem facere, quòd callidè obliuisceretur, quibus legibus quantaq; pecunia cum Ludouico rege ad Tridentum transegisset. Itaque si procerum comitatus præsidio, non iusto instructus exercitu veniret, sicuti superiores pleriq; Cæsares, Henricus, & Ludouicus Bauarus, Carolusq; item quartus, & Sigismundus fecissent, Mediolanenses præfectosq; regiones amice intrantem veneraturos esse, hospitalibusq; mensis liberaliter excepturos. Quòd si vim moliretur, intellecturum Cæsarem, quantis opib. ciuitas pro salute sua & dignitate Francisci regis, in cuius fidem tuto atq; honestè conquisceret, captis armis esset certatura, quandoquidē insigni clementiæ beneficio, post fractos magna clade Heluetiorum animos, & subactum, abductumq; Sfortiam benigne se cōseruatam fateretur. Erat apud Cæsarem Galeacius Vicecomes Mediolano exul, primæ inter patritios existimationis. Is vana spe, inaniq; voto ad gentilium maiorum suorum, qui per ducentos annos Mediolano regnarent, imperium aspirabat, quòd Sfortianos dominatu pulsos conspiceret, & ciuitatem auersam ab externo dominatu, sui tanquam nobilissimi ciuis, & antiquæ stirpis hæreditatem præferentis, studiosam & cupidam putaret. Nihil enim optatius atq; felicius Mediolanensi populo euenire posse rebatur, quàm ciuem suum affinitatibus vtrique factioni coniunctum, ingenio lenem popularemq; in principatu Gallie Cisalpinæ conspiceret: & quod diuturnæ securitatis interesset, Romani Cæsaris autoritate confirmari. Hoc tenore intimi cōsiliij Galeacius vsq; adeo sibi gaudebat, vt præclara Cæsaris gratia, atque eius quotidiana promissione inflatus, iam planè principis personam indueret, præcisa magna ex parte amicorum & familiarium consuetudine, tanta animi vanitate vt sæpe grauioris consiliij specie, in secretum solus abderetur, & in tabernaculo secus ac solebat, peculiarem sibi vni parari mensam iuberet, certo interuallo discretâ ab ea, in



ta, in qua vel illustres conuiuæ discumberent. Qua de causa M. Antonius Columna tantæ virtutis ac dignitatis, Romanique fastus heros, & Ennius Philonardus Verulanus episcopus Leonis legatus, intempestiua vanitatis notatum arridebant. Nec mirum erat, si vir sua spe in altum prouectus insaniret, quando ei Cæsar astuto, minimeq; absurdo consilio, primū gratiæ locum tribuens, per amplæ pollicitationis verba dabat, vt per idoneum hominem, qui summo loco esset natus, ac existimatione populari inter ciues maximè validus putaretur, in amicitiam Mediolanensium se insinuaret, eorumque captaret studium noua liberalitate, si ipsis, pulso Gallo Galeacius præficeretur. Apparebat enim

10 Insubres ciui splendidissimo amantiue patrie, lubentius atque fidelius quam Gallis præsidibus, qui plerunque à graui imperio insolentes euaderent, esse parituros. Spondebatur autem Galeacio principatus, titulo vicarij imperialis, qua dignitate Vicecomites antiqui principes à superioribus Romanis Cæsari- bus essent appellati. Ab hac liberali prædicatione Cæsar existimari volebat eo consilio arma cepisse, vt Insubres Gallorum dominatu liberaret, confectoque bello, Romam ad suscipiendam Augustalis imperij coronam continuo profiscisceretur, cum nihil omnino præter victoriæ decus peteret, & indigenam patrium ciuem de se benemeritum, humanitate iustitiaque præstantem, beneficiario iure Mediolani cum imperio esset relicturus. Hæc in fama apud vulgus

20 erant, sed in arcano Cæsaris consilio id decerni nemo credebatur: quando id totū quod victoria parari posset, Carolo nepoti (vt in fatis erat) pararetur. Id verò regi dissimularique tum maxime expediebat, quoniam Cæsar exploratum haberet, id nequaquam probari Leoni pontifici, aut Heluetijs, quum ij ad alterū Sfortianæ stirpis spectarent, Maximiliani scilicet in Galliam ducti germanum fratrem, quem Mediolanum fratris exemplo reducere percuperent. Illæ verò ægerrimè passurus esset, vt opulenta atque opportuna Italiæ pars, Germanorū & Belgarum colonia & sedes efficeretur: ad augendam scilicet Cæsaris potentiam, qui amplitudini, atq; felicitati Romanorū pontificum, ab omni annalium memoria semper inuidissent. Cæterum in hanc consilij spem satagentē

30 Cæsare, quum Galeacio per clientes & propinquos suos tētatis ciuium animis, nihil de excitando tumultu succederet, araldusque rediens de hostium responsis prolixè retulisset, castra propius urbem promota sunt, ea vicinitate, vt e summa testitudine templi maximi castrorum ignes conspicerentur, pauentesque ciues villas suas hostili incendio absumi crederent, postquam à Gallis suburbana tecta vltro concremata conciderent. Augebant terrorem agricolæ in urbem confugientes, quum tormenta maiora prouchi falso nunciarent, quibus ab hoste ad motum vltimum rerum suarum discrimen adituri essent. Erat ob id in urbe inusitatum tristeque silentium, adeoque altè cum ciuium, tum præsidij militum mentes occuparat pavor, vt illi pretiosiores suppellectilem fœdis late-

40 bris recondere properarent: ij verò carissimarum rerum suarum colligerēt sarcinas, vt trans Ticinum in loca tuta auerterentur. Magna enim erat opinio apud Gallos Germanorum virtutis, peritiæque in toto negotio tormentorum, præsertim Maximiliano, qui à prima adolescentia multis in bellis ac prælijs maximè fortunatus imperator extitisset. Verum Gallis admodum terribile erat Heluetiorum nomen, qui nuper incredibili animorum, & corporum plane indomito robore, vallata Francisci regis castra adoriri, in eaque per acervos suorum cadauerum penetrare ausi fuissent, quibus idem dux & concitator a-



desset Sedunensis acerbissimus Gallorum hostis. His de causis fiebat, ut plerique Gallorum suspenso Borbonio, de vrbe deferenda seruandoque equitatu, uti nuper Palicia, & antea Ligninius atq; Obegninus, recto nec de formi consilio fecissent, haud perplexè cogitarent. Quid enim stultius exituque miserius futurum esset, si nudati peditatu, vrgentis Caesaris, qui innumerabiles adduceret copias, vim atque impetum experirentur: salutemque omnium dubia & territæ ciuitatis fidei committerent, singulari quidem totius Galliaë detrimeto, & quod Diï auerterent, funestissimo luctu? Enimvero reparari posse bellum adeo propinquis Galliaë opibus atque subsidij, & recipi urbem, eadem virtutis felicitate, qua antea populo temere rebellante, opportuneque seruato equitatu, postea recuperarint. Interea Trivultius frequenti allocutione ciues confirmare dubios et suspectos, ut limine se continerent, interminatus poenam, adhortari, suæ verò factionis omnes arma capere, beneque sperare iubebat: per fora & compita, ne quis tumultus temere oriretur, custodias disponebat. Tormenta ab arceeducta idoneis in locis contra hostes collocabat. Hæc intrepido ore administrans, Gallos vehementib; castigabat verbis, quos de deferenda vrbe cogitare cognouerat. Et id quidem tanta seueritate, ut Borbonio diceret, ipsum rectè imperij potestate vsurum, si in authores turpissimi consilij animaduerneret: descendensque demum in consilium demonstrauit viris, qui tot stipendia meruissent, nihil omnino potius & carius esse debere, quàm tueri pristinum decus. Hoc enim integro vniuersos incolumes fore: superaturosque omne periculum instantis belli, si innatę virtutis memores esse vellent: & se animo demittere, veterano militi longè turpissimum existimarēt. Propterea se minime dubitare, quin erectis & confirmatis animis, ad Galliaë decus urbem essent constantissimè defensuri: neque opus esse ut Germanorum multitudine & stremitu terrerentur. Eos enim habere vehementē impetum, sed in cursu fatiscere, hærereque plerunq; solitos, uti sæpe vidissent, quum hic ipse Cæsar recenti exemplo cum centum milibus armatorum oppugnato Patauio, prostratisque moribus nec tentato quidem certamine, incepto abstinerit, & irg'orius in Germaniam sit reuersus. Iraque deferendæ vrbis, ignominiosaque lugæ cogitatione abijcerent. Ipsis enim, si id scelus admitteretur, regiaë seueritatis in Gallia iudicium esse subeundum, se quidem capitali teste atque inimico, si desertus amissa patria superesset. His Trivultij verbis confirmati sunt, qui equitatū potius quàm urbem seruandam censebāt: eoq; alacrius, & certius, quàm Trivultius publicum bellionem rogarat, qui sententię suæ tabulas cōficeret: qua testificatione ij, qui præsidio excedendum putarent, cum ignominia damnarentur. Peropportune autem accidit, ut auxilia Sedunorum atq; Bernensium in Verbano nauib; imposita, per Ticini emissarium paucis horis Mediolanum peruentura, certis nuncijs afferretur. Atq; ita è medio metu periculoq; per ampla spes & certa salus cunctis oborta est. Nam Cæsar de hostium auxilijs edoctus, quū promouere copias, & vim portis inferre pararet, quod non inanè de Heluetijs suspitionem arbitraretur, remisso & cōmutato repente consilio substitit: incertus, an productis tormētis, cum suæ tum hostiū virtutis periculum esset faciendum, an verò tutior foret receptus. Primas enim spes eius pecuniæ defectus fregerat, quo nihil periculosius excitandæ seditioni apud milites accidere consuevit: & tum fortè persoluendi stipendij dies aderat, importuneque Brixiani præsidij milites Hispani argenteæ monetæ duas sarcinas in castra è superiore Rhetia venien-



venientes, interceperant: quæ summa pecuniæ, vti exigua, quanquam militarem sitim extinguere non poterat, accendebat tamen Germanorum atque Heluetiorum animos, quod à socijs, prædantium hostium more, gravem cum detrimento contumeliam acceperant. Cæsarem quoque in ea consilij deliberatione fluctuantem, diffidentemque rebus, magnopere perculit Trivultij dolus magno Cæsaris incommodo excogitatus. Is nactus clientem suum Heluetiæ peritum linguæ, literas suo nomine perscripsit, sua manu, suoque signo notatas ad Stapherum, & Goldilum primores Heluetiorum duces: vt Cæsari in eo momento rerum suspecti redderentur. His literis postulabat, vt quæ secum pepigissent, eo biduo perficere maturarēt: se enim ad conditum instructa parataque omnia habiturum. Nuncius præmiorum spe oneratus, Cæsarianis excubitoribus ultro se capiendum obtulit, quum interrogaretur, cur sine recessu in eum locum venisset, probe confessus est, se Trivultij literas, si sibi parceretur, ad Heluetios duces deferendas prolaturum. Nec mora veniæ fide data, calceo insutas literas promit, extemploque eæ ad Cæsarem deferuntur. Nec eas anxie perlectas Sedunensi Cæsar ostendit. Neque enim Stapherum & Goldilum tantæ inter Heluetios authoritatis, sine perturbatione periculoque rerum omnium, vel accusari ex Triuultij literis, vel (vti opporтерet) comprehendendi posse censebat. Itaque insidias veritus retro castra repente vertit, eoq; properantius quod Albertum Petram, & Franciscum Georgij Soprasaxi filium, Sedunensi capitales inimicos, cum viginti peditum vexillis applicuisse cognouerat. Nam Georgius opera Sedunensis, ab ipso sacerdotij possessione depulsi, diu Romæ in custodia molis Hadriani seruatus fuerat: liberatusque demum à Leone in gratiam Francisci regis, cruentis cum eo similitudines domi exercuerat. Sed cardinalis equo iure pontificiæ authoritatis in sedem sacram à popularibus antistitem suum religiosè colentibus reductus, ita acerbo odio, & infestis armis contumeliam vindicauit, vt in ciuitate Sedunorum ad sacrum profanumque iudicij tribunal, multis, qui Georgij factionis fuerant, seuerè citatis atque supplicio damnatis, Georgij domum, & opes, & clientelas conuellerit. Albertus quoque superiore anno ante prælium cum Heluetijs à rege factum, vt supra docuimus, tanquam Gallica corruptus pecuniâ prodicionis accusatus fuerat: qua de causa deposcente eum ad pœnam Sedunensem, cum septem millibus peditum suum nomē secutis, ab exercitu discedens, per Verbanum lacum domum redisset: sic vt tum conuersa Fortuna, Soprasaxus & Albertus consuetis sensibus communem inimicum ultum ire properarent, et Sedunensis ipse non temere sibi timere cogeretur: Cæsarem tamen, haud perplexè de receptu statuentem, dissimulato pauore alacribus verbis, vt cōsisteret hortabatur, quod ij, qui auxilio Gallis venissent, magna ex parte agrestes montanique homines epascuis abducti rudes armorum essent: & si qui militum nomine digni viderentur, hi apud omnes seditiosi censerentur: nec ora conspectumq; suorum fide virtuteque præstantium laturi essent. Sed Cæsar suspicionibus suis implicitus, & amicis vel parum decora suadentibus, æquo plura tribuens, cōsilio suo præproperè suscepto, deinceps non potuit. Requirenti autem M. Antonio causam vsque adeo repentini inconsultique receptus, quem neque honestum, neque necessarium putaret, Cæsar respondit, pecuniæ inopiam, quæ fato quodam non semel conatus suos interpellatis victorijs elusisset: plerunq; enim accidere dicebat, vt vbi virtus superesset, Fortuna deficeret. Proinde ipsum qui Romani im-



peratoris personam sustineret, pro insano esse facturum, si certis de veteri hoste suspicionibus permoueretur. Affirmauitque demum sibi per quietem ea nocte apparuisse Leopoldum Austriae archiducem atavum, & Carolum ducem Burgundiae socerum suum, ea torui oris specie, ac eo cruento armaturae cultu, quo hic ad Nansim, ille ad Sempac ab Heluetijs trucidati fuissent, acri quidem sermone & gestu vetantes ipsum diutius morari, & ut se periculo statim eriperet seuerè imperantes: atque ita motis castris ad Abduam est reuersus: atque eodem ponte flumine superato ad Alpes iter intendit, tanta omnium, Gallorumque praesertim admiratione, ut qui dudum inaeestimabili metuendoque copiarum hostilium numero, apparatuque tormentorum maximo territi & propere amentes erant, inopinati euentus gaudium vix perciperent. Neque Trivultius atque Borbonius serè praeter spem grauissimo liberati metu, abeuntium tergis institere, quod per Epirotas praeuolantes speculantesque omnia compertum habebant, nouissimum hostium agmen valido praesidio confirmari. Quando M. Sithius cum delecta legione, & M. Antonius cum equitatu more militiae incedentes paratique ad pugnam, terga clauderent. Nec villo modo Caesar generosi spiritus nunquam expers temere lace ssendus videretur: ne dedecoris metu, aut oborto pudore extimulatus, ad primas spes gerendi belli indignè redderet. Sedunense praesertim ex ipsa rerum desperatione conferendae pugnae auido, ferocique facundia legiones concitante. Grittus quoque; altè vociferatus avertere militum instituto, terga danti hosti, totum iter aureis pontibus consternendum esse praedicabat. Eo modo compositis agminibus Caesar, nihil lacescente Gallo, per Cremonensium fines in Germaniam dimissis Heluetijs est reuersus nusquam memorabili re gesta: nisi quod ex itinere M. Antonius Laudis Pompeiae arcem Gallico munitam praesidio tormentis expugnauit. Isque inde Veronam regressus, cum M. Sithio iussu Caesaris in eius urbis praesidio usque ad belli exitum permansit. At Borbonius Mediolano cum insigni Trivultij laude conseruato, Andreae Gritto gratias egit, quod operam eo tumultu eximia fide Veneti Senatus dignam praestitisset: praebuitque abeuntibus eius copiis gratuito com meatum. Nec multo post bellicarum & ciuiliu rerum cura Trivultio relicta, in Galliam ad regem est profectus, ut quae gesta erant, ipse idem auctor & testis coram explicaret. Tanto autem studio propensissimi regis, & magnae partis aulae procerum est susceptus, ut meritorum, ac eximij honoris causa, summus totius Galliae equitum magister sit declaratus, qui hodie Comes stabilis vocatur, quod eum regi semper ad sistere ex usu bellicarum rerum expediat. Hic honos secundum regem apud Gallos facile primus existimatur: quoniam minores equitum magistri, qui in tota Gallia omnino quatuor sunt instituti, ipsius Comitissabilis edicto ac imperio parent. Huius autem dignitatis atque potentiae nomen tanquam proceribus inuidiosum suspectumque; regibus, Ludouicus XI. lata lege sustulerat, quum fortè aduersum se coniurati Galliae proceres arma cepissent. Quibus demum cum magno discrimine subactis, Iacobus Luxemburgus sancti Pauli Comes, qui tum erat summus magister equitum, perfidiae conuictus capite poenas dedit, sic ut nemo ei postea in magisterio sufficeretur. Ceterum uti postea compertum est, ea ratione Franciscus, reuocato veteri Galliae instituto, hoc honore Borbonium remunerari voluit, ut in locum decedentis Odetti Lotrechii Cisalpinæ Galliae praefectura ornaret, multis quidem nominibus magnopere sibi commendatum, & tum supra generis nobilitatem militari laude maximè florentem.



PAVLI IOVII NO-  
VOCOMENSIS, EPISCOPI NV-  
GERINI, HISTORIARVM  
S VI TEMPORIS

LIBER XVII.

10 **D**VM hæc in Italia geruntur, Selymus Turcarum impe-  
rator Campsonem Gaurium Memphiticum regē, eiusq;  
exercitum ad Singam occidione deleuit: indeq; Syriam,  
Iudæam, atque Aegyptum clarissimis victorijs peruaga-  
tus, Mamaluchorum nomen formidabile Orientis gen-  
tibus, ac amplissimum Sulthanorum imperium euertit.  
Cuius belli causas, ac euētus rerum gestarum diffuse nar-  
rabimus, si prius ad Persicę historię seriem necessaria scri-  
bendi ratione, atque ipsa rerum ac temporum varietate suis locis intercisam, re-  
petito ordine reuertamur. Selymus, qui secundum prosperam ad Araxem pu-  
10 gnā Persis citeriore regni parte expulsis, & Taurisio regia vrbe in potestātē  
reducta, Orientis victor apparuit, quum ad famam imminentis Hysmaelis su-  
bita acceleri profectioe, fugienti similis maiore Armenia decessisset, ad Tra-  
pezuntē atque Amasiam Cappadocię urbem exercitum in hyberna dimisit.  
Quibus in locis totam hyemem commoratus, delectibus per præfectos Bithy-  
nia, Ponto, Phrygia, Cilicięque habitis, atque accitis in supplementum ē Græ-  
cia atque Illyrico nouis militibus, tanta celeritate atque diligentia attritas et af-  
flictas copias reparauit, vt primo statim vere ampliorem quam antea exerci-  
tum, aliquanto maturius quam Armeniæ niuali Tauro subiectę frigora pate-  
rentur, vel hostes fieri posse existimassent, in Persarum fines adduxerit. Erat  
30 Ciammassum oppidum in vltiore Euphratis ripa positum paulo supra eum  
locum, quo Melas amnis Græcorum carminibus celebratus, in Euphratem e-  
uoluitur: quod Persę propter magnam loci opportunitatem, quum Maiorem  
ingredientibus Armeniam primum occurreret, præsidio imposito tuebantur.  
Id Selymus vt proximis castellis finitimisq; arcibus occupatis, vltiorem pro-  
uinciam patefaceret, sibi omnino expugnandum esse decreuerat. Eo autem  
tempore, quod Sophum Hysmaelem aduersus Hyrcanos & Bactrianos, vltē-  
rioresque Caspij maris accolas, cum omnibus copijs profectum esse cognoue-  
rat, facilem perficiendi negotij nactus occasionem, Euphrate ponte constrato,  
traductoque exercitu penē priusquam ab hoste sentiretur, sub muro constitit,  
40 atque oppidum oppugnare adortus est. Ciammassini omni spe auxiliorum  
in tanta temporis exiguitate destituti, quum Turcæ, circumiecta totis mœni-  
bus ingenti sclopettariorum & sagittariorum multitudine, murum propugna-  
toribus nudarent, irrequietoque oppugnationis genere alij alijs, temporis &  
loci spatijs inter se cōstitutis succederent, simulq; portas dolabris perfringerēt,  
& appositis scalis in murum eniterentur, desertis mœnibus in forum se recepe-  
runt. Vbi tametsi vigilijs vulneribusque confecti erant, diu tamē hostium vim



pertinaci constantia sustinuerunt: & ut in supremo urbis casu pro fortunis ac  
 salute omnium debebant, egregie dimicantes ad vnum interierunt. Selymus  
 expugnato direptoque Ciammasso, & ignobilibus alijs duobus castellis, quæ  
 incolæ metu territi paulo antedesserant, occupati, tametsi inexpiabili odio  
 & cupiditate gloriæ plurimū incitatus ad Hysmaelem ferebatur, ac totus Per-  
 sarum opibus imminabat, tamen non prius interiorem Armeniam bello sibi  
 tentandam existimauit, quam Aladolum regem qui tot clades tanta perfidia  
 sibi & copijs suis ab expeditione Persica redeuntibus intulerat, saltibus illis  
 ac montibus expulisset. Enimuero Aladolus, ut qui magnopere sibi ac rebus  
 suis ex merito timere cogeatur, quum Selymum mouisse ex hybernis, & ad  
 Euphratem atque Ciammassum contendisse cognouisset, agrestibus ferisque  
 hominib. repente coactis, magnas copias parauerat, quibus sese ac fines defen-  
 deret. Si vero Selymus in Armeniam proficisceretur, consuetudine sua specta-  
 bundus ex euentu alieni belli prædandi occasionem caperet, ac obsessis itineri-  
 bus, ut antea fecerat, impune grassaretur. Itaque Selymus ad Ciammassum re-  
 licto prælidio, cis Euphratem regressus ad Antitaurum, ubi hostes consedis-  
 se fama cognouerat, cum expedito exercitu deflexit. Aladolus (ut alio loco me-  
 morauimus) montanis gentibus imperitat, quæ in Tauro atque Antitaurō se-  
 des habent. Ii montes à Scordiscis iugis, & finibus Cappadocię, perpetua velu-  
 ti catena quadam ad Amanum vsque, & vltimos Cilicię terminos protendun-  
 tur. Populus virtute bellica ferox, & numero amplissimus traditur. Cæterum  
 agrestis est atque efferus, & sola rerum inopia insignis, ut qui prærupta atque  
 alpera in regione parum agricultura proficiant. Herbidis tamē in locis armen-  
 ta equorum & camelorum possident: & pecuariam diligentissime exercent:  
 cæterorum vita omnis in venationibus latrocinijque consistit. Orti dicuntur  
 ex Galatis, Cappadocibus, Armenijs, veteribusque minoris Asiæ colonis, qui  
 propter assiduas bellorum iniurias superioribus seculis, & luctuosissima præ-  
 fertim Scytharum irruptione, quū Tamerlanes clades & terror Orientis pro-  
 uincias omnes immāni rabie deuastaret, in proximōs montes relictis urbibus,  
 itaquam in pacatum refugerint. Ii vallibus iugisque omnibus perlustratis, flu-  
 minum ac fontium opportunitates, mitiorisq; cæli naturam & conuersionum  
 Solis maxime secuti rationem, frequentibus in locis ligneos pagos, ac mox illu-  
 stria quædam oppidula condiderunt. Vnde postea coalescentibus eorum re-  
 bus, quum fortissimi quique ceteris præessent, regium nomen sibi ambitiose ad-  
 modum vsurparunt, ut qui horrida virtute ceneri vellent, et timeri a finitimis,  
 quanquam syluis tantum nudisque rupibus imperarent. Aladoli finibus pro-  
 xima est vrbs Orpha, mirabili fonte oris lepram sanante percelebris, quā non-  
 nulli Edeßam esse iudicant, quod ibi adhuc extent monumenta Balduini, Latini  
 indicantibus literis. Is enim Gothifredo fratre Hierosolymis potito, Edeß-  
 sam peculiari suo ductu, imperio tenuisse traditur. Nec multum inde distat A-  
 midæ vrbs vetus, quæ hodie Caramida ab incolis vocat, Mesopotamię iuncta.  
 Hæ hodie regio Tygri & Euphrate amnibus inclusa, Diarbēcha dicitur. A-  
 ladoli autem nobilius oppidum est, Maras, uti fas est suspicari, ita vocatum  
 propter interfluentem e Cælenæo monte nitidissimum amnem, qui ex certa-  
 mine Apollinis deuicti, Marsiæ nomen tulerit, multis poetarum carminibus  
 celebratum. Cæterum Aladolus, postquam Selymum infesto exercitu fines  
 ingressum appropinquare videt, equitatum omnem (erant ad quindecim mil-  
 lia)



lia) e montibus in conuallem iustæ amplitudinis deducit, pedites, quorum magnum habebat numerum, à dextra ac læua occupare montes iubet, ibiq; quum edita loca atque angustias pro se stare intelligeret: loco multum antè explorato atq; munito, hostis aduentum expectare constituit. Porro Selymus quam locorum iniquitate perspecta, victoriam multo suorum sanguine paratam videret, quod hostes nunquam sese aperitissimis campis commissuros arbitraretur: iniquam tamen pugnandi conditionem subire non dubitauit. Itaque Sinambassam eunuchum, quem interfecto ad Araxem Cassembassa Europæis equitibus præfecerat, quadrato agmine, quod extendere aciem, & cornibus vti non poterat, hostem inuadere, & primam eorum frontem percurrere iubet: ipse verò cum prætorianis, atque Asiatico equitatu subsecutus, subsidiariam aciem pugnantibus suis ostendit. Nec Aladolitæ sibi ac in oculis omnium pugnantis regi suo defuere, nanque emissis statim sagittis Turcarum impetum egregiè sustinuerunt, cominusque districtis gladijs, et collatis equorum pectoribus, quum è superiore loco ingruerent, tanta vi subeuntes propulerunt, vt veteranus equitatus nihil iam multitudine aut virtute sua proficere posse videretur. Ab laterib. enim Turcæ propter loci angustias hostes circumire non poterant, & ab peditibus, qui vtrinque latera montium infederant, & sagittarum nubem mediæ conualli superfundebant: vehementissimè lædebantur. Selymus vbi videt Aladolum, contra ac ratus erat, fortiter resistere, & magna vi contendere, cohortes sclopettariorum ex acie ac phalange sua detractas, subsidio laborantibus mittit, ac simul lectissimos prætorianorum conscendere montem iubet. Quorum vim Aladolitæ sclopettorum procella consternati, sustinere minime potuerunt, extemploq; effusi in fugam, notis tramitib. montes suos ac proximas sylvas petiuerunt. Plurimum cædis in pedites fuit, qui quum pulsum equitatum viderent, & succedentibus prætorianis per arduos atque impeditos calles ægrè in montem eniterentur, sicuti plerunque accidit, vt trepidos ac effugere conantes & crurium vigor, & solitæ vires, occupatis terrore animis, repente distituant: vsque ad occasum Solis in fugam acti, truncidatique sunt. Equites ipsi cum rege insuefactos rupibus ac pernices equos nacti, paruo detrimento accepto, in vltiora ac munitiora montium loca se receperunt. Aladulus post id factum, quod se omnibus rebus tanto hosti longè inferiore intelligebat ducendum atque trahendum sibi bellum esse iudicauit. Itaque quum Turcæ passim incensis mapalibus abeuntes persequerentur, ipse in alios atq; alios montes refugere, nullam pugnandi occasionem præbere, ac plurimum asperitatibus locorum se tutari. Quibus de causis Selymus, ne in sterili, aspera, ac ignota regione, si totis copijs insequi vellet, commeatus inopia laboraret, vel in insidias prolaberetur, septimo die insequendi finem fecit, castrisq; idonea in parte eius regionis collocatis, Sinambassam cum expedita parte exercitus misit, qui allatis secum aliquot dierum cibarijs, cedetium vestigijs insisteret, & quantum celeritate ac bellicis artibus fieri posset, ipsum maximè regem sectaretur. Quum autem Selymus ex captiuis agrestibus quæreretur, quænam vires, quæuè consilia ad sustinendum bellum Aladolo superessent, reperiebat eum lectissimos quosq; equitum ac peditum secum duxisse: ceteramque agrestium turbam, vt solitudinè hosti faceret, decedere pagis iussisse: & statuis castris apud quandam petrâ constitutis, quò magnā vim commeatus cōtulisset, non prius totis viribus decertare velle, quàm hostem ad insuperabiles locorū



angustias deduxisset. Eius consilij eam esse causam, quod præfecti equitum confanguinei sui, cui Saxouarogli nomen erat, maxime perfidiam timeret, a quo in ipsa pugna initium fugæ factum fuisse comperisset. Cuius defectionis atque odij signa ab iusto dolore proficisci viderentur, quod ipse patrem eius quondam propter affectati regni suspicionem per insidias interfecisset. Selymus his omnibus cognitis rebus captiuus catenas detrahit, eos donis pollicitationibusque onerat, ac dimittit, ut Aladoli præfectum adeant: & secreto redditis ei literis atque muneribus, hominem moneant, ut in ea rerum occasione paternam eadem vlcisci velit. Id si aliquo insigni facinore edito perficiat, eum & summum gratie locum apud se, et regnum quod Aladulus latronum immanissimus obtineret, adepturum. Agrestes ut præceptum erat, eius rei consilio cum Sinambassa communicato, paucos post dies mandata perficiunt: breuique præfectus & spe regni, & muneribus, quæ vindictæ cupiditatem exacuebant, ad amicitiam Selymi facile pellectus, quum suspectanti insidias Aladolo, omniaque exploranti aliter nocere non posset, cum magna parte equitum apud quos summam obtinebat auctoritatem, ad Sinambassam transfugit: a quo postea alij atque alij ex his qui remanserant, propositis præmijs ad defectionem sollicitati sunt. Circumuentus his malis Aladulus, qui ut sui ad Turcas deficerent, fieri posse non putarat, reliquam spem salutis in fuga posuit. Sed illum paulo post fugientem per asperos montes, antris nemoribusque se occultantem, Sinambassa & Saxouaroglis persequuti, specu abditum monstrantibus, indigenis eruerunt. Aladulus ad Selymum perductus, in custodia paucos post dies interficitur: caputque eius, ut omnibus ludibrio foret, per totam Asiam circumlatum: ac mox quoque in testimonium partæ victoriæ Venetias ad senatum fœda ostentatione transmissum est. Occiso Aladolo, Selymus eius regnum in prouinciæ formam redegit, diuisitque in tres præfecturas, quæ totidem Sanzachis, Turcarum more tribuerentur: sic tamen ut Saxouaroglis omnibus præesset, cui cuncta præter regium nomen concesserat. Ipse relicto Sinambassa, qui reliquum æstatis in his locis moraretur, ac demum constitutis prouinciæ rebus, ut ad Iconium in hyberna concederet, modico comitatu Byzantium reuersus est. Nam dum Hylmaelis & Aladoli bello in Minore Armenia implicitus esse diceretur, a Pannonijs finitimam Mœsiæ prouinciæ partem incursionibus vastari audierat. Quibus de causis, ne Samandriam amitteret, quod situm ad Danubij ripas, Mœsiæ Thraciæque propugnaculum, propter magnam eius loci opportunitatem existimatur, octomilia equitum instruxit, qui duce Iunusbassa (is tum Illyricæ Bosniæ præfectus erat) Sauum flumen transirent, & in Croatiam ad Cetinum vsque, per Illyricum penetrarent. Aliam verò Turcarum manum improuiso Danubium ratibus transuectam, vltioris Pannoniæ fines populari iussit, ut vno tempore Pannonij ancipiti belli periculo distracti, rebus suis timere cogerentur, ac simul doceret, quæ vires & quantæ facultates ad bellandum Othomannis forent: utpote qui magni interesse, & tum, & in reliquum etiam tempus ad perterrendos suspendendosque Christianorum animos arbitraretur, si tot tantosque exercitus commodè expediteque alere, et diuersissimis terrarum regionibus grauissima bella se gerere posse felicibus ausis ostendisset. Exitu eius anni Selymus, quum Pannonios duplici incursione repressisset, hyemem quæ proximè secuta est, maioribus quam vnquam antea apparatus belli intentus, Hadrianopoli Byzantiique transegit. Enimvero potentissimos Septentrionis reges fini-



ges finitimos suos, Maximilianum Cæsarem, Vladislaum, & Sigismundum celeberrimo conuentu habito, in colloquium deuenisse, & coniuratione facta, inductisque Germaniæ, Pannoniæ, ac Sarmatiæ gentibus, contra se ingens bellum parare audierat. Sed postquam per certos speculatores, quos magno sumtu in omnes Europæ partes dimittebat, ac obuersari in aulis regum & cuncta diligenter explorare iubebat, renunciatum est, concilia illa Christianorum, nihil præter magnificas conciones sumptuosaq; conuiuia certantium inter se regum & procerum habuisse, vano solutus metu rursus ad Orientem se conuertit. Ne tamen absente se aliquod incommodum acciperetur, si fortè Christiani  
10 reges ex discessu suo atque exercituum aliquam ad gerendum bellum occasionem arriperent, finitimas prouincias validissimis præsidij confirmauit. Quamquam sciret Sigismundum proprio bello distineri, quod Moscouitæ Lithuaniam etiam tum nouis incursionibus exagitarent: & Cæsarem atque Vladislaum intelligeret, nihil aduersum se eo præsertim tempore molituros, quorum alter ætate grauatus, ac aruinæ pondere suprema valetudine conflictaretur: alter quod opportuna Ferdinandi regis morte, noua omnibus bellorum materia præberetur, magnis comparatis exercitibus, aduersus Gallos ac Venetos Italig totus immineret. Itaque Solymanum filium egregiæ indolis adolescentem, cum iusto propè exercitu, ut Græciam Mœsiamq; tueatur, Hadrianopoli relinquit:  
20 Pyrrhum bassam magni consilij ac eximie virtutis ducem, Byzantiò præesse iubet. Natione hic erat Cilix, & sanguine Mahometano progenitus: quod mirum videri potuit, quum alioquin purpurati ferme semper ex Christiana progenie deligantur. Cherseoglim verò, cui vni plurimum ob veterem beneficii memoriã fidebat, cum copijs ad Prusiam in Bythinia collocat, classemq; quam magna impensa & singulari studio paulò antè deduxerat, atque exornauerat, Zaffero eunucho attribuit. Ipse paucos Byzantiij moratus dies, ut tyrones qui in prætorianos legebãtur, inspiceret: ab ea vrbe proficiscitur, & in Lycaoniam ad veteres exercitus peruenit. Quò quum venisset, cognoscit, Campsonem Gaurium, magnis copijs tota Aegypto Iudæaque deductis, in Syriam descendisse,  
30 eumque profiteri se præsidio Persicis rebus futurum, peruasurumque in Ciliciam infesto exercitu, si Sophus Hysmael socius atque amicus rex, Turcarum armis oppugnaretur. Quibus rebus Selymus vehementer commotus, ne si ipse ad Euphratem progredieretur, propinquus hostis à tergo nudatam præsidij Asiam per Amanum irrumperet, Iconij substitit, protinusque ad Campsonem legatos cum muneribus mittit. Cuius legationis principem locum obtinebant Iachis vir militaris, & Cadilescher maior sacerdotio, & sacrarum literarum cognitione insignis. Hic postea huius belli commētaria conscripsit, quæ nos Italico sermone donata perlegimus. Summa legationis fuit, ut Campsonem orarent, & quàm subiectissimè deprecarentur, ne sibi nocere vel impedimento esse vellet, quo minus Hysmaelem bello persequeretur, qui tot tantasq;  
40 Asiæ calamitates intulisset: inductisq; nouis superstitionibus, Mahometanæ religionis certissimas leges deprauare dilacerareq; contenderet. Quòd si ille persisteret, & nullis conditionibus flecti posset, darent operam, ut vires atque eius consilia diligenter cognosceret: & quàm primū ad se reuerteretur. At Campson, tamen ætate ingrauescente, et florentibus rebus suis tranquillitati atq; otio potius quàm armis, vel alienis contentionibus sibi studendum esse arbitraretur, multis tamen de causis profectiōem illam et expeditionē necessariam existima-



bat: utpote qui multo antea Selymum propter nefariam hominis crudelitatem plurimum oderat, atque ob eam causam, ut foedus quod sibi cum Baiazete intercedebat, cum eo renouaret, nunquam adduci potuerat: & tum maxime audaciam eius prosperis fortunae successibus longius prouectam reprimere frangereque cuperet, qua ille tantam sibi potentiae atque virtutis opininem secundissimio rerum cursu vendicasset. Siquidem Selymus Taurisio capto, victis acie Persis, Aladolo superato atque interfecto, & magnus & formidolosus esse coeperat. Nec deerant qui eum alterum forte Alexandrum interpretarentur, quod finientibus dormitantibusque cæteris regibus, totius orbis imperium sibi animo destinaret. Sed Campsonem maxime impellebat Syriae in primis, & totius mox amittendi imperii metus, quo nullum acrius telum ad excitandos suspicaces regum animos reperitur. Quando ea prouincia superbo atque impotenti Mamaluchorum dominatu oppressa, ob idque infida Aegyptiis regibus, si aliquo infelici praelio confusæ Persarum vires forent, ad Turcas finitimos protinus defectura videretur. Ob hæc Campson ab initio Persarum legationibus sollicitatus, cum Hysmaele foedus amicitiamque percusserat, Aladinique Achromatis filij miserrimi adolescentis calamitate permotus, in animum induerat, suis atque Hysmaelis viribus, Asiam, Græciamque exturbata illa immani bellua posse liberari. Aladinus enim, quem patre apud Horminium interfecto, ad Campsonem profugisse docuimus, in Memphitica aula lachrymis, & squallore miserabilis, tres annos versatus fuerat, & ad vindicanda tot scelera, Mamaluchorum animos aduersus Selymum patrum omnibus artibus concitabat. Peropportune etiam Aladoli filius natus maior, florenti ætate iuuenis, orbatus patre, & in simili quoque miseria regno fortunisque omnibus exutus, quum Memphim confugisset, tanta ira atque indignatione omnium mentes ex atrocitate noui sceleris inflammauit, ut Mamaluchorum principes Campsonem ultro adirent, obsecrarentque, ut bellum suscipere vellet. Quod si ipse innecta inualidus obire ducis munia grauaretur, ipsos per se bellum gesturos, & sceleratissimi hominis audaciam repressuros esse testarentur. Erant Mamaluchi non tantum virtute, ut qui robore corporis, equitandi peritia, & armorum genere præstarent; verum etiam magnitudine animi atque opibus Turcis hominibus minimè comparandi. Sed in primis meminerant se duce Caythbeio validissimos Turcarum exercitus in Cilicia, semel ad Adenam, iterum ad Tarsum, per exigua manu profligasse, Mesithe Paleologo, & Cherseogle Baiazetis genero ducibus captis. Vnde sibi ex ea victoria tantos spiritus, tantam arrogantiam animorum vanitate desumpserant, ut sibi vnus præcipuam rei bellicæ laudem deberi, ac neminem esse in terris, quem armis superare non possent, existimarent. Mamaluchi ferme omnes, Getæ, Zinchi, Bastarnæque sunt, nati in Ponto, & circa Mæotidem, ab ea præsertim parte, qua Corax amnis in Euxinum effunditur. Regionem recenti vocabulo Cercassiam vocant à Cercitis populis, qui in Colchidem vergunt. Hos Valachi antiquitus Mysi, qui Istro adiacent, & Tartari, qui Tauricam ad Dromon Achillis inhabitant, aliæque finitimæ gentes, Padolij, Sarmatæ, ac Roxolani, ab vberibus matris raptos, aliisque exceptos casibus, mercatoribus vendunt: a quibus postea delectu habito, si qui eorum corporis & virium indole, vel animi vigore præstiterint, nauibus Alexandriam, atque inde ad Memphiticum regem perducuntur. At Memphi vetere gentis instituto, lanistis statim præceptoribusque traduntur, qui magna cura ludo



ludo inclusos erudiunt. Vbi autem per ætatem arcum fortius tendere, sagittas emittere, digladiari hasta, clypeoque scienter vti, equum in gyros flectere atq; acrius incitare didicerint, tunc stipendia facere incipiunt, lectique in prætorianorum numerum ad equum rescribuntur: qui indociles ignauique fuerint, fortibus perpetuo seruiunt. Ita quum in vna militari virtute cuncta posita, honores, præmia, magistratus manifestè conspiciant, tanta omnes diligentia, tantoque ardore certatim militiæ studijs vacant, vt connixi per gradus sæpenumero, nudi sordidissimique ab initio serui, ab infimis equitum ordinibus, ad supremam principatus fortunam euaserint. Mamaluchi Christiani næ religionis desertores sunt omnes, à captiuitate Mahometanis initiati sacris. Nemo enim Mahometano vel Iudæo patre genitus in equitum numerum legi potest: propterea ad Mamaluchorum filios equestris dignitatis iura non transeunt, quanquam illi paternam suppellectilem, prædia, ac domos hereditate consequantur: qua etiam ratione ad filios Sulthanus imperium non transmittit. Vnde è nostris quoque prouincijs perditæ vitæ homines, damnatique iudicijs eo confugiunt, qui statim eiurato Christi cultu, decisisque præputijs, si bello idonei fuerint, ad amplissimos honores prouehuntur: sicuti ætate nostra in Tangaribardino videre licuit: qui Hispani nautæ filius, virtute atq; ingenij artibus tantum sibi anthoritatis ac diuitiarum comparauit, vt cuncta propè consilijs suis apud Campsonē administraret: & ad Baiazetem, Senatūque Venerum missus grauissimarum legationum munere fungeretur. Ad extremum tamen Deos sui sceleris ultores sensit, quum inuidia atque æmulatione procerum gradu pulsus, & coniectus in carcerem, miserrimus in pedore atque compedibus expirarit. Neque mirum esse debet, si Mamaluchi ad eas opes, atque eam virtutis existimationem perueniant, quum Syri atque Ægyptij ab his miseranda oppressi seruitute, neque arma tractare, neq; equos alere permittantur, neque vllis adhibeantur consilijs. Magnitudine enim tributorum facti inopes, & quotidianis equitum iniurijs exagitati, mercaturæ mechanicisque artibus, & agriculturæ se dedunt. In hos eadem omnia sunt iura, quæ domini in seruos. Nam vulgo regij equites insolentius, quam cuiquam credibile sit, miseros indigenas contumelijs atque verberibus afficere: bona omnium, vt lubet, prædæ loco habere: vxoresq; eorum & liberos illata vi constuprare consueuerunt. Ægyptij trecentos ferme annos enumerant, ex quo ipsi liberi ac nobiles, magno fortunæ ludibrio vilissimis mancipijs seruire coacti sunt. Quomodo autem libertate imperioque exciderint, satis latè monstrabitur, si quam varijs bellorum casibus nobile illud imperium iactatum sit, distinctè retulerimus. Ægyptus post interitū Romani nominis, Constantinopolitanis imperatoribus celsit. Sed non multis inde annis, Ægyptij, quum sibi omni tempore à Græcis superbe auareque imperitatum existimarent, euocatis in auxilium Saracenis, atq; ea vi Græcis subinde expulsis, Caliphum Saracenorum ducem sibi regem delegerunt. Is à Mahomete pseudopropheta, qui Mahometanæ superstitionis nouas ex Arrij secta & Iudaica disciplina commixtas leges Orientis gentibus dedit, originem ducebat. A Calipho cæteri reges, qui eum varia successione secuti sunt, omnes veluti repetita Ptolemæorum consuetudine, Caliphi nomē acceperunt. Vltimus regum eius nominis in id tempus incidit, quo Christiani, Gothifredo & Boemundo ducibus, Asiam ac Syriam victricibus armis peruagati, Hierosolymitanum regnum condiderunt. Is ab



Almerico, qui Hierosolymis Balduino successerat, armis lacelsitus, quum tantam belli molem ægrè proprijs viribus sustineret, à Sulthano Syriæ rege auxiliâres copias, & Sarraconem in primis fortissimum ducem accersivit. Sed Sarracon tam infidus quàm impiger, repressis Almerici conatibus, Caliphum nihil tale expectantem custodiæ tradit, regnumque occupat. Exinde postea Caliphum amisso rerum imperio, sacris tantum præfuerunt: penes quos confirmandi regis potestas erat, sicuti à pontifice maximo Romanos Cæsares diademate insigniri in veterata consuetudine videmus. Sarraconi filius successit nomine Saladinus, qui Christianos in Syria & Palestina sæpius acie profligavit, & ad extremum afflictis eorum opibus Hierosolymitanum evertit imperium. Post Saladinum, qui moriens fratri regnum reliquit, plures filij nepotesque ex eadem progenie Aegyptum vsque ad Melechsalam tenuere. Melechsala liberorum regum postremus, cum Christianis continenter bella gessit. Qui quum veteranos, ut accidere tot prælijs fuit necessarium, & fortissimos suorum amississet, Aegyptiorum ingenijs atque opibus suis diffusus, novi generis auxilia ex venalitijs servis sibi comparavit. Tartari enim Scythica gens sub id tempus Armeniam atque Asiam per Caspias portas inuaserant, Comanosque populos, qui ad Cappadociam pertinent, prælijs victos iure belli sub corona venderant. Ex his Comanis, Melechsala egregiam manum haud magno coemptam pretio in Aegyptum traduxit, & militaribus armis instruxit. Quorum fortissima opera usus, non solum postea regni fines egregiè tutatus est, sed & Ludouicum Gallorum regem ad Damiatam, quæ Heliopolis siue Pelusium fuit, statim in castris obsedit: & mox memorabili prælio superatum viuum cepit. Sed non multo post Melechsala conspirantibus servis, in ea victoria felicitate trucidatus est, promptissimusque Comanorum Turquemenius, imperium & Sulthani nomen arripuit. Verum Turquemenius, dum ex eo fastigio pristinae conditionis oblitus, conseruos, qui principatum detulerant, elatiore animo despicit, à Cotho pariter Comano equite domi obtruncatur. Cothos eodem impetu & rex & imperator ab exercitu salutatus, quum in Syria Tartaros ab Hyalone relictos late cæcidisset, simili quoque oppressus fraude concidit: summaque imperij interfectori eius Bandocaderi delata est. Fuit armis insignis Bandocader: eiusque ductu Comana seruitia Ricardum Britannia regem, & reliquas Christianorum copias tota Syria depulerunt. Post Bandocaderem, qui veneno sublatus est, Elpis: & post eum Melech Vstrephus imperio potiti sunt. Quorum alter Tripolim Christianis ademit, alter Ptolemaidem, quæ vna omnium reliqua ciuitas Christiano præsidio tenebatur, magnis copijs adortus expugnauit. Secundum eos longa serie plures eius conditionis viri fortes rerum imperio potiti sunt: quorum nomen obscurius fuit, quod præclaræ eorum res gestæ nullis literarum monumentis ea tempestate mandarentur. Sed patrum nostrorum memoria Caithbeius opibus & belli gloria longè clarissimus fuit, qui accepta per manus à maioribus disciplina, diligentius ac liberalius quàm quisquam antea seruilem militiam adauxit, & excoluit: ita tamen, ut graui cura subseruorum multitudini prospiceretur. Qui paulò antè coniuratione facta, atque arreptis armis, ipsi regi, & equitibus dominis suis difficile ac periculosissimum bellum conflauerant. Hic est ille Sulthanus, qui, quum principes Christianos, ut quemque magnificentia atque animi virtute præstare audierat, singulari beneuolentia prosequeretur, inter cætera munera



camelopardalim admirandæ altitudinis animal, Laurentio Medici Florētiam  
 misit. Is Turcis in Cilicia superatis, & Persis qui è Mesopotamia Syriam inuase-  
 rant, magna virtute repressis, domitis quoque Arabibus, ad Mecham vsque vl-  
 timosq; felicitis Arabiæ terminos promotis armis, Maximi cognomen adeptus,  
 trigesimo tertio imperij anno vita excessit, sub id ferè tēpus, quo Galli ad Tar-  
 rum cum Venetis conflixerunt. Mortuo Caithbeio, Achardinus & Campso-  
 mia, qui summos magistratus obtinebant, quum magnis inter se opib. de prin-  
 cipatu funestissimè contendissent, & diductis in factiones Mamaluchis, cun-  
 cta tumultu atque armis miscuissent, Mahometo Caithbeij filio vsurpandi im-  
 perij occasionem præbuerunt. Sed biennio post Mahometes, qui contra leges  
 et veteris instituti consuetudinem, paternam sedem inuaserat, à Cercasio inter  
 epulas obruncatus est. Ipse Cercasius, quod publicam seruorum causam re-  
 spexisset, & ius dicendi regis atque obtinendi imperij Mamaluchis restituisse  
 videretur, Sulthanus summo omnium fauore salutatur. Hunc Giapalatus, qui  
 Damasci Syriæque præerat. Memphim cum exercitu profectus, regali fastigio  
 deturbauit, & coniecit in carcerem. Giapalatum autem crudeliter atque aua-  
 re imperantem aduersæ factionis Mamaluchi, duce Tomumbeio expugnata  
 regia comprehenderunt, & in arce Alexandrina custodię tradiderunt. Eo con-  
 secto negotio, Tomumbeius Giapalato suffectus est. Is quū initio statim prin-  
 cipatus nihil antiquius duceret, quàm Giapalatum, quem ipse clam strangula-  
 ri iusserat, immanitate, auaritia, atque omnibus sceleribus superare, breui tem-  
 pore tantum sibi odium cōcitauit, vt publico consilio Mamaluchi eum extem-  
 plo capiendum puniendumque decreuerint. Ita Tomumbeius octauo impe-  
 rij mense, quum obsessus in regia fugam per cuniculum desperata salute molire-  
 tur, ab amicis Giapalati contrucidatus est. Occiso Tomumbeio, aulę proceres,  
 vt cruentissimis Mamaluchorum seditionibus occurrerent, quibus ad internia-  
 tionem propè eorum nominis per quatuor annos fuerat dimicatum: Campso-  
 ni Gaurio homini iusto & forti, atque in primis minimè ambitioso imperium  
 detulerunt. Is recenti tot regum calamitate perterritus, quos paucis mensibus  
 exitiabili ambitione cecidisse meminerat, quum inuito similis procerum ac mi-  
 litum humeris altè sublatus in regiam deferretur, abnuere imperium cœpit, re-  
 luctarique demum grauitè, et se tanto fastigio imparem dicere. Demum obor-  
 tis lachrymis amicos ac principes deprecari, ne se priuata cōtentum vita in ma-  
 nifestum vitæ periculum conijcere vellent, quando neque pecuniam haberet  
 expeditam ad donatiuum militi persoluendum, vt ceteri consueuissent: neque  
 tantum consilij atque authoritatis, quantum necesse foret ad frangendos sedi-  
 tionum impetus, in ea rerum omnium confusione esset habiturus. Contrà  
 proceres monere hominem, ne præsentis fortunæ occasionem stulta obstina-  
 tione animi, inaniq; modestia negligere vellet: capefferet rempublicam affe-  
 ctam intestinis malis labantemque, atque ipsum regium nomen, quod vno o-  
 mnium studio sibi deferretur. Postremo omnes iureiurando polliceri, se neq;  
 manu, neq; industria, neque opibus ei ad sustentandam regiam dignitatem ei-  
 se defuturos, militesque non antè perituros donatiuum, quàm ex regijs vecti-  
 galibus prouinciarumque portorijs, publicani & quæstores exactam publico  
 nomine pecuniam coegissent. Quibus confirmatus adhortationib. Campson,  
 se regem saluari equo animo patitur: administrandiq; imperij curam suscipit.  
 Is postea quum decies centena milia aureorum nummum militibus donatiui



nomine diuississet, & singulari eius moderatione eximiam de se probitatis atque prudentiæ præbisset opinionem, tanta industria, paucis qui res nouas moliebantur veneno sublati, turbatum agitatūq; ciuilibus procellis rerum statim composuit, ut per sexdecim annos Syria & Aegyptus nunquam tumultus vel belli nomen audierit. Dignus profecto Campson felicitis atque optimi nominis, si qui tam bonam pacem tranquillitatis & opulentiæ plenam egregia virtute condiderat, conquiescere, atque otium pati, quam sumptis temere armis belli fortunam periclitari postea maluisset. Igitur Iachis & Cadilecher Iconio profecti ad Campsonem (is ad Orontem amnem, qui hodie Farfar dicitur, habebat castra) paucorum dierum itinere peruenērūt. Quibus liberaliter magis, quam amicis, vel humaniter susceptis, aliquāto post, quum senatus in prætorio datus esset, ipsique demissa oratione mandata exposuissent, Campson in hanc sententiam respondit: Veterem esse Sulthanorum consuetudinē, quod principem in religione locum obtineant, Mahometanos reges, populosque omnes in pace, cuius ipse in primis semper fuerit studiosus, omni cura atque industria continere: Proinde se in Syriam prouinciam suam venisse armatū, ut pacem Selymo persuadeat. Quod si in ea inferendi belli pertinacia persistat, atque Hysmaelem, quem foederis atque amicitiae necessitudine sibi coniunctum sciret, oppugnare pergat, se dignitati suæ ac existimationi consulturum: nec passurum ulterius, ut vnus insolentis ambitiosiq; hominis libidine ac furore, humana diuinaq; omnia permisceantur. Nouisse se iam pridem Selymi ingenium, quæ vastū, quam atrox, quam inquietum foret, postquam Baiazete patre optimo, tantæque virtutis fratribus, ac tantæ spei atque indolis septem impuberib. consanguineis per summum scelus enecatis, totq; amicis ac fortissimis ducib. crudelissimè trucidatis, inamantitati atque audaciæ nunquam finem vel modum imposuerit. Propterea Selymo denunciarent vnā atque extremā esse pacis conditionē, si ab Hysmaelis prouincijs abstineret, & Aladoli filio paternum restitueret regnum, quod in Sulthanorum clientela ac fide semper fuisset. Id si faceret, ut recte facere deberet, præter suam gratiam atque amicitiam, quæ ei maximo vsui atque ornamento esse posset, ipsum longè maiore ex tuta pace, quam ex ancipiti bello laudem esse relaturum. Legati tametsi Selymum non destitutum incepto, aut arma positurum vlla periculi denunciatione intelligebant, tamen quo maturius dimitterentur: & de repente Campsonis aduentu ad Selymum celeriter nuntium perferrent, dixerunt sibi magnoperè pacem placere, sperareque se iustis adhortationib. flexuros animum Selymi: quoniam aditum ad intima eius consilia, & summam ad persuadendum auctoritatem haberent: ac facile futurum, ut ea incendiorum initia opprimerentur, quæ integris adhuc rebus nondum veram belli flammam concepissent. Ita cum muneribus dimissi continuato die ac noctu itinere, ad Selymum, qui Cæsaream peruenerat, redierunt. Campson quoque promotis ab Oronte castris in Comagenem venit, & ad Alepū celeberrimam urbem consedit. Eam ex ruinis antiquæ Hierapolis ædificatam ab Alepio Iuliani Cæsaris præfecto, qui in ea prouincia præclaras bello & pacis res gesserit, & nouæ urbi nomen indiderit, pluribus coniecturis existimamus. Proxima est Singæ amni, qui est Pierio montē per Comagenem tortuosus & lenis haud magnam aquarum molem trahens, in Euphratem euolvitur. Hanc urbem Hyalon Scytharum rex ea tempestate, qua Christiani cum Aegyptijs regibus de Syriæ & Iudeæ possessione decertabant, quum tota Asia vasti-



tatem fecisset, resistere ausam expugnauit, & incendit. His tamen ruinis etiam deformata; propter magnam loci opportunitatem, frequenti mercatorum cō-  
 cursu incolitur. Vix enim quinque dierum itinere ab proximo Syriæ littore  
 distat, vbi Tripolis & Berytus emporia: finitimaque est Turcis ac Persis: vnde  
 Orientis opes quas gentes hinc Amano Syriam ab Cilicia dirimente, illinc Eu-  
 phrate finiente Mesopotamiam, amplitudine imperij ad Byrtham urbem Sul-  
 thanus attingit. At Selymus, quum per legatos qui cuncta diligēter Aegyptijs  
 in castris explorarant, de aduentu numeroque hostium, simul & de Campso-  
 nis arrogantia, qui sibi adeo tumide atque insolenter præscriberet, certius co-  
 10 gnouisset, alia ratione ac instituerat, bellum sibi gerendum existimauit: quod  
 neque tutam fore profectionem rebatur, si oblato nouo hoste in Armeniam  
 cupidius penetraret, neque suæ dignitatis esse statuebat, ad superbi vanissimis  
 que hominis nutum desistere incepto, expeditionemq; dimittere, quam tan-  
 ta impensa, tantoque studio parauisset. Igitur in ancipiti negotio egregium  
 ac necessarium ab animi magnitudine consilium capit: simulat se recta, vt con-  
 stituerat, aduersus Persas progressurum, impedimenta que & copiarum partē,  
 vt certior eius consilij fama ad Campsonem deferretur, Suassiam urbem præ-  
 mittit (hec olim Sebastia fuit. Sita est in finibus Hysmaelis, vbi Euphrates Tau-  
 ri mōris occurso fractus, ac mox rapido aquarum impetu victor, perruptis val-  
 20 libus in Mesopotamiam effunditur.) Cæterum conuerso in dextram itinere,  
 transcendere Taurum montem, & celeri in Comagenem irruptione facta ho-  
 stes imparatos adoriri constituit. Itaque concionatus apud Prætorianos noui  
 consilij rationem exponit, docetque facilem atque expeditam esse victoriam, si  
 adhibita celeritate, priusquam retrocessisse ab Aegyptijs sentiantur, eniti in ad-  
 uersa montium iuga, atque eas itineris difficultates ingentibus animis supera-  
 re vellent: neque inani timore adducti vana Mamaluchorum nomina horre-  
 rent. Interijisse enim iam pridem eius gentis robora, illosq; veteres equites, qui  
 Caithbeio duce aliquid existimationis ac nominis militie meruissent. Occursu  
 30 ros tantum in acie splendidos quosdam equorū domitores verius quam mili-  
 tes, qui scite ad spectantium voluptatem ludicra arte prestigiari in equis sciant:  
 depugnare verò & vulnera ferre non possint: vt qui longa pace ac luxu, urba-  
 nisq; delicijs corrupti, nunq̃ castra vel armatam hostium aciem viderint, nun-  
 quam tubarum sonum nisi in ludis atque spectaculis audierint. Proinde eos  
 nulla tormentorum copia instructos, nullis peditum vallatos presidij cōtem-  
 nerent: et sicuti sacrarum legum, ac religionis interpretes, sacris ritē peractis, o-  
 mnia prosperè cessura pronunciaissent, ita ipsi spe pleni atque alacres ad certam  
 de superbo hoste victoriam proficiscerentur. Solere enim Deos immortales  
 his, qui iusta ac necessaria arma induerint, et belli causa prestiterint, certam vin-  
 cendi occasionem proponere. Cæterum superare hostem, potiri que victoria in  
 40 dextris eorum situm, qui q̃ pro decore gentis, ac salute imperatoris occumbe-  
 re, nihil in tota vita pulchrius atque præstantius existimarint. Prætoriani ala-  
 cri fremitu inter ordines suborto, statim acclamauēre, duceret ac raperet quò  
 vellet, se cunctas forti audacia peruasuros locorum asperitates, omnesque labo-  
 res ac belli incommoda æquissimè toleraturos. Ergo Selymus exploratis per  
 montanos homines itineribus, tres semitas traducendo exercitui destinat, adhi-  
 bitaque triplici Asapporum atque incolarum manu, qui angustias repurgatis  
 callibus aperirent, confragosa quæque & inæqualia itinerum transuehendis



tormentis communiri & exequari, asperioresq; transitus quâ iumenta ducen-  
 tur, subitario opere consterni iubet: ac simul vt milites ad laborem accenderen-  
 tur, donatiuum illis ex præsentî pecunia polliceretur, qui in traducendo tor-  
 mentorum apparatu extraordinariâ operam nauassent. Vnde mox tormenta  
 omnia, quum minoris generis essent, nec maiorem medico malo pilam ferret,  
 facili tractu impulsuq; humeris militum per iuga & conualles transuecta sunt:  
 factum est incredibili studio militum, qui nouo bello aperiri sibi ad prædani-  
 opulentissimas prouincias videbant, vt quinq; tantum diebus in eo labore ab-  
 sumptis, omnis exercitus cum impedimentis & currib. superato Tauri dorso  
 in Comagenæ campos descenderit. Neq; enim Taurus, vbi Amani montis non  
 men assumit, qui locus fermè medius est inter Euphratem secantem Tauri, iu-  
 ga, atque Ihsicum sinum, qui hodie Aiaccius dicitur, ascensu arduus est, vel  
 insuperabilis: mitescit nanq; quum extenuatus ad mare prouehitur, et se multis  
 in locis colendum atq; habitandum præbet Cilicibus montanis, asperisq; ho-  
 minibus duro labori assuetis, qui hodie Caramanni appellantur. Ea vox nigri  
 montis accolæ significat, quod Amanus ab exustis cautibus procul nigrescere  
 videatur. Saxouaroglis Aladoli proditor, quem paulo antè Selymus euocau-  
 rat, vt statim in hostium fines descensum est, cum valida suorum equitum manu  
 regionē omnē, quæ ad Amani Tauriq; radices pertinet, celeri cursu percurrit:  
 vt simul vbi nam Campson cum exercitu constitisset, ex incolis captiuisque co-  
 gnosceret: obsessisq; itineribus, quantum equitum diligentia effici posset, prohi-  
 beret, ne de Selymi aduentu ad hostes fama deferretur. At Campson qui vani-  
 tate atq; superbia inductus, sola autoritate, atq; amplitudine nominis terreti  
 Selymū, & ad præscriptū coerceri posse putauerat, non prius adduci potuit, vt  
 Tauri culmina transmississe hostes crederet, q̃ eorum castra, in queis supra cen-  
 tum milia armatorum erant, bidui tantum itinere abesse nunciatum est. Ita igna-  
 rus belli, improuiso metu territus, quum in ipso tanti discriminis negotio con-  
 silium capere cogeretur, vt qui suas atq; hostium vires tum primū expendere,  
 fluctuare animo cœpit, estuandoq; vehemēter, modo in spem erigi, modò me-  
 tu ac pudore agitari: postremò decoris, atque salutis suprema cura anxius, hesi-  
 tare, num cedere infestis rebus, ingruentibusque procellis, & detrectato certa-  
 mine in pacatiora refugere præstaret, an forti animo consistere, atque ipsam  
 iniqua etiā conditione prælii fortunam periclitari, quando longè honestius  
 foret maiorum exemplo, qui armis atq; ausu partum imperiū sibi tradidissent,  
 armatū egregiè mortem oppetere, quàm propagatū per trecentos amplius an-  
 nos eius militiæ decus turpi atque insolita fuga defœdare, vel seipsum videri ni-  
 mio vitæ desiderio septem & septuaginta annorum ætatem dignitate atque ce-  
 lèsti existimatione spoliatum, dedecori ac sordib. seruare voluisse. Erant è du-  
 cib. qui tuta consilia speciosis anteferrent: et ante alios Iamburdus cognomē-  
 to Gazelles, magni Caithbeij alumnus, vir fortis, & militari prudētia insignis,  
 qui Amāno, Apāmiæque præerat. Is sicuti cum numeroso vetereque hostium  
 exercitu tantulis copijs cōfligere calamitosum arbitrabatur, ita expedito agmi-  
 ne retrocedendū, & sedem belli ad Damascum deligendā esse diserebat: quan-  
 do pedestris et curruum impedimētis tardus ad insequendum Turcarum exer-  
 citus tutum & facilem receptum daret. Interea accitis in supplementum ceteris  
 omnibus Mamaluchis, qui in Iudæa atque Aegypto in præsidijs forent, proxi-  
 misque Arabibus mercede conductis, in hyemem trahi bellum, atque hostem  
 difficul-



difficultate commeatus expugnari facile posse: nec cessurum continuo Alepum  
 minora tantum tormenta trahentibus, si vel mediocri presidio firmaretur, ven-  
 turaque subinde è Mesopotamia Persarum auxilia: ipsumque Hysmaelem So-  
 phum, cognito Turcarum itinere, in minorem Asiam irrupturum: nec defutu-  
 ros Christianos, qui è Cipro Rhodoque insulis, aduersus communem hostem  
 ænea tormenta subministrarent, si legationibus adirentur. Quibus compara-  
 ris, exæquatisque viribus, non temere postea, si configere & summæ rei aleam  
 subire adeo pulchrum existimaret, in aciem esset descensurus. Cæterum grauissi-  
 ma bella, quæ initio vehementes, repentinosque impetus habeant, prudenti  
 10 aduersariorum cunctatione interposito more spatio elanguescere consueuisse.  
 Proinde fortunæ periculum facere ne properaret: quādo errata bellorum, quæ  
 sæpius ducum incititia temeritateque proueniant, lugere, ac sero detestari opti-  
 mi quique possint: restituere autem atque corrigere, nec Dñi quidem immorta-  
 les queant. Mouerat Campsonem, & plerosque alios opportuna & graui sen-  
 tentia Gazelles, sed quo minus vera audirètur, militaris fremitus, & stulta Ma-  
 maluchorum alacritas Campsonis auribus officiebat. Ii enim, quum certiora  
 de aduentu Turcarum audissent, incredibili lætitia totis castris exultare, gesti-  
 re præ gaudio, atque inter se gratulari quod ostendendæ virtutis, ac parandæ  
 laudis tempus venisset. Iamque illam tam diu exoptatam occasionem teneret,  
 20 qua Campsonem imperatorem supra titulos & celeberrimam Caithbeij famā  
 fulis cæsisque hostibus essent elaturi. Nec deerant ex principibus qui adulatio-  
 ne, inaniq; iactantia memorando, quāta cum gloria ad Tarsum ingentes Tur-  
 carum copias nullo propè labore cæcidissent, facilem atque expeditam de ipso  
 hoste victoriam esse prædicarent. Sed in primis Cayerbeius Alepi & Comage-  
 næ prouinciæ præfectus, qui postea perfecto bello perfidiæ meritis ad summos  
 honores euectus est, quum de studio, virtute atq; ardore Mamaluchorum ma-  
 gnifice loqueretur, quæ de apparatu numeroq; hostium vulgata erant, eleuare  
 verbis, & saluberrimi consilij rationes euertere properabat. Erat enim Cayer-  
 beius haud obscuris de causis Campsoni insensus, quod ipsius fratrem autori-  
 30 tate & formidandis opibus clarum, aliquot antè annis Campson veneno sustu-  
 lerat. Vnde postea Cayerbeius, quum sibi etiam cauendum existimaret, & se  
 iisdem quoque insidijs petikum suspicaretur, vocatus Memphim de more ad  
 procerum conuentus peragendos, simulatā egritudine regio edicto parere no-  
 luerat: quæ res haud mediocriter regium animum exulcerauit. Sed Campson  
 tacita iracundia tempus opperiebatur, quo hominem præferocem oblitum cō-  
 ditionis, ac insolentius aduersum se veluti è proprio regno in præfectura agen-  
 tem capere atque interficere posset. Id commodè perfici posse videbatur, si ipse  
 occasione belli, vt tum acciderat, vel simulatione adeundi Euphratis Hierapo-  
 lim veniret. Mos enim erat veteribus Sulthanis, non prius se regio nomine vel  
 40 militari laude dignos existimare, quā, vt proximè fecerat Caithbeius, produ-  
 ctis ad Euphratem copijs, apud Byrtham emporium, quod in ripa & antiquū  
 nomen & celebritatem adhuc retinet, consedissent: ac solenni pompa equum  
 ad potandas profluentis vndas spectante exercitu in amnem adegissent: vt  
 qui ea cæremonia intelligi vellent se quā latissimè imperitare, ac paratos ar-  
 mis ostendere suos esse agros, qui citra Taurum vsque ad Arabiæ solitudines  
 Euphrate amne alluerentur. Verum obstabat ratio belli, quominus eum  
 primo aduentu statim opprimeret, quod incertis adhuc Selymi consilijs, cir-



eum spectare Turcarum & Persarum motus, & conceptas differre insidias vlt-  
 que ad belli exitum ex usu praesentium rerum arbitrabatur: ne atrocitate ino-  
 pinati facinoris milites consternati, secessionem facerent, aut in amplissima vr-  
 be ad rebellandum ex noua re tumultus excitaretur. Nam Cayerbeius validissi-  
 mas copias familiaritate ac beneficijs sibi obstrictas habebat in castris, & sum-  
 mam apud Hieropolitanos gratiam atque authoritatem obtinebat: ac muni-  
 tissima arce quae media in vrbe accliu in tumulo aedificata erat, fidei custode  
 imposito potiebatur. Sed dum Campson tardius et consideratius ea moliretur,  
 nonnulli ex intimis Sulthani familiaribus, qui officiosi quam fideles viderima-  
 lebant, Cayerbeium secreto monuerunt, vt regias insidias caueret: atq; aliquo  
 honesto consilio rebus suis prospicere vellet. Ille periculo cognito omnem de-  
 liberandi moram exitiabilem ratus, nuncios ad Selymum transmittit, qui dolo-  
 ris sui causas aperirent, pollicerenturque se in eius fidem ex occasione concessu-  
 rum, traditurum arma, arcem, & studia ciuium erga se perquam egregie: pro-  
 prijque equitatus vires, vt fraternam necem vlcisceretur, ad parandam de Cam-  
 pson victoriam esse collaturum. Caeterum vt promissis fides adhiberetur, ob-  
 sidibus cauerent: & quae consilia Campsonis, qualesque eius & quantae copiae  
 essent, sigillatim perdocerent. Postremo adhortarentur, vt acederet, & ma-  
 nus consere maturaret. Nec Selymus postulatis annuere, proditorisque vo-  
 to subscribere, atque vltro maiora etiam polliceri dubitauit, haud ignarus ex-  
 plorari pararique sibi victoriam, si amplissimae vires tanti viri defectione hosti-  
 bus decessissent. Itaque Campson spreto Gazellis consilio, quod fidei ac salutis  
 plenissimum, Cayerbeij proditoris, omnium militum hortatu, atq; ipsa etiam  
 vrgentis Fati violentia impulsus, quum Selymus appropinquare diceretur, pre-  
 lio decertare constituit. Posita erant eius castra idoneo in loco ad Singam am-  
 nem, decimo ferme ab vrbe milliari: ea ratione, vt milites propinquitate amnis  
 vterentur, & semoti ab vrbis tectis atque delicijs, nihilominus ciuium faculta-  
 tibus ac copijs iuuari facile possent. Mamaluchi duodecim millium numerum  
 vix attingebant: verum singulos, vt quisque eorum maioribus stipendijs atq;  
 opibus eminebat, plures serui armis & equis liberaliter instructi sequebantur.  
 Decora certe ac insuperabilis acies, si vera virtute certaretur. Viri prolixa bar-  
 ba, & minacibus oculis truces, ipso toto corpore lacertosi atque flexibiles, tan-  
 ta arte pugnam ineunt, vt post primos statim hastarum ictus, modo sagittis,  
 clypeo in tergum reiecto, modo ferrea claua, interdum falcato ense, vt locus con-  
 gressusque poposcerint, admirabili quadam agilitate virtuteque depugnent.  
 Equi eorum validi atque acres, atque Hispanicis forma celeritateque persimi-  
 les: quodque supra nostrorum hominum opinionem esse videtur, tanta inge-  
 niij docilitate in primis praestant, vt ad nutus, & ad certas fessorum voces, hasta  
 sagittamque mordicus terra subleuatam porrigere, hostem agnoscere, atq; ap-  
 petere dentibus, calcibus cuncta circumsternere, nec horrere proprium cruorem  
 natura consuetudineque didicerint. His fraena argentea, aurata ephippia, &  
 squamosi operis ferrea colli & pectoris tegumenta conspiciuntur. Eques lori-  
 ca, vel thorace ferreis laminis conferto contentus est. Primorum ordinum e-  
 quites, & quisque diuitijs clarus galeas ferunt. Caeteri linteo capitis tegumen-  
 to, quod pluribus implicatum spiris ad elegantiam intorquetur, se satis mutis  
 aduersus caesim ferientes existimant: gregarij autem equites villosis purpu-  
 reisque pileis, qui graui gladiatorum ictu discindi nequeunt, utebantur. Campson  
 ex om-



ex omnibus copijs quinque acies instituit, prima Cayerbeio data, quod in eius  
 prouincia bellum gerebatur. Secunda Sybeio, cui ab admiranda corporis agili  
 tate Baluano, quo eorum lingua schœnobatem significat, cognomentum fuit.  
 Is erat Tetracha Damascenus, vir singularis fidei atque virtutis, qui vno tem-  
 pore dextrum & sinistrum cornu Turcarum inuaderent. Hos Gazelles cum  
 tertia acie sequebatur, his vel illis ubi res posceret auxilio futurus. Quartam  
 ipse Campson, vltima ad præsidium castrorum relicta, auratis armis Fulgen-  
 tem veluti subsidiariam interuallo duodecim stadiorum adducebat. Selymus  
 autem sic instruxerat aciem, vt more suo Asiaticum in dextro, in læuo Euro-  
 10 peum equitatum, prætorianos verò pedites cum tormentis in medio colloca-  
 tos haberet. Sed ante peditatum ornatissimi atque fortissimi prætorianorum  
 equitum, in quibus ipse Selymus eo die præter consuetudinem esse voluit, me-  
 dio in sinu frontem obtinebant. Cayerbeius vt statim appropinquatum est, in  
 speciem egregij animi acri impetu facto, Europeos adortus est: mox veluti cir-  
 cumuenire eorum aciem vellet, in terga longo circuitu deflexit, ubi nouissimū  
 lixarum agmen impedimenta que ac innumerabilem camelorum multitudi-  
 nem, magno terrore illato potius, quam multa cæde conturbauit: vt fortis &  
 proditor decori simul atq; perfidiæ satisfacere videretur. In diuersa autem par-  
 te Damascenus, vt ab latere aperto hostes inuaderet, omitta fronte & circum-  
 20 actis in læuam turmis, in transuersos incurrit: tantoque ardore Mamalu-  
 chis dimicatum est, vt ingenti Asiaticorum strage edita, ad vexilla quæ in me-  
 dio collocata erant, in morem rapidissimi torrentis penetrarint. Nec prostra-  
 tis primis Mustaphas Bellerbechus (hic Baiazetis erat gener natione Hunga-  
 rus) & Imbracorbassa regij stabuli magister, qui magna vi contra contendebant,  
 quin diffugerent, diutius sustinere potuerunt. Ita victor Damascenus hos-  
 tium cornu in duas partes discisso, quum ex obliquo ad pedites & terga præ-  
 toriani equitis peruasisset, cuncta prope in media acie cædibus terroreque  
 compleuit. Erat res posita in summo discrimine, quod Selymus incursu hos-  
 tium propè abscissus erat à peditatu, in quo summam spem reponebat: quod  
 30 prætoriani à Gazelle, qui Damasceni fortunam secutus iam mediam frontem in-  
 uaserat, acerrimè premebantur: quodq; Asiatici pulsati atq; disiecti nullam resti-  
 tuendæ pugne rationem inueniebant, quum Sinambassa laborantibus auxilio su-  
 peruenit. Eius aduentu, quoniam nulla, vel mediocri pugna à Cayerbeio fue-  
 rat laceratus, recentemq; equitum multitudinem induxerat, audacia Mamalu-  
 chorū retardata, auctiq; Turcarum animi: ac mox hostibus erepta victoria, quū  
 Selymi iussu in aduersos tormenta disploderentur. Quorum insolito fragore  
 consternatos equos Mamaluchi nec regere poterant, nec ipsi singulari atq; ad-  
 miranda virtute sua, vt erant in medio ab infinita hostium multitudine circum-  
 uenti, quicquam proficiebant. In ea tñ rerum asperitate nequaquam fracti ani-  
 40 mo, tametsi à Cayerbeio & à Fortuna deferebantur, neq; consilio, neq; virtute  
 sibi defuerunt. Vniuersiq; densato agmine conglobati cum strage Europeorū,  
 & prætorianæ alæ detrimento, oppositam aciem per ruperunt, & continenti cursu  
 castra atque urbem petere cœperunt. Tum demum acti omnes in fugam, perse-  
 quente Sinambassa cum expeditis & recentissimis equitum. Namq; Selymus,  
 qui ea die in summo æstu patientia corporis, & vigore animi, & consilij felici-  
 tate, se ipso haud dubiè maior apparuit, vt victoria inlisterent, & perterritos  
 sectarentur, huc atque illuc volitans fuerat adhortatus. Iam Campson vrgen-



tibus satis aciem promouerat, ut vel suis subsidio foret, aut victoriæ, si Turcæ vincerentur interesset, quum in itinere à fugientibus cognoscit defecisse Cayerbeium, suas esse copias, nec iam omnium fugam sisti posse: tantam esse tormentorum vim tantamque hostium multitudinem, ut diutius sustinere nequeant. Quo nuncio elatissimus senex, qui nunquam in perpetua rerum tranquillitate alteram fortunam expertus fuerat, supremo animi dolore concepto, penè concidit. Nec multò post superueniente suorum atque insequentium hostium turba, qui ipso cursus impetu concitati obuios quosque promiscuè proterebant, quum annis, & ingentis herniæ pondere grauaretur, & æstu mœroreque deficeret, in eò puluere exanimatus est. Damascenus quoque & Tetrarcha Tripolitanus dum effusè omnes castra, atque inde Hierapolim peterent, atque ipsa nouissimo agmine irruentium impetum sustinere conarentur, interièrè. Selymus eodem in campo ubi pugnatum fuerat, paucis erectis tabernaculis, maioreque exercitus parte in statione collocata insomnem egit noctem, ut qui victoriæ ac fortunæ suæ nescius, magnopere timebat, ne tantæ virtutis homines, captatis ad insidias tenebris, ad oppugnanda castra reuerterentur, quos ipse tormentorum metu magis quam vera militum virtutè pulsos, & coniectos in fugam esse conspexisset. At Gazelles & cæteri Mamaluchi, quum de Campsonis morte certius cognouissent, vixdum resectis ab lassitudine equis, de quarta vigilia ab Hierapoli Damascum citato itinere profecti sunt. Postero die Selymus promota acie, castra hostium regiæ opulentiae plena militibus diripienda concessit: atque inde ad urbem progressus, Hierapolitanos duce Cayerbeio dedites sese in fidem recepit, atque immunitatis honore prosecutus est. Periere in ea pugna non amplius mille Mamaluchi. Sed plures ex eorum seruis: maiorque aliquanto cedes in fuga quam in prælio facta, quum fatiscentibus sudore equis, & siti passim emoriëntibus, destituti in pedes ab ignauissimo quoque equite facile opprimerentur. Magnus enim numerus nobilium equorum interijt, qui ut erant præpingues, & delicatius in umbra ac stabulis enutriti, quum illo præsertim die cuncta immodico Solis ardore torrerentur, vehementiorem ac insolitum laborem ferre non potuerunt. Pugnatum est ad septimum Calendas Septembres, eo ipso die, (quod mirum est) quo Calderanis in campis biennio ante victoriam de Hysmaele retulerat. In partibus autem Selymi supra triamilia equitum cæsa referuntur, ut hinc coniectari liceat, insignem eum cladem fuisse accepturum, si ab leuo cornu, quod proditoris beneficio intactum remanserat, Sinambassa, ut alteri præfecto accidit, in suum & ipse Damascenus incidisset: quanquam recenti atque integro adhuc peditatus præsidio confirmatus, nulli salutis vel ignominiae periculum adire posse videretur. Campsonis cadauer biduo post a conquisitoribus absque vilo vulneris vestigio repertum est, quod Selymus recognosci, & palam omnibus ostentari iussit, ut eegentes, quæ illum viuere, et ad reparandas vires Memphim contendere obstinata credulitate putabant, omni reliqua spe rerum nouarum deciderent, & qui fideles erant in posterum firmiores, sublata eius rei suspicione, redderentur. Nec multò post, quum iam foetore tabeque diffunderet, & ad coarguendam vulgi famam tridui spectaculo satisfactum esse videretur, apud vetustissimam urbis templum mediocri funere tumulatum est. Hierapoli in fidem recepta, Selymus lunumbassam cum expedito equitatu, qui vestigijs fugientium insistiret, Damascum præmisit, quo & ipse paucos post dies, quum inde quoque decessisse hostes, ac fuga Memphim petiuisset.



petiuisse cognouisset, cum omnibus copijs profectus est. Statimque ei Damasceni, qui morari victoriæ cursum, & opulentissimæ vrbs fortunæ in discrimē adducere alienum à rationibus suis existimabant, absque vlla dubitatione portas aperuerunt. Quorum exemplo permotæ maritimæ ciuitates, & in primis Tripolis, Berytus, Sydon atq; Ptolemæis missis legationibus, acceptisq; Turcarum præsidjs, similiter deditiōem fecere. Nec multis inde diebus Selymus celeberrimum conuentū in castris habuit. Ea Damasci mœnibus iuncta erant, nequietæ & frequentissimæ vrbs status, & mercaturæ commercia, quæ summam omnium securitate ab varijs remotissimarum nationum negotiatorib. transari consueuerant, intromissa militum multitudine, turbarentur. Quamquam ea esset in castris disciplina, seuerissimis acerrimi imperatoris legib. constituta, ut quum milites nihil sibi ex ea victoria licere intelligerent, in fertilissimo autumno horti sine custodibus tuto relinquerentur. Quo metu adeo prudenter penuriæ prouisum fuit, ut Turcarum castra cunctis in locis rerum omnium copia semper abundarint. Itaque adscitis legum peritis, euocatisque eò omnium ciuitatum legationibus, insignes Syrorum controuersias audiuit, atque finiu. Præfectos prouincijs atque vrbibus dedit: recognouit vectigalium rationes: & nonnulla ex vetere Sulthanici iuris formula, quæ iniqua vel onerosa populis videbantur, ut summam sibi inde liberalitatis atque iustitiæ laudem compararet, antiquauit. His rebus hunc in modum optime constitutis, quum satis quietis & spatij ad recreanda iumenta, quæ longi & perpetui itineris labore remacruerant, exercitui datum arbitraretur: atque ipse omnibus consilijs ac viribus Aegypto totus immineret, Sinambassam cum quindecim milibus equitum, adiuncta his valida manu sclopettariorum, quæ ex ordine Ianizarorum & Afapporum delecta fuerat, in Iudæam præmisit, qui cuncta passim eius regionis loca exploraret, atque iter ad Gazam, quod propter Arabes impeditissimum fore putabatur, aperiret. Ea vrbs ad mare, atque Aegypti fines pertinet, propinqua arenosis solitudinibus, per quas difficili periculosoque itinere ab Syria, Aegyptus vltior, ac ipsa Memphis adeuntur. Interea Mamaluchi, qui duce Gazelle Memphim peruenerant, cæteri que omnes, qui e cunctis regni partibus eò conuenerant, consilio habito, ut in asperis ac difficillimis temporibus acciderit, nulla ambitionis vel inuidie contentione, Tomumbeium natione Cercassium regem sibi delegerunt. Is tum magnus Diadarius erat: qui magistratus post regem primum honoris atque potentiæ locum obtinebat. Cæterum ei viro tantum vigoris atque industriæ inerat, ut qui afflictas res, & labantem imperij fortunam virtute erigere posset, solus esse omniū propè Mamaluchorum opinione crederetur. Is ut statim Sulthani nomen adeptus est, ratus suam dignitatem & reliquas spes omnes in armis, & in vna belli fortuna esse collocatas, singulari studio arma, tela, equos vndique conquirere, tormenta conflare, ex seruis qui militiae idonei videbantur, turmas cohortesque instruere, & ab finitimis Afris atque Arabibus auxilia mercede comparare cœpit. Præterea peritos regionum magno proposito premio, per deserta Palmirenorum in Mesopotamiam, atque inde ad Hysmaelem cum literis mittit: qui petant atque orent, ut minorem Asiam incursionibus exagitet, & in primis in Comagenem discessu hostium vacuam nudatamque præsidjs irrumpat. Selymū enim, qui tum in Iudææ finibus esset, duobus exercitibus facile intercludi posse, & com metu prohiberi, quando littora nullis Turcarum classibus tene-



rentur, quæ terrestres copias aduectitijs commeatibus subleuare, vel eas, si aliquam ex euentu belli calamitatem acciperent, & propterea de recessu cogitarent, excipere ac euehere possent. Id si faceret, ipsum & Aegypti simul rebus propter eius causam in summo discrimine constitutis subuenturum, & tot insignes iniurias, quas ab infensissimo hoste nuper accepisset, nullo prope negotio esse vindicaturum. Dum hæc à Tomumbeio administrantur, Sinambassa pluribus Arabum turmis, quæ latronum more vias obsederant, facile pulsas, patefactoque itinere Gazam peruenit. Eum Gazenses, tametsi Mamaluchis fidi erant, tamen quod sine præsidio militum portas claudere, & tentare defensionem periculosi & insani prope consilij esse iudicabant, deditione facta protinus recipiunt: vrbis copijs exercitum iuuant: ac simul gratias agunt, quod Selymi & Turcarum beneficio acerbissimæ seruitutis iugum depulissent, sequæ omni tempore mansuros in fide ob eius rei memoriam pollicentur. Sinambassa collaudato eorum studio, cætera quæ sibi vsui erant eis imperat: sub moenibus ad teli iactum inter hortorum munimenta castra locat, atque eo in loco Selymi aduentum expectare constituit. Interim vt erat multis militis experimentis eruditus, operam dat, vt regionem, quæ passim infrequentia ædificiorum & aquæ penuria aspera incultaque est, ac arenosi præsertim eius itineris naturam cognoscat. Incolas donis pellicit, qui proximos Arabum duces, oblatæ amicitia conditionibus sibi concilient, & quid Mamaluchi ad Memphim parerent, quibusque viribus confidant, diligenter explorent, & protinus ad se reuertantur. Contra Gazenses, qui natura Turcarum hostes erant, & iam a præsentis exercitu quotidie rerum suarum detrimenta sentire cœperant, Tomumbeium de Sinambassæ aduentu certiores reddunt. Docent eam Turcarum partem, antequam Selymus adueniat, facile posse opprimi atque deleri, si valida Mamaluchorum manus cum peritis ducibus, ad se transmittatur. Ipsos enim quum ex composito Mamaluchi intempesta nocte sopitos hostes inuaserint, eruptione facta protinus castra egressuros, & iniectis facibus cuncta eadē incendio turbaturos. Consilium Tomumbeius & Mamaluchi statim probat, mittiturque Gazelles cum sex millibus armatorum equitum, & magna Arabum multitudine. Gazelles enim quod salutaria eius consilia à Campsone atque alijs fuissent spreta, vnde mox pugnae auidi tantam sibi calamitatem temeritate contraxissent: ipseque in ea prælii asperitate & prouidi ducis, & promptissimi equitis officia fuisset executus, ad summam bellicæ virtutis opinionem peruenerat. Sed vix dum eo profecto, Sinambassæ per Syros exploratores deseruit, Mamaluchos adiunctis Arabibus à Memphi per deserta ad se opprimendum iter ingressos esse, atque eos, quod expediti in equis absque vllis sarcinarum impedimentis exierint, ante biduum adfuturos. Qui nuncius, sicuti opportunissimo tempore Turcarum exercitui salutem attulit, ita maximo postea ad summam totius belli victoriam momento fuit. At Sinambassa quanquam de Gazensium perfidia nihil cognouerat, tamen quod illa eadem, vt erat prouidolertique ingenio sibi accidere posse suspicabatur, ne sibi cum duplici hoste negotium foret, Mamaluchis occurrere, & prælii fortunam experiri constituit. Ergo de secunda vigilia castris silentio egressus, è conspectu vrbis discedit, & Memphitica via ad quintum decimum miliare prouehitur. Erat in proximo humilis pagus, quo viatores pro hospitali diuersorio, ob perennis atque largissimi fontis opportunitatem ytebantur. Ibi fortè & Sinambassa subsistere volebat: &



bat: & Gazelles aliquot horis conquiescere, & suos recreare, ut noctu & maxime recentibus equis Gazam peruolaret, pari consilio cogitabat: quum vno ferme tempore ab antecursoribus eleuari ingentem puluerem, & mox aduentare copias utrinque duci nunciatur. Gazelles improvisa re vehementer animo perturbatus, quod se deiectum consilio atque hosti imparem futurum, si congredi vellet, felsis praesertim equis, intelligebat, quanquam de communi omnium salute in vestigio consilium capere cogeretur, tamen animo non deficit: suos cohortatur ut arma expediant, & negotium, quod per insidias perficere nequiverint, id sibi in aperto vera virtute omnino faciendum esse existiment. Ex aduerso Sinambassa aliquanto celerius, quam Gazelles acie instructa, quoniam milites, quae fieri vellet si praelio certaretur, multum antea per otium edocuerat, alacriter ac diffuse apud cunctos suorum ordines concionatus est. Sed finis eius orationis fuit, ut omnino fuge obliuiscerentur, postquam omnia circum clausa atque infesta nisi victoribus futura essent. Illudque in primis persuasum habere vellent, neminem ea die periturum, nisi quem certissima fatorum lege Dei immortales exitio destinassent, pari que periculo & fortes in medijs hostium gladijs salutem, & timidos in tutissima etiam fuga ineuitabili sorte mortem inuenturos. Erant sclopettarii in cornibus, quae rara & simplici acie in longum porrigebantur, ea ratione, ut liberius sclopettis uti, & latiore spatio circumuenire hostes possent: hastati vero medium tenebant locum, ut Mamaluchorum impressionem sustinerent. Gazelles autem appropinquans Arabum turmas ad disturbanda cornua premisit, & quadrato agmine in mediam aciem inuectus est. Fuit praelium atrox, ac diu anceps, quoniam Turcae etiam numero superiores vim armatorum equitum ferre non poterant, iamque pulsi loco, atque in diuersum irrumpentibus Mamaluchis disiecti, fugam oculis atque animis circumspectabant, quum iubente Sinambassa, sclopettarii, qui ad primam glandium procellam Arabas expulerant, reductis cornibus vniuersam hostium aciem circumuenerunt. Quo casu viri pariter & equi a tanta multitudine eminus mortiferis glandibus sternebantur, nullusque in medio circumuentis virtuti locus relinquebatur, quoniam ubi aliquis Mamaluchorum globus incitatis equis procurrebat, Turcae leuitate sua cedere assueti, velocissime refugiebant: vndique huic rei omnibus pugnae locis studebant, ut equos non conferrent, & solis sclopettis vterentur. Gazelles quum defatigatos extrema lassitudine equos cerneret, nec dilabentibus Arabibus quicquam auxilij sibi amplius sperandum esse arbitraretur, multique iam ex fortissimis suorum cecidissent, aut vulnerati essent, ipseque prealtum vulnus ceruice recepisset, cum reliquis ferro sibi iter aperiens, amissis omnibus signis militaribus per easdem solitudines Memphim profugit. Perire in ea pugna Alexandrinus praefectus, & Orcomas Memphiticus praetor, viri insignes, praeterque eos magnus Arabum numerus, & mille ferè noti equites. Nec Sinambassa laetam aut incruentam victoriam adeptus est: nam supra duo milia equitum, & in his aliquot clarioris nominis praefectos desiderauit. Turcae quum a meridie ad occasum Solis protracta pugna, atque ob id exanimatis cursu equis fugientes persequi non possent, ipsique inedia ac labore deficerent, eodem in loco iuxta fontem castra posuerunt. Sequenti autem die caesorum spolia toto campo per otium lecta, capitaque hostium abscissa cadaueribus, quae ab ipso barbæ habitu, quod Turcae cunctas corporis partes praeter la-



brum superius radant, facile dinoscebantur, palmarum arboribus adfixere, ut impigre nauatam a se operam testarentur: ac simul ea immanis spectaculi nouitate transitori mox imperatoris sui oculos ad ostentandam eius diei victoriâ detinerent. Interim Gazenses, quum ex oriente Sole vacua hostium castra conspexissent, ut qui diutius perfidiam dissimulare non poterant, rati Sinambassam cognito Mamaluchorum aduentu timore adductum, inde retro in pacatiora loca refugisse, nonnullos Turcas ex numero egrorum, ut luce facta sequerentur, relictos, impetu repente in eos facto crudeliter interfecerunt: & paulo post circiter duo milia Turcarum equitum, qui ad augendas Sinambassæ copias a Selymo submittebantur, forteque ea ipsa hora superuenerant, & magnam cum sollicitudine num in ea loca cum exercitu Sinambassa peruenisset, sciscitabantur, hostiliter adorti omnibus impedimentis exuerunt, & in fugam dederunt. Qui postea eo accepto incommodo, quum Sinambassam cum vniuersis copijs aliquo aduerso casu, vel hostium fraude perisse putarent, quem ad Gazam castra habere, ut constitutum fuerat, atque ibi Selymi aduentum opperiri existimabant, & propterea trepida fugaregrederentur, ab Arabibus in itinere trucidati sunt. Nec vnus eorum omnino incolumis euasisset, nisi Iulebbo Achaia Sangiacho ad Ramam urbem occurrissent. Is enim pariter a Selymo missus cum valida manu Græcorum equitum, ad Sinambassam contendebat, cuius aduentu, audacia persequentium Arabum repressa est. Cæterum Arabes, euocatis ad prædam alijs atque alijs suorum ducibus, qui proximos montes incolabant, ac ingenti conflato exercitu, Turcas ad Carabafram vicum consecuti sunt: Pugnatumque est iniquissimo Turcis loco, quoniam Arabes præoccupatis quibusdam angustijs, quæ ad extremum spaciøsæ vallis coarctabant iter, a tergo simul, a fronte, & a lateribus se ostenderant. Arabum arma erant, præter sagittas, longissimæ hastæ vtrinque ferro præfixæ, quas ad medium agili manu comprehendunt: his summa peritia in pernicipibus equis utebantur, et aduersi pariter, ac fugientes hostem lætifera cuspide feriebant. Quamobrem Turcæ & numero pauci, & hastarum genere impares, procurrare non poterant, circumuentique in orbem pugnare, ac simul iter facere cogebantur. Eratque res in magnum adducta periculum, nisi Iulebbus prolatis quatuor currulibus tormentis quæ præsidij causa secum adduxerat, eos qui fauces occupant, uti erant editiore in loco cum multa strage deiecisset: apertoque itinere inde celeriter suos eduxisset. Quibus angustijs superatis, patientiores nactus campos, meliore aliquanto conditione iter facere cœpit. Nam per sclopettarios & sagittarios eminens rem gerebat, & quum hostes appropinquabant, aperta acie confertas hastatorum turmas emittebat. Vbi vero densior atque amplior Arabum globus sese offerebat, in eos tormenta certis ictibus mittebantur. Contra Arabes dispersi circumuolare, nouissimo abeuntium agmini instare, subsequi nequunt, & vulneribus retardatos opprimere: postremo iter morari, ne tantis difficultatibus circumuentos cibum capere, aut omnino conquiescere pati. Hic dies Turcis longè grauissimus fuit: nam plures eorum siti, vulneribus, & cursu labore conflictati ceciderant: nullumque iam subsidium extremis eorum rebus ab numerosa ac pertinaci hostium multitudine relinquebatur, quum magnus Turcarum numerus medio ferme itinere laborantibus ac perditis superuenit. Selymus enim Himbracorbassa cum validis copijs ad tuendam Syriam atque Asiam in Persarum finibus constituto, atque accitis Byzantio nouis militibus,



litibus, qui magna atque ornatissima classe in Syriam transportarentur, castra Damasco promouerat: & ut rei frumentariae consuleret, quæ exhausta in regione angustior erat, separata suorum agmina certis intervallis, singulis quoque diebus præmittebat. Ita Iulebbus recentium militum interuentu eo periculo liberatus, sequenti die Selymo occurrit, & quæ sibi ac primis equitibus ad Gazam ac Ramam, & mox toto itinere contigissent, quæque ipsi coniecturis Sinambassæ exercituique eius, ob crebras intensissimorum hostium insidias accidisse existimarent, ordine exposuit. Quo nuncio Selymus in summam animi sollicitudinem adductus est: quod nisi exploratis & cognitis Sinambassæ rebus, in cuius fortuna totam belli rationem consistere iudicabat, minimè sibi procedendum esse arbitraretur. Sed mœrore atq; ea cura anxio paulo post Syri speculatores superuenire, qui rem, uti a Sinambassa gesta fuerat, retulerunt. Quibus cognitis rebus incredibili lætitia est affectus, quoniam ea victoria et aperta sibi Aegyptum, & bellum celerius opinione propè confectum esse prouidebat. Postero die exercitus Ramam ductus, proximaque eorum Arabum mapalia, qui tantas transeuntibus iniurias intulerant, ut cæteri exempli atrocitate deterriti à latrocinij abstinerent, cum vxoribus eorum ac liberis concremata. Indeque præmissis pedestribus copijs, quæ Gazam iustis itineribus contenderent, ipse ad læuam Hierosolymas deflexit, ut urbem vetustate originis, ac Hebraicæ religionis fama totius Orientis celeberrimam inuideret. Ea tunc miserabili sacrarum ruinarum deformitate inculta atque deserta, non a Iudæis veteribus incolis, qui nunc toto orbe extorres in admissi sceleris poenam, nec sedem nec patriam habent, sed à paucis Christianis incolebatur. Ii cum ignominia, & graui admodum contumelia Christiani nominis, ob concessam venerationis sepulchri possessionem, graue tributum Aegyptijs regib. persoluunt, nec florentes ætate opibus Europæ principes, vllis veræ virtutis vel immortalis gloriæ stimulis ad vindicandam iniuriam excitantur, quum religionis causam tanti non ducant, & intestinis bellis vel infamiori absumi, id demum regium atque æterna laude dignum arbitrentur. Selymus veterum prophetarum monumenta suppliciter veneratus Mahometo in primis sacrificauit: & Christianis sacerdotibus loci præsidibus, tanquam pjs probisque hominibus, pecuniam in alimenta sex mensium largitus est, atque inde vnam tantum Hierosolymis moratus noctem, Gazam ad exercitum quartis castris peruenit: quo itinere diu noctuque cum Arabibus continenter dimicatum est. Namque illi consuetudine sua omnibus locis infensi aderant, ubi locorum angustijs iter impediatur: quod extenuari Turearum agmina necesse erat, transuersis prælijs lacebant, & cominus improuisi præliabantur. Si in valles agmen se demittebat, ipsi è vertice collium paratos antea ingentium lapidum cumulos prouoluebant, neque vllum in sclopettarijs præsidium erat, in quibus summum fore putabatur. Nam cælum per eos dies vento & continuis imbribus adeo sordum fuit, ut sulphureus puluis in lagenis & cornib. seruatus, humore concepto lentesceret, & ignis passim humentibus funiculis exstingueretur. Tamen virtute prætorianorum effectum est, ne aliquod maius incommodum in conspectu imperatoris ab nudis latronibus acciperetur: Nam captis lanceis talares succincti vestes, in aduersos montes euadebant, atque illos deturbabant: neque angustis in locis eos consistere, vel obsidere fauces patiebantur. At Sinambassa, qui Gazenses necatis defectionis authoribus, bonisque eorum direptis, & pe-



cuncta publicè imperata, meritis perfidiæ poenas dare coegerat, cognito Selymi aduentu, victrices copias hostium spolijs exornatas eduxit, atque obuiam est progressus. Quem Selymus multo cum honore verborum commendauit, & muneribus sericæ vestis signatæque pecuniæ, omnes præfectos, & sigillatim fortissimos quosque equites prosecutus est. Exinde castra quatuor tantum dies Gazæ habita, quod nullum perterritis iam hostibus, & duplici clade afflictis, moræ spatium dandum putabat, & nouum regem autoritate nondum collecta, ipsamque Ægyptum situs munitione, numero hominū, & copia frumenti validissimam, maiorib. præsidijs cōfirmari nolebat. Quæ omnia tametsi proficiscendi summam celeritatē efflagitabant, atque ipsum ad gloriam & famam naturali cupiditate properantē nouis stimulis ad maturandum accendere videbantur, tñ et reficiendus erat exercitus ab tanto labore perpetui itineris, & magna vtrium multitudo instituenda: quibus per vastas & fontium penuria desertas arenarum solitudines, ingentem aque vim toto itinere camelorum subuectionib. comportarent. Siquidem ab Gaza ad Memphim arenæ incultæ & steriles iacent, quæ, si ventis agitatae fuerint, seuientis pelagi similitudine in fluctus adeo turbidos attolluntur, ut sæpe eleuati pulueris nube cuncta vndique obscurant: & cedente passim inæquali sabulo, incedentium vestigia fallant, vehementerque fatigent. Verum illis diebus præteritos imbres tanta cæli tranquillitas consecuta est, ut nihil ad summam traducendi exercitus felicitatē Selymo defuerit. Nanque aer nullis turbatus procellis, quæ arenas excirent, atque officerent oculis, perpetua serenitate conqueuit, ac simul tanta vis aque omnibus ferme locis reperta est, quod pluuialis humor arenis imbibitus, fodientibus puteos ad depressionem duorum pedum occurrebat, ut frustra comportari videretur, ac sitim timeri vulgò milites existimarent. Non defuere tamē Arabes, qui toto itinere ad prædam vndique confluerent, nec quemquā hostium excedere agmine, vel remissius subsequi paterentur. cui vni malo facile duces occurrebant: nam toto exercitu distributa erant tormenta, quæ à turmarum præfectis, ut quisque periculo proximus erat, in hostes mittebantur. Valida quoque scopetariorum manus nouissimum cogeat agmen, quorum præsidio, qui debiles & tardi, atque ob id opportuni iniuriæ erant, egregiè se defendebant. Eo modo nequicquā lacescente Arabum turba, propè Memphim octauis castris peruentum, præcedente Sinambassa, qui cum Europeis vnius diei itineris spatio imperatorem semper anteibat. Erat pagus ad sextum lapidē ab vrbe Memphi, qui Matharea dicitur, Balsami fecunditate memorabilis. Ibi enim hortulus est humilibus arbusculis cōsitus, vnde liquor ille omnium odoratissimus refudat, quum eburneis cultellis extremi cortices inciduntur: cui propter insignes vires, quando id bonum natura alijs terris inuiderit, morbi hominum & oborta luxuria eminentissimum pretium fecerunt. In eum locum iuxta Rhodaniam vicum, Tomumbeius omnem nouum ac veterem tormentorum apparatus cōtulera-  
40

tulerat, fossas transuersas toto campo et publica via, quæ leuibus cratibus ac terra iniquabatur, perduxerat: ipseque cum Mamaluchis (erant enim ad duodecim milia) magnoque Arabum equitatu opportuno in loco constitit, eo consilio, ut Turcarum copię, quum appropinquare inciperent, priusquam ad teli iactum accessum foret, improuisa tormentorum multitudine sternerentur: ipseque protinus cum perturbatis, in insidiasque prolapsis, vndique tota virium mole circumfusus æquissima conditione decertaret. Hæc autem adeo peritè ac prudenter in



ter in tempore constituta atque perfecta erant, ut nemo omnium in exercitu, esset, qui de eius diei victoria dubitandum esse putaret. Magna proculdubio Turcis omnibus calamitas imminabat, nisi Fortuna, quæ sicut Selymo semper fauit, ita Tomumbeium aduersa atque infensa persequeretur, paucorum perfidia, operosis Mamaluchorum conatibus occurrisset. Erant in Sulthanico exercitu ex numero prætorianorum equites quatuor genere Epirotæ, qui Tomumbeium contra ac ipsi comitiorum die optauissent, ad id fastigium euectum aduersæ factionis suffragiis egrè ferebant. Ii siue ingenii prauitate impulsæ, siue spe adducti præmiorum liberaliorisq; militiæ, quod labantibus partium rebus, 10 nouas ac certiores amicitias sibi tentandas arbitrarentur, ad Sinambassam tanquam ad primarium ducem suæque nationis hominem transfugerunt. Erat enim Sinambassa ignobili Epiri vico in montanis Ambraciæ natus, quem memorabilis casus in eam virtutis atq; opulentia magnitudinem euexit. Nam porcæ quæ domi alebatur, ei adhuc puero, ac fortè in vmbra dormitanti adprehensa morsu virilia exedisse ferunt: protinusque eum veluti eo corporis vicio nobilitatum à conquisitoribus insignium puerorum Constantinopolim ad Mahometem fuisse perductum. Vbi cum mox Fortuna, quem paulò ante non temere, ac sua tamen sorte castrauerat, fatalis virtutis auspicijs ad destinatos honores extulerit. Ab his equitibus Sinambassa atque Selymus edocti, cum 20 cetera hostium consilia cognoscunt, ac in primis quales sibi, quantasque insidias Tomumbeius summa calliditate summoque artificio retendisset: in quas necesse foret incidere, nisi ab via publica, rectoque itinere deflecterent. Quamobrem ipsæ perfugis ducibus in læuam magno capto circuitu, antequam diluцesceret, insolitum iter ingrediuntur, atq; instructa acie, productisq; tormentis, ne quid moræ ad committendam pugnam interesset, euitata castrorum fronte auersis hostibus se ostendunt. Ea re animaduersa, Tomumbeius ex hostium itinere coniectura iudicans insidias suorum proditione fuisse detectas, quamquam incomparabili dolore animi conflictaretur, quod ea omnia quæ tot hominum labore, tantoque studio perfecisset, inuidente fortuna puncto tempo- 30 ris deperissent, nihilominus, ut erat egregie fortis, ad consilium pristinumque vigorẽ sensus omnes ex templo reuocat, accitisq; ad se omnibus præfectis, quid fieri velit celeriter edocet. Tomumbeio in tanta rerum angustia constituto, omnia vno tempore erant agenda, signum, quo milites conscendere equos atq; arma capere iubentur, proponendum; conuertendus castrorum ordo, instruenda acies, milites confirmandi, & tormenta, vti casus postulabat, in contrariam partem traducenda. Quæ res, sicuti eas nisi ægrè atque turbatè vnus imperator administrare non poterat, ita raptim atque peruersè à pluribus simul ducibus agebantur. Sed illud in primis omnem administrationem retardabat, magna omnium concursatio ad traducenda tormẽta, è quibus plura erant è ferro 40 enormia atque ingentia, quæ magnis inclusa trabibus, armillis ac ferreis confibulationibus rudi & nauali veterum artificio continebantur. Ea propter inusitatam grauitatem, nisi subditis pluribus iumentis, & scutularum ac vectium impulsu, magnoque cum labore hominum suo loco dimoueri non poterant. Quæ verò curribus imposita erant, quum ab incondita ac festinante turba cum ingenti clamore impellentium atque adnitentium per omnes castrorum vias traherentur, conscendentes equos, & coeuntes ad signa milites tumultuario transitu perturbabant. Verum his difficultatibus duæ res subsidio erant, mili-



tum alacritas, & supra quàm credi par sit, eorum omnium constantia. Non enim, ut in repentinis casibus accidit, in quibus ipsi etiam veterani sæpenumero pristinæ virtutis obliuiscuntur, vlllo timore concepto, spe animi sue deciderant. Siquidem bis acie victi maiorem fiduciam, maioresque semper spiritus sibi desumpserant, quum non virtutem pugnandique peritiam, sed Fortunam sibi defuisse iudicarent. Igitur Tomumbeius instructa acie, & militibus magno ardore prælii signum deposcentibus, omnem Arabum multitudinem à tergo aduersariorum cornua circumuenire, & tumultuario prælio laceßere iubet: ut Turcæ equites pene priusquam ipse inductis suorum turmis procurreret, anticipiti pugnae periculo turbarentur. Mox tormenta, quæ iam deducta ac directæ in hostes fuerant, displodi imperat. Idem continuo fecerunt Turcæ: nam iusto ab spatio maiora minoraque semel emisérunt, ac rursus omnibus celeriter impletis, eorum currus ad sagittæ iactum promouerunt: certatumque diu est hinc atque inde solis ac frequentibus tormentis dum acies appropinquarent. Qua contentione Aegyptii libratores fermè omnes interfecti, pluraque eorum tormenta vi pilarum hostilium curribus excussa, perfractaque sunt. Nam Turcæ complures tormentariæ artis peritissimos magnis inuitatos præmijs, ex Italia atque Germania in castris habebant, ac multos in primis ex illa Iudæorum colluie, quæ pietate Ferdinandi regis omnibus expulsa Hispanijs, in contumeliam nostram tot postea Orienti huiusmodi rariores artes insolentia atque mortiferas importauit. His omnibus prepositus erat Iacobus à Regio Lepidi horum operum egregius artifex, qui iam pridem Turcarum muneribus illectus, deserto Christi cultu, ad Mahometi sacra defecerat. Sed quum iam prælium vtrinque ad manus adducerent, Mamaluchi trucem atque horribilem clamorem tollunt, & tripartito magna vi Turcas adoriuntur. Selymus enim superius institutum suum seruans, sic incedebat, ut lunata acie auersa hostibus appropinquaret. Præerat Asiaticis in dextro cornu Mustaphas, in sinistro lunusbaßa: ipse mediam aciem, ubi prætoria phalanx erat, cum magna tormentorum multitudine obtinebat. Sinambassa autem totius summæ certaminis præesse iussus, ad incertos pugnae euentus, certam sibi aciem ex fortissimis equitum ab vna quaque ala detractis delegerat. Quibus ex Selymiana phalange & virtutis & velocitatis eximie quingentos pedites sclopettarios admiscuerat, ut ab omni pugnae loco, quatumlibet subitis casibus paratus, ei suorum parti subsidio foret, quæ ab hostibus maximè premeretur. Ita vno fermè tempore quum Tomumbeius in medio contra Selymum constitisset, et iam Mamaluchorum alæ cum cornibus pari fronte concurrissent, ac in tergibus Arabes, ut imperatum fuerat, impigre dimicarent, quatuor simul prælia distinctis in locis exarserunt. Narrant qui huic prælio interfuere, & clamore militum, & tympanorum tubarumque sonitu, & fragore tormentorum, & pulueris nube, armorumque strepitu, adeo omnium mentes attonitas confusasque fuisse, ut cuncti promiscue cæco furore, & vecordi audacia proruentes: quum nec voces tesseraeque dignosci, nec videri signa, nec ducum imperia exaudiri possent, magnam suorum pariter atque hostium stragem per mutuum errorem ediderint. Nunquam enim antea vllæ acies maioribus accensæ odijs inter se concurrerant: nunquam duo maximi reges minore salutis cura pertinacius atque ardentius corporis atque animi virtutem ostenderant. nanque ambo pari suo atque exercituum periculo, quum se vitæ simul atque imperij aleam subijße manifestè perspicerent, nul-



Iam sibi reliquam spem, nisi quam ipsa victoria peperisset, fore intelligebant. Iam Gazelles decoris atque vindictæ studio incensus, ut Europæis parem Gazensi cladem redderet, Iunusbassam magno impetu adortus, primas ac resistētes turmas obtriuera, vexilla prostrauerat, ac Arabibus à tergo prementibus, illas omnium bellorum victrices copias, ubi Thracum, Thessalorum, ac Macedonum robora erant, terga, quæ nunquam ullus antea hostis conspexisset, dare coegerat, quum Sinambassa in omnem victoriæ occasionem animo ac viribus intentus cum recenti ac valida suorum manu in latus hostium aduolauit, et inclinatam ac scedè disiectam aciem reparauit. Verum paulò post ipse Sinambassa, qui supremo virtutis opere edito, manifestam hostium victoriam interpellarat, conuertentibus sese in nouum hostem Mamaluchis Bidone pugnacissimo duce, ante alios egregiè pugnans obruncatur. Eius quoque equites exanimem humo tollere ac seruare conati, Gazelle turmas explicante, ut rari liberior gladijs rem gererent, quo genere pugne Mamaluchi maxime præstabant, magna ex parte ceduntur, atque fugantur: egregiaque illa prætorica cohors, quæ destituta ab equitatu circumacta in orbem hebetatis sclopettis diu restitisset, tota in medio protrita, concisaque est. In altera autem parte Mustaphas cum omni suo equitatu vehementer inuectus, sinistram Aegyptiorum alam, in qua Hylmis Diadarius, & Giapal alter Orcomas clarissimi duces curabant, acerrime perurgebat. Ille paulò ante à tormentis insigne detrimētum acceperant, quæ fortè ab media Selymi acie obliquis campi spatijs emittebantur. Ea re animaduersa, Mustaphas abolendæ ignominiae audis, semel perturbatis acriter instare, disiectos lassatosque inductis per cuneos turmis fundere atque prosternere: ac tota acie armis voceque conspicuus Asiaticos adhortari, ut veteris militiae decus, quod Hierapolitanis in campis nuper amisissent, illa die virtute egregia, vel honesta morte recuperandum sibi esse censerent. Eodem quoque tempore Tomumbeius perrupta media equitum acie, ad peditatum peruenerat, plura ipse clara facinora curuato ense, ut erat corpore ac viribus ingens, ediderat atque Arabes exteriora Turcarum agmina corona præcinxerant, eosque auersa ac duplici acie pluribus in locis pugnare coegerant, quum Selymus, quod reliquum ac certum erat in tanta rerum iniquitate subsidium, phalangem promouit: cuius impetum neque equi acres ferroque contacti, neque viri victores ferre poterunt. Pars enim militum per interualla sclopettis utebantur, pars prætentis cuspidibus frontem hastarum sylua ita præsepserant, ut obuia quæque ubi illa conserata ordine vnius corporis armatorum stabilis moles incumberet, sternerentur. Pugnatum tamen est vario utrinque euentu ab hora quarta ad occasum Solis, necvlla copiarum pars extitit, quæ diuersas pugnae vices alterna sorte non tulerit: adeo enim victi victoresque mutua atque implacabili rabie efferati, peruiacibus animis decertabant: quum Mamaluchi ab his eripi sibi victoriam, quos tam late cæcidissent: Turcæ vero tam diu sibi resistere duobus prælijs ab se paulò ante superatos, indignarentur, ut languidæ etiam manus, fessaque & prægrauata vulneribus corpora, quæ vna ira ac obstinatione animorum sustentabantur, suffectura continuis cædibus in alteram lucem videri possent, nisi nox ipsa tantæ cladi finem attulisset. Prior Tomumbeius haud dubiè victus summæ rei diffidens, receptui canere iussit: ut sui, qui iam phalangi pares esse non poterant, non pulsī, sed reducti viderentur: quod ad confirmandos militum animos, & ad retinendam authoritatem pertinere plurimum existimabat.



Iam enim illa eadem fortuna, quæ primas spes fefellerat Tomumbeio, vni miseri solent, meliora speranti secundos rerum euentus promittere videbatur, si animo non deficeret: ac seruatis, quæ supererant copijs, bellum instauraret. Prelio interuentu noctis dirempto, Turcis victores potiti hostium tormentis atque tentorijs, Mamaluchos, qui iter fugæ simile Memphim intendebant, ad multam noctem persecuti sunt. Pugnatū est die Iouis nono Cal. Februarias, anno à partu Virginis decimo septimo supra millesimū et quingētesimum. Captus est in fuga Diadarius multis grauatus vulneribus, & cum eo Bidon, cui pila falcone emissā traiecto equo alterum genu perfregerat. Ambos Selymus, vel quia sanari non poterant, vel quia ita decebat, postero die mactari iussit: scilicet vt Sinambassæ manibus, quem vnicè defleuerat, dignioribus victimis parentaret. Erant Turcarum copię, tametsi egregie vicerant, vehementer secundis etiam prælijs attenuatæ. Quarta pars valetudine atque vulneribus erat confecta, magnumque equorum numerum super emensi itineris labores, eius diei fatigatio debilitarat. Quibus de causis Selymus aliquid de sua vetere festinandi consuetudine remittere cogebatur. Nondum enim Aegyptiorum qui Memphim incolebant voluntates perspectas habebat: nondum quibus in locis Tomumbeius constitisset, quibusue consilijs niteretur, fama cognouerat. Quibus rebus nisi maturè ac diligenter exploratis, suam ac totius exercitus salutem numerosissimis incolis, vrbique totius terrarum orbis amplissimæ, minime committendam esse statuebat. Igitur hisdem in castris ad Mathareā Rhodaniāque vicum quatrīduo moratus, saucios cum cura reficit, suorum cadauera effossis magnis scrobibus sepeliri iubet: hostium verò alitibus ac feris lanianda relinquit. Indeque promotis castris, vt commodius aquaretur, in planiciem inter Cayrum vetus & Bulachum proficiscitur.

## PAULI IOVII NO

VOCOMENSIS, EPISCOPI NV-

CERINI, HISTORIARVM

SVI TEMPORIS

## LIBER XVIII.



INTEREA Tomumbeius nihil tot vsque adeo funestis, atque asperis rerū successibus fractus, collectis vndiq; Mamaluchis, loco inter Memphim nouam & Nilum annè idoneo castra posuerat: ad octo millia seruorum Aethiopum armauerat: quo genere hominum propter antiquæ rebellionis memoriam, antea vsus non fuerat. Præterea Mamaluchorum filijs, ac Mauris clientibus suis, Iudæis atque Arabibus aperto vetere armamentario, arma telaque tradiderat, & bellum priore maius atque atrocius aduersus Turcas impigre moliebatur. Sed quoniam multæ erant gerendi belli difficultates, amisso scilicet omni propè tormentorū apparatu, et fortissimis equitum ferro absumptis, supremi consilij dubias spes, quas dira necessitas exprimeret æstuante animo ita versabat, vt postq̃ nihil aperto in cāpo vera virtute proficeret, totus ad dolos bellicosq; astus verteretur, vtpote qui integris nuper copijs vires im-

prospe-



prosperè periclitatus, nequaquam iterum iusto prælio contendendum arbitra-  
retur, nec duci vel extrahi in æstatem bellum posse, infirmis opibus suis,  
ac desperatis auxilijs, confideret. Itaque noctu adoriri ac incendere Turcarum  
castra constituit. cuius consilij duæ rationes esse videbantur: quarum altera e-  
rat in celeritate posita, ut prius ipse aliquid per tenebras audacter conaretur,  
quam hostes paucitatem copiarum eius deprehenderent, quæ hebetes & tu-  
multuariæ erant, vel ipse in contemptionem Aegyptiorum deueniret, qui ex-  
cusiendæ seruitutis auidi, rebellandi occasionem nutantibus animis expecta-  
bant. Altera erat, ut tormenta quæ in repentinis & nocturnis maximè casibus  
10 nullo propè vsui esse consueissent, noctis beneficio deuiteret, qua parte virium  
hostes magno suorum detrimento superiores esse didicerat. Verum et hos quo-  
que conatus, quum iam omnia ad patrandum facinus parata essent similis trans-  
fugarum perfidia euertit. Nanque Selymus, prodentibus aliquot Mamalu-  
chis, qui despecta regis fortuna, ut in calamitate miseris accidit, quotidie trans-  
fugiebant, cognito insidiarum ordine, exercitum arma expedire, & excitatis  
palsim magnis ignibus intentiore cura excubare iusserat. Qua diligentia se-  
quenti nocte peropportunè factum est, ut Tomumbeius delatus ad castra,  
non mediocri cum iactura temerè prouecti primi agminis repelleretur: supre-  
mamque inde procul dubio ea nocte cladem accepisset, nisi flammaram totis  
20 castris collucantium insolito splendore admonitus, festinantia agmina, quæ  
vltro cõtra hostium tormenta citato cursu ferebantur, animaduerso periculo  
continuisset. Eo depulsus consilio Tomumbeius, omnium suorum hortatu  
Memphim ingressus est. Nanque Mamaluchi, quum omnibus victi præ-  
lijs aliam gerendi belli rationem ineundam sibi esse censerent, ut urbem oc-  
cupatis opportunioribus locis totius exercitus præsidio confirmaret, atque  
ingressu hostem prohiberet, suadebant, ut qui in tanta rerum acerbitate, post-  
quam pro focis, vxoribus ac liberis certandum foret, in eorum conspectu ac  
in ipsis domorum vestibulis pugnantes occumbere, decorum & pristinae vir-  
tutis gloria dignum arbitrarentur. Itaque singuli equites domos suas di-  
30 gressi, familiam omnem & summa tectorum vario genere telorum instruunt:  
Aegyptios suæ quisque viciniae suppliciter orant, ut arma aduersus commu-  
nes & crudelissimos hostes capere velint, nec se trucidari, vxores verò ac li-  
beros in seruitutem abstrahi patiantur: quando nec ipsis, etiam si medios se  
gerere, & neutrum contra alterum opibus suis iuuare vellent, parsurus es-  
set, si semel immanis atque auarissimus hostis (quod Dñ auerterent) bello  
victor euaderet. Quum victoria libidinis atque insolentiae plena nemi-  
nem agnoscat, nisi eum, qui minimè consilij incertus & dubius, dum Mars  
adhuc communis, re manuque partium fortunam adiuuerit. Erant ple-  
rique ex ditioribus Aegyptijs, qui sicut rerum atque imperij commutatio-  
40 nem, mercaturæ, fortunisque suis detrimentosam, atque inimicam fore pro-  
uidebant, ita studio atque opera Mamaluchis non deerant. Contra plerique è  
media classe ciuium, & è plebe infima ingens multitudo, quæ periculi expers  
semper in alieno damno lucrum fecit, quod se per trecentos propè annos in  
luctuosa & miserabili seruitute omnia extrema perpestos esse meminerat, intē-  
ti in euentum supremi certaminis, foribus suis se continebant, & tacite lætaban-  
tur, quod non sine Deorum immortalium cura tempus aduenisset, quo nefarij  
impotentesque domini tantorum scelerum poenas darent, ac vindicta alieno



presertim sanguine peteretur, vnde mox ipsi oculos optatissimo spectaculo satiarent. Interea Tomumbeius intentissimo labore ac studio portas aditusque omnes communire, singulos duces singulis plateis præponere, per omnia fora concionari, nihil remissum in opere esse pati, ac demum quod in calamitate atque periculo difficillimum putatur, summam spem redituamque virtutem intrepido vultu præferre. Ipsi vero equites supra necessitatem, quæ extremis in casibus signa uos etiam accendere atque efferare consuevit, æmulatione incitati, impigrè officia ducis exequabantur. Nam quisque, uti eorum ingenium atque industria ferebat, notioribus vicis suis fossas transversas ac trabes ingentis crassitudinis perducebāt, alij præacutos stipites occultis in scrobibus, in quæ incautè prolapsi hostes inducerentur, defigebant: alij in compitis ac triuijs frequentioribus fenestras, & domorum frontem pro copia tormentis instruebant. Quæ omnia tanta celeritate administrabantur, quod nemo vel equitum splendidissimus, ligones, aut sordidi operis laborem detrectabat, ut non prius excogitari, quam perfici cuncta viderentur. Erant portæ, certique aditus qui in urbem ferebant, quanquam vrbs amplissima atque vetustissima nullis mœnibus cingeretur, quorum vnus directis ac latioribus viarum spatijs, ab Orientali porta ad arcem mediamque urbem pertinebat. Cæteri aditus per angustos calles, & enormes vicos habebant, quibus tormenta commodè apteque deduci, vel instructæ armatorum acies tuto committi non poterant. In hunc maximè locum Tomumbeius iustas vires contulerat, quod necessario ab ea parte irrupturos hostes propter vicorum amplitudinem intelligebat: reliquas urbis remotas regiones mediocribus præsidijs impositis tuebatur. Interiora vero, ubi arx erat, à validissima copiarum parte tenebantur, ut quod vis hostium clamorque & periculum milites auocasset, intenti ad opem ferendam celerius accurrere possent: quoniam vrbs omnium maxima, ab exteriori circuitu patetibus ubique ingressibus, parua manu defendi non poterat. Memphis enim vasto ambitu tres ingentes vrbes complectitur: sed hæ raræ inter se iunctæ edificijs vnā efficiunt, quarum frequentissimam hodie nouum Cayrum appellant. Ea in longitudinem sex milliariū, secundum Nilum amnem protenditur, & ab Nilo passus mille paribus semper interuallis distat: latitudo eius decem stadia non excedit. Media in vrbe arx est molli tumulo imposita, cuius amplitudinem & elegantiam potius quam munitionem nostri homines admirantur. Sunt enim in ea nobiles horti, platea ingens cum immensis porticibus, hippodromos, minoresque aræ plures, atque triclinia in omnes cæli obuersa regiones. Exteriora vero turribus ac propugnaculis, eximijque operis pinnarum corona præcinguntur: vnde subiectæ circumquaque urbis spatia, Nilus præterfluens, ipsæque pyramides amœnissimo prospectu conspici possunt. Non longè ab regia lacus est, aqua ex Nilo corriuata manufactus: eum ædificia mire pulchritudinis vndique claudunt: summaque est eius loci amœnitas, quum & piscari, & auibus, quæ in lacu innumerabiles degunt, insidiari ex ipsis etiam fenestris liceat. Sed hunc alius nobilitate superat, figuræ triquetrae lacus in extrema huius noui Cayri regione, quæ Bulachum respicit. Is per emisarium lapidei operis, ubi ferreæ sunt cataractæ crescente Nilo impletur, eo etiam latiore canali fluuius commissus nauiculas admittit, quibus interdum notuq; qui lætioris vitæ genus colunt & amoribus vacant, prouehuntur. Domus ad elegantiam fermè omnes ipsa fronte lacui imminet, quarum vestibula per petuo



perpetuo podio & marmore leuigato circumstratis marginibus decorantur. His cymbas errantes ludibundique admouent, effusamque ad captandas auras virorum ac mulierum multitudinem, cytharis, musicisque concentibus salutant. In Orientali lacus latere, pretorium exurgit paucis ante annis Dultibeg reginae opibus ædificatum, quo cæteræ amœnissimi tractus edes structure specie atque interiore elegantia facile superantur. Parietes enim porphyreticis & variegatis incrustationibus relucebant: laquearia & concamerationes bracteato auro, præciosioribusque pigmentis, & multa arte præcellentium artificum ornabantur: quin & tota domo tessellati & vermiculati operis pauimenta, fenestras minorumque ornamenta portarum, ex alabastrite, & candidissimo marmore, multoque passim cephite cælata spectare erat. Postes valvæque ipsæ ubique solido ex ebore, ac internitente passim ebano elaboratæ tanta artificum eruditione, luxuriantibus in certos orbes nodorum capreolis, ut mirantium oculos detinere, nec satiare posse viderentur. Nec apparatus, si ad interiora peruaderes, magnificentissimis edidus erat inferior, utpote qui & reginae fortunæ, & muliebri luxuriæ aptissimè responderet. Quæ omnia mox victor Selymus, violatis etiam parietibus, ut integra exquisitorum lapidum ornamenta detraheret, Byzantium asportauit. Præter eum lacum, omnibus noui Cayri regionibus nonnullæ procerum & Mamaluchorum domus visuntur: quæ à nostris hominibus maiorem amœnitatis quam structuræ commendationem accipiunt: cætera vrbis humilibus casis & sordidissima plebe replentur. Exant etiam tria Christianorum templa diuersis in locis, quorum vnum multo alijs venerabilius existimatur, propter cryptæ famam, ubi Maria virgo sæuiciem Herodis effugiens, cum infante Deo Christo latuerit. Alia Barbaræ virginis & Georgio equiti, diuis etiam apud eas gentes celeberrimis, nuncupata sunt. Cayrum nouum continuatis propemodum edificijs Bulachum sequitur. Id oppidum in vrbis effigiem altioribus tectis superbum Nilo adiacet, & à Mamaluchis cæterisque nobilibus æstiuo tempore frequentatur: ut incrementis Nili exundationes voluptatis causa ab editioribus locis prospiciant. Eò cuncta nauigia quæ aduerso amne subuehuntur, applicant: cæterum mercatorum concursus nouo in Cayro celebratur. In aduersa ripa contra Bulachum piscatorum ac nautarum casæ atque tuguria ex cratibus & palmarum folijs contexta, visuntur. Paulo supra Bulachum Cayrum vetus occurrit, quod pariter nouo Cayro intercedentibus edificijs intervallo viginti stadiorum adnectitur, & præterfluenti Nilo imminet. Plurima mediocris structuræ ædificia vtramque ripam obtinent. Contra est insula medio in amne hortorum & villarum amœnitate memorabilis, ubi diuortium aquarum incipit, & Nilus ipse ingenti eius insulæ rostro proscinditur. In ea templum est filia Phsraonis regis amore, & Moseos periculo tanti æui repetita memoria celebratum. Verum Cayri veteris ædificia magna ex parte in hortos & squalientes ruinas abierunt. Ibi antiquam Memphim fuisse multis coniecturis existimamus. In ripa amnis Sultanus Campson, egregij operis turrim arcis fastigium altitudine superantem extruxit, ad hauriendam ex Nilo aquam. Ea pluribus rotis & machinationibus iumentorum labore versatilis in cacumen excepta, perpetuo demum aquæductu per castella, & lapideos tubulos, toti reginae varijs siphonibus immittebatur. Ab vetere Cayro quinque millibus passuum, in Africæ parte pyramides absunt, barbaræ vanitatis monumenta: quando insanas



opes ostentantium æternis etiam in molibus tituli nominaque perierint. Intus sunt conditoria Aegyptiorum regum distincta in cellas, quæ pretioso sectoque lapide vestiuntur. Ea loca odore tetra sunt, & tenebrarum aspectu formidanda. Nanque propter ad crescentes rudera cumulos, angustissimo ingressu descenditibus sæpius funalia extinguuntur, circumuolitantibus vespertilionum agminibus. Multi in sumitates earum euadunt, & narrant inde aspici Alexandria pharum, & fluminis ostia in mare erumpentis: adduntque eas ad medium infimæ basis spatium, ob altitudinem, sagittæ ictu minimè posse pertransiri. Verum miraculo pyramidum excepto, coactis in vnum tribus vrbibus, nihil admirandum præter incolarum multitudinem conspicitur. Populus enim, supra quàm credibile sit, per omnes vicos numerosissimus occurrit, sed magna ex parte incultus & sordidus: nam Mamaluchorum metu, ostentare opes non audent, qui diuites existimantur. Hi camelis asinisque vehuntur, solis sibi equos vsurpantibus Mamaluchis. In vniuersum plebei pariter ac diuites, veruecina carne atque orizæ pultarijs famem explent, nec quæ aliarum gentium luxuria inuenit exquisitas dapes, vel gulæ irritamenta nouerunt: gallinæ tamen generis pullos nobilium admittunt mensæ, quod eorum magna sit copia Aegyptijs, apud quos gallinæ sua oua non incubant, sed ea in clibanis, tepore sensim adhibito ita fouentur, vt mirabili arte compendioque pulli intra paucos dies progignantur simul & educantur. Cæterum Selymus, vbi Tomumbeium Memphim ingressum esse, & Mamaluchos omnes coactis in vnum viribus extremam belli fortunam periclitari velle, certius cognouit, propius urbem admouit castra, et milites adhortatus est, vt toties victos hostes ea die omnino vincendos, & penitus debellandos existimarent, paululumque adniterentur, vt superiorum laborum atque victoriarum præmia caperent, quæ tot ac tanta futura essent, quanta ipsi vel immodicis animis antea concupiuissent. Restare paucos cum desertissimo rege, qui cum vulneribus ac timore occupati, campestem aciem ferre nequeant, domi in oculis & complexibus liberorum atque vxorum, supremum vitæ casum expectare decreuerint. Vocari se vltro ab Aegyptijs Mamaluchorum nomini infensissimis qui illorum excidium auidissime expectet, & se ad delendam pessimorum atque immanium hominum progeniem e domibus pugnatos polliceantur. In his tamen reliquijs fusi perterritique exercitus debellandis, summam totius belli victoriam constare, quando pro victis censerì non possint, qui adhuc sperent, arma teneant, ipsaque imperij sede atque vrbe maxima potiantur. Proinde in eius diei euentu, cum salutis & gloriæ, tum fortunarum omnium ratione & casum consistere existimarent. Rem verò nullius propè negotij periculi que futuram, si in nouo pugnandi genere, vt antea se duce bellis omnibus enixe fecissent, omnino sibi peruincendum esse ducerent. Ardebant prædæ cupidine militum animi, paratique & diducti in ordines irrumpendi signum expectabant, quum Selymus Bassuela porta ingressus equites pluribus simul locis, sed latiore via prætorianos immisit. Occurrere equitibus equites, præliumque atrox in triuijs, & angustis in callibus edidere: pedites verò prolatis in frontem colubrinis, atque falconibus, hisque vbi hostium agmina cernerentur, repente excussis, compita rectis opposita regionibus statione defensoribusque nudabant. Vbi verò ad munitiones fossasque peruentum, dum impulsu obiectas trabes amoliri, fossasque transcendere conarentur, contraque Mamaluchi impigre ob-

sisterent,



fliterent, tãta vi, tantaque animorum peruicacia certauere, vt nusquam acrius  
 vel cruentius memoria nostra sit dimicatum. Mamaluchi enim pariter ac Tur-  
 cæ vires omnes, & cunctas bellandi artes in id vnum pugnae discrimen contu-  
 lerant, haud ignari pro vita atque imperio vltimo eo certamine dimicari: quã-  
 do summa vtrinque præmia, aut cõtra supplicia victis atque victoribus, luden-  
 te Fortuna ostenderentur. Plurimum cædis erat apud munitiones: nam Tur-  
 cæ incautius progressi in cæcas fossas, alij super alios cumulati, prementibus vl-  
 timis procidebant: alij acutissimis vallis in duebantur. Ipsæ matres familiæ &  
 pueri, e domibus virili audacia in subiectos saxa ac tegulas prouoluebant. Hos  
 10 contra Turcæ, vt quisque eorum in fenestris vel tectis conspiciebatur, destina-  
 tis sclopettorum ictibus ferire, effringere fores, vnde supernè vis telorum in-  
 grueret, intra domos vario euentu pugnare. Ipsi quoque Aegyptij, modò ha-  
 rum modò illarum partium fortunam speculantes, diuerso studio vtrosq; pro  
 hostibus ducere atque oppugnare, vt quemcunque victorem fors daret, illum  
 etiam egregiè iuuissè viderentur. Erant diuersis in regionibus plura simul con-  
 tracta certamina: nam transuersis vicis quum discurrerent, modò hi, modò illi,  
 in nouos hostium globos incidebant: & qui victores in fronte vrgebant, sæpe  
 interclusi ab hostibus, in tergis cædebantur. Viæ, & quantum spatij inter tecta  
 relinquebatur, horrendum visu, coaceruatis passim cadaueribus, tam multo  
 20 cruore madebant, vt eleuatus puluis, qui initio densissimus erat, sedaretur. Aer  
 nihilominus fumo & caligine tormentorum, & sagitarum nube erat obscura-  
 tus, tantusque erat militum clamor, armorumque strepitus, atque ipsorum tor-  
 mentorum fragor, vt terra tremere, & conuelli ædificia viderentur. Pugna-  
 rum est continenter duobus diebus, ac totidem noctibus ancipiti Marte, ita ta-  
 men, vt Mamaluchi, qui numero pauci labori atque vigilijs sufficere non po-  
 terant, cedendo in interiores sensim vrbis partes, desertis primis munitionib.  
 sereceperint. Tertia die Mamaluchi, quum in ipso summæ rerum fortuna-  
 rumque omnium discrimine, quod supremos hominum conatus atque ani-  
 mos augere consuevit, versarentur, tanta virtute pugnam redintegrarunt, vt  
 30 Turcas ad multum spatium propulerint, et aliquot eorum falcones intercepe-  
 rint. Quo casu Selymus dicitur de victoria desperasse, iussisseq; vt ædificia pas-  
 sim incenderentur, impellente eum ad id flagitij & crudelitatis edictum iusta  
 penè aduersus Aegyptios iracundia, quòd Iunus bassa in oculis eius à fenestra  
 lapide caput ictus, graue vulnus paulò ante sustulerat. Iam tecta miserabilem  
 flammam conceperant: iam vlulatus plorantium & deprecantium Aegyptio-  
 rum audiebatur: iam ipsi Turcæ languidius pugnantes, vt receptui caneretur  
 expectabant, quum à pluribus simul nunciatum est, hostes ab diuersa parte, in-  
 stãte Mustapha loco pulsos superatosq; supremum auxilium in fuga posuisse.  
 Etenim Mustaphas, monstrantibus Aegyptijs Mamaluchisque transfugis ad  
 40 amplissimam plateam peruenerat, vbi Mamaluchi stratos frænatosque equos  
 collocarant: vt si quid durius accideret, eò se reciperent, atque his contensis, in  
 proxima, quæ statuissent loca se proriperent. Hos omnes, Mustaphas, deiecto  
 præsidio, quod vt in parte vrbis minimè suspecta ex pueris ac mulionibus in-  
 firmisimum erat, comprehendit, & abduxit. Eares, sicuti in grauissimis atque  
 inexpectatis casibus accidere solet, vigorem eorum atque impetum magnope-  
 re debilitauit. Quamobrem spe fugæ sublata, quum vndique circumuentos se  
 perspicerent, præliumque nulla alia spe, nullis subsidijs, sed sola virtute susten-



taretur, confessione sua victi terga verterunt. Multi cum Tomumbelo, qui ne vinceretur eo prælio, cunctas artes virtutis atque consilij nequicquam expertus fuerat, ad Nilum properantes ratibus transuecti in Segesticam regionem contenderunt. Alia multitudo Ægyptiorum domibus foedissimisque latebris se condidit. Ex fortissimis autem equitibus amplius mille & quingenti ad templum inanum Deorum tota vrbe maximum confugerunt, vbi quum diu seletanquam ex arce defendissent, quod nisi honesta cōditione deditionem facere nolebant, ad extremū, siti, lassitudine, vulneribus, tormentisque expugnati, victoris arbitrio se dederunt. Quorum pars, conniunte Selymo ab iratis militibus in vestibulo trucidata, pars secundo amne post aliquot dies Alexandriam deuecta est. Selymus, inclinante victoria, extēplo cohortes duas ad restinguendos ignes præmisit, ac tota vrbe circummissis præconibus pronunciarī iussit, Mamaluchos, qui intra duodecimā horam se dederēt, omnes fore incolumes: post id tempus deprehensis, nullam fore salutis conditionem. Ægyptijs autem qui latentes proderēt, se daturum præmia: contra qui occultassent, se protinus eos palo infixurum, vxoribusq; ac liberis venundatis, domos ipsas esse concrematurum. Ad cuius edicti famā magnus eorum numerus prodijt, quibus statim catenæ iniectæ. Iiq; omnes postea contra iusiurandum, quod fuge consiliū cepisse dicerentur, in custodia crudellissimè trucidati sunt. Nonnulli qui fidei ac amicitiae iura proditione violare noluerūt, delati ab alijs vicinis ciuibus, extrema supplicia perpessi, qui amicis quib. se deuouerāt, cōstantissimè periēre. Exinde milites victoria feroces, scrutari cuncta, protrahere abditos atque obtruncare, prædari etiam Ægyptiorum domos, nihil clausum secretumq; relinquere. Erant qui vno tempore iisdē in edib. auaritia, crudelitate atque libidine grassarētur, quū quisq; eō vires impetumq; transferret, quō a natura raperetur. In magna nanq; licentia quisq; suis morib. facile seruit, effuseq; blanditur. Eodē die Gazelles, qui paulo antē ad cogēdos Arabes, conducendaq; auxilia iussu regis in Thebaidem profectus fuerat, superuenit. Is quum euerfis omnibus rebus, neq; manu, neq; consilio proficere posset, ac Dijs iratis infestisq; bellifortunam, quę toties partium conatus transuerso impetu perfregisset, minimè sibi amplius tentandam putaret, ad Selymum fide accepta cum tribus Arabum duceb. multisq; equitibus venit: atque ita locutus est: Si Fortuna, quam summa virtute tibi conciliaisti, felicitati nostrę non inuidisset, hodie non haberes, postquam cuncta armis tuis subacta sunt, vndereliquos mortales animi magnitudine superares. Integris rebus nostris atq; opibus dum pro vita ac imperio certaretur, Turcarum nomē inani virium fiducia elati, semper contempsimus, & te vti hostem decebat, acerbissimo odio persequeremur. Facto demum periculo, omnibus victi prælijs, quum & mirificam atq; diuinam virtutē tuam, & secundissimas victorias, quę non sine Deorum immortalium consilio tribuuntur, miraremur, supplices ad te venimus, vt meliorem fortunā beneficio tuo sequeremur: et tu ipse parcendo atq; ignoscendo victis ac deditis, qua vna virtute homines cęlitib. equantur, supra immortalis glorię tuę terminos nomē & famam extenderes. Tomumbeio quādiu nomē viresq; retinuit, & in aliqua luce versatus est, fidelem operam præstitimus. At quum iniquo suo fato profugus, incerta etiam salutis fama solitudinibus inerret, deserti potius quā desertores, ad te confugimus, studium nostrum atque operam tibi meliore conditione probaturi, si, commutata acerbissimarū rerum sorte, nobis viuere, & auspicijs

eui



tuis militare licuerit. Selymus, quòd Gazelle propter eximias animi corporisque virtutes, quibus clari viri etiam apud hostes gratiam promerentur, apprime nouerat: quodque Arabes, quos maximè timendos esse intelligeret, foederatq; amicitia sibi obstringere cupiebat, omnes humanissimis verbis excepit, & singulis stipendia constituit: hortatusq; est, vt veteris fortunæ obliuiscerentur, & cuncta ex liberalitate sua sperarent. Nec multò post, quum ab Achasia vrbe Mauri simul atq; Arabes, adiunctis quibusdam Mamaluchis, qui eò profugerant, Memphiticum agrum incursionibus vastarent, sæpeq; frumentatores Turcas, ac muliones qui paulò longius pabularentur, interciperent, Gazelles cum parte exercitus ad debellandos eos missus est. qui celeriter expugnata, direptaque Achasia, & latronibus magna ex parte trucidatis, superiorum dierum iniurias cum magna sui laude imperatorisque læticia vindicauit. Interea Tomumbeius in Sciectica regione, quæ trans Nilum ad Cyrenaicam vergit, his etiam tot malis victus bellum reparabat. Venerat ab Alexandria ad eum valida Mamaluchorum manus, quæ ab vrbis præsidio literis euocabatur: multi etiam eū ex fuga comitati fuerant. Non deerant partis Africæ Arabes, & Mauri quoque regionis incolæ studium atq; operam suam pollicebantur. Præterea ab Memphi nonnulli Aegyptiorum, quorum domus ipsæq; familiæ Turcarū prædæ atque libidini cesserant, si noctu Memphim conuolaret, se tumultum excitaturos promittebant: Foreque, vti omnes Turcæ, qui in contuberniis essent, vno clamore atque impetu populi delerentur: quando omnes cuncta nefanda atq; hostilia perpessi, diutius insolentissimorum hominum iniurias ferre non possent. Ipsos quoque Turcas ad contemnendum numerum exemplissimo exercitu reductos esse dicebant: magnam eorum partem duobus Memphiticis præliis interijisse: reliquos ferme omnes, aut vulueribus aut aduersa valetudine esse confectos. Quibus de rebus, & vires vndique crescebant, & spes ipsa, quæ nunquam perditæ ac profligatissimo regi defuerat, apud inuictum animum supra eius miseræ conditionem efferebatur: ita vt Fortuna, quæ immis atque acerba omnium mortalium infelicissimo supremas insidias tēdebat, tum primum commutatis iniurijs prosperos rerum exitus promittere videretur. Dum hæc à Tomumbeio pararentur, Albuchomar vir Aegyptius, qui in Sciectica cæteros omnes autoritate atque opibus anteibat, siue vt imminentis belli cladem ab agris suis auerteret, siue vt gratiam victoris, quam, malis facilius apud reges, quàm bonis artibus homines consequuntur, prodicionis munere mereretur, ad Selymum venit: atque eum de copijs, ac nouis Tomumbeij & ciuium consilijs certiores fecit. Quo cognito, Selymus excubias tota vrbe disposuit: suspectos ciues in arce, quæ deserta à Tomumbeio deuenerat in eius potestatem, custodiri iussit: & complura nauigia tormentis atque militibus instructa, quæ aduersam Nili ripam obseruarent ac tuerentur, pluribus locis separatim toto flumine collocauit. Verum secum ipse reputans, quanto cum periculo toties cum accerrimis hostibus conflixisset, & quum difficile factum foret intercipere Tomumbeium fuga extrahentem bellum, atque alia semper atque alia per vastas & ignotas regiones auxilia comparantem, vt clementia atq; animi liberalitate hominem tentaret, ad eum legatos mittere decreuit: qui suaderent, vt arma deponeret, & iam tandem victoris fortunam agnoscere vellet: ac simul data fide pollicerentur, eum, si supplex accederet, regnum quod tueri armis nequiuisset, victoris humanitate ac beneficio consecuturum. At si reno-



uare bellum pergeret, & suæ imbecillitatis obliuisceretur, dijudicata belli fortuna, nullam eum postea dignitatis ac vitæ conditionem ex merito apud iratos inuenturum. Enimuero Selymus, quum se in remotissimam regionem, alia atque alia inuitante victoria abductum conspiceret, ac tantulis infirmis copijs timeret, ne in amplissima vrbe ab incertæ fidei hominum multitudine opprimeretur, per conditiones bellum conficere, quàm vi contendendo nouis implicari periculis malebat: cum præsertim ab incolis eius prouinciæ nunciaretur, vbique manus equitum omnis generis cogi ab his Mamaluchis, qui ex fuga diuersas regiones petiuissent: classemque ad Suezziam portum expectari, quæ Arabico sinu ad Erythræas angustias aduersus Lusitanos profecta esset. In ea esse supra tria milia Mamaluchorum, & Amyrassem ac Rayfalomen peritissimos duces, magnumque numerum æneorum tormentorum, unde Tomumbeius accepta incommoda refarcire, atque urbem vocantibus amicis repetere posse videretur. Sed eum in primis ingens cura Persicarum rerum excitabat: ne si Hymbracorbassa quem ad Taurum præmiserat, Hysmaelis viribus impar foret, ipse prius ab Asia Minore ac Syria excluderetur, quàm Byzantina classis cum supplemento militum, & secundis comitatibus Alexandriam perueniret. Igitur decreta legatione, viri insignes qui sacris præerant, cū hisque aliquot Aegyptij clari nominis mittuntur. Qui quum traiecto Nilo in Seiecticam peruenissent, antequàm audirentur, à quibusdam Mamaluchis infamia ac barbara crudelitate trucidati sunt. Nefarij siquidem & arrogantissimi homines, Tomumbeio nihil tale expectati, se gratum facturos putabant, si ad declarandum studium suum atque alienissimam à pace voluntatem, tanti odij ac feritatis rabiem ea immanitate sceleris ostentassent. Quod factum superbe atque atrociter, omnem Selymi patientiam abruptit, & mox funestissimum bello, ac Mamaluchis omnibus finem imposuit. Nanque homo, quum nullis etiam irarum fluctibus ageretur, natura & vehemens & ferox, equo animo ferre non poterat, quod victi fugatiq; & mandata sua, quæ vtilia atque honorifica ipsis forent, despiciere, & ius legatorum apud efferatissimas etiam gentes sanctissimū violare ausi fuissent. Quamobrem his exagitatus iniurijs, in Seiecticam aduersus Tomumbeium expeditionem edicit: comitatū parari imperat: & Nilum, quod ratibus transire, neque suæ dignitatis, neque præsentis occasionis esse statuebat, contractis vndique nauigijs, stabili ac latissimo ponte consterni iubet. At Tomumbeius, quū parari copias, & Nilum ponte iungi per exploratores & Mæphiticos ciues audiret, veritus prouincialium perfidiam, quorum animos Albuchomaris defectione ab se alienatos esse, propter eius viri potentiam atque authoritatem, facile suspicabatur, illam eandem, quæ toties spes suas frustrata fuerat, prælij fortunam tentare cōstituit. Omnibus enim rebus inferior, extrahere bellum, vel hostem expectare non poterat: neque sibi iterum amissa dignitate per vltiores solitudines fugiendum arbitrabatur. Ergo inuito cum suis consilio, quod sibi Mamaluchisque omnibus supremum fuit, cum quatuor milibus armatorum equitum, & bis totidem Maurorum atque Arabum, e Seiectica diluculo profectus, continuato per diem ac noctem itinere, ad Nilum cōtendit, vt Turcas, quos nihil tale de victo atque infirmissimo hoste suspicatuos esse intelligebat, audendo falleret, & sui famā celeritate præueniret, ratus se improviso aduentu copiarum partem, quæ primæ flumen transissent, priusquam eis subueniri posset, esse deleturum. Neque enim temporis spatium opinionem fefellit:



refellit: nam horarum momenta cum itineris celeritate egregie supputata, congruerant: & ut ipse coniectura futurum putauerat, prima Asiaticorum agmina pontem traiecerant. Muliones & cum his pueri, qui Selymo à cubiculo seruebant, quum ad tendendum tabernaculum amceniorē locum quererēt, longius progressi, puluerem aduentantis exercitus primi conspexērunt: statimq; ea dere Mustaphas certior est factus, & ad arma conclamat. Qui rumor & his, qui iam transierant, & illis qui in citeriore ripa transituri morabantur, magnam trepidationē iniecit. Tomumbeius expedientes arma, & coeuntes ad signa hostes repentinō impetu adortus, primos, qui sustinere irruentium impetum ausi sunt, obtruncat, alios disijcit & conuertit in fugam. Nec Mustaphas, quanquam impavidus, ante alios pugnando, atq; adhortando, tota ferme prima acie protrita, ac cæteris perturbatis, restituere ordines, aut in fugam versos retentare poterat. In aspero enim atque inopinato negotio, cuncta, concursatione, cæde, fuga, & metu plena erant: totis ripis supra atque infra pontem respectantium atque auxilia implorantium trepida agmina visebantur. Multi, impellentibus hostium turmis ad extremos redacti margines, in flumen procidebant: multi ad initium pontis, occurrentibus qui continuē ab vltiore ripa submittebantur, dum scandere pontem vellent, timore præpediti, & reiecti ab suis, profluentis gurgitibus hauriebantur. Erat latitudo pontis tāta, ut quaterni equites commodē recipi, & magna eorū multitudo vnus horæ momento transmitti posset. Verum quum tormenta traducenda essent, minora equitum subsidia, quā periculi magnitudo, vel repentinus casus efflagitabant, submittebantur: nec in tormentis vllum erat auxilium, quæ celeriter traduci, vel ab citeriore ripa in aduersam, propter obiecta suorum agmina emitti sine detrimento non poterant. Interim Selymus, qui initio tumultus ad Nilum decurrerat, scaphas, & fluuiatiles lembos prætorianis sclopettarijs complet, atque equitatu per pontem accelerare iussu, eos laborantibus subsidio transmittit. Quibus nauigijs expediti nautæ, quum adhibita omni celeritate reuerterentur, acursus alios exciperent, paruo temporis spatio plures cohortes exposuerunt.

30 Quorum aduentus perturbatos et iam egrè sustinentes Asiaticos confirmauit, Canoglis quoque Tartari regis filius, Scytharum agmina ut Nilum transirent cohortatus, in vltiorem ripam paucis desideratis & admirantibus cunctis euasit. Ea enim gens & Tanaim & Volgam rapidissimos maximosque amnes, gregatim insuefactis equis transnatare didicerat. Eodem quoq; tempore Tomumbeius, quod celerem in vna ea re victoriam consistere prouidebat, confer-  
tis suorum turmis ad pontis caput penetrare, atque id occupare conatus est, ut  
ad intercludendos hostes primam ratem auelleret, & rudentes, quibus ea nauium  
series ripæ deligabatur, præcideret, quib. abscisis, necessario totus pons  
superstantibus copijs resolutus, ipso tanti amnis impetu raperetur. Quæ res  
40 longè periculosissimam attulit dimicationem. Nam ab delectis, ac optime armatis, qui à fronte virgebant, singulari virtute pugnabatur: & Mustaphas animaduerso periculo, & signa & fortissimos quosque in eum locum contulerat. Itaque tanta est contentione actum quanta agi debuit, quum Mamaluchi, si loco potirentur, se breui negotio postea superiores hostium victorias euersuros manifeste perspicerent: & Turcæ, nisi pontem conseruassent, de sua in primis, & reliqui exercitus, ac ipsius imperatoris salute desperandum esse intelligerēt. Sed rem obtinuit Mustaphas sclopettarijs, & Grecorum turmis, quæ iam plu-



res transferant, praelium excipientibus: moxque hostibus repulsis vltro institit, & ad multum spatium eos submouit. Hic est ille Mustaphas natione Pan-  
 nonius, & Baiazetis gener, qui magnificentiae & perpetuae laudis studio, ex hu-  
 ius victoriae manubijs, eximij regijque operis, & sumptus, pontem lapideum  
 in Strymone amne construxit: quem hodie per Thraciam transeuntes, tanquam  
 Romanae magnitudinis aemulum admirantur. Tomumbeius, ut Mamalu-  
 chis, qui lassitudine deficientibus equis, acrius pugnare non poterant, aliquid  
 ad respirandum spatij daret, & per eos rursus extremum praelij casum collectis  
 viribus experiretur, Arabes, ac Mauros, ut tantisper pugnam sustineret adhor-  
 tatus est. Quod quum impigre praestitissent, & paulo post Mamaluchi equis  
 atque corporibus aliquantulum recreatis successissent, tanta vi praelium redin-  
 tegratum est, ut Selymus victoriae diffidens, quanquam amici eius, ne id face-  
 ret, deprecarentur, conscendere pontem, & suis auxilio proficisci non dubita-  
 rit. Eius aduentus, spe illata militibus qui in conspectu imperatoris, & premia  
 & laudem, insigni aliquo virtutis facinore edito, promereri cupiebant, cona-  
 tus hostium repressit: statimque praetorianarum cohortium virtute omnes in  
 fugam versi. Fugientes, equitatus qui praelio non interfuerat, totis campis con-  
 sectatus est: & ipsi demum Scythae, qui delati vorticibus in vltiorem ripam  
 ad hostes tardius ascenderant, sagittantes affuere. Tum vero missi Mustaphas  
 Cayerbeiusque, & Gazelles cum recenti atque expedita equitum manu, qui  
 vestigijs fugientium insisterent: nec Tomumbeium elabi paterentur. Sequen-  
 ti die eum ad praetiae paludis emissarium, ubi paulum conquieuerat, adepi-  
 sunt, conantemque interscindere ligneum pontem, ut iniecta mora antecede-  
 ret, aliquot ibi occisis & captis, rursus effugere coegerunt. Tertia die, quum a-  
 missis ferme omnibus copijs, ad Secussani reguli villam peruenisset, & Turcae  
 Aegyptijs, qui eius regionis pagos incolunt, extremas supplicia denunciaissent,  
 nisi ad comprehendendum Tomumbeium egressus omnes illarum paludum,  
 & circumiecta loca intentis custodijs obseruarent, metu perculsus paludibus se  
 condidit: ubi eum paulo post agrestesmersum aquis usque ad summum pectus,  
 atque inter iuncos & harundines latitantemprehenderunt: vinctumque mi-  
 serabili habitu occurrentibus Turcis tradiderunt. Nec multo post cum aliquot  
 ducibus amicorumque praecipuis, Memphim perductus est. Selymus, qui pro-  
 pter intersectorum legatorum iniuriam, hominem necare decreuerat, eum ad  
 se perducere vetuit, tortoribusque tradidit, ut de Campsonis thesauris quaereret,  
 qui secretissimo specu abditi credebantur. Ferunt eum constanti animo ac mi-  
 naci vultu, nihil praeter suspiria atque horribiles gemitus, in summis cruciatibus  
 protulisse, ut ea patientia victoris saeuitiam superaret. Postero die eum vili ca-  
 melo impositum, ac obsoleta indutum veste, religatisque in tergo manibus, si-  
 cuti noxij ac latrones solent, per omnia vrbis fora, et celeberrimas regiones cir-  
 cumduci iussit, ut Aegyptij quem paulo antea regem adorabant, illum eundem  
 vertente fortuna in extremas praecipitatum miseras, vitae simul atque imperij  
 dies fatali laqueo finituum intuerentur. Quum vero ad Bassuelam portam  
 peruentum fuit, ei laqueo gulam fregere: utque transeuntibus conspectui atque  
 ludibrio foret, vincto ferreo suspensum supra fornicem reliquere. De Tomum-  
 beio supplicium sumptum est Idibus Aprilis, anno a partu Virginis decimose-  
 ptimo supra millesimum & quingentesimum: qui dies Lunae dicatus, Christi  
 resurrectionis celebritatem secutus est: quum ad Rhodaniam pugnatum esset  
 vndeci-



undecimo Calendas Februarias, die diui Vincentij memoriae dicato. Nec de-  
 fuerunt, qui in eo tam atroci miserabilique spectaculo lachrymas effunderent;  
 tristiq; & gestu & incondito eiulatu vltimi regis sui vsque adeo foedam atque  
 turpissimam necem auersarentur, vel increpantibus saeva voce, & mortem co-  
 minantibus Ianizaris, quod Memphiticus populus, vti leuis, & veteri Ma-  
 maluchorum seruitio assuetus, depulsae seruitutis beneficium, nequaquam lae-  
 tis & gratis animis acciperet. Erat enim plebs Aegyptia adhuc incerta liberta-  
 tis, proptereaque caeco suspensa metu, rebus suis timere cogebatur: quod Tur-  
 carum gentem bello inuictam formidatamque cunctis Europae atque Asiae  
 10 regibus, nequaquam Circassijs mitiorem, imperatore praesertim cruentissimo,  
 superbissime regnaturam existimaret. Commouebat quoque animos mirum  
 in modum pendentis Tomumbeij habitus tam indigne a Fortuna mulctati.  
 cum nanque singulis aulae honoribus integra nominis fama gestis, ad summum  
 regij decoris fastigium, studio populi, fauoreque procerum ascendisse memi-  
 nerant, vt inde vrgentibus fatiis vsque adeo deformi ruentis imperij & vitae e-  
 xitu praiceps daretur, exemplum haud dubie inter paucissima humanae varie-  
 tatis valde memorabile miseris pariter atq; felicibus praebiturus. His quidem,  
 vt nihil sese efferre, sibi que adulari, illis vero, vt cuncta, quae indigna atq; aspera  
 fors adueheret, constanter ferre condiscerent. Eo etiam Tomumbeius commi-  
 20 seratione dignior apparebat, quod maiestatem proceri & lacertosi corporis,  
 vultumq; promissa & canescente barba venerabilem, cum regio solio, tum mi-  
 litari imperio parem attulisset. Caeteri Mamaluchorum proceres cum ignobi-  
 lietiam equitum turba, qui in custodijs erant, eandem exitus fortunam tulerunt.  
 Sublato Tomumbeio, atque occisis ferme omnibus Mamaluchis, quum nulla  
 certa hostium manus in Aegypto esse nunciaretur, quae renouare bellum pos-  
 set, diductis copijs, ad recipiendas vltiores prouincias Selymus duces misit,  
 Alexandrini enim secundum Memphiticam pugnam expulso praesidio, & Pha-  
 ri arce, quam imbellis custos certa cum spe praesentis praemij quam dubio peri-  
 culi euentu tradere, quam defendere maluerat, facile occupata, multis ante die-  
 30 bus ad Turcas defecerant. Damiata quoq; victoribus portas aperuit. Haec o-  
 lim Pelusium, Aeliopolisq; demum instaurante Hadriano Caesare vocata est:  
 Citra autem Nilum, qui Aegyptus Iudaeae atq; Arabiae terminos attingit, nulla  
 ciuitas, quae Turcarum imperio non pareret, relinquebatur. Ipsique Africere-  
 ges Cyrenaice finitimi, qui pendere tributa, & Sulthanis certo foedere parere  
 consueuerant, legationes destinabant. Reliqui erant Arabes, & praesertim A-  
 fricani, qui Tomumbeio auxilia miserant, & Turcis, quod eo bello magnum  
 suorum numerum amisissent, minimè parituri dicebantur. Ea gens latrocinjs po-  
 tius, quam bello assueta, ab Euphrate qua Palmyrenorum fines alluuntur, vs-  
 que ad Atlanticum Oceanum totam Aegyptum atque Africam multitudine  
 40 sua repleuit. Errabunda gens est, ac innumerabilis, distincta tamè per populos  
 & duces, qui suas vrbes atque oppida singulis curribus trahunt: utpote qui cer-  
 tas sedes non habent, & Scytharum more tentorijs & papilionibus vtuntur.  
 Ipsi se gentium nobilissimos praedicant, quod nullis vnquam alijs immixti ge-  
 nibus, incorruptam ante sui generis nobilitatem conseruarint. In vniuersum a-  
 stu omnes atque ingenij artibus potius, quam corporis viribus pollent. Frugum  
 enim in conuictu homines nulla cibi intemperie vires alunt, temperantia vale-  
 tudinem tuentur: multaque exercitatione ad inuictum robur habiles artus



confirmant. His magnæ curæ est vxorum pudicitia, quando nihil potius ducant, quàm incorrupti sanguinis antiquum decus. Totum autem familiæ censum vna implet tenuis suppellex, quæ nobili equo Numidico, lancea, & iaculis constat. In mundo muliebri, neq; aurum, neq; argētum visitur, sed lanea virgata vestis, & pro geniali thoro ex centone leuis culcitra: primores tantum, argentum vermiculato opere fabrefactum pictumque in phaleris gestant: argenteasque item bullas collo suspendunt, quas incluso amuleto, Thahelles vocant, quarum præsidio aduersus pericula se probè munitos arbitrantur. In hospites aduenas ambitiosius, quàm latronum mores ferant, liberalitate vti mos est. Sed conuiuia eorum, si venatio non suppetat, leui pollinis & orizæ pulcicula, fauo mellis, carica, palmæ dactylis, ac lacte acido finiuntur. Munera sunt laneæ chlamydes colore violaceo aduersus imbres à nostris expetitæ. Sed inter senonas & veteres à maioribus per manus traditas immortales inimicitias exercet, ac sæpenumero in factiones secedunt, & aggregatis vtrinque auxilijs cruentissimè præliantur. Qua de causa, quum antiquis odijs, & nouis simultatib; semper studeant, & bella ex bellis oriātur, nunquam ad expellendos Mamaluchos consentire in vnum, & pari consilio bellum gerere valuerunt. Neque enim Mamaluchorum opes tantæ multitudini sufficere potuissent, quando Sulthani ex aliena discordia potius, quàm proprijs viribus eam prouinciā atque imperium retinere viderentur. Itaque Selymus per idoneos homines plures eorū duces data fide ad se Memphim euocauit, et summa liberalitate profecurus est: quorum exemplo fiebat, vt cæteri quotidie accederent, acceptisque muneribus in verba eius continuo iurarent. Aliqui tamen, quum nullis pollicitationibus ac donis flecterentur, per insidias ab alijs ducibus intercepti, ac Selymo traditi, inanis pertinaciæ atque odij poenas dederunt. Classis quoque paucarum nauū aduerso Nilo vsque ad Sienem, quam hodie Guagueram incolæ appellant, ascendit, omnesque hæ gentes quæ ad Aethiopiā vergunt, sicuti amicitiam potius, quàm imperium Sulthanorum agnoscebant, ita victoriæ fama perductæ in Turcarum fidem facile concessere. Iisdem etiam diebus ad Suezziam Rubri maris portum (is olim Arsinoes fuit) cum aliquot turmis atque cohortibus processum. Distat Memphis à proximo littore, vbi Suezzia est et Thorius portus, trium tantum dierum itinere. Quo in portu Campson aduersus Lusitanos classem ædificauerat: qui, subacta tota prope India, omnem Arabici sinus nauigationem sustulerant: & quum indicas merces per Oceanum in Hispaniā auerterent, Memphitica vectigalia grauissimis detrimentis affecerant. Ea classis, magna impensa, et labore incomparabili vix quatuor annorum spatio perfecta, deductaque fuerat. Nam ab Issico sinu, atque Amani syluis è Cilicia materiam petere necesse erat: eam inde transuectam Pelusium, aduerso Nilo Memphim deportabant, vbi nautæ ac peritissimi fabri non deerant, qui ab Venetis haud obscure submittebantur: quum & ipsi, eodem incommodo accepto, nobilem illam, & toti Europæ statis temporibus aromata partientem nauigationem intermittere cogerentur. A Memphi autem plicatiles ac solutæ naues membratim camelorum dorso Arsinoem conuehebantur: ibique rursus commisso in vnum per partes clauis configabant. Quibus constructis atque deductis, paulò ante Selymiani belli initia, Campson Amyrassem & Raysalomonē duces misit cum valida manu Mamaluchorum, magnoque tormentorum apparatu, qui cum classe ad Erythræas angustias contenderent, & cum Lusitanis bellum



bellum gererent. Sed illi, quum Lusitanam classem duce Lopo Suare vltro ingressam Arabicum sinum cognouissent, nec sibi tunc, multis de causis, cum totius Indiae victoribus confligendum esse arbitrarentur, Gidde, qui Meche Mahometi sepulchro celeberrimae urbis portus est, medio in sinu ad Arabiae Felicis litus per causam reficiendae classis substituerunt. Mox verò discedentibus Lusitanis, qui propter aduersas tempestates repulsi in Aethiopica littora, ac diuflantibus Euris iactati, nulla rem memorabili gesta sinu excefferant, aliquot amicas vrbes Felicis Arabiae latronum more diripuerunt: & Ademum, vt ciuibus pecuniam exprimerent, expositis copijs oppugnarunt. Sed vrbs frequē-  
 10 tissima & munitissima impetum Aegyptiorum egregiè sustinuit. Ademum enim, quod antiquitus Ocellis emporium fuisse arbitramur, opportuna in caute iuxta promontorium Palindromum extra Arabici sinus fauces ad laeuam positum est, & à tribus ferè partibus mari alluitur, murumque habet, quā aditus est à terra, & complures turres in morem nostrum portui ac naualibus impositas. Magna quoque est ea in vrbe, vt in nobilissimo Indici maris emporio, commercij & mercaturae causa, Persarum atque Indorum multitudo, qui vno consensu cum ciuibus, vt sese atque opes suas ab Aegyptiorum iniuria tuerentur, pro alienae urbis salute sumptis armis propugnare non recusabant. Ita Amyrasses, & Rayfalomon repulsi ab mœnibus & pessimè accepti, reductis copijs ad insulam Cameronis, atque inde Giddam redierunt. Ibi quum de Campsonis morte atq; aduētū Selymi ad Memphim cognouissent, atq; alter in fide permanere, alter verò victoris fortunam sequi contenderet, protinus inter se dissentire coeperunt: coorta quoque inter milites seditione, Amyrasses, qui Tomumbeio fauere conabatur, Meccham profugit. Verum paulò post Rayfalomone eum deposcente, atque omnia hostilia, nisi continuo sibi traderetur, denunciante, à Mecchensibus, qui rebus Giddensium magnopere timebant, captus, et Giddam ad classem transmissus est. Porro Rayfalomon, vt æmulo & collega sublato, solus classis imperio potiretur, atque edito aliquo insigni facinore sibi aditum ad victoris gratiam praepareret, Amyrassem noctu ad decli-  
 30 nandam inuidiam mari demersit, & bimestri stipendio donatis militibus, hisq; Selymi sacramento adaectis, paucorum dierum nauigatione Arsinoem peruenit: & tradita classe ad Selymum profectus est. Ea vero Turcarum manus, quae Arsinoem venerat, dextro litore ad superiores prouincias ascendit: regulique omnes, qui Sulthanorum tributarij vel amici erant, vsque ad Dauidis maximi Aethiopum regis fines, quem nostri Preteianem vocant, sine vlla dubitatione deditionem fecerunt. Sed quoniam in mentionem Preteianis incidimus, non iniucundū fore putauerim, si post tot cruenta praelia, & tristes rerum prope omnium euentus amcenioris materiae diuerticulum legendo fessis paremus, quod Aethiopiae descriptione aptè praestare lubet, vt quae plerisque fabulosa vide-  
 10 risolent, ad veritatē fidemq; historiae referantur. AFRICA, quae tertia pars orbis censetur, ingentis Pyramidis figuram effingit: cuius basim efficiunt ealittora, quae à Nili ostijs perpetuo tractu ad columnas Herculis directae, Mediterranei maris fluctibus alluuntur. Latera autem, hinc Rubri maris sinus, illinc Atlanticus Oceanus, sensim extenuato terrarum cuneo castigant, vt in oblongam coeundo desinant cuspidē, & extremo Bong spei promontorio terminentur. Id ad Antarcticum polum vergit, equo fastigio equatoris et tropici Capricorni lineas longissime progressum: quod intentatum, nec planè antiquis



cognitum Africę caput, memoria nostra superauere Lusitanę classes, quum in Indiam ingenti ausu petendis aromatibus prouherentur. Id nature munusculum, immensi diuersique æquoris vastum pelagus tanquam rostro findit & dirimit, quum ab ortu Solis Indici maris æstus Igno humero excipiat: ab occasu autem dextro alterius propè Oceani Aethiopica littora pulsantis fluctus summoveat, & extrema veluti terrarum lingua concursantibus ventis, & refectis tempestatibus imperet. Media huius expressę pyramidis, quę sunt regiones vltra citraque æquinoctialem lineam, per arenarum solitudines innumere Aethiopum gentes inhabitant: quę portenta naturę existimari possunt, quod moribus tantum ab homine distent, quantum ingenij captu brutis accedunt: quanquam auaritię, superbięque bona pariter ac mala planè intelligant, quum & aurum quod effodiunt, & commerciorum vtilitates agnoscant: rerumque propè omnium inopes, pro imperio & dominatu regum suorum cruentissime dimicent. Ex his Troglodytę, qui iniquissimis feruoribus damnati, perperuisque & directis Solis radijs flagellati, cauernas inhabitant, feritate reliquos antecedunt. Nigritarum omnium, quos interluit Niger amnis hodie Gambra vocatus, Sol pro aspectu recto aut obliquo, gętis colores euariat. Ante alios Guinei absoluta nigritie, nec repandis & contusis naribus vultu gestuque nobiliores existimantur. Mantingę generoso ingenio fidem colunt, maturę oleę colorem imitantes. Manicongri ancipiti memoria pollent: nam obsequia cum fide implent, & seruitij pertæsi, conditionis suę fortunam dominorum cęde sæpe vindicant. Gilopi ablutis carbonibus similes, verborum odia reseruati, pigrique & hebetes non citò mansuescunt. Zapę & sensuum & corporum ingauia, mancipiorum omnium vilissimi existunt. Ad has gentes quotannis penetrant iustis, & compositis agminibus, quę Carauanę vocantur, proximi mari nostro Pęnorum, Numidarum, & Maurorum mercatores, magni quidem quęstu, sed aliquanto maiore vitę periculo: quod in arenosas solitudines, & indiga aquę loca, obsessaque palsim serpentibus & feris delati, sæpe excitato subtiliore fabulo austri flatibus obruantur. Hęc nobis scribensibus Muleasses rex Tuncetanus ab immani fratris iniuria exustorum oculorum orbitate miserabilis, enarrauit, totam ferè ex imperio eius subiectis Carauanam, tantam proximè vno ventorum turbine calamitatem subisse, vt vix decimus quisque multorum mensium remenso itinere sospes & integer domum sit reuersus. Tanta est auri & eboris sitis, cum hęc vilium mercium permutatione parentur, vt incerta spe lucri non planè dubia salutis iactura computetur. Ceterum Lusitani Atlantem, quem in Mauritania Clarum montem hodie vocant, & Praxium promontorium Viridesque insulas, quas nonnulli Hesperides esse existimant, annuis atque victtricibus classibus præteruecti, insinuatique Nigritarum terris, pleniorum horum populorum notitiam retulerunt: quum inde captis aut coemptis mancipijs, Lusitaniam repleuerint. Legendo enim oram à Praxio ad Orientem proras vertere, quā irrumpens Oceanus deuoratis littoribus ingentem efficit sinum, vsque ad sancti Thomę insulam, quę sub æquatore sita est, deserta nuper et infesta crocodilis atque serpentibus, quibus in eam relegata damnatorum corpora ad pœnam obijciebantur. Sed ex infami et inculta, propter benignam perpetui autumnii temperiem, facile frugiferam, saccaroque abundantem, Lusitani in cultura diligentes reddiderunt. Sicuti de Fortunatis, quę Canarię hodie dictę, dextrorsum numero decem in Eurum ventum



ventum vergunt, & de Maderia Foncialia Hispaniæ proxima, parvo colen-  
 tium labore profectum esse videmus. Ab hac divi Thomæ insula, in qua iam  
 Lusitanorum colonia coalescit, aliæ atque aliæ classes recurvatis littoribus ad-  
 iere novas gentes, longissimo tractu usque ad ipsum Bonæspei promonto-  
 rium: sic tamen lustrando littorum recessus & anfractus, ut à conspectu clas-  
 sis, nisi iusta manu armatorum exposita, recedere non auderent, admoniti sci-  
 licet recenti infortunio Francisci Almedij Indicæ classis præfecti, qui sub pro-  
 montorio Bonæspei, quum inauspicatò in terram ad conspectum fontem cœ-  
 naturus descendisset, subito ferorum hominum è nemore erumpentium im-  
 petu oppressus est: vir indignus ea calamitate, vel hoc uno, quod magnis rebus  
 gestis, partam Indicæ victoriæ lauream regi suo referre nequierit. A Bonæ-  
 spei promontorio, binisq; ambientis Oceani littoribus, introrsus Magni Pre-  
 teiannis imperia patefunt, quæ in quadraginta amplius regna, per immensas  
 propè regiones certis finibus distinguuntur. Hæc nota, claraq; suis nominibus  
 atq; opibus, peculiare habet reges, lingua, moribus, & oris colore dissimiles,  
 qui tributa pendunt: aut stipendiarii facti, quum bellum ingruit, Preteianni  
 tanquam supremo imperatori operam navant. Præ cæteris Sceve regnum u-  
 bertate soli, cœliq; temperie, atq; hominum ingenijs nobilissimum existima-  
 tur. Hoc tanquam præcipuum natalis soli rex incolit: nam in eo plures habet  
 regias, & augustiora templa: secutusq; herbidorum locorum, & aquarum oppor-  
 tunitates, ad tot comitantium agminum commoditatem antecapit, & exurte  
 etiam sole, per varias mansiones salubriore aeris temperie perfruitur. Toto si-  
 quidem ferè anno sub tentorijs degit, insigni apparatu & magna aulæ frequen-  
 tia, quanquã frequentes pagi ædificiaq; ex trabibus cancellatis, & cretaceis pa-  
 rietibus adfabrè constituta non desint, quæ hospitaliter subeuntes recipiant.  
 Regnum Scevæ Antarcticum polum duobus & viginti gradibus elevatum a-  
 spicit: fines eius à proximo Oceani littore decem dierum itinere distat: absunt  
 autem à Nili fontibus itinere quindecim dierum. Scevano in agro mira est re-  
 rum omnium fertilitas, frumenti q; præsertim, & ordeï, omnisq; (uti apud nos)  
 leguminis: milij verò, panici, usque adeò altæ segetes luxuriant, ut equitis statu-  
 ram superent. Nec terra abundans pomis vites respuit, quæ vindemiâs largif-  
 simè præbeant: quanquam ex pyris, acrioribusq; malis vulgò succum expri-  
 mant, quo potu vilior populus utatur. Ter singulis annis arant, & serunt, &  
 perpetuo propè autumno omnis generis fructuum copia lætantur. Nam ficus  
 virides, & melopepones sapidissimi toto ferè anno convivij non desunt. Fabæ  
 & ciceris siliquæ virentes cunctis mensibus apparent. Omnibus Scevanis a-  
 gris maioris minorisq; pecoris armenta, equorum nobilium, camelorum, &  
 asinorum greges passim visuntur: & inter cætera, eximiæ proceritatis & pul-  
 chritudinis mularum agmina. Abyssini enim omnes, quo nomine in univer-  
 sum subditi Preteiannis appellantur, alendis perdomandisq; mulabus maxi-  
 mè student: quod à proceribus aulæ magno pretio coemantur. Ceterum Sce-  
 vani, solertia ingeniorum, & morum gravitate, vitæq; & honesti cultus elegan-  
 tia Abyssinos omnes antecedunt: ideoq; gratia principis maximè florent. Ii si-  
 quidem Republica prudentissimè constituta, tanta legum æquitate populos  
 regunt, ut quum principis auctoritatem studiosè respiciant, eiusq; nomen in  
 omni iudicio atq; actione venerentur, nō secus ac Veneti patrij regnēt: apud  
 quos principis maiestas dissimulata, vel creptæ potestatis in speciem tantum



viget. Sceuani rerum præsidēs, sacra more nostro hisdem templorum apparatus, atque hisdem propè cæremonijs, musicorum organorum intermixtis concentibus, celebrant: iam pridem Christianis initiati sacris, vti asserunt, doctibus Bartholomæo apostolo, & Philippo diacono, Candaceque Aethiopum regina suscipiente. Sacro enim baptismatis fonte abluuntur, quanquam aliqua ex candenti ferro fronti stigmata superaddant: nec Hebraicæ consuetudinis obliti planè sint: vtpote qui decidere præputia, & è pudendis etiam mulierum carunculam præcidere soleant. Qui verò iuridicundo præsumunt (vitiæ apud nos) eadem legum seueritate in puniendis noxijs vtuntur: aberrantes enim, & temerè desciscētes à religione, totius concursu multitudinis lapidibus obruuntur. Semel verò susceptæ religionis ritus præceptaque temerè transgressos, & de Deo Maximo Diuisque impiè loquentes, in foro viuos comburunt. Homicidam propinquis interfecti vincitū tradere mos est, vt pro libidine sanguinis sui iniuriā vindicent. Nonnulli auariores deditum mercatoribus in seruitutem vendunt, quum alijs plerumq; à superbis & sæuis per exquisita tormenta ad interitum excrucientur. Furibus oculos eruunt, traduntque luminibus miserè captos publico mancipio, qui eos cithara & cantu cibum quærentes, per omnes regiones & remota regna, ea lege perducant, vt alterum diem vno in loco permanere vtrique capitale sit. Marium tentasse libidinem (quod apud finitimos Mahometanos impune est) extremo supplicio crimen dignum censent: minora verò delicta scriptæ legis interpretum arbitria subeunt. Nam aliqui carcere, alijs exilio vel flagris, ignominiosaque translatione mulctantur: raros pecunia aut alterius rei pretium à decreti poenis absoluit. Nuptias solennibus epulis celebrant, verum detectis adulterijs mutuo iure connubia dirimunt. Sed quoniam de Preteiannis stemmate, cultu, aulæque eius consuetudine, coepts, bellico apparatu, & rebus gestis: atque item de ortu Nili, Lunæque paludibus, & de varijs ferarum generibus, aliqua succinctè dicturi sumus, operæ pretium fore putauī, à quibus hæc acceperim ingenuè profiteri, ne fabulosa ab imperitis existimentur, quæ iam consensu multorum, nota compertaque sunt: quāquam totam fidem esse velim penes eos qui hæc longa nobis & curiosa indagatōne quærentibus tradidēre. Ex his fuere Petrus Aluarez Lusitanus, qui in legatione Roderici Limæ ab Araquinquo Arabici maris portu, quò appulerat Indica Lusitanorum classis, terrestri grumno loque itinere ad Preteiannam penetrauit, alteraq; legatione suscepta, ab ipso Preteianne ad Clementem pontificem, qui tum erat Bononiæ cum aureæ crucis munere peruenit. Is itinerum suorum atque actionum omnium diurnos commentarios, quum Romæ decessisset, scriptos reliquit. Secundum eū Petrus Abyssinus præclaro constantiq; ingenio vir, diu in Preteiannis aula versatus, summa comitate fideque Abyssinorum rerū Memorabilia nobis aperuit, vtpote qui plurimum idiomatum peritus, Romæ desumpto cucullati sacerdotis habitu, linguam nostram scitè didicerit: & quosdam è nostris curiosos Abyssinam linguam doceat. Cuius linguae Chaldaicis elementis scriptæ, sacros libros Romæ impressos videmus, quos, Abyssini religionis causa ab Hierosolymis Romam venientes, pro insigni miraculo in patriam deferre solent. Romæ siquidem Orientales peregrini Christianæ professionis, Abyssiniq; præsertim, post maximi templi testitudinem, proprium cum domo delubrum habent, vbi suo more sacra faciunt, alunturque pontificis sumptu, & pia benignitate aulæ sacerdotum. Hic magnus Abyssi-



byssinorum & Æthiopum rex, qui à nostris corruptè dictus est Pretegian, à suis Belulgian appellatur: quod est vetus cognomentum usurpatum à superioribus regibus. Id nomen incomparabilis præstantiæ, immensique pretij gemmam significat: proprio verò nomine, qui hodie regnat, vocatur David, peculiareq; habet cognomentum Atanadidinghel, quæ vox thus virginis exprimit. Regnavit ante hunc Naus pater, nulla propter avaritiam populorum gratia. Excepit autem regnum filius admodū puer, turrice Helena matre, quæ prudentia pietateq; spectabilis, eum probatissimis imbuens moribus, tot regna moderatissimè rexit: Filij ex ætatis prærogativa in regno patribus succedunt. Quòd si mascula proles desit, unus è propinquis virtute præstantior, defuncti sedem implet. Præalto siquidem stemmate ab antiquissimis regibus genus repetunt: regijq; sanguinis incorrupta nobilitas historiarum testimonio recensetur. Nam apud eos rerum gestarum memoria, perpetuæque regię stirpis successiones, fideli literarū custodiæ publico instituto demandantur, tanta cura & religione, ut præfecti notariorum, quum oportet, annorum supra mille nusquam intercisam memoriā ex archivis proferant. Rex ipse cum negotiorum occupatione liberatur, reliquas horas evolvendis historijs sacrisq; item literis fermè totas impendit. Nam apud eos sunt veteris & novi instrumenti codices, cum divi Pauli Epistolis, in Abyssinam ex Chaldaica translata linguam. Exinde modicè corpus exercet, atq; id balineo curat, & demum eodem more quo nostri reges cibū capit solus aureo in monopodio, quod nulla mappa contegitur. Ministrant ei nobiles pueri, epulasq; per ligneos gradus excelsæ mensæ inferunt: & eas quidem in parvis calathis concisas. Vinum ex aurea patera potat, & ex calice crystallino cervisiæ lymphidæ genus, quod ex austeris pomis & faccaro conficitur. Suavissimi saporis volucres, piscesq; uti apud nos, venatioq; item multa omnis generis totius regię mensas exornant. Prudenti custodiam agunt circumfusi tabernaculo trecenti fermè iuvenes ex omnibus delecti regnis: qui loco satellitum & obsidum habentur. Arma eis sunt, ensis, & hastile præpilatum, cervices & humeros ferina pellis contegit.

30 Quatuor porro insignes reges, qui edicto evocati, per vices aulam frequentāt, cum splendido procerum & minorum præfectorum comitatu, epulas è coquina vestibulo, ad regis tabernaculum honoris causa deducunt, tradunt prodeuntibus pueris. Rex prandio contentus, quando nisi festis diebus haud cœnet remota mensa, aliquot reginas, quæ ad colendā ipsius Davidis uxorem evocant, eadem cōditione qua reges ad aulam veniunt, ab eunuchis introduci iubet. Hæ iocundioris oblectamenti causa, coram rege psallere, & saltare consueverunt. Is quatuor uxores finitimorum regum filias connubio sibi iungit, sed cū unarite & sanctius despōsata cubat: quæ si sterilis evadat, unā è cæteris regum thorum subit. Velata facie obtenso scilicet tenui sudario rex in publicum prodire, & parvam crucem argenteam dextra manu gestare solet, equitantiq; septem laureæ totidem victoriarum præferuntur, prælongis hastis sericam umbellam excedentibus, hæc ei trophæa sunt de devictis hostibus. Vir enim bellicosus arma continenter exercens, ingentes alit copias, quibus adversus rebelles hostesq; imperij sui maiestatem tuetur. Difficili ante alios & periculoso bello Troglodytas venenatis utentes sagittis perdomuit: regem Casantem prælio fufum vivum cepit: eiq; tanquam sævitia & perfidia infami caput præcidit. Is regnabat ad eam regionem, quæ vergit ad Australe Oceani littus nomi-



ne Mozambicum, quod contra spectat ingentem divi Laurentij insulam. Hæc ora Æthiopicæ littoris insalubris, pestilens est propter æstuaria, quæ reciprocantis Oceani alluviones, & crebris decurrentium amnium ostijs dulcis aquæ undas marinis admixtas recipiunt. Ab eo quoque Bethsagæ reginæ, quæ regnum Bonæspei promontorio proximum possidet, præfectus bello acer & contumax, acie victus interfectusq; est: quod invita regina oblitus beneficii iuris, tributa pendere nollet, & crebris incursionibus fidelium fines evastaret. Eadem armorum vi Manicongri regem, quem postea Christi religionem induisse constat, & Tormedam Nigritarum principem assiduo bello ita attrivit, ut auctiora tributa atq; obsolescentes victori dare cogerentur: geminatam vero victoriam varia contentione, multoq; sanguine quæsitam à Selano rege retulit. In Mahometanis Mauris imperat, iam pridem ex Arabia Felice, per Rubri maris angustias in Æthiopiæ proximam continentem ad condendas colonias transgressis. Ea gens Persarum more optimè instructa armis & equis, ita indies coalescit, viribusq; & numero hominum augetur, ut Barnegasio & Tigrinio regibus, qui regna inter Arabicum sinum & Nilum amnè obtinent, & Davidi parè, magno terrori sit. Tributa quæ Davidi regi penduntur, varij sunt generis pro facultate atq; opibus subditorum regum. Alij nanq; informe aurum, atq; alia metalla, quorum omnium ferax est Abyssinorum terra: alij maioris pecoris greges: alij telas sericas aut laneas, quibus hæc gentes ab umbilico ad furas cōteguntur: alij præterea diversæ segetis, & fossitij salis copiam in castrensem commectunt: alij peregrinas merces, aromata, præcipueq; piper, & mancipia præbent. Agrestiores porro asperis nemoribus adiacentes, certum numerum vivorum leonum, & tigridum, aliarumq; ferarum ad regiam perducunt, quæ animi causa vivarijs & septis includuntur. Remotioribus sola huiusmodi ferarum tergora imperat, quibus Abyssini ad elegantiam & militarem cultum vestiuntur. Regis exercitus quum ad bellum educitur, incredibilem equitum & peditum multitudinem ostendit. Pedites magna ex parte iaculatores, sagittarij, funditoresq; sunt. Robur autem est in equite, qui lorica oblonga protegente coxas, aperta galea, & rotundo scuto, acinaceq; adunco, & ancipiti lancea armatus in aciem prodit. Qui galeis carent, capita muniunt rubris villosisque pileis, quibus modo Mamaluchi equites apud Memphiticos reges utebantur. Elephantos etiam turritos & militariter ornatos in aciem producere consuevit. Eadem autem disciplina accipiendi imperij, in eundæque pugnae observatur, quæ apud nos in usu est tympanis æreis, & tubarum cantu Martem accendunt. Vera & spectata inter eos virtus, certum decus & præmia parit, eo quidem nobilius quod strenuè pugnantes quò minus arctè manus conserant, nullo tormentorum periculo deterrentur. Abyssini monetam non cudunt, ne à pravis ingenijs adulteretur: importata tamen utuntur, sed tantum aurea cum Arabicarum literarum nota. Hos nummos, Pardales, & Seraphios appellant, qui nec pondere, nec probitate auri Venetum nummum æquant. Certis auri argentiq; frustulis ad varium pondus examinatis, militi stipendia persolvere, & res venales in foro coemere mos est. Toto autem Abyssino regno, patriarcha sacris præest, summumque imperium habet in sacerdotes, qui sunt innumerabiles, distincti per templa atque cœnobita. In horum mores severam exercet censuram, & contumaces vel depravatos à recta disciplina, anathemate persequitur, eoque religionis telis adigit, ut deserti ab omnibus, ac eiectionis passim



passim dolore atq; inedia misere contabescant & pereant. Patriarcha cum suo senatu sedem habet in urbe Barrara, quæ arduo & nemoroso in colle sita est, cincta perpetuis umbraculis ad amoenissimas ambulationes. Nam frondosarum arborum rami ea serie inflectuntur, & fornicatim connectuntur, ut in ferventissima regione, meridianisq; solibus, æstus non sentiant: & quod opacitatis gratiam implet, saluberrimis etiam fontibus passim diductis irrigentur. Quibus umbratilis otij voluptatibus, vitæ duritiem sacerdotali lege impositam facile sustinent. Patriarchæ magni sunt ex decumis redditus, quibus etiam regionum vectigalium quota pars accedit, liberali regum pietate sacris addicta. Has opes in egenos & xenodochia erogat, alitq; gravi sumptu infinita propemodum nasteria cucullatorum, e quibus multos quotannis impenso viatico Hierosolymas mittit, ad invisendam sacrosanctam urbem, colendumq; Christi sepulchrum: ut rite explorata & comperta de rebus Christianis in patriam referantur. Reliquæ quæ supersunt patriarchæ divitiæ, quum is moritur, ad regium fiscum redeunt, solennibusq; demum habitis comitijs, probatissimus omnium superante suffragio creatur. Is in cœlibatu vivit, quando sacerdotibus uxorem ducere, nec tamen iterare nuptias fas sit. De ortu vero Nili, longa percunctatione reperiēbamus, in regno Gogiano, quod à Scevano ad Antarcticum extenditur, esse immensam altissimorum montium congeriem, Caucaſo, & Atlantide, hisq; nostris Europæ alpebus multo celsiorem. Iuga eius perpetuis obsessa nivibus geluq; rigentia, nubibus sese inferere, & cælum fulcire videntur. Harum immanium rupium media atq; infima, densissimis sylvis procerrimarum arborum vestiri constat. Quæ loca inaccessa homini, lustra cubiliaq; sunt ferarum & belluarum omnis generis. Nam iubatils leonibus, pantheris, tigribus, uris, & apris scatent: campis autem, qui radicibus subsunt, elephantorum greges inerrant. Afferunt quoq; Gogiani regni incolæ his in vallibus dracones gigni alatos, qui anserinis pedibus gradatim humi serpant, repeririq; cælo pardalim, quam Gyraffam nostri appellāt, Florentiæ quandoq; visam magni Sulthani munere, qui eam Laurentio Medici dono miserat. Idem affirmant de Monocerote, quod animal unicornè à nostris appellatū, pulli equini forma, colore cinereo, iubata cervice, hireina barba, bicubitali cornu, armatam frontem præfert, quod levore, candoreq; eburneo, & pallidis distinctum spiris, ad obtundenda hebetandaq; venena mirificam potestatem habere dicitur. Cornu enim immisso & per lymphas circumducto, fontes exsiccari perhibent, ut salubriter bibat, si inde virosæ bestię præpotarint. Id vivo animali non detrahi, quum ullis insidijs intercipi nequeat. Cornu tamen sponte decisum in desertis reperiri, ut in cervis accidere videmus, qui ex senectæ vitijs, renovante Natura, vetus cornu exuunt, venantibusq; relinquunt. Hoc cornu regis impositum mensis, toxica, si qua sint epulis indita, emissio statim admirabili sudore, convivis proderē narrāt. Ex his duo vidimus bicubitalia ferè crassitudine: primum Venetijs, quod postea Senatus Solymano Turcarum imperatori dono misit: alterum parī propemagnitudine, sed præcisa cuspidē argenteæ basi insertum: quod Clemens pontifex Malsiliam profectus, pro insigni munere ad Franciscum regem detulit. Cæterum de vi tantæ dotis in hoc animante nihil plus affirmaverim, quam quod evulgata fama credentibus suadet: quum antiquorum authorum nemo, quod legerim, præter unum Helianum Græcū, quicquam de hac Monocerotis admiranda potestate memorię prodiderit. Ab his



asperrimis immensisq; rupibus, quæ à chorographis Lunæ montes vocantur, frequenti & copiosa scaturigine Nili fontes erumpunt in loco vehemēter abstruso, qui Beth (hoc est desertum) Abyssinā lingua dicitur. Ex his fontibus innumerabiles amniculi, per Gogiani regni spatia modò dissipati, modò coeuntes, in longè maximam toto orbe aquæ dulcis paludem effunduntur. Huic Saphæ nomen est, spatiosisq; littoribus tria attingit regna: eaq; affatim opima piscatione fœcundat & replet, Gogianum scilicet, & Beghemetrū, quod est ab ortu Solis, & ab occasu Dambaium. In hac palude amplius viginti insulæ numerantur, incolis frequentes, & multis cultæ ædificijs, in quibus turrata templa & luculenta sacratorum hominum cœnobia eminent: multi enim religionis, & tranquillitatis causa, ab humanarū rerum cōmercio, & vestigijs profanæ multitudinis in eas insulas se subducunt. Vna præ cæteris maior atq; munitior arege pro carcere servatur, in quā noxios & rebelles relegare cōsuevit. Ex hac tanta palude, Nilus primò lenis, mox rapidus & præceps sese effundit: varijsq; meandris & gyris Nigritarū fines lambēs, Gogianum regnū, & mox Amaranum insolenti cursu proscindit: nec usquā ripis cobibetur, donec ad cataraclas, quæ sunt antiquis Catadupæ, arctis rupium angustijs strangulatus, ac iratus erumpat. Indelatiore laxatus exceptusq; alveo, lenior fit atq; diffusior: & per magnos flexus, vadososq; sinus, navigiorum impatiens, ad Meroem insulā deferatur. Hæc Britannia maior est, tresq; in ea reges distincti finibus dominantur, sepe inter se bellum gerentes. Eorum potentia maximus, Mahometanus est, & Maurorū stirpis: secundus Æthiopici sanguinis genus idolorū cultu, moribus, & colore fatetur: vltimus Abyssinorū gentis est Christianæ religionis cultor, qui Davidi paret. Cæterum de Nili incrementis ad subtilium studiorū ostentationē disserere, & proferre causas audere, planè ambitiosum esse putaverim, quando hæc illustrium Græcorū pariter & nostrorum ingenia, inani, ut arbitror, labore, iam pridem exercuerint. Quis enim vel naturæ, vel cœli & terrarū opificis arcana iure quodam curiosis mortalibus abscondita rimatus est? Quis ingentes illas in ipsis terrarū visceribus cavernas, vel maximè vasti ingenij luminibus intropexit: quæ cuncta maria per tantū ævi spacium, tot in cursu fluminum nusquam crescentia, perpetuo hauriunt, & exsorbent? Quis denique subterraneorum anfractuum mensuras, certa ratione deprehendit: quibus repletis universa exuberantis aquæ moles in apertū cœlum per gibbosa montiū evomatur, & ea quidem optima naturæ fide, quantum acceperit, irrequieta dispensatione rependentis. Imbecillitatis profecto nostræ non meminimus, quū hæc superba ingeniorum vanitate perscrutamur: vnde iam hoc totum rerum scientiæ nomen tot vigilijs, & sumptibus partum profiteri dispudeat, postquā adeo pauca scire, & de singulis ambigere disputando confitemur. Verum Abyssini hoc unum pro constanti certis coniecturis persuasum habent, Nilum ex eliquatis nivibus quotannis augeri, & pro ratione frigoris & caloris, prout Natura indulgit ac imperavit, in varias exundationes excrescere: cum non inexpectatione credant, sub circulo Capricorni, maximis caloribus eam plagam urgeri & exuri, cui subiecta sit tot montium nivosorum rupes, quæ ex orienti Nilo caput præbet. Pari siquidem ratione non secus atque apud nos in solstitio æstivo, Solibus cuncta exurentibus, sicut mora & spatio multorum dierum incrementa amnis in Ægypto fieri contingat, quæ ex arcano suo, aut læta aut tristitia Natura sæpe noverca, sæpe mater, Ægypti terris importarit. In



Meroe, quæ incolarum lingua Naulelabe, id est, optimorum portuum parens vocatur, præsto sunt magnorum lîntrium classes, quæ peregrinos & advenas à terrestri itinere discedentes, Memphim & Alexandriam secundo amne devehunt. A Meroe quindecim fere dierum navigatione descendentibus occurriturbs Syene, obeliscorum lapidicinis clara, & poetarum carminibus celebrata, qui in ea Solares radios ad perpendiculum incidentes, in neutram partem umbras flectere tradunt. Hæc est initium Ægypti regni, vocaturque hodiè Guaghera. A Syene demum Nilus tutissimè navigatur, & utramq; ripam Ægypti & Arabes incolunt, qui præternavigantibus varij commeatus copias præbent. Nilus ipse ab his gentibus, Abbahuis, id est, amnium pater appellatur. Nam post longum & tortuosum cursum, in multa cornua totam aquarum molem diffundit, quæ Memphim & Alexandriam perducunt: & Canopico ac Pelusiaco ostijs continentur. Quum hæc edere pararemus, veris nuntiis allatum est, regem Davidem fato concessisse, quum extra matris tutelam viginti septem regnasset annos, vixisset autem octo supra quadraginta. Fuit ingenio maxime pio, atque habili ad omne belli & pacis obeundum munus, itemq; literis usque ad astronomiæ notitiam optime instructo: Corporis autem habitu mediocri, rotundo ore mali contonei sub cinere tosti colorem exprimente: vivacibus item oculis, & capillo non planè more Æthiopum intorto, ut ex vera imagine quæ apud nos est, intueri licet. Quatuor mares & quinque fœminas ex una tantum uxore suscepit, quorum natu maximum adversa in pugna infelicitè amisit: quum intempestivè renovato bello, cum Selano rege acerbissimo hoste congressus, superiores victorias corrupisset. Hoc ictus vulnere gravissimum concepit dolorem, atque inde febrem, quæ diu sustineri non potuit. Filius itaq; secundus excepit regnum nomine Claudius: qui reparatis copiis, cum Selano prospere confligens, & fratris cædem, & patris iniuriam non toto vertente anno vindicavit. Sed iam unde discessimus revertamur. Eo itaq; modo Selymus, uti narratū est, terra mariq; omnibus hostium provinciis in potestatem redactis, circiter calendas Iulias secundo amne Alexandriam navigavit, sedente ad clavum prætoriæ biremis Curtoglo Halicarnasseo prædone clarissimo, ut Byzantium classē, quæ per eos dies appulerat, inviseret. Quæ lustrata, urbisq; mœnibus, atq; ipsa Phari arce diligenter inspectis, Memphim reversus est. Interea Mamaluchi, qui Alexandriæ custodiebantur, iubente Selymo ad unum omnes in foribus carceris contrucidati sunt. Familiæ quoq; Ægyptiorum, quæ opibus, aut generis claritudine præstabant, numero supra quingentas, Byzantium migrare iussæ: magnaq; multitudo fœminarum ac puerorum ex progenie Mamaluchorum, eodem conductitijs navibus transvecta. In classē autem præter thesauros ac regiam gazam, publicā ac privata opulentissimæ urbis ornamenta congeffit, tanta rapiendī libidine atq; avaritiā, ut marmora eximij operis cælatura, aut coloris varietate cōmendata summa victoris invidia parietibus revellerentur. Nec multo post per summam voluptatem incrementum amnis, qui proximos campos stagnantibus aquis inundaverat, ita inspexit, ut à senioribus incolarum totius exundantis amnis mēsuras rationesq; curiosè perquireret. Pronunciant enim diversi auctus, qui certis mensuræ notis deprehenduntur, modò lātissimam segetē, modò diram famem, modò certam tantum adversus inopiam securitatem, quum imperiosus ac impotēs amnis, benigna aut sæva libidine exundās, nunc quosq;



dam camporum tractus adeo copiose irriget, ut intra ferendi spatium sero decedat, alios segniter parceq; levi tantum rore aspergat, an non dubiam sterilitatem vix pulvere subacto, ea prorsus alternantis amnis lege, ut Aegyptij tum divites futuros existimēt, cum Nilus temperatus & lenis nequaquam ad summi, aut minimi incrementi notam accesserit. His rebus studiosè compertis, cum sibi in Syriam propter rumores, qui de Hysmaelis adventu in Mesopotamiam afferebantur, redeundum esse arbitraretur, praesidio Turcarum Memphi imposito, Cayerbeium toti Aegypto praefecit. Quae res Lunusbassam eius honoris spe, & iusta cupiditate accensum, vehemētissimè perturbavit. Is enim mortuo Sinambassa, cum virtute & rebus gestis, tum recenti etiam vitae periculo elatus, cum neminem sibi exaequari dignitatē pateretur, se unum esse reliquum, ad quem summa imperij redire deberet, Selymi & militum iudicio ex omnibus illius amicis ac ducibus, existimabat. Nec deerat militaris favor: nam ut statim ex vulnere convaluit, quum in magnificentissima Diadarii domo, quā in ipsa victoria usurpaverat potius, quā Selymi munere acceperat, convivium, quibus milites maximè capiuntur, regio propè sumptu primoribus iuxta atq; gregarijs quotidie pararet, ac sepe nobiles equos, decora servitia, vestes, vasa, arma ultro omnibus elargiretur, tantā gratiam benevolētiāq; collegit, ut quum de more in aream ad imperatorem eundum foret, longè amplissimo atq; ornatissimo comitatu deduceretur: & vulgò ei omnes Aegypti praefecturam destinarent. Quae omnia Selymi animum offendeabant: nam uti erat facile suspicax, & metu saevus, magnis etiam virtutibus, quae nimiam claritatē certamq; potentiam adferrēt, invidebat. Cayerbeio autem summæ rei praeposito, Lunusbassa pudore ac dolore victus, ut qui superbo animo contumeliam ferre non poterat, simulans aegritudinem corporis, quae animi aestuantis erat, per aliquot dies publico abstinuit: & quū magis ac magis, & sua iniuria, & proditoris honore cruciaretur, etiam moderari linguam non poterat. Accidit autem ut Cayerbeius, quum officij causa ad visendum eum accessisset, & meridiano tempore ad levandam sitim, consuetudine Aegyptiorum, saccarum frigida dilutū militari familiaritate degustasset, paulo post acerbissimis alui doloribus ita cōflicteretur, ut veneno eum à Lunusbassa petiitū fuisse cōplures interpretarentur, ac servatum certioris antidoti praesidio dictarent. Qui rumor, an falsus, incertum: altius tamen quā quisquam putaret, in Selymi animum penetravit. Etiam paulo antè audierat nonnullas Aegyptiorum familias, ex his, quae Byzantium commigrare iuebantur, à Lunusbassa (ipse enim ei negotio praerarat) ut tunc Memphi in patria permanerent, ingenti pecunia se redemisse. Cuius avaritiæ non obscura ab æmulis ac delatoribus indicia prodebantur, quod regales illos sumptus, quos privatis stipendijs tolerare non posset, novi vestigalis redditibus egregiè sustineret. Hæc quum ad comminuiendam gratiam pertinerent, aliud quoq; fraudis vel negligentiae crimen accessit, quod illi vite exitum urgentibus fatis maturavit. Nam Selymus, sicuti reges solent, qui egregiè dissimulando, ut priora puniant, compressa in praesens iracundia, alicuius novi criminis occasionem expectare consueverunt, dicta factaq; eius observans, eum infenso paratoque animo persequabatur. Paucis enim antè diebus, quā certior fama de profectione imperatoris in Syriam evagaretur, milites, qui Memphi in praesidio relinquebantur, causati longinquam militiam maioraque pericula, & defunctos labores, augeri sibi stipendia flagitant. Idque



illis facile Selymus ordinum habita ratione præstiterat, mandaveratque Iunusbassæ, ut ea summa apud Castrenses tabulas antiquis rationibus adderetur. Sed ille infania præceps, nihil earum rerum quas iussisset imperator quæstoribus retulit, ut milites, si vberiore promissoque stipendio fraudati essent, Cayerbeium tanquam iniuriæ autorem odio habere, atque despiciere inciperent: & propterea Memphiticæ res militari ab alienatione turbarentur: unde Selymus damnato pro alienigena, qui non occulto Aegyptiorum odio, ut in recenti fœdissimæ proditiōis memoria deflagraret, cuiusque imperium veterani moleste ferrent, hominem Turcam nutanti provinciæ submittere cogeretur. Sed ea omnia, quoniam prava consilia duri rerum exitus e vestigio consequuntur, aliter atque ipse ægro animo destinarat, evenere. Namque profecto imperatore, & iam Hierosolymis appropinquante, Memphitici milites, quod accipiendi stipendij statuta dies advenisset, nec sibi quicquam præter veterem summam persolveretur, rei indignitate commoti, apertius ac violentius quàm Iunusbassa putavisset, insultare & comminari quæstoribus, ac ipsi Cayerbeio palam maledicere cœperunt. Quibus vocibus ille perculsus, ut qui nondum in Turcarum consuetudinem devenerat, unâ cum quæstoribus sese purgare militibus, atq; orare suppliciter, ut nihil de se temerè crederent, remq; ipsam sedatis ab iracundiâ animis cognoscere vellent, nec se vel acerbissimam poenam deprecari, si quid dolo suo factum aut fraude prætermisissimum inveniretur. Sed disceptationis is exitus fuit, quum Cayerbeius & quæstores suspitione periculumq; vitare, & milites ad ulciscendam iniuriam fraudem deprehendere properarent, ut legati ad Selymum mitterentur, qui nondum Iudææ finibus excessisset. Legati itinere celeriter confecto, exercitum supra Larissam Palestinorum consecuti, imperatori, ut primū facultas data est, & militum querimonia, & Cayerbei ac quæstorum in avertenda fraudis suspitione sollicitudine ordine detulerunt. Quæ res Selymi animum alijs quoq; offensionibus alienatum, adeo vehementer novis irarum stimulis exagitavit, ut Iunusbassam protinus ad dicendam causam pertrahi iusserit. Ille, quanquam & culpæ conscientia & supremo timore palleceret, quum in irati imperatoris vultu certissimas sævitiae notas intueretur, attamen præsentī animo respondit, se neque dolo malo, ut pecuniam averteret: neque ut inde alijs aliquam conflaret invidiam, stipendia militum secus ac ipse iussisset, augeri vetuisse. Sed id optima factum ratione, ut ærario prospiceretur, quum incredibilem pecuniarum vim præterita bella exhausissent, & iam novi bellorum motus e Perside audirentur; qui non necessarijs sumptibus parcendum suaderent. Contra milites, qui & præda ditissimi evassissent, & in fertilissima vrbe Mamalthorum domos & fundos tenerent, ac Aegyptiorum facultatibus alerentur, & maiora atque uberiora, quàm ab ullo unquam Othomannorum imperatore, stipendia acciperent, eum casum, quod minus liberali consilio secum ageretur, si non omnem penitus modestiam exuissent, æquioribus animis tolerare potuisse: ac debere imperatores, qui milites bello paceque perpetua liberalitate prosequerentur, ab his aliquando pro disciplina animi continentiam requirere: ne dum privatim quæstui omnes studuerint, publicè postmodum ad sustinendos maiores sumptus, quum necessario bella ex bellis ducantur, opes defint: quādo nemo vel virtute, vel fortuna maximus imperator, res præclaras unquā bello gesserit, si eum omnib. abunde optimis artib. instructum pecuniis



propria bellorum instrumenta defecerint. Talia dicentem Selymus vindicabundus & ferox, loqui plura prohibuit, quoniam si reus longiore oratione munita antea actae militiae recitasset, deprecatores ex intimis omnino sibi paraturus esse videretur: protinusque eum in conspectu interfici iussit, addens insolentissimi eius servi exemplo, ceteros, qui arroganter imperatori praescribere vel lent, officij & conditionis memores in posterum futuros. Ferunt milites, cum magna Selymi invidia, miserabilem insignis viri interitum magnopere doluisse. Nam ille praeter eximiam, & toties cum summa gloria spectatam omnibus bellis virtutem, tantum Graeci ingenij artibus, oris habitu, militarique facundia, & ipso vitae splendore apud omnes & gratiae & existimationis adeptus fuerat, ut nemo in exercitu esset, qui se non ei aliqua ex parte deditum atque obstrictum esse fateretur, ac imperatoris saevitiam non damnaret. Meminerant enim ab eo prepropera crudelitate necatum Mustapham, cognomento Calceorum, tantae quondam authoritatis & potentiae: & simili quoque rabie Chendenum ea dignitate vitaeque innocentia omnium ducum, qui ex magni Mahometis seminario profluxissent, longe periculosissimum, indicta causa concidisse. Neque exciderant animis Bostanges eius gener, & Ducaginoglis, hic insigni curiae magistratu clarissimus, ille classis achortorum praefectura, & uxoris vinculo atque opibus superbus, qui biennio ante abscisis cervicibus, in curiae vestibulo expositi, & miseriae suae, & regiae crudelitatis spectaculum praebuerant. Obversabantur quoque omnium oculis, veluti novo scelere pristinae immanitatis renovata memoria, Baiazetes pater sanctissimus senex, duoque fratres suo iure, suoque etatis & stirpis ordine ad imperium vocati Achomates atque Corchutus: totque item regie indolis adolescentes, superiorum fratrum filij, qui inhumani ferique hominis execrabili saevitia perierant, ut non immerito eum omnes simul metuerent, & acerbissimo odio persequerentur: quando Selymus nullo Deorum metu, nulla humani dedecoris cura, nec pravas, nec detestabiles ullas esse artes, modo vires imperio adstruerent, arbitraretur, & timeri a pluribus, quam amari certius atque validius esse, in animum iam pridem impietate atque sceleribus efferatum induxisset. Hisdem ferme diebus Himbracorballa, quae ad Persarum fines cum parte exercitus missum fuisse docuimus, ut si Sophus Hysmael, in ea rerum opportunitate, in Asiam vel Comagenem sibi irrumpendum arbitraretur, & illic quoque iustas vires ad tuendos aditus inveniret, per literas significavit, Persicos apparatus, qui tantum belli rumorem initio hyemis excitassent, media aestate penitus refrixisse. Praedatorias tantum manus, quae speciem praesentis exercitus facerent, atque ex occasione nonnunquam excurrerent, ab se conspectas esse: cum quibus ipse saepius excursionibus prosperè conflixisset. Ceterum uno consensu a captivis, exploratoribusque referri, Hysmaelem Hyrcano ac Scythico simul bello implicitum, cunctas regni vires adversus eas gentes contrulisse. Propterea eum, quod iam propinqua hyeme solitae nives Tauri iugis imminerent, Asiam aut Syriam eo anno minime esse respecturum. Fuere qui dicerent, Tartaros Scythas, qui Tanaim inter & Volgam amnes latissimos campos tenent, Selymi consilio atque pecunia sedibus suis excitos, ut ad distinendum Hysmaelem, Iberis & Albanis, qui in eius ditione essent, bellum inferrent, adiuvante praesertim Mahometo socero Bosphorano rege, qui facile eiusdem linguae Tartarorum duces foedere atque amicitia sibi iunctos, ostentatis praemijs ad bellum inferendum impulerit. Nos autem, quum a Persis, Armenisque hominibus talia



alia quæreremus, quod Sophus Hysmael pulcherrimæ, atque Dijs prope ip-  
 sis oblatæ occasione defuisset, qua Selymus in Ægypto bellum gerentem, Asia  
 ac Syria penitus exuere, interclusum cum omnibus copijs, præsertimq; tanta  
 viresistente Tomumbeio, facile delere potuerit: eam fuisse causam reperiēba-  
 mus, quod non eadem Hysmaeli domi ac foris sint vires. Exercitum nanque  
 eius ex evocatis atque nobilibus magna ex parte constare, qui gratuito milita-  
 re consueverint. Hos, ut sunt totius Orientis fortissimi equites, singulari stu-  
 dio regnum egregie tueri, & cum finitimis populis acerrime bella gerere. At si  
 paulo longinquior expeditio sit sumenda, eam militiam detrectare, quum re-  
 linquere vxores, quibus maxime sunt addicti, durū arbitrentur: nec more suo  
 multa impedimenta trahere, & plures ducere equos gens luxuriosissima atque  
 ornatisima sine stipendijs possit. Quæ rerum difficultate ad educendos exer-  
 citus, ipsum quoq; Vsumcassanē maternum Hysmaelis avum, laborasse constat.  
 Id autem eo ægrius ab Hysmaele parari posse videbatur, quod propensissima  
 provinciarum voluntate avitum imperium recepisset, sublati statim onero-  
 sis vectigalibus, studia hominum, quæ liberalitate atque iustitia facile compa-  
 rantur, longè firmissimas regni opes esse semper iudicavit. Quando ipsis tan-  
 tum gentium fortunis imperare, animis omnium semel acerbitate tributorū  
 alienatis, non optimi, sed impotentis, ac temporarij regis esse videretur. Con-  
 tra Selymus qui vi, scelere, execrandisq; artibus paternam sedem invaserat, in  
 servilibus & mercenarijs copijs, quas & longè ab domo abducere, & per om-  
 nes provincias raptare pro libidine posset, ad proferendos imperij terminos,  
 & ad res immortalis famæ gerendas summa atq; certissima præsidia esse statue-  
 bat: ut qui in una pecunia, atque imperij severitate, veram atque expeditam po-  
 tentiam putaret, qua omnium Othomannorum victorias obscurare felici re-  
 rum successu didicisset. Ea, quæ secuta est, hyeme, Selymus circumeundo ma-  
 ritimas & mediterraneas civitates, exercitum in Syria aluit: appetente autem  
 Vere, quum Romæ flagrantissimo studio Leonis pontificis de bello inferen-  
 do iniuri consilia adversum se, supplicationes magna celebritate fieri, & ad ex-  
 citandos Christianorum reges summæ dignitatis legatos in omnes provincias  
 destinari certius cognovisset, relicto in Syria Gazelle, qui cum imperio præes-  
 set, Byzantiū magnis itineribus contendit, ut ex propinquo consilia motusq;  
 hostium spectaret: haud ignarus interea Ægypti Syriæque provincias nullam  
 rerum mutationē esse subituras: quoniam Cayarbeium atq; Gazellē, qui im-  
 mortales inter se inimicitias ex veteribus studijs, & ex recēti etiam proditiōne  
 conceptas exercerent, non cōsensuros in unum, sed æmulatione ad promeren-  
 dam gratiam in regendis provincijs, diligentia, fide ac temperantia inter se cer-  
 taturos esse intelligebat. Eadem estate, qua ad Singam annē in Syria pugna-  
 tum est (fuit is annus à partu Virginis millesimus quingentesimus sextus deci-  
 mus) Galli & Veneti repressis apud Mediolanū Maximiliani Cæsaris conati-  
 bus, atq; eius copijs in urbem Veronā cōpulsis, universas vires ad oppugna-  
 dam Brixiam cōtulerunt. Præerat Gallis, Borbonio in Galliā profecto, Odet-  
 tus cognomēto Lotrechius, qui ad non dubiam iusti maturiq; ducis famā con-  
 tendebat: quum vim fervide alacritatis, uti ab ultima Aquitania semihispanus,  
 mora & ratione sedato impetu temperaret: nec in eo rapacis ingenij sordes,  
 aut dissolutæ ac indignæ voluptates notarentur: superiorum eius gentis du-  
 cum planè dissimilis, & suscepto oneri omnino par, nisi superbo ingenio



nemini familiaris, alienique consilij insolens contemptor, grauitatis atque prudentiae suae nomen corrumpere. In Veneto autem exercitu, quum senatus neminem adhuc in tanta ducum inopia Liuiano suffecisset, Theodorus Triulcius iam pridem Gallico stipendio addictus, imperatorias partes exercebat, ut neque vehemens, neque pugnandi audus: sed qui propter longam militiam, quod pluribus quam quisquam suae tempestatis ducum, Italiae praefectus fuisset, consilio optimus habebatur. Erat Brixiae Hicardus recenti defensionibus gloria insignis, cum Hispanorum & Germanorum adeo exigua manu, ut milites duarum cohortium numerum vix implerent. Caesare namque insecutis rebus in Germaniam redeunte, quum res aduersae multorum spes atque animos comminuissent, milites vulgo domum aut Veronam concesserant. Multi quoque, qui diripiendae Caesarianae pecuniae auctores fuisse dicebantur, iudicium veriti, ad hostes perfugerant, nulla commeatus, nulla stipendij certa spes, exhaustis priore obsidione Brixianis, relinquebatur: & maturae tum in agri segetes erant, quibus hostis longe ac late circumemisso equitatu potiebatur, quodque in earum asperitate grauissimum ducebant, tormentarij pulueris tanta erat inopia, ut totus tormentorum apparatus, vix decies impleri possederetur. Quae omnia, sicuti corporis vitia, tametsi plane celari non poterant, ut tamen Hispanus & prouidus, sic ea cunctis artibus contegebat, ut intra urbem difficultates earum rerum minores, & maiora militum praesidia hostibus viderentur. Itaque Gallus & Venetus promotis castris, ac exploratis omnibus rebus inter se conuenire, ut diuiso peditatu, atque ea cura minoribus ducibus, demandata, ab quinque simul diuersis vrbis partibus murum quaterent: patet factoque aditu ad irrumpendum hostes, ut necesse foret, in plures diductos partes & multiplicis periculi timore occupatos, adorirentur. Id autem facile fieri poterat, quum & militum multitudine foris abundarent, et tanta esset tormentorum copia binis in castris, ut paucorum dierum spatio urbs amplissima moenibus corona nudari posse videretur. Igitur quum per aliquot dies continue oppugnando, ingentem murorum ruinam destinatis in locis edidissent, atque hostes, qui necessario die noctuque comportare aggerem, interiores munitiones erigere, & quod in perpetuo labore durissimum erat, omnes simul propter paucitatem cubare cogeantur, multis praefectis lacerassent, ad extremum, ut iusto praefectio aggredierentur, cohortes delectas paulo ante optime instructas, murum subire iusserunt. Pugnatum est vno simul tempore quinque locis per plures horas, magna utrinque contentione: nam recentes atque integrae cohortes fessis & conuulseratis, sic per vices in pugna succedebant, ut propugnatoribus etiam superiorum dierum labore defatigatis, nihil spatij ad recipiendas vires relinqueretur. Verum Hispani atque Germani tot bellorum usus periti, sicuti aequitate locorum atque virtute superiores erant, ita subeuntium impetum multis illatis vulneribus egregie sustinebant. Sed magno eis subsidio erant equites ferme centum, qui per pomerij spatium irrequieto cursu moenia introrsum circuibant, notabantque, qua in parte maxime laboraretur: ac statim in forum ubi trecenti veterani in statione adsubitos casus collocati erant, decurrebant, totque veteranos, quot periculi magnitudo deposcebat, ne pedestri cursu exanimati peruenirent suis in equis confessorum accipiebant, & ad locum iniqui certaminis reuertebantur. Ipsi nonnunquam, quum repentinum urgentis praefectio discrimen praesentanea subsidia flagitaret, ex equis desiliebat, & in pugnae locum progrediebantur. Sed ab ea parte qua



Nauarrus oppugnandam acceperat, longè periculosissimum certamen fuit: nā cantabri & Valcones intrepidè murum subiēre: actumque est vtrunque audacter non missilibus tantum, sed lanceis & gladijs, quum scutis super capita impositis, veluti testudine facta succederetur: transcendissentque in urbem, nisi testacea mala sulphure & resina repleta, & globi nauali artificio confecti, lethiferum atque terribilem vomentes ignem, quæ propugnatores supernè iaculabantur, subeuntes cohortes deiecissent. Quo malo perterriti Nauarrini, vrgentibus mox in ea perturbatione aduersarijs, per ruinas præcipites acti, aliquot suorum amissis, & pluribus igne ambustis ac consauciatis se receperunt. At

10 Hicardus quinque prælijs vna die atque vno tempore sustentatis, quum multos vulneratos, & cæteros omnes labore atque vigilijs confectos esse animaduerneret, nec vlla spe Cæsariani auxilijs teneretur, de deditioe cum hostibus si bi agendum esse iudicauit. Magna enim eum uirum, quam parua sibi præsidia forent, animo reputantē, amittendi decoris cura angebat, ne si pertinacius hosti, & quotidianis prælijs resistere vellet, attritis ad extremum viribus deditioem, quam omnino necessariam fore providebat, iniquiore conditione facere cogeretur. Itaque aduocatis centurionibus, & ciuium primarijs, protulit tabulas publicas, quibus ab initio regrediente Cæsare, eius præfectos fuerat contestatus, se urbem, si quid durius accidisset, extemplo esse dediturum: quando

20 neque com meatus, neq; militum cæterarumq; rerum debita præsidia, quibus suæ fidei commissam urbem tueri posset, sibi relinquerentur. Non esse neq; sibi neque præsidarijs succensendum, si in summa rerum necessitate, & vitæ & rebus suis prospiciant, ac optimè de se meritæ vrbis saluti consulere velint. Conditiones quas longè æquissimas hostis proponeret, non esse temerè contemnendas, quum ad eas mox afflictis ad extremum rebus sit recurrendum. Satis enim pro gloria, quid Hispani, quid Germani virtute possint, quique hostes audeant, Brixia pluribus periculis ostensum esse: & satis superq; pro ipso Cæsare dimicatum, qui repentina profectioe, rebus & consilijs omnibus subito euerfis suos omnes deseruerit atq; proiecerit. Proinde rei conficiendæ sibi curā

30 relinquerent: daturum enim se operā, vt non accepisse conditiones, sed dedisse salua præsidij & ciuium existimatione videantur. Itaq; quum & Gritus, qui tum legatus aderat, nullas non æquas esse conditiones duceret, modo vrbe potiretur, per idoneos vtrunque homines actum, vt Hicardus urbem atq; arcem Lotrechio dederet, sicut eam Cardonius, & Prosper Columna ab Obegnino quatuor ante annis accepissent. Præsidium verò armatū more militari cum tubis ac tympanis explicatisq; vexillis exiret, ac liberè, quò vellet, proficisceretur. Centurionibus tñ certisq; cohortium præfectis interdictum est, ne Veronam intra quadragesimū diem se conferrent, quando milites, si absq; ducibus, foret; dilapsuri viderentur: qui tñ omnes fermè Veronam alijs itinerib. profecti

40 sunt. Expresse quoq; in tabulis cautum est ciuib. Brixianis, & præsertim his qui partium Cæsaris fuissent, vt nulla domib. vel præsidijs eorū iniuria inferretur, etiam si apud Gallorū & Venetorū hostes agere vellent, vel se Brixia minimè tutos esse existimarent. Sed quum præsidium eductis impedimentis porta egredere retur, & per medios hostium ordines alacriter pertransiret, Galli conspecta hostium paucitate (vix enim septingenti armati milites erant) pudore confundi, & fremere cœperunt, quod tantulæ copiae falsa maioris multitudinis specie obiecta duorum exercituum impetum elusissent, vixque sibi temperare



poterant, quin minis & contumelijs abeuntes violarent. Lotrechius prior urbem ingressus, ut capte possessionis formula servari videretur, paulo post eam Gritto restituit, actæque nomine senatus Lotrechio ingentes gratiæ, & munera data, quod naviter copijs suis Rempublicâ iuvisset: atq; urbem tanto sanguine toties frustra repetitam integra fide reddidisset. Nec multo post ad conficiendum bellum copiæ in Veronensem agrum ductæ: nanq; exulibus Cæsarianisq; reliquijs unus erat Verouæ tutissimus receptus, propter magnam loci opportunitatem, quod urbs Tridentinis iugis atq; Germaniæ proxima, celeriter novis auxilijs, si urgente hostes paulo asperiores evaderent, confirmari posse videretur. Collegerat M. Antonius Columna, cui summa bellicarum rerum cura ab Cæsare demandata fuerat, ex omni genere hominum validissimam veteranorum manum: in his erant Hispanorum Tricenariæ cohortes sex, quibus ante alios Maldonatus & Morellio præerant, viri ætatis honore & fortibus factis insignes: Germanorum verò quatuor millia, omnes ferme in Italia militare assueti. Ii Georgio Franispergio nobili è Vindelicia parentabant: præterea Castellalto ac Rodulpho alæ strenuis præfectis, & Marco item Sithio, qui postea M. Antonij testimonio summam inter Germanos virtutis militaris atq; prudentiæ laudem adeptus est. Aderant & quingenti ferme Helvetij, qui militiæ avidi, suis domum abeuntibus, Veronæ remanserant, adhortante Arnolde Vndervaldio eorum duce fortissimo, qui apud Sfortiam prætorij præfectus fuerat. Præter verò suam cataphractorum alam veteranam, aliquot Italici, Hispanici, ac Germanici generis levis armaturæ equitum turmas habebat: quarum inter alios excellenti virtute ductores eminebant. Gurlottus Rhavennas, Valastichinus Cantaber, & Succarus Belga. Sed in primis militari gloria florebat egregia Græcorum equitum manus. Ii omnibus Italiæ bellis exercitati, clypeos tanquam inutiles deposuerant, quibus antea ipsi inermes oblongis atque inflexis utebantur: & pro his thoraces & galeas ita ferre didicerant, ut congredi cum cataphractis auderent. Erant eorum duces duo Boccali, Constantinus, & Emanuel illustri veterum Achaïæ principum familia orti: & secundum eos Andreas cognomento Bua, corporis atq; animi promptitudine insignis. His fretus copijs M. Antonius, dum Galli & Veneti, Brixiam oppugnarent, atq; ipse laborantibus socijs auxilio submittere ulla ratione nequisset, Vicentiam nocturna profectione contenderat: expulsoq; præsidio atq; urbe occupata, ingentem prædam omnium rerum, multosq; captivos & aliquot currulia tormenta avexerat. Quodq; magno ei postea usui fuit, frumenta quæ in arcis adhuc erant, conquisitis undiq; plaustris ac sarcinarijs iumentis, Veronam asportaverat. Neq; post id factum, ullus hostium locus fuit, qui ab Antonianorum iniuriâ tutus esse putaretur: quum circumiecta castella aut deserta essent, aut in summo metu versarentur: atque omnes milites qui in præsidijs erant, eius viri vim atq; celeritatem pertimerent: uti superiore etiam hyeme pluribus periculis, & multis acceptis incommodis timere didicissent. Veneti aliquot antè diebus, quàm iustus Gallorum exercitus appropinquaret, ut qui capiendæ urbis peculiari cura plurimum angebantur, non longè à Verona constiterunt, ut hostes pabulatione ac frumentatione prohiberent, ac simul universam regionem, quam subitis incursionibus adversariorum equitatus infestabat, oppositis maioribus copijs tuerentur. Itaq; crebro equestria prælia fiebāt, & hinc atq; inde ex occasione, & per insidias, ut quisq; suum hostem



stem opprimeret, virtute ac dolis singulari studio certabatur. Per eos dies agricola Veronensis M. Antonij premijs & pollicitationibus inductus, magnum facinus: sed tam sibi postea exitiabile, quam hostibus inexpectatum ausus est. Is enim, quires venales, & hortensia in primis sæpius humeris deferret, atq; ob id Venetis in castris impune versaretur, simulatione spectandi, ad tormentorum locum, ubi & omnis eorum erat apparatus minime id curantibus custodibus processit, funiculumq; igne succensum, ut antea edoctus fuerat, idonea in partereliquit. Nec mora, ut primam statim paleam & proxima cadis stramenta flammam corripuere, tantus repente incenso pulvere ignis obortus est, ut quicquid sulphurei pulveris ad oppugnandam urbem magna impensa, & multo labore paratum convectumq; fuerat, id totum uno temporis puncto conflagraret: tantaq; flammarum violentia atq; rapiditas fuit, ut omnis concursantis & restinguere conantis exercitus remedia, una mali velocitate preverteret. Id solum in gravi atq; insperata iactura solatio fuit: incendiarius dum se reciperet, in ipso statim incendijsævientis initio deprehensus. Qui postea ad eruendam veritatem tormentis excruciat, & vivus eodem igne concrematus, dignas scelere atq; audacia poenas persolvit. Eo accepto incommodo, Veneti, quod omni pulveris copia incendio absumpta tormentorum apparatus inutilis evadebat, quodque & tutius, & commodius quam amissa erant, si se reciperent, reparaturos esse iudicabant, reductis castris in remotiora ab urbe loca discesserunt: tantamq; paucis diebus diligentiam adhibuerunt, ut cum longe maiorem vim pulveris quam antea habuissent, Patavio atq; Venetis in castra, pluribus omnifariam imperatis vecturis comportarint. Nec multo post Gallorum exercitus, qui eius gentis consuetudine, cum in aliena causa tarde & cunctanter, tum alieno in agro tardissime, ut sese atq; equos largius atq; uberius aleret, iter faciebat, circiter Calendas Sextiles appropinquavit, & Veneti pari consilio ab ea parte, quæ est ultra Athesim, castra promoveret: ita tamen, ut neuter exercitus intra maioris tormenti iactum tendere vel consistere auderet. Incredibilem enim tormentorum in urbe esse multitudinem transfugarum & speculatorum sermone nibus compertum habebant: ignari tamen, quanta intus hostes pulveris penuria premerentur. Itaq; duobus magnis exercitibus circumiectum omnem agrum longe lateq; tenentibus, arctius obsideri coepta, ea ratione, ut non prius ad oppugnandum accederent, quam inclusos fame ac aliarum rerum inopia debilitatos, ad summas defendende urbis difficultates perduxissent. Iam enim cohibitis excursionibus, & facultate frumentandi ac pabulandi magna ex parte sublata, tantum custodiarum diligentia, atque itinerum observatione ultra citraq; Athesim effecerant, ut Cæsariani, nisi cum iusta ac valida peditum & equitum manu, longius frumentari vel excurrere dubitarent. Quod ne sæpius fieret, multitudo & propinquitas adversariorum, & presentis belli ratio, ne extremis propè rebus aliquod detrimentum acciperetur, prohibebant. Interea M. Antonius, qui hostes propius accessuros, ac mox urbem oppugnatos esse certiore coniectura iudicabat, munitiones, quas antea instituerat, irrequieto civium ac militum labore perficere, ipse in primis uti erat propter architecturae disciplinarumq; notitiam, summus horum operum artifex, ut alios doceret, exemploque accenderet, agendo atque instrumenta fabrilia contrahendo, nullum vel humilis etiam operæ laborem aspernari, omnibus in locis aggeres ædificare: sed maxime ad Mantuanam portam, quæ Calcearia dici-



tur, frequens & multus in opere esse, ac plurimum in eius loci munitione versari. Erat turris mediocri altitudine ipsi portæ imposita, atque ea foris ita apte oblongo & quadrangulo cincta propugnaculo, ut peritis etiam per se satis tuta videretur. Sed vitium Marcus Antonius animadverterat, qui nullam sibi tuendæ portæ facultatem relinqui, si propugnaculi murus acri hostium oppugnatione sterneretur, solerti iudicio providebat. Quamobrem, tametsi ab omnibus propè militibus irridebatur, quod munitissima in parte tantum operæ ac laboris impenderet, tamen quin munitionem perficeret non destitit, quæ una omnium postea & cunctis salutem, & ipsi in primis singularem laudem peperit. Siquidem portam ante omnia multo aggere replevit, relicta in medio ad ingentis tormenti usum fenestella, quæ tenui gleba in speciem ab exteriori parte similiter obstruebatur. Item ab utroque latere apud binas munitiones totidem fenestellas effecit, quibus maiores colubrinæ interius collocatæ ex obliquo, ubi incursus hostium flagitaret, occultè emitterentur. Novam quoque & subterraneam portam, patefacto ab imis mœnibus ampliore aditu in fossam perduxit: unde expediti atque intenti milites adversus subeuntem hostium multitudinem ex improvviso prosilirent. Atque hæc ne hostibus proderentur, adeo occultè administrabat, quum nocturno maxime tempore, & familiaribus aut fidissimis uteretur, ut milites magna ex parte, ac cives quæ parata essent, ignorarent. Multi nanque ex Hispanis, nulla verecundia, quod neque sine stipendijs pro Cæsare militare, neque ultimam in ediam, quum iam angustior annona videretur, experiri se velle dictarent, ad Venetos simulata in agrum excursionem transibant. Quanquam plures patrij decoris memores, ne universæ genti ea ignominia conflaretur, dolore concepto, factum perditorum hominum improbarent, atque eis quum vindictæ vel iudicio locus foret, extrema supplicia comminarentur. In his fuere Suares Roscius, Plasolla, Christophorus Magius, Iamperres, & Ioannes cognomine Latro, & nonnulli alij letones verius quam milites quæstui assueti, qui paulo antè signiferorum, & centurionum loca, melioribus fato extinctis, andacia potius & commilitonum favore, quam propria virtute meruerant. Hos & ipse Maldonatus paulo post, nullo antea militiæ pudore subsecutus est: vir militari laude dignus, nisi avaritia atque superbia inductus, iam senex ante partem longo labore dignitatem, eo scelere, & postea sceleratissimo ac horribili vite exitu maculasset. Per eam etiam dies Bernardinus Caldareus Veronen. equitum præfectus, quum in dividenda præda, seditione inter milites suborta, eius equites Emanuele alæ Græcorum ducem interfecissent, & pluribus de causis suspectæ fidei à Cæsarianis esse diceretur, ad Venetos transfugerat. Nulla interim dies erat, quoniam equestri prælio subiectis in campis certaretur: fuitque aliquando admiratione dignum: quod pauci Græci equites totidem cataphractos Gallos captivos adducerent. Nam singulari velocitate gnaviter armatorum impetum ludificabantur, ac rursus prætervolantes & subiti ex transverso ictus ingeminabant, clavaque præsertim ferrea hostis cassidem, & eius equi caput feriebant, tanta arte, ut fessos atque attonitos facile postea ad deditiorem, quæ traditione gladij fiebat, compellerent. Quod si confertis turmis Galli ingruerent, liberiore campis spatio fuga sibi consulebant: si verò Græci in angustias vel arctiora loca retrudebantur, ubi stataria pugna dimicandum foret, nec solitis in fugam gyris eludere congregientem hostem facile possent, circumventi atque oppressi, audacie



poenas luebant. Nonnunquam etiam per lufum extra ordinem, interposita fide ab binis vel ternis utrinque certabatur, ut tum accidit, quum inducijs, ut tuto omnes spectaculo interessent, quatuor nobilissimi idem atque omnium longe fortissimi Galli equites, inter quos Ambra peditum prefectus excellenti virtute iuvenis erat, totidem ex hostibus provocarunt. Præferebatur certamini titulus: si qui in urbe equestri gloria illustres essent, qui pro adamata muliere decurrere, atque hastam ferro præpilatam infringere vellent, hos contra in stadio parem ad numerum staturos Gallos, & suæ atq; alienæ virtutis sine fraude periculum esse facturos. Prodiere Gurlottus Rhavennas, Summon-  
10 tius Neapolitanus, & duo Hispani Vascus Cunnius atque Guinnea, concursuque est infestis hastis magno ardore, summis utrinque viribus, adeo ut pari virtute, parique periculo contendisse omnes iudicarent. Summa tamen laus haud obscure Cæsarianis celsit: nam quum Summontius, & Vascus superiores evasissent, & Guinnea ephippio fuisset excussus, Gurlottusque & Ambra mutuo ictu penetratis usque ad interulam tunicam solidissimis thoracibus, cum vi, tum constantia pares extitissent, nulli dubium erat, si res ad gladios deducta fuisset, duobus iam Gallis pelsimè affectis, qui tum afflicti superstratis & morientibus equis iacebāt, victoriam ad Cæsarianos fuisse redituram. Sed statim dirempta est pugna, ne tantæ virtutis homines, qui non hostili rabie, sed  
20 ingenio quodam corporis atque animi vigore concurrerant, postquam primum & maximum vitæ periculum evitassent, non gloriæ, sed fati calibus se obiectare viderentur. Interea Lotrechius & Theodorus, quum certius cognovissent obsessos, desperatis semel stipendijs, & cibarijs magna ex parte cōsumptis, ob crebra suorum transfugia metu consternatos: cives verò usque ad miserandam egestatem & rerum tedium, omnibus domi & foris conflictatos incommodis diutius quin se dederent, extremas misérias non esse tolleratu-  
30 ras, moenia aggredi statuerunt: atque ita perductis fossis, perfectisque solitis munitionibus, ut tuto mœnibus succedi posset, prolatoque omni tormentorum apparatu, urbem ab duobus lateribus oppugnare cœperunt. Gallus eam partem quæ a Mantuana porta perpetuo tractu ad Citadellam patet (sic enim appellant retractiorem urbis angulum, & vetere munitione firmissimum) sibi oppugnandam accepit. Venetus autem ad Vicentinam, quæ Episcopalis nuncupatur confedit. Et quoniam inter bina castra præterfluebat Athesis, qui eo in loco vado transiri non poterat, ut uterque exercitus mutuis auxilijs subito traducendis alteri præsidio foret, amnem latissimo ponte iunxerunt, & ad tutelam eius cohortes stationarias ad extrema pontis capita cum tormentis imposuerunt. Itaque urbs diversis duobus in locis vndecim fermè continuos dies oppugnata, tantaque vi, ac tanta utrinque perseverantia, ut Veneti eam mœnium partem, quæ ad Vicentinam pertinet, supra centum & quinquaginta  
40 passuum in longitudine patentem, perpetua murorum strage edita, deiecerint. Galli verò per intervalla quinque in locis ingentes quinque aditus patefecerint, superstantibus intermedijs totidem intacti muri portionibus in pinnarum similitudinem. Quæ ruinarum & stratorum passim mœnium vastitas passuum fermè ducentorum spatium amplectabatur. Idque ea ratione fiebat, ut hostes, qui interiora cadentium murorum fossa & perpetuis aggeribus munire cogebantur, multo maxima (ut in extenso ac longiore opere) continui laboris necessitate imposita conficerentur: ac simul ut tormenta quod re-



cta fronte non pōterat, ex obliquo per diruti & patentis muri intervallum, in latera hostium intus pro statione agentium atque opus molientium non fortuitis, sed destinatis ictibus emitterentur. Erat tanta pilarum vis, ut non solum muri, sed quum supra mœnia ferebantur, etiam ædificiorum recta corruerent: multiq; passim in urbe, plures in munitionibus vel incidentibus pilis, vel defractorum lapidum fragmentis eliderentur. Nullæ nanq; gentes, nulli duces memoria nostra vel maioribus opibus, vel ampliore tormentorum apparatu urbem oppidumve oppugnabant: nulla ipsi qui oppugnabant Italię in parte, tormentis, aut machinis maiorem murorum vastitatem factam fuisse meminerant, adeo ut supra viginti millia ferrearum pilarum, una ea oppugnatione, & paucis quidem diebus iaculati fuerint. Periēre ē Cæsarianis tormentorum ictibus discerpti, Ioannes Montefeltranus clarioris nominis eques, Pellanda architectus insignis, & Fontana Insuber, in conflandis dirigendisq; tormentis peritissimus. Sed in tanta periculi asperitate, ea erat & ducis virtus, & militum diligentia, & civium fides, quum omnes certatim singulari studio in opere versarentur, neque sibi die noctuque parcerent, ut quantum muri ab acerimis indefensisque hostibus sterneretur, tantum ipsi pari temporis spatio adauctis & prolatis aggeribus commodissime refarcirent. Intra enim cadentium mœnium ruinas M. Antonius fossam perduxerat, atq; interiore labro munitiones crexerat. Vbi vero pomerij depressum solum foret, nec abrasis ab hoste mœnibus æquaretur, murices passim, & tabulas ē quibus frequentes clavorum cuspides prominebāt, opportunis in locis occulte posuerat. Pręterea testarum & globorum ingentem paraverat multitudinem, quibus missilis & pinguior flamma noto artificio continebatur: tormentaque, quorum magnum habebat numerum, idonea in parte, ubi periculum ostenderetur, ordine collocarat. Curabant Germani duce Franisperigo, adiunctis sibi Helvetijs, ea in parte quę a Venetis oppugnabatur: atque hæc eadem agendo imitandoque diligentissime administrabant. Porro Antonius tabernaculo iuxta mœnia in ipsis munitionibus erecto, ubi certamen & plurimum periculi futurum esse putabatur, cum reliquis copijs adversus Gallos constiterat. Iam perventum erat ad summas rerum difficultates: iam cuncta obsessos, pręter unam spem, atque unam animi virtutem constantiamque defecerant. Frumenti parva, casei autem, & carnis salitæ, vel pecoris nulla copia in urbe reperiebatur: & quod in primis corpora atque animos Germanorum infregerat, tanta vini penuria erat, ut quicquid in ipsa spe propinquæ vindemiæ superesset, id totum sacrificio atque ægris militibus servaretur. Dux ipse, quum primores exercitus quotidianis cœnis adhiberet, & quadraginta diebus nihil præterquam bibisset, tanta comitate omnes abstinentiæ & frugilitati insuefecit, ut facile atque alacriter cæterarum etiam rerum inopiam tolerarent. Lentem enim & fabam, paniceaque pultaria in quotidiano usu: equinas verò atque asellorum carnes magno in honore habebant; & tum præsertim opiparē apud ducem epulabantur, quā aliqui Gallorum equi, ut erant præpingues, ac suis strigiosioribus & fame propē enectis minimē cōparandi, in excursionibus occidebātur. Nam conspectis statim equorū cadaveribus, portis frequētes evolabāt, concisosq; in frustra humeris in urbē cum plausu referebant. His rerū angustijs quū premeretur Antonius, neq; plurib. literis ac nuncijs ad Cēsarē transmissis, quicquā certi de eius auxilijs audiret, atq; indies copias tot affectas incōmodis magis



magis ac magis deficere, atque extenuari, nihilque iam semiaëgris corporibus præter fortem fidelemque animum superesse conspiceret: antequam omnis exercitus desperatione atque extrema inedia conficeretur, audendum sibi aliquid de eruptione existimavit. Itaque re ad consilium delata, docuit quam luctuosus atque ignominiosus, ipsique in primis nobilissimæ ac fidelissimæ civitati, miserabilis rerum exitus futurus esset, si in suprema ingentis belli necessitate, Cæsaris auxilia sibi expectanda iudicaret. Fortibus viris fortia consilia, quæ necessitas omni ratione validior offerre videretur, in tempore esse præsumenda, conandumque ac impigre agendum, dum vires ad rem benegerendam superessent. Nec in una laboris atque inedia patientia, sed in virtute atque audacia, & spem melioris Fortunæ, & summam totius belli victoriam positam esse arbitrantur. Placere sibi eruptione facta pontem occupare, atque interscindere, ac simul omnibus copiis Venetos adoriri, quando factu facillimum foret, ut qui nihil minus, quam eruptionem ab obseffo hoste fieri posse putarent, subitum atque improvisum pugnacissimi ac toties victoris exercitus impetum minimè sustinerent. Quibus pulsis, Gallos nec consistendi animum, nec sese recipiendi sine tormentorum iactura spatium habituros. Quantum autem ad se pertineret, ut maiorem spem prosperi eventus conciperent animis, ad exæquandum periculum pedibus in prima fronte pugnaturum: & Dñs bene iuvantibus, si forti consilio strenui milites non deessent, finem egregia cum laude ærumnis omnibus impositurum. Præfecti, & centuriones qui aderant, nulla interposita dubitatione, ferme omnes Antonio assenserunt. Nam tametsi consilium primo aspectu periculosum atque asperum ducebant, tamen tanta erat omnium virtus, tantaque pugnandi cupiditas, ut quo audacius consilium erat, eo & certius & speciosius esse videretur. Curavere cuncti corpora, atque arma expedire, ut sequenti die ancipitis consilij alea iaceretur. Sed quum rebus omnibus ordine constitutis instructi & parati essent ad erumpendum, & iam prima signa ad portam ferrentur, repentinus ab Calcearia porta tumultus exortus, interpellantibus Gallis, ab incepto M. Antonium revocavit. Nanque Lotrechius, si portæ propugnaculum celeriter atque acerrima oppugnatione sterneretur, prius quam obijci novæ munitiones possent, facile se in urbem pervasurum ratus, convectis in eum locum omnibus propè maioribus tormentis, propugnaculi muro portam nudaverat: patefactoque aditu Lescutum fratrem (is tum peditatus curam gerebat) expeditas cohortes adducere, & per ruinas immittere iusserat. Subire ad portam impigre Galli, & frequentes totum propugnaculi spatium complevere, ut inde in urbem transgrederentur, quum Antonius, qui priore excussus consilio, celeriter in eam partem decurrerat, locum delectorum militum præsidio firmavit: edixitque, gnarus eorum quæ occultè paraverat, ne iniussu ullum in subeuntes tormentum emitteretur. Cæterum alijs atque alijs intrepidè subeuntibus, ut confertissima hostium multitudine interiorum propugnaculi aream plenam esse animadvertit, subito tormentorum illud maximum quod antè ibi conditum fuisse docuimus, sua manu collibratum atque inflammatum, in oppositos emisit. Idem fecere magistri, qui tormentis in dextram ac lævam collocatis præerant: tantaque hominum strages puncto temporis edita est, ut pauci ex ea multitudine, quæ propius accesserat evaserint. Nam non pilis tantum tormenta, quibus constipata acies certa ac miserabili clade lacerabatur, sed etiam taxillis



ferreis, varijsq; metallorum frustulis usq; ad summa ora compleverant, quæ flammarū & pilæ impetu expulsa, grandinis modo sic in omnes partes lethali violentia dispergebantur, ut thoraces earum rerum ictus minime sustinerent. Incubuerē demū Hispani, & cum his Itali cataphracti, qui ea die pedibus rem gerebant, & pavidos, atq; ea procella disiectos multis illatis vulneribus repulerunt. Desiderati sunt paulo minus ducenti milites in partibus Gallorum: vulnerati autem plures, è quibus multi etiam, quod eius generis vulnera igne ac sulphure vitata difficillime curarentur, postea interierunt. Eo die Antonius, tacito suorum omnium consensu, summam prudentiæ opinionē adeptus est: quam amici pariter atq; æmuli, qui eum superioribus diebus Calceariam. <sup>ve. 16</sup> luti inani quadam haud necessarij laboris perseverantia munientem irriserant, eius opera atque artificio in repentino maximi discriminis casu, urbem haud dubie conservatam esse faterentur. Nec multo post literæ è Germania allatæ, quibus Cæsar significabat, magna peditum atq; equitum auxilia se cum ingente commeatus copia propediem ad solvendam obsidionem esse missurū. Qui nuncius, sicuti Galli primam eruptionis occasionē improvise dimicatione sustulerant, ita in posterum totum destinatæ eius rei consilium interrupit. Quoniam M. Antonius, quanquam milites ostendendæ virtutis avidi, id ægerrime ferrent, in tam propinqua spe auxiliiorum nihil temere sibi tentandū arbitrabatur. Cæterum Lotrechius, quum eo accepto incommodo, nihil ne- <sup>30</sup> glectum apud hostes, nullamq; mœnium partem quam ipse tormentis deiecis- set non omni munitionis genere vallatam esse conspiceret, nova ratione ad fallendum hostem oppugnare constituit. Superstabat inter binas stratorum mœnium ruinas, eiusdem muri pars septuaginta ferme cubitorum in longitu- dinem, quæ ratione superius memorata ex intervallo relinquebatur. Eam par- tem ab imo subruere, atq; excisis fundamentis in urbem una impulsione pro- pellere conabatur, ut quum integra ea moles perpetui muri procidisset, prius- quam vllæ ab hostibus munitiones ab interiore parte extruerentur, armatorū acies, patente quàm amplissimo aditu, in urbem irrumperēt. Igitur missi com- plures, qui imas mœnium radices dolabris vectibusq; succinderent qui quum <sup>35</sup> impune sub muro versarentur, quod summa mœnia defensoribus nudata e- rant, brevi opus eò perduxerūt, ut murus ab exteriori parte sensim excavatus, appositis trabibus, quæ ruinam eius prohiberent, suspenderetur. Eares sero deprehensa ab hostibus, Antonio atque alijs magnam cum timore sollicitudi- nem iniecit. Nam in tanta temporis exiguitate, nec fossam, nec aggerem perficere poterant, nec satis quod potissimum foret, suspensis ac timentibus occur- rebat: Antonius tamen, quod subitarium in eo periculo auxilium esse putaba- tur, convecta è foro in eum multiplici materia, prælongis & validissimis tibi- cinibus nutantem murum contrariò fulcivit. Quorum tignorum tanta vis fuit: quoniam dimensa ad pinnarum altitudinem, atque ab imo divaricatae- <sup>40</sup> rant, ac hostilium trabium longitudinem superabant, ut in opus molientes, murum, qui iam totus ab imo casus pluribus rimis fatiscebat, in exteriorē partem momento provoluerint. Complures è militibus, qui parati ad irrum- pendū in proxima parte ruinam in diversum expectabant, omnesq; ad vnum qui ad subruenda fundamenta successerant, repentino muri casu oppressi, mi- serabiliter perierunt. Sed dum Antonius in erigendis tibicinibus ardentius atque incautius in opere versaretur, maiore sclopetto ita ictus est, ut plumbea



Pila per brachium adacta, corpus etiam sublato humeri osse per alam in ter-  
 gum, quatuor effectis vulneribus emerferit. Dissimulavit in præsens gravissi-  
 mi vulneris dolorem, atque periculum vir ante alios fortis, dum murus ille  
 proueret. Quo demum prolapso, & tot hostibus eius ruina oppressis, veluti  
 expiato vulneris dolore, in tabernaculum concessit: eaque mox fuit lethalis  
 plagæ acerbitas, ut diu pertinaci febre conflictatus, summum vitæ periculum  
 adesse crederetur. Lotrechius, tametsi hominem, qui omnibus bellis acerrimus  
 Gallorum hostis extitisset, publicè oderat, atque, ut erat potiundæ urbis  
 & militaris gloriæ avidus, plurimum adversarij ducis incommodo lætaretur,  
 10 tamen quum singularis viri casum magnopere doluisset, & medicum obtulit,  
 & quotidie ad eum gratissimarum rerum munera, sicuti morbus & afflictæ ur-  
 bis miseria flagitare videbantur, officiosè humanissimeq; transmisit. Erat e-  
 nim M. Antonius maximarum virtutum gloria, quæ nullis in eo ingentibus  
 vitis obscurabatur, etiam apud hostes illustris. Idque ei præsertim omnium  
 benevolentiam conciliabat, quod præter proprium animi vigorem, etiam sta-  
 turæ proceritate, firmitate membrorum, & virili quodam decore vultus, ar-  
 morumque omnis generis, atque in primis equitandi peritiâ cæteros eius tem-  
 pestatis duces anteire diceretur. Quin & ipse paucis antè diebus, quum Lescu-  
 tus & Franciscus Borbonius sancti Pauli regulus, egregia virtute & singulari  
 20 dignitate florentes, visendi eius studio adducti, ut porta egredi, & in conspe-  
 ctum devenire vellet ad iungendas dextras, quod privata benevolentia testi-  
 monium foret, obnixè petissent, interposita statim fide, ad amplexandos pu-  
 blicos hostes summa securitate comitateque prodierat. At Veneti, tametsi ad  
 Vicentinam portâ, non intercisis alternisq; mœnium spatijs oppugnarant, ut  
 Gallos fecisse docuimus, sed continenti murorum strage, & perpetuis ruinis  
 nudaverant urbem, tamen neque in duce ea vis animi, neque in exercitu tan-  
 tum audaciæ fuit, ut mœnibus succedendum, & prælio aliquid sibi tentandū  
 per ruinas esse iudicarent: mox & operum quæ intus erigebantur magnitudi-  
 ne deterriti: & sociorum infelici exemplo adducti ad effodiendos cuniculos se  
 30 contulerant. Iamq; solidam turrin, quæ ad campum Martium vergit, Ioannis  
 Comenis industria (is tum cohortis præfectus erat eius artificij non ignarus)  
 in aliquod ruinæ discrimen adduxerât, quum Cæsarianæ copiae superatis Al-  
 pibus in Pulicellam valem se demiserunt. Erant ad octo milia hominum cum  
 magna pecoris & casei copia, multisque farinæ dolijs, quæ ratibus secundo A-  
 thesi devehebantur. Is præerat Guliermus Rochandulphus, qui superiore  
 hyeme Brixiam obsidione liberarat. Eius adventus uno fermè tempore obsi-  
 dentibus atque obsessis nunciatus est. Nam quantum iustis confectis itineri-  
 bus procederetur, tantū ipsi interdū fumo passim per villas facto: noctu ve-  
 40 rō magnis excitatis ignibus significabant: & ab agrestibus qui pretio literas  
 deferre consueverant, Venetorum Gallorumque custodiæ sæpenumero fal-  
 lebantur. Placuit utrique duci, & Gritto in primis, postquam Germano-  
 rum adventu omni spe potiundæ urbis manifestè deciderant, universas vi-  
 res in una castra conferre: ne intercedente amne, si cum duplici hoste an-  
 cipi prælio contendendum foret, aliquod insigne detrimentum acciperent.  
 Theodorus, quod novo hosti propinquior erat, reductis tormentis vasis-  
 que collectis copias ponte traiecit, & ad Gallorum castra se contulit. Quod  
 cum fieri ab Venetis hostes è muro conspicerent, subito tormenta, quæ



in editioribus locis collocata erant, in extremum abeuntium agmen emisere, qua procella aliquot interfecti sunt, & in his Basilius Ripa Liviani alumnus, qui ob singularem rei bellicae peritiam, paucis ante diebus alae equitum praefecturam adeptus fuerat. Erupere demum sub signis Germanorum cohortes, & non contemnendam vini & commeatus copiam tabernaculaque aliquot, & castrensis apparatus instrumenta nacti, cuncta in urbem plaustris convexere. Ab Antonianis quoque equestri eruptione cum novissimis Gallorum uno ferme tempore pugnatum est: celsique aliquot, & plures capti. Sed ea omnium opinio fuit Gallorum copias tormentis ea die propere deleri potuisse, dum subducto oppugnandi apparatu retro Mantuana via in tutum se reciperent, si vel mediocrem sulphurei pulveris quantitatem, cuius summa in urbe penuria erat, habuissent. His enim poena gravissima erat constituta, qui frustra, vel iniussu ducum paulo maius tormentum emisissent: ut id totum quod supererat extremis casibus servaretur. Lotrechius non multo post Villafrancam: Theodorus vero inde ad secundum miliare Bovilianum castra reducere, ita tamen ut Galli appetente hyeme universi tectum subirent: Venetus vero exercitus sub tentorijs ac pellibus haberetur. Nec multo post Rochandolphus urbem ingressus est, egitque Veronae paucos dies, ne, qui adventu suo obsidionem sustulerat, introducta auxiliorum multitudine, afflictis diuturna fame Veronenis durior prior calamitate importasse videretur. Itaque permunitatis aliquot cohortibus, ut praesidium laboris vicissitudine recrearet, in Germaniam discessit. Per eos quoque dies Venetis in castris media nocte tumultuatum seditione obsecutum, ut tum credebatur, inter Italos pedites & perfugas Hispanos orta: resque eo ab iurgiis & contumeliis paucorum petulantia processit, ut quum in nocturna trepidatione quisque ad arma discurreret, iusta propere acie inter se conflixerint, admissumque ea nocte foedum ac miserabile facinus foret, nisi Lotrechius, qui e proximis castris ad tumultum adcurrerat, iam supra centum interfectis & compluribus vulneratis, exardentem seditionem minis atque autoritate compressisset. Profecto Rochandolpho, tamen etiam Caesariani, quod in praesens in urbe fames esse desiderat, gravi obsidione levati, ingruente hyeme nihil sibi esse timendum arbitrarentur, attamen hostibus remotiora ac superiora loca tenentibus, sic omnibus obsidionis malis pressi atque afflicti sunt, ut durior propere quam antea annonae inopiam senserint. Namque Veneti quum abstinere incepto turpe ducerent, atque si pertinacius obsiderentur hostes, eos tantas diuturni belli atque inediae acerbitates minime esse toleraturos intelligerent, divisas copias itinera aditusque omnes, quibus ab Germania inferri commeatus posset, occupaverunt. Mercurius cum maiore levis armaturae equitum parte Summis in campis, qui locus ad alpium radices pertinet, hybernabat: vir vel fato quodam, vel prudentia per triginta amplius annos, quibus in Italia militavit, omnibus excursionibus Felix. Federicus autem Gonzaga cognomento Bozulus, cum aliquot cohortibus supra Clusiam confederat. Sic enim locum appellabant, ubi Athesis coeuntibus geminis rupibus coarctatus, minimam alvei latitudinem ostendit. Angustus imminet vetus castellum cum turre, quod Germanorum praesidio tenebatur. Intercepere apud eas fauces, ne quicquam locum tuentibus Germanis, Veneti pedites aliquot navigia commeatu onusta, quae secundo flumine dimittebantur. Reliquae quoque copiae certis atque opportunis in locis



ita constiterant, ut quum in hyberna deductæ essent, nihil quantum cura ac diligentia præstari poterat, obsidionem intermitterent: ac penè acrius quàm æstate fecissent, bellum gerere viderentur. Sed tantis laboribus, ac Veneto tandè bello exoptatum finem imposuit memorabile fœdus, quod in finibus Lingonum & Sequanorum apud Nouiodunum ictum est inter Franciscum Gallorū regem & Carolum Belgarum principem, quem moriens auus Ferdinandus omnium regnorum heredem testamento reliquerat. Siquidem adolescens Hispanorum ingenijs & potentissimorū regulorum voluntatibus diffusus, ne absente se, veluti per interregnum, rebellandi occasio præberetur, omnibus rebus postpositis in Hispaniam sibi maturandum esse iudicarat. Quod neque tuto, neque expedite fieri poterat, nisi prius cum Francisco certis legibus amicitia firmaretur. Timebatur nanque rex iuuenis & acer, tantis subnixus opibus, qui dudum Heluetijs prælio deuictis, etiam Maximiliani Cæsaris conatus egregie repressisset: & maximè repetiturū se armis Neapolitanū regnum, & Ioannis Nauarræ regis paulò antè in Gallia defuncti filium adolescentem in paternum regnum reducturū minaretur. Itaq; conscriptæ Nouioduni fœderis tabulæ per legatos in has condiciones, ut Carolus regnū Nauarræ Ioannis filio, qui inde expulsus esset, restitueret: si id iudicibus, quos constituere summe rei arbitros deberet, ex equo & iure videretur. Item centum milia aureorū nummū, quotannis Gallo pederet, ut eo tributum nomine aliquod Gallis in Neapolitano regno ius esse videretur: amicitiaq; & mutuum fœdus affinitatis vinculo confirmata. Nam Carolum sibi Franciscus generum adsciuit, sic ut ei puella, quæ incunis adhuc erat desponderetur. Gallus quoq; ad componendum Italiæ statū, & ad res Mediolanensis imperij confirmandas, ut Verona Venetis redderetur, postulauit, ea lege, ut à Venetis redemptionis nomine ducenta millia aureorum nummū, duabus pensionibus Cæsari persoluerentur. Quibus conditionibus, sicuti Carolus adeundæ Hispaniæ cura anxius, haud cunctanter subscripserat, ita Cæsar oblata sibi ingenti pecuniæ summa conditionē minimè detrectauit: ut qui nepotis consilia, atque ipsam spem, ac rationē omnem obtinendi imperij importuna tergiuersatione corrumpere nolebat, præsertim quū urbem, quam nisi graui impensa, & summa cum difficultate tueri retinereque non poterat, magno pretio venditaret. Ut tñ salua existimatione, quæ haud dubiè tam fœda pactione polluebatur, Italiæ possessione decedere videretur, non Veneto sed Caroli legatis urbem dedidit, qui eam mox Lotrechio, ut constitutum fuerat, tradiderunt. Gallus quoq;, triduo postquam urbem ingressus est, sicuti Brixiae ex formula factitatum fuisse memorauimus, Gritto eam cum arcibus magna omniū alacritate restituit. Is fuit Veneti belli exitus, quo iam octauum annum Italia deflagrabat: illudq; in primis memorabile videtur, quod Veneti ab initio oppugnati ab cunctis propè Europæ regibus, atque omnib. prælijs victi, vniuerso tñ bello victores euaserint. Quo fit, ut eorum res publica, quæ vno ciuium consensu & priuatis potius quàm publicis opibus stetit, fato quodam tot insensissimarū gentium impetum sustinuisse videatur: quando, si Romanæ potentiae magnitudinem, & clades quas Annibal dirus hostis intulerit, cum Venetorum fortuna vera estimatione pensauerimus, funestiores propè eis Abduam fuisse, quam Romanis Cannas: & Trebiæ & Trasimeni interlicis pugnas, Brixiana ac Vicentina stragibus æquatas esse fatendum sit. Sed ea vel præcipua patrum, ac ipsius fortissimi Senatus principis Lauredani



laus fuit, perpetuis annalium monumentis celebranda: quod aduersissimam  
tiam obruti tempestatibus, ad exemplum Romanæ constantiæ atque virtutis,  
nunquam de republica desperarint. Vnus tamē ante alios Gritus togatus im-  
perator, meritam seruata patriæ lauream feret: & tum maximè æternæ laudis  
gloria florebit, quum seculi præsentis viuidæ virtutis comes invidia aliquan-  
do decesserit. Cæterum M. Antonius, qui iam ex vulneribus conualuerat, quo-  
niam certus rumor de his quæ Nouioduni inter se reges, non abnuente Cæsare  
pepigissent, afferebatur, ne pudendæ deditiōi interesset, relicta Ioanni Bapti-  
stæ Spinello rerum cura, & remissis in agrum Romanum equitibus suis, ad  
Cæsarem in Germaniam contendit. Milites verò trium exercituum, quum  
perfecto bello magna ex parte dimitterentur, & insperatam pacem veluti e-  
gestatis initium ægerrimè ferrent, paulo post Francisci Mariæ Rouerei auspi-  
ciji, qui Urbino exactus fuerat, grauissimum in Piceno atque Vmbria potiti-  
fici maximo bellum intulerunt. Cuius belli famam, quum amplissimi etiam  
nominis principes liuore atque superbia inducti aliquandiu pessimis artibus  
aluissent, exitu rerum manifestè perspectum est, eam demum esse regum om-  
nium fidem, vt pro libidine sanctissimas scæderum leges attrectare, violareque  
non dubitent: quum semel præsentis tantum commodi, atque ipsis temporibus  
seruiendum esse censuerint.

FINIS LIBRI XVIII.

BENEDICTI VAR-  
CHII AD PAVLVM IOVIVM  
EPISCOPVM NVCERI-  
num, Historiarum Scri-  
ptorem.

## EPISTOLA.



*Aule Ioui totum cuius iam clara per orbem  
Fama volat, celeriq; altum petit æthera penna,  
Duratura diu, atq; omnes ventura sub annos:  
Non quod pæonias iam pridem, & Apollinis artes  
Callueris, multosq; hominum subduxeris orco:  
Nec quod priscorum nostratiana nomina primus  
Piscibus imponens, latias claraueris oras:  
Aut quod magnorum effigies, atq; ora virorum  
(Qua tuus æquoreis Benacus non minor vndis  
Assurgit, fremituq; imitatur murmura Ponti)  
Non sumptu exiguo, atq; ingenti pinxeris arte,  
Cuiq; sua ornatis addens insignia verbis  
Ellogia, illorum varios testantia honores,  
Quæ præclara licet per se videantur, & alti*

Ingenij



Ingenij factura fidem, tamen illam et ipsis  
 Historijs collata tuis (ceu sidera Sole)  
 Vanescunt, proprias amittunt singula vires.  
 Hic siquidem te te maior, teq; ipse relinquens  
 Post terga, extremū properas superare cacumen:  
 Vel potius summo consistens vertice montis  
 Iamdudum felix operum, latusq; laborum,  
 Despectas alios infra, tutusq; quiescis,  
 Quō nunquam nostro quisquam peruenit in ævo,  
 Forſitan, & nunquam poſthac venientibus annis  
 Perueniet quisquam tantæ ad fastigia laudis.  
 Quidnam opere in tanto primū tantiq; laboris,  
 Atq; ævi, multis pleno, magnisq; periclis,  
 Mirer ego? ingenium ne audax tam multa quod unū  
 Tamq; loqui diuersa para verit? an seriem, qua  
 Cuncta suis dispoſta locis miro ordine narras?  
 An potius clari eloquij numerosq; salesq;  
 Verborum, & proprias vario discrimine vires?  
 Quis Reges populosq; omnes, veterisq; noviq;  
 Orbis (ubi Ammerice nostri de nomine ciuis  
 Alta iacet) prisca verus novitate recenses.  
 An magis ut causas omneis, belliq; gerendi  
 Conſilia, & rerum rationem reddere pergis?  
 Vnde hominum mores varios addiscere, et ampla  
 Ornamenta queat patriæq; sibiq; parare,  
 Quicunq; illa semel docto perlegerit ore.  
 Tu quo castra loco metanda, & qualibus armis  
 Obſirmanda, quibusq; & qualibus oppugnanda,  
 Sæpe doces, sæpe idem urbes defendis, & idem  
 Expugnas, tu quæ fallaciæ fœdera, quæ sint  
 Fida mones, populumq; le vem, timidumq; senatū  
 Arguis, & nulli tutum confidere monſtras.  
 Quæ si noſtrorum Regum imprudentia, & illa,  
 Illa animis hominum regnandi dira cupido  
 Sciuiſſet, nunquam Italiæ (quod ca verat olim  
 Mediceus præſtans animis, & viribus heros)  
 Externis iterum patuiſſent clauſtra Tyrannis.  
 Illius si conſilium: si facta ſe cuti  
 Eſſemus cælo demiſſi ciuis ab alto,  
 Nunq; iterū peregrina manus, nunq; advena miles  
 Quem ſua non virtus, ſed noſtra ignavia, noſtraq;  
 Inſcitia, & procerum exciuit diſcordia demens,  
 Pœninas fauces, cælo tractusq; propinquos,  
 Molis inacceſſæ ſuperaiſſet culmina: nunquam  
 Impius, & noſtris allectus ruribus hoſtis,  
 Ab miſeræ, et longum digna, atq; indigna ferentis  
 Italiæ, in prædam vertiſſet & oppida, & urbes:

Italiæ fera gens populaſſet littora nunquam:  
 Italiam nunquam ſtrauiſſet barbarus enſis.  
 Heu quoties poſt interitum, poſt funera magni  
 Laurentis, Itali noſtro de ſanguine vepres  
 Rorarunt, Italo quoties de ſanguine rivi  
 Creverunt, quoties Italo maduere cruore  
 Equoraq; campi, omnes, ſylvaq; lacusq;  
 Nā quæ tam longè eſt, tamq; ardua, et avia rupes?  
 Quæ tam ſepoſita valles? quæ fluminis ora?  
 Quod mare? qui ſcopulus? quo nō furor efferus, atq;  
 Prædandi illorum rabies pervaſerit ultrò?  
 Teſtes qui noſtris ſpumarunt oſibus albi:  
 Sebetus, Lyris, Tarrus, Padus, Abdua, Rhenus.  
 An non Ethruſcos umbroſa cacumina montes,  
 Et Florentinos excelsa palatia colles,  
 Nunc ferro excindi, ſævis nunc ignibus uri  
 Vidimus, & crebris reſponſantem ictibus ipſi,  
 Ipſi (inquā) intrepidi reboantē audi vimus Arnū?  
 Quem non Hispanis audax Germania caſtris  
 Dux ve Italo Gallus conſiſus milite fortis  
 Terruit, & vires totius pertulit orbis.  
 Quin etiam Latium, & rerū pulcherrima Roma,  
 Roma Deūm auſpicijs fundata, atq; æmula cælo.  
 Concidit iſtorum indignis e verſa ruinis.  
 Sed ſi non aliam venturo numina COSMO  
 Invenere viam, liceat periſſe tot urbes,  
 Totq; viros ferro mortales iſſe ſub umbras  
 Ante diem: liceat tot amara, atq; aſpra tuliſſe.  
 Iam privata placet, iam publica damna videntur  
 Commoda, iam tanti eſt Arniq; Tybrisq; ruina.  
 Concurrant iterum, ſed eodem ſydere, & iſdem  
 Auſpicijs, qua ſe Cælo mons Murlus æquat,  
 Agmina nec virtute pari, nec viribus æquis,  
 Et cauſa (ſi Dīs bene creditur) inferiori,  
 Quo ſua victoria reno vetur laurea COSMO,  
 Et nos ſub tali vivamus principe tuti.  
 Quandoquidē hic viridis primo ſub flore iuventæ,  
 Maternam referens pietatem animosq; paternos,  
 Sublimi accitus regno, claroq; locatus  
 In ſolio, Patrum auſpicijs, populiq; favore,  
 Porrectas patriæ non detrectavit habenas,  
 Tempore tam dubio, tali in diſcrimine rerum,  
 Accipere, & ſemet tantis offerre periclis,  
 Communi propriam poſtponens ipſe ſalutem,  
 Publicaq; anteferens privatis commoda damnis,  
 Indole: dein quanta referam, quā peſtore forti  
 Preſſerit, & rerum iuſtas laxarit habenas?



*Vtq̄, afflicta diu bello, ac civilibus armis  
 Resq̄, virosq̄, locosq̄, leuaverit, ut sua cuiq̄,  
 Forma prior, priscumq̄, decus, nomenq̄, rediret?  
 Sic etiam ingenti pluvia, ventoq̄, gravati  
 Exoritur cum sol, tolluntur ad æthera flores,  
 Et seges inclinata, solo sese erigit alto.  
 Hic quoties sua signa, suosq̄, ad bella tribunos,  
 Inuictas equitum turmas, peditumq̄, catervas,  
 Pro Patriæ rebus, pro religione Deorum,  
 Caesaris aut magnis non paruas viribus addens,  
 Emisit, toties victricia rettulit arma,  
 Et referet posthac, Iustis quia militat æther.  
 Huic quoq̄, nō tantū Ethruscæ, Musæq̄, Latinae,  
 Verū etiam Argolicæ sese debere fateantur:  
 Quas miseræ, totoq̄, expulsasq̄, orbe recepit.  
 Et fovet, amplexus Maiorum exempla suorum.  
 Quin etiam si non vates præsagia fallunt,  
 Nī frustra augurium cœlo demittitur alto:  
 Divino si quid debemus, ut omnia Bembo  
 Credere debemus, si non sunt omnia falsa,  
 Tempus erit, cū Dijs et te bone COSME favēte,  
 Discussis, quæ nunc offuscant nubila mentes,  
 Invidiaq̄, procul Scythicis algente sub oris,  
 Romanus Tusco fasces submittet Apollo.  
 Aut certè non maior erit, Tyberisq̄, fluenta  
 Æquabit, si non excedet nobilis Arnus.  
 Hunc sibi, quem frustra mille optavere maritum  
 Insignes animis, forma & præstante puella,  
 Magnanimi herois formosa, & sancta virago,  
 Perpetuo casti coniunxit fœdere lecti,*

*Innumeros heroas, & innumeras heroïnas  
 Divorum auspicio paritura, ducemq̄, datura  
 Ausonia, & sacris Romanum quiregat orbem.  
 Hunc unum Caesar primis expertus ab annis,  
 Terrarum dominus Caesar vindexq̄, Deorum,  
 Ingenium, pueriq̄, fidem, curasq̄, viriles,  
 Inuictumq̄, animi robur miratus, & artes,  
 Extulit, Imperioq̄, bonus præfecit avito,  
 Vnum hunc excelsas Tybris qui possidet arces  
 Ethruscus pater, & terras qui numine torquet,  
 Suspicit, & miro luvenem complexus amore  
 Ingentes ob virtutes celebratq̄, fovetq̄.  
 Vt dubium nulli iam sit, quin magna Deorum  
 Cura sibi hunc alios inter delegerit omnes,  
 Qui miseræ Ausonia tandem terraq̄, mariq̄,  
 Et velit, & possit sese succurrere rebus,  
 Ferreaq̄, antiquum convertere secula in aurum.  
 Sed quid ego à primo digressus carmine, tamq̄  
 Enumerare alto labentia sidera olympo,  
 Æquor & angusta totum concludere iuræ,  
 Sperarim, laudes magni, & præconia COSMI  
 Deterere imprudens, & candida lumina Solis  
 Stultior obscuris velle illustrare tenebris,  
 Occepi? ad te redeo, me me mihi reddo,  
 (Obstreperere ut corvus cygno tibi desinat ater)  
 Paule Iovi, qui tunc multum, longeq̄, profecto  
 Vidisti (ut reliquis in rebus) cum tanta,  
 Tamq̄, bona egregiè misisti munera, tanto,  
 Tamq̄, bono egregioq̄, Duci, quo iustius unquam  
 Nec vidit quidquam prudentius auricomus Sol*

### Errata in Historijs Iovij primo Tomo.

166. 5. nobis lege vobis.  
 Ibidem 14. donatus.  
 208. 2. Forolivium, lege Forum Iulij.  
 209. 7. putarent, lege putaret.  
 276. 35. terna, lege terva.  
 297. 7. mid, lege id.  
 302. 16. successione, lege secessione.  
 330. 40. liquantum, lege aliquantum.  
 331. 2. sommo, lege somno.  
 339. 4. arridebant, lege irridebant.




# I N PAULI IOVII HISTORIARVM

TOMVM I. INDEX RERVM ET VER-

borum Copiosissimus.

## A

 **A**blue fontes 143.9  
**A**bysini qui appellantur  
 383.39. Romæ templum  
 possident 384.44.  
**A**bysinorum regum successio 385.10.  
 milia 386.30. moneta ib.40.  
**A**bysinorum regi tributarii reges  
 386.10.  
**A**bysine lingua impressi lib. 384.40.  
**A**carnes 286.15.  
**A**clanatio Caesaris in Castris  
 677.33.  
**A**chasia urbs 375.6.  
**A**cierum Gallorum dispositio ad Se-  
 manariam 85.1.  
**A**cierum in pugna dispositio 199.16.  
**A**chomates Barazetis filius 247.26. ar-  
 matu Byzantiū appropinquat 256.  
 16. quibus de causis imperiū affe-  
 det et speret ibid. patri minatur.  
 257.4. Bythiniam depredatur 257.  
 15. hostis declaratur. 259.10. exer-  
 citum conscribit 257.43.  
**A**sim minorem inuadit et regē se de-  
 clarat. 257.47. Mahometem per-  
 sequutus capit. consiliarios obtrun-  
 cat 258.30. patris legatum iugulat  
 ibid. animos abse alienat ibid. 40.  
 se aduersum Selymū parat 254.16.  
 in Selymum mouet 256.18. quib.  
 rationibus cum Selymo in pugnam  
 descendit 267.20. caditur 268.15.  
 fugit 26. capitur. stragellatur ibi. 17.  
**A**chomates Chersceogles imaginem ado-  
 rat 253.10. quæ officia et beneficia  
 in Christianos contulerit ibid.  
**A**chomatis literæ ad Mahometem ne-  
 potem 253.5. castra 267.9. fortuna  
 vincitur ab militib. 250.30. fatū 267.  
 27. filij duo 257.30. patris ad eos  
 consilium ibid.35.  
**A**cinaces magni precij ubi fiant 282.23.  
**A**damantes et carbunculi unde adfe-  
 rantur 283.1.  
**A**dennam. Ocellis olim 381.10. empo-  
 rium celebre ib. ab Aegyptijs op-  
 pugnatum 381.9.  
**A**due mons. hodie Mongraui 296.30.  
**A**durnij 6.44. fratres prudentes 173.  
 30. obsidione liberati 78.20. Ma-  
 ximil. Cæs. Genue recipiant magni  
 ficæ. 145.18. cōtra Fragosios 162.38.  
**A**durnij et Elisci frustra Fragosios op-  
 pugnant 291.40.  
**A**durniorum aduersarii 63.33.

**A**dulatores apud Selymū plus ualuis-  
 se quam Chendemi libertas 270.35.  
**A**er sumo tormentorum et puluere ob-  
 scuratus 373.20.  
**A**edificia apud Turcas 287.2.  
**A**egidius Eremita Cardinalis cum in  
 Germaniam missus 336.29.  
**A**egyptij regni mutationes post Rom.  
 Imperium 349.37.  
**A**egyptij ditiores Mamaluchis cur fa-  
 ueant 369.38.  
**A**egyptij duces cur cum Lusitanis con-  
 fligere nolunt 381.1.  
**A**ethiopia descriptio 381.40.  
**A**ethiopes qui Selymo parent 280.26.  
**A**ethiopum quot gentes 382.16.  
**A**frica figura 381.40.  
**A**frica longitudo 381.40. Latera ibid.  
 43. latitudo 382.6.  
**A**fricani reges 3.10.  
**A**phricus Liburno aduersus 146.34.  
**A**gricole Veronensis facinus 397.1.  
 igne quem incenderat crematur  
 397. ibid.  
**A**iax Ianzanorum praefectus 252.18.  
**A**diaris Arduelles 234.32.  
**A**ladulus Hysmaeli adheret 272.12.  
 Selymo infestus 277.32. Selymū a-  
 cie instructa expectat 345.3. capi-  
 tur et ad Selymum ducitur atq; in-  
 terficitur 346.20. caput Venetias  
 mittitur ib.  
**A**ladoli regnum 344.17. filius ad Cam-  
 psonem confugit 348.23. regnum in  
 prouincias tres redactum 346.25.  
**A**laduli unde orti. 344.25.  
**A**ladulorum regio ubi sita 271.39.  
**A**ladolite cadunt et fugiunt 345.23.  
**A**ladinus Achomatis filius apud Cam-  
 psonem quid egerit 348.19.  
**A**larco Hispanus uir falsus 198.34.  
**A**lbanus Armerius in pugna cadit  
 152.25.  
**A**lani semichristiani 281.44.  
**A**lbertus Petra Sedunensi inimicus  
 301.4.  
**A**lbertus et Despachius cum. x. milib.  
 domum redeunt 302.25.  
**A**lbuchomar Aegyptius Tomumbeii  
 prodit 375.30.  
**A**legrie eruptio ex arce Neapolitana  
 91.37.  
**A**lepus ex ruinis antiquæ Hierapolis  
 aedificata 352.41.  
**A**lepus à Tripoli quantum distet 353.3.  
**A**lepi situs 353.3.

**A**lepum Hylaon Tartarus expugnavit  
 352.46.  
**A**lexandria Turcis deditur 379.25.  
**A**lexander VI. ut pontifex factus 6.18.  
 Columnios et Vrsinos affligit 6.  
 24. Italiam totam conturbat. ibid.  
 pro Aragonijs stare constituit 18.44.  
 quibus angustiis implicatus 46.4.  
 ad Turcam legationem cur miserit  
 43.45. quis legatus ibid. quæ man-  
 data 44.2. ueneno interijt. quod a-  
 lijs parauerat 156.5.  
**A**lexandri VI. ingenium 6.18. cru-  
 entum et auaram. 137.44.  
 138. expeditio in Vrsinos 147.15. op-  
 pida ab eo capta. 20. ad reg. Gallie  
 simulata responsio 18.8. defectio à  
 Gallo 45.30. à Roma fuga. 57.35.  
 filij 20.27.  
**A**lexander Rex Poloniæ 3.47.  
**A**lexius Beccacutus 69.21.  
**A**lexius Bosigius cadit 169.13.  
**A**libretti Cantabrie antiqui reges  
 160.20.  
**A**llobrogum dux 7.15.  
**A**loysius Beamontius cadit 170.10.  
**A**loisius Gesualdus princeps Andega-  
 nensis factionis 120.36.  
**A**lpes qui dicuntur 296.17. faciliores  
 transitu 297.46. quas Annibal fre-  
 gisse dicitur 297.15. Iulie 296.23.  
 Rhetice 296. et cæ binæ 26. Pæ-  
 ninae 297. ib. Bernardi 297.5. quæ  
 et Gratæ olim 16. Leponticæ ad quos  
 pertineant 163.28. 296.39. Coctice  
 297.25. Argentarie 297.37. Mari-  
 time 297.41.  
**A**lpium Rheticarum duo tramites  
 296.38.  
**A**lphonius I. Aragonius citr in regnum  
 Neapolit. ascitus heres 11.6. in re-  
 gnum adoptatur 15.7. 10. annam reg.  
 in carcerem coniecit 11.12. repudia-  
 tur 15.18.  
**A**lphonius secundus rex Neapolit. cre-  
 atus 20.4. coronatus 20.30. Ro-  
 mani procures 6.1. Pontifices alere  
 discordias Romanorum solitos 6.5.  
**A**lphonius II. Aragonius auxilij desti-  
 tutus 48.19. regno cedit 49.26. cur  
 regno se abdicarit 48.20. latenter  
 relictum regnum repetit 119.40.  
**A**lphonius Friderici regis filius contra  
 fidem datam in Hispaniam mittitur  
 155.30.  
**A**lphonius Toraldus interfectus 92.6.



# I N D E X.

- Alphonsus Piscarius ut interfectus Neapol. 91.22.  
Alfonsi II. regis mors 119.34. nat. ira  
difficilis 48.30. animus in Medio-  
lanenses. 10.30. ius ib. ualida oratio  
24.10. à Baiazete postulata 20.  
20. ad Ferdinandum filium de depo-  
nendo regno oratio 48.42. lacri-  
mas excitat 49.1.  
Alphonsi Dauali ab Neapol. fugas 43.  
Altoxassus nobilitate & uirtute illustris  
163.7.  
Aluates Iaccupi filius rex Persarum  
237.32. & regia urbe fugit pu-  
gnando interficitur 239.2.  
Amasia urbs in Capadocia 265.4.  
Americus Sanseuerinus occisus 133.5.  
Amida hodie Caramida 344.41.  
Amyrasses & Raysalomon cur discor-  
des 376.15. 381.23. Raysalomon  
submergitur 381.30.  
Amurathes in Cappadociam irrupit  
268.45.  
Acurates & Aladinus Selymi patriui  
insidias effugiunt 265.14. 268.20.  
ad Hysmaelem Sophu fugit 268.33.  
Anaxum flumen. hodie Piana 114.6.  
299.25.  
Annaxum Frentanorum hodie Lanci-  
num 112.34.  
Ancyra, hodie Angoris 242.12.  
Andeganenses reguli cum Fridrico re-  
ge conueniunt 138.34.  
Andeganesium ius in regnum Neapol.  
10.45.  
And. Gritus legatus in castris 182.15.  
Andreas Lauredanus in pugna nauali  
cadit 152.25. captus & iugula-  
tus 200.35.  
Andreae Gritti laus seruato reip.  
406.3.  
Anglia unde appellata 180.22. Floren-  
tiss. omnium insularum 180.30.  
Anglie rex cur in Belgium transfretat  
175.4.  
Angliam qui Capitanos subdiderint &  
rexerint 181.1.  
Anglus natura Gallos odit 175.2. pote-  
statē pugnādi bis Gallo facit 176.10.  
Angli regis ad suos oratio 177.26.  
Angli unde primò uenerint 180.22.  
tempore Iulij Cæs. quales 180.44.  
unde politiam didicerint 181.7.  
post Rom. imperium floruerunt  
181.10. in Italia militarum 181.14.  
Scotos fundunt 181.28.  
Anglorum & Sptorum lingua 180.  
32. conuiuia ib. equi 180.38. mo-  
res & religio ibid. arma 180.34.  
militie robur ibid. corpora ibid.  
Anguillaria Fidenatum urbs 40.44.  
Animanigra Dux 59.18.60.25.  
Annus 1514. quietus à bellis 220.30.  
Anna Soleria 93.37.  
Annibal Bentiuolus à Ferdinando cur  
discedit 39.15. Venetorum dux ad  
Pisanos 144.31.  
Annibal Pandonius interfectus 135.10.  
Annibal Lana Brixianus 324.4. in  
terscitur 327.23.  
Ansum oppidum 330.28.  
Antinola capitur 210.20.  
Antonius Basseius 69.4.  
Antonius Fosfeca 45.41. 46.4.  
Antonius Vitrius Ligurtestis uenens  
propinati Baiazeti 363.41.  
Antonius Pius Summersus 200.29.  
Antonius Gamboa Cantaber Iouiani  
argenti predator 15.6.  
Antonius Grimannus Classis Venetæ  
præfectus 152.22. re male gesta in Ca-  
thais causam dicit 152.30. in Ossa-  
rum relegatur ibid.  
Antoniotus Adurnius Genue princeps  
salutatus 163.1.  
Antonellus Sabellus 6.3.  
Antonellus Salernitanus princeps 12.19.  
Antonellus Potetianus princeps 27.24.  
Antonellus Picciolus 54.25.  
Antracius arcis Pisanae præfectus quis  
fuerit 101.36. Florentinis inimicus,  
Pisanis, cur amicus ibid. amore ca-  
ptus Delantie Pisanæ 107.38.  
Antracij cum Pisanis contractus de tra-  
denda arce 106.15.  
Apulie pars Venetæ ditionis facta  
123.19.  
Aque Mammosæ in Pisano agro 59.4.  
Arabes qui dicantur 3.5. eorū mores ib.  
errabunda gens 379.40. eorum mo-  
res ib. Selymum laceffunt 363.40.  
Arabes à Iulebbore pressi 362.20. Sely-  
mo subduntur 379.34. & qui Se-  
lymo parere nolunt ibid.  
Arabum uxores 380.1. suppellex ib.  
liberalitas ibid. 9. Mappalia cum  
uxorib. & liberis à Selymo combu-  
sta 363.15. conuiuia 380. munera  
ibid. 10. arma 362.25. in pugnan-  
do importunitas 362.38.  
Aracosij 283.47.  
Aragonij cur à Gallis timere incipiunt  
16.6. à Portu Veneris repulsi 25.  
44. à Sfortianis fugantur 27.44.  
Aragoniorum negligentia in educenda  
classe 110.47. trepidatio 129.30.  
consultatio post dictam pacē 115.4.  
clasis 24.33.  
Aragonius equitat. armis exutus 54.30.  
Araldum uiolare nefas 50.16.  
Araldos ledere nefas 65.44.  
Araxes flu. 271.43. uado ab Selymo  
transmittitur 272.28.  
Arcomarianus unde dictus 93.7.  
Arcticus polus à Cataio gradib.  
LXVII. eleuatur 184.7.  
Arenæ inter Gazam & Memphis po-  
riculose 164.9.  
Argentaria uallis 109.4.  
Arma Persica optime temperata 134.1.  
Armenia maior ad Sophu pignat 134.1.  
Armeni pedites pugnant 134.1.  
Armuzum, ubi situm 132. emporium  
ingens ib. 39.44. que mores 132.  
Armuzzenfes auram ut capiti in  
bus 154.41.  
Arnoldus Vnderualdius 106.22.  
Arriani populi 114.47.  
Arsia flu. 296.7.  
Arsēga quæ & Comana Pōnice 109.24.  
Arx ab Antraccio Pisanis reditur  
107.35. solo equata 107.  
Arx pharus Genue quib. condita  
dedita à Gallis 220.1. cuius  
fundamenti ibid.  
Arx Ligurie frenum dicta à Gallis  
33. eius situs ibid.  
Arx ab Ono Neapoli à Gallis oppug-  
nata 14.7.  
Arx noua Neapoli oppugnatur 134.  
Archis phari excidisse difficulte  
40. eius usus 219.10. interior 134.  
Arcis Mediol. capiende periculi  
41. eius oppugnatione quæper-  
vint 101.  
Arcis Memphitice descriptio 370.7.  
Ascanius Sfortia Cardinalis 74.4. in  
netis captus, Gallis traditus 114.20.  
Asolum oppidum munitum 330.47.  
Cæs. Maximiliano resistit 177.20.  
Asulani fortissime Cæs. oppugnatu  
sistunt 116.22.  
Asparra Gallus capitur 8.2.  
Asimbeius Hismaelis pater 12.20.  
aduersa fortuna 101.  
Asiria Persarum regio tertia 120.29.  
Asta Colonia 109.46.  
Asturie uallis 209.16.  
Artoxata hodie Choim 102.10.  
Atanadidinghel 101.5.  
Atella ubi posita 101.5.  
Athilæ Humorū Imp. facinora 110.  
Atlans mons, hodie mons clarus 101.  
36. ubi sita 101.  
Auazinus Cassiana 27.2.  
Auaritia Quæstoris & cōfessorum  
regem impulerit 101.4.  
Aurantius princeps 101.  
Auxilia Gallorum ad Venetos 101.4.  
Auxeris olim B 59.1.  
B Achilio amnis 200.20.  
Bactra urbs, hodie Ephra 184.7.  
Bactriani 183.47.  
Bacucus portus 276.10.  
Bagadad olim Babylon fuit 238.18.  
182.33. Assyrie regis 101.  
Baikun



# INDEX.

Baiazet cur Franciscus rex uoluerit  
 sue equestris dignitatis promotore  
 rem 317.6.  
 Baiazetes Venetis aduersus Gallos au-  
 xilia offert 57.1. Selymo filium  
 iratus 151.10. obiurgati filium  
 ibid. urbem & aulam restaurat  
 246.10. successorem sibi delige-  
 re cupit. 247.20. dicere uult.  
 Bussis priuatis de causis obstanti-  
 bus 249.30. Achomatem sibi  
 successuram destinat 250.3. A-  
 chomatem discedere à Chalcedone  
 iubet. 257.1. Achomati respon-  
 det ibid. 12. senex à Selymo  
 perturbatus 251.34. ad Sely-  
 mum filium 262.27. quæ do-  
 na filio Selymo miserit 249.16.  
 proditiōnem cognoscit 263.13.  
 pestem fugit 247.15. sibi à Se-  
 lymo timet 251.23. priuatus cum  
 Garza discedit 263.33. iussa Se-  
 lymi à Iudeo medico ueneno neca-  
 tur ætatis anno 263.38.76.  
 Baiazetis opes 216. eius ingenium  
 ibid. tres filij superstitēs 247.  
 29. exercitus ad Methonem 154.  
 27. ut Methonem cepit ibid.  
 strages ibid. ad legatum respon-  
 sio 44. 20. Chorchutum fi-  
 lium responsio 261.40. iudi-  
 cium de Selymo filio 248.33. li-  
 tere ad Selymum ut Bizantium ue-  
 niat 260.32. acies aduersus Se-  
 lyum filium 254.25.  
 Baiazetis ad prætorianos uerba 253.  
 28. fortitudo animi ibid.  
 Baiazetis milites aduersantur 250.23.  
 accessit Achomatem milites re-  
 sistunt iterum 256.34.  
 Baldi prudens responsum 25.14.  
 Baldinus Edessam tenuit 344.40.  
 Balconij Perusie domini 5.40.  
 Balsamus ubi & quomodo proueniat  
 364.34.  
 Balzera emporium Terebonis Iusule  
 282.37.  
 Bancarum domus Romæ cur expugna-  
 ta 42.30.  
 Baptisum Septimij filij Liuiani  
 215.31.  
 Barigus Barga 58.43.60.25.  
 Barra Patriarche Abyssinorum urbs  
 ubi sita 387.2.  
 Bassa uisus & eius munus 288.21.  
 Basse 4. numero 288. eorum officia  
 15. quem locū obtineant apud Tur-  
 cam 249.30. cur aduersus A-  
 chomatem imperium detrectent  
 259.14. Baiazeti perfidi 260.  
 31. uoluntati Baiazeti obstant  
 249.31. 250.6. proditores re-

ferunt Baiazetē Selymo cedere im-  
 perium 263.20.  
 Bassarū Selymo fauentiū artes 259.6.  
 Bastardus Sabaudius in Venetorum  
 subsidium missus 324.46.  
 Baracchus Smirnaeus prædo 152.27.  
 Bartholomæus Notarius supplicio af-  
 fectus 38.37.  
 Bartholomæus Villa clara 215.7.  
 Bartholomea Vrsina Virginij soror  
 147.25.  
 Barmorea sylua 283.4.  
 Basilus Ripa interfectus 404.2.  
 Basilus Moschorum rex 4.6. ad  
 suos milites oratio 232.8.  
 Basilij Moscouitarum principis fuga  
 233.33.  
 Beatrix Ludouici Sfortie uxor & eius  
 ingenium 8.35.  
 Belugian 385.2.  
 Bellum in tota Europa 1.16.  
 Bellum atrox in Italia 1.12. Galli-  
 cum crudele 31.26. Neapoli-  
 tanum regi quæ causæ suaserint 12.  
 1. & deinceps nouum in Liguria  
 76.36. inter Austriacos & Rhe-  
 tos 153.2. inter Venetos & Ma-  
 ximil. Cæs. 156.47. inter An-  
 glos & Gallos oritur 174.44.  
 Moscouiticum cum Dolonis 227.  
 26. in Pannonia 220.44. in-  
 ter Andegauen & Arag. 15.20.  
 Belli causa inter Hispanos & Gallos  
 16.20. sublata à Carolo VIII. ibid.  
 Belligerendi in Turcas occasio negle-  
 cta 329.25.  
 Bella Italica Gallis infausta 21.24.  
 Bella Turcica & Persica Iouius nar-  
 ret 234.12.  
 Bellerbechus à Techelle captus 243.44.  
 Bellerbechi duo, id est, magistri equi-  
 tum 286.4.  
 Bendocader Aegypti Sulthanus 350.  
 31. Christianorum ex Syria depulit  
 ibid.  
 Bentiuoli à Bononia ab Iulio pellun-  
 tur 156.24.  
 Bentiuolorū domus Bononia 156.29.  
 Bernardus Cotarenus Epirotarum e-  
 quitum dux 63.19.  
 Bernardi Oricellarij historia 22.10.  
 Bernardinus Adurnius bellator insi-  
 gnis 76.43.  
 Bernardinus Curtius Sfortie infidus  
 153.46.  
 Bernardinus Clostra 59.18.  
 Bernardinus Lunatus Cardinalis 150.  
 ex timore & fuga moritur 150.9.  
 Bernardinus Antiniola 208.43.  
 Bergomum Hispan. præsidio tenetur  
 203.42.  
 Bergomates ad Venetos deficiunt 204.

10. ab Hispanis multati pecunia  
 216.45. ad Hispanos deficiunt  
 205.36.  
 Beth abyssina lingua 388.3.  
 Bettinus Ricafolus uir fortis 145.40.  
 Liburnum defendit ibid.  
 Beuilacqua insuper. 27.24.  
 Blanca Sfortia Maximiliani Cæs. uxor  
 15.35.  
 Bohemi in Vngaria illam pacatam red-  
 dunt 227.5.  
 Bona Sfortia Polono tradita 329.30.  
 Bonæ spei promontorium 381.45. de-  
 scriptum 382.1.  
 Bonifacii VIII. Rom. interfecere 6.14.  
 Borbonius in Galliam ad regem pro-  
 ficiscitur 342.27. equitum ma-  
 gister declaratur 342.34.  
 Boristhenes 230.8.  
 Boristhenis fontes 4.4. uada. 231.12.  
 Bonemisse uictoria contra Lucatium  
 224.1.  
 Bostanges Selymi gener 266.3. Du-  
 cuginoglis cognomine 252.13. Sem-  
 lymi gener ex proditiōne ibid.  
 Boualenta oppidū direptum ab Hispa-  
 nis 194.38.  
 Boyssinus regis nutritius 326.20.  
 Braccianum ubi situm 40.42. à Li-  
 uiano munitum 147.28. defenditur  
 ab eodem 148. oppugnatur 148.  
 15. defenditur ibid.  
 Bracellonia uallis 298.44.  
 Bræstius portus 174.18.  
 Bennio amnis in lacum abit & rursus  
 in flumen 45.202. 320.32.  
 Brissoneitus Cardinalis creatus 43.15.  
 Britannia ut regno Gallie accesserit  
 15.30.  
 Britonorum 38.44.  
 Brixia obfessa 394.15. oppugnata  
 332.40. 34. defensa 395.1. 28. dies  
 tormentis petita 327.21.  
 Brixia oppugnatis in clades 324.10.  
 330.1.  
 Brixiani præsidij diligentia 328.1.  
 Brixianæ deditiōnis conditiones 330.1.  
 395.34.  
 Brixiani legati deditiōne ad Trinul-  
 tium 329.44.  
 Brixianorum sententia de inuadendis  
 hostibus 339.3. corrupta ibid.  
 Brixianis auxilia à Cæs. in tempore ue-  
 nerunt 330.45.  
 Bronsuicensis regulus in Italia militat  
 95.35.  
 Brumales dies ubi trium horarum lucis  
 228.25.  
 Bubalus Pisanus 60.27.  
 Buccintoria nauis Venetijs 99.41.  
 Buggianum oppidum captum, concre-  
 matur 143.27.



# I N D E X.

- Bulachum oppidum in Cayro 371.26.  
 Burgundia quæ ad Gallos spectat 175.30.  
 Burla equitum præfectus 61.31.  
 Burmum Italiae extremum oppidum 143.8.  
 Buffonius Rhodiorum magister 43.37.  
 inhumanus ibid. Cardinalis cur effectus 43.42.  
 Byrta ubi sita 283.6.
- C
- Cacebas 284.3.  
 Caduceator qui et Araldus hodie 338.10. cur in urbe non admissus ib.  
 Cadi legisperiti 286.43.  
 Cadilischer 288.25. commentaria belli Campsonis et Selymi scripsit 347.37.  
 Caesar Max. I. cum rege Angliæ se coniungit 176.28. pecunie inops 288.44.  
 Caesar et Heluetij se aduersus Gallos parat 334.33. pecuniarum maxime inops. 143.3. quæ eius spes de aduenda Italia ib. inconsulte liberalis, alie ne pecunie audius 146.19. Veronâ uenit 336.35. Augustus salutatur 16.40. eius de bello consilium ibid. ab duam traiecit ponte 337.40. cur nulum ius in Medilânenses habeat 338.20. quibus de causis à Mediol. oppugnatione discedat. 341.40. pudore confusus 337.30. reb infectis in Germaniam redit 342.20. inglorius in Germaniam reuertitur 146.44. militem occidit propria manu 337.34.  
 Cas. Maximiliani somnium 342.2. exercitus in Italiam ducit 336.14. astutia apud Mediolanum 339.10. et 20. mine. 146.45. peitio per caduceatorem 338.12.  
 Casaris Vngari et Poloni reges congressus Viennæ 329.10.  
 Caesar Borgia Catharinam Sfortiam capit et Romam ducit 154.2. fratrem occidit, purpuram abdicat, magnû imperium affectat. 152.5. Camertes regulos necat 55.40. urbinatē fugat Malatestam Arimuno depulsi 115.40. Manfredû strangulat ib. Vitellios et Vrsinos suplicio afficit ib.  
 Caesar Feramusca proditus capitur 206.20.  
 Casene tumultus 38.12. pugnatur ib. 20  
 Cagnolus Bergomas 204.1.  
 Caieta obsidetur terra mariq; 1374.5.  
 Caietani à Gallis deficiunt 81.14. à Galis mulati 34.82. 20. et deinceps, occisi 82.47.  
 Caietani Gallos in templo interficiunt 87.32.  
 Caitbbeius Sulihanus clariss. 350.40.
- bello semper uictor 283.10.  
 Caitbeij natio. 2.26. eius facinora ibid.  
 Calatie Comes Sfortianis copijs præfectus 28.40.  
 Calciû capiunt deditioe Flretini 109.30  
 Caledonia silua 180.27.  
 Calesia, olim portus Icius 175.1. ab Anglis Gallis ablata 181.21. ubi sita ib.  
 Caloianus in carcere necatus 235.13.  
 Christianus, filiam cur Mahometano dederit 235.5.  
 Calypsi sacra tantum administrabant 350.5. Aegijpti reges Caliphi dicti unde 349.43.  
 Cameronis insula 381.20.  
 Camillus Pandonius interficitur 81.1. uir excellens 18.26. Legatus ad Batâ Zeteni 20.10.  
 Camillus Montanus interficitur 292.6.  
 Camillus Vitellius ad Circellum occisus 128.30. eius laus ibid.  
 Camilli Vitellij facinus egregium 126.12.  
 Campanæ Bergomi in Colubrinis fuisse 215.34.  
 Campanorum ad Gallos defectio 52.1.  
 Campso Gaurus uir fortis Sulihanus creatur 351.27. inuitus suscipit ib. proceres ei iurant ib. 41. rex salutus ibid. felix si ab armis abstinuisset ibid. ubi classē edificauit contra Lusitanos 380.32. cur amicitia et fœdus cum Persa fecerit 348.16. cur Selymum odio prosequeretur 348.1. tardius de Selymi aduentu cognoscit 354.22. cur Gazellis consilio nō fuerit adensus 355.14. 356.22. cum Selymo congredi constituit 336.24. sana consilia respuit, speciosa amplectitur 354.36. ad Alepum cum exercitu confedit 352.40. animo despondet 358. et in puluere à suis proteritur fugientib. 358.9. proditur à Cayerbeio 356.18. cadauer sine uulnera inuentum 358.37. tumultum ibid.  
 Campsonis responsum ad Legationem Selymi 252.12. pugnaturi castra et copie 356.25. acies 357.1.  
 Campsoniana turris 371.42.  
 Canes, Tartarorum Imperatores 284.20.  
 Canes Gallorum è castris fugiunt 168.8.  
 Canariæ Insule olim Fortunatæ 382.45.  
 Canoglis uxoris Selymi frater 267.33.  
 Cana urbs maxima totius orbis 284.24.  
 Cantelmus Populi comes Aquila cum præsidio excedit. 122.30.
- Capella arx Bergomi 286.2.  
 Capitanei occisi in prælio ad Puciam 200.19. et 41.  
 Caprona rupes 107.20.  
 Capti à Selymo in pugna 187.7.  
 Caput aggeris uicus 217.6.  
 Capuæ à Gallis capta 155.21.  
 Carauanæ 312.21.  
 Caramita quæ et Anida 283.17.  
 Carauella nauigij genus 81.41.  
 Cardillus equitum præfectus inuenitur 314.31.  
 Cardinalis Sedunensis factiosus 314.35. ad Heluetios concio 302.90. stulta adhortationes ad Heluetios pugnatuos. 308.23. ad Marcul. Cas. in Germaniâ tendit 316.29.  
 Cardinales Alexandri Pontificis nunci 391.1.  
 Cardinales Genueses exules et Carolum regem 911.  
 Cardinales duo dignitati restitui 19.16. et 37.  
 Cardinales regis ingredientis ueni comites 41.42. 126.1. regem ad liæ ad pontificem deducunt 122.2.  
 Cardinalium ingenia et facinora 40.22.  
 Cardonius cautus sed non puer in rator 198.36. ad Scaramantæ prælio Gallos uincit 155.37. uirum inuito hoste Medoacum trahit 196.30.  
 Cardonij ad milites oratio 299.20.  
 Caripigi 297.7.  
 Carmania hodie Narsenga 282.26.  
 Carmina in Selymū scribit Clouerus ibid. 12.  
 Carmanie regio 158.22.  
 Caruail captus 192.21.  
 Caruailis mors 291.37.  
 Carolus magnus per quas alpes militem transierit 297.4.  
 Carolus octauus rex Gallie 3.26.  
 letitia affectus 62.9. bellum Romanum proceribus ut suadet 14.32. in Italiam transit 30.32. quia uia descenderit in Italiam 297.21. in fœdus coniurat 36.28. prope tur se uenisse liberatum seruatum populos 36.30. in Etruriam transfuit 31.3. Lucam tendit 63.26.  
 Luca liberaliter exceptus 34.3. à Luca Pisas contēdit 34.4. à Pisanis suscipitur. 61.47. Pisanis libertate restituit 35.4. arces Florentinorum redditus præsidij manit 35.36. Florentiam tendit ibid. Florentiam armatus ingreditur 36.26. ut ibi exceptus ibid. à Senensibus receptus 39.24. pontificem adorat 43.29.  
 P



# INDEX.

ad Pontificem responsum 39.41. ut  
regnum Neapol. aggreditur 43.5.  
Companiam capit 51.25. Neapoli re  
cipitur 52.44. bellum renouat. 140.  
7. Hispaniam ingreditur 140. ib. 6.  
Carolus secundus Romam ingreditur  
57.44. bellum Neap. renouat. 120.  
10. apolexia moritur 151.30.  
Carolus Austrius heres Ferdinandi aui  
relictus 337.5.  
Carolus Vrsinus in Galliam obses mis  
sus 122.28. capitur 151.27.  
Carolus Argentonius 75.8.  
Carolus Borbonius magister equitum  
creatus 294.34.  
Carolus Geldrius 294.43. cum Gallis  
cur militat 294.47.  
Carolus Somersetus 176.20.  
Carolus Balbianus Sfortie legatus in  
Gallia 12.24. eius oratio ibid. 30.  
et deinceps  
Carolus Montonius 200.41.  
Caroli VIII. Statura et delineatio. 68.  
36. responso ad litteras Ludouici  
Aureliani obfessi 94.12. consilium  
alius conspirantem Italiam 56.5.  
expedito in regnum Neapol. 23.2.  
et pontificis colloquia 43.20. iudi  
cium Surij memorabile 40.40. in  
gressus regnum Neapol. 45.18. ui  
ctoria 55.18. segnitates 93.35. ut im  
perium designaretur. 15.44.  
Carolo Regi à militibus maledicatur  
135.35.  
Casalis arbor oppidum in Hirpinis  
125.10.  
Casantes Trogladitarum rex, occisus  
185.45.  
Casena 59.35.  
Cassium mare 283.15. disportus 16.  
21. cui nulla classis nantiget 28.335.  
Cassinates fauces 347.29.  
Cassus exornis et portentosus 53.15.  
Castellum nouum à Gallis expugnatum  
31.21.  
Castrorum Selymii disciplina 359.10.  
Castra ad Veronam posita 397.26.  
Castrocarium, olim Salsubium 37.36.  
Catalum regio 284.24.  
Catalunorum res 284.42. politia et li  
bra 284.28.  
Catadipa, hodie cataracta Nili 388.16.  
Cataphractus Gallus 41.30. Lewis e  
ques ibid.  
Cataphracti ab leuis armaturae equitib.  
Gracis circumueni 132.40.  
Catherina Sfortia Foro Cornelij Do  
mina 5.38.37.13.  
Cayrum nouum 371.18.  
Cayrum uetus 371.33.  
Cayerbeius Alepi et Comagonie præ  
fectus proditor 356.24.

Cayerbeius Campsoni cur insensus  
355.28. et cur prodat 356.12.  
Aegypto toti praeficitur à Selymo  
390.8.  
Cayerbeij potentia 356.4. proditio  
357.13.  
Cebellinae pelles 227.30.  
Centrones Galli 297.9.  
Cephalenia à Venetis expugnata  
155.4.  
Cepinus Pitiliani filius interficitur ab  
Heluetijs 315.15.  
Cere Vetus. Vrsinorum sepulchra.  
150.40.  
Certamen singulorum trium Hisp. et toti  
dem Italorum 192.45. pro gloria  
193. prouocatorium et que eius ui  
tores 399.10.  
Certaminis singul. uictoria 193.5.  
Certamina plura in urbe Memphi  
373.15.  
Cetina flu. 222.25.  
Chendemus Bassa Amurathi obuiani  
fit. 269.9.  
Cheudemi de adeundo Armenia senten  
tia 270.1. uera apparuit 272.18.  
cherseogles cur ad Turcas transu  
gerit et Baiazetis gener sit factus  
252.33. solus fidus Baiazeti  
260.32.  
Cherseogles Bassa uir probus 252.22.  
Chezzus Amman 313.39. pugnam dis  
suadet ibid.  
Chesium amnis 337.2.  
Chinea hodie Culmea antiqua specula  
332.29.  
Chiurlus uicus 251.30. et 255.29.  
Choin oppidum amenissimum 272.30.  
Chordigera nauis 174.30.  
Christi tunica inconsutilis ut ad Chri  
stianos peruenit 44.30.  
Christiani more graeco 285.25.  
Christiani perditae uite Mamaluchi  
aut Iannizari fiunt 349.15.  
Christianorum regum conuentus quid  
agant 347.4. templam nouo Cay  
ro 371.21. dedecus et contumelia  
393.23.  
Christophorus Francapanes 202.31.  
Cianadium urbem comburere parant  
Cruce signati 223.17. et combu  
runt cum habitatorib. ibid. et Epif  
copum palo infigunt. ibid.  
Ciammassum oppidum Persarum 343.30.  
Ciammassini omnes ad unum acciden  
tur 344.2.  
Cicchus Simoneta capite cur truncatus  
7.25.  
Cilices hodie Caramanni 354.14.  
Cimbrica, hodie Dacia 228.45.  
Circassia regio 348.40.  
Circassij ubi habitent 285.31. ex his

Mamaluchi orti 16.35.  
Circellus cur improspere tentatus  
128.42.  
Cittadella capta à Piscario 240.35.  
Clades Rauene 159.20.  
Classis Gallica aduersus Aragoniam  
25.30.  
Classis noua Gallorum 120.30. portus  
Neapolitano eiecta 89.5. naufragio  
facit 190.16. numerosa sed ua cur  
classi Aragonica deterretur. 86.17.  
Classis anglica in mari Armorico 174.  
10. Aegyptiaca contra Lusitanos  
376.10. cur edificata et quantis  
impensis 380.34. Hispanica in Sici  
liam 56.34.  
Claudius Abyssinorum rex 389.25.  
Claudius Guisus inter mortuos uiuus  
reperitus 319.43.  
Cluastum ab Heluetijs direptum 302.3.  
Clusia Veronensis 404.42.  
Cobena regia Dacie 228.31.  
Cobena à Noruegia quantum distet  
228.32.  
Coctie Alpes. 30.33.  
Cohors Heluetica ut aquis perierit  
520.40.  
Choin antiquitus Artaxata 272.38. et  
Domitio Carbulone deleta 272.38.  
Columbina tormentum 106.20.  
Pisanum  
Colubrina ingens Pisana 100.45.  
Coluna Iulij Cesaris in Spluga 296.39.  
Columnij 5.44.  
Columniorum principes 6.3.  
Cometes luridus 156.38.  
Comestabilis equitum magister dicitur  
342.34. primus à rege honor.  
342.35.  
Concordia inter Gallum et Caf. cur  
facta 16.4.  
Confederatorum exercitus discors. 305.  
45.306.20.  
Consilium Pisis exactum, Mediolanum  
se confert 158.33.  
Consilij nomen pontificibus infestum.  
40.20.  
Conflictus inter Scotos et Anglos  
185.24.  
Coniuratio principum in Venetos 157.8.  
Coniurationis causa in Venetos 157.13.  
Conradi Vrsini expeditum ex casu con  
silium 332.10.  
Consalus Ferdinandus 56.37. in Ca  
stra Aragoniorum peruenit 132.45.  
et quibus cum copijs ibid. Brutijs  
tecto consilio imminet 155.15. Bru  
tios et Apulos pro Hispano capite  
sine uulnere 155.27. à Gallis obse  
sus ad Barolum 155.33. Gallos repu  
lit. 156.15. cum Venetis Cepha  
lenam expugnat 155.40.



# INDEX

Consului ad regem Ferdinandum admo-  
 nitio 84.10. prudentia cognoscitur  
 85.32. facinus egregium 133.10.  
 Consilium in castris Itolorum post pu-  
 gnā tarrēsem 74.20. de ineunda  
 pugna Mediolani 307.30.  
 Constantinus Pius 200.42.  
 Cōstātinus Rutenus uir bellator 230.34.  
 Constantini Ruteni ad Polonos oratio  
 232.25.  
 Contentio de ordine acierum digna sci-  
 tu 198.22. de obtinendo Liburno in-  
 ter Venetos & Sfortianos 146.6.  
 Copiæ ingentes in Italia aduersus Gala-  
 los. 96.2. Venetarum ad Aragonios  
 133.21. Pisas defensionis 144.30.  
 Copiæ pontificis ad Aragonios 133.  
 20. Veronæ obesse 396.10. auxilia-  
 res Pisani misse 108.27. Galliæ per-  
 nouum iter traducuntur 298.38.  
 Copiæ in Notaria obesse. 93.31. quæ  
 cum Carolo rege VIII. in Gallia re-  
 deunt 56.15. aduersus Carolum  
 VIII. 14.27.  
 Copiarū Italicarum dispositio ad Tarū  
 69.16. & deinceps. Aragoniarum  
 fuga. 51.44.  
 Copiarum imperator pugnādi copiam  
 à legatis petit 70.30.  
 Coppa emporium 248.20.  
 Coraxana regio 283.46.  
 Cora amnis 348.39.  
 Corchutus miti ingenio 247.29. ad  
 Imperium euectus, redeunti patri il-  
 lud detulit 247.30. nihil per largi-  
 tionem aut preces ambiuit 262.5.  
 Byzantium uenit repetitum à patre  
 Imperium 260.40. eius ad patrem  
 oratio ibid. Innocentiam suam osten-  
 dit ibid. obuiam Selymo iuit 262.17.  
 Phocæam rediit. 263.29. monitus si-  
 bi fuga consulit à fratre. 265.40. Sed  
 fugere non potuit & cur 266.3. in  
 spelunca absconsus 266.5. capitur  
 ib. 9. Prusiæ à fratre necatur ib.10.  
 Coriolanus Triuultius in prælio cadit  
 170.28.  
 Cornu Monocerotis qui habuerint  
 387.40.  
 Cothos Sultanus Aegypti 350.30. oc-  
 ciditur ibid.  
 Cothachis urbs ubi sita 285.23.  
 Cracouia Sarmatarum regia 229.15.  
 Craffius Tigurinus ad Duces 167.27.  
 Craffij Tigurini sententia de ineunda  
 pugna ad Nouariam 167.27.  
 Crema cur negligenter obessa 212.24.  
 arctius obessa 207.16. Venetorum  
 armis defensa 203.38.  
 Crema prælia inter Venetos & Sfor-  
 tianos atque stratagemata. 206. per  
 totum.

Cremona ex secedere Veneto cedit 52.  
 84.153.45.  
 Cremonēsis arx à Gallis deditur 202.19.  
 Cremonenses in fide manent 172.30.  
 Croatia descriptio 222.12.  
 Cruce signati excommunicantur 222.40.  
 Cruce signatorum immanitas 223.8.  
 Cruciatā ut uocant à Pontifice procla-  
 mata 222.16.  
 Cruciferi milites 222.22.  
 Cruciferorum cænobium Venetijs cō-  
 flagrat 293.30.  
 Cucullati Galli auaritia insignis 16.42.  
 Cuniculorum natura 321.15.  
 Cuselbas 284.3.  
 Cutheia in Asia Bellerbechi sedes  
 243.14.  
 Cutheia difficilis oppugnatio 243.30.  
 Cytraca emporium ubi sita 285.4.  
 Cryptæ uia 116.45.  
 D  
 D Amasci præfecti egregia impres-  
 sio 357.20. uictor 16.25. in pug-  
 na cadit 358.10. Errera Corduben-  
 sis historiarum Louij prædator 151.3.  
 Damiatā olim Pelusium 379.30. quæ &  
 Aeliopolis 379.31. Turcis data  
 379.30.  
 Davidis Abyss. regis mors & elogium  
 389.13.  
 Daubhes clāsis Turcicæ præfectus  
 Naupactum capit 152.32.  
 Delphini Portus 26.6.  
 Demetrius Byzātijs Megadux 143.18.  
 Dephter der 288.26.  
 Derbenthum urbs 283.23.  
 Despina Christiana 234.45.  
 Desperata tormentum Pisanum 106.21.  
 Diadarius magistratus post regem pri-  
 mus 359.33. uir strenuus ibid.  
 Diarbecca regio 344.42.  
 Dimothea urbs Thraciæ amēnissima  
 263.34.  
 Discordia inter Heluetios 188.30.  
 Discordiæ origo inter Venetos & Sfor-  
 tiani 144.41.  
 Dodus cur exauthoratus à Veneto sena-  
 tu 95.10.  
 Domossula oppidum 297.1.  
 Domus S. Marci Romæ à quo ædifica-  
 ta 41.44.  
 Donatium post pugnam à rege datum  
 Heluetijs 74.6.  
 Dracones alati 387.26.  
 Dromon Achillis 228.13.  
 Druentia fluu. 298.40.  
 Duces confederatorum qui 305.12.  
 Duces tres egregij sibi succedentes  
 207.14. qui uirginio Vrsino milita-  
 bant 12.36. Veronæ sub M. Ant. Co-  
 lumna obessi 396.15.  
 Ducum morbus peculiaris 20.45. quo-

rum uirtus enniuit 394.22. bonum  
 consilium à Cæs. nō probat 397.  
 Duria flu. 197.22.  
 E  
 E Berardus Obignius legatus ad  
 if. 17.22.  
 Ebrardus Corneus cum filio cadit  
 199.39.  
 Eccia locus 105.2.  
 Elata flu. 207.11.  
 Elephas Romæ quando uisus 207.11.  
 Elephantorum greges 187.21.  
 Emanuelis Lusitanie regis dona Pen-  
 fici missa. 207.22.  
 Emanuelis Caballi facinus nauale 17.  
 40. premium facinoris accepti  
 218.18.  
 Emissarium à Serchio Pisas usque  
 condidit 199.2.  
 Entella olim 116.2.  
 Epirotæ ab Heluetijs profligati 199.2.  
 Epirotæ quatuor Tomumbeij pro-  
 res 365.5. transfuge 116.2.  
 Equus Ferdinando regi sub quo ad  
 menariam cecidit, redditus 177.11.  
 Eques cur & ut fiat 73.44.  
 Equites Persæ 199.2.  
 Equites Galli fugiunt 170.22.  
 Equites nobiles à Gallis capti 199.2.  
 Equitum græcorum militaris peritus  
 398.41.  
 Equitum Venetorum præfecti 143.18.  
 Equitatus leuis gloria 116.2.  
 Equitatus Turcicus cū Persico  
 ferendus 280.39. ornatus quid  
 Turcas 187.21.  
 Eri urbs cyani lapilli celebris 284.2.  
 Eruptio Pisanorum illustris 106.21.  
 Erycis uicus unde dictus 95.2.  
 Eugenius ab urbe expulsus 51.44.  
 Euphrates ab Antiauro decurrit  
 271.34.  
 Euphrates & Tygris ubi exonerent  
 282.35.  
 Europæi equites à Persis delentur  
 275.26.  
 Exareola Iannizarorum 116.2.  
 Exercitus Hispanici summa in Venetia  
 194.25.  
 Exercitus duorum contrariorum idem  
 studium 114.35.  
 Expeditio in Adurnios frustrata 143.18.  
 Exules Itali in aula Gallica regem ad  
 bellum impellunt 141.40.  
 F  
 Fabritius Columna magister equi-  
 tum dictus 122.7. Gallorum dux  
 50.38. captus 155.20.  
 Fabritij Columnæ fides erga Gallos  
 92.17. ad Aragonios deficit 116.2.  
 Fanum Feroniæ 116.2.  
 Fautor popularis inanis 31.40.  
 Federicus



# INDEX.

**Federicus Aragonius mari præficitur** 24.25. cum classe fugit 28.18. rex Neapoli, ad Galli inimicum potius quam ad Hispanum fictum amicum fugit 155.23.  
**Ferdinand. Aragonius copiar. præfectus** 24.25. rex salutatur 49.42. secunda auctor. in Italia 5.15. terretur & retro credit 50.30. à Capuanis defestus 52.5. Neapoli utx recipitur 52.18. in Aenariam fugit 52.27. ad Semenariam fugit 85.14. cadit sub e quo ibid. in aduersis fortis 86.1. Neapolim post aduersam pugnam ad nauigat 86.10. ex fuga iterum Neapolim reuertitur 79.40. cum Consaluo 80.10. Rhegium capit & diripit ibid. Neapoli per tumultum recipitur 87.4. leum Gennarij Hospicio recipiunt ibid. ad Venetos pro auxilij confugit 123.4. ducibus obtemperare solitus 126.30. Gallos despicit 127.2. summum certamen de uat 118.15. in pugnam defertur 135.10. qua die & ubi moriatur 145.21.  
**Ferd. Hisp.** qui tenax 286.40. Anglis contra insurandum defuit 289.4. cum Gallo occultas inducias pangit 160.16. pro suo commodo & socijs iniurijs & infidis 160.18. deseritur à proceribus 156.34. Neapolim ad nauigat 156.36. à principib. derelictus 39.15. Consaluo nō adsentitur 84.17. cum ex suspitione in Hispaniā abducit 156.40. dysenteria laborat, & moritur 138.15. eius uxor quæ ibid. Victoriæ fructu frui non potuit ibid. moritur 335.33. quo morbo, quæ corporis habitudo 335.40. quæ eius facta ibid.  
**Ferdinandi Senioris institutum** 18.31.  
**Ferdinandi regis anxia cura** 113.38. legatio ad Lud. Sfortiam. 9.35. mors 10.3.  
**Ferdinandi iunioris copie** 28.47. habitus corporis 138.15. copie aduersus Gallos 47.38. aduersa fortuna 37.40. fuga 37.40. & 38.1. oratio ad populum 51.17. fortis animus 51.17. desperatio 52.33. Neapolim aduentus maiori e mentita classe 86.15.  
**Ferdinandi & ducum suorum consilium** 117.15. bona fortuna 118.30.  
**Ferdinandi Aragonij consilium** 125.1. copie 125.27. castra 132.13. ad Persium de pace responsio 136.24.  
**Ferdinandi regis catholici ingenium** 16.15. cunctatio & parcitas 140.31. pollicitationes 335.18. damnosa pietas toto Christiano orbi 366.19.  
**Ferdinandi Consalui mors** 336.9.  
**Ferdinando Neapoli qui saueret** 86.28.

**Feritor amnis** 76.41.  
**Ferrariensium ducum urbes** 7.14.  
**Fides an seruenda impijs maleficis** 224.3.  
**Filippus Fliscus occiditur** 330.10.  
**Filippus Bresius Allobrogum princeps** 63.41.  
**Filippi Austriæ mors** 156.37.  
**Flisci cum Adurnijs cur conspirent in Fregosios** 291.27.  
**Fliscorum ditio** 173.40. Genua abeunt ibid. factionis Guelphæ ibid.  
**Floddon mons** 182.4.  
**Florantius Sedanius** 294.42.  
**Florētini industrii & egregij artifices** 6.36. ciues cur Petro Medici insensu 32.13. Pisis excluduntur qua hora Mediceos excludunt 35.17. quo factio regiā maiestat. leserint 35.44. de sedere cum rege agunt. 36.19. cur contra Gallos non conspiret 56.28. Duces 59.38. à Gallis offensi 60.5. qua occasione parta omittunt. 61.40. se à Gallis deceptos agnoscunt 99.44. armati Pisas accedunt. 104.30. intra portam erumpunt 105.1. in suburbij Pisanis castrametantur 105.35. cur copias à Pisis reducant 107.7. Butum capiunt 109.10. Veruculam oppugnant frustra 109.40. quanta ui Pisas repetant 140.5. regem sollicitant 141.40. Ianuenses apud regem Gallum 141.40. Fluctuant 151.32. Hieronymum Sa uonarā supplicio afficiunt 151.34.  
**Florentinorū legatio ad Cayolum VIII.** 32.5. Leo Marmoreus preceps datur 35.10. progressus in Pisanos 58.20.  
**Florentinorum & Pisanorum pugna** 58. & 59. per totum  
**Florentinorum ducum conatus** 61.10. nouæ copie 100.1. successus 109.3. timor ex suspitione 121.28.  
**Flumina quedam inter se comparata** 285.1.  
**Fœdus inter Arag. & Pontificē ac Florentinos.** 20.25. memorabile ad Niodunum 105.5. eius conditiones ibid. ad conturbandam totam Italian ictum 152.2. inter Venetos & regem Galliæ aduersus Sfortiā 152.2. inter regem & Florentinos 36.24.  
**Fœderati Heluetios incusant** 306.9.  
**Fogia in Hirpinis** 124.29.  
**Fonseca audax facinus** 46.45.  
**Fortebraccius Montenius** 69.32.  
**Fortium uirorum ingenium** 103.2.  
**Fortuna Selymo fauens aduersa Tomūbeio** 365.2. Venetis infesta 203.36. Gallis fauens 50.30.  
**Fortunam in rebus plurimum ualere** 300.29.

**Forum Casij ubi fuerit** 39.30.  
**Fosse nouæ, quæ & Papirianæ** 31.15.  
**Fracassa Sanseuerinus** 38.5.32. Pisanis iratus abiit 107.25.  
**Francapanis fractus & uulneratus** 209.6. captus à Veturio 209.30. Veneto nomini infestus & crudelis ibid. 34.  
**Franciscus Valefius I. rex Galliæ declaratus** 290.23. coronatur 16.33. Mediolanum recuperare cōstituit quibusue de causis ibid. qua uia alpes cum exercitu transit 296.6. rex pugnans 321.25. equestri dignitate insignitur à Baiardo uiro fortissimo 317.3. ad Germanos adhortatio 313.17. cur colloquium à Pontifice petit 325.30. Mediolanum inuehitur 322.38. se excusat apud Venetos de auxilij missis 325.14. quo comitatu Bononiam ingreditur 226.4. pedes osculatur pontificis ibid. pacē querit 305.28. in Gallia reuersus 316.36.  
**Francisc. Sfortia Io. Galeatij filius posthabetur imperio.** 37.20.  
**Franciscus Sfortia peditatum in Italia restituit.** 48.15.  
**Francisc. Mantuæ dux Baiaretis amicus** 24.4.45. Venetorum dux copiarum 63.16. princeps Germana matre natus 95.1. imperator appellatus à Senatu Veneto 94.31.  
**Franciscus Candianus militiæ adscriptus** 20.28.  
**Franciscus Nardous** 27.24.  
**Franciscus Scarfa uexillifer Florentinus** 33.16.  
**Franciscus Valorius Medicos expellit Florentia** 32.37.  
**Franciscus Montidolius interceptus** 31.25.  
**Francisc. Siccus Florentinorum dux** 59.13.  
**Franciscus Saxatellus** 200.42.  
**Franciscus Spinula classis præfectus** 77.16.  
**Franciscus Piccolomineus Cardinalis** 39.19. non receptus & cur ibid.  
**Franciottus Vrsinus captus** 143.29.  
**Francisci regis forma & mores** 226.9. consilium salutare 305.38. exercitus ad Italian 294.18. & 295. anxietas 312.42. Castra eius contracta post primam pugnam 3.13.  
**F. Mantuani in pugna uirtus** 71.72.20.  
**Francisci Mariæ Ducis Urbini bellum in Pontificem.** 406.8.  
**Francisci Almædei infortunium** 383.8.  
**Fregosij** 6.44.  
**Friedericus Aragonius rex salutatus** 138.23. eius ingenium ibid.



**F**ridericus Fregosius Archiepisc. Salernitanus 292.17.  
 Funalia ad Cryptam rapta 117.42.  
 Fufius Aquitanus 68.44. in Hispanos ducit, Salsulas occupat. 140.10.141.  
 Fufij ad Hispanos militaris responsio 141.20.

G

**G**aleatius Sfortia trucidatus in templo 7.21.  
 Galeatius Sanseuerinus in Gallia legatus 22.36. Sfortianarum copiarum dux 63.20.  
 Galeatius uiceromes uani sperabat principatum. 338.32. eius stultitia ibid. 42.  
 Galeones quales 77.21.  
 Gallia periculo suspensa 178.40.  
 Gallie rex, regi Nauarre infidelis 160.24. cur pontificis hostis factus 158.24. Pontifici Bononiam auferit. & Bentiuolus reddit 158.25.  
 Consilium Pisis indicit 152.30. aduersus Fregosios 162.20. Insubria caput cum Mediolano 113.45.  
 Heluetiorum animos tentat 301.25. bellum renouare statuit in Italia 242.25.  
 Gallum qui ad bellum impellant 141. & 142.  
 Galli suspiciosi 132.10. equitatu student. 294.27.  
 Galli & Hispani foedus ineunt 16.36.  
 Gallinatura aperti 21.47. Suspiciaces 22.1. in Italiam transeunt 28.38. quibus ducibus transcendunt 153.32. Medices expulsos renouare uolunt. 35.46. & 36.1. pauorem incutunt 50.23.  
 Galli & Germani milites Neapoli effemirati 55.22.  
 Galli equites sexcenti Pisam aduecti 60.3.  
 Galli cur ad Tarum salui euaserunt 71.30. qui capti ad Tarum 72.30. uictores ad Tarum 73.2. uictores timent 73.45.  
 Galli pro Fregosijs. 77.25.  
 Galli compelluntur in arcem Neap. ab Aragonijs 88.25. oppugnati Neapoli 87.15. ad obsidionem auertendam à Nouaria ueniunt 97.15. Pisas defendunt à Florentinis semicaptam 105.25. specie magni exercitus decepti 117.7. amisso Neapoli in Apuliam concedunt 118.40. Frangetum amittunt 129.8. abeunt lacesuntur 130.30. in Atellam compulsi 130.47. in Atella obfessi 132. per totum à Consaluo terrenatur 133.15. incommodis afficiuntur 133.28. caesi 134.16. Neapoli mor-

bo pereunt 137.20. Caietam obfessam relinquunt 139.15.  
 Galli & Hispani de finib. regni Neap. contendunt 155.31. regno Neap. ab Consaluo expulsis 155.39. ad Abdum Venetos profligant 157.20. ex Italia expulsi 159.24.  
 Galli equites fugiunt ab Heluetijs 170.20. in fuga à rusticis oppressi 171.15.  
 Galli Teroannam propugnant 175.16. certamen cum Anglis detestant 176.15. ad Ghingatam fusi 177.43. obfessi in arce phari Genue 217.22. quis in pugna pereant 315.8. & ib. 35.  
 Galli equites ab Heluetijs fugiunt 315.1. Mediolanum contra Cef. defendunt 337.44. deserere Mediolanum cogitant 340.1. cur discedentem Cef. non sint insecuti 342.15.  
 Gallorum regum mos in respondendo 14.22.  
 Gallorum expeditio in Syriam 136. prima uictoria 28.34. terror in Italia 37.10. equitum manus capitur 39.10. tormenta bellicata Romae uisa 42.6. procerum responsum ad consecum 46.35.  
 Gallorum uictoriam qui principes agebantur 55.42. legatio ad Venetos 65.35. Studia Pisanis fauent 62.3. ad Tarum consultatio 66.10. exercitus ad Tarum dispositio 68.10.40. & 69.1. militum alacritas ad Tarum 68.30. ad mille uiri fortes caesi 73.30. Illustriores qui ceciderint. ib. copie in Liguria 76.46. 77.5. durities apud Caietanos 81.25. ex sacris Caietana 85.6. praeda perijt 83.15. in Neapoli castra 88.35. Strages 90.20. impetus repressus ab Aragonijs 91.45. Clades ex cuniculis 92.35. castra ad Neapol. oppugnata 117.13. de fortuna querela 117.24. crudelitas à Pomelianis 118.5.  
 Gallorum inelemeus fortuna 118.30. Copie pro restaurando bello Neapolitano 122.36. & 40. consilia de bello gerendo 123.46. sententia in salubris 124.6. copie coniuncte ad Troiam 125.16. cum infelicitate discedunt 130.20. necessitas 134.37. in Italiam terribilis aduectus quæ exitum habuerit 139.18. impetus cur tam terribiles uisi sint Italij 136.20. copie terra marique uarijs casib. deletæ 140.1. exercitus Romam ingreditur 159.12. fuga 170.17.1. Turpis ibid. 10. in tormentis fiducia 170.14. quot occisi ad Nouariam ab Heluetijs 171.37. consilium

de intercipiendo Proffero Columna 299.40. castra ad Mediolanum 309.25. mos in aliena causa 397.23. equitum prouocatio pergens 399.4. prouocationis titulus ibi.  
 Gallos omni tempore rem Christi nam afflixisse 12.10. tormentum magna peritæ uti 295.3.  
 Gallica classis uentis agitata in durijs 47.22. capitur 78.6. Florinum Liburnum adest 156.12. templete in Grecia discepta 157.11.  
 Gallica factio bellum restituit 197.3.  
 Gallice factionis apud Heluetios plectuntur 156.11.  
 Gallici exercitus progressus in Campania 51.4.  
 Garzetta fluuiolus 33.14.  
 Garcias Manricus capitur 214.4.  
 Gaspar Germanus cur capiteplum 54.12.  
 Gasto Foissicus Copiarum Gallorum prefectus 158.34. Bononiam uidit, pontificis fugat, Brixiam perat, Balionum profuga, Aduocatum supplicio tradit, ad Rhauennam uictoria potius interficitur 158.159. per totum  
 Gaza urbs 311.1.  
 Gazzelles Damascus petit 311.1. contra Arabes mittitur 311.1.  
 Gazallis oppinio de re bellica 300. ad opprimendum Syria hostes. tur ib. à Syris Synabasse m. tur. ibid. Memphim refugit 10. Turcarum vexilla contriuit 300. in partes Selymi uictori tradit 374.30. eius ad Selym uenit sanum consilium 354.40. f. 10. pera 357.30. animi fortitudo 357.30.  
 Gazenses Sinambasse deditionem 360.8. Regypto fument 360.8.  
 Gezensum perfidia 102.4.  
 Gemes Baiazetis frater Rome uisus 410.  
 Gemes nomen quid significet 410.  
 Regi Carolo VIII. tradunt 410.  
 Eius aspectus & indoles 410.  
 ut ad Christianos profugeret ibi. quos longe alios inuenit quamparat ibid. Romæ fuit pontificis, nungnum uectigal ibid. ueneno a pontifice ministrato moritur 410.  
 Gemis cadauer ad Baiazetem missus 56.45.  
 Genebræ mons 30.33. Clarus locus 297.26.  
 Gemis Turcæ mors 410.  
 Genua in quas factiones diuidatur 6.44.  
 Genuenses re nauali ceteros antior 218.24.



# I N D E X.

Genuesium discordie unde ortum ha-  
 beant 7.1. Status 6.40.  
 Georgius Sechelus Imperator cruce si-  
 gnatorum 223.3.  
 Georgius Supra saxus carcere libera-  
 tur 326.26.  
 Georgius & Lucatius fratres uiui capi-  
 untur 226.3. excruciantur. ib. mors  
 eius terribilis ibid.  
 Georgij ad milites adhortatio 225.28.  
 Georgij Crucesignatorum ducis con-  
 silium 224.26. in tormentis & mor-  
 te constantia 226.12.  
 Georgiani hostie Hyberi 285.18. belli-  
 ciosi ib. 27.  
 Gessaldum ab Aragonijs capitur  
 30.138.  
 Germani ab Aragonijs discedunt 53.  
 25. diripiunt regiam gazam. 53.  
 47. a Gallis ad Aragonios deficiunt  
 135.27. a Tifernate phalange confo-  
 diuntur 150.1. Heluetijs se deditit  
 170.30. quæ occupauerint in foro  
 Julij 208.2. in pugna pereuntes  
 315.1. in Heluetios irati 314.28. &  
 eorum in Heluetios seuæ ceremo-  
 nia. 32. aduersus Cæs. arma ferre  
 recusant 325.2. ad Ansum profligan-  
 tur 332.12.  
 Germanorum in Campania audacter  
 factum. 51.43. urbe Capua exclu-  
 duntur ibidem. perfidia 54.4.  
 Germanorum & Gallorum iactantia  
 125.20. elades 126.6. & deinceps.  
 perniciosum consilium Cæs. datum  
 & ab eo probatum 337.13.  
 Gimgata uictorij Anglorum celebris  
 pagus 177.9.  
 Gualdræ dux cur cum Gallo senserit  
 175.43.  
 Glapalatus Sultanus captus carceri  
 traditur 351.14. strangulatur ib.  
 Gidda portus 381.3.  
 Gilbertus Mompensensis Prorex Nea-  
 politanus 5.26.  
 Gilbertus Cleuensis 69.4.  
 Gilopi Aethiopes 382.22.  
 Gorgianum regnum 387.20.  
 Gorgora urbs ubi sita 285.23.  
 Gothia ab Liunia non multum distare  
 228.27. insula 228.27.  
 Gothos de Romanis triumphasse 130.  
 omnium gentium iniurias ultos ibid.  
 Gothardi iugum 296.45.  
 Gotifredus Borgia Carinule princi-  
 patu donatus 20.27.  
 Gotifredus Calearius Veronensis cur  
 interficitur 215.23.  
 Gotifredi Bolonij bellica uirtus & pi-  
 etas 136.  
 Grandilli fratres 87.2.35.  
 Granata Hispanorum dux interficitur

205.45.  
 Græcia à Turcis capta 154.30.  
 Græci equites insidiosi 132.32. fugati  
 recepta præda 143.30. egregij  
 396.25.  
 Græcorum imperium ad Gallos perti-  
 nere 12.1.  
 Græcorum spes ex Gallis orta 55.6.  
 Græcorum equitum in pugna usus  
 64.43. uirtus 144.2.10.  
 Grifones 296.33.  
 Gritti scomma in Gallos nobiles  
 171.4.  
 Guidobaldus urbinas Florentinorum  
 dux 100.1.  
 Guido Guerra factiosus 38.1. Cesenā  
 occupat 38.8. Petiliani comitem  
 capit ib. fugit ibid. 30. Vrbe eijcitur  
 ib. 31.  
 Guido Feltrius urbinacium dux 5.36.  
 exercitus dux deditioem facit  
 150.3.  
 Guidonis Guerræ domus diripitur  
 38.35.  
 Guinei Aethiopes 382.17.  
 Guilielmus Roccardulphus 330.24.  
 Guilielmus Briffonetus Questor 15.3.  
 Gurellus Caracciolus auaritia infamis  
 130.44.  
 Gyraffa Florentie uisa 387.28.  

H

 H Alis Mahometii interpres 235.22.  
 Hadrianus Boyssius Cardinalis  
 creatus 226.19.  
 Halybassa 244.13. Techelem perse-  
 quitur 244.35. uictoriam iam ade-  
 ptam sua morte corrumpit 245.46.  
 Haly bassæ animi uigor 245.30. inter-  
 ficitur à Trechellinis 245.35.  
 Halys flu. 246.3.  
 Hunna flu. 222.25.  
 Hanti & Heluetius dux astutus 65.6.  
 Harducles Persa 234.38. miræ conti-  
 nentiæ uir ibid. Vssumcassanis ge-  
 ner. ibid. cur à lacupo rege inter-  
 fectus 235.38.  
 Haslerius Foctius Heluetius 313.38.  
 pugnam dissuadet ib.  
 Hedil qui & uolga 284.16.  
 Heluetius defensor pontificiæ liberta-  
 tis dictus 161.20.  
 Heluetij pedites cum Italis & Hispanis  
 collati. 85.41.  
 Heluetij & Germani inimici 312.13.  
 Heluetij pugnaturi stipendia petunt  
 130.6. & cur ibid.  
 Heluetij & Galli Naufragium faciunt  
 137. & morbis pereunt ib. 30. ad-  
 uersus Gallos 159.23. Sfortiam  
 defendendum censent 163.4. con-  
 stantes & generosi 163.12. Gallo  
 cur insensu ibidem. intrepidi ad No-

uariam 164.4. quo animo Triuulij  
 responsum acceperint 166.15. ho-  
 stes Gallos ad Nouariam ad oriun-  
 tur 168.40. 169.20. indignantur  
 in Hispanos 174.1. in Burgundiā ad-  
 uersus Gallos erumpunt. 175.30.  
 187.30. pacem cum Gallo ad Di-  
 uionem faciunt, excluso Vuirtem-  
 bergicum. 189.10. cum obsidib. do-  
 mum reuertuntur 189.41. in tran-  
 situ Alpium à Gallis decepti 296.  
 10. in castris seditionem mouent  
 301.8. Cluiasum oppidum cur di-  
 ripiunt 301.42. propter stipen-  
 dia secessionem faciunt 302.14. in  
 discordia 302.26. & 40. quāto labo-  
 re in officio reineantur 303.20. pe-  
 cuniam querunt 304.10. Medio-  
 lani recepti 307.18. Cardinalis ar-  
 stu ad pugnam induci 308.14. ui-  
 ri fortes 309.19. qui in pugna ca-  
 dunt 315.40. duces prælium iterū  
 ineunt 314.2. temeritatis poenas  
 luunt 314.16. & facinora uirtutis  
 edunt ibid. 23. qui in secunda pu-  
 gna perierunt 314.36. se pugne  
 subducunt 315.16. receptui canunt  
 315.37. ducibus occupatis sibi ipsi  
 præscribunt constantissimè 315.46.  
 à pælio aduerso non fugiunt, sed di-  
 scedunt 316.8. ita uisū, ut uinci non  
 posse docerent 310.14. post aduer-  
 sam pugnam Mediolani hospitij li-  
 beraliter recepti ibid. trimestre sti-  
 pendium postulant, non numerato  
 domum abeunt 316.20. arcem Me-  
 diolani custodiunt 316.26. domum  
 abeunt 316.30.  
 Heluetiorum uirtus ad Tarum 72.6.  
 cades ad Atellam 135.21. alacritas  
 161.20. 163.8. qui primi in Italiam  
 & cur 163.16. petitio ab hostibus  
 per iocum 164.30. duces in con-  
 silium descendunt 167.16. stratage-  
 ma 168.20. leges in pugna 168.  
 24. Copie quantæ ad Nouariam  
 168.28. fortitudo 169.30. cum  
 Germanis congressus 169.40. ui-  
 ctoria contra Gallos ad Nouariam  
 170.40. imitanda disciplina 170.41.  
 quot & qui perierint ad Nouariam  
 171.36. natura & progressus 188.  
 36. decretum contra Gallum 191.5.  
 responsio prudens 309.8. cum  
 Gallis pugna 310.3. perditu inue-  
 nes qui 310.14. consilium de reno-  
 uanda pugna 312.24. ad pugnam  
 alacritas 313.30. de Heluetiorum  
 uictoria uanus rumor 315.3. tertia  
 acies pugne spectatrix 315.28. à præ-  
 lio discessus 316.3. 25. millia in pu-  
 gnam prodijisse 316.34. nomē Gallis



# INDEX.

- terribile 339.44  
Heluetios quis impulerit ad inuaden-  
dam Burgundiam 175.36. uni soli  
pecunie inferuire 189.1.  
Heluetijs inducias petentib. Gallus con-  
cedit 301.31. de Heluetijs sententia  
304.23.  
Henricus VII. rex Angliæ 332.  
Henricus Volleben Heluetiorum dux.  
62.14.  
Henricus Anglus Heluetios contra Gal-  
los stimulat 334.42. pacem cur  
fecerit cum Gallo 288.46.  
Henrici VIII. Angli responsio ad Scoti  
litteras 179.46.  
Henricum Angliæ regē quæ ad pacem  
impulerint 289.3.  
Hercules Atestinus, Gallis fauet 65.31.  
Hesperides insule 382.73.  
Heynaulebanus Heluetius belli peritif-  
simus dux 153.7. idus occubuit  
ibid.  
Hiberi & Albani semi Christiani  
281.44.  
Hicardus Hispanus Brixie obfesse præ-  
est 394.7. prudens & fortis  
ibid.  
Hicardi Brixie præfecti diligentia 318.  
10. consilium de reddenda Brixia  
395.10. oratio ad proceres ibid.  
deditionem certis conditionib. ibid.  
33.  
Hederlini Germani temeritas 125.36.  
mors 126.10.  
Hierapolis Turcæ deditur 358.22.  
Hieronymus Leonius Venetus 62.44.  
Hieronymus Fliscus ab Fregosij oc-  
ciscus 162.223.  
Hieronymus Sauornianus 208.7.  
Hieronymus & Scipio Adurnij capti  
292.3.  
Hieronymus penna 300.16.  
Hieronymus Castuonus ad regem Fr.  
legatum 317.15 & eius oratio ibid.  
Hierosolyma à paucis Christianis ha-  
bitata 363.23.  
Himbracor Bassæ ad Selymum de Per-  
sis literæ 362.30.  
Hippotoxota Scoti 41.36.  
Hispani equites cum Gallis collati  
85.34.  
Hispani pedites edicto regis collecti sti-  
pendia petunt 140.34.  
Hispani nobiles interfecti 141.14. Ve-  
netiam populantur 192.10. timen-  
tes retrocedunt 307.10.  
Hispani cuiusdā militis dictum de Gal-  
lina insidias detexit Brixie  
327.37.  
Hispani transfugæ 398.25.  
Hispanorum ingenia impauida 15.15.  
Historie Ionianæ libri sex primæ decæ  
dis ut interciderint 151.1.  
Hispanorum castra contra Liuianum  
197.35. in prælio disposito 199.  
25. libri epitome 151.25.  
Historiarum libri sexti epitome 152.  
13. Septimi epitome 153.1. decimi  
epitome 158.1.  
Hyrcani ad Sophum ultimi perineat  
283.46.  
Homares alter Mahometi interpres  
235.26.  
Homicidæ apud Abyssinos ut plestian-  
tur 384.13. fures 16. masculorum  
concubitores ib. 19. nuptiæ & di-  
uortia ibid.  
Hominum colluies aduersus nobilit. in  
Pannonia 222.30.  
Honorius Calaber 27.25.  
Horde Tartarorum 284.19.  
Horminius mons 267.38.  
Hismael Sophus Persarum rex cla-  
riß. 2.40. Harduellis filius 235.  
42. maximus orbis regum ibid.  
cur semper Christianos in honore  
habuit 235.1. quibus artibus prin-  
cipatum adeptus 236.30. cogno-  
mento Sophus cur appellatus 236.  
40. armis paternam ditionem re-  
cuperat 237.1. Sumachia capit &  
diripit ibid. 5. regnum Persarum  
inuasit ibid. 17. regiam capit fu-  
gente Aluerie rege ib. 40. sepul-  
chrū Iacuppi euerit. 238.5. urbem  
Scyras uictor ingreditur 239.14.  
ad Populum concionatur de præ-  
stantia nouæ religionis 239.15. in  
Mesopotamiam aduersus Morat-  
channim regem. 239.32. foedere Te-  
chelli iunctus 240.43. aduersus  
Turcas 241.3. legatos ad Venetos  
mittit 241.8. quæ provincias sub-  
diderit 268.30. filiam Amurathi  
profugo nuptui dat 268.39. & cur  
ibid. in castra contra Selymum  
272.43. ad Selymum Caduceato-  
rem mittit & cur 273.12. Sclop-  
petto læsus 276.4. ex prælio disce-  
dit agmine composito ibid. tormen-  
ta Turcarum capit 277.29.  
Hysmalis sophi genitura 236.35. uer-  
ba ad milites 138.22.  
Hysmaelem gloria Mahomete æquatu-  
rum 236.38.  
Hysmael & Techellis eadem doctrina  
præditos 236.24. de Aluante uicto-  
ria 239.6. acies contra Selymum  
274.10. ad milites breuis oratio  
274.26.  
Hysmaelis Sophi & Selymi compara-  
tio ab Iouio facta 278.6. & disc.  
origo ibid. pietas 278.25. regia  
forma 278.37. facilitas 278.46.  
equitandi & sagittandi peritia 241.  
1. uxores 279.7. studia disciplina-  
rum omnium 280.7. prouincia &  
urbes, eiusq. potentia descrip-  
ta 282.2. excelsus animus 193.44.  
I  
Iacobus Stuardus rex Scotiæ 134.  
non stat promissis 182.20. in  
gna cadit 186.1.  
Iacobus Comes 65.  
Iacobus Lucemburgus S. Pauli Com-  
magister equitum capite damnus  
342.42.  
Iacobus Stapher Tigurinus 117.6.  
Iacobus è Regio lepidi relig. deservit  
366.21.  
Iacobi Scotorum regis oratio alij  
184.20. cum suis pedes pugnat  
185.12.  
Iacobum Scoti quæ impulerint in la-  
contra Anglum 179.18. Iacuppi  
Vssum cassantis filius 234.31.  
Persarum rex 237. ab uxore  
fica sublatus 236.45.  
Iacupi timor Imperij amittendi  
235.28.  
Iannizzari 244.18. soli ad superi-  
res ordines adscribuntur ibid.  
Iannezarorum legiones duæ mille  
287.40. laus 287.44. cunctis  
lijs prohibiti 188.4. arma ib. 5.  
uestes ibid. 1.  
Iannizaros Selymo non paruiss. 239.  
30. quis primus instituerit 287.43.  
Ianus Fregosius inuidia fugat 162.223.  
fugit Genua 101.46.  
Iani Fregosij ingenium 179.23.  
Iapygium promontorium 316.  
Iaxartes Flu. 368.32.284.10.  
Ignominia qui notati à Venetis positi  
gnam 75.10.  
Imbracorbassa Syriæ præfectus  
362.45.  
Imperatoris illusio 116.  
Imperium Rom. in quot dilaceratum  
sit regna 126.  
Imperij Mediolan. diploma Ludouici  
Sfortiæ & filijs datum quanti consti-  
rit 37.14.  
Impedimenta expeditioni iniungentia  
21.1.  
Incendium Riualti Venetijs 202.44.  
ut extinctum 203.26. de Indijs qui  
Iouio retulerint 384.10.  
Induciæ à Gallis petite post pugnam ad  
Tarum. 75.8. concessæ 22.  
Induciæ inter Gallos & Italos, 98.10.  
Inimicitie unde ortæ inter Aragones  
& Sfortianos 10.16.  
Inimicitie causæ inter Reges Gallos &  
Austriacos 15.16.  
Insidiæ Selymi truncatæ 265.47.  
Insula



# I N D E X

*Infula Medea* 183.23. *Camero-*  
*nis* 381.10. *Sancti Thomæ*  
 382.42.  
*Infule uirides* 382.37. *fortunatæ ho-*  
*die Canariæ* 382.47.  
*Interagmina in Præcutinis Gallicas par-*  
*tes sequitur* 122.31.  
*Italia pace floret* 1.10.  
*Italia tota contra Venetos* 5.15.  
*Italia discors innuadi potest non alias*  
 391.2.  
*Indulgentiores ad Tarum occisi*  
 77.23.  
*Italorum principum ad regem Gall. re-*  
*sponsum* 17.27. *principum in-*  
*gentia* 21.21. *cura* 55.40.  
 56.1. & *deinceps castra aduersus*  
*Gallios* 64.31. 65.23. *copiæ ad*  
*Tarum maiores, Gallorum* 65.  
 17. *dispositæ* 69.16. *qua-*  
*tuor milia castra à Gallis ad Tarum*  
 77.21. *pruata studia ex fœdere*  
*querunt* 142.40.  
*Idios quando alere equitatum solitos*  
 47.47. & *cur* 48.5.  
*Iher Trinitarianum* 298.15.  
*Iheronimum traducendis exercitibus*  
 198.3. *mirandum* 297.35.  
*Iuicra aspera per Coctias alpes*  
 297.33.  
*Iuicra Legatorum Venetorum per*  
*Orientem* 241.15.  
*Io. Medices Cardinalis captus* 159.  
 20. *pontifex creatus* 159.34.  
 160.  
*Ioan. Cardinalis columna Caietani pro*  
*Gallis recipit.* 82.37.  
*Ioan. Paleologus dux* 143.17.  
*Ioan. rex Hispan.* 3.20.  
*Io. Aucubus Anglus* 181.17.  
*Io. Picus Mirandula quo die obierit*  
 16.14. *Phenicis cognomen obti-*  
*nit.* *ibid.*  
*Io. Galeatus Sfortia miser* 8.28. *dux*  
*Mediolani supremo morbo laborat*  
 30.44.  
*Io. cognomento Vetala Dux* 61.4.  
*Io. Beniuolus Bononien princeps*  
 537.  
*Io. Beniuolus Septuagintarius Medio-*  
*lani exul moritur* 156.28.  
*Ioan. Spinellus Aragoniæ factionis* 87.  
 22. 135.15.  
*Ioan. Zaphinus equitum dux* 143.18.  
*Io. Petrus Surra decies septies ex pro-*  
*uocatione uictor* 205.7.  
*Io. Calchus uir imbellis & timidus*  
 63.10.  
*Io. Bornemissauir sobrius & prudens*  
 223.34. *Cruce signatos delet*  
*ibid.*  
*Io. Vayuoda Transiluanie* 225.15.

*Io. Bracalonus capitur à Gallis*  
 300.20.  
*Io. Despachius Bernensium dux* 301.1.  
*Io. Berus Basiliensium uexilifer stre-*  
*nuus* 314.44.  
*Io. Vayuoda oratio ad milites pugna-*  
*turos* 225.35.  
*Io. Stuardus Albanie regulus in Sco-*  
*tiam* 335.1. *Humeum regis nutri-*  
*cium supplicio capitali afficit*  
 335.10.  
*Ioan. Galeatij mors* 37.15. *eius fu-*  
*nus ibid.* *quæ fama de morte ei us*  
*uulgo* *ibid.*  
*Ioan. Pontani historia* 15.24.  
*Ioannis Altauille memorabilis charitas*  
 85.20. *interficitur* *ibid.*  
*Ioan. Ricasoli seuitia* 100.29.  
*Ioan. Regine Neapolit. impudicitia*  
 11.1.  
*Iouij historia quot annis complectatur*  
 1.18.  
*Iordanes Vrsinus Fabritium colum-*  
*nam captum redimit* 155.21.  
*Iordini Vnderualdij forte responsum*  
 164.14.  
*Isabella Aragonia uirilis animi scemina*  
 8.46. *patre aduersus Lud. Sfort.*  
*incitat* 9.6.  
*Isabelle Aragoniæ literæ ad patrem &*  
*fratrem* 9.6. *in quibus mores Ludo-*  
*uici Sfortiæ describuntur* 9. *ibid.*  
*Isara flu.* 297.26.  
*Isticus sinus hodie Aiaccius* 354.12.  
*Iulius II. Pontifex liberator Italiæ di-*  
*ctus* 159.29. *aduersus Ferrarien-*  
*sem* 186.22. *moritur Romæ*  
 159.33.  
*Iulianus Medices ciuitate Rom. dona-*  
*tur* 191.39.  
*Iulianus Medices copiis pontificij præ-*  
*fectus in Galliam* 293.46. *Floren-*  
*tiæ moritur* 294.7.  
*Iulius Varanius Camentium dux* 5.37.  
*Iulius Manfronus captus* 334.21.  
*Iuliani Rouerei in Galliam à Roma su-*  
*ga* 23.7. *inquieta erat ingenio*  
*ibid.* 16.  
*Iuliani Medicis & Octauiani Fregosij*  
*amicitia* 173.20.  
*Iulebbi Achate Sangiacchi peritia mili-*  
*taris* 362.35.  
*Iunus Bassa Imperator ad exercitum*  
*missus* 246.8. *in Armeniam Vasta-*  
*bundus ingreditur.* 246.10. *Iechel-*  
*lem in montib. persequitur* 246.  
 30. *inquisitorem Persica religionis*  
*agit* 247.1.  
*Iunus Bassa quibus Selymum ostendit*  
 390.28. & 32. *pudore, publico ab-*  
*stinet, inuidia cruciatur* *ibid.* 25.  
*Cayerbeio uenum propinat* *ibid.*

*Iunus Bassa arrogantias & ambitio*  
 390.9. *liberalitas, splendorib.* 13.  
*facinora* *ibid.* 30.  
*Iunus Bassa excusatio* 397. *pruden-*  
*tiss.* 391.30. *occiditur* 392.4.  
*mortem dolent milites & impera-*  
*toris seuitiam damnant* 392.6.  
*Iunus Bassa quid mortem accelerauerit*  
*ibid.* 40.  
*Iunus Bassam cur Selymus occidi iussit*  
 391.30.  
*Ius iurandum maximum apud Turcas*  
 250.20.  
*Iustus Isale arcis custos* 52.30. *infidus*  
*ibid.*  
*Iustinianus Maurocenus nobilis equi-*  
*tum præf.* 143.14.  
*In Veronensi oppugnatione qui perierit*  
 400.10.  

L

*Lacus Sabatinus* 40.43.  
*Lacus ex casu montis* 100. *stadio-*  
*rum* 201.47.  
*Lacus paulò ante casu montis factus,*  
*rumpitur obex & stragem edit*  
 202.6. 320.32.  
*Lancea Christi ut ad Christianos pro-*  
*uenerit* 44.30.  
*Lauanie annis Entella olim* 28.10.  
*Laurentius Medices qualem Remp. re-*  
*liquerit* 6.30. *diuina fuit pruden-*  
*tia* 32.21.  
*Laurentius & Ioan. Medices aduersus*  
*Petrum Medicem* 31.41.  
*Laurentio, Medices copiarum præfectus*  
 294.9. *pacem ab rege uictore petit*  
 317.30.  
*Laurentio Medici Camelopardalino*  
*dono misit Sulthanus* 351.1.  
*Legatio Obignum Pontifici exposita*  
 17.46. *secreta in Galliam & cur*  
 20.36. *ab Aragonijs ibid.* *pontifi-*  
*cis ad Carolum VIII.* 39.18. *Ara-*  
*goniorum ad Carolum VIII. regem*  
 18.40. *inaudita dimissa* *ibid.* *Pon-*  
*tificis ad Carolum VIII.* 39.32.  
*Caroli regis ad pontificem* 57.  
 20. *Batazetis ad Selymum filium*  
 248.40.  
*Legationis Selymi ad Campsonem sum-*  
*ma* 347.38.  
*Legati de pace pontificis ad Carolum*  
*VIII.* 42.40.  
*Legatorum Venetorum responsio ad*  
*Gallum regem* 66.1.  
*Leo X. quo die creatus pontifex* 160.  
 10. *mitis ingenij uir* 191.26. *litem*  
*ratorum præsidium inscriptus* 191.  
 46. *inuitis omnib. principib. ad*  
*Colloq. regis, Bononiam uenit* 225.  
 30. *in fide sociorum manet* 293.30.  
*& cur* *ibid.*



# INDEX.

quò desperationis processerit 300.  
33. eius dissimulatio 161.10.  
Leones iubati 387.24.  
Leonardus Blancus gallicæ factionis  
Neap. strangulatur 90.37.  
Leonardi Dreßini supplicium 158.4.  
Lepontij & Rheti hodie Grifones di-  
ci 296.33.  
Leprus, id est, frugifur 271.42.  
Leucopetra Italiae extremum promon-  
torium. 81.12.  
Libra facta oppugnata 58.40.  
Libra factam Pisanis capiunt 60.34.  
Liburnum Labrone statio 24.35.  
à Pisanis oppugnatur 145.40.  
Liburni arx Florentinis iussu regis re-  
stituitur 101.34. turris marmoreæ  
146.2.  
Licifusina pagus memorabilis 195.2.  
Ligures cur in partes Gallorū cesserint  
291.10 inter se discordes ib. 24.  
Ligurum factiones 643.  
Liquentia flumen 208.5.  
Lissa annis 177.4.  
Luere Balazetis Turcarum Imp. ad  
Alexandrum pontificem 44.25.  
Lithuania 228.43. 229.3.  
Lithuanicis armaturæ equites 229.  
7. in Europa ultimi qui ad Christiū  
uenerunt 229.5.  
Luitani data fide aufugit 137.42.  
à Gallis captus 157.21. uividus &  
ferox ibid. in prospera tentat 173.  
7. fugit 260.25. contra Helue-  
tios pugnat 315.16. pacis impa-  
trens 317.36. Veronam oppu-  
gnandam accedit 318.35. 172.4.  
qua etate & morbo decesserit  
318.37.  
Luitani pugna 30.22. facinus 113.40.  
& astus, ardens studium 147.32.  
sagax & felix 147.40. nauigium  
incendit Sabellum uulnerat  
ibid. uox notanda in Venetos  
198.44. diligentia 199.35. in-  
genium ferox 194.6. petitio à se-  
nato Veneto 195.33. ad milites  
oratio 195.43. castra ad Vicer-  
tiam 197.25. expeditio in forum  
Iulij 208.15. solers ingenium  
217.10. mores. 318.41. cada-  
uer milites plures menses apud se ho-  
norifice habuerunt 319.3.  
Lithonia littoralis est 228.44.  
Ligures Epantheros 297.44.  
Locus prælij Venetorum cum Hispanis  
descriptus 199.2.  
Locus amani in Antiauro 236.4.  
Lombardia 7.19.  
Longenas Brixianus ciuis 323.26.  
& 31.  
Longobardi unde profecti 228.30.

Lotrechius Cisalpinæ Gallie præfectus  
342.46. Veronam oppugnat  
401.30. repellitur cum damno ib.  
Lotrechij prima exercitus cura  
393.43. ingenium & studia ibid.  
& patria ibid.  
Lucas Pisanus Venetus 63.15.  
Lucatus Sechelus 223.6.  
Lucensium præcipuum studium à Flo-  
rent. se defendere 6.38.  
Lucius Maluetius Pisanorum Impera-  
tor 58.28. seruator ciuita-  
tis salutatus 106.1. Pontesaccum  
opp. capit 143.22. cur à Pisa-  
nis discedit 144.38.  
Lucij Maluetij uictoria 59.16. 30.  
forte & egregie factum 60.42.  
fortuna bona 61.20. & uictoria  
egregium facinus 109.44.  
Lucio Maluetio nemo uigilantior dux  
143.21.  
Lancianum olim Anaxum 122.34.  
L. Luculli arx 54.17.  
Ludouicus Aurelianus Nouariam occu-  
pat 62.6. rex Gallie creatus  
151.31. regnum firmat 175.20.  
contra Heluetios exercitum mittit  
175.40. paci Diuionensi stare de-  
tretrat 190.25. Pisanum & Lugd.  
concilium abiurat 191.32. uxore  
Britannam ducit 288.36. ibid.  
cur pacem cum Anglo fecerit 288.  
38. ducta uxore moritur 289.43.  
Ludouicus Sfortia dux Mediolanens.  
7.22. imperium ut affecutus ib.  
eius artes 34. in qua fuerit opi-  
nion. 40. uxorius 837.  
laudis audius 9.44. cur Gallos in  
Italiam uocauerit 10.40. cur  
Gallis inuisus 22.1. cum uxore ad  
Carolū regem 30.38. imperium  
Mediolani, inuadit 37.25. Pisanis  
adeft. 58.30. se Veneto sena-  
tui commendat 62.42. tinudus  
& suspicax 62.27. cum uxore  
uifitat castra 95.45. Pisanum  
imperium affecit 108.35. Ara-  
gonios monet de classe Gallica  
120.40. ad Turcam auxilij gra-  
tia confugit 152.14. cum uxore  
ad Maximil. Cæsarem Burnium  
14.4.7. in Germaniam fugit 153.  
42. Mediolanum redit 154.5. ad  
Nouariam captus in Galliam duci-  
tur & in carcere moritur 154.15.  
Ludouicus Martianus 61.3. capitur  
143.23.  
Ludouicus Canosus 289.22.  
Ludouicus Lodronius capitur 332.20.  
Ludouici Aureliani uirtus 93.29.  
literæ ad Carolū regem 93.44.  
diligentia 94.20. copie in Italianis

151.162. 401.289. & mores 44.  
Ludouici Sfortie opera ad fauentu-  
lie 8.2. humanitas 8.12. uastitas  
& iniquitas ib. 20. luxur. 30.  
uxor 8.34. responso ad Legati-  
nem reg. Neapolitanorum 19.8. in-  
genium 21.14. petitio à Florenti-  
nis 22.13. quæ consilia promittit  
Medice 22.14. legatio in Galliam  
22.37. in Aragonios expeditio 23.  
28. indignum & sibi lucuosum  
cinus 62.24.  
Ludouica Emissarium 160.2.  
Lumen omnium oppidum 91.10.  
Luna antiqua urbs 11.27.  
Lunæ montes 151.2.  
Lubeca ubi sita 218.4.  
Lusitani qui de Cataio narrent 24.  
25. Indiam ferè totam subegunt  
380.33. Aegypto cur detrimentum  
tulerunt 150.10.  
Lusitanorum nauigatio mirabilis 200.  
34. quas adierint terras ibid. Co-  
lonia 152.2.  
Lusitana classis quò penetrari  
282.28.  
Lutherana opinio quò tempore coepit  
in Germania 237.24.

## M

Macra annis 218.  
Madalena nauis capta 111.4.  
Maderia Foncialia insula 151.2.  
Mahometes fama Othomanorum in-  
clytus 179.45.  
Mahometes præcipitarius rex 100.  
Selymi 218.10.  
Mahometes Caithbey filius Sulth. ob-  
truncatur & cur 91.12.  
Mahometis duo præcipui interpretes  
278.13.  
Mahometis prudens responsio ad Ma-  
ras Achomatis 258.1.  
Mahometanæ sectæ noua opinio quò  
anno propagata à Sepho 237.20.  
Malachæ rex armis subigitur Lusita-  
rum uirtute 207.41.  
Maior Armenia 171.14.  
Malatesta Boleonus 208.23. ad Venet.  
nam 211.2.  
Malatestæ Arimmi domini 158.  
Malatestæ Baleonis præstantia  
114.30.  
Malcoccij fratres Othomanis nobili-  
pares & eorum uirtus 275.31. 11.  
duntur ibid. 11.  
Maldonatus Hispanus 198.10.  
Manfredus Formellus 62.20. uindicta  
iniurias ibid.  
Manfredij Fauentie domini 158.  
Manfredonia Sipontus olim 151.10.  
Maranum oppidum obfessum 202.10.  
Marfia annis 144.45.  
Maren



# INDEX

Mathares pagus prope Mœphim 304.  
 33. Balsamo illustris ibid.  
 Mathaeus Sedunensis Cardinalis odio  
 aduersus Gallos semper arsit 293.  
 4. secundis concionibus multitudinē  
 excitatib. 19. legatus pontificius  
 in castris ibid. 47.  
 Mathaeus Borbonius 68.41.  
 Matthei Coruini Laus & uirtus 221.1.  
 Mamaluchi qui 348.30. cuius  
 nationis ibid. in Selymum  
 inflammati 348.26. Chri-  
 stiane religionis desertores 349.  
 10. per annos 300 serē re-  
 guntur 349.33. quot ad Hie-  
 rapolim in pugna perierint 358.  
 23. terga uertunt 373.44.  
 contra fidem datam trucidati à Ser-  
 lyimo 374.19. à Turcis de-  
 lecti 379.20. captiui truci-  
 dantur 389.33.  
 Manduchos Turcas uicisse 348.34.  
 ad Mamalucorum ordinem qui ad-  
 mitebantur 348.45.  
 Mamaluchorum tyrannis 349.25.  
 arma 356.32. stulta alacritas 351.  
 15. in pugna ardor 357.20. fortis  
 pugna 357.40. capita arbori-  
 bus penduntur 362.1.  
 Mamaluchorum & Thurcarum con-  
 gressus 366.24. ultimum præ-  
 lium 377.378. in Arabes impe-  
 rium 380.16.  
 Mancongri Aethiopes 382.20.  
 Mancongij rex christianus factus  
 386.7.  
 Mantinge Aethiopes 382.19.  
 Manianus Regem salutari uadit 99.  
 11. triumphaliter exceptus Ve-  
 neijs 99.40. Imperator Veneto-  
 rum declaratus 123.22. ad Ferdi-  
 nandum peruenit 127.8.  
 Mantuani Imperatoris post sententia  
 74.22. gloria pugnam ma-  
 ior 75.1. ad foederatos litera 95.  
 21. diligentia 96.20. sorte respon-  
 sum 97.25. accessus ad regnum  
 Neapol. quibus copijs 123.40.  
 Mantuano nemo plures aut præstan-  
 tiores equos alebat 99.33.  
 Mantuanorum dux 7.15.  
 Marchio Rhotellinus captus 178.6.  
 pacem inter Anglum & Gallum con-  
 fecit 289.19.  
 Marcus Calaber interfectus 324.34.  
 Marcus Mathaeus patritius Romæ oc-  
 cisis 42.32.  
 Marcus Antonius Columna uirtute &  
 industria ornatus 294.1. Brixia-  
 nis auxilia mittit 318.25. Ale-  
 niacum capit. 333.35. Ve-  
 rone à Cæs. præpositus 396.10.

Veronam fortiter defendit 400.  
 20. eruptionem magno animo pa-  
 rat 401.4. scloppetis igitur ibid.  
 47. post seruata Veronam ad  
 Cæs. tendit 406.6. ca-  
 dit 400.24.  
 M. Antonij Columnæ uirtus 334.  
 per totum. facinora apud Veronam  
 396.30. munitiones Veronæ fa-  
 ctæ 397.40. apud milites opi-  
 nio 402.8. & apud hostes  
 gloria 403.8. Dotes & uirtu-  
 tes ibid.  
 Maras Aladuli nobilius oppidum  
 344.43.  
 Marechalchij 4. in regno Gallia  
 34.37.  
 Margarita Maximil. Cæs. filia 175.6.  
 cur Gallis infensa ibid. Caroli  
 V. nutrix. ibid. 187.2.  
 Margeria maritimus uicus 195.22.  
 Maria Henrici regis soror nupsit Gal-  
 lo regi 288.36. 289.33.  
 Mariæ uirginis Crypta in Cypro  
 371.23.  
 Mariani populi 283.47.  
 Marinus Mercatellus 36.37.  
 Marinus Corealis 83.25.  
 Maximilianus primus Laude uirtutum  
 inclitus 3.42. in Italiam  
 descendit 145.2. tenui co-  
 mitatu Pisas accedit. ibid. 20.  
 excipitur ibid. Liburnum ad-  
 uehitur 145.37. peritus rei  
 militaris 177.2.  
 Maximilianus Sfortia bellum parat ad-  
 uersus Gallos inuadentes 293.1.  
 principatu politur. 202.24. in  
 Galliam exul tendit 322.35.  
 Maximil. Cæs. ut Italico imperio cesserit  
 405.26.  
 Maximil. Sfortia ad Nouariam 163.  
 32. & cur 164.12. mente cur de-  
 bilitatus 320.18. prodigijs & ti-  
 more consternatus arcem & princi-  
 patum Gallo tradit 322.20. quib.  
 condition. ib. Que grauer sit re-  
 spondendo locutus 321.22. de qui-  
 bus iuste questus sit. ibid.  
 Maximiliani Sfortie natiuitas 8.40.  
 timor 161.44. animus ad pugna  
 169.10. grauitudo 171.40.  
 Maximiliani primi regnum in Belgio  
 338. Idem Cæsar Germ. ibid. co-  
 pie in Italiam 145.6.  
 Mecha urbs qua re celebris 381.3.  
 Mediolanum arcem Italie 27.34.  
 Mediolani arx à Gallis deditur 202.10.  
 Mediolanenses ut ad Gallum defecerint  
 164.41. Triuulium in fugam con-  
 iiciunt 307.24. Francisco regi  
 se dedunt 317.12.

Medices Florentiam reducti 159.30.  
 Mediceæ aedes diripiuntur à populo  
 33.8.  
 Medicea domus à Cosmo edificata 33.  
 21. Bonarum artium hospitium. ib.  
 quibus rebus abundabat ibid. Infi-  
 gnia omnibus in locis abraduntur  
 33.18.  
 Medicum nomen quam inuidiosum  
 Florentiæ 33.44.  
 Medicei hostes reip. iudicati 33.18.  
 Mediceorum bibliotheca magnificen-  
 tia &c. 33.32. Laus in  
 Florentinorum inuidiam 102.9.  
 Medoacum ab Hispanis traiectum  
 195.10.  
 Melfita ubi sita 132.23.  
 Melus annis 343.31.  
 Meleager Foroliuensis equitum præ-  
 fectus ad Aragonios à Gallis disce-  
 dit 135.30. 200.42.  
 Melchior Triuisanus legatus 63.15.  
 classis præfectus 138.47.  
 Melech Sultbanus 350.35.  
 Christianis Tripolim ademit ibid.  
 Melechala seruorum manum sibi mili-  
 tes comparauit 350.12. Lu-  
 donicum regem Gall. capit ad Da-  
 miatam 350.22. truida-  
 tur à seruis ibid.  
 Memphis nullis mœnib. cingitur  
 370.16. tres ingentes urbes com-  
 plectitur 370.27. eius Arx  
 amœnissima ibid. anti-  
 qua 377.40.  
 Memphis urbs ab Selymo incendiur  
 373.31.  
 Memphi numerosissimus populus  
 372.10.  
 Memphitici populi cibus 372.15.  
 ingenium 379.1.  
 Medorum regna 283.14.  
 Mengrellij 285.19. stolidi ib.  
 27. & fures ib.  
 Merculianus Ceturio insignis 86.45.  
 tumultus conciator Neapoli.  
 87.7.  
 Mercurius equitum Epyrotarum præ-  
 fectus 192.25.  
 Meroes Nili insula 388.19. tres  
 reges habet, trium religionum ibid.  
 Naulabe dicta 389.1.  
 Mesopotamia quarta Persarum pro-  
 uincia ubi sita 283.4.  
 Mesopotamiam occupat Selymus  
 239.43. & quas provincias  
 occupauit 140.1.  
 Mesirum Venetorum oppidum 195.  
 15. capitur à Matio Columna  
 ibidem.  
 Methonensi Episcopo a Balazete ca-  
 put amputatur 154.36.



# INDEX

- Militia Sophiana* 218.31.  
*Militia Othomanica* 278.30.  
*Militie robur apud Abyssinos* 386.29.  
*Milites dediti à Selymo occiduntur* 374.9.  
*Milites obfessi Nouaria* 99.15.  
     *ignominia notati* 118.36.  
*Milites Heluetij & equites à pugna dilabuntur* 312.38.  
*Milites præfidiarij Aegypti, tumultuantur* 391.14.  
*Militum German. & Gallorum habitus* 41.5. eorum arma *ibid.*  
*Militum genera tria apud Persas* 281.18.  
*Militibus præfidiij stipendia pollicentur* 332.2.  
*Militaris ordo ad pugnam* 184.14. & 85.20.  
*Militares uiri qui cum Ferdinando ad recuperandū regnum erant* 84.37.  
*Mingaresius Scytharum imperator* 228.15.  
*Monpenserius obfessus auxilia petit à socijs* 111.10. contra iusiurandū fugit 118.46. consilij sui errorem cognoscit 126.42. 128.12. aduersus uirginij sententiam 131.27.  
*Moneta Pisis cusa in Caroli VIII. honorem* 107.44.  
*Monopolis à Venetis oppugnatur* 80.25. capitur *ibid.* 40.  
*Monoceros* 387.30.  
*Monocerotis cornu cōtra uenena* 387.34. ubi reperiatur *ibid.*  
*Mons Cenisus* 297.20. Genebra 297.26. dolorisus 110.10. Iouis 297.10.  
*Mons supra Bellizzonam cadens Lacum efficit* 201.43.  
*Montecarlum* 59.31.  
*Monteleo captum & direptum* 122.32.  
*Monticellus Crustumini agri* 158.26.  
*Montedolius contra fidem Gallos trucidat* 100.16.  
*Mora fluuius* 168.46.  
*Moratchamus in Arabiam fugit.* 239.46.  
*Morbus Gallicus cuius seuitie principio fuerit* 193.30.  
*Morbum Gallicum quis in Italiam intulerit* 139.25.  
*Mordanum castellum oppugnatur* 36.40. crudeliter expugnatur 37.3.  
*Morus pro Maximil.Sfortia ad Pōiū.* 160.34.  
*Mortaria quæ* 90.40.  
*Mortis horrendum spectaculum* 226.17.  
*Mos in morte Imp. Turcarum* 250.25.  
*Moscu annis* 227.33. 284.47.  
*Moscouia quibus abundet* 227.24.  
*Mosca urbs regia* 227.34.  
*Moscouia ad Austrum quibus terminetur prouincijs* 228.34. à 10. uio descripta 230.4.  
*Moscouie Imperium* 4.4.  
*Moscouita Smolenchum proditione caput* 230.28.  
*Moscouita ubi siti* 227.19. ab A= quilone ultimi mortalium 228.16. hostium contemptores 231.40. à Polonis fugiunt 233.44. cum quibus bella gerant 4.8.  
*Moscorum religio* 4.6. 229.43. diuitiæ 227.23. equitatus 229.45.  
*Moscorum & Polonorum acierum dispositio* 231.15. pugna 232.40.  
*Motus aduersus Gallos* 56. per totum  
*Mottinus Maximilianum Sfortiam seruauit* 169.6. tormento discerptus 170.24.  
*Mottini de augurio sententia* 168.12. consilium 169.6.  
*Mozambicum litus* 386.1.  
*Muleasses rex Tunetanus Iouio quid enarrauerit* 382.30.  
*Mulieres Persæ intactæ à Turcis dimittuntur* 276.18.  
*Munitiones castrorum antiquorum ligurum* 23.14.  
*Mutpharchæ* 287.18.  
*Mustaphas unde ortus* 252. ij. Bellerbechus natione Vngarus 357.23. fugatur cum Imbracorbassa *ibid.*  
*Pannonius Baiazetis gener* 378.2. pontem regij operis ubi construxit 378. *ibid.* Bassauis 252.8.  
*Selymo fauet. ib. astuta oratio ad Baiazetem.* 259.32. Baiazeti Selymum principem acclamatum renuntiat 263.4. Amuratem & Aladinū monet patrui insidias ut caueant 265.10. unde detectus monuisse iuuenes ut fugam capefferent 265.28. quare occisus & in publicum cadauer proiectum 265.27. plenam uictoriam Memphi reportat 373.39.  
*Mustaphæ in pugna ardor.* 367.20.  
*Mutius Columna sauciatur* 150.8. Heluetios prudenter monet 309.37.
- ## N
- Namursus in pugna cadit* 155.35.  
*Narcissus Etruscus cuniculorum artifex* 92.27.  
*Natura humane uicissitudo* 11.  
*Naualis pugna* 174.20. horrenda  
*Nauarrus in oppug. arcis Med.* ictus 320.4. castris sup= cilis spoliatus assugit 325.21.  
*Nauarri arcis Mediolani oppugna* 319.15.  
*Nauus Abyssinorum rex* 318.  
*Nauis casus memoratu dignus* 217.26.  
*Nauigium noua forma constructum cur* 191.  
*Naufragium* 140.  
*Neapol. regnum quibus delibaturum.* 5.25. eius limites inter Hispanum & Galli partem 152.7.  
*Neapolitano regno qui à Gallo propofiti* 51.  
*Neapolitani proceres Ferdinando rant* 50.4. rege præfente bulum eius diripiunt 52.21. mores Gallorum fastidiunt 79.21.  
*Neapolitanorum mobilitas* 79.21. ad Aragonios cur denno inclinat 79.27.  
*Neptunium frustra oppugnat* 47.16.  
*Nicolaus Annonius Epiratorum dux* 64.35. equitum dux 149. occiditur *ibid.* 49.  
*Nicolaus Martianus interficitur* 144.16.  
*Nicolaus Vendraminus* 266.4.  
*Nicolaus Scotus* 215.47. cio affectus  
*Niger annis hodie Gambra* 382.4.  
*Nigra legio à quo instituta* 295.4.  
*Nilus abyssina lingua Sapha ubi nauigetur tuto.* 389.3. Abbahuis dictus  
*Nili fontes* 387.17. 388.1. 26. lus amplissima 388.8. progressus *ibidem* incrementum 388.24. ostia 389.21. de Nili incremento præfagus 389.40.  
*Nobilitas Vngariæ aduersus Crucegnatos* 223.79.  
*Nobilium Vngarorum uictoria contra Crucesignatos* 224.14.  
*Nodrosium ultimum promontorium Moscouitarum* 228.20.  
*Nogardia urbs Aquilonis imperiorum* 228.17.  
*Noruegia ubi sita* 4.15. 228.22.  
*Nouaria à Gallis quorum ope capta.* 62.40. Francisco Regi dedita 303.81.



# I N D E X.

*Nouarie* *dux Gallis dedita* 63.  
*20. menia quassantur*  
*165.1.*  
*Nouariensis obsidio* 93.2. *4.*  
*ceruina ibidem. & deinceps.*  
*Nouum Iesu Christi Testamentum in*  
*Abyssina lingua* 385.18.  
*Nox insomnis Pisanis* 105.45.  
*Naple regie Lutetiae Celebratae*  
*189.40.*  
*Nysitica insula* 86.40.  
  
*O* *Berius Rossettus* 139.3.  
*Obignini consilium* 83.40.  
*postulatio in inertia* 85.26.  
*Obsidio Nouariensis* 93.2.  
*& deinceps acerrima Cremenensis*  
*207.10.*  
*Obsides pacis dati utrinque* 137.1.  
*Ocellus uetus* 284.47.  
*Ocellum oppidum* 297.10.  
*Ocellus libri Epitome* 154.25.  
*Ocellianus Columna interficitur*  
*135.10.*  
*Ocellianus Fregosius uir prestans*  
*173.20. princeps Genuae ap-*  
*pellatus* 173.43. *cur cum*  
*Gallis foedus inierit* 292.10.  
*quib. conditionibus ibidem.*  
*11. pontificem ludificat ibid.*  
*20.*  
*Ocellorum hodie Mauritij oppidum*  
*197.8.*  
*Ocellus flumen ubi exoneret* 4.2.  
*129. ij.*  
*Ocellum castellum* 276.16.  
*Ocellum in nobiles pannonicos*  
*222.14. in Selymum ex occi-*  
*sione principum uirorum* 392.12.  
*Ocellus cause in regem Alphonsum*  
*48.25.*  
*Ocellus Surrei mors fortuita*  
*174.25.*  
*Ocellus & Medea insula* 285.22.  
*Ocellus* 287.17.  
*Ocellum annis* 337.2.  
*Ocellum mons* 245.9.  
*Ocellum aduersus Gallos* 168.7.  
*in Castris Scotorum* 182.43.  
*Ocellum Catia Nauarriensis* 62.19.  
*uindicat iniurias* *ibid.*  
*Oppida magne Graeciae* 132.46.  
*& 133.1. a Consulio capta.*  
*ibidem.*  
*Oppidanorum Portus Veneris industria*  
*25.40.*  
*Oppugnatione & expugnatione prima*

*Gallorum* 50.20.  
*Orbis quies* 1.9.  
*Orphanes Othomannus cum Techele*  
*confligit & fugit* 242.5.  
*Oriens & Septentrio anno 1514. bel-*  
*lo flagrant* 220.40.  
*Oriens reges praecipui & clari*  
*2.10.*  
*Oriens opes ubi mittantur*  
*285.6.*  
*Orinianum Coleoneorum castellum*  
*205.25.*  
*Oriens annis hodie Farfar* 252.9.  
*Orpha quae & Dara* 283.15.  
*341.37. quibusdam Edeffa*  
*ibidem.*  
*Osophum oppidum* 208.6.  
*Osophi uectigal cur Sauornianis ces-*  
*serit* 206.17.  
*Ostia a Petiliano capta* 23.36.  
*Othomanorum domus orbis totius*  
*clariss.* 247.10. *robur*  
*praecipuum* 286.31.  
*Othomanici principatus militiae descri-*  
*ptionem cur Iouius faciat*  
*285.39.*  
*Oxum flu.* 268.32. 284.5.

## P

*P* *Ax quo anno nostra aetate maxime*  
*floruerit* 2.5.  
*Pax dicta inter regem Galliae & Ludo-*  
*uicum Sfortiam* 99.3. *eius*  
*conditiones* *ibid.* *quibus*  
*conditionibus dicta inter Ferdinan-*  
*dum & Galles* 114.40.  
*tractatur inter Gallos milites &*  
*Ferdinandum regem Arag.* 136.1.  
*inter Pontificem & Vrsinos dicta*  
*150.18. quibus conditionibus*  
*dicta inter Gallum & foederatos*  
*318.1.*  
*Pacis leges* 43.1.  
*Pacis constituendae inter Gallos & Ita-*  
*los difficultates* 98.30. *in-*  
*ter Gallos milites & regem Neapol.*  
*136.10. 40. ad Diuionem*  
*189.19. iniquae* 189.8. *de*  
*Pace colloquiū inter armatos pro-*  
*ceres* 98.3. *de Pace agitur*  
*inter Ferdinandum regem & Gallos*  
*114.10. & deinceps*  
*Paces quae durare non solent* 42.46.  
*Palaia Florentinis dedita* 100.30.  
*Palindromum promontorium* 381.12.  
*Palmae capi Marcelli & Annibalis pu-*  
*gna clari* 118.17.  
*Pandonij legati fides & diligentia*  
*19.16.*  
*Pandolphus Petrucci uir sagax, temp.*  
*occupat* 6.28.

*Panni serici unde in Moscouiam per-*  
*ueniunt* 227.28.  
*Pannonici regni Status* 221.20.  
*Pantherae* 387.24.  
*Pardales monetae genus* 386.40.  
*Parthenius amnis* 267.9.  
*Parthi ubi siti* 283.40.  
*Parthorum regna* 283.14.  
*Patauium repetit bello Maximilianus*  
*158.8.*  
*Patriarcha Abyssinorum, eius sedes &*  
*studia* 386.43. *reddi-*  
*tus* 387.8.  
*Paulus Fregosius Cardinalis* 24.16.  
*Paulus Capellius Venetus* 123.24.  
*Paulus Vitellius a duce Mantuano ser-*  
*uatus* 138.5. *Vitellius Pia-*  
*sas pro Florentinis oppugnat*  
*153.12. inuidia & calumni*  
*capitur & occiditur a Senatu Flo-*  
*rentino* *ibid.*  
*Paulus Nouius Genuensis capite trun-*  
*catus* 156.45.  
*Paulus Baleonus Aleniacum capite*  
*173.14. Romam accersitur,*  
*a Pontifice* 201.40.  
*Pauli Vitellij Stratagema* 79.2.  
*ausus* 105.17. *uirius*  
*151.4.*  
*Paulus mons perforatus* 116.  
*46. & 117.44.*  
*Pauor Mediolani* 339.33.  
*Pecoris maioris & minoris summa*  
*12.7. 42.*  
*Pecunia Turcae ad Pontificem missam*  
*& intercepta* 44.36.  
*Pedeporcus mons* 299.10.  
*Pedites Hispani & Itali meliores facti*  
*85.44.*  
*Peditum quis in Italia restituit*  
*48.11.*  
*Perfidorum hominum consuetudo*  
*254.20.*  
*Permutatio personarum notanda*  
*201.30.*  
*Periardus mons* 271.40.  
*Perse callidi* 273.36. *Tur-*  
*cas contemnunt* 274.22.  
*uxores amant* 279.10.  
*uxoribus addicti* 393.10.  
*quo itinere in Comagenem erum-*  
*pant* 283.8.  
*Persarum alacritas aduersus Turcas*  
*273.2. equitatus* 274.15.  
*arma* *ibid.* 280.14. *&*  
*24. reges cur erario non stu-*  
*deant* 281.3. *arma*  
*280.25.*  
*Perusini equitis facinus* 134.3.  
*Persianorum fines* 282.28.  
*Persici fines Imperij describuntur a*  
*folio* 282. usque ad 283.35.



# INDEX

- Persida** 354.3.  
**Persinus** Gallus uictoriam de Arago-  
 nijs reportat 113.1. sed  
 uti ea nesciuit ibidem.  
 à Neapoli discedit 117.40.  
 comineatunt hostibus relinquit  
 118.2.  
**Persui** oblique artes 130.14.  
 ad milites consolatio 135.40.  
 ad Ferdinandum regem de pace uer-  
 ba 136.7.  
**Pestus** urbs Pannonia 222.27.  
**Pestis** terramotum sequitur  
 247.15. Constantinopoli  
 268.26.  
**Petilianus** natura cantus dux 29.36.  
 custodie traditus à Gallis 54.  
 35. ut inuenerit Italorum partes  
 ad Tarum 72.33. Ve-  
 netorum dux declaratus 94.  
 36. Constantinus  
 158.10.  
**Petracallum** direptum 127.18.  
**Petrasanta** Luccensibus uendita  
 108.3.  
**Petrasanta** naves 31.30.  
**Petrus** Medices remp. Florentinam ad-  
 ministrat. 6.29. ad Ca-  
 rolum in Castra uenit 31.35.  
 que pacta cum rege fecerit ibid.  
 in gratiam regis recipitur 32.1.  
 munitiones Florentinorum regi tra-  
 dit 32.3. Florentiam cur  
 renocatus 32.10. Flo-  
 rentia fugit cum fratribus 33.1.  
**Petrus** Rohanius Marechalchus  
 15.10.  
**Petrus** Borbonius 15.14.  
**Petrus** Dodus Venetus 69.20.  
**Petrus** Bembus interficitur ad Mono-  
 polim 80.35.  
**Petrus** Zenus Venetus 241.40.  
**Petrus** Nanius ex gregario milite  
 dux factus 157.34. Ora-  
 num occupat ibid. Bu-  
 ziam capis, Tripolim expugnat  
 ibidem. cladem accepit ibid.  
 40.  
**Petrus** Hetruscus operum mirabilium  
 machinator 218.35. cur  
 Gallis militat 295.7. mit-  
 titur ad arcem Mediol. oppugnan-  
 dam 317.28.  
**Petrus** Aluarez Lusitanus 384.31.  
**Petrus** Abyssinus 384.37.  
**Petri** Medicis responsio ad Regem  
 Gallic 17.33. indignum  
 facinus 22.6.  
**Petro** Medici à quibus curia prohibita  
 52.30.  
**Petri** Caponi Florentini interitus  
 144.25. libertas & audacia  
 36.20.  
**Petri** Lombardi patria 93.13.  
**Phasis** annis 185.20.  
**Phasium** Georgianorum regia  
 285.21.  
**Philetinus** 206.34.  
**Philippus** Argentonus historicus  
 15.9. legatus ad Venetos  
 17.8.  
**Philippus** Decordes 21.2. mi-  
 litia peritus 177.15.  
**Philippus** Austrius in Hispaniam na-  
 uigat 56.30. regnum dotale  
 iniit. ibid.  
**Philippus** Roscius equitum Ven. præ-  
 fectus 133.21.  
**Picci** falconium Naepoli  
 54.20.  
**Pise** in Venetorum potestate constitu-  
 ta 147.4.  
**Pisani** omnia potius malunt quam Flo-  
 rentinis parere 103.46.  
 urbem muniunt 104.20.  
 cur Gallos ciuitate donant  
 107.42. sponte Venetis se  
 dedunt 147.10.  
**Pisane** matrone ex mundo muliebri  
 pecuniam pro arce soluant  
 108.10.  
**Pisanorum** potentia 34.8. qui-  
 bus seruiert ibid.  
**Pisanorum** & Florentinorum conten-  
 tio 58.16. Legatio ad  
 Venetos & Sfortiam 102.10.  
 legati oratio in Florentinos  
 102.13. Fortuna bona  
 108.14. legationes ad princi-  
 pes 108.24. successus  
 in Florentinos 143. per  
 totum  
**Pisanis** libertas restituta 35.5.  
 auxilia promittunt contra Floren-  
 tinos 104.4. opportu-  
 ne superueniunt 106.6.  
**Piscarius** inimicum generose conser-  
 uat 200.6.  
**Piscarij** infamia &  
**Piscium** magna captura ubi  
 228.23.  
**Pisinsanctes** 206.35. capitur  
 207.7.  
**Plauti** Penulus Romæ in scena actus  
 191.42.  
**Plebs** Sacci oppidum direptum  
 194.42.  
**Polonia** quæ & Sarmatia 4.1  
 229.9. quam late pateat  
 ibid.  
**Poloni** unde dicti 228.46. ca-  
 taphraçis pugnant 229.35.  
**Polonorum** lingua 229.47. reli-  
 gio 229.43.  
**Polonorum** & Mosconitarum exen-  
 tus 231.1.  
**Polonorum** & Moschi actuum diffi-  
 sitio 232.1.  
**Polonorum** & Moscorum pugna  
 232.40. uictoria ad Bori-  
 sthenem. 233.30. prædæ  
 Mocouitis 233.4.  
 ex Polonis in pugna qui potius  
 233.40.  
**Pomelida** 44.1.  
**Pomelianum** 118.6. expugnatum  
 à Gallis ibid.  
**Pons** Capellesius 19.1.  
**Pontes** acum oppugnatum & delatum  
 100.4.  
**Pontifex** Ferdinandum Romanum ad-  
 dat, rogat 40.27. Vi-  
 norum oppida occupat 47.  
 reges omnes aduersus Gallum  
 citat 113.1.  
**Pontificis** Romani artes 212.1.  
**Pontificis** & Cæs. contraria sen-  
 tentia de Mediolanensi præcipua  
 339.21.  
**Pontificum** Rom. ditio 59.  
**Pontifices** alere discordias Romanorum  
 solitos 8.1.  
**Pontremium** oppidum 318.1.  
 Germanis incensum 64.16.  
**Pontum** hodie Zabacca 187.22.  
**Populi** qui ad Aragoniam fidem tra-  
 runt 127.35. quæ  
 qua & morib. ferè consentiant  
 229.31.  
**Populorum** natura insida & mobili  
 37.44. mos & inconsonantia  
 81.24.  
**Porte** Cassie ab Alexandro adposi-  
 ta 283.14.  
**Portus** Veneris 24.40.  
 eius descriptio ibidem. op-  
 pugnat ab Aragonijs, frustra  
 25.24.  
**Portus** Erycis 24.40.  
**Portus** Icius olim, hodie Calce  
 175.1.  
**Portum** nouum capitur à Venetijs  
 208.39.  
**Portugallie** rex 117.  
**Praxium** promontorium 280.37.  
**Præcopite** 228.15.  
**Præda** ex Gallis ad Tarum quibus  
 cesserit 74.15. quibus  
 fuerit ibidem. ex  
 uali pugna 78.10. cu-  
 pta in castris Persarum à Turcis  
 276.15.  
**Præfectura** apud Turcas quibus deditur  
 286.20.  
**Prælium** atrox Neapoli 81.7.  
 tumultuatum 118.22. propriè



# I N D E X.

propè Atellam 1. & 10.  
 atrox inter Gallos & Helue-  
 tios ad Nouariam 196.20.  
 inter Persas & Turcas 274.  
 40. inter Selynum & Cam-  
 psonem Sulthanum 357.13.  
 inter Gazellem & Symambassam  
 361.22. inter Tomunbeium &  
 Selynum 366.6. inter  
 Turcas & Mamaluchos nocte di-  
 ruptum 367.46. atrox  
 in Memphi 372.42. ad  
 pontem Nili 377.10. redin-  
 tegratum 378.10.  
 Priuatis Galli Piratæ ausus  
 174.4.  
 Prolij Brixiani Tumultus 331.16.  
 Praefectus armis petitus 331.25.  
 Pretianus rex Aethiopum 381.35.  
 Pretianus ubi habitat 383.19.  
 Pretianis imperia ubi sita 383.  
 11. regna quadraginta 383.13.  
 nomen Belgiam quid significet  
 385.1.  
 Prioriani Genueses 27.12.  
 Priorianorum Turcarum alacritas  
 353.41.  
 Principum cogitationes aduersus Gallos  
 uictores 55.36.  
 Principum italicorum foedus contra  
 Gallum uictorem 56.28. indi-  
 gnatio in Heluetios 189.44. &  
 190.1.  
 Principum & Heluetiorum in Gallum  
 conspiratio 326.36.  
 Proceres qui bello Neapolitano assen-  
 serunt 15.15. & deinceps  
 Proceres Pannonie auaritie studentes  
 221.30.  
 Prodigia in expugnatione arcis  
 Mediol. 320.29.  
 Promontorium Mosconitarum ultimum,  
 Nodrosium dicitur 228.20.  
 Prosper Columna & Ascanius in  
 carcerem coniecti 24.2. bel-  
 lum Neapoli pro Aragonijs gerit  
 92.10. natura cunctator 193.  
 44. sententiam Cardonij im-  
 probat 194.1. à Gallis deditio-  
 ne capitur 300.12. quo casu  
 suam dignitatem maculauit  
 300.32. carcere liberatur  
 326.30.  
 Prosperi Columnæ sententia contra  
 omnes 115.22. saluberrima  
 ibid. & deinceps saluberrimum  
 consilium 116.10. 20. pruden-  
 tia militaris cognita 197.47.  
 eius apud exercitum opinio 198.  
 10. in recipiendo deditio Ber-  
 gomo equitas & bonitas 216.18.  
 Præleni & Lihones 228.46.

Pugna inter Sfortianos & Arago-  
 nios fortuita 27.1. in-  
 ter Gallos & Italos ad Tarum  
 71. per totum. Tarrensis memo-  
 rabilis 73.12. inter Adur-  
 nios & Gallos pro Fregosij  
 77.40. inter Anglos & Gallos  
 177.40. ad Semenariam  
 85.4. Neapoli inter Gallos  
 & Aragonios 89.40. 90.10.  
 ad muros Pisanos 104.40.  
 intra urbem 105.7. inter Gal-  
 los & Aragonios ad Atellam  
 135.2. inter Vrsinos & Pon-  
 tificios 149.20. & 40. ad  
 Surianum quando accidit 150.  
 23. Consalui cum Gallis ad Ge-  
 rionem 155.35. ad Ghin-  
 gatam cur insignis 178.12.  
 ingens 186.1. inter Venetos  
 & Hispanos ad Vincentiam  
 199.12. ad Bergomum 203.1.  
 ad Portum nouum 208.20. le-  
 uis ad Veronam 215.16. inter  
 Gallos & Aragonios 112.20.  
 inter Crucesignatos & Vayu-  
 dam 225.45. inter Hysma-  
 elem & Aluantem reges Persa-  
 rum 238.35. Techellis cum  
 Turcis 242.40. inter Ba-  
 iazetem & Selynum filium 15.  
 254.40. inter Achomatem & Se-  
 lymum 267.45. ad Coim  
 quo die contigerit 276.20. in-  
 gens inter Gallos & Heluetios  
 310.20. ab Heluetijs restaurata  
 314.4. tripartito inuadunt  
 314. ibid. ad Vallegium  
 inter Caesarem & Venetos  
 334.1. seuissima 336.  
 40. inter Selynum & Ala-  
 dulum 345.10. ad Hierapo-  
 lim quando contigit 358.30.  
 in inter Arabes & Turcas 362.22.  
 acerrima 373.1.  
 Pugna occasio cur neglecta 29.  
 30. & 30.7. locus ad Tarum  
 71.1.  
 Pugna quantus tumultus 366.38.  
 Pugna leues apud Brixiam in obsi-  
 dione 333.1. de pugna ad  
 Hierapolim & iudicium auctoris  
 358.32.  
 Pugnandi copia à Venetis facta ad Ta-  
 rum 70.35.  
 Pugnandi alacritas Italarum ad Tarum  
 70.1.  
 Pugnatum ut sit tormentis utrinque Nea-  
 poli 91.1. & deinceps  
 Pugnatum 7. horis continenter ad  
 Mediolanum 311.45.  
 Pugnatum quo die ad Memphim

368.6. in Memphiticis dies an-  
 cipiti Marti 373.23. & ter-  
 tia pugna redintegrata ibid.  
 Pylus olim, hodie Nauarrinum dictum  
 154.44.  
 Pyramides Aegiptie 378.46.  
 Pyrrus. Martianus capitur  
 143.41.

Q.

Q Væ una die diuersis in locis acci-  
 derint 72.20.

R

R Ama urbs 362.18. &  
 363.6.  
 Ranuccius Farnesius 69.30. inter-  
 ficitur 71.36.  
 Ranucius Martianus inuidia flagrat  
 in Paulum Vitellium 133.22.  
 captus à Gallis 155.19. mori-  
 tur ueneno & cur ibid.  
 Rapallum oppidum 26.5. oc-  
 cupatur ab Aragonijs ibid.  
 Rapollanæ aquæ 121.26.  
 Rassignum 59.40.  
 Russia Alba quæ dicta 228.38.  
 Russiae duæ 228.35.  
 Rayfalomon 376.15.  
 Rex Tunetanus 3.15.  
 Rex Gallie Vrsinos & Vitellios con-  
 solatur 142.25. exercitum  
 lustrat 301.19. Prospe-  
 rum captiuum solatur 301.20.  
 Regis & pontificis colloquium  
 226.15. pastorum conditiones  
 326.21.  
 Regis duæ factiones in Persia unde  
 235.36.  
 Reges qui Ionij tempore claruerint  
 1.23.  
 Reges Gallie ut heredes sint regni  
 Neapolitani 15.28.  
 Reges Hysmaeli ac Selymo æque in-  
 tenti 271.20. de imperio dimi-  
 catari 176.30.  
 Regum arma aduersus Pontifices  
 40.20.  
 Regum oculis diuinam inesse uim  
 52.42.  
 Regum historia apud Abyssinos scri-  
 bitur 385.13.  
 Regum Abyssinorum mores & au-  
 la 385.20. arma & exercitia  
 uxores, prelia ibid.  
 Regnandi causa neque pietate, ne-  
 que uerecundia reges permoneri  
 119.46.  
 Religionis perturbata similitudo 278.  
 12. ad Religionem nouam Mahumetanam

B 3



# INDEX.

- que' populos incitarent 240.15.  
 Religio num mutationes Iouius in Sy-  
 dera refert 237.25.  
 Rentius Ceres uir fortis 203.40. Ber-  
 gomo iterum positur 215.5.  
 Rentij Ceritis constantia 215.37.  
 obseſi egregium facinus 112.36.  
 ad Cremam uictoria 113.22. ad  
 Bergomates concio 215.24.  
 Reuderſius inſignis centurio 59.14.  
 Rha flu. noſtris Volga dictū 284.16.  
 Rhauenna magna clade affecta  
 159.18.  
 Rheni annis origo 269.40.  
 Rhodani fontes 297.16.  
 Ricianus dux Germanus 208.30.  
 Ricinius Aſulanus uir fortis & uigilās  
 Caeſ. reſiſtit 337.24.  
 Ripa candida ubi ſita 132.28. op=  
 pugnata 134.28. & capta ib.  
 Roberius Sedanius 294.42.  
 Roberti Sedaniſ forte factum 170.34.  
 Robineitus Erumeſella 68.41.  
 Roccamdulphus ad Veronam cum ſub-  
 ſidio 403.35.  
 Rodericus Daualus Caietanis adefſt  
 81.40.  
 Rodigium à Liuiano capitū 214.44.  
 Rodulphus Gonzaga 69.30. 70.19.  
 moritur 71.36.  
 Rodulphus longus Rhetus cadit  
 315.39.  
 Rom. Populus in partes diuiſus 5.43.  
 Romana plebs turbulenta 42.25.  
 Romani procere 6.1.  
 Romani natura turbidi & docoris au-  
 di 2 68.  
 Romani oratores ad Carolum VIII.  
 40.34.  
 Romani pontificis authoritas opinio-  
 ne hominum conſtat 45.40.  
 Ronſa & Anglardus Tigurini deligun-  
 tur duces 302.29.  
 Roſſetius Tiſernus captus 149.29.  
 Roſtius cum 20. chortib. pro Medio-  
 lani duce ſuperuenit 304.30.  
 Imperator declaratur ibid. pecu-  
 niam ui ablatam Gābaro reddit ib.  
 40.  
 Roxolanorum religio 229.43.  
 Rubo annis 230.9.  
 Rumor de Caeſare 336.21.  
 S  
 Abellij 5.44.  
 Sacellum ueuſtiſſimum Venetijs di-  
 ui Iacobi 203.12.  
 Sacramorus Vicecomes maiorum obli-  
 tus 163.34. noui Catilinæ no-  
 men adeptus ibid. perfidus 164.  
 Sacramori à ſfortia deſectio 164.24.  
 eius ad milites & populum oratio  
 ib. 30. ad Venetos conſugit 172.24.  
 Saeuitum Memphi 374.20.  
 Sagittarij optimi 281.40.  
 Saladinus Sarraconis filius 350.8.  
 Salernitanus Centurio 27.26.  
 Salernitanus inſidos Aragonios affir-  
 mat 119. Aragonijs inſenſus  
 319.26. Gallos ad renouandum bel-  
 lum accendit 119.6. gallitæ factio-  
 nis 138.37. à Federico rege ex-  
 pellitur ibid. Senogallie moritur  
 ibid.  
 Salernitani erga Gallos fides & con-  
 ſtantia 119.21.  
 Salsæ antiquitus Salsulæ 140.14.  
 Salsule propugnaculum potius quàm  
 oppidum 140.15.  
 Salsubium olim, hodie Caſtrocarium  
 37.37.  
 Samandria, quā Scenderouium dicunt  
 249.15. Meſſie & Thracie pro-  
 pugnaculum 346.33.  
 Samarcanda 284.10.  
 S. Ioan. oppidum in Arpinate à Gallis  
 direptum & incenſum 50.22.  
 Sangarium flu. 242.17.  
 Sanzachi 286.45.  
 Sapha urbs regia in Parthia 283.43.  
 Sapi annis 29.18.  
 Sapientie portus 152.31.  
 Sarmatarum uictorie 229.20.  
 Sarraco 350.3.  
 Sauus flu. ubi 222.14.  
 Sauonæ regum Gallie & Hiſpaniarum  
 congreſſus 156.43.  
 Saxouaroglis Aladuli emulus & con-  
 ſanguineus 346.3. Aladuli pro-  
 ditor 18. in amicitiam Selymi ala-  
 lectus 346.14. ab Aladulo de-  
 ſicit ibid. regno Aladuli præſectus  
 346.27.  
 Schaffuſiani milites qui pereunt in uil-  
 la 315.21.  
 Scapha quæ antiquitus Suſa 239.28.  
 Scanderbaſſa in Venetos populabun-  
 dus irrupit 152.42.  
 Scaramuccia Vicecomes 76.43.  
 Sceuæ regnum nobiliſſimum 383.17.  
 ubi ſitum ib. 25. fertile ib.  
 Sceuæ regni, fruſtum & hominum lu-  
 culenta deſcriptio 383.40.  
 Sceuani inter Abyſſinos præſantiſſimi  
 383.41. eorum res publica ibid.  
 polita, religio 384.1. pœnæ in  
 religionem peccantes 384.10.  
 & in leges ibid.  
 Scolia quæ dicatur 18. urbibus inſre-  
 quens ib. 28. Anglia tertia parte  
 minor 180.26.  
 Scotus in Anglum bellum indicit  
 180.16.  
 Scotus Gallo beneficijs obſtrictus 178.  
 47. Anglo natura inſenſus 179.2.  
 Angliam inuadere decreuit ibid.  
 Scoti in Anglum querela 178.30. &  
 literæ ibid.  
 Scoti Angliam inuadunt 181.24. &  
 cendunt ib. ad octo milia ceſſi  
 Anglis 182.2.  
 Scotorum rex Norbanum in Angliam  
 pit & deſtruit 181.27.  
 Scotorum caſtra 182.10. regiſtrum  
 ſio ad Araldum 182.21.  
 Scotorum regum ſatum 186.39.  
 Scuttaris, olim Chalcedo ſus  
 256.19.  
 Scyras clariſ. urbs inter Orientales  
 239.22. Perſie regia 281.35. &  
 tiquitus Cyropolim 281.35.  
 Scytharum arma quando clariſſima  
 138. imperatores plures 112.2.  
 Sebaſta hodie Suis dicitur 289.10.  
 Seditio militaris Genue 183.30. &  
 ti cauſa 94.38. inter Helueticos  
 303.7.  
 Sedunenſis Cardinalis ex proſcriptis  
 lorum hoſtis 161.1. tumultum  
 git 302.24. ſollicitus  
 305.1.  
 Sedunenſes de pugna conſilium 302.2.  
 Sedunenſis Cardinalis inimici 34.20.  
 eius in eos uindicta ibid. 17.  
 Seduni ubi ſiti 197.2.  
 Sedunorum & Bernenſium contra  
 Mediol. contra Caeſ. & Carolo-  
 dunenſem. 349.12.  
 Segeſta Tiguliorum 116.  
 Selandia ubi ſita 228.28. 908.9.  
 Scadauia antiquis 228.10.  
 Selymus cum 150. milibus Adria-  
 polim accedit armatus 250.40.  
 patrem armis appetit 191.31. &  
 ponitur à Baſis Imperator 100.2.  
 Achomatem. 1259.30. & 40.  
 260.10. ſpectaculo ſi populo  
 audacia 262.20. ſupplex ad pa-  
 trem uenit 262.25. aſta deſerta  
 ſtat imperium in Achomatem  
 262.32. fratrem Chorchumila-  
 dificat ibid. Imperator exortus  
 declaratur 262.43. princeps &  
 Sulthanus acclamatur ib. 44. do-  
 natium pollicetur 263.1. publi-  
 cè Imperator acclamatur 263.27.  
 cur patrem incolumem abire non  
 permiferit 263.44. honores  
 quos mortuo patri detulerit 264.  
 7. Donatium quale militib. dedi-  
 buit 264.10. aduerſus Achoma-  
 tem proficiſcitur ibid. 14. pacem  
 cum Venetis cur facit & cum uici-  
 nis Europeis 264.26. nepotes  
 5. necari iubet ibid. 30. Ma-  
 hometem nepotem necat. ib. item  
 duos nepotes, abhorret milites cum  
 facit



# I N D E X.

ficiem. *ibid.* 43. Byzantium  
uenit 265.15. Corchutum fra-  
trem nihil molientem tollere curat  
265.30. sua spe frustratur  
*ibid.* 46. in se dicta carmina le-  
git, & lacrimauit 266.14. lite-  
ras ad fratrem datas intercipit 266.  
46. eorum scriptores necat, & fra-  
trem decipit *ibid.* 267.4. post ui-  
ctoriam 4. dies in castris manet  
368.20. minorem Asiam recupe-  
rat 268.23. iterum in Asiam  
contra Amurathem 269.14. dif-  
ficultates omnes superare constituit  
269.30. Chendenum inuidia præ-  
gratum inauditus interficit 271.  
6. cura auxius 272.15. alacri-  
tatem cur simulat *ibid.* instructa a-  
cie aduersus Sophum 273.31. ad  
milites uerba 274.23. ad Ianni-  
beros 273.20. uictor Calde-  
ranus in campis 276.30. ab Ar-  
menis discedit Sophum timens  
276.44. uix se tutatus est à 30.  
millib. Persis 277. cur longiori  
uicere redierit 277.8. fabros à  
Persis abducit *ibid.* fugiens impe-  
dimenta reliquit *ibid.* Euphratem  
ut transiit *ib.* aduersus Aladu-  
lum separat 277.45. quib. in-  
firmantes regnum seruauit & au-  
xerit 283.27. eum uictorie *ib.*  
Orientis uictor 343.20. Cia-  
mum oppidum oppugnat 343.  
40. expugnat *ibid.* in Hysma-  
nem Sophum fertur 344.5. con-  
tra Aladolum 344.15. cum A-  
ladolo pugnam inuit 345.10. Ala-  
dolum fugientem insequitur 345.  
40. Saxonaroglim corrumpit  
346.5. rebus Pannonicis occurrit  
346.30. Pannoniam populatur  
346.37. & cur *ib.* ut copias suas  
toto regno disponat 347.20.  
Campsoni Aegypto legatos mittit  
347.33. toto Orienti formidolo-  
sus 348.8. consilium mutat in-  
uadendi Persas & in Campsonem  
desertur 353.15. ad Pretorian-  
nos oratio 353.22. noctem in-  
somnem cur ducat 358.12. castra  
hostium diripit 358.20. Dama-  
scum petit 358.45. comitia in ca-  
stris habet 359.6. Synambassam  
in Iudeam præmittit & cur 359.  
24. Hierosolymam inuasisit 363.  
19. Christianis Hierosolymam  
habitantib. alimenta sex mensium  
largitur 363.30. ad conficien-  
dum Sulhanicum bellum properat  
364.9. Synambassam munerib. &  
honore uerborum suscipit 364.3.

ut ab Arabib. se & suos defendit  
364.25. in Armeniam 271.16.  
milites adhortatur 372.23. pu-  
gnans Memphim ingreditur 372.  
40. tormentis uictoriam adipisci-  
tur 357.36. tertia die de uicto-  
ria desperat 373.31. Gazal-  
lem & duces Arabes recipit stipen-  
dio 375.1. Cues quosdam cu-  
stodie tradit 375.36. ad Tomum-  
beium legatos mittit 375.40. &  
cur 376.3. & 18. in Mamalu-  
chos cur iratus 376.25. uehement  
& ferox *ibid.* in Tomumbeium ex-  
peditionem parat *ibid.* 30. ponte  
Nilum sternit *ibid.* suis in ponte  
adeft 378.12. Alexandriam ue-  
hitur 389.30. stipendia auget  
militib. 391.1. quot illustres uiros  
occiderit indicta causa 392.12. ex  
Siria constantinopolim reuersus cur  
sit 393.30.  
Selymi ingenium 247.45. eius ad  
imperium studia & artes 248.10.  
ad legatos patris responsio 248.  
45. petitio apud patrem 250.42.  
aduersus patrem acies & prælium  
254.34. equus Carabulus uoca-  
tus 255.20. de bello meditatio  
269.20. ausus 269.30. immitte  
ingenium & audax 270.30. polli-  
citationes erga reges Aladul.  
271.18. responsio ad Sophum  
273.20.  
Selymi & Sophi comparatio ab Iouio  
facta 278.6. & discordiarum  
causæ *ibid.* Antithesis 278.17.  
crudelitas 278.76. triste superci-  
lium 278.41. libido in mares  
279.15. cum uxoribus nulla fami-  
liaritas *ibid.* 25. uxores & earum  
habitatio 279.27. studia & cu-  
stodia *ibid.* studia 279.37. re-  
ligio nulla 280.1. patris Baiaze-  
tis uigilias irridet *ibid.* egregia fa-  
cta 343.10. celeritas 343.25.  
exploratores 347.4. legati ad  
campsonem uiri astuti 352.32.  
diligentia 354.1. acies contra  
Campsonem 357.9. uirtus  
357.44. animi sollicitudo 363.  
10. bona fortuna 364.20. acies  
dispositæ 366.25. pretoriano-  
rum inuictum robur 367.30.  
adepta uictoria edictum 374.12.  
legati à Mamaluchis trucidantur  
376.20. in Arabes liberalitas &  
cur 380.20. præda ex Aegypto  
389.35. artes contra Persas  
392.40.  
Selymi & Hismælis contraria ingenia  
393.20.

Selymo Damascus & maritime ciuita-  
tes deduntur 359.1. iuramen-  
tum milites dicunt 263.28. for-  
tuna semper fauit 266.37.  
Selymiani fugiunt 255.10. decepti  
caduntur 267.12. Persis equitibus  
cedunt 268.1.  
Selymianorum metus in Armenia  
272.10.  
Semenarie situs 84.40.  
Seenesium ad regem Gallie responsum  
17.43.  
Sententie gerendi belli in Venetia  
193.30.  
Septa mons 296.38.  
Seraphij monetae genus 386.40.  
Sercius annis 59.2.  
Sergianum ex Lunæ ruinis edificatū  
31.16. à Gallis Genuensibus uen-  
ditur 108.1.  
Sergianellū arx à Castruccio edificata  
31.32.  
Serici magna copia ubi 283.45.  
Serice tele mercimonia ubi 282.18.  
Seritur ter in anno ubi 383.33.  
Seruan Albanorum regio 285.15. bel-  
licosū *ibid.* 27.  
Sesithes annis 297.16.  
Sfortia dux fortissimus 11.9.  
Sfortianorum suspicio de Venetis  
97.33.  
Sfortiada prædia 62.30.  
Sicci Florentinorum ducis stratagema  
110.20. eius mors 111.4.  
Sicillum oppidum 208.19.  
Siene hodie Guaguera 308.26.  
Siliphtari 287.17.  
Simon Orlandius Pisanus 34.29. li-  
beratis assertor *ibid.*  
Simulata pefecutio Sfortianorum  
75.44.  
Singa annis 352.44.  
Smolenchum oppidum 230.6. op-  
pugnatum à Mosco. frustra *ibid.*  
15. à Vilna quantum distet 230.  
40. à Polonis frustra tentatum  
234.2.  
Sophus cur occasionem in Selymum ex-  
pediendi omiserit 393.1.  
Sophi exercitus ex quibus constet  
393.5.  
Spachi 287.14.  
Spectaculum miserabile pecorum &  
pastorum 127.45.  
Spedia oppidum 25.4.  
Spluga mons 296.38.  
Sponsalia inter reges Vilne  
329.28.  
Stephanus Belcarius cubicularius  
15.1.  
Strages in Florentinos edita  
101.2.



# I N D E X.

Strages à fracto lacu	320.40.	Tartari Schylæ	227.40.	equi-	Temesa flu.	224.19.
Suassia urbs Sebastæ fuit	353.18.	tandi peritiss.	227.44.		Temesuar oppidum	224.19.
sita	ibid.	quos deos colant	228.1.		oppugnatur	ibid.
Subasi	286.45.	ad Cappadociam	350.15.		Thabeles	ibid.
Suburbia Mediolani cur comburantur		captiui à Baiazete trucidatis	255.25.		Theodorus Frusinius equitum dux	143.18.
à Borbonio	338.2.				Theodorus Triunivus Veneto eximius	394.3.
Succarus Hedunus captus in honore habetur	21.10.	Tartari & Scythæ qui in Syriam penetrarunt	285.12.	equi-	tui præfectus	394.3.
Suetia ubi sita	4.10. 228.12.	tes Nilum tranant	377.30.		genium	ibid. à rege datus
Suezæ portus	376.9.	Tartarorum ingentia agmina	284.17.			12.
Arfinoes	380.30.	mores & uictus	284.21.		Theodoranum à Luciano direptum	39.5.
Sulthania, quæ olim Tigranocerta	239.30. 282.12.	Tarus flumen.	65.20.		Thomas Firmanus	270.
certæ ruinis crevit	ibid. 16.	Taurus mons, ubi Amani nomen assumat	35.4.		Thomas Chardinalis Strigoniensis	221.16.
Sulthani Aegypti regnum ad heredes non transmittit	349.12.	Taurisium Persarum regia	237.12. 276.33.		Thomas Caraffa uir in bellis seculis	123.19.
Sulthani imperium	2.23.	Taurisium Ptolomæo Terua	276.35.		Thomas Fabronius Pistoriensis	137.2.
Sulthianorum ueterum mos	355.39.	urbis Armeniæ regia	282.6.		Thomas Hanardus Anglus	227.9.
Sumachis olim Samala	283.22.	ibid. uel Susa	ibid.		Thomas Chardinalis Strigoniensis	227.9.
Suplicium quale sumptum de deditiis	224.10.	Hebreis	ibid.		Thorius portus	39.19.
Surianum oppidum & eius situs	149.1.	Techellis nouus propheta & imperator	234.25.		Ticinum, hodie Papiæ	30.41.
Surreius Anglorum nobilissimus	181.40.	gine	234.29.		Tifernatum milites	14.19.
Surreij ad Scotorum regem legatio	182.13.	lis discipulus	235.49.		Tigres	367.22.
consilium de ineunda pugna	183.	Cuselbas cognomento	ibid.		Tiliauentum flu.	10.12.
& oratio ad milites	ibid.	Sedem ubi posuerit	236.2.		Timinum oppidum Croatiae in mari	22.19.
ibid.		Turcorum fines armatus inuadit.	240.10.		infestatus	22.19.
Susa, quæ olim Sebsum	297.25.	caoniam	242.2.		Timarriotæ equites Turci	286.29.
Sylvius Sabellus	204.22.	cum Bel-lerbeco Asiatico pugnam init	242.35.		Tomisbeius Circassus Aegypti Sacerdos	359.38.
Sinambassa pugnam restituit	357.32.	Cutheiam cur op=	243.22.		nus eligitur	359.38.
Synambassa contra Gazellem tendit	360.44.	pugnat	40.		ma parat	359.38.
uictoria potitur aduersus Gazellem	361.41.	ex heremita im=	244.10.		nos in Selymum concitat	46.
Gazenses defectionis authores necat	363.46.	perator factus	244.10.		receptui primus cen=	367.44.
in pugna cadit	367.10.	cum Turcis equitibus iterum pugnat	245.15.		fractus bellum	358.35.
Synambassæ castra apud Gazam	360.12.	Techellis uita diuina	236.7.		staurat	358.35.
periticia militaris	360.13.	quibus agnitus	ibidem. 10.		bus rationibus	ibid.
prudencia	ibid.	maior homine uisus	ibidem.		rum per transfugas prodium	369.15.
certaturi ad milites oratio	361.10.	sectatores suos ut distinxit	ibid.		Memphim propugnandam ingreditur	ibid.
patria & casus	365.19.	doctrina quæ & Harduelis	ibid.		fugit	274.1.
a porca castratus	ibid.	edictum	240.27.		in Seleucia	375.14.
		ad milites oratio	242.34.		bellum reparat	375.14.
		consilium ex Asia abeundi	244.24.		Memphim uocatur	ibid.
		facinus	244.42.		fugit	378.20.
		strages & fortitudo	245.20.		capitum	ibid.
		fuga	246.37.		28. exorciatur propter The=	33.
		Tempestas feda	246.30.		sauros	ibid.
		Templum filiæ Pharaonis	371.38.		ditur ad portam	ibid.
		Tendæ colles	297.43.		quo die	ibid.
		Tergestum à Venetis expugnatum	157.6.		Tomumbeij insidiæ deteguntur	36.
		Teroanna ubi sita	175.10.		20. eius fortitudo animi	ibid.
		Anglis oppugnata	ibidem.		in prelio difficultates	365.36.
		Anglis dedita	176.20.		facinora in pugna	367.23.
		incensa	ibid.		stra	364.40.
		excisa	ibid.		& copie	ibid.
		Terralba	76.40.		eius de inuadendis Turcis consilium	369.6.
		Terra noua	267.19.		opera in ciuitate Memphi	370.2.
		Terre motus Constantinopoli	247.14.		audacia	376.33.
					eius parue copie	376.40.
					eius in Turcas adme=	377.6.
					mens impressio	377.6.
					tes in pugna	ibid.
					35. casu	confidit

## T

Tabenda quæ hodie Torcata	235.10.
Talbatius Anglus	176.20.
Tana Emporium	248.20.
Tangaribardinus Hispanus, Mahometanus factus, eius uite exitus	349.18.
Tarquemenius primus Aegypti Sulthanus	350.25.
obiruncatur	ibid.



# INDEX

considerandus 379.10.  
 eius corporis habitudo ibid.  
 379.19.  
 Tormenta Nigritarum princeps  
 386.9.  
 Tormentum Liuiani cometes dictum  
 capitur 324.40.  
 Tormenta à Gallis per Apeninnum  
 traiecit 64.20. à Ger-  
 mens capta à Venetis 209.14.  
 Sedmo victoriam pariunt 276.  
 ut per alpes transportata  
 sunt 299.1.  
 Tornacus Neruorum ciuitas 187.  
 3. deditur Anglo 187.  
 30. ad Tornacum XXX.  
 milia pugnantium 187.16.  
 Torpa hodie portus Hercules  
 31.33.  
 Traianus Pappacauda uir militaris  
 120.36.  
 Traiectus ab Scotia in Orcadas Insulas  
 180.23.  
 Tuerlanes Tartarorum rex 227.  
 44. Samarcanda ortus  
 224.12.  
 Tuerlanis egregia facta 139.  
 Tramilus 63.46. 144.  
 deus de pace confecta  
 192.44.  
 Tramilij industria ad Diuionem  
 183.4. eius ad Heluetios le-  
 gatio 183.10. pruden-  
 tia 189.34.  
 Transilvania 225.18. auri-  
 fera ibid. equorum & pe-  
 corum ferax. ibid.  
 Transfuge nulli à Sopho ad Turcas sed  
 à contra 273.38.  
 Trauconia fossa 113.1.  
 Trebantum à Liuiano defensum  
 147.34. à Pontificijs captum  
 148.11.  
 Trepidatio à Crucesignatis  
 213.13.  
 Tributa que Preicianni ab regibus sol-  
 uuntur 386.18.  
 Triulcius Pitiliani sententiæ aduer-  
 sar. 29.43. ad Gallos  
 deficit 51.33. itineris ex-  
 ercitus Gallorum dux 64.  
 26. Sfortie maxime insensus  
 141.26. noui itineris inuen-  
 torum Alpibus 298.2. ad  
 regem Gallie alloquium 298.  
 30. de oppugnanda Brixia con-  
 sultat 323.10. quam sen-  
 tentiam ipse probet ibidem.  
 28.  
 Triulcius & Nauarrus denuo Bri-  
 xiam obsident 326.40. cur  
 castra contrahit 330.10. Me-

diolani praefectus. 342.30.  
 Triulij ab Aragonijs discessus  
 51.32. de Italici milites ad Ta-  
 rum sententia 67.40. ad  
 Regem Gallorum & exercitum o-  
 ratio 66.20. responsio  
 ad Heluetios 165.40. sen-  
 tentia deponendis castris 166.  
 45. responsum ad Cas. Ma-  
 ximil. 338.20. protesta-  
 tio contra Gallos 340.33.  
 diligentia Mediolanum Gallo ser-  
 uat 340.15. & milites  
 confirmat ibid. dolus  
 in Caesarem. 341.5.  
 Triulcio unde opes. 64.30.  
 Tristanus Cuius 207.30.  
 Troglodyte 382.14.  
 Troilus Sabellus à Liuiano uulneratus  
 148.6.  
 Tuedus Fluuius 180.1.  
 Tumultus Romæ praesente Rege Gallo-  
 rum 42.24. ingens Ro-  
 me oppressus 42.35. Neapoli  
 54.1. sedatur aduentu regis  
 51.11. militaris 107.22.  
 Neapoli pro Aragonijs recipiendis  
 187.15. in Castris Venetis  
 pro scorto 404.22.  
 Tunica Christi ut ad Christianos pro-  
 uenerit 44.30.  
 Turca ab Sfortia concitatus in Venetos  
 154.20.  
 Turca Dalmatiam inuadunt 12.2.  
 Turca legatus ad Pontificem & cur  
 missus 44.35.  
 Turca quot occisi à Techellinis  
 243.12. ad Taurisum castra  
 ponunt 276.38. cur  
 insuperbiles 280.40. no-  
 biles ab Othomonicis odio habiti  
 286.1. qui sint ibidem.  
 8. à Techelle fugati 243.6.  
 ab Arabibus trucidati 362.16.  
 tormentorum libratores 366.  
 17. pugnam obtinent ad Nilum  
 377.47.  
 Turcarum imperium Baiazetis tempo-  
 re 2.12.  
 Turcarum magna moles aduersus Te-  
 chelem 244.10. cædes  
 ad 30. milia, à Persis 256.  
 23. castra male affecta in Arme-  
 nia 273.5. aduersus Sophi e-  
 quitatus 273.40. acies  
 ibid. uictoria ex excellenti pedi-  
 tatis 280.18. equitum prima  
 arma 280.25. perpetua mili-  
 tia 281.12. nobilium præ-  
 rogatiua 286.15. nullus oppida  
 possidet 286.47. & cur  
 287.4. equitum ornatus

287.30. Imperator querelas &  
 iudices audit 288.17. copia attenua-  
 ta 368.12. imperium quousque  
 in Aethiopiam extendatur 381.34.  
 Turcis qui dies grauisissimus 362.42.  
 Turcica aule epulum frugale  
 288.23.  
 Turchina ubi inueniatur 284.9.  
 Tuscanellæ à Gallis calamitas  
 58.2.  
 Tybiscus amnis 224.22.  
 Tylus fluuius Angliæ 282.7.  
 Typographi in Cantaurbe 284.36.  
 Typographia ad nos unde uenerit  
 284.40.

## V

V Alachi antiquitus Mysi 348.41.  
 Vallata cur capta & direpta  
 127.30.  
 Valdam in Umbria oppugnatum & de-  
 fensum 121.18.  
 Valentini Cardinalis fuga 47.4.  
 Vallum ab Gallis captum 171.45.  
 forma & fig. ibid.  
 Valesij ubi siti 297.4.  
 Valterius Officius Heluetius 311.41.  
 Varna Dionysopolis olim fuit  
 248.25.  
 Varus flu. 297.42.  
 Venantius Camertes captus à Gallis  
 113.12.  
 Veneris dies Turcis festus 279.19.  
 Venetia direpta 194.42.  
 Veneti homines consilio graues 4.  
 29 studia in temp. ibid. solli-  
 citati ab Aragonijs in proposito ma-  
 nent. 18.20. bellum ad a-  
 uersum Gallos decernunt 63.14.  
 ut rem auxerint 67.21.  
 Veneti senatus liberalitas in uiros for-  
 tes 75.26. post Tar-  
 rensem pugnam ad Nouariam ex-  
 pugnandam contendunt 76.12.  
 à Florentinis fusi 110.40.  
 quibus pactis Aragonium iuuant  
 123.15. copias Pisas mittunt  
 143.12. pro Pisanis aduer-  
 sus Florentinos 143.144. per  
 totum  
 Veneti & Sfortia dissident propter Pi-  
 sas 151.36. Turcarum  
 auxilia recusant 157.30.  
 Italiae decus 158.18. Germa-  
 nes ingruentes reprimunt 175.1.  
 classe aduersus Ferrariensem 158.  
 12. cum Gallo foedus reno-  
 uant 162.10. cur mea-  
 rore affecti 195.25. quod  
 Cladibus uno fere momento affecti  
 202.40. cur à Sulihano Aegypti



# INDEX

- capti 241.44. Gallum in  
 Italiani euocant 290.46.  
 & cur 291.5. cum Gal-  
 lis Brixiam oppugnant 393.40.  
 Brixiam deditione obtinent 395.  
 2. Veronam exercitum du-  
 cunt 396.5. nouo mo-  
 do Veronam obsident 404.30.  
 Veronam recipiunt 405.35.  
 ab omnibus oppugnatis victores tan-  
 dem euadunt 405.40.  
 Venetis qui paruerint 4.40.  
 Venetorum potentie Italici terrori quā  
 do fuit 5.1.  
 Venetorum in Italia prima potentia  
 5.10. responsio ad Gallos.  
 17.20. ingenia. 21.12.  
 Copie in Gallos 56.38. salu-  
 bre consilium 158.16.  
 Venetorum & Sfortianorum discordie  
 causa 144.41. impe-  
 rium inuidiosum 157.10. Classis  
 à Ferrariensi submersa 158.14.  
 Capitanei in prelio Vicentino.  
 199.18. fuga 199.44.  
 Strages 200.3. percussio  
 201.7.  
 Venetarum partium quot ceciderint  
 200.47. Studium in aduersis  
 201.15. legati in Armeniam  
 241.10. responsio ad regem Per-  
 sarum 241.18. diligen-  
 tia in custodiendis itinibus  
 330.37.  
 Venetorum & Romanorum compara-  
 tio 45.44.  
 Venetos eadē ambitionis insania labo-  
 rasse qua Ludouicus Sfortis 109.1.  
 Veneta urbs. 4.21. eius situs &  
 munitio ibid.  
 Veneta resp. quandiu floruerit  
 4.38.  
 Veneto bello quid finem imposuerit  
 405.3.  
 Verona à Venetis & Gallis oppugna-  
 ta 399.25. magnis opibus &  
 uirib. 400.3.  
 Veronensis obsidio soluitur re infecta  
 404.10.  
 Verrucula Pisana 61.6.  
 Vertius Claronens. 166.22. iu-  
 dicio cur damnatus 171.30.  
 Vetturius à Cæsarianis captus  
 209.31.  
 Vexillifer Germanus 135.24.  
 Vgo Ambrosius Classis Gallicæ præ-  
 fectus 63.45.  
 Via militaris à Gallo in Italiani  
 297.30.  
 Vicentina Turris Neapoli. 54.27.  
 Vrsini sua recipiunt 150.14.  
 Vicoricensis miserè deprecatur  
 161.30.  
 Vicopisanum & eius situs 100.35.  
 Victoria columna trima Ferdinando  
 Piscario nupta 92.20. litera-  
 rum elegantia excolta ibid.  
 Victoria Francisco Regi quantam di-  
 gnitatem attulerit 316.40. de  
 Victoria nuncius ad Henricum An-  
 glie regem 187.1.  
 Villa marinus Classis præfectus pro Ara-  
 gonis 83.32.  
 Vilna Lithuanie caput 229.2.  
 Virginis Caietæ violatæ iudiciū 82.44.  
 Virginis Vrsini ad Pontificem lega-  
 tus 20.9. Carolum VIII.  
 recipit 40.46. custodie  
 traditur 54.35. gallico sti-  
 pendio conductus 121.6. Me-  
 dies se reducturum pollicetur  
 121.16. pecunia impulsus in  
 Gallicas partes 121.42. ma-  
 gister equitum apud Aragonios  
 122.8. uates luctuosi exitus  
 130.19. 131.1. à Gallis discedere  
 conatur 132.3.  
 Virginis Vrsini contra datam fidem,  
 carcere seruatur 137.44.  
 Virginis pollicitationes ad P. Medicem.  
 122.20. Copie pro Gallo  
 122.35. sententia de bello geren-  
 do optima 124.1. & 20.  
 dotes & authoritas 150.25.  
 mors in Carcere 150.25. 4.  
 lumini 150.34. filij  
 150.37.  
 Viri bello clari capti ad Anglis 178.6.  
 Virides Insule 382.37.  
 Vistula amnis 229.15.  
 Vistula ostium 228.29.  
 Vitellij Tiferi domini. 2.42.  
 Vitellij fratres Gallis stipendio addicti  
 64.3. lacesiti ab Agrestibus  
 in Liguria 78.30. iussu re-  
 gis ad Florentinos transeunt 101.  
 25. regi se fortunæque suas com-  
 mendant 142.1.  
 Vitelliorum Studium 148.27.  
 salanx 148.30.  
 Viterbium unde edificatum 39.30.  
 Viis flumen Aquadussa hodie 159.15.  
 Vitoldus dux Lithuanie ad Chlo-  
 primum defecit 129.1.  
 Vladislaus rex Pannonie 144.  
 Item Bohemie ibid. 144.  
 thie Coruino dissimilis 121.1.  
 Vladislai socordia 121.1.  
 Vldericus Virtembergensis in uir-  
 tute ad Diuionem equitum præfectus  
 187.36. urbem oppugnat. 187.  
 & cur 187.36.  
 Vluphagi 187.36.  
 Volga amnis qui & Rha 41.  
 Volga amnis, præcis Rha. 207.14.  
 unde oriatur 184.43.  
 mare Caspium exonerat 184.43.  
 Vrbes quas Turca occupauit ex tem-  
 ta ditione 142.  
 Vrbes quæ in Partia clare & cur  
 283.40.  
 Vri cornu apud Vranieses 144.  
 cuius usus 144.  
 Vrsacus Priolus cur capite mulat  
 330.30.  
 Vrsini 5.45. regem ad bellum  
 citant 141.40. Per-  
 sicos uincunt 150. per totum  
 Vrsinorum auxilia oppugnata Per-  
 sice 148. per totum  
 149.1. cum Pontificis pro-  
 lium 149.1.  
 Vrsinorum principes 149.1.  
 Vrsina familie 149.1.  
 Vesulus Eridani pater  
 mons summus 149.1.  
 Vstaoglus Persa clariss. dux cum iu-  
 rathe 269.1. cur pre-  
 lio abstinuerit 292.45. 2.  
 pugna cadit 292.45.  
 Vssuncassanes rex Persarum legi-  
 mum regem interfecerat 235.31.  
 Vstrephus Aegypti Sulthanus Tola-  
 masiam Christianis ademit 350.19.  
 Vulnerati uiri principes in pugna  
 na 105.30.  
 Vulturis amnis 104.45.  
 Z  
 Zacharias Fregosius occisus  
 162.43.  
 Zagattai, olim Bactriani & Sogdiani  
 268.30. qui dicantur 234.  
 2. Persarum hostes cur ibid.  
 Zaphes Aethiopes 234.15.  
 FINIS.